



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





A.T.

16



V. S. B. G. R. O. T. I. I.
HVGONIS GROTTII

ANNALES

ET

HISTORIÆ DE REBUS BELGICIS



AMSTELÆDAMI;

Ex Typographejo JOANNIS BLAEV.

MDC LVIII.

*Cum Privilegio S. C. Majestatis; & Ordd. Belgicae Federationis, nec non
Holl. VVest-Enclique per annos quatuordecim,*

THE HISTORY OF THE CITY OF BOSTON

FROM THE FIRST SETTLEMENT
TO THE PRESENT TIME
BY
JOSEPH NEALE
OF THE BOSTON BAR
IN TWO VOLUMES
VOL. I.
BOSTON: PUBLISHED BY
J. NEALE, 1822.

ILLVSTRISSIMIS,
POTENTISSIMIS DOMINIS,
DOMINIS
HOLLANDIÆ
WESTFRISIÆQVE
ORDINIBVS,
CORNELIVS & PETRVS
GROTIVS S.

Inter omnia scriptionum genera principatum sibi quin vindicet Historia nemo Vestrum est, ILLVSTRISSIMI & POTENTISSIMI PROCERES, qui dubitat; nemo qui non expressas in ea suorum virtutes conspicere gaudeat; nemo qui non suas aliquando in ea prædicari ambiat. Ea profecto est, quam testem vetustatis, lucem veritatis, optimamque vitæ humanæ magistram oratorum disertissimus non immerito appellavit. Et primus quidem non sui tantum, sed omnis ævi, imperatorum, si non maiorem, æquiores certe in exprimendis gestis suis,

DEDICATIO.

suis, quam in iisdem exsequendis, sibi famam comparavit. Neque tamen plus gloriæ ex ea scriptori suo, quam fructus lectori, accedere certissimum est. Adeo ejus cognitio privato utilis, regenti prorsus est necessaria. Hac ope instructi Græci potissimum duces, mirandum, quam respondentia peritiæ suæ, quamque digna aliorum imitatione testimonia edidere: quorum secuti exempla fortissimi aliquando mortalium Romani, & ipsi omnibus populis in exemplum fuisse: donec depulsa per literas barbarie, dispersoque cum rerum notitia etiam gloriæ appetitu, nullæ pæne gentes artium pacis, nullæ bellicarum virtutum expertes mansere. Nostra certe, vel potius Vestra, ILLVSTRISSIMI PROCERES, Batavia, eo, quod septuagesimum ultra annum mira casuum varietate protraxit, bello, (nam & duodecim annorum induciæ nihil aliud quam arma in loca partim vicina, partim longinqua, transtulere) ita omnium prudenter de rebus judicantium in se vertit animos, ut diversarum

D E D I C A T I O.

rum nationum nonnulli, & quidem illustriores, Galli, Hispani, Itali, Cardinales, Duces, aliique, quorum vix inire est numerum, non contenti interfuisse, in quibusdam & præsuisse, etiam ex descriptione ejus sibi famam aucupati sint. Nec sane immerito. Quid enim mirabilius, quam populos, quorum amantem quietis & mercatus animum pleræque gentes, & maxime Hispani, in socordiae partem interpretabantur, contra potentiam illam nullis non regibus formidandam insurrexisse: libertatem vi raptam armis, foederibus, ipsorum denique hostium pactionibus sibi restituisse: quin & reddidisse bellum Hispaniæ, protulisse idem ad Indos & ad novum illum orbem, qui non nisi ad imponendam veteri servitutem detectus, & e tot seculorum caligine erutus videbatur. Et certe præliorum terrestrium artes aliunde forte discuntur melius: at pugnarum navalium, obsidionum, tutandarum urbium præcepta nullæ historiæ aut plura dederint, aut meliora. Quare nec indecoram patriæ,

DEDICATIO.

nec sibi ingloriam , nec posteritati infructuosam facturum se rem merito credidit parens noster , si quæ ipse natus in Hollandia, & in aliqua Reipublicæ parte aliquamdiu versatus , partim ex actis publicis , partim ex relatu eorum , qui coram pleraque viderant , de præcipuis hujusce belli successibus potuit cognoscere, colligeret, & in formam Annalium atque Historiarum redacta publico daret. Vt nec Vobis , POTENTISSIMI PROCERES , ingratum fore confidimus, si quod facturum fuisse ipsum, nisi obstitissent fata , authorem credibile est , nos hoc Vestris inchoatum auspiciis , Vestræ præcipua Reipublicæ decora continens opus Vestro etiam Illustrissimo nomini inscribamus. Videbitis in eo non ignotarum Vobis gentium , sed ipsorum parentum vestrorum stupendam in utroque genere pro legum & libertatis defensione virtutem, dignissimam, quæ tanto impensa bono , eodem debito constantiæ suæ pretio quam prosperrime frueretur. Videbitis fidele ubique authoris nec aut odio , aut studio

DEDICATIO.

studio corruptum iudicium, adeoque propensum in meritas Nassaviæ domus, Principisque speciatim Mautitii, laudes animum, ut facile sit eorum convincere errorem, qui falsis hæctenus imbuti opinionibus, ea, quæ contra eundem Principem sentire aliquando necesse habuit, alii quam legitimæ imputarunt causæ. Videbitis constantem ejusdem, nec temporum ullis, nec inimicorum labefactatum injuriis, sed talem ad extremum usque spiritum in patriam amorem, quali citra invidiam optari posse arbitramur, ne unquam aut libertas indigeat, aut exigat necessitas. DEVS OPTIMVS MAXIMVS, qui florentissimam hanc ex desperatissimis illis initiis formavit Rempublicam, eandem Vos, ILLVSTRISSIMI ET POTENTISSIMI PROCERES, in omni concordia & justitia tanto cum successu moderari faciat, ut non fortuiti casus prosperitatem eam, sed æquitati semper faventis divinæ benignitatis esse effectum omnes indigenæ sentiant, omnes exteri agnoscant.

A D E O S D E M
P A T R I Æ P A T R E S
C O R N E L I I & P E T R I
G R O T I I
S C A Z O N.

Avguste cœtus, gentis optima præses,
Quam liberam sui que juris assertrix
Iustitia fecit, nunc semel manumissam
Serret beatam, posterisque transmittat
Seris precamur: o Corona regnantum
Collegiumque quo potentius nulla
Adspexit ætas, post Quiritium leges
Vni subactas, consulumque vim fractam,
Recurrit ad vos, unde venerat pridem
Civisque vester, corporisque pars vestri
Dum res sinebant, inde ad ultimum vita,
Qualem hic videtis, conditor stupendorum,
Quos rettulistis non semel, triumphorum.
Hoc in theatro, lacrymabili primum,
Mox letiore, mille cernitis casus,
Artes nocendi mille. Prodeunt iræ
Infanientes, odiaque, & furens fulvi
Fames metalli, carnifexque non unus,
Laqueos & ignes, & (nefas inauditum)
Vivis parans sepulcra. Sequitur a tergo
Armata tadis ensibusque Bellona,

Vltorque

*Vltorque Mavors non deest laceſſitis.
Hinc tot repente cladibus rubent amnes,
Vaſtantur urbes ignibus, probaturque
Satis ſuperque, per pericla, per mortes,
Periculorum funerumque contemtrix
Batava conſtans & ſui tenax virtus.
Talem ſub alta fabula ferunt Oeta
Crudele virus, ſanguinemque Echidnaum,
Omnes per artus, perque corpus Alciden
Senſiſſe totum, patrio antequam cælo
Admitteretur. Per cadauera, & cedes
Itum eſt ad illud, quo ſedetis, o Patres,
Sublime culmen, conſtititque non parvo
Emerſa lacrymis luctibusque libertas.
Hæc tanta tam miranda, charta non mendax
Ferroque, & auro, & ære fortior ſervat
Perennitati. Munus hoc damus vobis
Proles ſuperſtes filiiſque ſcriptoris,
Hoc etiam habete pignus integri affectus
Verique amoris Patriæque Veſtriſque.
Et judicate cum legetis hæc, eſſe
Res tot ſtupendas ſeculis modo tali
Feciſſe primum, proximumque ſcripiſſe.*

LECTORI S.



Rodeunt tandem in lucem omnibus jam dudum ubique efflagitati Viri Illustris, Hugonis Grotii, *Analium Historiarumque de rebus Belgicis* libri ; tam sublimi atque inusitato orationis stylique cultu elaborati , cæterisque numeris omnibus absoluti, ut excellentis ingentique literarum flumine inundati viri sit , illorum incomparabilem dignitatem atque præstantiam non æmulatione , quod vix fieri potest, sed intellectu assequi. Et quanquam lubentes confiteamur, cætera quoque tot ac tanta omnigenæ eruditionis opera, quæ ab hoc inexhausto doctrinæ fonte promanarunt, qualibet laude esse majora, ac seculorum memoria dignissima, iisque jam illum jure optimo esse consecutum , ut doctorum consensu rerum divinarum atque humanarum omnium ad miraculum usque sciens, eruditionisq; princeps habeatur; hisce tamen scribendis perficiendisque libris omnes cœlestis atque immortalis ingenii sui thesauros præcipue impendisse videtur ; tanta in iis rerum actionumque arcana penetrans elucet sapientia; tam naturalis, semper & ubique sibi æqualis, sermonis pulchritudo ; tanta rerum pondera
con-

Constanter exæquans verborum majestas ;
tanta in concionibus, cum rebus , tum per-
sonis, supra quam dici potest, accommoda-
tis , eloquentia ; tam accurata denique dis-
positio. Adeo ut pronunciare haud vereamur ,
omnium non modo laudibus , qui res
Belgicas scribere sunt aggressi, eximii hujus
operis splendore tenebras obduci ; sed &
ipsos antiquorum gravissimos disertissimos-
que, quibus, tanquam Historicorum dicta-
toribus, a tot jam seculis totus eruditorum
orbis merito assurrexit , Salustios , Livios,
Tacitos, & si qui hisce annumerari meren-
tur , brevitatem , pondere , genio , flumine,
pompa , in præstantiæ vocari certamen ;
cum quæcunque in singulis optima atque
cuique propria sunt , hic beatissima divinæ
naturæ ubertate , inimitabili quodam mo-
do, in unum conjuncta conspiciantur. Istam
porro horum Annalium Historiarumque
admirabilem dignitatem vehementer quo-
que exornat illa , pluribus rerum gestarum
scriptoribus adeo sæpe falso promissa, inte-
merata prorsus auctoris ubique in narrando
fides ; quam neque abruptus religionis suæ
amor , neque tot scriptores transversos a-
gens partium studium , non metus , odium
aut gratia a vero unquam flectere potuit :
neque efficere quominus sociis , hostibus,
amicis,

amicis , inimicis nullo , discrimine habitis , unicuique pro meritis candide sua persolverentur præmia. Quicumque igitur hos libros leges, ac Populi Batavi ejusque gloriæ vere es amans , illi nobiscum gratulare , quod , sicuti omnipotentis ac supra spem ipsaque vota cœptis suis aspirantis Dei auxilio , a tam exiguis initiis , invicta semper hostibus fortitudine, ad tantam magnitudinem atque majestatem provexit rempublicam suam; ita ejusdem divinæ benignitatis inæstimabili dono incomparabilem hunc sibi genuerit civem, qui tam sublimi, ipsisque Atticis Romanisque Musis dignissimo charactere præclara incredibiliaque , pro asserenda avita libertate, domi, militiæ, terra, mari patrata sua facinora æternitati consecrarit. Nos interim neque sumptui, neque labori parcentes operam dabimus , ut omnia egregii auctoris opera, edita ineditaque undique conquesta , apte in ordinem digerantur , atque elegantibus typis descripta in manus hominum quam emendatissima perveniant. Vale.

S. CÆ-

S. CÆSAREÆ MAIESTATIS P R I V I L E G I V M.

FERDINANDVS TERTIVS *divina favente clementia,*
electus Romanorum Imperator semper Augustus, ac Germania, Hungaria,
Bohemia, Dalmatia, Croatia, Sclavenia, &c. Rex, Archidux Austria,
Dux Burgundia, Carinthia, Carniola & VVirtenberga, Comes Tyrolis, &c.
Agnoscamus & notum facimus tenore presentium Univerfis, quod cum Nobis
Noster & Sacri Imperii fidelis dilectus Petrus Grotius humillima exponi cu-
ravit, Patrem quondam suum Hugonem Grotium diversa opera tum in
Ecclesiasticis quam politicis scripsisse, partem etiam eorum in publicum dedisse,
datum etiam reliqua, nisi fata invidissent. Cum igitur ipse a compluribus
requisitus, omnia ejusdem opera, in diversos Tomos distributa, videlicet: Tomo
primo, Annotationes ad vetus Testamentum. Tomo Secundo, An-
notationes ad Novum Testamentum. Tomo tertio continente di-
versa Opuscula Theologica, ut sunt, de Veritate Religionis Chri-
stianæ. Pietas Ordinum Hollandiæ. Eorundem Ordinum Decretum
cum Notis. De satisfactione Christi, contra Socinum. Disquisitio,
an ea Dogmata sint Pelagiana, &c. De fato. De Cœna celebranda;
ubi Pastores non sunt. Notæ ad Cassandrum. Animadversiones in
animadversiones Riveti. Votum Pacis. Discussio Apologetici Ri-
veriani de pace. Notæ ad Decalogum. De Fide & Operibus. De
Anti-Christo. Appendix adversus Borbintam. Conjecturæ de Gog
& Magog. Tomo quarto Politica; Tractatus de Jure Belli & Pacis.
Apologeticus Rectorum Hollandiæ. De Imperio Summarum pote-
statum circa Sacra. Oratio super hac materia, Amstelodami habita.
Tomo quinto Iuridica; Introductio ad Iurisprudentiam Batavicam.
Florum Sparasio ad Ins Iustinianæ. De mari libero. Tractatus alii
varii. Tomo sexto Historica; Annales, & Historiæ Belli Belgici. De
antiquitate Reipubl. Bataviæ. Obsidio Grollæ. Notæ ad Proco-
pium. Disquisitio de Origine Americana. Tomo septimo Philolo-
gica; Notæ ad Martianum Capellam. Ad Arati phænomena. Ad
Lucanum. Ad Senecam Tragicum. Ad Tacitum. Tomo octavo
Poëtica; Anthologia Græcorum Epigrammatum. Excerpta ex Sto-
bæo. Excerpta ex Tragediis & Comœdiis Græcis, Tragediæ Phœ-
nissæ, Electra, & Supplices. Tomo nono Poëmata Latina tam edita
hactenus, quam nondum edita, cum Epistolis. in inferioris Germania
Provinciis sub uno typo & forma excudenda curare decreveris: Id autem cum
operis & laboris tum sumptuum, qui eo requiruntur, neque ipse nec quisvis alius
in se recepturus sis, nisi privilegio Nostro prohibitive munus, quod nemo alius
dicta opera intra quindecim annos in Sacro Romano Imperio recudere, vel alibi
excocta eodem venaliter importare debeat: Atque idcirco demisse Nos rogaris, ut
sua hac loci indeminisati privilegio Nostro Cæsareo consulo dignemur: Nos sa-
ne humillimis id genus precibus deesse nolentes, omnibus & singulis Typographis,
Bibliopolis, ac aliis quancunque librariam negotiationem exercentibus firmiter
inhibemus & vetamus, ne quis supra memorata Hugonis Grotii Opera per
quindecim annorum spacium a primæ editionis die computandum, intra Sacri
Romani

Romani Imperii, Regnorumque & Dominiorum Nostrorum hereditariorum fines simili aut alio quopiam caractere vel forma, siue in toto, siue in parte recudere, aut alii recudenda dare, vel etiam impressa adducere, vendere, distrabere aperte vel occulte contra voluntatem & consensum prelati Petri Grotii, ejusque heredum presumat. Si quis vero secus faciendo privilegium hoc Nostrum Casareum spernere, negligere, violare, aut transgredi conatus fuerit, eum non solum hujusmodi libris, perperam quippe recusis & adductis; quos quidem supradictus Petrus Grotius heredesve ipsius ubicunque deprehensos vel propria auctoritate, vel Magistratus loci illius auxilio sibi vendicare poterunt; de facto privandum, sed & poena insuper triginta marcharum auri puri Fisco Nostro Casareo fraudis vindici, & injuriam passi seu passorum usibus ex aquo pendenda, decernimus. irremissibiliter plectendum. Hac tamen lege, ne in dictis operibus aliquid bonis moribus, aut legibus Imperii contrarium aut noxium contineatur. Ac praterea declarantes, quod si quid in iisdem doctrina unius vera Salvifica Catholica Romana Religionis adversum contineatur, id nequaquam per hoc privilegium approbare, sed in hoc pacis religiosa placitis solummodo inhaerere intendamus. Dummodo etiam predictus Petrus Grotius siue ejus heredes ad minimum quaternaria dictorum Operum exemplaria, vel pretium eorundem, quod in electione Nostra erit, quamprimum suis sumptibus ad Imperialem Cancellariam Nostram ejusdem destinato Taxatori transmittunt. Quod si neglexerint, hac Nostra gratia & privilegio neutiquam gaudere poterint, sed eo statim privati, & exusi esse censeantur. Proinde mandamus Vniuersis & singulis Nostris & Sacri Imperii, Regnorumque & Dominiorum Nostrorum hereditariorum subditis & fidelibus dilectis, cujuscunque Status, gradus, conditionis, atque preeminentie existuerint, praesertim vero iis, qui in Magistratu constituti sunt, ac vel suo, vel superiorum suorum nomine & loco Iuris & iustitia administrationem exercent, ne quenkumque hoc Privilegium impune violare patiantur, sed si quos dolo vel contumaciter eidem contravenire compererint, praescripta poena placiti, & quibuscumque recte fieri potest modis coerceri curent, quatenus & ipsi gravissimam Nostram & Sacri Imperii indignationem ac eandem multam incurrere noluerint. Harum testimonio literarum manu Nostra subscriptarum, & sigilli Nostri Casarei impressione munitarum. Datum in Civitate Nostra Imperiali Ratisbona, die altera mensis Octobris, Anno Domini millesimo sexcentesimo quinquagesimo tertio. Regnorum Romani decimo septimo, Hungarici vigesimo octavo, Bohemici vero vigesimo sexto.

F E R D I N A N D V S.

V. FERDINANDVS COMES CVRTIVS.

*Ad mandatum Sacrae Caesaris
Majestatis proprium*

I. WÄLDERODE.

SVMMA PRIVILEGII
DD. ORDD. BELG. FOEDERATÆ.

C *Autum est auctoritate Sereniss. DD. Ord. Fœderatæ Belgicæ, ne quis Opera Hugonis Grotii, omnia, vel aliquam eorum partem, citra voluntatem & consensum P. Grotii per annos quindecim imprimat, aut excudat; vel de alibi impressis in Fœderatam Belgicam inferat, atque divendat; sub omnium librorum & alia insuper pecunia multa, quemadmodum latius in diplomatis patet, datis Hagæ Comitibus, v1 Novembris Anno clō Id c lvi. Signatis*

HANS van WYCKEL v^r.

Ad mand. Ordd.

N. RVISCH.

Ex lege quam Cæsar, & Ordines Belg. Fœder. supra præscribunt, ne quis præter Ioannem Blæu privilegiis eorum utatur, fruatur, cupiens ego jus omne in ipsum transcripsi, Hagæ Comitibus, die 25 Septembris, Anno clō Id clvii.

PETRVS GROTIUS.

SVMMA PRIVILEGII
DD. ORDD. HOLLANDIÆ
WESTFRISIÆ QVE.

C *Autum est auctoritate Potentiss. DD. Ordd. Hollandiæ Westfrisiæque, ne quis Hugonis Grotii Annales & Historias de Rebus Belgicis, per annos quindecim, quacunque forma aut in aliam linguam versa imprimat; vel de alibi impressis in Hollandiam & Westfrisiam inferat atque divendat, citra consensum Joannis Blæu, sub omnium librorum & alia insuper pecunie multa, ut latius in diplomatis patet, datis Hagæ Comitibus, 24 Septembris A. clō Id clvii. Signatis*

I. CATZ. v^r.

Ad mand. Ordd.

HERBERT van BEAUMONT.



HUGO GROTIUS

*Reginae Regnique Suedici Consiliarius, eorundemque ad
Regem Christianissimum Legatus ordinarius. quondam
Sindicus Roterodamensis, ejusdemque Urbis in Conventu
Ordinum Hollandiae & Westfrisiae Delegatus.*

HUGONIS GROTHII ANNALIUM BELGICORUM, Ab habitu Philippi regis, LIBER PRIMVS. SUMMARIUM.

Belgica situs & regimen. Belli Belgici prima causa. Inquisitionis origo, administratio, infansus apud Belgas eventus. Philippus in Hispaniam discedens Margaritam Parmensem Belgica proficit. Implacabile eius in Belgas odium. Belgica regimen vocabulo penes Margaritam, vi penes Gravellam. Graves inter illum & proceres inimicitia. Philippus novos per Belgicam constituit auxilites. Quibus Belga alique se opponunt. Arausionensis, Egmondii, atque Hornani literis impulsus Gravellam a Belgica discedere jubet. Egmondus in Hispaniam missus spem vanam inde adfert. Rex in religionis diversa imminisericorditer animadversit, ac Synodi Tridentina placita publicari jubet. Hinc magni ubique motus. Proceres pacem religionum procurare instituerunt. Contra inquisitionem fixus pangunt. Fœderatorum ad Margaritam, ut edicta super religione mutentur, preces. Guesiorum nominis origo. Montiniacus & Marchio Bergensis ad Regem mittuntur. Transmissa a Senatu Belgico moderandarum legum forma Regi displicet. Pontificis Romani imperia abnuentisem tria per Belgicam genera. E vulgo erumpunt qui sacra novo ritu peragunt. Tempia per totam Belgicam violantur. Margarita veniam gestorum nobilibus promittit, conciones plebi concedit. Arausionensis, Hornanus alique offensam eius incurrunt. Interceptis ex Hispania ad eam literis omnes exitio destinantur. In medium consulentes frustra in Egmondum oculos vertunt. Arausionensis missionem a republica urget. Consilium suum ad Regem scripto complectitur. Hornanus suos se in penates abdit. Fœderati nobiles rem communem produnt. Præfecta conscripto milite duces jurare cogit, hostes futuros quoscunque Rex designasset. Soli Arausionensis & Hooghstratannus detrectant. Regis presentia comprimendarum partium optimam habetur remedium. Rex morus necit. Tandem constat Albanum cum exercitu missi. Abiit ad fratrem in Germaniam Arausionensis.



Ellum scribere institui, nostris temporibus nobilissimum, quod sociale haud immerito dixeris; dum Hispani Belgæque, fueti iisdem imperiis populi, & iisdem sæpe in armis victores, inter se concurrunt: quanquam & civilis in speciem transit, inventis domi partibus, sub Principis & legum

A

nomi-

nomine. Regendi, seu pugnandi artes spectamus, nulla foecundior exemplorum materies; nec unquam tam iniqua contentione tamdiu acriterque certatum. Iacta multo ante hostilitatis semina mireris, & postquam auxit, vim & fraudes potentiorum, infirmorum desperationem, nova foedera, & intus iterum dissidia, externas denique gratias infœliciter quæstas. Quibus accessere reliquum in tempus oppidorum & castellorum expugnationes, infesti exercitus, nonnunquam & prælia, maris cursum, longa obsidia, nullum belli genus sine insigni documento. Sed hæc palam visitata ex quo firmatæ res partium, & cuncta in vim verterunt: facilius assequar, quæ & ipse propiora habeo, & alii non item præcepere. Priora belli secretis incerta, casibus turbida, claros scriptores jam habent, etiam Latino sermone. Sed quando sine his ne illa quidem satis intelligas, haud incongruens reor, tumultuum causas, & quæ initio ab usque intercessere, supra repetere; ut brevi inspectu, quid cuique consilii cum eventu compareretur. Est sane ea rerum gestarum magnitudo, ut peregrina etiam ingenia in scribendi curam adverterit: sed hoc nos magis adversus patriam ingrati, posterorum commodis invidi tenemur, si, quæ tanto propius datum cognoscere, exactiori memoria fraudamus. Nam & nostratium plerique scriptores vanis rumoribus & incomperitis, ut quæque partium studio vulgabantur, credulitatem legentium decipere: tum si cui vera noscendi cupido, aut occasio fuit, contentus & hic velut diurna componere. Mihi populi motus, & rebus præsidentium meditamenta, & unde pro vecta dominatio, ubi desierit, aperire animus.

*Belgica
veteris
situs &
limites.
Belgarum
origo, lin-
gua:*

Quæ gentes Rheni insulam & utrinque ad sita, ad fretum usque Morinorum & Amasium flumen, colunt, hinc ad Germaniam, inde ad Belgicam veterem pertinent. Sed Germanica plerisque origo, & lingua: unde una cura belli & libertatis; donec commercia & suas artes Romani invexere, socii, aut victores. Mansit tamen armorum laus, sub auxiliis interim, & per rebellionem exercita virtute. Post, ubi plurimæ nationes, velut signo dato, orbem Romanum irrupere, omnis hic tractus in jus Francorum concessit; donec scissa potentia, pars penes Galliæ dominos, pars penes Imperatores Germanos adhæresceret. Vtrique autem, præter civitates sacrorum reverentia dicatas episcopis, cum primum Christianorum nomen invalesceret, quod longius ipsi aberant, præfectos dedere; qui regerent, tuerentur, comitum, ducum, aut simili vocabulo.

*Comites,
Duxes.*

Duces

Duces ad bellum missi vocabantur; quibus comites attributi rationes procurabant, judiciis præsidebant. Sed hi atque illi, sua virtute, provincialium studiis, regum socordia, vix credibile est, brevi quantum rem auxerint. Iam primum cunctis benefaciendo, sibi auctoritatem & potentiam comparare; nec in bello audacia major, quam pace religio & æquitas erant. His artibus muniti, pro præfectura perpetuam atque hæreditariam ditionem obtinuerunt; quod eo facilius concessum est, quia ingruentibus bellis pericula cuncta promptius adiutori erant, si res suas defenderent. Ea enim tempestate, maria & littora pene omnia Danorum & Normannorum classibus obsidebantur. Non multo post, metu aut gratia exempti clientelæ, aut fracta vi majoris dominatus, etiam imaginem retinebant, summum, sed legitimum, imperium populi benevolentia stabilivere. Secreti principibus agri, vectigalia modica; sed tamen ad dignitatem sustinendam satis: nam avaritia, luxus, & quæ alia mala haud ita pridem invaluerunt, procul habebantur. Sola imperitandi libido aderat, antiquissimum malum. Hinc inter se, aut cum finitimis, perpetuo bellarunt, suo, non externo, milite: nam pro tutandis finibus certatim omnes excubabant; si ultra principem duceret gloriæ cupiditas, ne tum quidem impigre sequebantur, spe laudis & præmiorum. Nobilitati a victoribus agri clientelares dabantur, oppidanis immunitas, sua jura, leges, magistratus, munimenta libertatis: nec ante accepti in imperium successores, quam munera hæc, quibus data erant, jurejurando affirmassent. Penes utrumque ordinem, nobilium & oppidanæ plebis, reipublicæ cura antiquitus fuit; quibusdam in locis accessit tertius, sacerdotum. Hi legationibus, ubi necesse erat, coibant: hi maximis de rebus consultebantur; nec, nisi cunctis volentibus, indicare tributa, statum qui erat rerum mutare, ne nummi quidem pretium novare, fas erat. Adeo cavebatur, etiam cum boni principes essent, ne malis fieri liceret. Munera publica nobilissimus & optimus quisque, civium ex numero, administrabant; peregrini aula, curia, honoribus arcebantur. His moribus, atque hac republica diu æquo jure agitatum est. Inde paulatim exortæ seditiones florentes & divites populos attriverunt; donec per multas victorias, affinitates, pactiones, plurimæ gentes in Burgundionum ditionem concessere. Qui orti domo regnatrice, pugnaces, callidi, conari plurimum posse, primorum discordiis armare

Hæreditaria illi concessa ditione.

Successores privilegia jurejurando confirmabant.

Reipublica antiquitus administranda ratio.

In Burgundionum ditionem tandem concessa.

potentiam, his minari, dare illis, polliceri. Ita brevi cuncta eo vergere, ubi poena & merces erant; promptumque promiscuæ licentiæ vim destruere, egregio juris ordine, Francicum ad instar. Nam & suus cuique nationi senatus, & pluribus commune iudicium Machliniæ imponitur; quo facilius unius civitatis speciem acciperent. Abducti ab armis & cœtibus populi. Institutum & collegium aureæ pellis nomine, quo adscitos undique, qui genere illustres & meritis spectabantur, decus sibi ac præsidium principes circumdedere. Ius populi inter has

*Ius tamen
populi tue-
bantur Or-
dines.*

artes Ordines tuebantur, quos cunctis ex nationibus commune in concilium acciri, depletum bellis ærarium, aut quæ alia necessitas, sæpe flagitabant. Eo missi fortia sæpe pro republica, &, quod addebat audaciam, ut mandata loquebantur.

Neque vero arces, aut pace miles, nisi pauca præsidia finibus extremis & Gallorum mobilitate suspectis: simul adversus subita trium millium equitatus, flos ipse nobilitatis, quos popularium clarissimi regebant. At nulla classis, cum privatarum

*Belgica do-
minium in
Austriacam fami-
liam trans-
latum.*

navium copia, etiam improvisos ad usus, sufficeret. Transfuso hoc fortunæ cumulo in Austriacam familiam, quanquam accessione Hispaniæ vis increvit, mitia imperantium ingenia potentiam temperando auxere; qua arte libertas, magis etiam quam vi, expugnatur. Nam in cogentes resistendo crescit ferocia, comitati & mansuetudini ultro subitur; donec corruptis licentia moribus, concedi solita imperantur, ex obsequio servitium fit. Interea abstentiæ ab armis plebi opificia & negotiandi commoda ostentantur, augendorum vectigalium, & ut innoxii atque florentes privati cura publicum

*E moribus
Hispano-
rum muta-
tio repu-
blicæ præ-
videtur.*

exuerent. Maximum incrementum Hispanica conjunctio attulit. Sed jam tum prudentiores, cum opes imperantium nimium prævalerent, Hispanorum e moribus, quos bellorum commilitio inspexerant, ac sua diversitate, mutationem reipublicæ formidine quadam augurabantur. Nam dum finitimæ gentes pari origine, studiis iisdem accreverunt, facile

*Belgarum
Hispano-
rumque in
moribus
convenien-
tia & di-
versitas.*

tum fraterno jure inter se agebant. Hispanis Belgisque diversa pleraque, & quibus conveniunt acrius colliduntur. Belgica virtute cunctis a sæculis utrique insignes; nisi quod hi desueverant, illi per Italicas & transmarinas expeditiones longa disciplina & præmiis excitabantur. Sed Belgæ attenti sane, & quæstus studio laborum tolerantes, pacem ideo & commercia expetunt; non tamen ut injurias ferant. Alieni nulla gens abstinentior; sua fortiter defendunt. Inde una orbis regione

gione creberrimæ urbes , munitæque ad mare primum & amnes , passim postea , convenarum & sobolis multitudine. Ita post depulsam septentrionis rabiem , octo per sæcula mansere externis armis invicti & indirepti. At Hispaniæ , postquam sub diversis victoribus multum de eorum moribus traxerat , tandem ad Gothos possessio rediit ; quos , ex quo originis sedisque miscuerant ingenia , nobis prisca novique auctores describunt , animi adversus labores & pericula invicti , dubium gloriæ an opum avidiores , usque ad aliorum contemptum superbos , sacrorum quidem venerabundos , & beneficiis haud infidos , sed ultione adeo flagrantibus & victoria efferos , ut in hostem nihil turpe sit , nihil illicitum. Adversa hæc Belgis , genti innocenter callidæ ; cæterum Germaniam inter & Galliam , ut positu loci , ita moribus temperatæ ; non extra amborum vitia , non sine virtutibus. Haud facile fallas , haud temere insultes. Nec divinorum cultu Hispanis olim cessasse indicio est , quod unanimes , ex quo Christum semel induerant , non Normannorum armis adacti , ut professionem mutarent ; non ullo infecti damnato antehac errore , tantum pietati impenderunt , ut necesse fuisset sacrorum ministris possidendi modum præscribere. In universum utrisque insitum colere principes , & admirari : sed Belgæ leges supra putant , quo obtentu sæpe turbatum. Castellani regnari amant aliquanto , quam nonnullæ Hispanorum gentes , addictius ; & tamen , quantumcumque usurpant ipsi libertatem , in aliis non ferunt . Maximum hinc periculum , quod veluti in duo imperia divisa principum sollicitudine , nec Belgæ gratia superiorem ferre quenquam poterant , nec Hispani parem. Cunctis sane populis , qui dominandi libidine aguntur , ubi prima successerint , proximum , socias nationes suas sub leges trahere , præfectos & iudices dare , imponere tributa , ut communium virium penes ipsos usus & arbitrium sit. Ita tum Hispani , soliti Italiam regere , Americam perpopulari , in Belgas , qui principum successione velut æquo fœdere coierant , jus idem , aut causam belli quærebant. Neque exciderant animo Adriani Florentii , qui mox Pontifex Romanus , sancti quidem & probi , sed Batavi tamen , invidiosa per Hispaniam auctoritas ; Croïaci fastus , & Cevrii rapaces manus , quos penes cuncta sacerdotiorum , honorumque venalia , queis vix per arma vitatis , reposituri vicem haud inique sibi videbantur. Assentando igitur validiores irridere vanam imperii imaginem , ubi

*Hispani
Belgas sub
leges trahere
volumus.*

magistratus populi esset beneficium, ubi vix tenuem ad res magnas pecuniam principes eblandirentur. Frustra sane trans mare Oceanum & trans mare Tyrrhenum terminos ferri, si dominis apud suos serviendum sit. Nec tamen illos flexere, quos in Belgica eductos patriæ caritas, & nota gentis modestia devinxerant. Quanquam Carolus imperator de vertendo statu, componendisque in regnum civitatibus serio consultavit: præsertim ex quo Flandriam Atrebratesque, ab omni Francorum jure liberatos, victoriæ Ticinensis habue-

*Quid Ca-
volens V.
idem serio
meditan-
tem de eo
deterrue-
rit.*

*Triplex
consilian-
tium clas-
sis.*

*Philippi in-
genium &
mores;*

*Leges Bel-
gicæ subue-
re studet.*

rat pretium. Sed diversis moribus, institutis, legibus deter-ritus est; nec tollere audebat. Enimvero provincias Hispanorum facere adeo noluit, ut contra sæpe testatus sit, si illorum superbia cum harum gentium patientia committeretur, periculum ingens imminere: increpito & filio, qui inter Hispanos nutrita indole, oportunitates harum regionum, ingenia populorum non perinde nosset, aut etiam contemneret. Ipse, æquus virtutum iudex partitorque honorum, eundem omnibus populis principem agebat; haud diuturna passus, quæ novo regno usurpata Hispani querebantur: Belgas vero præsens, si res ferret, aut per proximas necessitudines, curans. Ei, qui principis vices tuebatur, triplex consilantium classis aderat: uni confessui permissum belli pacisque regimen; alteri legum cura, æquitatis temperatio, & in publicis nationum controversiis judicandi potestas; tertio ærarii & principis opes, ac necessitates. Primum illum cœtum ex nobilissimis Belgarum componi solitum, rerum quoque tractandarum magnitudine eminentem, Senatui proprio nomine dicemus. At Philippus inter regna & adulantes acta juventute, ad hæc induta gravitate austera, parsimonia verborum, turbæ fuga, formatus Hispanorum ad mores, ne sermone quidem alio adibatur. Pertracto igitur patre, ut privato otio senectam conderet, illum rebus imponere festinant; cui avita dominandi cupido, nondum experimentis repressa, haud facile finem aut modum patiebatur. Neque vero dubium est, quin pulcherrimum imperii instrumentum Hispanorum fidem ac virtutem crediderit. Quanta regiis ingeniis cupido incedat subruendi leges, quæ vim potentiæ infringunt, insignes principum aut populorum ruinæ vetera ac nova documenta extant. Idem Philippi studium quidam postea & Hispanorum populi sentire. Sed Belgæ (ita descriptas ante gentes ex majore sui parte nominabo) fracti quidem jam ut præ-

parent, sed violenti imperii ne tum quidem patientes, eo majore cum usu frenum accepturi erant, quod egregiæ hinc occasiones in proxima regna terræ marique sperabantur. Nec irarum semina aberant. Nam, cum Gallicum bellum, domesticum certamine quam populi ex usu, Philippus suscepisset, concessa post cunctationes & ambages a communi Ordinum indictio, quasi negare licuisset, præscripta insuper lege ut ipsi quæstores tributo darent, apud insuetum vel modicæ libertati in crimen traheretur. Ex eo Conventus Ordinum, velut coitionem interpretatus, districte inhibuit. Nec dubitabant Hispani offensam accendere, obtritis legibus viam ad honores, pars & in rapinas affectantes. Prudentes ergo quanti esset usus principes possidere, quorum præsentia ante subnixi Belgæ non se modo, sed & Hispaniam sæpe rexerant; firmata pace Gallicana, iter Philippo in Hispaniam, ceu potentiora imperii, persuadent: tum quia turbas in eo regno, & Turcam mari valescentem metuebat; tum ut Americæ thesauris propius incubaret. Etiam eo tempore nobilitas magnifica, dignitate eximia, sed attritis opibus erat; suo luxu, an principum dolo, qui specie honorum præstantissimum quemque sumptibus exhauserant. Industria, comitate, solertia anteibat alios Wilhelmus, successione Cabelloniæ domus princeps Arausionensium in provincia Gallica; sed origo illi a Nassavia, Germanica gente, quæ olim Austriacis æmula imperii certamine, deinde in victricis familiæ clientelam concessit. Prima hic ab infantia segregatus a patre, qui Germanicam religionem profitebatur, alumnus aulae, intima apud Carolum admissione, belli ductu & maximis legationibus addidicerat regimen. Aderat antiqua gentis claritudo, possessiones per Belgicam amplissimæ, animus ingens & celans sui, par animi magnitudini consilium, & quantævis fortunæ capax; crudelitas & avaritia nullo ab ingenio longius abfuere: validus rerum etiam remotissimarum indagine, fidaque rerum omnium memoria; apud subjectos multis illecebris potens: præfecturam habebat Hollandos cum Zelandis & Trajecto. Ea autem potestas & juris & armorum, intra datos fines, curam complectitur. At Lamoralis, Egmondæ comes, Flandriam & Atrebatenses regens, apertior ingenii, & militariter ferox, multum rebus suis, multum famæ credebat; egregiis ad Quintini fanum & Gravelingam de Gallo victoriis laudem & gratiam meritis; nisi nimium impurasset. Hi duo cæ-

Ita illi in Hispaniam persuadent Hispani.

Arausionensis præcepta.

Munia.

Possessiones.

Indoles.

Mores.

Præfectura.

Egmondæ comes Flandria & Atrebatensium rector.

*Maris præ-
fectus Hor-
na comes.*

*Hos amoli-
ri student
Hispani.*

*Belgarum
procerum
inter se
mutantes.*

*Inquisitio-
nis origo,
admini-
stratio, in-
felix apud
Belgas e-
vensus.*

teros gloria & munere anteibant. Nam Brabantia proprio rectori non paret, communis imperii sedes; cæteræ præfecturæ infra sunt. Maris imperium, quod per se splendidum est, Mommorantius illustrabat, Hornæ comes, inclita Gallorum stirpe. Hos viros tantos atque tales amoliri Hispanis necesse erat, antequam Belgicæ potirentur; idque eo facilius factu videbatur, quia dum dignitati student, & cum Hispanorum fastu concertant, magnam rei familiaris jacturam fecerant: itidemque primores reliqui, neutiquam pari opulentia; minorum autem gentium plerique luxu, aut inopi militia, etiam fidem consumpserant. Quibus illi angustiis non ex spe inimicorum continuo de potentia dejecti sunt; sed industriam & vigilantiam intendere, ut quovis modo dignitatem tuerentur: multi publica mala suis remedium, aut obtegumentum quærebant; parata diffidiis turba, & ut cuique plurimum spei aut desperationis erat; in partes transgressura. Sternebant Hispanorum audaciæ gradum Belgarum inter se Procerum certamina, & discors studiis nobilitas; dum pars Arausionensem, & quos jam diximus, alii domus diversas, sectantur. At plebi odium belli, malorum tolerantia, amor quietis, honorum fuga, studium omne circa mercaturam & convivia erat; ut quærent pecuniam, prodigerentque. Sed hominem cædi & cruciari ob qualemcunque Dei cultum, etiam quibus ea crudelitas formidini non erat, miserabantur; diu tamen inter gemitus & lacrymas dolor stetit, antequam rectorum artibus eliceretur. De ejus rei, quoniam armis causam apud aliquos, apud alios speciem dedit, origine altius disseram. Christianam religionem, sola quondam simplicitate venerandam, mox aggregati diversæ philosophiæ professores, suæ quisque doctrinæ placitis, tum Iudæi, Græci; alii, patriis cæremoniis instruxere; quo majestatem sacrorum, haud frustra repertam, meliores ad usus verterent. Sed hæc libera diu, & privato singulorum, aut ecclesiarum arbitrio sumpta, paulatim aucto usu, docentium facundia, conciliorum suffragiis in legem ac necessitatem mutata; subnascante temporum barbarie, perque coecas disputandi ambages facile defendebantur. Atque interim Romani Episcopi, maximæ semper auctoritatis, amotis Asiæ Ægyptique urbibus, & æmulatrice Byzantio, regnum quoddam sacrorum, sibi que summam imperii, Cardinales assessores, inde longam potestatum seriem stabiliverunt; detrectante nemine, quia ple-
ræque

ræque Europæ gentes mores Christianos missis Roma formatoribus acceperant. Hinc latini passim ritus, & in sacris sermo. At illi, postquam divina sui juris fecerant, nova edere decreta, vetera interpretari, sacros libros vulgi manibus excutere; perniciosum dictantes, si rei maximæ judicium indocta curiositas acciperet. Ita promptum cuncta suos ad honores & quæstum componere; sacerdotumque licentia eo vitiorum deventum est, ut remediis opus & ipsi faterentur. Sed subita litterarum luce, quæ novo vulgandi reperto sæculorum caliginem dispulerat, exstiterunt, qui ceteris cum artibus purgare religionem polliciti, res cunctas sacrarum ad litterarum testimonia revocarent. Gratum id populis, qui sumtum & injuriarum pertæsi, simul gaudebant, quod non anxia formidine, cœcove obsequio, sed fiducia majore, ac paucioribus præceptis sperare cœlum jubebantur. Ne principibus quidem nolentibus erat infringi sacerdotum potentiam, quæ jam & regale fastigium sibi subjecerat. Sed ubi conspectum est, non hæere manum vulneribus, ingenia turbida intercurrere, quæ nihil quietum paterentur; publice impetranda privatim sumi, jamque inter ipsos discordiam, nec esse qui judicio componeret; quamque non facilis convelli illa tot sæculorum compages, displicuit incompressa rerum facies, ut ad coercendos plebis animos non idem valitura. Iamque resuscitata Hussi per Germaniam, Wiclefi per Britanniam, Valdensium per Galliam placita, inde in Belgicam transmissa, conventu incolarum, contactu externi militis, commerciis denique vulgabantur. Cæterum plurimas impias atque nefarias sectas inducta semel mutandi licentia invexit. Nec aliam fuisse terram id genus monstrorum per hæc tempora Belgica feraciorem, facile crediderit, si quis probrosas in Christum Davidis Delphici, & seditiosas Ioannis Bucoldi Lugdunensis sententias penetraverit. Quorum Batavus uterque, cœlestis afflatus simulatione, vitrorum ille pictor, vitam haud inopem sectamque sibi superstitem paravit: vestitum concinnator alter, regnum apud Monasterienses, & bellum, quanquam infœlici exitu, molitus est. Sapientissimos ego principum comperio in diversos religionum, pro magnitudine erroris, pro numero peccantium, remedia constituisse. Vbi vires æquaverant, geminæ interdum sectæ in publicum accipiebantur, acri legum custodia, nequid eo obtentu turbarent. Alias, quos auditos Imperator & concilium

A 5

lium

*David
Delphicus,
& Ioan-
nes Bucol-
dus.*

lium damnaverant, ejecti templis, aut, siquā suspicio gravior, etiam privatis coetibus arcebantur. Nec illos plane damnaveris, qui prava & moribus noxia docentes, exilio, aut honorum facultatumque ademptione, multaverunt; donec paulatim melioribus assuecerent. Sed penes magistratus id iudicium, qui tali cognitione non suas injurias exsequabantur. Sacerdotibus permissum, imprudentia devios corrigere, & sacrorum participatione arcere: tum vero legitimus cognoscendi ordo, facta arguebantur, cogitata impune erant. Sed in sanguinem sævire eorum, quos Dei communis & imperantium reverentia teneret, episcopis inhumanum, nec principibus tutum videbatur. At Romani Pontifices, sensim eo egressi, ut jus solertia partum terrore munirent; quæ principes, formidini suæ nimium faventes, in perduellionis reos dura atque acerba constituerant, eadem voluere in eos, qui decretis suis oblucentur, ut Deo rebelles, usurpari. Nec tantum episcopis injunctum suam ditionem lustrare, sed & mos ipsis, quo visum insuper mittere quæsitores amplissima potestate; quæ res initium cepit ferme ante hos annos quadringentos. Hi adfessores sibi pro arbitrio adfiscere, quosvis, quacunque in potestate constitutos, sacramento interrogare. Ea arte non domuum modo, sed & animorum arcana penetrantur, cum ut quisque perjurii metuens, ita se maxime prodat. Quanquam & alias latere vix possunt, quibus ante divum simulacra, panemque sacratum in templo, aut ubi publice circumfertur, procumbere religio est. Suspicio ad carcerem, indicium leve ad torquendum satis. Nec saltem testes audire reo, aut refellere, concessum; quasi testibus ipsis ac veritati inde periculum foret. Iudicibus profanis permissum, duntaxat sacerdotali sententia damnatos punire, quorum multi suppliciorum sævitia, velut pietate, certabant. Alii, qui providenter istum judicandi ordinem, non odiis tantum, sed & avaritiæ patere, (quippe cum bona fisco cederent, nec sine quæstu delaturæ exercerentur,) eripi sibi notionem non ferebant. Sed omnium acerrime per Hispaniam quæstiones habitæ, electis ei ministerio monachis e Domini familia, veteri instituto adversus Hebræos & Mauros, qui, coacti a regibus Christianos ritus subire, ad ejuratos errores furtim relabebantur. Quod primo haud ingratum barbaricarum gentium odio, inde promiscue cunctis incubuit, mira indagandi sagacitate; custoditi quippe sermones, etiam silen-

silentium, fallaces amicitiae, & a latere accusator; ut jam facile apparet, neminem esse tam innocentem, qui illis invitis posset salutem & dignitatem tueri. Quod non ad invdiam auctum, sed ex vero tradi, haud diffitebuntur, qui audierint in Hispania, & per omnem fere Italiam, gravissimos motus, ejus inquisitionis causa, ab hominibus Romanae ecclesiae addictis, quin ipsa in urbe Roma, excitatos. In Belgica de religione primus omnium Carolus edixit, postquam auditum in Wormatiensi Germaniae conventu Lutherum damnaverant. A multis ad sanguinem ventum est, ob judicium lenitatem repetitae septies, & intentae leges. Cautum inter caetera, ne qui libri, nisi Lovanienfibus magistris laudati, in vulgus exirent; eorundem ad praescriptionem juvenis institueretur. Qui de litteris divinis dissertassent, privatis coetibus sacrorum causa interfuissent, in viros gladius, in foeminas sub terram defossio statuitur, publicatis bonis, ita tamen, si prius culpam agnoscerent; nam in pervicaces flammis vindicabatur. Etiam si qui falsae opinionis deprehensi, caetera insontes, resipiscerent, ab omni dignitate arcebantur. Qui hospitio juvissent, & qui non indicassent, nocentum poenis suppositi; contra, excitandis delatoribus, impunitas & praemia. Multa in suspectos & profugos acriter, saeviora in relapsos; territique poenis judices, ne specie miserationis leges inflecterent, etiam inquisitoribus, quos Caesar mandatis instruxerat, auxilio esse jubebantur. Sola Antverpiensium civitas, quam egregie cum obsequio temperata libertas ad summas opes evexerat, ausa conqueri Germanos ac Britannos, bonam commercii sui partem, ista edicti severitate fugari, obtinuit, ut advenae paulo laxius haberentur, & ne sua in urbe valeret pars illa edicti, qua alienationes & testamenta delinquentium, etiam ante judicium, rescindebantur, ingens mercaturae turbamentum. Ea jura dictata ab ingenio alias non immiti, quo minus miremur, vis religionis facit, dissentientis impatiens; quae, cum molliendis foederandisque animis valere deberet, facta est, humanae imbecillitatis vitio, acerbissima odiorum materia. Ad hoc, plerisque tum principibus infixum, unum reipublicae corpus una religione velut spiritu contineri, sacrisque, ut humanis legibus, ita optime constare rationem, si multitudini non reddatur. Quo facilius Caesari, post Germanica exempla, persuasum, proculcata sacerdotum reverentia ne ipsi quidem mansurum obse-

obsequium, brevique poena opprimi posse virus, quod alim-
entum haberet licentiam. Sed contra eventus fuit, effecto
ut perirent multi, plures succrescerent. Ea nimirum, quæ
corpore exercemus, mortis & cruciatuum metu, vi atque
imperio obnoxia sunt; verum animus, ut est liber & immor-
talis, si quid per se arripuit, non ferro, non igne eviceris:
quin ipsa invitant pericula, beatumque & gloriosum habe-
tur, extra sceleris conscientiam crudelia atque invisâ perpeti;
cui rei documento sunt & veteres Christianorum res, & hæc
tempora. Nam post carnificata hominum non minus cen-
tum millia, ex quo tentatum an posset incendium hoc san-
guine restingui, tanta multitudo per Belgicam insurrexerat,
ut publica interdum supplicia, quoties insignior reus, aut
atrociores cruciatus, seditione impedirentur. Atque hæc
moverant Hungariæ reginam, quæ fratris Caroli jussu Bel-
gicæ præsidebat, ipsum in Germania adhuc hærentem co-
ram accedere, & edocere, in quantam stragem processissent
illa, quæ remedia dicebantur. Queis Philippus nihil terri-
tus, patri cœpta instantius urgebat, asperatis edictis, aliaque
remedia moliendo, quæ vetustescens malum opprimerent.
Causâ, supra communes alias, hæc proprie conjectari po-
test, quod ipse Pontificis Romani auctoritate ad res multas
uti statuerat. Nam cum is regna dono dare, jus, fas, æquum
ex usu temperare, consensu tot gentium obtineret; dum ipsum
obsequio, proximum quemque largitionibus suum faceret,
fiduciæ atque obtentus in hoc abunde videbatur. Tum vero
suis ipse paternisque experimentis didicerat, quam grave
esset illam potentiam habere adversam, a qua veniam etiam
bello victores precantur. Is erat rerum status, hi populi mo-
res, cum Philippi regis discessu de summa præfectura certa-
tum est. Non erant infra hanc spem Arausionensis & Eg-
mondus, sed omissus uterque hoc obtentu, ne, prælato alte-
ro, perpetuis simultatibus distraherent Rempublicam. Tum
inter foeminas ambigebatur, Christiarnam, cui maritus fue-
rat Franciscus Lotharingæ dux, ayunculus Carolus Cæsar;
& Margaritam, quæ ipsi Carolo extra conjugium nata,
Alexandro primum Medicæo, inde Octavio Farnesio Par-
mensium duci nupserat. In Christiarnam promota Arausio-
nensis & Belgarum studia, sed contra tendebant Ferdinan-
dus Alvares Toletanus Albæ dux, & Antonius Perenottus
Granvella Atrebatum antistes; quos patri individuos quon-
dam

*Philippus
inquisitio-
nem in-
stantius
urget.*

*Arausio-
nensi &
Egmondo
summa ne-
gatur præ-
fectura.*

dam ærumque maximarum ministros eodem honore Philippus amplectebatur. Albanus Hispanorum genere inter primos, multis in locis summus armorum arbiter, insignes Cæsari victorias, sibi inclitum nomen paraverat. Perenotti pater Nicolaus Burgundus, quanto ortu humili, tanto obsequiis promptior, pervigili industria, artes aulæ, consiliorum arcana, sigillum Cæsaris adeptus, functusque per annos viginti, eadem filio reliquerat. Sed ut Albani ferum ac superbum, ita subdolum Perenotti ingenium, dum Principis magnitudini studeret nihil ultra pensi habentis, totidem gentes, quot utrumque novere, incusant; præcipue Germani, qui Landgravii vincula non aliis imputantes, amborum potentiam inter præcipuas belli causas prætulere. Horum ubi in sententiam de Margarita Belgicæ præficienda itum est, quamvis haud aberant speciosæ consilio causæ, sanguinis qualiscunque vinculum, & fidei obses maritus, in urbe Hispanis arcem tenentibus obnoxia; offensos procerum animos abitus regis, non minus ipsis suspectus, quam plebi tristis, accendit. Isque præcipuus dies Philippo sollicitatæ libertatis, aut Belgis contumaciæ in Principem fuit. Nam cum discessurus Hispanorum supra ter mille præsidium vellet relinquere, tanquam tuendo adversus Gallos limiti; revera ut auctam bellis externo contactu religionum licentiam suo arbitrio compesceret; Arausionensis & Egmondus, quos leniendæ invidiæ cohortibus rectores destinabat, detrectavere munus ut inimicum legibus: & in ipso abitu Principem rogavit Ordinum conventus, quos tantum ad valedicendum convocaverat; amoliri vellet invisum militem, addito monitu, ne ad Belgas regendos, aliis quam Belgarum consiliis uteretur. Conditum inde odium hoc implacabilius, quod Ingruentem dominationem, & imperii artes intellexisse videbantur: sed palam assensus; nam & Gomefium Figue-roam Hispanum Feriæ comitem; pridem in id destinatum, Senatui Belgico miscere abstinuit. Alebat iram dissimulando, & jam tunc vindictam animo versabat. Et ille quidem, dum alienos per fines ire dedignatur, mari vectus, amissa classe, vix sæva inter pericula incolumis portum Gallæcum attingit. Miles aliquanto post mansit, immodestus & gravis, donec ad Gerbim (Menynx est veterum) in Turcas male pugnato, ut Belgæ interpretabantur, non suam in gratiam, sed in remedium cladis abductus est. Interim Belgicæ modera-

*Alba ducis
& Gran-
velle ge-
nus, mores,
munitia.*

*Ex horum
sententia
Margarita
Belgica
præficietur.*

*Philippus
contra leges
Hispano-
rum mili-
tum præsi-
dium apud
Belgas re-
linquere
statuit.*

*Odii ejus
in Belgas
implacabi-
lis causa.*

*Amissa
classe in
Hispaniam
venit.*

*Miles ali-
quanto post
abductus.*

*Vis regimi-
nis penes
Granvel-
lam.*

*Hornano
cum illo ve-
tores inimi-
citia.*

*Arausio-
nensis Eg-
mondum,
pluresque
aurei velle-
ris sodales,
in Gran-
vella ex-
stimulas.*

*Adversus
illos sibi
adjungit
Granvella
Barlamon-
ium, Vi-
glium alios-
que.*

*Ad publica
factionis
crumpitur
insignia.
Philippi
jussu, novi
amistices
per Belgi-
cam renan-
ciantur.*

deramen, vocabulo penes Margaritam, vi penes Granvel-
lam fuit; in quo industria, vigilantia, ambitio, luxus, avari-
tia, bona malaque omnia excellebant. Nec ipsi tamen plus
in sua prudentia subsidii, quam in aliorum omnium ignavia
fuit; qui luxu mercentes tempora transmiserant præsentis
potentiæ, cui olim adultæ non sine periculo occurreretur. Is
igitur callidus illigare principem conscientia secretorum, &
clientes erigens, legationum intima, litterarum notas, &
quæ per exploratores noscebantur, in se traxerat. Hornano
veteres cum illo inimicitia, primum per Lalænum, quem
sororis Hornani maritum male obitæ legationis crimine ille
asperperat: deinde, quod Geldriæ præfecturam valde ambi-
tam Hornanus, illo intercedente, non obtinuerat. Arausio-
nensi adhuc non alienum se tulerat, subsidium in eo digni-
tati suæ sperans, sed, qui mos ambitionis, hactenus, ne ni-
mium insurgeret. Quam ob causam, cum creandi Antver-
piæ essent magistratus, illius absentiam captarat. At Arau-
sionensis, qui nihil minus ferre posset, quam inanem hono-
ris speciem, unumque hominem, peregrinum, & ignobilem,
non sine sua atque aliorum contumelia, rerum omnium po-
tiri, Egmondum, qui forte tum injuriam se a Granvella ac-
cepisse judicabat, ostentata sibi, nec præstita, Hefdini præ-
fectura, & Trullensi abbatia, quam Egmondus agnato pe-
tebat, per illum intercepta, verbis exstimulans, plures inde
aurei velleris sodales, collegas suos (nam hi eo tempore sæ-
pius coibant a Margarita exciti, ut super muniendis finibus
sententiam promerent) traduxit in partes, velut ad ipsos non
minus id dedecus pertineret, quorum consiliis principes res
olim feliciter maximas expedissent. Post quæ tres illi proceres
vitare Antonii congressus, ubi in Senatu pariter adfederant,
manifesti discordiæ. Nec impiger Antonius, intendere vires
adversum potentes & in vulgum gratiosos: adjungere sibi
beneficiis homines industrios: inter quos erant Carolus Bar-
lamontius & Viglius Zuichemus, pars & ipsi Senatus: ad-
hoc, ille rei quæstoriæ summus curator, hic Friso haud magna
domo, sed clarus rerum multarum peritia, confessus juridici
princeps erat. Qui cum secreto inter se commearent, & ar-
cana componerent, exulceratum suspicionibus odium ad
publica factionis insignia erupit. Iam ante abitum Philip-
pus, quo sacra rectius ordinaret, a Paulo Quarto Romano
Pontifice obtinuerat, ut suæ per Belgicam regiones externo-
rum

rum antistitum curæ eximerentur. Nam Agrippinensium & Remorum archiepiscopi, quæ olim principes, ista Germaniæ inferioris, hæc Galliæ Belgicæ civitates fuerant, ex veteri divisione nihil ferme præter nomen usurpabant. Igitur horum recisa jurisdictione, simul Leodicensi, Tauriennensi, Osnabrugensi, Monasteriensi, Paterbornensi episcopis parte suæ inspectionis exutis, intra Burgundicas ditiones superioris gradus tres, Machliniæ, Trajecti Batavorum, & Cameraci, antistites renuntiantur: hos infra alii complures, quorum in finibus Brabantia sedes Antverpia, & Silvadicus, Geldriæ Rurimunda, Flandriæ Gandavum, Ipra, Brugæ, Hollandiæ Harlemum, Middelburgum Zelandiæ, Transilulanorum Daventria, Atrebatum quoque urbs cum Fano Audomari, inde Namurcum, Gruniaga, Tornacum, urbes regioni suæ cognomines. Vetus quidem hoc, nec raro Pontificibus usurpatum ob populorum incrementa, & quo sacra hoc facilius curarentur, novas ponere antistitum sedes, demto onere, quo alii gravabantur: captamque olim Principibus Austriacis curam Carolus alia agitans intermiserat. Sed causæ tum repetendi consilii pæne omnibus invisæ: unam, quo plures essent ac propiores, qui in mores sacerdotum & deviam plebem inquirerent, ipsi auctores palam prætulérant, questi gliscere mala neglectu aut dissimulatione curantium: altera Granvellæ artibus imputabatur, qui & pontificium Machliniense, & cardinalem dignitatem Roma acceperat: plerisque futurum augurantibus, ut, quando in Ordinum Belgicorum confesso sacerdotes antiquitus jus suffragii prærogativum habent, ipse ejus numeri princeps, quique alii ejus opera allekti (nam Regi jus episcopos nominandi, sibi retento probandi jure, Pontifices concesserant) tacito cum Hispanis fœdere opprimerent libertatem. Cum reditus episcopis ex monasticis possessionibus addicerentur, primi se huic instituto objecere Abbates, cujus ordinis eo tempore liberrimæ voces erant, non admissuri opum & potentia subessores. Socii his Brabanti per libellos commendare principi leges, quæ cautum, ne invita plebe & nobilitate sacerdotia augerentur. Accessere multa jus profitentium responsa, irreligiosum convelli pias liberalitates, & suprema morientium judicia & donata verti in quod non ipsi dederant. Et veterum antistitum nonnulli, præsertim Leodiensis, circumventum Romanum Pontificem clamitantes,

Quod omnibus pæne invisum.

Abbates se opponunt:

Brabantii socios dant,

Et veterum antistitum nonnulli.

*Belgarum
contra
Granvel-
lam quere-
la.*

tes, jus suum pertinaciter persequerantur. Aliæ igitur urbes novos antistites non acceperunt, & qui admissi erant, invisi omnibus, nec sine ludibriis agebant. Consentiente Belgarum in Granvellam odio, commodissimum suis publicisque rebus procures judicabant, Ordinum Belgicæ conventus haberi. Igitur quoties de ærarii paupertate (nam & pediti & equiti mercedes multæ debebantur, & retentari apud externos ob publica debita mercatores cœperant; & exitura jam erant promissa in novem annos tributa,) aut de seditionum metu querelæ inciderant, laudare morem vetustum, de quo nunquam male sentirent boni principes. Quid autem nunc mirum complorata omnia, quando unicum cunctis malis remedium deterrima assentatio eriperet? Regerebat adversa factio, parum ipsos dissimulare quo tenderent odiis in hominem plusquam vellent Regis studiosum: egregios scilicet Philippi ministros principes potestati æmulam quærere alteram. At quos eos fore, quibus novato rerum statu cuncta obedi-
rent? Abbates nimirum privati commodi causa offensos, nobilitatem ipsis obnoxiam, cæteros profanorum rituum contactu ancipites, Ordinum specie. Ita modestiam hinc & obsequium, providentiam inde periculorum & avita jura, virtutum vocabula, simulantes, pro sua quisque magnitudine certabant. Etiam litteras tres iidem, quos diximus, ad regem componere ausi, pernegabant exitium publicum aver-
ti posse, ni Perenottus odiosa potentia dimoveretur; petita & sibi senatorii muneris vacatione, cæterum pro ipsius imperio, sororis dignitate, Romanæ religionis tutela, large pollicentes. Acceptoque Philippi responso, benigno in ipsos, sed insolitum sibi, ministros nisi dijudicata causa depellere, quare si reditus suus expectari non posset, cujus spem faciebat, velle se alicujus ipsorum adventu propius de re omni cognoscere. Instant iterum: nec enim se in crimen cujusquam inscribere, sed quod officii sui crederent, ejus principem simpliciter monuisse. At quam non falso, imminens inde periculum se tacentibus loqui: quanquam & ita se natos meritosque, ut non minus fidei litteris suis, quam verbis sperarent, nunc quidem maxime, cum rectorum absentiam præfecturæ cujusque vix ferant. Permovere hæc Regem, ut tempori cederet, secretaque Granvellæ, quem & Præfecta ipsa gravari cœperat partim ut inspectorem, partim ut odii publici contagio sibi noxium, mandata abscedendi in

*Aransio-
nensis, Eg-
mondus as-
que Horna-
nus repe-
ritis literis
Regi sua-
dens, ut
Granvel-
lam odiosa
potentia di-
moveret.*

*Granvella
discedendi
mandata
accipit.*

Bur-

Burgundiam daret : sed ipse vitam suam petitam inimicorum insidiis, eo digredi vitandi periculi caulabatur. Denique Belgas in universum metu reditus sui sollicitos, paucos ejus spe sibi addictos, tenuit ; donec longius Romam, sponte an jussus, abiit. Tum illi, qui emanferant haftenus, Margaritæ precibus in Senatum revocati, quo se omnibus probarent, summam incipiunt diligentiam rebus advertere ; aliorum non magnus usus. Regis quoque, offensas dissimulantis, laudes & gratiæ in ipsos eo quæsitiores, quo magis volebat mali sensum avertere : planeque pro victoribus agentes, rationes publicas & ad leges pertinentia in se traxerant ; Senatus agentes summum esse arbitrium, eique confessus alios ministerium, & obsequium debere. Sed quæ paucorum dominatum comitantur vitia, ea & tum brevi adoleverunt : filci neglectus, validas inter discordias remissa juris auctoritas, flagitia inulta, honores pro beneficiis dati, sive omnium gratias captantibus multa ambitiose facienda fuere, seu mala nunquam vitata semper famam potentium onerant. Minus & de religione dissimulabant, facilius eam persuaderi, quam cogi posse ; comperto tandem alimenta morbi facta, quæ remedia crederentur : quod populari auræ dederint, an suo ipsi ingenio a sævitia alieno, aut etiam quod sub inquisitionis tegumento latere servitutem, & fortissimo cuique periculum suspicarentur, in medio relinquam. Hoc quidem constat, & ipsos a Romanis cæremoniis non discessisse, &, qui horum consiliorum princeps erat, in sua Arausionensi ditio-
ne nihil passum in sacris immutari. Hæc super, aliisque gravibus de causis, missus in Hispaniam Egmondus regiæ voluntatis explorator, honore, donis, quantis ante nemo, excipitur, multaque Philippus de suo in Belgas affectu testatus, & eos quo minus revileret Turcico se bello distineri : spem quoque nonnullam fecerat, posse de sententia Antistitum edicta haftenus temperari, ne sectarum licentia aut pœnis, aut impunitate excitaretur ; reipsa totus in duriora concesserat. Nam cum primum in Hispaniam advectus multos illic reperisset, & Isidoriani cœnobii præcipuos, de recepta doctrina ac ritibus sequius sentire, viros ingenio, foeminas sanguine nobiles flammari jussisse non contentus, ut læta oculis usurparat : quo terrore compressis dissidiis, eundem in Belgica exitum putabat sibi judicium socordia invideri. Quin hoc ipso tempore missa Bajonam uxore Elisabetha,

1566.

*Quo anno
10. proceres
summam
diligentiam
rebus ad-
versutis.*

*Rationes
publicas &
ad leges
pertinentia
in se tra-
hant.*

*Religionis
facilius do-
ceri, quam
cogi posse,
asserunt.*

*A Romanis
cæremoniis
interim non
decedunt.*

*Egmondus
in Hispan-
iam mis-
sus simulac-
ta mente
excipitur.*

*Philippus
spem illi fa-
cis ; posse ea
dicta circa
religionem
temperari.*

B

Caroli

1566.

*Eodem
tempore
Bajona
cum Gallia
Rege exstir-
pandis sac-
rorum no-
vatoribus
mutuam o-
pem fir-
mat.
Egmondus
ad suos re-
dux spem
vanam as-
tulit.*

*Brabantii
inquirendi
morem pa-
trii ad ver-
sari legibus
conten-
dunt.*

*Vulgus ab
eo præcipue
abhorret.*

*Ad Regem
summa re-
ligionis,
quæ hære-
seos accusa-
batur,
transmissa.*

*Georgius
Cassander
et Francis-
cus Baldui-
nus, qui
moderata
suaderent,
ab Arau-
sionensi ac-
cisi;*

Caroli Gallorum Regis sorore, unaque Albano, quo & Caro-
lus, & mater Medicæa ad colloquium convenerant, excin-
dendis sacrorum novatoribus mutuam opem arcanis pactio-
nibus firmaverat. Simile foedus post pacem Cameracensem
Henrico & Philippo initum, idque sibi in Gallica legatione,
cum forte venatu decurreret, imprudentia Henrici Regis
apertum, Arausionensis sæpe asseruit; testatus jam tum con-
silia se metuisse, quæ celabantur. Vix rediens Egmondus
spem vanam attulerat, cum secutæ Regis litteræ, judicia læ-
sorum sacrorum per inquisitores, additis e numero iudicum
adessoribus, immisericorditer exerceri imperantes, &, quan-
quam Viglio & cum eo nonnullis dissuadentibus, statim vul-
gatæ omnium animos movere: nec segnius Synodi Tridenti-
næ placita publicari. Eo in conventu nihil eorum in doctri-
na aut ritibus emendatum, quorum causa totæ nationes a
Romana ecclesia desciverant: tantum in sacerdotum mores
instituta censura, hos ipsos offendebat, nec illis medebatur.
Erat sane corruptissima in Belgica eorum vita, qui sacro mi-
nisterio electi, nihil ejus præter nomen & reditus obtine-
bant: nec alii acrius decretorum evulgationi intercessere.
Paritum quibusdam in locis, sed adscripta exceptione, in
quam Philippus adsenferat, ne quid juri cujusquam deroga-
retur; quod ob patrocina in ecclesias, & jurisdictionum ter-
minos, additum. Ulterius Brabantorum vox libera proces-
sit, quorum urbes, mox & ipse ejus nationis Senatus, haud
reticuere, irrepentem altius indies inquirendi morem pa-
triiis suis legibus adversari, quibus judicia ordinarentur, &
quæ sacerdotalem notionem certis finibus includerent. Ho-
rum inde constantiam secuti alii. Sed præcipue vulgus ter-
ribili rumore Hispanicam inquisitionem differebat, cujus
quanquam manifesta apud Regem auctoritas, ususque in re-
gnis omnibus, & exemplum, ut salutare, Galliis commenda-
tum, nomen tamen in Belgica anxie vitabatur. Fuere qui ad
Regem eo tempore perscriberent summam ejus disciplinæ,
quæ hæreseos vocabulo male audiebat; ne tam profanam,
atque intestabilem crederet, quam procul, & ab infectis sin-
geretur. Per Arausionensis industriam acciti & qui mode-
rata suaderent, gnari antiquorum, Georgius Cassander, &
Franciscus Balduinus Atrebas; hujus quidem & oratio ex-
stat haud inelegans, ad usum impetrandum validæ jam, sed
inturbidæ religionis. Id commerciorum, id pacis interesse:

an

an & Iudæis illos inferiores, quibus emendam rituum impunitatem Pontifex ipse concederet. Quæ postquam irrita fuisse, pars pœnæ metu, alii rerum novarum cupientes, sermones ambiguos jactare, libellos proponere, tentamenta vulgi: Germanos religionis vindices ex bello jus æquum retinere; ejectam rursus Britannia latinam superstitionem, ejectam eandem apud Danos & Sueonas; ne in Gallia quidem cædes inultas, salutem palam armis aut pace defendi: unos se libertatis medios & expertes scævientium ingenia alere ferendo; quasi vero res ulla arctius populum obsequio, quam principem æquis imperiis alligaret. Utendū hac inclinatione animorum rati procures, qui in sua sententia ipsos se a Rege damnatos interpretabantur; quidam & matrimoniis illigari foeminarum externæ, ut gentis, ita religionis, Arausionensis Saxonico, Nienario Hornanus, suspectos se Regi inde etiam credito, quod novam Senatus potentiam, quam ipsi introductum ibant, Rex improbaverat. Quo causam suam cum vulgi studiis sociarent, diligentius instituunt pacem religionum, si publicam non possent, at domesticam procurare, malorum metum hoc magis attollentes, quanto cæteri iniquius contemnebant. Obtendunt huic rei turbas civiles, partim & ipsi faciunt: seu flecti posse Regem, seu ultra quidam speravere, non defuturos rebus novis adjutores invidia magnitudinis Hispanicæ. A Senatu ergo digressi, velut provisis motibus, quibus sanandis impares forent, modo per nuptiarum solemniam, modo epularum specie conviviam miscentes, alios aut sanguinis, aut studiorum, vinculo aggregavere; id quo pertineret brevi erupit. Nam postquam perspectum plurimos eadem velle, longe Principem & militem, rem summam penes foeminam, Ordines & civitatum rectores dissuadere crudelitatem, interim perpeti, multi genere nobiles, cæterum regiminis exfortes, inter quos erant Romanæ religionis nonnulli, contra inquisitionem foedus pepigere, verba dictante Marnixio, quo inter se promissere auxilium, si quis eo nomine periclitaretur; ac ne lateret quo subsidio niterentur, inter duces ejus Societatis eminebat Ludovicus Nassavius Arausionensis frater, a Romanis sacris palam dissentiens: unde haud difficile intellectu, vera capita occultari adhuc, in tempore eruptura, atque interim prætentantibus repositam in illorum auctoritate fiduciam, adversus acres aliorum sententias, qui nascentem cõitionem armis opprimi

1566.

Irrito e-
*venum.**Proceres*
pacem reli-
gionum
procurare
*instigunt.**A Senatu*
digressi a-
lios aggreg-
*ant.**Contra in-*
quisitio-
nem foedus
*pingunt.**Inter Duces*
Societatis
præcipuus
Ludovicus
Nassavius.

B a

vole-

1566. volebant. Aderant Ludovico Herenbergensis, & Culemburgicus comes, & Henricus Brederodius, antiquo genere Hollandiæ Principum, & vulgi applausibus, qui, ni alia ad sint, vana & incerta sunt, in spes nimias erectus. Hi, quadringentis foederatorum comitantibus, die Nonarum Aprilium inermes in curiam Bruxellensem venire, ubi tum & Arausionensis aliique, vix a Margarita ut redirent exorati, confederant.

Fœderatorum ad Margaritam preces.

Preces (ita enim vocabant) hæc fuere: ut edicta super religione a Rege de Ordinum Belgicorum sententia mutarentur, interim quiescerent: quorum cum alterum Præfecta se commendaturam Regi promitteret, alterum suæ potestatis negaret, non aliud impetratum, quam ut iudices & quæsitores juberentur cognitionem prudentia temperare. Tunc primum auditum est illud non minus postea nobilitatum, quam Protestantes & Hugonoti, Gueuliorum nomen, quo cum ambelas fortunas foederatis alii exprobrarent, ipsi in honorem traxere, parum fausti nominis appellatione professi, fidem sibi in regem ad mendicitatem usque constitutam. Sed his visis atque auditis, varie per Belgicam & Hispaniam consultabatur. Qui circa Margaritam erant, foederatorum nobilium postulata alii ut æqua probabant, alii ut necessaria: addendam fiduciam securitatis, ne poenæ metus in spem belli transiret, haud dissimulato ex ipsis primoribus esse, qui graviora in se regis consilia suspectarent: & hæc si negarentur, ipsos, quorum sub imperio fortissimæ nationes erant, & turmæ populares, præcipuum belli robur, pro legum sævitia ferrum non educturos, quo cives scilicet alter alterius manu cadentes, Hispanis usui & oblectamento cederent. Ad Regem aliæ post alias litteræ, postremo frater Hor-

Montiniacus & Marchio Bergarum ad Romanum ad regem mittuntur. Transmissa a senatu Belgico moderandarum legum forma regi displicet.

nani Iohannes Montiniacus, & Iohannes Marchio Bergarum ad Zomam venire, læti honore legationis, ut prioribus se purgarent, venturis eximerentur. Ipse Rex, turbatus atrocioribus indies nuntiis, cum primis Hispanorum, & qui senatores Belgæ aderant, sæpe & secum deliberabat. Non placebat transmissa a Senatu Belgico moderandarum legum forma, quæ prava docentes sacrorum administratos, conventuum receptores, & qui publicos oculos exemplo violassent, laqueo aut ense puniebat: indicta cæteris errorum detestatione, aut fuga: quia major ipsi dignitatis quam periculi cura, ne minis coactus, quæ nollet, largiri videretur: unde etiam, siquid violentiæ cedendum foret, suum nomen pactionibus illigari vetuit.

vetuit. Hactenus tamen indultum, ut bene firmata episcoporum auctoritate, quorum esset munus siquid usquam turbidum scrutari, extra ordinem alii Pontificis mandato non ultra inquirerent. Veniam citra discrimen dari, & nisi discussa conjuratione, præfractius quam illa ferebant tempora, olimque multo majora concessurus, abnuebat: clementiam tamen & adventum suum pollicitus. Ordinum autem haberi conventus, quanquam fidissimæ civitates orabant, suadentibus Belgarum cunctis, annisa & sorore, quæ aliter retineri posse imperium desperabat, pernegare haud destitit; arma potius sumi imperans, & solvi Germanis auctoramenta, quo paratior miles haberetur: adjecto, nec dubitare se, quam toties expertus esset pater Belgarum procerum fidem, eandem sibi paterna decreta exsequenti non defuturam: quippe sententiis dissidere fas cuique, sed mox iudicium Principi, subditis obsequium relinqui. At contra illi, ne vis ulla pararetur facile efficere, ærarii penuriam obtendentes, & siquid moveretur, foederatos nobiles bellum ante capturos, externis societatibus undique se offerentibus, quod ut in terrorem adauctum, ita a vero trahebatur. Nam vicinorum nonnulli eadem de sacris, aut non longe diversa sentientes, quo domi validiores ipsi agerent, contra Philippi contumaciam arma & opes ostentabant. Eorum, qui Pontificis Romani imperia abnuebant, tria per Belgicam erant genera. Anabaptistarum credulitas, quæ Frisiam proximaque infederat, non magnopere formidanda ob infinitas inter se discordias, & quia magistratus atque arma abdicant. At ea professio, cui ab Augustano conventu & Luthero doctore nomen est, Germanorum principum amicitia, & quadam juris imagine fovebatur: nam quia Belgas suos Carolus Cæsar Germanico foederi adscripserat, pars quoque antiquitus ejus imperii majestatem observarat, erant qui dicerent, pacem quoque religionum eo pertinere: facili quanquam responso, Belgas, etsi tributorum & immunitatum participes, Germaniæ tamen leges & conventuum decreta jam a multis retro sæculis non agnoscere. Non multum ab hac institutione discrepat altera, Zuinglii præ cæteris & Calvinii ingenio illustrata, & cum Augustana jamdudum coalitura, nisi in religionibus compertum foret, esse omnia pertinaciæ quam concordiæ proniora. Hanc pars Helvetiorum & ali-quanta Germaniæ probat, & hoc uno clarissima Geneva

*Ordinum
haberi con-
ventum
velas.*

*Pontificis
Romani
imperia ab-
nuentium
tria per
Belgicam
genera:
Anabapti-
sta,
Lutherani,*

Calvinista.

1566. Allobrogum : eadem in Anglia regnabat , paucis retentis ex antiquo ritibus. Sed potissimum magnæ per Galliam ejus viris , animum sectatoribus indiderant ; nec eos cæteri numero æquabant. Ergo hi atque alii jus novum , quod proponebatur , non minus acerbum , quam Philippus remissum , judicabant : hoc etiam arguentes , quod loco postulati Ordinum universorum conventus , seorsim nationum sententiæ , exquirebantur , nec omnium , nec prisco more , ab his facto initio , quibus & dignitatis minus erat , & libertatis. Quos ad motus , dum præfecta alios regis jussus ,

Isti atque alii jus novum nimis acerbum judicant.

Sedandis moribus intentæ præfata vulgus sacra novo ritu peragit.

Monasteriorum desertores aggregantur. His muniebantur fœderati nobiles.

Per totam Belgicam eodem tempore templa violantur.

Atrebatæ , Henovii , Lucemburgenses fidem in Romanam ecclesiam , regemque conservant. Margarita temporis , & procerum consiliis obsequitur.

& militem , aut conducendo militi pecuniam expectat , sperans posse periculum prolatando finiri , contra ecce e vulgo , qui flammæ ferrumque timuerant hætenus , territare incipiunt , prorumpunt e latebris in apertum , conciones & sacra celebrant novo ritu , velut convincendis palam mendaciis , quibus arcani cœtus infamabantur : acciti & exsules qui religionis crimine solum verterant , quibus non pauci , durioris vitæ pertæsi , monasteriorum desertores aggregabantur. Apparet formidabilis multitudo & quantum nec ipsi crediderant , qui frequentiam faciebant. Licentia firmat audaciam , aut ubi vis metuitur , incedunt armati. His omnibus in tutelam receptis fœderati nobiles , fama quoque supra verum crescente , muniebantur. Nec multo post , incertis auctoribus orta vilissimæ plebis seditio , nec fures aberant , per oppida & agros templa involat , affliguntur solo donæ aræ & simulacra divum : quales olim sæpe motus Iudæorum , nec dissimilis Græciam tempestas Iconomachorum pervaserat : quin ne sævitia quidem in sacerdotes & religiosos temperabatur , eadem in libros & sepulchra rabie motuque tam repentino , ut tanquam ex condito Belgicam omnem eodem tempore incenderet ; vix paucis in locis auctoritate , aut armis magistratuum valentioribus : nisi quod Atrebatæ , Hænovii , Lucemburgenses , quique his proximi , fidem in Romanam ecclesiam regemque , ab ea contage integram tenere. Nonnullis in locis magistratus , ne plebs licentiæ adtuesceret , occupaverant amovere imagines ; quibus officium jactantibus facere Viglius dixit , eos cum ratione insaniisse. Multa e sacro rapta ut redderentur , ipsi haud egentis ad odium nova infamia religionis doctores perpulere. Tanta rerum perturbatione Margarita vehementius exterrita , non tam regis jam poterat e longinquo omnia audientis sero plerumque

rumque ob gliscens periculum imperio, quam tempori, & procerum consiliis obsequi. Nam & foederati nobiles, & plebs concitata, non aliis arbitris agi secum patiebantur. Reluctata igitur diu, tandem eo pertrahitur, ut nobilibus promittat gesta haecenus fraudi non fore. Illi vicissim, quamdiu maneret securitas, foederi renuntiavere. Veniae nomen & Romanae religionis addita primum conditio, aspernantibus remissa. Plebi, dum noxa & armis abstineret, quibus in locis conciones sacrae institutionis causa ad id tempus habebantur, permittae in posterum: cessantibus edictis, donec rex & Ordines propius statuissent. Statim diversa in loca abiere, qui vim prohibentes, affirmarent pactione, quod vis extorserat. Inprimis Arausionensis missus Antverpiam seditione ancipiti flagrantem, vicecomitis gentilitium nomen ea in urbe obtinens, flectebat in se validissimam civitatem: ubi non in agris, ut alibi, verum ipsa intra moenia praeter conciones admissos etiam ritus novos non ita, necessitatem praeferebat, excusavit, ut offensam praefectae effugeret. Idem cum aliis tum Hornano acciderat, cui & ex Hispania frater iram regis implacabilem nuntiabat. Sed magis angebant deprehensae ad Margaritam literae, quibus ministri secretorum ipsos crimini & exitio destinabant. Igitur in medium consulturi Tenerimundam convenere, versis in Egmondum oculis, belli peritum gratumque militibus. At ille promissis delinitus, an officii memor, negabat se principi quidvis paranti obsequio defuturum; sed mitigandum consiliis animum, prioremque necessitatem purgandam in posterum fide: imprudens, magna & regibus adversa cum periculo incipi; ubi prima processerint, durando salutem & praemia sperari; sin remiseris, instare ultionem. Plus Arausionensis habebat consilii, qui videns fallere coepta, regem per litteras, ut pateretur se deponere honores, otiumque & Germaniae suae secretum orabat. Cui Philippus callide respondit, & quae fraus plurimum valet, specie simplicitatis. Nam obsecratum, ne se defereret rebus turbidis, cum maxime usus operae esset, hortabatur, ut fratrem suspectum novandi tantisper a se abdicaret, dum cuncta considerent. Sed ille superior dolis, urgebat nihilominus missionem, atque interim regressus in praefecturas, saevitiam vetans, etiam proviso ne earum regionum munimenta milite insiderentur, populos fortes & ipso soli ingenio validos libertatis dulcedine excitabat.

1566.

Nobilibus promittis gesta fraudi non fore.

Plebi conciones permittis.

Arausionensis offensam praefectae incurrit.

Interceptis ex Hispania literis omnes exitio destinantur.

Tenerimunda in medium consultant.

Arausionensis regem honorum depositionem rogat.

Scripto regi suadet permiscere religiones, quas vicina imperia admiscissent.

1567. tabat. Scripto quoque suum ad Regem consilium complexus est, ubi docebat, nisi hæ saltem religiones permitterentur, quas vicina imperia necessario recepissent, anceps ipsi discrimen, utique exhaustis populis opibusque damnosam victo-

Hornanus suos se in penates abdidit.

Illis semotis, omnia, qua pepigerat præstata, rescindit.

Fœderati nobiles rem communem prædant.

Jurare præfata duces cogit, hostes futuros quoscunque rex designasset.

Egmondus alique hoc sacramentum dant.

Soli Arausionensis & Hooghstratanus de-tractant.

riam fore At Hornanus suos se in penates speciemque privati condiderat. His disjectis, facile Præfectæ, quæ conspecto quo res erupisset, ad damnata prius Viglii consilia se receperat, nobilium & populi plebisque infimæ nexus per-rumpere, rescissis quæ ipsa aut per alios pepigerat : primum cavillando, mox apertius, ut metu expressa, & quasi prio-res alii fidem exuissent. Nam cum in sacrilegos, quique ultra verba ad ritus publicos, aut ad arma processerant, secretis judicum mandatis, animadverteretur, cæteri, quasi causa dispares, nec inter se religionum concordēs, vim dissociave-re. Nec minus fœderati nobiles, spe aut metu diversi, rem communem prodebant. Nam subeunte paulatim factorum conscientia, fuere qui ad contraria provoluti, veniam para-rent : alii cogi tributa & cohortes, ut privatis insolita dissua-dent : alii, dum singula singuli conantur, omnibus excidunt. Et jam ipsa, ad tutandam vim imperii, præter Germanum militem, quem Ericus Brunovix ducebat, alium conscribi e Walonibus jusserat. Id Belgarum populis nomen est, qui Francis contermini, Gallici sermonis usu & ferociore ad ar-ma ingenio cæteris distinguuntur. At quo duces fidos inter-nosceret, verbis conceptis cogebat jurare, hostes sibi futu-ros quoscunque Rex designasset, citra exceptionem ullam; id sacramentum dixere Egmondus, Carolus Arscotius, e Croio-rum gente, turbis prioribus impermixtus, Carolus Barlæ-montius ejusque fratres; Comites, Petrus Mansfeldius Lu-cemburgi præses, Geldriæ Megemus, Frisiorum Areمبر-gius, & qui apud Hænovios Bergensis Marchionis locum tuebatur Norcarma. Statimque factis comprobavere; Eg-mondus, in Flandria eos disturbando, in quorum tutelam consenserat; Norcarma, Valentinianis imperia detrectanti-bus obsidio ad deditiōem redactis, acriterque punitis; quo exemplo maximæ urbes, positis turbis, jussu præsidia acce-pere : cæteri manus temere coortas cædibus vastantes. Soli Arausionensis & Hooghstratanus negarunt vetus se jusjuran-dum, quo Principi ac Legibus tenerentur, alio mutaturos; adjecitque ille, esse sibi uxorem eorum e numero, qui istud per jusjurandum exitio destinarentur. Quæ dum geruntur,

Hilpar

Hispani tam felicem occasionem, ut quaesita videri possit, non segniter tractavere. Ac primum manente periculo ferme consentiebatur, vultum numenque principis ad comprimendas partes immane quantum valitura: fidiſſimis Belgarum monentibus, si alius mitteretur, plus odii, minus obsequii fore. Nam & Carolum patrem, cum una Gandavi civitas turbaret, nihil cunctatum Galliam, pæne adhuc bellum spirantem, transcurrere. Sed moræ necessebantur, quod iter tutissimum disputando, dum suspecta Gallia inermi, & exercitui iter haud data, & quo minus classe iretur, Oceani terrent pericula, nec satis certus in Zelandiam exscensus, ignoto quousque Angli vel Arauſionensis auderent. Igitur, quasi mari alio Ligustica ora, inde Germania peteretur, tentari prius Cæsaris animum placuit. Erat is Ferdinandi filius Maximilianus, qui consultus de re Belgica, ni quid Philippus temporibus largiretur, significabat periculum haud abſore, propter Augustanæ professionis principes, Belgarum clarissimis per varias necessitudines illigatos: sin leniora probarentur, pacificatorem se offerebat: quæ parum grate accepta; velut Augustus Saxo elector dictasset, qui Cæsaris amicitia potens, Arauſionensi per fratris sui filiam jungebatur. Missæ tamen ad Margaritam litteræ venturum Regem vulgabant, nec sine exercitu: id quippe regiæ majestati, etiam apud externos decorum, & aut brevi terrore quieturos motus, aut siquid restaret, adfuturum non accipiendis sed dandis legibus. Paulatim apparebat Hispanos, securitate non contentos, ultioni prospicere, quo Regis iram sua in commoda traherent: oblato subigendos ad Belgas colore, perduellionis omnes teneri, quod aut ipsi res novas cœptassent, aut talia ausos non repulissent. Sunt qui addant, jam ante Philippo a Romano Pontifice factam gratiam jurisjurandi, quo imperium iniens legibus se obstrinxerat, ut quomodo America & Italix plurima, ita Belgæ regnarentur. Præcipua Albano consiliorum fides, qui non novus sæviendi auctor, credi voluit, nisi tam scœdum rebellandi exemplum non minus insigni poena corrigeretur, defecturas omni a parte nationes, cum pleraque non tam vis præſens, quam metus contineret. Neque omittendum Philippo aptissimum perdomandæ Belgicæ tempus, dum regna circumjecta fidam ipsi pacem servant, aut siquid suspectum, domi inquires. Ita victi qui mitiora suadebant, ipſo etiam Carolo Philippi filio operam suam

Præſentia Regis turbatorum optimum habetur remedium.

Rex moras neſcit.

Cæsaris super re Belgica consulti responsum Philippo displicet.

Litteræ Regem cum exercitu venturum significant.

Aptissimum perdomandæ Belgicæ tempus Philippo.

1567. suam pacandis regendisque Belgis offerente, frustra adeo;
ut id inter suspicionum in ipsum conceptarum alimenta fue-
rit. Tandem erumpit, retento Rege, velut majores ob cu-
ras, aut ne periculo misceretur, Albanum summa cum po-
testate mitti; nec dubium qualibus mandatis, hominem bel-
lo semper & sanguine exercitum: quem cum in Italiam trans-
vectum Neapoli, Sicilia, Sardinia, Mediolano veteres Hispa-
norum cohortes, addito equitatu, adducere nuntii attulere,
Arausionensis non ultra opperendum ratus, Nassaviam petit
fratri possessam; digrediens magna prosequentium multitu-
dine palam testatur, nihil se moturum, nisi prior læderetur.
Absentis vice tutari præfecturas jussus a Margarita Maximi-
lianus comes Bossuvius. Brederodius cum & sua muniret,
Trajectoque Rheni insuper & Amstelodamo, opulentissimis
urbibus, immineret, fovente conatus primos Arausionensi
per dissimulationem, aut tacita ope, mox armis pellitur.
Egmondus, & minores alii, quorum aut animus aut fortuna
exilium non tolerabat, spe vivendi inducti sunt ut perirent.
At nobiles plerique & plebs multa, Hispanorum formidine,
pars reducta supplicia metuens, nec de religione parata dis-
cedere, in Germaniæ proxima Angliamque & longinquiora
dilabuntur: cum eodem tempore præfecta alio edicto fuge-
re cogeret, alio vetaret. Cæterum sponte egressis qui præ-
sentia gravabantur, compositisque rebus egregio astu foemi-
næ, alta pax erat, & quod fere convenit, si nil ultra concu-
pitum foret, facile mansura.

*Albanus
summa
cum pote-
state a Re-
ge mittitur.*

*Arausio-
nensis ad
fratrem
abit.*

*Bredero-
dium armis
pellitur.*

*Plurimi in
vicina re-
gna fu-
giunt*

*Quibus
egressis pax
erat.*

HVGON.

HUGONIS GROTII
ANNALIUM
BELGICORUM
LIBER SECVNDVS.
SVMMARIVM.

Intranti in Belgicam Albano nemo obsistit. Egmondum & Hornanum capitis supplicio afficit. Exarmatis urbibus arces imponit. Novum tribunal erigit. Arawsionensis aliorumque bona in fiscum vertuntur. Arawsionensem ad arma impellunt exules. Caditur a Ludovico Nassavio in Frisia AreMBERGIUS, mox ipse ab Albano fugatur. Arawsionensis iustitiam causa sua libris divulgat. Maximiliano Casari pro Belgis apud Philippum intercedenti acerbe respondetur. Conscriptus ab Arawsionense exercitus ab Albano debellatur. Donatur a Pontifice sacro ense. Sibi statum ponit. Leges iuraque Belgarum omnia Regis servat arbitrio. Inaudita Belgis tributa pendi iubet. Sa armis in libertatem vindicare statuit. Belli aleam iterum experiri constituit Arawsionensis. Brilam Belga exules capiunt. Rotterodamum a Bossuvio directus exules juvat. Flissinga aliaque urbes ab Hispanis desciunt. Albani Hollandis ac Zelandis coalescendi das spatium. Arawsionensis spei irritus dimisso exercitu in Hollandiam abit. Mons deditur. In Zutphaniam & Nardam surpiter sevit Fridericus Albani filius. Foederatarum provinciarum descriptio. Arawsionensis adventu turbata omnia composita. Omnia cum Ordinibus administrat. Rebus omnibus contra Regis mandata Regis preterinditur nomen. Romana ceremonia templis ejiciuntur. Genevensis disciplina publice recipitur. Agri & vestigalia principis aliaque in publicos vertuntur usus. Tunc quoque inventa tot tributorum nomina. Albani error. Harlemum Hispani expugnant, quorum impetum prima frangit Altemaria. Nassaviani Geertrudisbergam & ipsa cum classe Bossuvium capiunt. Albanus cum filio revocatur in Hispaniam. Succedit Requiescimus. Statum Albani statim amolitur. Middelburgum Zelandis accedit. Ludovicus Nassavius cum Henrico fratre & Christophoro Palatino caditur. Tumultuantes Hispani quadringenta florenorum millia Antwerpia extorquent. Frustra Breda de concordia agitur. Lugduni obsidio ejusque incredibilis solutio. Petri Melendis infelix in Foederatos maritima expeditio. Bommeda portum & Zyricaam expugnant Hispani. Anglia Regina oblatum a Bavaris summum imperium respuit. Carolus Gallia Rex eos clam fovet. Exincto Requiescensio ad Senatum regiarum partium administratio delata. Iura Ordinum & leges celebrari incipiunt. Bruxella rapina destinatur. Miles Hispanus hostis patria judicatur. Alostum irrumpit. Primores Brabantii aliquos foedus in Hispanos cum alijs pangunt. Roda Trajectum ad Mosam & post Antverpiam diripit. Belga Arawsionensem in auxilium vocant. Pax Gandavensis. Dejectis arcibus eximitur servitus. Philippus tempore cedens pacis

confirmat. Iohannes Austriacus Belgica rector mittitur. Namurcum occupat. Apud Regem violata pacis accusatur. Ad præfæti dignitatem vocatur Arausionensis; intercadente Arscotio summum Belgica regimen Matbia Austriaco datur, vicarium tamen Arausionensis accipit.

1567.
Albanus
Belgicam
intra.



Ed Albanus morbo suo nonnihil, & ob hyemantes maxime Alpes, tardatus, tandem itinere, & sterili multum & laborioso, transita Sabaudia Burgundiam attigit, ejusque loci delectu auxit agmen, quod ille majus octo hominum millibus admirabili disciplina continebat. Monstrata tunc via Hispanis tanto terrarum spatio, Lucemburgum usque impediri nunquam postea potuit, haud imprudente Philippo quos sibi principes ad continuandam vim disjectæ dominationis adscisceret. Eodemque tempore in Gallia, velut ex condito, in bellum erumpebatur, contra-ctis a Rege Helvetiorum cohortibus, in speciem quasi finibus metueret, Albani exercitu extrema radente, reipsa contra vindices invisæ religionis. Belgarum mira aut formido, aut securitas, intranti nemo obstitit. Quin festo concursu excipitur dux belli missus in gentem pacatam. Id enim initio potestatis vocabulum usurpabat: donec Margarita, vani honoris imaginem pertæsa, & credita muliebri languore regimen corrupisse, eoque magis, quia Albanum cum exercitu mitti, literis accuratis futurique prælagis dissuaserat, habitu suo summam illi præfecturam patefecit: nullo jam dubitante, quam non ex legibus gesturus foret magistratum, ad quem salvis legibus pervenire non potuerat, cauto antiquitus, nequis nisi Belga aut principum e sanguine id munus fungeretur. Primum sævituri imperii documentum fuit Egmondus & Hornanus, dolo in curiam acciti, vinctique; rogantes ut ex aurei velleris privilegio a collegis judicarentur, non hoc modo non impetrant, sed extra Brabantiam custodiendi ablegantur, contra jura e plebe infimo cuique concessa. Inde primis Belgicæ urbibus immissa præsidia Hispanorum, qui terrene soli retenti, cum alii milites tantum extra ordinem ad pericula usurparentur. Ipse Belgarum nobilium equitatus, admixtis Hispanis, ductore Arembergio, in Galliam missus, ut præsentis auxilio foedus regi Carolo probaret. Cœptæ interim & arces strui exarmatis civibus, &, quod gravissimum erat, ministrandos ad sumtus subactis. Quæ postquam nullo vetante processerant, judices ferme duodecim (Hispani pars

Galli eo-
dem tempo-
re in bellum
erumpunt.
Albano na-
mo obstitit.

Margarita
abitus illi
ad sum-
mam præ-
fecturam
gradum
facit.

Egmon-
dum atque
Hornanum
vinctos ex-
tra Bra-
bantiam
custodien-
dos ablegat.
Belgica ur-
bibus præsi-
dia Hispano-
rum im-
ponit.

AreMBER-
gium cum
equitatu in
Galliam
mittit.

Exarmatis
urbibus ar-
ces imponit.

pars magna, cæteri, quod genus non minus inclemens per-
 spectum est, Hispanis fervientes) jubentur his qui motarum
 nuper rerum affines culpæ essent, irrogare supplicia; rejectis
 ad quos patrio more jurisdictio pertinebat. Id maximum
 potentiæ præsidium, judiciorum potiri: cumque læsis sacris
 majestas accederet, tam suspecta bonis principibus crimi-
 natio quam tyrannis opportuna, ut quæ reos omni legum
 auxilio exuat, & pene sola nominis atrocitate convincat.
 Stipatæ reis custodiæ, innumeri mortales necati: ubique
 una species ut captæ civitatis. Quippe non arma tantum huc
 trahebantur, sed pro motu habita aliorum quies, & infausta
 consilia, quæsitique honores & recusati: præcipua nobilium
 strage & qui auctoritate aut opibus valuerant, quorum mor-
 tes in securitatem, fortunæ in fiscum & prædam Hispanis
 cedebant: non dissimulante quid peteret Albano, cum voce
 aspera sui que ingenii, pauca salmonum piscium capita mul-
 tis ranunculorum millibus præstare jactans, novo more ve-
 terem exprimeret sententiam, quæ, sublatis e republica pri-
 moribus, munire regnum docet. Egmondo & Hornano ob-
 jecta omnia, quæ post Granvellana odia ad id tempus inter-
 cesserant, ingesta suspicione Arausionensi & ipsis constitu-
 tum, partita inter se Belgica Regem armis excludere. Hi duo
 viri omnium confessione eminentissimi, nec minus factis
 quam stirpe illustres, Bruxellæ post sacra Romano ritu per-
 acta, loco publico cervices carnifici præbuere; capita ali-
 quamdiu suffixa palis, Belgarum in oculis atrox spectacu-
 lum: & quanquam circumfusa arma vocibus ac prope vultu-
 bus imminebant, altius animis omnium miseratio, fortiorum
 etiam ultio insedit, cum incredibilis turbæ osculis & fletu
 sepulchra celebrarentur, alii vero & comas promitterent,
 priscum in morem obligato oris habitu, quem non muta-
 rent, nisi vindicato tam nobili sanguine. Arausionensis cum
 pluribus aliis edicto citatus, & quia pœnam absens illuserat,
 versa in fiscum bona, filiusque Lovanio, ubi honestis artibus
 innutriebatur, in Hispaniam & captivitatem avectus est.
 Stragibus & fuga magna vastitas fit. Pauci, quibus nec ex-
 silium egestas sua concesserat, cum armis in sylvas abditi, ubi
 multa de sacerdotibus præda victitarent, grassantes in se ma-
 gistratus pari pœna coercuere, donec majoribus Albani co-
 piis excuterentur. Ita & ad Mosam Rhenumque coortæ pas-
 sim exiguæ manus, conjuratæque in ducis necem primis co-
 nati-

1568.

*Funeribus
 barbarum
 moribus
 duodecim
 consuevit
 iudices.*

*Plurimi
 necantur.*

*Egmondus
 & Horna-
 nus capite
 plectuntur.
 Quod atrox
 Belgis spe-
 ctaculum.*

*Arausio-
 nensis bona
 in fiscum
 vertuntur:
 filiusque in
 Hispaniam
 captivus
 abducitur.
 Magna
 ubique fit
 vastitas.*

1568.

*Mitiora a
Rege spera-
ri non si-
mont nun-
tius ex Hi-
spania.*

natibus succubuerunt. Mitiora a Rege quam ab Albano sperari atroces ex Hispania nuntii non ferebant : ubi affectus publico supplicio Montiniacus , quem missum eo retulimus , fas gentium sanctumque inter hostes legationis nomen frustra pro se fore speravit , negato subditis cum principe tale juris commercium intercedere. Marchio Bergensis similem exitum oportuna morte prævenit , non sine dati veneni rumore ; sed & hujus memoria Albano faciente damnata est. De ipso Regis filio Carolo major fama & obscurior : tot illum regnorum hæredem in custodiam datum constabat , seu suspicionem incitaverat matura imperio juvenia , quasi nimium Belgas , nec ut paternos curaret ; sive idem crimen ipsum , & novercam abstulit : mox sane interiit , incertum quibus causis patris ira in filii necem durasset , Arausionensem sponte ad arma non festinaturum , quod mallet Hispano ruendi in omnes , donec consilia cuncta patescerent , & oppressis coalescendi copiam dare , addita spe , fore ut in Regem aliis subinde bellis implicitum tutior daretur occasio , exsules impellebant , qui ubique inviti & inopes patriæ fortuna procul premebantur. Pars horum Ludovici Nassavii ductum secuti in Frisiam irruunt. Hi interemto Arembergio , quem prudentius cunctantem militum ardor & convitia in prælium impulerant , disiectisque ejus copiis victores , cum descituras civitates frustra expectarent , & jam deficiens stipendium disciplinam solvisset , Albani superventu concisi , amisso etiam in priore pugna Adolpho Arausionensis ac Ludovici fratre , alterno hostium & suo sanguine bellum imbuerunt. Hoc rerum cursu pertractus Arausionensis , ut iusto imperio & robore partes resoveret , jus causasque armorum libris evulgar , objecta sibi crimina , simulque judicem refutans , nec dissimulato meliora se edoctum a Romana ecclesia transiisse : sumere tamen arma communi pro salute , & depellendo patriæ servitio testabatur , id civis , id viri optimatis officium : de Philippo honorifice , cujus bonitatem ab Hispanorum consiliis obsideri , nec desperandum , quin aliquando fidam gentem juratasque leges respiceret : interim ejus erroribus , ex lege Brabantica , principatus obsequium non deberi. Postremum , quod ad jus causæ plurimum facere videtur , ita se habet. Brabanti ut pleraque cautius cæteris libertati suæ prospexere , ita contra fraudem impetrantium , qui obtentu publici boni conventiones non me-

tuunt

*Arausionensem ad
arma im-
pellunt
exsules.*

*Ludovicum
Nassavium
caso prius
Arember-
gio ab Al-
bano fuga-
tur.*

*Arausionensis justitiam
causæ
sue libris
evulgar.*

tuunt rescindere, illud quoque proprium pacisci solent, ut, principe leges violante, ipsi fidei & obsequii vinculo liberentur, donec demantur injuriæ. Idque majorum exemplis firmatur, qui olim impotentia, aut assentantium dolis abreptos principes, ac maxime Iohannem ejus nominis secundum ad meliora traxerant vi aut fortibus decretis; haud ante pace facta, quam iisdem staturos se principes spondissent. Arausionensis, quanquam in Germania natus, clarissimas per Brabantiam jurisdictiones hæreditarias obtinebat, quarum dominis mos antiquus procerum dignitatem ascribit: eo tum ille jure, non usum modo legum, sed & tutelam ad se præcipue pertinere contendebat. Cæterum prætereundum non est, ab aliis quoque Belgarum nationibus idem jus moribus usurpatum: Maximiliani insuper Austriaci Mariæque Burgundicæ placita præferri, quæ ipsas Brabantis individuas eadem legum sanctione æquaverint. Illud constat, qui postea Carolo imperatore principe accesserunt, populos, Frisios, Trajectinos, Geldros, multa pactos propria, illud commune, ne a Brabantia atque Hollandia divellerentur. His disceptationibus permotus Cæsar Maximilianus, simulque Arausionensis casum miserens tantis honoribus tantisque divitiis subito exturbati, (nec enim illo ingenio mitius ullum regnis contigit) Carolum fratrem in Hispaniam misit, qui suo & principum Germanorum nomine nuntiaret, non videri e bono publico in Belgas durius consuli. Sed male dissimulata iracundia Philippus referri jussit: sua sibi curæ, cui nota ut clementiæ, ita severitatis tempora, in eos qui spreto Deo, mox & principem spernere didicissent: ipsos facturos rectius tutiusque, si rerum alienarum arbitrio abstinerent. Erant, qui differrent inferiora Germaniæ per vim dominantium corpori suo avulsa, nunc bello redditum iri. Sed Cæsar sponte pacis studiosus, mox & nova affinitate Hispaniæ illigatus, quievit. Pauci Germanorum, pietatis respectu, aut regnorum invidia, & Albani nimium ibi noti odio, Arausionensem pecunia ac milite juvabant; forte & moti suspicionibus, quasi Albanus nobiles ad Rhenum Amasiumque urbes, ob religionem & Belgarum effugia, regio imperio adjecturus, inde cæteris immineret. Simul ad expeditionem ipsius Arausionensis fides & propinquorum pignoribus devincta, datum & nonnihil a Belgis quibus peregre morantibus necessitas redeundi, aut tacita domi vota libertatis: sed

1572.

Brabantium cum principis patre.

Idem jus aliis Belgarum nationibus quoque usurpatum.

Maximiliano Casari per Carolum fratrem apud Philippum pro Belgis intercedenti acerbe a Philippo respondetur.

Pauci Arausionensem militem pecunia juvant. Ad expeditionem Arausionensis suam propinquorumque fidem pignoribus obstringit.

1568.

*Sex equi-
tum millia,
pedium
quatuordecim
scripta.
Qua alba-
nus non pu-
gnando de-
bellat.*

sed pleraque polliciti in eventum distulere. Coacta igitur ipso ductante sex equitum millia, peditum quatuordecim, e Germania maxime, ubi ingens hominum multitudo præsenti ære inescata, futuri improvida, nullo partium studio, cuius conducenti facilis; pars & e Belgica & Galliis. Has copias, cum improvise Mosæ transitu primam prælii occasionem non rapuissent, exin facile Albanus debellavit, egregio usus victoriæ genere, non pugnando: felix id sibi etiam in Italia quondam adversus Guisium expertus. Itaque hæsit usque per totos tres & viginti dies euntium tergis, tam provide positis proxime hostem castris, ut nunquam cum illius desperatione certare cogeretur. Repertus tum color iniquitatis in perpetuum duraturæ, ut bellum utrique pacatis e regionibus alerent, cum dato aut negato transitu per Cliviam aut Leodium, pars semper altera rapinis se aut etiam incendiis vindicaret. Sed tanta moles exercitus nullis urbibus recepta, nullo adjuta comœatu, brevi diffluit, fame, rerumque omnium, stipendii maxime, penuria: cuius vix tenues reliquias Arausionensis in Galliam trahens, eo spes suas transtulit: ibique immixtus aliquamdiu bello alieno, & simili causæ (nam & Albanus Regi auxilia miserat) pace mox inita deceptus fuit, & in de-

*Arausio-
nensis in
Galliam
discedit.*

1569.

*Albanus
sacrao ense
a Pontifice
donatur.*

*Sibi sta-
tuam ponit.*

*Multa uri-
lia consti-
tuit.*

ceptos pars insidiarum. Depulso exercitu, quo non dubie exhaustæ vires Nassavianæ erant, ut cautus periculis, ita nimius successu Albanus in eos se populos victorem ferens, quos hostes nondum senserat, quæsi armis imperii gloriam affectabat. Eoque nomine, sacrao ense a Pontifice Romano donatus, super deditam scriptis rei famam, in arce (quam perfectissimi operis Antverpiæ imposuerat, coercendæ plebi; nulli præter id usui, quod sitis ipse testatur ab amne aver- sus) statuam sibi ponit, multo verborum honore, quod extincta seditione, rebellibus pulsus, iustitia culta, provinciis pacem firmasset. Multaque eo tempore utilia non minus quam speciosa, de moneta ac mercatura, de criminum persecutione, & libris non temere in vulgus edendis constituit, solo auctoris odio peritura. Iam vero in religiones inquisitio, acta synodi Tridentinæ, novi antistites, excusata hæcenus aut repudiata, parato qui cogeret, velut sponte recipiebantur, provectis eo usque odiis, ut a Protestantibus Christiano ritu tincti, contra veterum instituta, retingerentur. Nec minus perduellionis novum tribunal calebat super vetera crimina additis, quos nuper Arausionensis prospera spe-

rasse,

rasse, aut indoluisse adversis, suspicio erat. Quæ tamen dum sunt, clementiæ quoque fama velut honestandæ victoriæ quærebat, proposito Regis edicto, priorum temporum culpam fatentibus ignoscentis: sed excepti ad poenam sacrorum doctores atque administri, quique eos hospitio juvissent, & quorum scelere violata templorum religio, quique arma gesserant, aut honores, aut in nobilium coitionem adfenserant; immensum rerum agmen. Oppidorum quoque & universitatum jura, & quæ privatis fiscus debebat, Regis arbitrio servata. Cum jam non metus, non pudor retineret, ultima Hispanorum commenta patuere, quibus effecturos se jactaverant, ut provincialium sumtu imperii onera, & si necesse foret, bellum quoque administraretur. Iubet Albanus totius census in præsens centesimam pendi: quod ipsum grave; quia rite rogari solitum, ab armato imperabatur; nec sacerdotibus exceperat: deinde vicesimam soli, decimam cæterarum rerum venalium in singulas alienationes; Hispanis ita pendi asserens, quo magis æquum Belgas parere, damnatos legibus, subactos armis, nec aliter veniæ compotes. Facile intellectum, hoc vestigali negotiationes artesque connexas, multorum fuga jam labefactatas, perverti, prima populi alimenta. Nam mercimonia, multis solita ministeriis distrahi, si tantum onus in pretii partem accresceret, non erant inventura emptorem, cum possent alibi vilius constare. Si quibus obloquendi audacia, statim immisso milite exquisitissimis injuriis vexandi tradebantur. Quin & nationum & urbium quædam contumaciores, raro more, majestatis interrogabantur, objectis quæ contra edicta regia pepigerant, fieri permiserant. Et quanquam privatorum furores a causa communi, necessitatem a maleficio segregarent, lata sententia, legibus omnique consilio publico exuebantur; regendæ in posterum eo jure, quo principi placuisset. Nec ad Regem provocasse quibusdam impunitum fuit: & magistratum preces multa coercitiæ, quam ipsi de suo dependerent: quibus exemplis territi cæteri, certa pecuniæ summa infinitum onus redimere conabantur. Nondum infensum Belgarum vitio Deum tot mala satiabant: sed quasi jactandæ terræ viris opibusque florentissimæ, hominum crudelitas & avaritia non sufficerent, Oceanus, quanta vix unquam eluvie littora perrumpens, stragem præsentem attulit, futuram indicavit. Hoc enim illud erat tempus, cujus exiguo fine ultima

Plaque relinquitur Regis arbitrio. Tum ultima Hispanorum commenta patuere. Inaudita tributa Belgæ penderi Albanus jubet.

In obloquentes severe animadvertit. Belgarum contumaciores privilegiis eximuntur.

Oceanus magnam stragem adfert.

1570. *Oppressi Belgæ vindictam & defensionem cogitant.* ma servitus & summa libertas discreta, per utrumque nomen pares clades & miseriae continuarunt. Iam ira oppressis armorum libidinem suggerens documento erat, nullam esse tam firmam concordiam, quam quæ privatæ rei vinculo continetur. Gens illa, quæ cives flammari, occidi rectores, eripi leges, religionem, rempublicam, viderat pene immota, tum primum consensit priora ulcisci, imminetia arcere.

Bruxellæ in urbe decimam solvere detestantur.

1571.

Bellum iterum experitur Arausionensis auxilium principes proteſtantes roga.

Danus & Sueo negant.

Nec ausa Angliæ regina;

Nassavianos Angliæ fines excedere jubet.

Atque adeo Bruxella in urbe, quamvis præsens Albanus & ingenti præsidio minax decimam exigeret, officinas & tabernas quisque suas claufere, vel capitis periculo aspernati confessionem servitutis. Iam patibula, jam carnifices parati erant in contumaces, cum nuntiati, quos mox narrabimus, per Hollandiam motus manum iniecere sævitæ. Crescens populorum indignatio animum Arausionensi restituerat, quanquam afflicta fide, ut iterum belli fortunam experiretur; dum partem Philippi virium Turca in se trahit, & ipsa Hispania a Maurorum motu vixdum satis quieverat; dansque arma & ducem, viam dissidio aperiret. Misit igitur idoneos ad principes omnes, qui se religionis instauratores profitebantur, oratum societatem, aut clandestina auxilia in causam communem. Negarunt Danus & Sueo, metu adversus validiorem certandi; nec Angliæ regina ausa turbare vicinam magnitudinem, quanquam ipsam Romanus pontifex devotam prædæ exposuerat, & Albanus ob retentas in Anglia mercatorum Genuensium pecunias, in usum præsentem & sub reddendi fide, exorto certamine & ad pignorationes usque provento, pridem suspectus erat causam belli in divitem insulam quærere; ac nuper cum in ejus regni Septentrionalibus turbaretur, miserat qui portus explorarent, quique se duces, si res processisset, præberent; & Scotorum reginæ conatus adversus Elisabetham haud dubie fovérat: quibus ad tempus dissimulatis, eo usque Hispano obtemperatum est, ut Nassaviani omni effugio exuerentur, jussi intra certum diem Angliæ finibus excedere. At in Gallia, qui ritus latinos aspernabantur, ut paci fiderent in admissiones gratiamque Regis adæquati, quo prodesse Arausionensi eadem sentienti, Burgundicis odiis recentia aggerebant; super motam tunc primum in conventu Tridentino de loco inter reges principem controversiam, infamato Philippo veneni in uxorem Elisabetham: cui ultionem deberi, neque minus Gallis, quos in Florida Americæ provincia Hispani obtrun-

cave-

caverant. Quæ rex Carolus pronis auribus accipiens, credi 1571.
 voluit credidisse: altera hac illecebra, super pactas Navar- *Rex Gallia*
 ræ sororis nuptias, suspectos sibi circumscripturus. Egregia *Arausio-*
 consilii species, obviam eundum potentæ vicinis imminenti, *non si suppo-*
 & Gallicis ingeniis bello opus, ut pacem servarent. Iactaba- *sias ferro*
 tur velut arcanum, eoque intentius, fracto fœdere, quod *vello simu-*
 captivo regi Cæsar Carolus expresserat in Francici nominis *lati*
 debonestamentum, restitui veterem Galliarum limitem, Rhe-
 noque tenus imperium ferri: quæ ultra sunt, dicto excepisse
 sibi Arausionensem præmium operæ. Missæ ad eum pecuniæ, *Missæ ad*
 & perlata consilia Ludovico internuntio, quem Caspar Co- *Arausio-*
 liniacus, dux novatæ religionis præcipuus, ad Regis collo- *non si pa-*
 quum perduxerat. Classis quoque regia Oceano Aquitanico *cunia, &*
 instructa, venditæ palam in urbe Rupella prædæ ex Hispa- *communi-*
 norum navibus, legati Hispanici inanes querelæ, fidem dolo *cata consi-*
 auxerant. Interim Arausionensis tam validæ societatis fama *lia.*
 fruens, per legatos aut literas Belgarum exsulibus patriam,
 domi oppressis libertatem promittit: & plurimis civitatum
 rectoribus persuadet discidium, Albani odio & formidine.
 Sic studiis populorum & armis fretus vim maritimam ad-
 junxerat. Nam audacissimus quisque Belgica extorres, &
 inops exilium metuentes, in naves se conjecerant, aliasque
 complures obvias per vim nacti, aucto numero, prædabun- *In Belgas*
 di Oceano & per oram maritimam vagabantur. In hanc mul- *Oceano &*
 titudinem Arausionensis, quanquam jus & regimen aberant, *per marit-*
 speciem imperii retinebat, distributis per cōdicillos potesta- *im oram*
 tibus. Toti maritimo officio præpositus Wilhelmus comes *prædabun-*
 Markius, Lumeius cognomento, animi ferox, idque illi *dos speciem*
 unum pro virtute erat; & comitum plerisque consilium, aut *imperii re-*
 animus, non nisi in prædam. His tunc ministris uti supremæ *times Arau-*
 providentiæ visum, cui fere placuit Belgicis in rebus ita hu- *sionensis.*
 manam fiduciam & consilia illudere, ut nunquam simul essent
 spes magna & bonus eventus. Viginti quatuor modica navi-
 gia, initium belli in potentiam toto orbe præcipuam, edicto
 ejedæ Anglicanis partibus, in Westfrisiâ ferebantur, tentan-
 dæ fortunæ: sed, vento adversante, rerum necessararum penur-
 ia impulit in maximam insularum, Vornæ vocantur, quæ
 Mosæ ostia continent: ubi oppidum Brilam classarii repen-
 tino terrore inter trepidantes, aut volentes, invasere; neque
 tunc mansuram sedem, sed ad paucos dies stationem decre-
 verant. Exoraverunt prudentiores & loci oportunitas, ut
 victo-

1572.

vicloriam retinerent : adeo cunctis præter opinionem evenientibus , ut Maximiliano Boffuvio duce (is tum Hollandiæ præerat) Hispanorum cohors ingreffa infulam , velut fubito pavore lymphata profugerit , nemine contra ire aufo , tantum

*Boffuvius
Roterodamum
magna cum
oppidanorum
cade diripit.*

*Quo Hol-
landi im-
puli ad
exules ju-
vandos.*

quia naves ipforum oppidani incenderant. In reditu Boffuvius tranfitum Roterodamo poftulavit , quod , experti præfidiorum mala , concefferunt , ea lege , ut exiguæ manus , aliisque dimiffis , aliæ ingrederentur. Sed contra pacta confertim irrumpit miles ; fit magna oppidanorum cædes. Ea perfidia commotos Hollandorum animos ita impulit , ut fponfe plerique , pars aut plebis motu adacta , aut vicinorum armis , aut commercii denique neceffitate , exfulibus admiſſis ftudium aperirent. Nam arces Albanus hic nullas ftruxerat , gentis fimplicitate tutum fe credens , quæ plus cæteris quieverat hætenus , tanto validius eruptura. Quin & Hispani pars ante abducti , ut Trajectum Batavorum militaribus flagitiis punirent , quod ea civitas , facrorum fiducia , vectigalibus imperatis acrius reſtitiffet : & eos , qui Roterodami conſederant , Albanus ad primos tumultus nuntios , vaniſſimo metu , ne illic obſiderentur , exemerat. Secuti Hollandiæ oppidum Fliffingani , quos ſurgentis arcis aſpectus & præſidium adventans commoverat ; Pacieco Allobroge , operum Albanicorum peritiſſimo curatore , ad ſupplicium rapti , in cauſam descendunt. Inde & alii Hispanos per Zelandiam excluſere , affluentibus quotidie auxiliis e Galliæ & Britanniæ regnis , quibus ex rebus novis ſpes licentiæ erat. Geldriam & Tranſilalana Wilhelmus comes Herembergſis , affinitate Arauſionenſi junctus , magisque hoc nomine quam ſua vi nixus , Friſiam Nederwormterus , & mox Scandenburgus incurſant , validis urbibus admiſſi , optima civium voluntate. Nuntiato hoc motu populorum , non multum Arauſionenſis lætabatur , minore caſu præventum fe querens , nec adultum ſatis conſenſum. Incondito adhuc corpori , primam reipublicæ ſpeciem indidere coëuntes Dordrechtum Hollandi nobiles aliquot , & præcipuarum urbium legati. Miſerat eo & Arauſionenſis , quem Hollandiæ Ordines , abſentem quamvis , rectorem ſibi , utpote accepta a Principe præfectura , nec ullo legitimo iudicio ablata , ſimulque contra Albani dominationem belli ducem profitebantur. Pugnæ interea terra marique : peſtribus præliis vincebat Hispanus rudes & incompoſitos , pelago inferior in hoc genitis. Egregiæ hac in parte Zelando-

*Hos ſequuntur
Fliffingani
& alii.*

*Quo non
medium
latatur
Arauſio-
nenſis.
Prima rei-
publicæ for-
ma Dor-
drechts con-
cepta.*

*Hiſpani in-
terim ter-
ra , mari
Belga ſupe-
riores.*

rum

rum victoriæ, qui inopiam publicam navalibus prædis solabantur. Et forte Medicælius, jampridem dictus Albano fuccessor, ut pœnitentiæ exorabilior, capta classe, qua ex Hispania advenerat, vix ipse elapsus, recusavit imperium; ne tanto rerum discrimine alieno se dedecori immisceret. Nec Albanus tamen periculis mitigari, aut agnoscere hostes & jura armorum: sed ubi quos nactus, ut in rebelles majestatis judicia exercere. Vnde ultio, & apud adversas partes eadem in captivos feritas nullo discrimine; donec quæ olim inimicas gentes, illos quoque docuit mutua necessitas; parcere sanguini in summam belli nihil profuturo: ita terrestrium armorum inducta commercia; maris possessionem Nassaviani sæviendo retinere. Coalescendi spatium Hollandis ac Zelandis datum est, dum illis omisissis, quin & parte præsidiorum abducta, Montem Hænoviæ urbem Albanus obsidio premit, captam a Ludovico Nassavio astu militari, cujus in vicinia amissas simul Valentinianas Hispani ex arce receperant. E Gallia liberando Nassavio, qui Montem tuebatur, auxilium advenit quingenti equites, pedites quinquies mille, non prohibente Carolo, quod ut taciti fœderis argumentum accipiebatur: pariterque ex Germania Arausionensis procedebat exercitus, major etiam quam priori expeditione. Potuisse magno terrore bellum circumferri credibile, nisi incautiores Gallos explorato itinere Hispani interceptissent. Dux ipse agminis Ienlisius, alii que nobiles in potestatem venerè; pro quorum incolumitate per legatum rex Carolus acriter contendens, ultimum fabulæ actum imposuit. Nam subito Arausionensem atrox percellit nuntius fraudium Gallicarum, intelligitque Navarræi & Condæi vincula: primo Coliniaci sanguine fœderatam Guisiorum potentiam, inde toto regno jus factum cædibus, contraque exosæ religionis sectatores armata vulgi furentis odia: huc pacem, huc funestas nuptias, totque illa delinimenta, suam quoque societatem cecidisse: spe igitur prope unica dejectus, cum & stipendia cohortibus quibusdam promissa rex Galliæ abrumperet, talique consiliorum exitu fatis Philippo purgatus amicitiam integraret, dimittere exercitum cogitur, & vix evitata seditione, quod reliquum fortunæ erat, in Hollandiam abit; suorum ipse laborum irritus, extra spem ultro oblatis usus. Secuta Montis deditio: usurpatumque jus victoriæ in Machliniam, aliasque urbes, quæ transeuntem Arausionensem stipendio, aut fru-

1572.

Medicælius capta classe, vix ipse elapsus.

Albanus Montem Hænoviæ obsidens Hollandis ac Zelandis coalescendi dedit spatium.

Nassavio ex Gallia auxilium mittitur.

Pariter ex Germania Arausionensis procedebat exercitus.

Gallos incautos interceptum Hispani.

Arausionensis dimisso exercitu in Hollandiam abit.

Montis deditur.

In Machliniam aliasque urbes. victoria usus Albanus.

1572.

*A Nassau-
vianis Fri-
sia & circa
Isalam oc-
cupata loca
deseruntur.
In capitis
Nardam
& Zutpha-
niam filius
Albani
rurpiter
savit.*

mento juerant. Inde prolata formidine, quæ Frisiam aut circa Isalam occupata diximus, non sine ducum ignavia, præsidiiis deferuntur. Capta & Zutphania a Friderico Albani filio, dum deditio paratur, ubi in oppidanos post tormenta & stupra sævitum cædibus, nulla ætatis, nulla sexus reverentia. Post Narda Hollandiæ oppidum vastatur simili feritate, dirutaque mœnia antiquo ultionis exemplo. Hæc Hispani aliis quoque bellis haud insolita sibi ad celerem victoriam promissa futura credebant, cum contra homines re nulla magis quam clementia vinci assuesceris. Auxit cæteris impetum & constantiam, quod, sublata fide & spe veniæ, graviora pacis mala, quam belli metuebant: ea desperatione in spem quoque elati fortius in medium consulere, nec ulla omnino urbs dedita est postea, quæ non extrema tolerasset. Congruens arbitror cunctas nascentis reipublicæ partes simul recensere, quando ea tempestate initia jacta sunt belli & libertatis, quæ tum nemo mortalium tantum in tempus exitura judicabat. Perstiterant soli in armis Hollandi & Zelandi, quarum gentium situm veteraque & recentia nomina, ut per totum opus intelligantur, exponam. Antiquis temporibus nobilissima fuit Batavorum insula, Germanis Gallisque media, positu ad ducendum transmittendumque bellum oportunissimo. Nomen habitatoribus & origo a Catris. Romana societate, extra delectus, cætera sui juris egere; equitandi, nandi peritia, fide, virtute auxiliarium honoratissimi: nec minus clari eo bello, quo sub initia Vespasiani, Civili duce, Gallias ad libertatem excitarunt. Post quæ tempora, modo Franci, modo Saxones, tandem & Angli his partibus sedere. Sunt qui Slavos & Varnos adjiciant. Eam insulam Rhenus in Vahalim & sui nominis alveum distinctus, & duobus maxime capitibus in Oceanum influens, amplectitur. Dextrum Lugduno non procul exibat, olim etiam tenue, post, vi tempestatibus sabulo obstructum, aquas in Leccam vertit. Sinistro Mosæ mixtus Vahalim ostio tenuis ripis continebatur. Hodie, antequam eo perveniat, varias insulas interfusus, ob crebra diluvia in maris speciem transit. Tertium Rheno ostium, quod a dextro longius in Septentriones abit, Drusus aperuit. Nam in Isalam flumen perductus amnis opere militari, inde se immergens in lacus, quibus Frisiorum nationes duæ distinebantur, arctatusque apud Flevum insulam, hoc eodem accepto nomine in Oceanum effluebat. Cæterum & hæc facies

*Federata-
rum pro-
vinciarum
descriptio.*

cies locorum ita mutata est, ut non emitti fluvius, sed contra mare terras irrupisse, & angusto primum ingressu laxare mox se in spatium ingentis sinus videatur. Principium igitur agri Batavi vetus in parte nomen retinens Geldriæ accensetur, cujus ditio latius patens Isala & Mosæ amnibus fere terminatur. Vicina huic Transisalana, a positu dicta, latus Frisiis majoribus ad Amasium usque excurrentibus, tergum aliis Germaniæ populis obvertit. Sed Mosæ Brabantia longo tractu prætenditur. Infra Geldriam, qua Velavia dicitur, Trajectum est, cum propinquis aliquot oppidis, infessum episcoporum dominatu, quorum & Transisalana erat; quæ primus omnium Carolus Cæsar suæ ditioni adjunxit. Inde jam Hollandia frequentissime urbibus & vicis habitatur, duobusque angulis in Vaholim & sinum, quem diximus, excurrens, sensim aquis utrimque recedentibus, diffusum littus Oceano objicit: cujus Septentrionalia, pars olim Frisiorum, partim armis, partim pactioibus adjecta Hollandiæ, quia Transflavianis in Occidentem objacent, Westfrisiæ vocabulum tenuere. Ager omnis Hollandiæ multis annuum brachiis lacubusque, & fossis manu ductis interscissus, pascuis quam segete felicior: piscaturam & navigationem amnes & mare nulli gentium largius præstant. Zelandia huic contigua omnis in insulas sparsa Mosæ & Scaldis ostiis ambitur; retro Brabantia quoque annexa & Honta, Scaldis alveo, divisa a Flandris, qui apud exterarum gentes toti Belgicæ nomen dare meruerunt. Horum tractus secundum mare urbem usque Caletum freto imminentem se explicans eam Belgicæ partem attingit, quæ nunc sub Francorum est imperio. Hollandiæ & Zelandiæ infessores olim Danos de suis vocabula indidisse, quibusdam conjectura est; sed ego vetera monumenta persequens reperio hoc commune cunctis insulis esse nomen, illud proprium olim regioni haud magnæ, Lugduno non procul, silvis horridæ, credo; nam id nomen sonat. Id constat, ex Septentrione populos, cum sæpe incendiis, cædibus, rapinis grassarentur, causam dedisse in commune consulendi, legendique aut accipiendi Principes, comitum vocabulo; qui Francorum primo, post imperatorum Germaniæ majestatem ita observarunt, ut legibus non subderentur. Quæ prima illis domus fuerit, ut fere antiqua, incertum: vulgo recepta opinio, ex Aquitania missos. Sed indigenas fuisse, qui multo arctius quondam eo in loco, unde Hollandiæ

1572. fluxerat nomen, imperantes, paulatim creverint, argumentis non caret. Per muliebres successiones ad Hænovios, Bojoaros, Burgundiones, Austriacos, descensum est; quorum e genere rex Philippus secundus in Comitum ordine tricesimus primus numeratur. Sed hoc tempore belli difficultas so-

*Communi-
bus Hollan-
diæ, Zelan-
diæque cœ-
ptis Amste-
lodamum
& Middel-
burgum
valde obli-
vis.*

*Bomme-
liensis insu-
la Hollan-
diæ mu-
niebat.*

*Arausio-
nensis ad-
ventu tur-
bata omnia
composita.*

*Cum Crdi-
nibus om-
nia guber-
nat.*

*Sex maio-
ribus urbi-
bus de re-
bus antea
consulenti-
bus duode-
cim mino-
res adieci.*

lique calamitas inde, quod communibus cœptis Hollandiæ Amstelodamum, Zelandiæ Middelburgum deerant, florentissimæ urbes, mole sua immotæ, & quia defixior in illas Albani cura, addictos sibi præfecerat, imposito & milite. Contra muniebat Hollandiam sociæ partium Bommeliensis, Geldrici juris insula, Vahali ac Mosa amplectentibus. Nihil istis rebus tam necessarium quam Arausionensis adventus fuit. Is peritus regendi artium, turbata omnia recomposuit, vimque alias haud diuturnam ratione fovit & propria lenitate, quæ ipsum hostibus quoque commendabat. Nam Markius, dum pro absente imperium Hollandiæ administrat, sævitia in sacerdotibus, & nullo non immodestæ genere, infamaverat nascentem libertatem: ferum per se ingenium accendentibus Gallis, qui sueti licentiæ & sanguini, mala quæ domi fugerant, alienis in armis ulciscabantur. Eam ob rem, & quia parere non didicerat, jussu Arausionensis captus mox, accusatusque est; quominus puniretur tempora obstabant. At Arausionensis remisso Principis nomine vim amplectens, honores mandare, edere constitutiones, rem militarem & maritimam & pleraque reipublicæ tractare cum dilecto concilio: aut excitis Ordinibus præsidens, siquid majus incidere. Crebri autem conventus, præter speciem popularitatis, in hoc proderant, ut quamplurimi partibus illigarentur, cumque antea sex Hollandiæ urbes una cum nobilitate de rebus plerisque consulerent, Dordrechtum, Harlemum, Delphi, Lugdunum, Amstelodamum, Gouda, Arausionensis minores adusque duodecim admisit; non dubie fidas ei, cujus ope jus suffragii acceperant. Sed nec ratione carebat, consiliorum factas participes, quo introspecta onera facilius tolerarent. Nomina carum sunt & ordo, in Austrina parte Roterodamum, Gornichemum, Scidamum, Schoonhovia, & in insula Mosæ, Brila: ad Septentriones, Alcmaria, Horna, Enchusa, ibidemque in aquoso recessu, qui Waterlandia dicitur, Edamum, & Monachodamum, nec longe Medemelaca, & Purmerenda. In eorum qui defugerant locum alios subrogatos judiciis rationibusque publicis imposuit: magna penuria hominum,

minum, qui ea munera cuperent, aut mererentur, cum plerique virium æstimatione, seu religio accedebat, eximerent se turbidis, & intutis. Cæterum ne nulla subnixi societate temere invidiam defectionis susciperent, rebus omnibus contra Philippi jussa nomen Philippi prætendebatur. Nec exemplum deerat ipsis quoque ab Hispanis, qui, digresso in Germaniam Carolo, tributis ultra modum vexati regiones præfectos oppugnaverant. Religionis causam primi talibus coëptis sociaverant Smalcaldico foedere Germani: post quos Galli proceres plurimis etiam scriptis disseruerant, non peccare in fas obsequii minores potestates, quæ, invito quamvis principe, divina ac publica jura vitamque innocentium, si necesse foret, armis defenderent. Nassavianos hoc sublebat, quod sumptis in Albanum armis, remoto rege, conspectui parcebatur: diriore illorum necessitate, qui pro regum suorum magnitudine paratos se occumbere dicentes, contra eosdem instruere infestas acies, inferre signa cgebantur. At Romanæ cæremoniz ejectæ templis, & qui ejus sententiæ erant haud facile ad magna munera admittebantur, non lege ulla, sed prudentia; ne, infensi dissentientibus & probabiliori venia, causam suam a publica disjungerent. Recepta publice disciplina, quæ Genævæ, & in Palatinatu Germaniæ passimque alibi docebatur: hoc tamen interest, quod ejusdem religionis alii diversas minus tolerant: quippe non in hoc tantum ordinatas a Deo civitates ac magistratus dictantes, ut a corporibus & possessionibus injuriæ abessent, sed ut, quo more ipse jussisset, eo in commune coleretur; cujus officii negligentes multos poenam, aliorum impietati debitam, in se accersisse. Contra, istæ nationes non modo nulla auxilia repudianda judicabant, sed sponte etiam omnes de religione leges inquisitionis nomine detestabantur; ac proinde disputabant, neminem volentem errare, aut nolentem credere, sed veram de sacris rebus sententiam a Deo humanis mentibus insinuari: nec gratam ipsi pietatem, quæ non sponte procederet: pravas autem opiniones compertum, non tam vi atque imperio humano, quam spatiis temporum debellari. Hoc obtentu non tantum publica sacra impune contemnebantur, sed absurdi interdum & impii sermones crescebant inter mala libertatis. In publicos usus versa eo tempore agri & vectigalia Principis, sacerdotum, monasteriorum; nec non eorum fortunæ qui apud hostes degebant;

1572.

Rebus omnibus contra Regis mandata, Regis prætenditur nomen.

Romanæ cæremonia templis exiguntur.

*Iis additi non facile ad magna munera promoven-
tur.*

Genevensis disciplina publice recipitur:

Ita tamen ut omnes de religione leges inquisitionis romano infamarent.

Agri & vectigalia principis, aliisque in publicos versantur usus.

1573.

Tunc inventa tributuum nomina.

& maritimæ prædæ. Tunc tot illa tributorum nomina in capita & possessiones, tum mutui vocabulo exactiones inventæ sunt, & in eas res quas usus consumit monstrata onera, quæ cum bello in immensum augerentur. Tanto flagrabant odio dominatus, omnia dabant ne decimam darent. Nova quoque reperta ratio ex hoste lucrandi, permissu vendito, ut commeatus, aliæque merces transportarentur; manetque mos utilis privatim & publice, vetitus sæpe, semper retentus. Etiam pro navium deductione merces aliquid pendebant, cum onerarias bellicæ ad secura maris prosequerentur.

Summa tamen nummaria difficultas.

Expugnantur urbium foederis cum Hispanis communis imperitiae. Albani error.

Harlemum se Hispanorum servitio permisit. Successuum continuationi Hispanorum discordia obstitit.

Quorum impetum prima fregit Alcmara. Nassaviani Geertrudisbergam capiunt: Et ipsum cum classe Bossuvium. Albanus cum filio vocatur.

His ita constitutis, summa nihilominus difficultas nummaria erat, quod Rheni Trajecto prius & Amstelodamo, tunc & per Nardam (id enim ex Geldria iter est) in Hollandorum agros Hispanus irrumperet. Res plurimæ civium opera, non externis & conductis copiis gerebantur. Sic quoque militantibus alimenta vix suppetebant. Non manipularis obsequio promptus, non ducibus imperandi artes; id unum salutare, quod communis cum hoste expugnantur urbium imperitia erat. Unde in longum tractæ obsidiones & summa vis, hostium famem opperiri, multis edocti cladibus, & eterno sanguine bellum artem fecerunt. Gravis error Albani fuit, quod Zelandiæ non statim incubuit, dum res incompositæ; sed terrebat mare belli talis inexpertum. Septem menses circa Harlemum Hollandiæ urbem hæsit Hispanorum exercitus, multis interim millibus per arma & asperam hyemem absumptis. Id tempus animos statumque rerum firmavit, & quanquam longa, post serum atque infelix auxilium, oblecti in sævas hostium manus venere, pars magna suspensi merisque: visi tamen sunt vinci posse, qui tam lente vicerant; & ne successus continuarent dum recens consternatio, ipsorum discordia obstitit, stipendiis non solutis; quod perpetuum illis partibus malum, sub opulentissimo rege. Harlempjesium suppliciis incensa iterum pertinacia, & Alcmara vergentis in aquilonem Hollandiæ oppidum, prima Hispani impetum fregit; invicta oppugnatione; atque alia subinde miseræ solatia, oppressa a Nassavianis Geertrudisberga, Hollandiæ in Brabantiam prominentis oppidum, & ipse captus cum classe Bossuvius, dum maris sinum terramque Westfrisiæ bello incurSAT. Ejus classis prætoriae Inquisitionis nomen Hispani fecerant, causam belli superbe exprobrantes. Albanum, cum non tam senectuti quam famæ sollicitus,

citus, quietem jamdudum oraret, tandem Philippus revocat, violentiam ejus parum procedere conspiciens, & quominus aliæ artes feliciter tentarentur, odium ipsius obstiturum, neque auditus, dum filium sibi successorem parat, paternarum ut actionum, ita odii participem. Quinque annis paulo amplius imperium administraverat: eo temporis spatio jactare solitus, octodecim hominum millia carnificis se ministerio sustulisse. Acta ejus, præsertim de decima, Rege nec laudare palam, nec rescindere auso; mansit ipse in aula incolumis honoratusque: donec aliquot post annis, cum filio, qui nobilem virginem stupro circumvenerat, conjectus in vincula est, nec ante solutus, quam bellum Lusitanicum periti ducis necessitatem fecisset. Successor regendæ Belgicæ Ludovicus Zuninga Requesenius mittitur, qui diversos dolis & laxiore venia irretiret, largitor & comis plusquam Hispanis solitum, peritia Albano impar: haud egenus tamen bellicæ laudis, pars magna scilicet illustris ad Echinades victoriæ, sed Grana- tæ etiam, cum inquisitiones vix toleraret, perdomitæ præ se famam ferens, violatæque ibi in suos & hostes fidei. Ad captandam Belgarum gratiam primum censuit, Albani statuam amoliri. Hoc tempore Middelburgum diuturna fame, quæ tamen haud multo minus obsessores, quam obsessos afflixerat, & devicta gravibus præliis Hispanorum classe, Zelandis accessit, attritasque opes refecit. Sed Ludovicus Nassavius, cum copiis quas fratri adducebat, ut Hollandia hostem detraheret, prope Noviomagum cæditur, immodestia militis, qui, cum strictis mucronibus hostis instaret, æra ducem flagitabat. Is finis fuit duci ingenio manuque inter laudatissimos, fratri ipsius Henrico, Christophoro præterea Palatini principis filio. Transiit in victorem exercitum, quo victi ceciderant, malum: cœperuntque & ipsi exigere præfectos, & postulare debitum sanguini pretium. Incubuit in Antverpiam is furor, urbem Brabantiae rebus tranquillis beatissimam; nimirum commercia & quæ inde proveniunt opes, vota sunt pacis; ubi bellum semel omnia permisit, nihil tutius est paupertate. Per vim & minas extorta sunt Antverpiensibus quadringenta millia florenorum, sponte creditum Requesenii, quia vetuerat repugnari; at mox impunitatem sanxit, velut gaudens expressam quovis modo pecuniam, quam a volentibus nunquam impetrasset. Nam dum ularum partium Ordines, nisi edicto decima tolleretur, tributa

Ejus crudelis jactantia.

Succedit Requesenius.

Albani statim tollit statuam.

Middelburgum Zelandis accedit. Ludovicus Nassavius cum Henrico fratre & Christophoro Palatino caditur.

Tumultuantes contra duces suos Hispani Antverpiensibus 400.000 florenorum extorquens, convenit Requesenia.

1575. tributa in bellum abnuunt, pervicacia Regis aut præfecti
e venerat, ut se utroque frustrarentur. Quo major autem
Hispanis quam cæteris gentibus præmiorum aviditas est, hoc
notabilius tumultuantur, & providentia quadam, nec ut regi
desinant. Sic tacito ducum fœdere in rapinas itur, quæ apud
militem merces, apud populum necessitas vocatur. Neque
istæ tum primum artes, sed jam olim aliis Hispanorum bellis

*Hac injuria
nationum
studia Arau-
sionensis
vehemen-
ter concili-
antur.*

*Aldegondius ma-
gna apud
Arausio-
nensem au-
thoritatis.
Legati de
concordia
acturi
utrimque
Bredam
conveniunt.*

*Re infecta
discedunt.
Reques-
nius belli
interim so-
ciosos vi op-
primere co-
natur.*

*Cælia ro-
gia ab agre-
stibus in
Westfrisiâ
caduntur.
Lugduni
obsidio.*

erupere. Hæc injuria studia nationum Arausionensi vehe-
menter conciliavit, quodque proxime secuto colloquio po-
stulata ejus cum omnium votis congruere. Nam capto Al-
degondio (is & ingenio & eruditione plurimum, & apud
Arausionensem auctoritate valebat) coram, inde per litteras
cœptum agi de concordia, Campigniaci adjuvante, cui do-
mesticum cum fratre Granvella certamen, & quale inter pro-
pinquos, odium erat. Ad ultimum legati utrimque Bredam
convenire, quo Cæsar Suartseburgium Arausionensis affinem
miserat, partibus conciliatorem. Arausionensis, & qui ab
eo regebantur, hæc dederant mandata: rebelles se & irreligi-
giosos ab adversariis immerito æstimari: constare enim sibi
in Deum & Principem officii rationem; nec ulla in Philip-
pum sumta esse arma; unam pacis moram, exteram domina-
tionem: si Hispanus miles amoveretur, quod ad religionem
cæteraque pertineret, Ordinum totius Belgicæ judicio se
fore contentos. Responsum est, non recte illos facere, quod
defensionem præ pœnitentia elegerint, dari tamen impuni-
tatem, dummodo religionis turbatores intra præstitutum
tempus patria excederent: quippe iniquum, tanto Regi de
religione statuendi arbitrium detrahi, quod minimi in Ger-
mania principes usurparent. Cætera ita Regem concessu-
rum, si prius urbes arcesque & machinæ cum navibus trade-
rentur. Dispicuere condiciones, ut armis sæviores; oratæque
induciæ, ut per annos aliquot liberi essent ritus sacrorum,
armis abstereretur: ne id quidem obtentum, sed, successi-
bus aliquot elatior, traxit pacificationem Requesenius, ut
belli incuriosos interea vi supervaderet. Nam eo tempore,
quo de concordia agebatur, arma Hispanica validissimos co-
natus habuere: qui partim prosperi improvisa celeritate,
alibi admirabili constantia refringebantur. Nam transgres-
sas in Westfrisiâ cohortes regias, passim deprehensas lo-
corum imperitia, agrestes cecidere. Durabat inter hæc ali-
quanto ante cœpta Lugduni obsidio, qua cuncta nutabant,
intima

intima Hollandiæ insidentibus Hispanis, nec ullis contra viribus, nisi in divina ope & pertinaci odio infidæ dominationis; quod hac tempestate tantum fuit, ut repertus sit nauta, qui evulsum Hispano militi cor moribus scinderet. Itaque morbis belloque consumptos, & nihil non experta fame, post longæ spei commercia, ad Mutinense exemplum, avibus internumtiis, perfolli aggeres, aperta amnium septa, & terris immissum mare, attollente fluctus pleno Lunæ orbe, ad hoc ventis mire obsecundantibus, servaverunt: quin & moenium ruina, ultimum urbibus malum, tunc fuit salutare, objecta auribus eruptionis imagine, quæ hostem decepit & terruit. Lugduno discedens miles, captumque trahens ducem Baldehum, cum Trajectum Batavorum, suarum partium urbem, specie seditionis, prædæ destinaret, ab oppugnatione depulsus est. Tentavit Hispanus & sinisteriora Hollandiæ, secundum Mosam & Leccam, irrumpere, captis oppidis prope ripas, inter quas Veteres Aquæ (ita oppidum dicitur) nobilis sævitia victoris: nec ante reprimi potuit, quam ad confluentes usque pervaserat, quo loco vicus est Crimpa nomine. Eadem tempestate Petrus Melendes Cantaber, Floridæ victor, sed insigni in Gallos perfidia, apud suos etiam infamis, cum res Americanas Batavicis parum sapienter compararet, Brilam se aliosque portus obsequio redditurum jactabat, & jam parata classe missa in Angliam legatio, quæ littus & hospitium, si eo venti adigerent, oraret impetraretque. Sed subita morbi lues nautas disjecit, & dux ipse edoctus pollicitationis vanitatem, pudore ut creditum, aut metu, vitam finit; coactique Hispani, oppressis vi Batavorum quæ ad Antverpiam excubabant navibus, & mox novarum sequentium facie, terrorem maritimum multos in annos differre. Post hæc Scaldiam Zelandorum insulam, in Hollandiæ confinio, ita nominatam ab ampe lævum latus alluente, vadis & classe ingrediuntur Requeseniani, dubium audacia majore an felicitate; quam ipsi illustrantes, compositis in veterum auditionum speciem miraculis, mare sibi ingredientibus cœlestes faces præluxisse referunt. Hic expugnato portu Bomenedæ, qui locus non magno præsidio fortiter defendebatur, Zyrixæam, insulæ caput, novem mensium obsidione accipiunt in potestatem. Huic maximo malo, quia duarum nationum societas medio hoste turbabatur, cum jam & pecuniæ & vires defecissent, alterum non levius

Summi in Hispanos odii mirum exemplum. Mari terris immisso Lugdunensis solvitur obsidio.

Baldesius Trajecti oppugnatione depellitur.

Hispanus sinisterioribus quoque Hollandiæ tentatis locis tandem reprimitur.

Petri Melendis infelix in federos maritima expeditio.

Terrorem maritimum in longum differre coguntur Hispani.

Requeseniani expugnato Bomenedæ portu Zyrixæam expugnati.

ac-

1576.

*Batavis la-
borantibus
frustra
principum
ambulantur
amicitia.*

*Henricus
Gallie Rex
clam res
Batavo-
rum fovet.*

*Requesenio
extincto, ad
senatum
regiarum
partium
admini-
stratio
translata
rem despe-
ratam re-
stituit.*

*Hopperi
Frisii ma-
gna apud
Hispanos
auctoritas.*

*Brabantio-
rum ani-
mos clam
sibi conciliat Arau-
sionensis.*

*In Requesenio
fervorem in-
cipiunt.*

*Flandri
Requesenio
tributa ne-
gant.*

accessit, quod principum amicitiae frustra ambiebantur, metu potentiae Hispanicae, an quod exemplum displicebat. Angliae enim regina, quanquam sacra communia, Oceani imperium, & ipsi ab Hollandis principibus ductum genus ostentabantur, foedus, & oblatum alteris mandatis summum imperium abnuebat: pecuniae tamen nonnihil interdum suppeditabatur; sed quod intempestive repetitum in majus incommodum verteret. Galliam tum Henricus habebat Caroli frater, qui Hispani dolo praesentens, & pari arte grassandum ratus, ejus vim destruentibus studebat, sed arcanum intra subsidium, haud reticenda commenti fere piratici subtilitate: qua cum Rege convenerat, ut Caleti, Gallica urbe, quaestores Nassaviani vicini maris navigandi licentiam venderent; nulla non gentium parata redimere injurias: nam hactenus sive ad hostes ibant, a Batavis in praedam, sive alio, tamen ad disquisitiones & damnosas alieno sub iudice lites trahebantur. Iuris simulacrum adhibebatur frequens negotiantibus averis periculi pactio, qua incertus eventus certa mercede in alium transferri solet. Idque unum tributum haud impar fuerat magnis belli impensis, nisi navalis turba, indomita legibus, ad veterem licentiam & propria a rapinis commoda recurrisset. Rem undique desperatam restituit improvisa felicitas, cum subita peste extincto Requesenio ad Senatum regiarum partium administratio translata est. Id gratum populis, & servandis quae tenebantur, pacandis quae defecerant, censuerat Ioachimus Hopperus Frisius, cui tum in Hispania agenti auctoritas increverat, ex quo improbata ipsi consilia male cesserant, ita ut sapientis nomen homo Belga ab Hispanis adeptus esset. Sed nemo est hominum ita sapiens, ut eum nunquam fortuna fallat. Clandestinis jam dudum artibus Brabantorum animos Arausionensis sibi conciliabat, demonstrando, nihil se quod privatim utile esset desiderare. At illi ultro etiam, dum Requesenius armis occupatur, aut lenitatem simulat, quantum remiserat dominatio, tantum contra insurgere: & ipse Praefectus parum provide ad coeptantes militum tumultus arma rapere agrestes jusserat, quod illic initium fuit libertatis. Iamque oblita sub Albano nomina, jus Ordinum & Leges omnium vocibus celebrari. Flandri quoque ingenium recepere, gens iniqua, & ne olim quidem principum satis patiens, cum tantum principes essent. Hi petenti tributa Requesenio, quo magis necessario exigebantur,

bantur, hoc confidentius negaverant. Sed in Senatu Hispani erant aliquot, cæteri Belgæ, a quibus sperabat Arausionensis impetrari posse, ut eadem defensæ patriæ præmia, quam proditæ mallent. Id curantis consilium casus adjuvit. Bel- lum enim hoc mirum in modum, quanquam validas, Hispaniæ opes affligerat, in tantum Rege obærato, ut novarum tabularum beneficio, possessiones suas eripuerit fœneratoribus. Et forte Turca (quæ potentia crevit semper Christianorum discordiis) dum Philippi robur in Belgas versum comperit, occupata Tunetensi provincia, cæteris Africæ, quæ Hispani tenebant, terra marique imminabat. Factum per has difficultates, ut stipendiorum dies aliquammulti præterfluere Hispanis per Belgicam militantibus, qui recepto jam more obsequium exuentes licentiæ præmia captabant. Bruxella rapinæ destinabatur, imperii sedes, ni plebs veterum memor, & in arma recentis periculi magnitudine confternata, advertisset magistratus, & quibus creditæ leges. Hi Senatum, quem rebus Belgicæ præpositum diximus, per- pulere, ut improbum militem hostem patriæ & principis judicaret; quod palam concessum; clam seditio foveri cre- debatur, paucorum consiliis, quorum opes in externa do- minatione sitæ erant. Sed cum, ejectis ducibus, conjuratæ cohortes Alostum, Flandriæ ejus (quæ jam olim non Fran- cico, ut cætera, sed Germanico imperio adhæsit) oppidum irrupissent, atque inde late circumfusa popularentur, nullo ultore, primores aliquot Brabantiz nullo publico consilio, sed Antverpiensis exempli memoria & metu, misere qui senatum, hoc est reipublicæ caput, in curia & sedibus suis comprehenderent. Mox, ne sine legitima potestate jaceret regimen, suspiciosos & innoxios discrevere, detentis quo- rum dolo aut fœcordia effectum volebant, ne contra Hispanorum injurias vis pararetur: quin & proprio delectu habito, pelletoque in partes quantum erat indigenæ militis, fœdus cum Flandris aliisque civitatibus junxere, ut in hostem communem. Nec recentia modo quietis publicæ turbamen- ta, sed Albanicorum temporum scelera, decimas, disquisi- tiones, infontium supplicia, quæsitum bello quod pace ha- bebatur, suarum quisque cladium memoria edictis objecta- bant. Nec jam res ad eos qui imperium detrectaverant, sed ad omnem Hispanicam nationem visa pertinere. Quare ex- citis copiis ejus gentis, quæ tum Hollandia exiere non re- dituræ,

1576.

*Arausio-
nem sibi
senatum
concilia-
rem Hispani
militis
adjuvit se-
ditio.*

*Bruxella
rapina de-
stinatur.*

*Miles hostis
patriæ &
principis, a
senatu pa-
lam judica-
tur.*

*Alostum
irruptis ac
late cir-
cumfusa po-
pulatur.*

*Quo ali-
quos primo-
res Braban-
ti impellun-
tur ad se-
natum in
sedibus suis
comprehenden-
dum.*

*Fœdus in
Hispanos
cum aliis
pangunt.*

*Hispanis
Hollandia
excitantibus
se ducem-
das Rodas,*

1576.

*Trajectum
ad Mosam
diripit.*

*Mox &
Antver-
piam.*

*Belge ad
sui defen-
sionem ope-
ra Arausio-
nensis uti
statuunt.
Pacis Gam-
davi resu-
muntur
colloquia.
Ejus leges.*

*Lucembur-
gii foederi
non acce-
dunt, acce-
dunt Frisii
Præfetto
suo in vin-
cula com-
sto.*

*Deje. His ar-
cibus exui-
tur servi-
tus.*

*Fœdus con-
tra Hispanos
omni-
um ordi-
num confir-
matur ju-
vamento.*

dituræ, ducem se dedit Roda, pars ante Senatus, & tunc ad cohortes transgressus jus omne imperii ad se trahens: velut in unum recidente collegio. Addidit se & Germanus miles, spe licentiæ: atque ita juncti Trajectum ad Mosam, egregiam urbem, diripuerunt: nec multo post in ipsam Antverpiam ex arce effusi, defensoribus exturbatis, aliquot per dies, cæde oppidanorum, ædium incendio, ingenti præda iram atque avaritiam satiarunt. Quas inter clades Belgæ, quibus in novo & rudi milite non satis præsidii adversus tot veteranos, tot arces erat, & longum, movere externos principes, proximis viribus ultroque oblatis ab Arausionensi uti constituunt; consilii plerique paribus se apud Regem criminibus teneri, quæ aut simul avertenda, at simul luenda essent. Ergo resumpta pacis colloquia, quæ Bredæ intermissa erant, & ut inter cives, contra vim peregrinam facile consensum est, cautumque, obliterata offensionum memoria, nequis super religione interrogaretur, neu rata essent judicia, quæ ejus rei ante facta erant: sed damnatis & res soli in fiscum versæ restituerentur, aut, si alienatæ essent, dati æstimatores alteri rem, alteri pretium addicendo, possessionibus & evictionibus modum ponerent: ut, quos in posterum ritus recipi placeret, & de restituendis quæ Hollandi Zelandique Regi propria bello detinebant, & quam isti pecuniam constituerant ob duas Arausionensis expeditiones, ejusve debiti portionem cæteræ nationes in se transcribi paterentur, post liberatam externis armis Rempublicam, totius Belgicæ Concilium judicaret. Interea refoverentur commercia, pars utraque præsentijurisdictione & receptis jam sacris uteretur: nec liceret Hollandis eorumque sociis extra suos fines quicquam in religionis causa immutare, data tamen Arausionensi potestate cum urbibus ad suam præfecturam pertinentibus paciscendi. In has leges pax facta Gandavi inter Nassavianas gentes, & Brabantos, Flandros, Atrebatas, Hænovios, aliasque nationes, præter Lucemburgios, quorum rectores Hispanico nomini privatim obnoxii, & populus ipse antiquitus fidei in principes retinentissimus: sed Frisii accessere, & obnitentem præfectum vinxerunt Casparum Roblesium, gente Lusitanum. Dejectis passim arcibus servitus exuta, & quia infesta Hispanis Antverpia commerciis nationum intercedebat aperti juxta Scaldis aggeres, ut per mersa naves tuto vestarentur. Fœdus post initum Bruxellæ, & belli societas adversus Hispanos

nos firmata juramento sacerdotum, nobilitatis & plebis: 1576. adfentit & Senatus. Fuitque id unum omnino tempus, quo de rebus Belgicis bene sperare licuit, si cum armis & odia ponerentur. Sed mihi hæc altius repetenti certissima malorum origo videtur procerum æmulatrix ambitio, & huic non dissimile populi vitium abruptus suæ religionis amor, nunquam se intra foedera, nunquam præsentem intra sortem tenens: hæc dum manent, nec partes unquam desunt, nec instrumenta in libertatem. Itaque Rex Philippus perlatis ad se conditionibus, edoctus quanto omnium studio probarentur, & patere externas amicitias siquid in suos durius consuleret, cedendum tempori existimavit, editaque lege, qua pacta confirmarentur, clam interea statuit occasiones opperriri distrahendæ Societatis. At Arausionensis filium, cui ex pactis libertas debebatur, ut paternarum actionum obsidem retinebat. Rectorem autem Belgicæ misit Iohannem Austriacum, imperatori Carolo extra conjugium genitum, ut juvenem ingenio acrem, clarum navali in Turcas prælio, & Pontificis gratia florentem, rerum majorum meditamentis avelleret: & ut specimen esset servandarum in posterum legum, tam propinquus sanguis in regimen missus. Mandata hic pacis servandæ præferebat, secreto jussus Rodæ consilia sequi, quem Hispanicæ seditionis ductorem fuisse narravimus; sed non satis occultabat credita sibi odia, impatientia ætatis, & simul literis interceptis intima consiliorum intelligebantur. Quæ considerans Arausionensis, intentusque ne tam ferentem fortunam extrema corrumpere, auctor erat Belgis, ut, expenso, quantum apud Philipppum peccassent injussa pace, manifestum iræ præfectum, sed adhuc inermem & in finibus agentem, bello opprimerent. Id alii primariæ nobilitatis Arausionensi non satis æqui, veteri offensione, aut invidia recenti, inhibuere: plerique rerum turbine, quam consilio immixti partibus, reverentia Principis continebant arma intra se tuendi necessitatem. Ita, pace facta in oppido Lucemburgiorum, cui Marsa nomen, concessa Austriaco præfectura, si prius Hispanum militem, deinde externos omnes dimitteret: Hollandis, & qui earum fuerant partium, multa nequicquam contra causantibus. Tum autem incredibili gaudio metus omnibus abcesserat, cum Hispanorum exercitus ex pacto urbibus discederet: quanquam cruenta secum spolia, & decem annorum rapi-

Fœdus contra Hispanos omnium ordinum confirmatur juramento.

1577.

Philippus tempori cedens pacta confirmat.

Iohannem Austriacum Belgicæ rectorem misit.

Hanc servanda pacis mandata palam præferentem ad contraria omnia venisse, intercepta docent literæ.

Illum ut bello opprimerent, frustra Belgis suadet Arausionensis.

Invitis Hollandis, illorumque sociis Austriaco summa conceditur præfectura.

1577. nas trahens , atque ultro jactans , intra sex menses proximos occisa a se Belgarum triginta millia , imbellis haud dubie turbæ , cum suorum supra sexaginta amissos intra idem tempus negent : nec tamen digressi longe , apud Mediolanum , quidam etiam citerius , detinebantur , dum illos parato bello Iohannes revocaret , qui summis honoribus in regimen acceptus , sed moræ omnis juveniliter impatiens , aditus interea Belgicæ insidebat , brevique erupit , occupato Namurco , & aliquot oppidis ad eum limitem. Germanicas etiam cohortes , quæ stipendiis nec dum solutis in Belgica manserant , ad urbium deditionem sollicitabat , eratque illis prompta perfidia , sed iners animus , & ad poenitentiam facilitas eadem , si minis aut pollicitationibus tentarentur. Hac ratione pleraque Brabantia servata est , tradente in Ordinum potestatem milite non præsidia tantum , sed ipsos duces. Ordinum nomine utuntur nationum ad commune concilium legati , ad quos post Senatus regii vim fractam pleraque Reipublicæ devenerant. Neque dum bellum erat : sed accusabant Ordines Iohannem apud Regem aliosque principes non obscure violatæ pacis : ille rursus Arausionensem criminabatur , contra , foederis leges novos ritus stabilire in urbibus , quas paciscendo imperio suo adjunxerat. At is apud omnes Belgicæ civitates ingenti fama libertatis auctor ferebatur , egregiusque morum , quibus studia hominum elici solent , potentiam quasi remitteret , gratia muniebat : lenitate denique & prudentia , & quia acri pervestigatione literisque interceptis demonstraverat , Austriaci insidiis se primum & suos , deinde foederis nexu resoluti cæteros peti , tantum favorem est consecutus , ut ad præfecti dignitatem a Brabantis evocaretur. Id Arscotius , qui eo tempore Flandriæ erat præpositus , Lalænius , Campiniacus , alique nonnulli permolestè tulerunt : quippe rerum summam ad Arausionensem vergere , cui genere paucos , peritia & auctoritate parem neminem haberi. Igitur quoniam longe se ab illo relinqui vident populari gratia , nec metus aberat , ne rerum potitus sacra suos ad usus verteret , obstruere quærunt ejus claritati nominis majoris fulgore. In locum demortui Maximiliani patris Rudolphum imperatorem Germania subrogaverat , ejus tunc illi fratrem Mathiam , multa pollicitando , aula excivere , nullo palam imperatoris assensu , ne Hispanum offenderet. Iidem , quod armis & validis urbibus præerant , facile se effecturos putarant , ut perductum

ad

ad se juvenem, & sibi cuncta debentem, haberent in potestate, ejusque nomen jussibus suis præscriberent: quæ providens Arausionensis nonnullos consciorum ab eo consilio summovit, persuasitque ut justam potius auctoritatem in legitimo Ordinum imperio, quam partem in paucorum potentia sperarent. Et forte eodem tempore accidit, ut Arscotius, princeps Nassaviis pridem æmulæ domus, spe vana elatior plebem Gandavensem insolenti dicto offenderet: quæ natio Flandrorum mobilissima, & nobilitatibus adversa, ipsum cum omni comitatu in custodiam pertraxit. Sed Arausionensis quam Mathias ab inimicis vocatus, nec ipse sponte advenerat, Belgæque cæteri jam tum Galliam magis respectabant, pudori illius consulens, auctor Ordinibus fuit, ut adolescentem clarum fraterna majestate & regis propinquum, causæ suæ admoverent. Quod eousque placuit ut Mathiæ regimen Belgicæ, Arausionensi vicarium imperium imponeretur, idque velut recusanti; quo aucta illorum ira est, qui spe duntaxat ejus dignitatis gratiam partis quæsierant. Mathiæ præfectura mandatis & additis adfessoribus circumscripta est; nec ipsi libido quicquam ejus fastigii, præter vitæ splendorem habitumque usurpare.

Arscotius in custodiam datur.

Arausionensis quoque suase Mathiæ summum Belgicæ permissum regimen, ipse vicarium,



HUGONIS GROTII ANNALIVM BELGICORVM LIBER TERTIVS. SVMMARIVM.

Iohanni bellum indicitur. Regina Anglia Belgis favere incipit; Regi pacem cum illis suadet. Belgarum exercitum cadit Iohannes. Victi spe pacis tentantur, conditiones repudiantur. Franciscus Valesius & Casimirus Belgis operam offerunt. Respublica undique confusa. Nassaviani Amstelodami atque alibi Romana secula magistratus auctoritate excentes Socios offendunt. Iohannes Nassavius Gelria, Rennebergius Frisia ractor; huic Campi & Davenria deduntur. Casimirus cum copiis advenit. Valesius ordinum decreto Belgica libertatis vindex. Reformatorum postulata ab Ordinibus admittuntur, dissidia inter illos & Romanenses. Gandavenses Ordinum imperium detestantur. Romanas caeremonias urbe exigunt, eamque muniunt. Atrebas & Hanovii illos bello coercendos contendunt; obsistunt Arausionensis & alii. Castra irrita conatu adoritur Iohannes. De pace instituntur colloquia. Ejus conditiones. Iohannes copiis auctus ei renunciat. Belgarum inter se dissidia propinquam qua libertatem avertunt. Montiniacus Atrebatum Factionem amplectitur, Gandavenses militem adversus eos conscribunt. Be i obtentus. Flandria a Casimiro militem accipiunt. Franciscus Binckium expugnat. Militem suum ad Montiniacum dilabi patitur: Belgas ingratis undinis reos agens in Galliam digreditur. Iohannes subito moritur non sine veneni suspitione. Parmensis illi succedit; ejus indoles & artes. Belgarum dissidia magis exardescere facit, quibus frustra remedia querit Arausionensis. Parmensis Trajectum ad Mosam obsidet. Legati interim ad faciendam pacem conveniunt, cui occulte obsistit Arausionensis. Belgas ad Regis gratiam invidas Parmensis. Illi reconciliatur primus Lamosa, quem alii sequuntur. Pacis conditiones. Plures dissidentium Belgarum nationes Philippus iterum sub imperium redigit: ceteras arctiori fœdere Trajecti Batavorum illigat Arausionensis. Fœderis Trajectini summa. Per alias Belgica nationes maxima turba. Secta Romanensis Sylvaducis prevaleat, Reformati Antverpia. Multi hinc ad Hispanos desciscandi occasionem rapiunt. Ipra & Gandavum fœderi accedunt. Arausionensi Flandria praefectura confertur. Parmensis Trajectum ad Mosam expugnat. Machliniam alimque urbes sibi conciliat. Fœderatis oblata a Rege pacis leges displicent. Cum Arausionensi seorsim agitur. Fœderata reipublica vitium. Philippus per Albanum Lantianum subigit, hinc magna Batavis incommoda. Parmensis aliquos oppida recipit. Machlinia ab Anglis diripitur. Parmensis mater ad regendos Belgas revocata remittitur. Bellum in Frisia exardet. Groninga ad Regem desiscit. Entusius eam obsidet, Schenkii opera solvitur obsidio.

obsidio. Rennebergius a Stenovic obsidione depulsus moritur. Romanensibus in Brabantia & Transisalana privata quoque sacra interduntur. Arausionensis Ordinibus novi Senatus auctor. Vt Philippum repudient suader, ac Francisco Valesio principatum deferant. Philippo imperium abrogatur: Hostis vocatur. Mattheus honorifice dimittitur. Hispanus in prescriptum Arausionensem percussorem inuitas: Hic libello se defendit. Ejus innocentiam Ordines testantur. Franciscus ad imperium vocatur, eum exercitum adueniens obsessum Cameracum liberat. Tornacum Parmensis deditur.



Ebus eum in modum constitutis, Iohanni bellum denuntiatur; quo tempore reditus mēstrui ad sexcenta millia florenorum publico ærario inferebantur, quorum liberrimam dispensationem delectusque & belli consilia, quo melius laterent, Senatui Ordines permiserant. Tum demum regina Angliæ dignas Belgarum vires iudicavit, quibus faveretur: proprio etiam metu, quia Iohannes cum Scota conjugium, & per eam suæque arma Britanniae regnum animo agitabat; idque magnis indiciis compertum. Quapropter pecunias & auxilia promisit, interpolitis restituendi cautionibus, & hoc titulo inscriptis, ut Belgicæ gentes in Philippi obsequio continerentur: atque ita se reipublicæ immiscuit, ut nihil magni pateretur, sine sua voluntate, decerni: dansque operam, ut res novæ concordia fulcirentur, frustra a Belgarum nonnullis in Arausionensem incitata, atque alios vicissim monens, ne veterem Romanæ religionis possessionem temere moverent, intendit opem quantum pericula gliscebant. Cumque hæc ageret, literas ad Regem mittebat, suadentes veram pacem, & regimen juxta leges; sin ad arma subditos adigeret, intentis jamdudum Gallis; ne moleste ferret ipsam inimicæ genti Belgarum societatem prævertere, anxie interim suspiciones purgans affectatæ ex alieno potentæ. Nec minus Henricum Galliarum regem, Sebastianum Lusitanæ, ipsumque Imperatorem rogarant Ordines, ut Philippum sibi mitigarent; hunc etiam ut causam auxilio dignaretur, quod tum frustra fuit. Valecebant interea similitates & odia regentium: multi adeo castris, ad Lucemburgum sitis, diffuebant, varia obtendentes, sed tacite honores alienos in suam injuriam interpretabantur. At Iohannes receptis Hispanis, ingentibusque copiis auctus, quas illi Parmensis, Belgicæ quondam rectoris filius,

1577.

Iohanni bellum indicitur.

Regina Angliæ Belgicæ favorem incipit.

Pecunias & auxilia promittit.

Nihil patitur sine sua voluntate apud eos decerni.

Ne temere Romana religionis possessio moveatur, monet.

Regi per litteras pacem suadet.

Ordines Philippum sibi mitigare student. Valesium interea inter illos similitas.

1578.

1578.

*Belgarum
exercitum
cadit Io-
hannes.
Victoria
præmia.*

*Visti spe
pacis tenta-
bantur.*

*Oblata
conditiones
recusan-
tur.*

*Franciscus
Valesius &
Casimirus
Belgis ope-
ram offe-
runt.*

*Margarita
Valesia
fratrem
commen-
dat.*

*Respublica
undique
confusa.*

ex Italia adduxerat, exercitum Belgarum, qui ducum discessu in dies minuebatur, introrsus recedentem in Brabantiam ad Gemblinacum prælio cecidit: nec parva victoriæ præmia; Lovanium quod ex ea parte Brabantiam aperit; Limburgum ducatu insigne, & cognominis ditionis caput, in Germaniæ subdita excurrens; & Philippopolis, quam urbem novo validoque opere Arausionensis, regii quondam exercitus ductor, Gallis objecerat, cum tantum externa metuerentur: sed & alia circum oppida cesserunt. Victos spe pacis tentare regi placuit, Barone Sellesio conditiones ferente ex Hispania diversas a pactis Gandavenfibus, & quibus Iohannis præfectura non mutabatur: quod tunc satis visum cur recusari deberent. Nosse enim se Belgæ tum primum cœperant, & augebant fiduciam principes certatim operam & militem offerendo. Hinc Franciscus Valesius, Andium dux, regis Galliarum frater, jam ante pacem Gandavensem & postea sæpe ambitus Belgarum primoribus: inde Casimirus, qui Palatinatum Germaniæ administrabat: domi postpositus uterque nascendi ordine, atque eo avidi incrementum alienis. Franciscus haud contemnendo ingenio, sed animi inquietas, belli se ducem dederat, quod ad restituendam contra aulæ injurias Galliarum libertatem, & pro quiete reipublicæ sumi tum dicebatur: quod seu fratris odio fecit, vita imbelli & infœcunda regnum detinentis, sive ad vim partium avertendam maternæ calliditatis instrumentum fuit, famam sane sibi popularem ejus causæ tutela, & pace facta amplissimas possessiones paraverat. Sed famam brevi fœdavit in socios verlis armis, aliorum sævitiae minister. Quo tempore Margarita Valesia, Navarri uxor, quod se mariti fratrumque bellis eximeret, absentiae desiderium ad aquas Spadanas itinere velans, cum Cameraco Montibusque transiret, usa occasione potissimis illic locis, moribus, lingua Galliarum propioribus, nec religione diversis, Andinum valde commendaverat. At Casimirus eodem tempore, ingens Navarri partibus auxilium, quæ sibi privatim pepigerat, concordiae remittens, æqui religiosique animi præbuerat argumentum. Undique confusa hoc tempore Respublica fuit, velut indigesta moles; & partibus discors: dum quasi vacuum regimen rapiunt singuli, diversa via. Et contra regnum quidem armis certabatur: sed aliis laudata, principatus & leges: alii vires suas præ Venetis atque Helvetiis admirati, nec considerata dissimilitudine, optimatum nomine

mine imperium distrahebant : aut etiam, quod dignitate 1578.
 ab aliis vincebantur ; plebejæ potentia imminentes vulgus ,
 qua turbidissimum, ductu, voce concitabant, inclemen-
 tes suspicionibus, nec ullam probantes cum exceptione li-
 bertatem. Intus & palam partes & seditiones erant : nec eo
 minus bellum ; lentum tamen, nec satis intentum tempori ,
 quia pro studiis copiae distinebantur. Amstelodamum, quam
 maximam Hollandicarum urbium libertati defuisse diximus,
 Iohanni tunc etiam fovebatur. Sed quia Nassaviani urbem
 circumvenerant, nec ulla spes auxiliorum e tam longinquo
 erat, ventum ad pactiones : quæ religionis causa extorres
 patriæ reddebant ; nisi extra moenia, prohibitis eorum riti-
 bus. Sed cum Romanæ sectæ homines, ambiguae fidei, in-
 terdum & in hostem reflecti crederentur, exsules pulsus ma-
 gistratibus, & his qui sacris præerant, publico potiti sunt.
 Idem diversis temporibus similibus ferme de causis Trajecti
 & Harlemi, & aliis Hollandiæ in oppidis accidit, quæsito
 adversus fidem datam colore, ex magistratibus in hoc in-
 stitutis, ut quod ipsi probarent, id invita civitate fieri non
 videretur ; quod ibi quidem haud inutile concordia, at so-
 ciorum animos offendit, qui Romano pontifici addicti, in
 se vires quæri suspicabantur. Geldriæ regimen Iohannes
 Nassavius ordinavit, cui Arausionensis eam præfecturam
 mandari curaverat, quo pluribus munimentis insisteret. At
 in Frisia, cui tum datus Kennebergius rector, vetera Gro-
 ningæ urbis & agri circumjecti ob mercium evectiorem cer-
 tamina, velut alta pace, exarserant : dubium an sponte præ-
 secti, ut certius imperaret. Legatos ad se partis adversæ
 plebs urbana vinxerat : eadem, postquam privato utrinque
 ausu arma tentaverant, superior evasit. Et captis quidem
 restituta libertas : odia, quanquam Mathias & Arausionen-
 sis intercedebant, mansere, donec publicis dissidiis hæc
 quoque miscerentur. Etiam Frisiae quosdam senatores, qui
 Hispanorum victoriæ faverant, suffectis aliis asservari iussit
 Rennebergius, unaque Leovardiæ pontificem. Hæc ob
 merita proprius regendæ & perdomandæ Transisulanæ dux
 eligitur : nam Campos & Daventriam Germanus a Iohanne
 emtus miles tenebat. Utraque urbs dedita est. Sed ad Da-
 ventriam longius hærenti recens auxilium Casimirus cum
 peditatu octo millium, equitatu paulo minore, advenerat ;
 copias adducens majores imperatis. Nam Angliæ regina,

*Nassavi-
ni deditur
Amsteloda-
mum.*

*Pulsis Ro-
mana secta
magistrati-
bus publico
potitur.
Idem alibi
accidit.*

*Quo socie-
rum animi
offendun-
tur.*

*Iohannes
Nassavius
Geldriæ re-
ctor, Frisia
Renneber-
gium.*

*Huic regen-
da & per-
domanda
Transisula-
na electo
duci Campi
& Daven-
tria deditur.*

1579. promissæ pecuniæ loco, militem adjunxerat; & ipse ultro auxerat numerum; officii specie: quod Romanæ religionis primores sinistrius interpretabantur, atque eo promptius Franciscum Valesium suæ sectæ Principem acciendum, orandumque curaverunt, patiente Arausionensi aliisque, ne suspiciones in se onerarent. Nominatur igitur decreto Ordinum Franciscus vindex Belgicæ libertatis, & super quod de restitutione impendiorum cautum erat, addicuntur illi, in præmium societatis, oppida quæcunque trans Mosam hostis possidebat. Dum hæc geruntur, & inferiores pietatis studiis, maximus quisque ob potentiam dissident, innovatæ religionis sectatores rem impetrare egregiam sibi, ancipitem reipublicæ: quia jus Imperii penes multos, nulla potestas celsior partium odia coerceret. Postulata dederant ad Mathiam & Arausionensem, nec ante ignarum: quibus demonstrabant, se illos esse nunquam administratos dominationis, sed materiam semper sævitæ Hispanicæ, cui destinatum parte optima civium orbatam rempublicam opprimere. Ne nunc quidem hostibus aliunde plus invidiæ: & pignus suæ fidei certissimum, quod unam spem in salute publica haberent: quippe si vetera redeant, inopiam ceteris & servitutem, sibi mortes, cruciatus, flammæ parari: deinde quod primi sumptis armis dominationem affligerint, omnem sibi veniam præclusisse. Merito igitur, quos pessima regni maneant, partem æquam precari ex libertate. Opima sacerdotia, amplissimos proventus aliis se relinquere; tantum ne velut profani templis & curia arcerentur. Non se in Deum pietate, non in patriam fide cessuros. Dubitatum aliquamdiu: & tandem laudantes Germaniæ Polonorumque exemplum, & vetera permulta persuasere, quorum hæc consilio petebantur, concordiæ interesse ne rejicerentur æquæ preces. Nam in exercitu quod roboris erat, inde stare: compertumque experimentis, rerum curam non aliis tutius credi. His accedebant, quod Romanæ sectæ nonnulli, præcipue qui se Iesuitarum nomine jactitabant, in juramentum contra Iohannem adigi non poterant, & pars haud exigua, cui plus spei in regis partibus, sponte discesserant; multique magistratus, ita edocti, seu quod ejus partis auctoritatem providebant, Nassavianæ religionis studium amplectebantur. His de causis communicati illis honores, & quibuscunque in locis familiaribus

*Valesium
Ordinum
decreto Bel-
gica liber-
tatis vin-
dec.*

*Reforma-
tionem po-
stulata,*

*ab ordi-
bus admini-
strantur.*

milie non minus centum postularent, iussæ illorum sacris distribui ædes : hac lege, ut Latinorum cæremonias præferrentibus per Hollandiam & Zelandiam tantundem concederetur, quod tamen non evenit. Post hæc quæ sequuntur, non sine miseratione aut ingenti exemplo transeunda, tanti motus, tanta odia, & turbæ turbis obtentui. Nam & Romanenses alteris nihil prorsus concedere, & illi non jam impunitate aut arcano suo læti, adversus contumaciores magistratus legis munus privatis viribus rapere, & postquam prævaluerant, respicere ultionem. Ita qui vota jam dudum, opes & consilia contra Hispanos nuper admodum junxerant, cives contra cives ipsis in urbibus armati steterē; dum adversarios pellerent hostium securi : ne militis quidem multo ad bellum usu, cujus præsidio pax interna continebatur. Ac sicut morborum exitiales remedia aspernantur, ita qui tum concordie sectatores erant, eos concurrentia e diverso odia premebant, signiteris ad seditionem his, quos patientiæ doctores esse oportuerat; per quos communis hujus sæculi pestis in utrasque partes vulgata est; inversa rerum nomina, ut cæca dissidendi libido pius ardor, modestia & animi temperies ignavia, aut etiam proditio vocaretur. Gandavenenses igitur eo jam provecti licentiæ, ut impunitatem nisi ex audaciæ magnitudine non sperarent, concitore Imbisio, qui per tritum quondam Arteveldis iter ad potentiam grassabatur, palam satis imperium detrectant. Negabant ultra se visuros Romanas superstitiones, sævitie & tot scelerum repertrices : non quod auctores seditionis multum sua referre existimarent, utrius religionis specie tumultuarentur : sed veteribus nova, receptis propria præferebant; & forte convictis nefariæ libidinis aliquot monachis, flagrantem recenti odio atque invidia ordinem, deinde sacerdotes exegerant. Tum consilii quantum cœptarent, urbem operibus munire instituunt : quæ ingenti ambitu par maximis urbium, cæterum non tota habitatur : nam obsessi sæpe, & ex moribus suis eadem in posterum metuentes, mœnibus arva incluserant. Quo magis munitio procedebat, hoc minus Ordinum & Mathiæ mandata audiebantur, vanissimis in illos criminibus jactatis, & ex his, quæ in se iritaverant, retro quæsito colore. Nec ulla Arausionensis gratia, quanquam eo suatore avitas leges, rebellione quondam in Carolum amissas, Gandavenenses re-

1578,

Inter Romanenses & Reformatos interna dissidia.

Gandavenenses concitore Imbisio palam imperium detrectant. Romanas cæremonias cum sacerdotibus urbe exiunt.

Urbem operibus muniri.

Ordinum & Mathiæ mandata despiciuntur. Neque ulla apud illos Arausionensis gratia.

1578.

*Atrebat
& Hano-
vii novam
legem recu-
santes, con-
tendunt
Ganda-
venies bello
coercendos.
Obfistunt
Araufio-
nenfis &
alii.*

ceperant. Quin & in vicinas Flandriæ urbes promotum est malum. Contra vero Atrebat & Hænovii Romanæ religionis tenaciores, quod ita plerique sentirent, præterea procures civili obrectatione Araufionenſi adverſarentur, novam legem & ipſi recuſarunt. Fœdere enim contineri, ne quid manente bello in religionibus mutaretur. Contendebant ad hoc, manifeſtam perfidiæ Gandavenſium civitatem bello coercendam eſſe: quod Araufionenſis & alii Belgarum principes commiſſuri non erant, ut, Hiſpano ſcilicet mediam fere Belgicam validiſſimis cum legionibus infidente, in cives, utcumque meritos, arma verterentur: &, quod hoſtium prudentiſſimis prædictum, ſua ipſi diſcordia interirent. Sed dum vi cogere periculofum eſt, juſſus, conſilia, preces, ut apud deſtinatam malitiam, ſpernebantur.

*Exercitus
Belgarum
dux Boſſu-
vius.*

Maxime eo tempore Belgarum exercitus dux erat Boſſuvius, quem Friſio in pelago, cum Hollandiæ reliquias ſub Albano regeret, captum fuiſſe memoravimus. Lalænio Ordines id munus abrogaverant, quod ipſorum injuſſu caſtra reliquiſſet, cum ad Gembliniacum male pugnatum eſt. Magiſter equitum erat vicecomes Gandavi Melodunea domo:

*Gandavi
vicecomes
magiſter
equitum.*

præfectus caſtrorum Lanovius, egregiam famam civilibus Gallorum bellis conſecutus. Caſtra, non procul Machlinia

*Præfectus
caſtrorum
Lanovius.
Caſtra ir-
rito conatu
adortus Io-
hannes.*

ad Riminandum vicum ſita, Iohannes adortus eſt, tantumque depulſus. Erratum in eo plerique tradiderunt, quod non inſtitutum eſt diſcedentibus: quippe illa die Hiſpanorum copias bebellari potuiſſe. Sed & urbes obſidendo annus iſte occupari potuit, ſi ducum proviſu ſoſiores atque id genus operæ caſtrenſes adfuiffent. Non omiſſa inter hæc pacis colloquia: rogati enim exteri principes rationem inire concordiæ ſuadebant Iohanni, ut quando Belgarum vires multo præpollebant, integra ad huc fama exiret, & ſpes alias ſecundiores aggredereſſetur. Regem quoque rectius factu-

*De pace in-
terim inſti-
tuta collo-
quia.*

rum, ſi gentem validam & armatam ſibi conciliaret; nec tantum imperium temere projiceret, jam paratis qui excep-

*Ejus con-
ditiones.*

tarent: hoc autem obtineri non poſſe, niſi, probato Gandavenſi fœdere, religiones ipſorum arbitrio permitterentur: æquiſſimum autem eſſe ut captivis omnibus, & inter eos Araufionenſis filio, redderetur libertas. In hæc leges facta pace comprehendere qui cum Belgis ſocietatem iniiffent, ut & horum quieti conſuleretur. Ad hæc Iohannes, niſi Araufionenſi in Hollandiam relegato ſpem nullam face-

facere pacis : nec de religione quicquam concedere ; tantum
inducias non recusaturus videbatur. Pax scilicet validiorum
fere arbitrio constitui solet : infirmis belli dilatio omnis in
lucrum cedit. Sed cum novis auctus copiis triginta pedita-
tus millia, sexies mille equites obtineret, nec jam multo
se Belgis impari crederet, præsertim discordibus, in
Bonga monte, qui Namurco imminet, metatus castra,
colloquium abruptit, omni pacificatione ad imperatorem
rejecta. Casimirus interea diutius in Geldria moratus, ære
non satis parato, quod militi solvendum erat, magnum
agmen tarde moliebatur. Ejus adventu Belgarum exerci-
tus quadraginta peditum, viginti equitum millia habuit:
quibus cum copiis Francisci auxilia opperiri, deinde Io-
hannem circumfidere lentum nimis consilium erat, satis
certæ tamen spæ, si incipi potuisset. Sed illa longi tem-
poris peccata, honorumque nimia & divitiarum aviditas,
& utrisque abutendi libido, quæ Belgas antea Hispanis in
servitutem mancipaverant, eadem propinquam tunc & in
conspectu libertatem avertere. Hænoviorum enim & Atre-
batum cum Flandris contentiones eousque exarserant, ut
exuta publici cura singulæ gentes tributa in proprios usus
retinerent. Manante latius exemplo, cohortes aliquæ jam
dudum otio lascivientes, cum stipendio fraudarentur, a repu-
blica secesserunt, arcano ducum instinctu, qui non satis
sibi in dignitatibus profecisse videbantur. Hic igitur miles
occupato Menenio (Flandriæ id municipium est) circumja-
centem agrum rapinis incurfat. Adhuc intra privaram au-
dientiam vis statuta sperabatur, cum subito præcipuè inter
tribunos auctoritatis Montiniacus suscepit regimen, & in
Atrebatum factionem transtulit. Adversus eorum injurias
Gandavenfes proprias cohortes conscribere : sed in hoc
milite domi feroce, bellorum rudi, non satis præsidii ad
prohibendas inimicorum populationes erat. Ita autem illi
ajebant, sacerdotes Gandavo per vim & seditionem ex-
pulsos apud se exulare : nec potuisse negari propter sancti-
moniam ordinis, aut fortunæ ipsorum indignitatem, sup-
plici turbæ alimenta, quæ, cum juri locus non esset, a bo-
norum ereptoribus armis se reposcere. Hoc belli obtentu
(nam in apertam hostilitatem dissensiones transiere) præ-
dæ quotidie ingentes agebantur : donec Casimiro Flandri
accito militem ab eo accepere, stipendium de suo polliciti,
cujus

*Iohannes
novis au-
ctus copiis
colloquium
de pace ab-
rupit.*

*Casimiri
cum exerci-
tu in Belgi-
cum ad-
ventum.*

*Belgarum
inter se dis-
sidia pro-
pinquam li-
bertatem
avertunt.*

*Montinia-
cus Atre-
batum fa-
ctionem se-
quitur.*

*Ganda-
venfes mi-
litum ad-
versum eos
conscribunt.
Armorum
prætextum.*

*Flandri à
Casimiro
militem ac-
cipiunt.*

1578. *cujus tunc magna ubique penuria erat. Ipse principatum sperasse, & vanitate gentis atque rerum eventu elusus creditur. Sed Franciscum ea tempestate Hænoviæ oppida at-
tinebant. Id ille Lalænio ejus regionis præfecto gratificaba-
tur, gnarus quorum sponte venisset. Equites paulo plures
octingentis, peditatus sex millia adduxerat, Gallicorum tu-
multuum ejectamenta: quos post inclemens iter, & viola-
ta passim hospitia captis aliquot castellis, & autumnno jam
procedente, apud Binckium oppidum deposuit. Id obsidio
& oppugnatione in potestatem venit, pretium temporis vi-
le. Iple Monte Hænoviæ urbe plerumque morabatur, non
sine indignatione, quod attributa præsidiis loca oppidani
non traderent: oratusque ut ad Belgarum exercitum acce-
deret, prius se venturum negavit, quam idem faceret Ca-
simirus: cujus Gandaveni profectio non mediocriter of-
fendebatur amicus jam ante, & tunc competitor, exar-
dentibus ad contumelias usque odiis. Nec demotus est sen-
tentia, demonstrante quamvis Mathia & Arausionensi, ip-
sæque Angliæ regina, Flandrorum & Casimiri factum sibi
non probari: quin ultro passus dilabi militem suum ad Mon-
tiniaci cohortes. Ita duces duo, commune Belgis auxilium
polliciti, accessere partibus in exitium ejus enatis: nec
multo post dux Andium in Galliam, Casimirus in Angliam
digressus, alienæ reipublicæ bona malaque reliquerunt.
Sed discedenti Gallo Belgæ, quos ille & illius nomine alii
principes ingrati animi reos agebant, si pax cum Philip-
po confieret, decreta, & statuas, & honorum inania pol-
licentur: quod si ad alia veniretur consilia, ipsius ante cæ-
teros eam rationem habitum iri, quam dignitas ipsius &
summo reipublicæ tempore impensum beneficium postula-
rent. Is fuit rerum status, cum Iohannem Austriacum ra-
puit vis morbi subita, quam facile receptabat æger ani-
mus, & fortunæ iratus. Quippe cum egregiam sibi, non
ex vitiis hostium, victoriam vellet, impediri gloriam suam
ab inimicis, quos in Hispaniæ regia plurimos habebat, su-
pra quam valetudo ferret, indignabatur. In literis certe
interceptis contumax desperatio apparuit: & paulo ante
Scovedonem, intima ejus curare solitum, in Hispania Phi-
lippus clam occidi jusserat, ut apud magnanimi juvenis co-
gitationes periculose solertem. Nam supra natalium for-
tem Tunetenſe quondam regnum, tunc & Angliam spe-
rasse*

*Franciscum
Binckium
oppidum
expugnavit.*

*Ad Belga-
rum exerci-
tum se ven-
turum ne-
gavit.*

*Militem
suum ad
Montiniaci
cum dilabi
passus.*

*Belgas in-
gratitudi-
nis accusans
in Galliam
digreditur.*

*Morbi vi
subita rapi-
tur Au-
striacus.*

*Nimia
ambitionis
Philippo su-
spicius, ve-
neno extrin-
ctus qui-
busdam
creditur.*

rasse manifestus, & cum Lotharingis in Gallica aula præpotentibus, clam Philippum, sociasse consilia, facile & res Belgicas in se versurus timebatur. Vnde nec veneni suspicio absuit, incertum tamen unde dati, quippe inventis sacerdotibus Romanæ professionis, qui suam in hoc operam patriæ imputarent. Anglos alii suspectabant, non ita dudum supplicio affectis, qui inde immixti in ipsum percussores dicebantur. Regendum militem residuasque urbes Parmensis accipit, ipsius primum Iohannis ac militum voluntate, postea & regis imperio; ingenii rectior, & ex Italia afferens fidei usum, & peritiam simulandi. Terrere non rat, & ignoscere, veras artes quibus Belgæ caperentur. Itaque cum nullius armis tantum debeat Hispania, plus tamen hominum studio consecutus est: perfecitque rem difficillimam, post libertatem ut dominationi faveretur. Huius occultis suscitationibus diffidia gentium vehementius etiam exarsere, maxime posteaquam de civibus aliquot sumrum supplicium est, qui, ut Atrebatum urbem ad concordiam reducerent, coitionem ausi erant intestinam. Nec tamen Arausionensis destitit omnia malorum remedia experiri; acrior iis coercendis, quorum crimina ipsius ad invidiam redundabant: & jam Gandavensibus persuaserat, ut restitutis sacerdotibus in foederis leges redirent: deinde ad Montiniaci milites, & Atrebates conciliandos diligentiam vertebat. Sed patuit primores amplecti ultro causas secessionis, eoque implacabiles, quod Flandrorum animos iterum efferavit; Imbisiio summum Gandavi magistratum per vim adepto, & cætera honorum vocabula, quibus vellet, largiente. Casimiri interea equitatum tutum iter orantem Parmensis emisit: inde securus hoste nusquam obvio Trajectum ad Mosam præsidio invalidum circumvenit, & oppugnationem aggreditur. Manente ejus urbis obsidio imperator, ad quem relegatam fuisse pacificationem diximus, Coloniam Agrippinensem legatos miserat: eodem Hispanus dux Terrænovæ cum regiis mandatis, & a Belgis Arschotius aliique convenerant. At Arausionensis, qui nunquam dubitarat omnem cum Rege pacem in suum periculum fore; divulsa tunc Belgica, tot inter partes medius ipse, atque eo cunctis invisus, ne pariter hostibus & inimicis dederetur, haud temere metuebat. Sed averfari colloquia & iudices Germanos, durum atque infame. Occultus,

1578.

*Parmensis
Iohannis
succedit.
Ejus indo-
les & artes.*

*Illius susci-
tationibus
diffidia
magis exar-
desunt.*

1579.

*Arausio-
nensis om-
nia reme-
dia experi-
tur.*

At frustra.

*Parmensis
Casimiri
equitatus
decedens
potestatem
facit.*

*Trajectum
ad Mosam
obsidet.*

*Interim le-
gati ad fa-
ciendam
pacem con-
veniunt.*

*Cui occulto
obfistit A-
rausionen-
sis.*

1579. tius, quo eadem evenirent, curabat postulatis de religione insisti, quæque alia Regem concessurum nemo sperabat. Cæterum potuisse eo tempore satis æquas conditiones obtineri, credibile est, nisi privatis pactionibus nonnulli pacem publicam corrupissent. Et Parmensis, quanquam bello intentus, monere non desinebat novorum cupientes,

*Parmensis
Belgas ad
occupan-
dam Regis
gratiam
hortatur.
Ei primus
reconcilia-
tur Lamo-
ta.*

*Quem se-
quuntur
cum copiis
suis Mon-
tiniacum
aliique.*

*Pacis con-
ditiones.*

ut celeri poenitentia gratiam occuparent. Ante alios Lamota Philippo conciliatus Gravelingam Flandriæ oppidum, cui præerat, eo traduxit, acceptaque paciscendi potestate, illexit alios, clementiæ regiæ laudator & exemplum. Suas deinde copias (octo eas millium erant,) non exiguum partibus robur, Montiniacus addidit, æris penuria, & quod ex merito in Belgas poenam metuebat, Lanovio imminente.

Atrebatæ & Hænovii aliquamdiu nutavere: tandem perscriptis conditionibus ad cæteros Belgas, ut si vellent iisdem uterentur, cum Parmensi transegerunt: simulque Insula, Duacum, & Orciacum, Flandriæ illius, quæ a Gallis diu possessa, & postquam ad suos principes rediit sermonem inde retinet, civitates; quibus hæc privatim a Belgis dissidendi causa erat, quod in concilio proprium jus suffragii non impetrarent. Pacis leges cultum Latine religionis, solitum in principem obsequium, Gandavenis foederis comprobationem continebant: & ut intra sesquimensẽ dimisso milite peregrinõ, regia ex pecunia, in quam contribuerent nationes imperio redditæ, civium exercitus, ad ea quæ convenerant propugnanda, conducatur: de præfecto Rex dispiceret: interea Parmensi cuncta obedi-

*Reconciliati
Walones
maximum
regiarum
partium ro-
bur.*

rent. Ita maximum militiæ robur regiis partibus Walones accessere, gens læta bello, & cujus tuto periculis Hispanus uteretur. Isque jam finis omnino concordie Belgarum adversus externam dominationem fuit. Ea nimirum firma demum societas est, quæ spes easdem, aut vincula plura quam dissecutiendi causas habet. Commune Belgis vix quicquam extra odium Hispanorum: quo impulsu pacem fecerant Gandavensem, præcipuis ad suadendum sacerdotibus. Mox potentiam sibi quisque & contrarias per vias certabant. Arausionensis, & qui cum illo conscii erant eadem quæ Egmondus & Hornanus meruisse, regi diffidebant. Hinc omne consilium se suæque religionis sectam firmare, quam ad rem gratiæ peregrinæ quærebantur. Pars altera, cujus crimen non erant belli primordia, fidem principi servare, fi-
dem

dem Romanæ religioni, veriti maxime ne aliorum impetu longius raperentur. Sic illos temere cohærentes promptum divellere Philippo fuit, si, hoc unum satagentibus, Hispanicum terrorem amoliretur. Ubi horum votis satisfactum, cæteri ultra tendebant; cuncta inter Belgas suspecta diu, deinde hostilia fuere: nec unquam postea religiones coaluerunt. Tandem res accidit haud sane insolens, ubi semel in partes itum est, ut qui civibus noluerant cedere, violatis pactationibus sub externa imperia adigerentur. Verum, omnium animis in pacem inclinantibus, facile Arausionensis intelligebat singulorum imprudentia dissolvi rempublicam, ni in tempore obviam iretur. Idcirco, solita usus diligentia, Trajectum Batavorum se contulit, & saluberrimo ad res suas consilio evocatos Ordines ejus nationis, tum Geldriæ, Hollandiæ, Zelandiæ, Frisiæ ejus, quæ citra Lavicum flumen, & ejus, quæ inter id flumen & Amasium est, arctiori omnes fœdere illigavit. Summa hæc erat: indivullos nexoque inter se, haud alia republica, quam si una gens essent, pacem, inducias, nova bella, tributa, non habituros, nisi quæ universi jussissent. In societatibus contrahendis, & cæteris consultationibus valitura majoris partis suffragia, & si qua dissidia orirentur, de iis concilii, aut præfectorum judicium fore. Objecta hostibus munirentur, neu quis præsidium recusaret: darentque operam singuli, ut in tributis, & nummi pretio æqualitas servaretur. Hollandis Zelandisque sua & una in publicum religio, cæteris nationibus eandem, an alteram, an utramque mallerent, ipsarum arbitrio permittebatur. Adacti in hæc verba rectores, magistratus, consilium cujusque urbis, & sodalitates. Nam veteri instituto præcipui oppidanorum, quibus idonea armis ætas, in certa corpora, velut manipulos, adscribebantur. Id præsidium bello, pace munimentum, cum nondum principatus ars fuit fidere externis: manet mos & desuetæ virtutis insigne; sed usu per hos motus reddito, fidelis sæpe illorum opera adversus hostem & seditiones fuit. Hoc modo, quas dixi gentes, in leges fœderis Trajectini sacramentum dixerunt: & nequid ipsas suarum virium lateret, numerus iniri justus est, oppidanorum simul & agrestium, qui intra decimum octavum, & sexagesimum ætatis annum agerent. At per illas nationes, quæ non adfuerant fœderi, quantæ non alias turbæ & certamina; dum pars communis religionis, aut

1579.
Plures diffidentium Belgarum nationes sub imperium illorum Philippus rediit.

Ceteras Trajecti Batavorum arctiori fœdere illigat Arausionensis. Fœderis Trajectini summa.

Omnium cum oppidanorum, tum agrestium ætatis armis idonea iniri numerus. Per alias Belgica nationes maxima turba.

1579.

*Scilicet Romanensis
Silviam ducem tenet:
Reformati
Antverpiam;*

aut patriæ cura adscisci volunt; alios spes pacis propinquæ & dissidendi libido diversos trahit. Silviamducis tenuit scilicet Romanensis, alterius partis vano metu desertam: cum Parmensi qui permanserant egere; hoc proprium pacti, ne unquam inviti præsidio gravarentur. Antverpiæ contra cecidit, mansitque superior plebs adversæ factionis, suppliciorum solennibus operatos adorta minaci concursu. Nec Arausionensis inhibere potuit vulgus suum, quo minus per vim ejicerentur sacrifici; sed inimici ejus ita interpretati sunt quasi sponte ejus accidisset, quod vetare non potuerat: nam erat ille ab omni truculentia alienus, sed qui dato casu sapienter uteretur, aptandisque sibi hominum studiis in longum jaceret olim profutura. Coëgit id tamen multos e populo orbatos sacris, contraria reipublicæ vota facere, cum mitius sub rege servitium sperarent; nonnulli etiam nobiles desciscendi ad Hispanos hanc occasionem rapnere. Fuit inter hos Carolus Egmondi filius, quem, dum capere Bruxellam conatur, gnaro, ut fertur, Mathia, conscia cum manu Latinam religionem sectantium, cæteri in foro obsessum includere; ubi illi suum facinus, & paternæ mortis imago manesque inulti in supplicium verterent. Nam erant qui objicerent, eo in loco, & (quod mire congruebat) eodem undecim ante annis die, patrem carnificis gladio percussum, ejus gentis acerbitate, cui tunc filius patriam proditum iret. Ad extremum, oppidanorum misericordia incolumis, in Nienovam irruit, Flandriæ oppidum; quo a Belgis recepto, captivus ipse in popularium suorum, ut dicemus, pervenit potestatem. Brugis asper & anceps tumultus, capta arma, nec procul cæde res erat, & partes utræque suæ sectæ militem advocarant; priores advenere Foederatorum cohortes, magistratum accitu, isque finis certandi fuit: aliarum urbium tumultus præsidia prævenierunt. Accessit foederi sponte Ipra, sponte & Gandavum, venitque in urbem aliquanto post Arausionensis, secunda multitudinis voluntate. Tanta illi vulgo animorum diversitas inerat, & ad honesta pravaque levitas eadem. Ibi demotis qui se ingesserant, honores aliis mandavit. Plerique, quos captivos ibi detineri diximus, negligentius custoditi, eruperant; cæteros Arausionensis dimisit: accessitque honori ejus, & invidiæ, quod Flandriæ præfectura superingesta est recusanti. At Agrippinensi legatione nihil actum, nisi quod maxime Hispanus volue-

*Quod
Arausio-
nensis impu-
satum.*

*Multis hinc
ad Hispanos
desciscendi
occasionem
rapnere.*

*Inter quos
Carolus
Egmondi
filius.*

*Qui Bru-
xella obse-
sus oppida-
norum mi-
sericordia
incolumis
dimittitur.*

*Brugis
aliique in
locis magni
tumultus.*

*Ipra &
Ganda-
vum foede-
ri accedunt.*

*Arausio-
nensis Gan-
davi capti-
vos dimis-
sit.*

*Flandriæ
præfectura
illi confer-
tur.*

voluerat, ut in spem pacis distractæ mentes minus in commune consulerent. Oratores partium, sollicitatos privatis pactionibus socios, novis contra foederibus turbatam concordiam, non ex colloquii fide, mutuo querebantur. Sed Belgæ præsentis periculi causâ, quod Parmensis adversus Trajectum Mosæ, urbem partim Brabantici, partim Leodici juris, quippe in ipso confinio sitam, plurimum profecerat, nec inferendi militem aut copias occasio dabatur, eximii bello pacificandi tempora rogabant: inque eo sperabant imperatoris legatos sibi auxilio fore. Sed Terranovanus negabat ejus se rei potestatem ullam accepisse. Dum induciæ petuntur, & negantur, dum conditiones pacis ferri incipiunt, dum Belgarum mandata refelluntur, ut non satis libera, sed adstricta novis jussibus, Parmensis jam ipsis Trajecti mœnibus irrepserat: inde, quanquam viribus modicis, fortiter defensam urbem post quadrimestre obsidium impetu cepit. Sub hyemem vero Germanos, Hispanos, Italosque milites dimisit fere omnes, retentis tantum ducibus & ala equitum Italica, serius quam Atrebatibus pactionibus convenerat: sed tamen id illi Machliniam cum Valentianis & Insula urbe conciliavit. Præsidia idoneis locis Wallonum imposuit. Horum ut quisque graviter offensus, aut ultro vicinos offenderat, ita tutissimus habebatur. Pro eo beneficio Parmensis præfecturam confirmarunt, haud satis intelligentes, si quando placitum esset armato duci, fore ut exterum militem ipsi revocarent. At foederati Belgæ, quanquam tot jam gentium urbiumque jactura spem pacis amiserant, ne tamen odisse magis concordiam, quam desperare viderentur, oblata a Philippo leges compositionis in singula oppida dimiserunt, ut publico consilio expenderebantur. Quæ ut iniqua aut fallacia incusabantur hæc erant: acta Mathiæ non aliter rata essent, nisi quatenus ad principis supremam potestatem, aut alterius injuriam non pertinebant: quem Belgis rectorem daturus erat Philippus, ei urbes, castella, machinæ continuo traderentur: is cum Senatu cuncta cognosceret: Ordinum nulla mentio: restituerentur ejecti sacerdotes, & quicunque honores aut magistratus gesserant: utrinque dimissis exercitibus ab armis discederetur: nec tributa manerent, nisi principis voluntate. Quæ cuncta eo spectare visa, ut in speciem redditiæ leges, studio illorum, qui reipublicæ potirentur, breviter

1579.

Dum Colonia Agrippina de pace agitur, Parmensis Trajectum ad Mosam expugnat.

Exercent militem dimittens, Machliniam allatisque urbes sibi conciliat.

At quibus præfectura illi confirmatur.

Fœderatis oblata a Rege pacis leges dissolvens.

1579. corruerent, atque ipsi exarmati in servitutem retraherentur: nec enim ad tutandam libertatem infirmius ullum esse munimentum regio jurejurando. De religionibus, quæ controversia plurimum habebat difficultatis, ita regi placebat: unam per omnem Belgicam retineri, quæ Romani pontificis auctoritate firmabatur; nisi quibus in locis alii ritus fuissent eo tempore, quo foedus Gandavense approbatum fuerat: extra eos fines diversa sentientibus tempus præstitueretur, intra quod ordinarent res suas, post Belgica egrederentur, salvis bonis; dum procurationem eorum Romanæ religionis sectatoribus relinquerent. Id vero omnibus durum, nec publicæ quieti conveniens videbatur, statum præsentem tot urbium inverti, tot hominum millia expelli, nec saltem liberum credere quod animus testaretur. Quam autem regionem fore tantis exiliis tutam, aut capacem? ubi quieturos quos patria ejecisset? Sed nec sine summo scelere posse rectores quam veram didicissent religionem, quoquo modo inductam, per metum prodere. Ne Hollandi quidem & Zelandi satis sibi consultum putabant usu religionis ad ea tempora revocato, quibus validæ urbes a republica diffidebant: unde per novos tumultus metui; & quod sua causa a cæteris segregaretur, suspecta benignitas. Cum Arausionensi seorsum actum: atque eminus filio libertas & paternæ præfecturæ ostentabantur, ipsi tantundem bonorum, quantum unquam possederat, ut relicta Belgica Germaniam destinaret tranquillæ senectuti. Sed præter causas diffidendi, animus divitiarum contemtor, eoque integer & incorruptus, satis habuit scire, quanto Hispanus redimeret sui metum. Finito Agrippineni colloquio, Arscotius & sacerdotes aliquot ab illis partibus, unde legati venerant, defecere, Regi, cui se alioquin hostes futuros in posterum intelligebant, per literas conciliati, iisdem quibus Atrebates legibus. At quæ perscripserant pacis bellique consilia Hispanis fastidita, & genti nihil externum probanti ludibrio fuere. Patuit eo colloquio, quam procul inter se principis & populi studia diffiderent. Olim sanabile id malum, cum primum alienæ dominationis metu nobilitas surrexit: at postquam pertinacius pressa plebem religionis specie adduxerat in partes, didicitque vulgus se esse, quos reges timerent, aut propter quos timerentur, nec posse nisi credendo capi, primum libertatis gradum putaverunt veniæ desperationem. Inde ausi nihil mediocre, aut quod

Cum Arausionensi seorsum agitur,

sed frustra.

Arscotius alique Regi reconciliati Hispani ludibrio habentur.

quod poenitentiam admitteret, eo provecti sunt, ut pacis commoda, incerta belli nequicquam postea differerent. Itum est ultra solitum armis civilibus modum, dum inde imperii & ultionis cupiditas sine fine producitur; hinc ipsa pericula delectant, & nonnulla in miseriis gloria est. At tunc quidem non unus exercitus, sed exiguis copiis bellum spatgebatur, & fere singulis nationibus suos miles. Id statim *Ingens Fœderata reipublicæ appa-rit*, quod non, ut in priscis Græcorum & Romanorum, aut hodie etiam florentibus imperiis, in una urbe summa potestas erat; sed inter plurimas civitates æquata vis, unde fit ut propria cuique curæ, ex ingenio gentis ad quærendas retinendasque divitias exercitæ, falso publici nomine bonum commune pervertant. Pecuniæ quoque vix conferebantur: & male cum Belgis agi potuit, nisi hostis eodem malo laborasset, dum Regis aurum Lusitania occupat, parandis procerum studiis pariter & bello. Nam desiderato Sebastiano in Africana clade, & mortuo Henrico successore, Antonium regia stirpe editum populus ad regnum vocaverat, quippe infestus Castellanis moré finitimarum gentium. Sed Philippus propinquitatem sanguinis inter alios & ipse adferens, Albanum cum exercitu misit, qui recusantes armis subigeret; ejus denique opera Regi Lusitania accessit, per quem Batavos amiserat: tanto facilius regna quærantur. Nec sane quicquam Philippo felicius accidit, non modo, quod omnis Hispania unius imperio continuata est, sed quia Lusitani, plurima terrarum circumvecti navigationibus, maximas Oceani Atlantici insulas, Æthiopumque & Indorum littora imperio aut commerciis tenere. Hoc eventu Batavi, qui e bello Lusitanico suam quietem sperare potuerant, auctis hostium viribus, aliud insuper incommodum sentire, infracto mercatu Hispaniensi, in quo tum facultates civium fere omnes consistebant. Quamquam enim portus regni Castellani hætenus illis non præcludebantur, velut armorum causa nihil extra Belgicam spectantes; attamen & a sacerdotibus periculum, & solitæ regibus, etiam in hospites, injuriæ, detentionesque navium fatigabant: quæ Lusitani apud se abfore præmiserant, etiam provisó ne suspectos ad iudices aut longas lites vadarentur. Sed postquam regna in unum coiere, nec alterius commercii usu alterius necessitas levabatur, idem utrobique dominus, variis rapinarum nominibus, majorem quæ-

Ingens Fœderata reipublicæ appa-rit

Pecunia publica cum apud Fœderatos, tum apud hostes pauciora.

Philippus per Albanum Lusitaniam subigit.

Quod magna incommoda Batavis adferri.

1579. quæstus partem nautis exprimere, non quidem continua vexatione, sed talibus intervallis, & spiramentis, ut spe meliorum, & venali ad lucrum quodlibet mercatorum aviditate, nova semper præda succederet. Interim, quanquam ob æris penuriam in Belgica utrinque seditiones erant,

1580. hoc tamen Hispani facilius mitigabantur, quia, stipendiorum loco, rerum omnium impunitas dabatur. Sed *Parmensis interim aliquot oppida recipit.* Parmensis exigua aliquot Hænoviæ oppida recepit, quæ foederatarum gentium præsidiis tenebantur; deinde Cortracum in Flandria, astu militari. Bredam quoque illi Altipenna addidit, arcem improviso, inde subjecta adortus. Lanovius vero,

1581. *Nienova Lanovius hostem exigit.* Nienova & aliis Flandriæ locis exegit hostem. Inciderant in idem tempus illustrium virorum captivitates: Egmondi & Sillesii superatis in oppidis: & contra ipsius Lanovii, qui a castelli cujusdam obsidione infelici prælio detractus est, plurisque ab hoste ipso æstimatus, quam ut cum alteris duobus permutaretur. Machliniam Angli, qui Belgis militabant, imperu cepere, tam profana per victoriam avaritia, ut nec sepulchris parcerent; queis detracta saxa palam in Angliam venderunt. Multa alia consilia expugnationis subitæ validior iterum hostis evertit, paucis victoriæ præmiis penes Belgas manentibus, inopia defensionum. Namurcum ea tempestate ad filium venit mater Parmensis, excipere missa notum regimen, ut sexu gravior, & usu ætatis callida pacis moderatrix. Sed ille, qui juventæ vitia abjecerat, ut gloriæ indulgeret, demonstrare contra, armis & viri opus: conciliandis quin etiam studiis populi, aut militum, industriam suam sufficere. Vtrumque verum erat: itaque, remissa muliere, sublatum est impium certamen. At in Frisia, aditisque regionibus, velut proprium exarsit bellum, Rennebergii inconstantia. Is fideliter & intrepide diu sectatus optimatum partes, cum gente omni Frisorum Trajectino foederi subscripserat, & detrectantes Groninganos, odio maxime accolarum, qui præveniant, obsidio coegerat in easdem leges jurare. Sed permotus postea cognatorum auctoritate, qui omnes ad Hispanum defecerant, quo dissidii principia strueret, agrestibus, qui circum colebant, permisit militum suorum injurias propulsare. Hoc dato signo, magna rusticorum manus in ultionem prorupit, diu crudeliter vexata, egitque eo ferocius, quod fortunarum suarum ultima

Margarita Parmensis ad regendos iterum Belgas adveniens remittitur. Margarita Parmensis ad regendos iterum Belgas adveniens remittitur. *Rennebergii inconstantia Belgarum in Frisia exarcescit.* Rennebergii inconstantia Belgarum in Frisia exarcescit.

ultima defenderet. Sed rudem belli, & incompositam multitudinem missus ab Arausionensi Hohenlojus, commissis aliquot præliis, disjecit. Frisi quoque, suspecta præfecti fide, arces, quæ remanserant, aggressi, in tempore solo æquavere: & Transisalanorum gentem ad defectionem sollicitatam, nutantemque discordiis, missis præsidiis restituit Arausionensis. Tum ille, omissa dissimulatione, Groningam, cujus potiebat, regio adjecit imperio. Inde transducta Rhenum arma clades mutuas, & continuam annorum quindecim miseriam invexere. Primum jubetur urbem copiis modicis circumvenire Bartolus Entesius, Marckii olim sodalis; quem, post ingentes prædas terra marique partas, nimium magna sperantem ex turbidis, mors ea in obsidione interceptit. Ad urbem liberandam Parmensis Scenkium misit, Batavicarum quondam partium militem; ad quas postea reversus est, cum sperata transitionis præmia non consequeretur. Sed tunc fortem duci suo operam navavit: nam illius virtute, quod duces majores jam desperaverant, soluta est obsidio, & cæsa Hohenloji manus: quem deinde victarum partium fortunam divisus copiis retentantem, perculit iterum Rennebergius; &, fuso hoste, pleraque itinerum aut annium munimenta irrupit; sed cum in Stenovicum, urbem Transisalanorum, vim omnem belli quinque totis mensibus converteret, a Nassavianis ductibus depulsus, victusque, inter miserabiles cogitationes, quantæ cum famæ jactura, integras opes ad incerta redeigisset, morbo finiit. Successit ei Verdugo Hispanus, & commissa adversus Norisium pugna superior, cæterum nihil profecit, campis per autumnum madentibus. Hinc fames & morbi militem abegere. Patebat Parmensi magna satis & digna curari possessio, si tot in ea parte victoriis uti libuisset: dum alibi arma occupantur, dilati diu, qui tum opprimi potuerant, ambiguum fortunam meliora in tempora traxere. Tumultus interea nonnulli, & non procul seditione res fuit, ut in Brabantia, ita in Transisalanis urbibus, studio in Regem ejus multitudinis, quæ Latinos ritus sectabantur; quo factum ut imaginibus, sicubi permanferant, sublatis e publico, ne privata quidem sacra illis permitterentur, metu coitionis. Circumfuso undique bello augebatur apud Ordines defensorum numerus, quantum tributa minuebantur: quodque difficillimum erat, verso milite ad uberiores stipendiis rapinas, nec ager liberari sine pecuniis, nec agro infesso expediri pecuniæ poterant.

1581.

Frissi arces solo æquavere.

Transisalanorum restituit.

Groninga ad Regem defecit.

Entesius eam obsideri jubetur.

Scenkii opera soluta obsidio.

Rennebergius a Stenovici obsidione depulsus moritur.

Ejus successor Verdugo.

Romanis in Brabantia & Transisalanis privata quæque sacra interdicuntur.

1581.

terant. Iam & urbes præsidia formidare : nec duces castris imperio aut disciplina præesse, sed vitiorum similitudine, dum luxum & omnem licentiam militaria decora existimant. Has ob difficultates, invito civibus plurium imperio, Arausionensis cum multa super juredicundo & tributis, & milite, ad præsentem rerum statum necessaria, tum illud quoque Ordinum consilio suavit, ut propter subita belli, & tarda conventuum auxilia, senatum legerent, qui de re summa secum consultaret. Rebus ita constitutis, ut cuncta sibi prona vidit damnatae Philippo religionis vinculo, & dissentientium validissimos alias in partes iisse, aperire incipit usurpatum hactenus regium nomen, dum spes maneret pacis : nunc quando ille implacabilis, tanquam rebellibus, compertumque sit, ut quis in Belgas acerbus fuisset, & crudelis, ita in Hispania inclitum & florentem conspici, quid ultra errare populum sacramenti veteris inani religione paterentur ? unde enim tot turbas & dissidia, nisi quod fides inter patriam & principem ambigua penderet ? At sapientibus haud ignotum, populi ex consensu, populi gratia institutas esse potestates, ut superiores singulis, ita infra universos, quæ si publici curam privatos ad ulus verterent, populo, hoc est Ordinibus rite coactis, iudicium & vindictam relinqui. Nec alio jure pleraque regna præsentibus sub dominis esse, nisi quod ea populi, priorum injurias aut socordiam pertæsi, ad alios transtulissent. Quanto hæc magis in Belgis valitura, quibus regium nomen ignotum, talisque obsequii modus, ut non dicerent solenne sacramentum, nisi ante principem in sua & legum verba adegissent ? Gentium jus esse, alterius perfidia solvi mutuos nexus. Philippo autem repudiato, alium quærendum principem : nec enim eas res esse, quæ contra Hispaniæ potentiam suis opibus facile sustinerentur ; & aliena nemini, ut sua, curæ. Præsentem opus duce, quique Belgas, ubi mala desævire, salutis suæ negligentes, legitimo imperio excitaret. Germanicas spes se ex animo projecisse. Vnum restare, ut Francisco Valesio principatus deferretur, quem certa jamdudum indicia dedisse non recusaturi. Nec parum referre, si juvenis summæ fortunæ proximus hinc crescere inceperit. Interim non fraternam illi Galliam, non studia Angliæ defutura : in quam & classem nuper paratam habuisset Hispanus, quam partim tempestas, partim Lusitanicum bellum avertisset ; & Hibernos rebellantes, nunc idem auxiliis concitaret : nec minora belli se-

mina

*Arausio-
nensis Or-
dinibus no-
vi senatus
auctor*

*Vi Philip-
pum repu-
diem, sua-
det,*

*ac Fran-
cisco Valesio
principa-
tum defe-
rant.*

mina tentatus Anglis novus orbis, & in patriam perlatae, quas eripuerant Hispanis, opes. Post longam dubitationem, probatum consilium, metu magis Hispani, quam ullo in Franciscum studio: & ab Ordinibus Belgarum Philippo, ob vio-

Philippo imperium abrogatur.

latas leges, imperium abrogatum est; lataque in illum sententia, cum quo, si verum fatemur, novem jam per annos bellatum erat: sed tunc primum desitum nomen ejus & insignia usurpari, mutataque verba solennis jurisjurandi, ut qui princeps hactenus erat, hostis vocaretur. Hoc consilium

Hostis vocatur.

vicinas apud gentes necessitate, & tot irritis ante precibus excusatum, haud desiere Hispani ut scelus infectari, parum memores, pulsum a majoribus suis regno invisæ crudelitatis regem, eique prælatam stirpem non ex legibus genitam; ut jam taceantur vetera apud Francos, minus vetera apud

Mathias honorifice dimittitur.

Anglos, recentiora apud Danos ac Sueonas dejectorum regum exempla. Mathias cum gratia muneribusque dimissus. Hispanum nec rei magnitudo, nec autor latuit, unde cum judicaret unius hominis vitam obstare felicitati suæ, illum, in quem arma habebat, proscripsit, invitavitque percussorem honoribus, divitiis, impunitate etiam ante peccatorum.

Hispanus in proscriptionem Arausionensem percussorem invitatur.

Adversus novi moris edictum Arausionensis apud Ordines Belgicos & Christianos principes libello se defendit, adjuvante Petro Villerio, homine Gallo, qui subactum rebus forensibus ingenium, ad religionem docendam, & hinc ad intima Arausionensis consilia transtulerat. Exstat scriptum utrumque pari acerbitate, qua post crimina ad causam

Hic libello se defendit. Viriusque scripti summa.

pertinentia, hinc animum ingratum & perduellem, inde sævam ac perfidam dominationem, veris falsisque narrationibus permixtis, porro ad alia, rixantium more, prolabeantur. Nam, quia Arausionensis, facto discidio ab uxore Saxonica, ob causas ipsius gentilibus approbatas, Mompenferii

filiam, inter Deo sacras virgines educatam, in matrimonio habebat, utroque nomine incusatus; Philippo vicissim magna adulteria objectavit, resperfosque uxoris & filii sanguine penates novæ dominæ avunculi ad amplexus venienti patuisse: nam conjunx tunc regia Maximiliani imperatoris erat

filia, e regis sorore, quod foedus Pontifex suis, ut multi judicabant, divinis quoque legibus abrogans, autoritate firmaverat. Sed & ipsum Maximilianum agnatum, & tunc socerum, olim ministro Granvella veneno petiit non tacebatur. Ordines, contentis Philippi artibus, qui omnem

1581.

*Arausio-
mensis in-
nocentiam
publice te-
statur Or-
dines.*

*Franciscus
ad impe-
rium voca-
tur.*

*Frater ejus
Galliarum
rex astipu-
latur, ac se
subsidio su-
orum pro-
mittit.*

*Camera-
cum obsi-
dio liberat
Franciscus,
Liberat a
urbis prin-
ceps saluta-
tur.*

*Tornacum
Parmensis
deditur.*

defectionis culpam uni assignabat, Arausionensis innocentiam publico testimonio honestarunt, addita, super vetus satellitium, equitum turma salutis ejus custodiendae. Gratiissima Francisco Belgarum legatio fuit, qua ad imperium vocabatur; amica & matri, cui provisum filios, summæ spei nimium imminentes, externis honoribus demulcere. Sed antequam conveniret, opis regis astipulatio petebatur, quæ voto quidem non respondit: tantum enim Rex perscripserat, faventem se fraternæ magnitudini, & ipsi & Belgis, qui sub ejus ditione forent, auxilio ac subsidio fore; quod quo rectius posset, optare regni sui pacem, & fratri prospera omnia. Præsens necessitas Belgas, verbis contentos, cætera sperare tantum coegit: subitoque Valesius, ut amplius Belgarum studiis se commendaret, intellecto Cameracum, hostilibus copiis castrisque cinctum, extrema tolerare, profectus eo cum exercitu (ad quem alendum magnam illi pecuniam Elisabetha suppeditaverat) perrupit obsidium, statimque princeps liberatæ urbis salutatus est. Neque tum ultra pertendit, quia potissima pars virium erat in clientium manu, & qui spes ejus sponte, nec diu mansuri sequebantur. Situm est Cameracum in finibus Belgarum, propria antistitis sedes; sed utrius sub regni fiducia haberetur, Germaniæ imperatores & Gallorum reges bello sæpe contenderant. Sed bello Gallico Carolus imperator detinuerat, imposita arce, cujus præsidarii, victo præfecto, foederi Gandavenfi accesserant. At Tornacum Flandriæ oppidum circumseptum aliquamdiu, absente præfecto principe Spinojo, cujus obsessa uxor singulare edidit constantiæ mulieris exemplum, tandem in Parmensis venit potestatem.

HUGO-

HUGONIS GROTHII
ANNALIVM
BELGICORVM
LIBER QVARTVS.
SVMMARIVM.

Franciscus ambito frustra Elisabetha matrimonio Belgica imperium suscipito. Leges illi prescriptae. Belgarum nobilium indignatio, ejus causa. Flagrans Arausionensis apud multisudinem gratia latrociniis Hispanicis petitur. Parmensis interim Aldenardam capit, Alostum Valsius, Liram Parmensis miles, Vordugo Ssenovicum. Externus miles Parmensi remittitur. Ordinum valida quoque copia. Valsius frustra exspectatis fraternis auxiliis atrox consilium caput; varias vi occupat Foederatorum urbes; ejus miles Brungis ejicitur, omnium infelicissima tentas Antverpiam, cum suis aufugit: offensis illius incepto Belgis Regis offertur clementia: Valsium tamen non esse repudiandum censet Arausionensis; quod & Galliarum regi cordi: Dunkerca cum illo agitur, multa causatus in Galliam concedit. Belgarum ad Gallum preces, Valsii mors. Dunkerca in Parmensis venit potestatem, cujus jactura nondum sopiuntur dissensiones. Arausionensis in Zelandiam abit. Parmensis multas interea expugnat urbes. Hogii mendacio Hollandiam turbantis supplicium. Traxii conjugium novi belli causa: ab hostibus pulsus ad Arausionensem profugit. A Taxi Zutphania capitur. Herembergus ad Hispanos cum filiis transfugit, Imbisius & Cimacensis Flandriam Hispanicis tradere suscipiunt. Parmensis oblata occasione utitur; illi VVasia variaque deduntur oppida. Brugae Regis obsequio reddit Cimacensis, quas aliae urbes sequuntur. Gandavense capitali supplicio plectunt Imbisium. Parmensis Scaldem obsidet. Antverpienses duo exciunt castella. Arausionensis Delphis occiditur: illius perturbatus rei privatae status; quadruplex matrimonium: funus maximo luctu celebratum, Mauritijs filius illi succedit. Hohenlojus vicariam sub illo accipit potestatem. VVilhelmus Nassavius Frisia rector Frisiorum discordias prudenter componit. Constantis Baravorum fortitudo. Scaldis captum obsidium urget Parmensis, Tenerimundam capit & Vilvordam: Gandavenses se ei dedunt. Ricardosi solertia. Arx Gandavi reponitur. Antverpienses sociorum opem implorant. Vicini auxiliandi tempora praetermittunt. Calamitosus Foederatorum status; Gallus & Angli illos consolantur: dubitant utri velint accrescere: a praelo Gallo non recipiuntur.



Ranciscus in Angliam transectus, ubi futuro principatui amicitiam firmaret, ita Reginae placuit, aut ipse, aut spes in illa majoris fortunae, ut certis conditionibus de matrimonio ageretur, utcumque religio diffidebat. Lætus ia Belgis rumor,

1581.
Franciscus
in Angliam
frustra de
matrimonio
agit,

1582.

*In Belgi-
cam rever-
sus impe-
rium susci-
pit.
Leges illi
prescripsit.*

mor, sed frustra fuit, seu dolo instituta simulatio, seu fraternalis offensiones impedimento fuerunt: deinde ipsius infelix temeritas, quæ cuncta maluit armis debere. Reversus in Belgicam, solenni ritu & magnifico cum apparatu, in Brabantia ducis, in Flandria comitis vocabulo imperium suscipit. Leges principatui, præter veteres, novæ datæ, ex foedere inito Burdegalæ: semel ut anno foederatarum gentium convocarentur Ordines, sine quorum consensu foedus iniri cum Hispano, dux bello imponi nequireret: quisque postulantis miles peregrinus ablegaretur. In ordinanda religione, locandis externis præfidiis, gentes singulæ auctores fierent: eadem ternos nominarent, unde singuli ipsis rectores darentur: tum si quid inter se dissiderent, ea de re ducis esset arbitrium: Senatus Gallos admitteret duos: ceteri in præsens Ordinibus, in posterum duci, sed e nominatis legerentur: etiam aulæ præcipua munera Belgæ obtinerent. Promissa, extra patrimonium principale, ad bellum annua quater & vices centena florenorum millia, ut his quod restaret, id privatis ducis ipsius, aut fratris opibus sarciretur. Spes aliqua erat utriusque religionis homines mansuros in fide; tum qui cum Arausionensi sentirent, tum Romana sacra sectantes propter Valesium: quippe his Antverpiæ permissum, nec ultra redire ad suos ritus, dum commune Belgarum sacramentum pro novo imperio dicerent. Omnia publice gaudii signa, & ipse non absurdus vultu comitatem, sermone gratiam præferre: sed nobilium qui supererant tacite indignabantur, respicere coacti in Burgundionum solio principem gentis diu inimicæ; mutatum scilicet dominum, ut illi Belgis miscerentur, cum quibus nunquam tuta pax, infestis toties signis concursum, & jam in alterum sæculum odia durabant. Etiam vulgi animis fas illud jurisjurandi prioris, & qualiscumque principis respectus haud facile evellebatur. At contra erant, qui novam religionem animis objicerent, ne causa pietatis auxilio dissentientium contaminaretur. Sapientiores ex discordia periculum, inde & Gallicam inclementiam formidabant. At ubi patuit secreto convenisse, ut Franciscus, quamquam accepto Belgicæ principatu, in Hollandos Zelandosque nullum, nisi nominis jus temporarium, usurparet, jam Arausionensis quoque consilii auctor damnabatur, ut particeps dominationis, & qui ab initio moruum munitissimas gentes sibi seponeret. Certe præscriptum

*Belgarum
nobilium
indignatio;
Ejus causa.*

ptum ejus nomen legibus & actis publicis : neque tunc præfectura, sed summum imperium penes illum fuit. Quin & comitis nomen per eas regiones a plerisque delatum; quo minus reciperet, pauca suffragia restabant, cum ad longi laboris præmia properantem inferius narranda mors intercepit. At alii hoc potius indignari, quod Gallicæ potentia seorsim manciparentur, Arausionensisque imperium & ipsi malle, qui cunctis defendendis impar, haud immerito socium adsciverat. Multitudinis sane quanta in illum studia fuerint, morbo ejus compertum est. Nam cum ex vulnere, quod percussor regius inflixerat, graviter Antverpiæ ægrotaret, tota civitas mœstitiam & fletus suos templis affudit, ut Dei pacem exposceret, veluti in publici parentis periculo. Tunc quidem valetudo restituta : sed reliqua vitæ pars infesta latrocinii Hispanicis fuit; iterumque & sæpius deprehenso, qui ipsius & Francisci vitæ insidiarentur. Dum Ducis copiae paulatim adventant, Parmensis exercitum in Flandriam duxit, ubi Aldenardam, urbem a veteribus Nervii appellatam, qui Scaldi adfluit olim tenere, trimestri obsidio, & telorum impetu cepit; eo facilius, quia præsidium, quod satis esset, oppidani recusarant. Inde, cum Bruxellæ circumfluita castris insideret, res arctas urbi facturus, consumtis per agros frugibus, & mox hyemis asperitate attritus, recessit. Multum subita quoque valere : & inter alia oppida improvise superantur a Valesio Alostum, quam hostis tenebat; a Parmensis milite Lira, proditione aliquot præsidiorum. Is locus magnam ad bellum opportunitatem habebat, ob propinquam Antverpiam : interim & leves pugnae æquo certamine; & Anglorum non pauci perfugæ ab Hispanis contemptim habiti, aliis ad servandam partibus fidem documento fuere. Mox Lochemum, modicum Geldriæ oppidum prope Zutphaniam, Verdugo circumventum, ut fame tentaret, deserere coactus est, ter invecto commeatu. At Stenovicum, de quo graviter antecertatum fuerat, labore nullo, per tenebras & inscitiam oppidanorum, idem occupavit. Interim Philippus, obiecto sibi Valesio, majore quam antehac vi & cura agendum ratus, Hispanum Italumque militem Parmensi remisit; nec cuiquam tantum in Atrebatibus factionibus & jure fiducia fuit, ut contradicere auderet : ipse obtendit spectatum in ea sponsione Belgicæ totius obsequium, qua spe irrita,

Summa plebis in Arausionensium studia.

Ejus vitæ latrocinii Hispanicis infesta.

Parmensis interim Aldenardam capis.

Alostum Valesius.

Liram Parmensis miles.

Verdugo; frustra tentato Lochemo Stenovicum occupat.

Exterum militem Philippus Parmensi remisit,

cum

1582. cum causa & obligationis vinculum concidisse. Summa recensitu comperta, pedites sexagies mille, quatuor millia eorum qui equo merebant: manentque numeri, aut augentur ad hæc usque tempora: quorum menstrua stipendia septies centena millia florenorum excedere putantur; atque ejus dimidio non minus cætera belli impendia. Igitur, super tributa domestica, missum a Philippo quotannis non minus vices centenis millibus. Tantum Hispano in Belgas perit: &, ne plus pecuniæ trajiceretur, obstitisse crediti, qui, rebus in Belgica male gestis, alienos successus formidabant.

Ordinum valide equo-que copia. Ordines contra, ut egregiis initiis novo imperio famam circumdarent, vices quater annum quod fuerat inpræsens, ad quadragies centena millia extulere, qua pecunia Francisci sub signis præter Belgas Galli, Germani, Angli, Scoti militabant. Validæ utrinque copiar, sed quarum pars magna præsidii attinebatur: quippe indiscretis finibus, &, ut belli casus tulerant, inserti oppidis, alter alteri ex proximo imminebant. Hactenus sperabat Valesius fraterna subsidia

Valesius fraterna subsidia.

Causa quod non minueretur;

ad eas opes evertendas, cum quibus varia ducentorum annorum fortuna conflictati Gallorum reges, per bellum penuria & sanguine, iterumque pacis conditionibus hostem sibi æquaverant. Sed quanquam Medicæ mater Lusitanici maris possessionem attentabat, Rex ipse nec bellum palam indicere animatus, nec clam quidem suspectas vires accidere. Nam Philippus ultro prævenerat, emercatus dissidia, quibus tranquillum Galliarum statum turbaret; quod ipsi facile, cui multa largiendi facultas; & Galli vix gratuito quiescant. Pars igitur validior palam Regem absterre, ne alio quam in Romanæ religionis hostes arma verteret: pars, specie altioris consilii, callide fallaces, negabant utile aut æquum esse, Regem, cui nec promissa successio, in alienos usus ærarium profundere; quin relinquendos Belgas ipsumque ducem suæ paupertati, donec exhausti, & de summa rei periclitantes ad accipiendas leges venirent: satis enim mature ex affini regno vinci Hispanum posse, cum non aliis vinceretur. Et erat Rex sponte etiam sua fratri iniquior, non quod offensus, sed quod offenderat: memor ob suspensiones magis quam crimina duris custodiis nec semel septum. Ea res præcipitem egit Ducem in consilium atrox & plenum desperationis, sibi que pariter & Belgis exitiosum. Nam cum prospiceret facile se illis contemptui fore, quibus promissa

Vnde atrox Valesio consilium.

missa auxilia non præstaret, tantum inutili principatu gravis, nec immemor precario se imperare: deinde (quod in regno educatos moleste habet) legibus & aliorum auctoritate retineri, orata aliquoties mutatione, nec obtenta, singularem potentiam vi statuit munire; & fidissimis ducum Flandriæ oppida præsidii occupanda delegat: ipse Antverpiam sibi sumit, ut maximam urbium, & ubi Arausionensis validior gratia, cui tacito foedere partem deberi sciret potentia, & Ordinum legati dominationis impedimenta. Credibile est, hujus temeritatis concitores fuisse non modo quibus occulta cum hoste consiliorum societas, & fides pretio corrupta, qui certum duci imperium ex matrimonio Hispanico ostentabant; sed Gallos, qui urbium direptionem, aut majorem prædam, honores sibi proposuerant, unde legibus arcebantur: cujus cupiditatis totidem gentes compertæ sunt, quot Belgæ socias habuere. Adfuit successus ubi Gallorum præsidia prævalebant, capiunturque Vilvorda, Tenerimunda, Dica-smuda, & Dunkerca, maritimum Flandriæ oppidum, commodo situ ob Galliæ commeatus. Brugis & qui ante præsidebant, & qui recens advenierant, egregia magistratuum arte elusi sunt; qui ductos in curiam tribunos, consultandi specie, coëgere, ut egressum militi per literas imperarent: & hic metu armatæ plebis haud gravatim paruit. Antverpiæ majus periculum, crucienti exitus; eruperant quanquam indicia, & occursum ab Arausionensi urbisque rectoribus, quantum poterat dissimulata suspicione. Exercitus eo Helvetiorum Gallorumque convenerat, ut, capto tum forte munimento, cui Endovia nomen, & fuga hostium, Brabantici agri possessio retineretur. Adeos, velut agendo censui, sub ipsa mœnia Dux egressus, cum familiari comitatu, obtruncari repente vigiles, invadi portas jubet, ut cæteris pateret aditus. Et jam centuriæ septendecim per urbis vias, quasi victrices, volitabant, Missam, Romanæ religionis sacrum, inclamantes (id conspirationis signum erat,) cum oppidani relictis mensis (prandebant enim) ad subitum tumultum corripiunt arma: qui primi processerant Valesianos, transire in ulteriora conantes, objectu corporum prohibuere. Paulatim plures manus coortæ, undique egregia virtute, & concordia, (suos nimirum penates, suas fortunas tuebantur) cunctos qui urbem ingressi erant, in portam qua intra-

1583.

Ejus milites
Brugis ejiciuntur.

Varias occupas urbes.

Ejus milites
Brugis ejiciuntur.Omnium infelicitissima
tenet Antverpiam.

1583. intratum, repellunt. Ibi alta strages, atque inter angustias fugientes adventantibus, mortui vivis impedimento erant. At Franciscus, ubi insaniam coepta eventu didicit, pudore & conscientia vecors, rerumque omnium egens, quantis potuit cum copiis, inter magna vitæ pericula, & gravem suorum jacturam, per humida camporum trans amnem Dilam profugit. Hæc tam insignis injuria multorum animos, ne ante quidem satis æquos Gallico nomini, vehementius offendit. Nec omittebat Parmensis, & qui Belgarum apud illum erant, infaustam defectionem, & novi dominatus graviora, quam fugiebantur, scelera literis inceslere. Ferenda scilicet superiorum ingenia, nec ulli populo tutum inter tot regna rebellare. Quod si vel nunc tristi experimento ad obsequium rediretur, æquas leges, & Regis clementiam offerebat. Senserat Arausionensis nimis oportuno rebus Hispanicis tempus pacificationis invadi; & quanquam consilium semel inprospere cesserat, quo maximam potentiae suæ partem amiserat, vulgi favorem, rogatus sententiam, multa cum invidiæ deprecatione, exposuit: Si concorditer regi Respublica potuisset, & suis opibus administrari, dubitandum non fuisse, quin merito unius & externo imperio abstinereetur. Neque nunc illud quæri, an jus sit eum deferere, qui prior publica jura violasset, quod satis cautum pactionibus: sed vires respiciendas; modicum sibi militem, & urbes validas in Ducis manu: deliberandum Belgis, suas has esse, an hostium mallent. Multum autem referre, ad Hispanum, an ad Gallum ab utroque offensi reverterentur. Nam illam potentiam, imperii vetustate coalitam, reperire semper instrumenta ad opprimendam libertatem: huic, si quid moliretur, defore qui libidini ejus obsecundarent. Satiùs igitur Gallum experiri, cui semel deprehenso non occasionem posthac, non animum eadem audendi. Ipsi vicissim, pro uno recenti delicto, multa Ducis benefacta, & proximos per annos defensas urbes, oppressos hostium conatus ipsius opera, benigne cogitarent. Ita redituram belli concordiam, si peccasse Franciscus se meminisset, ipsi obliviscerentur. Cui orationi accessit ab aliis excusatio imprudentiæ juvenilis, & animi e regio sanguine, qui nulla obsequii humilitate delinitus, forte & quorundam incensus contumacia, non tamen ad cædes & rapinas, sed ad securitatem potentiae pravis consultoribus infelix iter legisset.

Rex

Franciscus cum suis aufugit.

Plurimi Belgarum ejus incepto offendantur.

Omnibus a Parmensi Regis offertur clementia.

Arausionensis a Valesio tam non novum quam deservendum censet.

Rex etiam Galliarum pollicitatione, & latentibus minis fratrem commendabat. Coeptum igitur agi cum Duce, ut, restitutis oppidis quæ habebat in suam potestatem, Dunkercam secederet: eodem commeaturos qui cetera componerent. Interea, longa cunctatione, dum & ipse oppidorum restitutioni renititur, & Belgæ militibus, qui cum ipso erant, alimenta non suppeditant, plebis metu, quæ recentis metus tenacior, majora & vetera minus cogitabat, vix tandem placuit, Bironem Gallici exercitus ductorem mitti, ut Parmensis conatus compesceret: qui tum, capitis oppidis aliquot, Brabantiam infestabat. Sed nec huic bellum satis processit, & colloquium multis difficultatibus trahebatur; ultro accusante Francisco, quod velut in vatum principis nomen accitus, tributorum rationem, & res maximas celaretur, nulla ad benefaciendum cuiquam licentia: neque mirum, si, post tot aliorum exempla, qui ad res Belgicas invocati gravia sensissent mutaræ voluntaris experimenta, inventus esset ipse, qui, diu cunctatus, nollet ex alieno nutu pendere. Præcipue autem flagitabat, ne cunctis principibus permissum sibi uni negaretur, ut extra curiam domesticum haberet consilium: cujus moris usum laudabat ante alios Iohannes Bodinus libellorum præpositus, notum scriptis ingenium: contra, Belgis nihil æque perhorrescentibus: etiam pro sacris Romanensibus aliquid Galli in speciem attulere. Hæc inter certamina prope inclusus Dunkercæ Franciscus, cum super veterem dolorem novotædio angeretur; & arctiore oppido multitudinem vastarent morbi, in Galliam concessit: sive ut mutata locorum facie animum recrearet, sive, quod credibile est, reditus in gratiam cum fratre, durantibus hætenus offensis. Temporaria certe profectio fuit: neque, dum vixit, adire illum Belgæ legationibus desierunt, ut Flandriæ nutanti suppetias veniret: orantes maxime Regem, fraternam ut causam aperte amplecteretur: id si minus posset, ut milite & pecuniis juvaret, omnesque e Gallia commeatus in hosticum intercluderet: quæ si impetrarent, non verebantur Regi successione imperii legibus eisdem addicere, ita ut jure Francisco in corpus regni multis post sæculis rediretur. Sed sequentium temporum malis, & Francisci morte dirempta colloquia. Superstes is fuit honoris & dedecoris sui menses non amplius septendecim, confectusque alijs per libidines, alijs

1583.

*Quod ne
fuit Gallia-
rum quo-
que regi
cordi.
Dunkerca
cum Valde
agitur.*

*Biron ad
reprimen-
dum Par-
mensium
militum.
Adulæ cau-
satur Valde-
fuit.*

*Dunkercæ
in Galliam
contedit;*

*Belgarum
ad regem
suis fra-
trem pro-
ces.*

*Valerii
mort.*

vene-

x583.

veneno, plenisque animi ægrimonia creditur, communi ferme omnium exitu, quibus ante illum, vel post, infelicitium populorum malis abuti libido fuit. Etiam funus habuit, nullis Belgici imperii insignibus, & rerum ibi actarum silentio, dum rex frater vitat Hispanum, quem rebus non audebat, inanibus offendere. Ut primum Franciscus Dunkerca excesserat, Gallorum choros, quæ præsidio relicta erat, acceptis stipendiis dilabi & diffidere genti quam læserant. Ita milite nudatum & navigiis oppidum minoribus ducibus obsidendum Parmensis delegat: mox ipse adest ad perficiendam oppugnationem iusto cum exercitu. Imperatum Bironi erat insequi hostem, & vires committere: sed Gandavenfes veteri in Valesium odio, & reperta specie tumultuandi, transitum negarunt: iniustum enim esse ajebant, ejus copiis uti, quem neque principem ultra, neque amicum agnoscerent. Hac igitur istorum hominum pertinacia Dunkerca in Hispani venit potestatem; unde nunc perpetuo intutum mare. Nam importuoso in littore vix modicis myoparonibus subsidia habet: hinc, ubi commodum est, observato exitu, prætervectas Batavorum naves ad piscandum, aut cum mercimoniis, ubi opposita Britannia arctat oceanum, prædones aggredi solent, & facile effugium levitati apertum per mare, aut propinqua inter vada, adversus bellicas moles. Nec hujus quidem oppidi tam insignis jactura sanavit dissensiones: sed necesse fuit dimitti Bironem cum exercitu, quanquam obtestante Arausionensi, ne hosti animoso & felici proderent rempublicam: adeo Gallis nihil credebatur; & ipse propter illos adverso rumore erat, ita ut Antverpiæ in arma concursum sit, vulgato mendacio Gallos ab Arausionensi in arcem inductos, inde urbi imminere. Ille vero, cui nihil æque insolitum, aut triste erat, quam civibus suis formidolosum vivere, non tulit mutatos vultus, & pro festis acclamationibus suspicax silentium; sed relicta sex annorum habitatione in Zelandiam, & certiora imperii concessit, ingratis animis & imminetibus periculis exemptus. At Parmensis, vacua nactus vincendi tempora, Neoportum Dunkercæ dextro littore adsitum, & interiora Dicasmudam, Furnas, & Bergas quæ Winoci dicuntur, in deditionem accipit. Inde Flandris major indies belli detestatio, & plerique in tantum proxima meminerant, ut contra-

*Dunkerca
præsidio
nudata in
Parmensis
venit potestatem;*

*Cujus jactura
non
dum
dissensiones
sanatae.*

*Arausio-
nensis in
Zelandiam
abijt.
Parmensis
interim
mulus urbes
in deditionem accipit.*

tra Gallos vel Hispanis faverent. Per idem tempus Hollandiam hominis ignobilis audacia turbare sermonibus scriptisque aggressa est : Hogius dicebatur : sed ipse materno dedecore & forma non dispari vanam sanguinis gloriam affectabat ; quasi Carolo Cæsare genitus : inde ab Hispanis injecta spe , fore ut illum Philippus fratrem agnosceret , homines novorum cupidos , aut quibus præsentia displicebant , in spem pacis , & obsequium gentis Austriacæ retrahebat. Sed conspiratio adhuc recens auctoris supplicio extincta est. Pugnari coeptum & in Agrippinensi ditione , quæ tunc Ernesto Bojoaro cum pontificatu delata erat , ob Truxii conjugium . Is enim , ejusdem ante loci antistes , intempestivo amore illectus illustris foeminæ , festinarat exuere coelibatum , quod per Latinas leges sacerdotibus non licet , cum in promiscuis libidinibus facile conniveatur. Ille hominum scitis fas divinum opponere , & impar tantis ipse curis , per Calimirum , & Nienarium Comitem Mursæ , modici utrumque exercitus ducem , inhærere urbibus , donec vi hostium & suorum perfidia plerisque præsidii depulsus , inito cum Belgis fœdere , ad Arausionensem profugit , unde populationibus se , ut potuit , ultus est : factumque est hoc bellum majoris accessio : nec id Hispano ingratum , quo speciosius limitaneas Germaniæ urbes , vetera Belgarum exfulum receptacula , armis involveret. Auxit hoc quoque valescentem indies Parmensis fortunam , quod Zutphaniam , quæ nec justo præsidio , nec satis concordi tenebatur , Taxis tribunus ex insidiis illi cepit , adjutus gregarii unius opera , quem habuerat apud se captivum. Hinc jam cuncta inter Italiam & Rhenum sita Hispanorum incurribus infesta erant : nec occludi saltem exitus potuere : urbs quoque frustra obfessa est. Adeo tunc maxime Belgarum vires & tempora discordiis peribant. At primores haud pauci , rebus publice desperatis , privatim remedium ex venia gratiæ Regis quærebant , quæ nisi magno facinore non sperabatur. Ita Wilhelmus Herembergensis , qui , accepta in matrimonium Arausionensis sorore , primæ spei periculorumque socius fuerat , levitate ingenii , Geldriam , quam tum regebat , statuit donare victoribus ; sed præventa fraude , & accepta fide dimissus , tamen transfugit , nihil partibus conferens præter egregia filiorum robora , quos ad defectionem impulit , nec suis criminibus implicitos , nec honorum exper-

1583.

Hogius quidam monacho Hollandiam turbans supplicio affectus.

Truxii conjugium Belli in Agrippinensi ditione transacti.

Ab hostibus pulsus ad Arausionensem profugis.

A Taxis Zutphania capitur.

Belgarum vires discordiis peribant.

Herembergensis Geldria rector ad Hispanos cum filiis transfugis.

1583. tes. Geldriae mox regimen Nienario datur. At Flandriae
illi succedit miserabilis status. Ipra a Parmensi obsidebatur. Ganda-
Nienarius. venenses Imbisius revocaverant, non alia gratia, quam quod
A Ganda- cum Arausionensi & Gallis veteres inimicitias exerceret:
venensibus hic summum denuo magistratum adeptus, per turbulentos
Imbisius aliquot concionatores, plebis animos quatiebat. Brugarum
revocatur. civitas, cum Flandria bello ardesceret, praefectum sibi ad-
Cimacensis vocaverat Carolum Cimacensem. Arscotii is filius, mutatis
Brugarum aliquoties ex fortuna partibus, proxime a patre desciscens,
praefectus. voluntario exilio mutatae religionis studium professus erat,
hi duo eo impensius, quia simulabat: hac arte irrepens illorum
Flandriam animis qui sacras literas populo interpretantur, hominum
hosti tra- minime callidorum simplicitati illudebat, & per eos vulgi
dore susci- affectibus commendabatur. Non minus autem Cimacensis
pium. quam Imbisius cum Romanae sectae hominibus secreta con-
silia agitabant, cum tamen palam illorum nonnullos uter-
que vinciret, aut relegaret. Interea alteram plebis partem
ita sibi ficta superstitione devinxerant, ut omnium odia in-
curreret, si quis de illis sinisterius suspicaretur. Hi duo fue-
re, qui Flandriam, nobilissimam regionem, munitam ad-
huc tantis urbibus, hosti tradere susceperunt. Iam primum
ut Gallos revocandi levarent necessitatem, Casimirum, &
Truxium & Germanica foedera loquebantur; non, quod
spes aliqua appareret, sed ut elapso remediorum tempore,
praeter deditionem nihil restaret. Ita pacis laudatores licen-
tiam primum loquendi, mox & auctoritatem habuere. Sed
ita rem instituerant, edebantque in vulgus, quasi pax da-
retur, non cum Parmensi & Hispanis, sed cum Belgarum
civitatis quae ad imperium reverterant. Id enim erat ali-
quanto popularius: addito, resipuisse Regem, contentum-
que obsequio quod sibi deberetur, divina Deo permittere.
Simul libelli & sermones jaciebantur, cum gravi Gallorum
infectione, & eorum qui tam diu inaequali certamine pu-
blicas & privatas Belgarum opes attererent: nunc quidem
nullas sibi vires, nec foris spem societatis, cum potentissi-
mi Regis arma continuis victoriis ipsos paene inclusos habe-
rent: manifeste nimirum Deo improbante cruentari sacra,
usumque religionis per vim & caedes rapi. At veteres certe
Christianos profanorum etiam principum, cum maxime
saevirent, imperia tolerasse, ut impositam a Deo necessita-
tem, quam cum demere ipsi visum, non armasse populos,
sed

Ad mutasse imperantes. Iuribus bellicis arbitrio semel ad principes translati, nihil subditis præter patientiam & preces relinqui. Quin ipsam pietatem malle sæpius oppressam semet colligere, quam laxitate diduci. Multos sub Carolo & Philippo suppliciis cecidisse, nunc armis quanta plures? Et illos quidem felices, qui non suo scelere perirent: at civium inter furores æque miserabiles, qui ista facerent, & qui paterentur. Vere spectanti non hæc esse belli semina, quæ dicerentur, sed paucorum ambitionem, quos domesticis periculis excidium patriæ opposuisse. Harum rerum conscius Parmensis institit occasione: & Ipra castellis circumfessa, quo minoribus copiis opus haberet, exercitum sub ducibus Vicecomite Gandavi & Montiniaco in septentrionalia Flandriæ dimittit, ut sibi faventium animos Belgarum procerum auctoritate confirmaret, & qui id sponte facturi non erant, interclusa spe auxiliorum, ad traditionem cogerentur. Est in ultima Flandriæ parte, quam continuus adhuc Scaldis a Brabantis, scissus deinde a Bevelandia Australi Zelandorum insula dispescit, flexuque suo amplectitur, terra Wasia nomine: quam tum regebat Stelandius, eodem quo Cimacensis & Imbisius in patriam animo. Huc ubi regii duces pervenere, continuo omnem eam regionem traditione præfecti nanciscuntur, oppidaque Hulsum & Axelam, cum castello cui Rupelmunda nomen, præfatis Flandrorum historiis non incèbre. Origo vocabuli a Rupella tenui amne, qui Scaldim illabitur, unde non nimis longe in altera ripa Antverpia est. Interius aliquanto recedit Alostum, cuius præfidiariis (peregrinus erat ex Anglia miles) mediocris ex causa stipendiorum summa debebatur, neglecta solvi a Flandris, etiam cum milites hostium viribus, penuria sua, vicinorum exemplo ad deditiorem sollicitarentur, quæ deinde secuta est. At Brabantii Zelandique non omiserunt disjicere aggeres, diffundere Scaldim, & ultra eum castella disponere, ut suam ripam tuerentur, hostilem incuterent. Parmensiani interea duces, quo duarum urbium maximarum seditio pluribus malis incenderetur, inter Gandayum ac Brugas castra locarunt; obsepta etiam annuum navigatione ad arcendos commectus. Igitur utrobique Romanæ religionis sectatores, quique alii per dolum, aut, quod ita sentirent, res Hispanicas pacis nomine amplectebantur, non amplius mustitare,

1583.

*Parmensis
occasione
occurrit.*

*Terra
Wasia, a
linque oppi-
da illi dis-
cuntur.*

*Brabantii
disiectis
aggeribus
Scaldim
diffundunt*

1584.

*Parmen-
siani inter
Ganda-
yum &
Brugas ca-
stra locant.*

1584.

Brugis Regis obsequio reddit Cimacensis.

Quas alias urbes sequuntur.

*In Imbisi sum proditi-
onis reum
capitali sup-
plicio anim-
advertunt
Gandaven-
ses.*

*Parmensis
Scaldim
obsides.*

re, aut secretos quærere conventus, sed publici & maximæ auctoritatis compotes partim suadendo, alios metu, pertrahere in suam sententiam. Hi tandem discessu cæterorum Brugis præpolluere; simul Cimacensis erupit. Quæ postquam ad Arausionensem per fidos magistratus delata sunt, data est opera ut ille comprehenderetur per cohortis prædiaræ præpositum. Sed hunc ipsum Cimacensis donis prævenerat, & præsentis usus occasione, edocta plebe seque & urbem inimicorum insidiis peti, munera publica & honores ereptos aliis in eos contulit, qui cum ipso consilia sociaverant. Ab his igitur adjutus, urbem Romanæ religioni & Regis obsequio reddidit. In easdem leges oppidi Dammæ deditio facta est, & liberæ universitatis, quæ Brugarum olim imperiis, gravioribusque agri oneribus excepta, Franconatus vocabulo appellatur: & in Flandriæ conventibus par maximis urbibus dicendæ sententiæ jus habet. Nec Ipra communis spem pacificationis, & obsidii mala diutius toleravit, tertia principum Flandriæ urbium a Gandavo Brugisque. Gandavenfes & ipsi venere ad colloquia per legatos, inducias, obsides. Sed urbem servavit parum dissimulata Imbisii perfidia. Nam Tenerimundam oppidum, quod Ribovius Arausionensis jussu strenue tutabatur, Hispano tradere voluerat, gratiæ duplicandæ, & apertius quam ut lateret. Cumque ab aliis in tam nefario consilio præpediretur, curiam & inclusos senatores comitatu militum, quos præsidio acceperat, ibat obsessum. Vtrumque hoc facinus populi animos ita abalienavit, ut in convictum proditi-
onis capitali supplicio animadverterent. Egregium insautæ ambitionis documentum, functus amplissimis honoribus senex, & diu secundis usus vulgi studiis, quem eo deripuit civilis contentio, ut sceleris magnitudine etiam misericordiam consumeret. Prostrato partium duce, quanquam tumultus retardesceret, per tempus aliquod res eorum validiores fuere, qui pacificationis insidias arguebant. Sed inclusam pene urbem, & hostilibus copiis circumfessam Parmensis satis habuit fami & discordiæ relinquere. Major animo spes & labor, dum ipsi florentes copiæ, & quod roboris erat Fœderatis gentibus irritum Zutphanæ obsidio attinetur, superare Scaldim, aditamque ei fluvio Antverpiam, Belgicarum urbium nobilissimam, quæ acceptos & Zelandia commeatus toti Brabantiae dividit.

dit. Hac ratione urbs una bello, cæteræ penuria & metu petebantur. Transposita igitur parte exercitus depellit præfidiarias Belgarum naves: utramque amnis ripam complet tormentis & milite. Sed Antverpienses, ubi objecta Flandræ hosti cecidisse intellexerant, ad navigationem munientiam, inter alia castella ex humo excitabant duo, quorum alterum infra urbem ad vicum Lilloum erat, alterum Flandræ in ora positum retro Hulstum, Wasæ oppidum, respiciebat. Hoc, quia semifacto opere erat, oppugnatum captumque est: illud multa cum Hispanorum clade Telinæcus defendit Lanovii filius, paternarum virtutum imitator. At ingruentia undique pericula mors Arausionensis impulit, importunissimo tempore, si Belgas spectamus, quorum res turbidæ & afflictæ ejus poterant unius consilio regi; sin ipsum, immature occidisse videri non potest, qui fortunæ publicæ, cui suam arctissime devinxerat, crescentibus malis ereptus est. Nam post illius obitum intestina seditione, & continuis hostium victoriis oppressa jacuit, donec in filio respublica & quodammodo ipse revivisceret. Delphis in Hollandia a Balthasare Gerardi, Burgundione, glande tractus est; qui proscriptionis præmio, seu partium fervore concitus, mira animum firmitate, ut ad facinus, ita ad facinoris poenam duraverat. Nec defuere ipsi laudatores; quanquam Italus Parmensis, cum publica ob amotum hostem gaudii signa postularentur, famam & jura belli reveritus, erubuit permittere. Una morientis ad Deum vox fuit, Misereere populi. Nec dubitant qui senescentem interius novère, quin varietas casuum, quos prima ab ætate quinquaginta ultra annos pertulerat, maxime, ex quo suscepta causa plena invidiæ, plena difficultatis, armis & ira potentiorum, obtrectatione æqualium, sæpe & vulgi offensis afflictabatur, ut tolerantiam rerum humanarum, ita seriam pietatem illi firmaverit. Quare, ut corpore nihil fracto laboribus, ita animo semper excelso egit, secundis adversisque juxta immotus. Reticendum non puto in signum abstinentiæ & infelicitatis, adeo nihil Arausionensi, præter gloriam ex bello civili, cecidisse, ut rem privatam, qua ultro publicam adjuverat, reliquerit perturbatissimam quadruplicis matrimonii liberis. Prima illi nupsérat Egmondo ex sanguine Buræ & Lerdami comes, ex qua Philippum sustulit, quem Hispani captivum abduxere; & Mariam,

1584.

Antverpienses ad sustinendam navigationem duo excitant castella.

Arausionensis Delphis occiditur.

Morientis pia vox.

Rem privatam reliquit perturbatissimam.

Quadruplicis ejus matrimoniorum.

1584. Hohenloii comitis postea conjugem. Altera ex uxore, Ducis Saxonum, Electoris Germanici, filia, natus una cum sorore Mauritius. Tertium Arausionensis matrimonium habuit Borbonii generis, & inde liberos virilis sexus nullos, filias complures, quibus per Germaniam Galliamque amplissimæ conditiones obtigerunt. Ultima excepit morientem Coliniaci, maris apud Gallos quondam præfecti, &

Funus maximum luctu celebratum.

Mauritius filius illi succedat.

Ejus a patre relicta hereditas.

partium ducis, filia, Henrici Frederici mater. Nullum unquam funus tanto populi luctu, & prope desperatione, celebratum est. Solatio fuit, quod Mauritium, qui tum decimo & octavo ætatis anno Lugduni Batavorum sapientiæ studiis inhærebat, ob indolem virtutis, & ut parentem liberratis auctorem grata memoria remunerarentur, publicæ curæ sicut imponere. Huic pater, in hæreditatis divisione, inter ceteras possessiones, Flissingam situ invictissimam, unaque Veriam, Zelandiæ oppida, assignarat, empta sibi ab his qui Marchionis titulo tenuerant, eoque nomine in Ordinum illic conventu locum principem; præter quod, ipsa quoque illa duo oppida, jus suffragii, juxta Middelburgum, Sirixæam, Goesam, Tolam acceperant, Abbatis, qui olim primo loco sententiam dicere solebat, jure intermortuo. Quia vero summum regimen foris petebatur, data adolescenti Hollandiæ & Zelandiæ præfectura. Vicari-

Hohenloius apud Hollandos & Zelandos vicariam accipit potestatem.
Vilhelmo Nassavio Frisia regenda conceditur.

Frisiorum discordia,

riam potestatem Hohenloius accepit, qui plurimis armorum experimentis inclaruerat. Frisia vero, in honorem illustri familiae, quo externis nobilitatibus Respublica esset commendatior, Wilhelmo Iohannis Nassavii filio, quem patruus eas in partes jam ante miserat, regenda conceditur; quanquam erant qui civium imperia præferebant, intempestive avidi libertatis, cui tolerandæ impares, tunc maxime in discordias ibant, dum, summam curam ad se trahentes, hinc judicum confessus, introductum sub Burgundico principatu morem in exemplum trahens, inde Frisiorum Ordinum legati, recentis institutus Arausionensis consilio & vicinorum exemplo confessus, urbium ille, hi nobilium, agros tenentium, opibus nituntur: quas ad occasiones intentus Verdugo, cum exercitu præpolleret, terrore adjungebat clementiæ famam. Sed Wilhelmus, iusta moderatione medius, primos, qui acerrimi, dissidentium impetus inhibuit; interim finibus se undique objiens, præter populabundos excursus nihil hosti concessit. Sic tem-

a Nassavio componitur.

pus

pus datum orta certamina colloquiis & arbitriis compone- 1584.

re : legatisque Ordinum , quæ conventui iussa exsequi & quotidiana reipublicæ ordinare : iudices , de litibus post omnes iussi cognoscere , de capite soli , ut sub Burgundica domo : præterea cum præfecto oppidanorum magistratuum electiones regere , ut studiis intactiores , nisi quod Leonardia & Franekera jus legendi sibi tenuere. Oppida , quæ olim haud aliter quam vici , in tres regiones , Ostergoam , Westergoam , Septemfilvas distributi , inter eos sententiam dixerant , aucto per bellum & usu & auctoritate , tum in illo novo legatorum confesso tertiam imperii partem accipere , non tanta tamen concordie fide , ut non pressa odia interdum erumperent ; præsertim ubi de novis oneribus disceptabatur , in quibus valere majoris partis decreta vetabat hic , ut apud vicinas nationes , mos sub principatu haud imprudenter introductus , libertati periculosus , ni pro jure succedant prudentia & publici amor. Quo magis admirandam ego , per omnem belli historiam , & istis maxime temporibus , arbitror Batavum fortitudinem , quos non fortiorum ab omni latere defectio , non aucta continuas inter clades tributa unquam fregerunt , non illa mors ducis , ut pacem poscerent , rati ejus nominis illecebra deditionem trahi. At Parmensis , velut Arausionensi bellatum hætenus foret , quem defectionis ruptorumque fœderum auctorem divina nunc ultio mactasset , ipsos ad poenitentiam , & verus obsequium revocabat : quæ postquam constanter vidit repudiata , coeptum Scaldis obsidium perficere proximum arbitratus , Brabantiae aggeres castellis instruit , aperitque idoneis locis , ut amnem adjacentibus superfunderet. Deinde omisso Lilloo , quod aliquamdiu frustra obsederat , subito Tenerimundam versus (hæc pars est ejus Flandriæ , pro qua comites jam olim neutri regno fidem debuerat) rapit exercitum , & aqua mœnibus abacta , militis præsidio relictos deditionem facere cogit , missaque trans Scaldim parte copiarum , ut Bruxella Antverpiæ commerciis absunderetur , Vilvordam capit , quod oppidum ad Sin- nam amnem interjacet. Simul Gandavenenses , quod Hollandorum arma alibi occupabantur , nulla spe auxilii , imminentem necessitatem festina pactione præveniunt , conciliatore Campiniaco , qui , captivus ea in urbe , liberaque in custodia habitus , legati officium tutoungebatur. Sed & Ric-

Constantia Batavorum fortitudo.

Scaldis coeptum obsidium urget Parmensis ;

Tenerimundam capit.

Et Vilvordam.

Gandavenenses se dedunt.

1584. *cardoti celebratur solertia*, quod leges deditio*ni* præscribens, sacrorum diversitatem repudiaturus, non ante præse tulit, quam inclinatis ad pacem omnium animis, recedere tutum non erat; & alterum ejusdem commentum, quo sex e civibus, ad explendam ultionem, Parmensis arbitrio exceperat, magno proventui fuit, dum æquale omnibus periculum singuli pro se deprecantur. Nec omisit Parmensis, priorum gnarus & in posterum providens, arcem reponere, quæ civitatis immodestiam coerceret: totiusque jam Flandriæ potens (præter oppida maritima duor, Clusam & Ostendam,) com meatus bellique copias inde adventantes adjuvit, deducta fossa ad eam ripæ partem, quam castris infederat. Inter hæc, ad quos Antverpiæ cura pertinebat, sociorum opem implorant, nova instituere tributa, per Belgicam & Angliam conscribere militem; nec certe ullius rei obsessis major copia fuit. Nam præter classarios centuriæ fere octoginta, sedecim turmæ Brabantiam tuebantur. Sed incertum urbis imperium senatores, magistratus, centuriones plebis, præpositi militares distrahebant, nimia regentium turba: eoque perniciosius id vitium, quia inundationes, & alia publicæ profutura, privati commodi ratione, avertebantur. Vicini, quos altricis omnium urbis periculum spectabat, alii alium respicientes, auxiliandi tempora, dum nondum hosti firmatæ sedes, prætermisere: sero, cum ultima urgerent, opes & vitam profundere libuit, nemini profutura. Maxime autem consilia Belgarum frustrata est accitæ foris potentiæ expectatio: nam eo angustiarum deventum erat, ut vellent regnis accrescere, nec admitterentur. Regis quidem Hispaniarum vires brevi immensum adauctæ, si Belgas recuperaret, & labore armorum levaretur, juxta positis formidabiles erant: nec ullus jam Arausionensis, qui sub onere fatiscens, & tot cladibus afflictos sua fortitudine in spem meliorum erigeret. Nam ille quidem ita comis fuerat & popularis, ut nunquam libertatem aut dignitatem suam cuiquam gratificaretur, neque detegendis vitiis parceret, supra omnes positus avaritiæ suspiciones: quo nomine admirabilem, simul ætate, genere, experientia gratum, plerique judicio, alii assuetudine venerabantur. Hoc collapsio, etiam obsequium concidit, ut sine externæ potestatis firmamento restitui non posset: nec enim plebs tantum nullo fulgore eminentem, & tot nuper infortuniis concussam procerum auctorita-

*Calamitas
Fœderatorum
fuit.*

Fortitatem cœperat contemnere : sed & miles imparatus obsequio : & contra imperiis vetus prudentia aberat. Inter quæ via patebat Parmensis artibus, servitium amicis nominibus velantis. Quare visum occurrere desperationi, simulque rex Gallorum & Angliæ regina misere, qui luctum ducis, & cæterorum casuum mœstitiam solarentur, notabili argumento, vicinos principes, ut suis Batavos opibus & constantiæ interdum relinquere, ita periculis non defuturos. Sed dubitatum fuit utrius regimen præoptaretur : nam invisæ Gallorum imperia per Italiam, Anglorum per Galliam Hiberniamque memorabantur : apud hos, populo consuli, parco usu tributorum ; illic plus leges valere, nec infinitam regni potestatem. Apud Gallos, mores pretio corruptos, magnoque emi ut patriæ serviat ; Anglis dura delectus, dura in pupillos jura : quæ mala ut primum pactis caveantur, paulatim exemplo serpere. Sed religio cum Anglia communis, quam per Gallias atteri aut evelli odiis crudelibus & perfidiis : hinc contra, spes Borboniorum, qui eadem sacra propugnabant ; inde, ambigua successio, & inter inhiantes Scotorum regina, Romæ & Hispanis devincta, prospiciebantur. Ita certabant res præsentēs & ratio venturi. Ingens Gallis & propemodum par hostili potentia : minores Britanniæ, sed maritimæ vires. Prælata est Gallia, Anglis ultro suadentibus, qui se facti infirmiores, subsidia duntaxat, & acceptis pignoribus, offerebant. Ita veteres & renovatas Francisci factio inimicitias temporum necessitudo evicit : arcumque ingens patefactum est, posse Belgas sub domino esse, non posse sub Hispano. Nam minora multa postulabantur quam quæ Francisco præscripta fuerant, & quæ secretiora habebant legati mandata, metu offensæ, statim aperuere ; ex his etiam circumcisa quæ invisæ erant libertatis, puta, ut Ordinibus injussu Regis convenire liceret, senatus e Belgis esset, præfecti & magistratus e nominatis legerentur, inque omnibus honoribus, ejus religionis, quæ tum sola per istas partes recepta erat, ratio haberetur : quanquam erant nationes quæ ad ista remittenda non consenserant. Quibus agitatæ diu, lentioræ colloquio quam præsentēs necessitates terebant, invito non minus Rege quam Belga, accidit, ne juncti adversus Hispanum imminentem, alter alterius operam statumque firmarent. Lætari se honore, & uti voluisse, sed impediri intestino tumultu Henricus imputavit. Nam

1584.

*Ex Gallia
& Anglia
missi qui illos
consolarentur.*

*Dubitatum utri
regno volens
accescere.*

Gallia præfertur.

*A qua tamen
propter inhos-
tios tumultus
non recipiuntur.*

F f

Lotha-

1584.

Lotharingorum familiam, invidiosæ jam olim per Galliam potentia, Philippus eo maxime tempore, imminutionem virium suarum metuens, arcanis opibus in spes magnas erexerat; qui, facta conjuratione, Romanæ religionis tutelam, dissidentium poenas, tributorum levamenta, & alia captandæ plebi jactantes, Regem timoris manifestum, quantum ipsis plura largiebatur, tanto insolentius contempserunt: ac postquam orbitas ipsius, mortuus frater, e propinquo Carolus Borbonius senectute & sacerdotio invalidus, cæteri a Romano pontifice devoti, successionem fecerant incertam, tandem apertius innuebant, venire suum a Carolo magno genus, cujus stirpe dejecta, occupatam a Capeto regiam sex per secula detineri. Horum libidine Henricus, spem pacis socordia præterdens, agi se diu ferrique passus est; donec, erumpentibus in rebellionem diffidiis, sero didicit irritam cedendo audaciam. Igitur, ea per impedimenta Rege absterrito, ne id quidem obtentum, ut, matre aut Navarrenno nomen præbente, Regis beneficium dissimularetur, clausique limitum Gallicanorum transitus penuriam hostibus facerent.



HVGO-

HUGONIS GROTII ANNALIVM BELGICORVM LIBER QVINTVS. SVMMARIVM.

Federati ad Elisabetham recurrunt. Parmensis Antverpiam obsides, eaque post Bruxellam & Machliniam petitur; arcem restituit; tentata ab Hebermaio irrita eventus Sylvadacis. Noviomagum & Dorsiburgum Hispanis donantur. Belgarum imperium recusans Elisabetha, auxilia promittit; illorum imperator Licestrius; nimii ipsi a Federatis concessi honores Regina non probantur. Imperium in Belgas affluens Ordines criminatur, & plebem in illos concitare studet: negotiationis libertatem circumscribit, hostiles quoque agros excidio dampnat. Gravia Parmensi ab Hemerta deditur; eam sequitur Venloa. Axelam Mauritijs expugnat. Graveyardam munis Scentius. A Nismario captum Novesium cum aliis urbibus iterum in Parmensis venit potestatem. Licestrius magnis promittitur querelis; Ordines pleraque ad suam curam trahere agro fert; sacrarum literarum interpretes simul & populi studia sibi conciliat, in Anglicano milite & Sonoja multum presidii ponit. Mauritijs prudens dissimulatio. Licestrius in Angliam proficiscitur. Elisabetha frustra iterum imperium offertur. Belgas querentes diu in Anglia Licestrius detinetur. Zuerphanium & illi oppositum munimentum Anglorum perfidia traduntur Hispano. Absente Licestrio summum Mauritijs armorum mandatur imperium. Edictum de eversionibus temperatur. Ex miseria Brabantorum ac Flandrorum Batavi incrementa sumunt. Hebermaio casa Altipenna Cropicordium occupat. Classam expugnat Paripensis, quod Ordinibus a Licestrio, in Belgicam reverso, imputatur. Elisabetha in pacem propensa. Licestrii criminationibus Ordines respondent; hic urbes vi opprimere parat; ejus conjuratis Lugduni capite plexis in Angliam abis; ubi ejurato in Belgas imperio moritur. Scentius Bonnam capit. Ingens ad subjugandam Angliam in Hispania classis struitur, quod Philippus ostentata pace dissimulat; pari arte cum illo agit Elisabetha. Classis adventans fraudes dirimit. Militum propter insoluta stipendia apud Belgas turba. Brevis inspectio, quo pacto se contra Hispanicam potentiam percussit erexerint Batavi. Finium, reipublica status, virium, ac habitus animorum inter partes comparatio.



Est longi temporis, & quidem tanta ferentis momenta, factam in Gallia jacturam, ad Elisabetham recursum est, asperiores hoc ipso, quod secunda rogabatur: tractaque & illic foederis pactiones, donec validæ civitates, auxiliis destitutæ, a republica deserviverunt. Adhuc inter arma & ma-

Federati a Gallia non recepti ad Elisabetham recurrunt. Valida interim civitates deservimus.

1584.

*Antverpiensium
intempesti-
va frugalitas.*

*Parmensis
ad expugnandam
sine Antverpiam
diligentia;*

Ejus opera.

*Belgarum
in istis
evertendis
negligentia.
Placentina
arx Parmensi
reddita.*

1585.

*Omnibus
incassum
ad liberandam
Antverpiam
tentatis
post Bruxellam &
Machliniam in
Parmensibus
venis potestatem.*

& machinas Hispanorum, onustæ commeatu ab Hollandia Zelandiaque naves, ubi ventus ferret, Scaldim subvehabantur, tanta certe copia, ut intempestiva magistratum frugalitate, dum rebus necessariis pretium minuunt, relatum sit frumentum quantovis tempori suffecturum. Et Parmensis, manu multo impar obfessis, nisi per famem, præcluso hoc itinere, victoriam non sperabat: sed ingens amnis latitudo infra urbem, qua ostiis advolvitur, & profundi æstus, quos hucusque Oceanus impellit, terrebant vani laboris metu. Quia tamen una hæc ratio obsidendi videbatur, adhibere diligentiam statuit, & aliquid credere fortunæ; quam non alias secundiorem expertus est. Nam dum natura obstare operi creditur, neglectæ a Batavis di-ruendi occasiones: ita factum est facillimum, quia difficilimum putabatur. Ab utraque ripa projectis molibus ar-ctatum flumen, qua minimum patebat, Ordamum Cal-loumque inter: media ejus completa navigiis, quæ ancho-ris, & inter se vinculis continebantur; ac contrata dein-de, in usum pontis & speciem. Addita ripis munimenta, & præsidio operis bellicæ naves, infraque & supra in flu-mine ratum compages tignis prominentibus, ut, siquid turbandi operis causa esset immissum, hoc impedimento detineretur. Nemo dubitat, contra imperfectum opus mul-ta utiliter excogitari potuisse, si Belgarum in evertendo studia ædificatorum diligentiam adæquassent: sed hyems tota Parmensi condonata est: cujus diligentiam excitabat novum Philippi beneficium, arce Placentina ipsi reddita, quæ Hispanorum præsidio hactenus tenebatur. Vere primò mirari magis licuit consummatam molem, quam excinde-re; cum densissimæ per utramque ripam machinæ arcerent.

Naves quin etiam coacto intus tormentario pulvere & saxis fulminantes, & alia, sero usurpata, incertis tempestatum & significationum, quibus socios obfessi admonebant, par-tim & pravo ministrorum obsequio, eventum perdidere. Nec contabulato Scalde aliud restabat, quam per campos, quos amnis inundaverat, inferre commeatus, cui navi-gationi Caudesteinius agger intercedebat, quem, humen-tibus Brabantiae pascuis eminentem, quod Belgas fecisse oportebat, munimentis aliquot hostis præceperat. Hunc missi Antverpia Zelandiaque pariter oppugnare: & jam tenebant, sed fortissime dimicantes tormentis eminus dis-cerpe-

cerpebantur, donec loco cederent. Ea clades spes ultimas infregit; tandemque interseptis auxiliis imminentes rei frumentariæ angustias sueta commerciis civitas non toleravit, cum aliquanto ante Bruxellam & Machliniam necessitas eadem, & annexi turbatores in Parmensis potestatem redegerent: quarum conditio durior, quia, rescissis legibus, modus servitutis a Rege petebatur. Ideo quod temporis Antverpiæ ad suprema restabat, hoc victoris clementia redempta est; qui & ipse occupandæ gloriæ properus, utque alias deditiones exemplo incitaret, pleraque indulgit, nisi quod alieni a Romanis sacris quatuor ultra annos, constituta re familiari, excedere jubebantur. In ipso ponte, memorabili ad omnem posteritatem opere, Parmensis, victoriæ decus, concessum a Rege vellus aureum induit. Mox & arcem, qua urbem respicit, studio libertatis pridem dejectam, firmando imperio restituit. Multum famæ, multum & virium urbs tam clara Hispanicis partibus attulit; non tamen, ut plerique tunc judicabant, res cæteras in se tractura: quod eventu adeo revictum est, ut Batavi, maximo ad liberandam urbem sumptu ac labore, suspiciones tamen non vitaverint proditæ fidei socialis, velut aliorum mala suas in utilitates verterent. At contra, ipsi Aldegondium (namque is urbem rexerat) culpæ subdiderunt, qui ad Zelandos reversus, cum primos accusantium impetis & custodiam pertulisset, post honorate habitus, in nulla tamen reipublicæ parte, ingenium paci quam bello aptius intra artes privatas & tranquilla studiorum tradidit seneſcuti. Fracta tot malis & militum virtus, qui, dum spes adhuc erat hostem Antverpia avocandi, Silvamducis, Hohenloio præeunte, feliciter ingressi, continuo profugere, per metum & imprudentiam, dum porta & hostibus omiſſis in prædam ruunt. At Noviomagum, urbem Geldriæ, cum Dosi-burgo oppido, Romanæ religionis sectatores adju ti partium fortuna victori adjecere. Eandemque circa regionem passim clades, ducum temeritate, aut gregariorum ignavia. Mœrorem publicum auxit miserabilis exulorum populorum, Brabantii & Flandri, religionis ergo, aut quia factionibus diffidebant, propter iniquos interpretes, commerciorum denique inopia, in Hollandiam insulasque diffusi, qui exhaustas bello urbes viresque in majus extulere, ingens mox fortunæ melioris auspiciū. Vix interim Anglicani fœderis expectatio animos sustinebat. Delatum Elisabethæ imperium diximus.

1585.

A Rege aureo donatur vellere. Arcem restituit.

Batavi Antverpiensibus proditæ socialis fidei suspecti.

Hohenloius Silvamducis feliciter ingressus eam continuo deserere cogitur.

Noviomagum & Dosi-burgum

Hispanis deduntur. Exules Brabantii & Flandri Hollandiam sibi sedem eligunt.

Delatum interea Belgarum imperium Elisabethæ restituit.

1584. Lotharingorum familiam, invidiosæ jam olim per Galliam potentia, Philippus eo maxime tempore, imminutionem virium suarum metuens, arcanis opibus in spes magnas exercebat; qui, facta conjuratione, Romanæ religionis tutelam, dissentientium poenas, tributorum levamenta, & alia captandæ plebi jactantes, Regem timoris manifestum, quantum ipsis plura largiebatur, tanto insolentius contempserunt: ac postquam orbitas ipsius, mortuus frater, e propinquo Carolus Borbonius senectute & sacerdotio invalidus, cæteri a Romano pontifice devoti, successionem fecerant incertam, tandem apertius innuebant, venire suum a Carolo magno genus, cujus stirpe dejecta, occupatam a Capeto regiam sex per secula detineri. Horum libidine Henricus, spem pacis socordia præterdens, agi se diu ferrique passus est; donec, erumpentibus in rebellionem diffidiis, sero didicit irritam cedendo audaciam. Igitur, ea per impedimenta Rege absterreto, ne id quidem obtentum, ut, matre aut Navarreno nomen præbente, Regis beneficium dissimularetur, clausique limitum Gallicanorum transitus penuriam hostibus facerent.



HVGON.

HUGONIS GROTII ANNALIUM BELGICORUM LIBER QUINTVS. SUMMARIVM.

Federati ad Elisabetham recurrunt. Parmensis Antverpiam obsidas, eaque post Bruxellam & Machliniam positur; arcem restituit; tentata ab Habensio irrita eventus Sylvadacis. Noviomagnum & Dorsiburgum Hispanis dandus. Belgarum imperium recusans Elisabetha, auxilia promittit; illorum imperator Licestrius; nimii ipsi a Federatis concessi honores Regina non precantur. Imperium in Belgas affluens Ordines criminatur, & plebem in illos concitare studet: negotiationis libertatem circumscribit, hostiles quoque agros excidio dampnat. Gravia Parmensi ab Hemerta deditur; eam sequitur Venloa. Axelam Mauritijs expugnat. Gravewardam munit Scenkius. A Nicomario captum Novesium cum aliis urbibus iterum in Parmensis venit potestatem. Licestrius magnis promittitur querelis; Ordines pleraque ad suam curam trahere agro fert; sacrarum literarum interpretes simul & populi studia sibi conciliat, in Anglicano milite & Sonoja multum praesidii ponit. Mauritijs prudens dissimulatio. Licestrius in Angliam proficiscitur. Elisabetha frustra iterum imperium offertur. Belgas querentes diu in Anglia Licestrius detinet. Zuerphanium & illi oppositum munimentum Anglorum perfidia traduntur Hispano. Absente Licestrio summum Mauritijs armorum mandatur imperium. Edictum de electionibus temperatur. Ex miseria Brabantorum ac Flandrorum Batavi incrementa sumunt. Habensio casa Altipenna Crepionardum occupat. Classem expugnat Parapensis, quod Ordinibus a Licestrio, in Belgicam reverso, imputatur. Elisabetha in pacem propensa. Licestrii criminationibus Ordines respondens; hic urbes vi opprimere parat; ejus conjuratis Lugduni capite plexis in Angliam abit; ubi ejurato in Belgas imperio moritur. Scenkius Bonnam capit. Ingens ad subjugandam Angliam in Hispania classis struitur, quod Philippus ostentata pace dissimulat; pari arte cum illo agit Elisabetha. Classis adventans fraudas dirimit. Militem propter insolentia stipendia apud Belgae turba. Brevis infestio, quo pacto se contra Hispanicam potentiam percussus crexerint Batavi. Finium, reipublica statum, virium, ac habitus animorum inter partes comparatio.



Post longi temporis, & quidem tanta ferentis momenta, factam in Gallia jacturam, ad Elisabetham recursus est, asperiores hoc ipso, quod secunda rogabatur: tractaque & illic foederis pactiones, donec validae civitates, auxiliis destitutae, a republica desceverunt. Adhuc inter arma & ma-

Federati a Gallia non recepti ad Elisabetham recurrunt. Valida interim civitates desceverunt.

1584.

*Ant-verpiensium
intempestiva
frugalitas.*

& machinas Hispanorum, onustæ commeatu ab Hollandia Zelandiaque naves, ubi ventus ferret, Scaldim subvehebantur, tanta certe copia, ut intempestiva magistratuum frugalitate, dum rebus necessariis pretium minuunt, relatum sit frumentum quantovis tempori suffecturum. Et Parmensis, manu multo impar obsessis, nisi per famem, præcluso hoc itinere, victoriam non sperabat: sed ingens annis latitudo infra urbem, qua ostiis advolvitur, & profundi æstus, quos hucusque Oceanus impellit, terrebant vani laboris metu.

*Parmensis
ad expugnandam
sine Ant-verpianam
diligentia;*

Ejus opera.

Quia tamen una hæc ratio obsidendi videbatur, adhibere diligentiam statuit, & aliquid credere fortunæ; quam non alias secundiorum expertus est. Nam dum natura obitare operi creditur, neglectæ a Batavis diruendi occasiones: ita factum est facillimum, quia difficilimum putabatur. Ab utraque ripa projectis molibus arctatum flumen, qua minimum patebat, Ordamum Cal-loumque inter: media ejus completa navigiis, quæ anchoris, & inter se vinculis continebantur; ac contrata deinde, in usum pontis & speciem. Addita ripis munimenta, & præsidio operis bellicæ naves, infraque & supra in flumine ratium compages tignis prominentibus, ut, siquid turbandi operis causa esset immisum, hoc impedimento detineretur. Nemo dubitat, contra imperfectum opus multa utiliter excogitari potuisse, si Belgarum in evertendo studia ædificatorum diligentiam adæquassent: sed hyems tota Parmensi condonata est: cujus diligentiam excitabat novum Philippi beneficium, arce Placentina ipsi reddita, quæ Hispanorum præsidio hætenus tenebatur. Vere primo mirari magis licuit consummatam molem, quam excindere; cum densissimæ per utramque ripam machinæ arcerent.

*Belgarum
in istis
evertendis
negligentia.
Placentina
arx Par-
mensi red-
ditur.*

1585.

*Omnibus
incassum
ad liberan-
dam Ant-
verpianam
tentatis
post Bru-
xellam &
Machina-
m in
Parmensis
venit pote-
statem.*

Naves quin etiam coacto intus tormentario pulvere & saxis fulminantes, & alia, sero usurpata, incertis tempestatum & significationum, quibus socios obsessi admonebant, paritè & pravo ministrorum obsequio, eventum perdidere. Nec contabulato Scalde aliud restabat, quam per campos, quos annis inundaverat, inferre commeatus, cui navigationi Caudesteinius agger intercedebat, quem, humen-tibus Brabantia pascuis eminentem, quod Belgas fecisse oportebat, munimentis aliquot hostis præceperat. Hunc missi Antverpia Zelandiaque pariter oppugnare: & jam tenebant, sed fortissime dimicantes tormentis eminus dis-

cerpe-

cerpebantur, donec loco cederent. Ea clades spes ultimas infregit; tandemque interseptis auxiliis imminentes rei frumentariæ angustias sueta commerciis civitas non toleravit, cum aliquanto ante Bruxellam & Machliniam necessitas eadem, & annexi turbatores in Parmensis potestatem redegebant: quarum conditio durior, quia, rescissis legibus, modus servitutis a Rege petebatur. Ideo quod temporis Antverpiæ ad suprema restabat, hoc victoris clementia redempta est; qui & ipse occupandæ gloriæ properus, utque alias deditiones exemplo incitaret, pleraque indulgit, nisi quod alieni a Romanis sacris quatuor ultra annos, constituta re familiari, excedere jubebantur. In ipso ponte, memorabili ad omnem posteritatem opere, Parmensis, victoriæ decus, concessum a Rege vellus aureum induit. Mox & arcem, qua urbem respicit, studio libertatis pridem dejectam, firmando imperio restituit. Multum famæ, multum & virium urbs tam clara Hispanicis partibus attulit; non tamen, ut plerique tunc iudicabant, res cæteras in se tractura: quod eventu adeo revictum est, ut Batavi, maximo ad liberandam urbem sumptu ac labore, suspiciones tamen non vitaverint proditæ fidei socialis, velut aliorum mala suas in utilitates verterent. At contra, ipsi Aldegondium (namque is urbem rexerat) culpæ subdiderunt; qui ad Zelandos reversus, cum primos accusantium impetu is & custodiam pertulisset, post honorate habitus, in nulla tamen reipublicæ parte, ingenium paci quam bello aptius intra artes priyatas & tranquilla studiorum tradidit seneſcunt. Fracta tot malis & militum virtus, qui, dum spes adhuc erat hostem Antverpia avocandi, Silvamducis, Hohenloio præeunte, feliciter ingressi, continuo profugere, per metum & imprudentiam, dum porta & hostibus omisſis in prædam ruunt. At Noviomagum, urbem Geldriæ, cum Dolsburgum oppido, Romanæ religionis sectatores adju ti partium fortuna victori adjecere. Eandemque circa regionem passim clades, ducum temeritate, aut gregariorum ignavia. Mœrorem publicum auxit miserabilis exſulum populû; Brabantii & Flandri, religionis ergo, aut quia factionibus diffidebant, propter iniquos interpretes, commercio rum denique inopia, in Hollandiam insulasque diffusi, qui exhaustas bello urbes viresque in majus extulere, ingens mox fortunæ melioris auspiciû. Vix interim Anglicani fœderis expectatio animos sustinebat. Delatum Elisabethæ imperium diximus.

1585.

A Rege aureo donata. Arcem restituit.

Batavi Antverpiensibus proditæ socialis fidei suspecti.

Hohenloius Silvamducis feliciter ingressus eam continuo deserere cogitur.

Noviomagum & Dolsburgum

Hispanis deduntur.

Exules Brabantii & Flandri

Hollandiam sibi sedem eligunt.

Delatum interea Belgarum imperium Elisabethæ restituitur.

1585.

mus. Sed prudens foemina detrectavit invidiam interversae dominationis : neque tam arcta societate, rebus ambiguïs, famam fortunâque suas implicuit. Consultius visum, secreta habere per Belgicam potentiae munimenta : & modicis ibi viribus, & missis iterum qui Americæ oras popularentur, Hispanum fatigare, donec flexis in pacem animis amoliretur suspectos exercitus. Auxilia autem promisit, id se jure facere scripto testata, quo morem principum oppressos sublevandi, pactas olim Britanniae & Belgarum amicitias, cum Hispanicorum scelerum infectione, memorabat. Simul religio prætendebatur, cujus securitatem sibi nulla alieni cupidine commendatam, Galliae & Scotiae rebus probabat. Perscriptæ foederis leges, pleræque in eandem formam qua prima societas convenerat, & ut quinque millia pedum, equites mille in Belgis Reginae stipendiis militarent : legatus, qui ejus copiis præficeretur, cum Anglis præterea duobus, receptus in Senatum publicis bellicis consiliis interesset : classem struenti Reginae Belgæ parem navium numerum adjicerent. Pro restituendis impensis, ubi bellum desisset, obligatæ pignori maritimæ urbes Brila & Flissinga, nihil immutato earum regimine, cum Zeburgo Walachiae castello, Anglorum prædiis traduntur, non sine metu in posterum, quem tunc præsens necessitas averterat. Auxilii Anglicani imperium Robertus comes Licestrius accepit, egregius virtutum simulator, & qui invisos atque infelices Dudleiae gentis spiritus haud ingrata comitate velaret. Origine illi fortunæ (nam claritudo generis inter adversa fuerat) a carcere cœpit, quo inclamam simul Elisabetam sororis Reginae suspicionibus, non pro rerum præsentium conditione coluerat : unde, per obsequia consortiumque infortunii, conciliatis affectibus, (quibus illa muliebriter indulgebat, non tamen ut viriles curas omitteret,) ita animum ejus erudito luxu permulsit, ut jam regnantis conjugio electus crederetur ; quod æmulantium metu quanquam non obtinuit, ad maxima tamen evectus, &, ambiente invidia, valentes inter inimicos illæsus egit. Advenienti Batavos obvia populi studia, & procerum assentatio. Nam inerat & vultui sermonique amoena quædam majestas, & quasi collapsæ fortunæ restitutor conspiciebatur : nec liberalitas aberat in literis aut armis eminentes : tantaque festinatio fuit, ut hominẽ extero, & apud suos morum minime inculpatum (nam, sublato

Effexio,

*Auxilia
promisit.*

*Quinque
millia pedi-
tum &
mille equi-
tes.*

*Foederis le-
ges.*

*Brila, Flis-
singa cum
Zeburgo
Anglorum
prædiis in
pignus dan-
tur.*

*Licestrius
auxilii An-
glicani im-
perator.
Illiæ mores
& fortuna.*

*Obviam po-
puli studia
& proce-
rum assen-
tatione in
Batavia
accipiunt.*

1586.

Efflexio, domum sibi vacuam nuptiis fecisse dicebatur) ante ulla ingenii experimenta, præfectura totius Belgicæ, qualis Caroli temporibus fuerat, & omne terra marique regimen permitteretur, cum pecuniæ publicæ administratione. Senatus ita illi additus, ut adessuros e nominatis ipse legeret, & quodammodo omnium suffragiis unus æquaretur. Præcipue grata pietatis species a rerum divinarum ordinatione imperium auspicantis: & recens Valesii ob contraria odium, illum favorabilem fecerat. Erant & qui Arausionensi antehabere, sperantes minus gratiæ datum iri, quanto domesticis opibus & egregiæ Principis amicitia florenti pro recto tendere expeditius foret. Sed decernebant honores immodicos, alii ambitione, simpliciores demerendæ Reginæ; quod tamen contra cecidit, ut excusandum illi haberent, quæ videri voluit timere, ne recusatum sibi imperium per Licestrij personam ingerebant; nisi forte gnaram illius ingenii altior suspicio incesse- rat. Statim, imminens omni potentiæ malum, adulatores accessere, quibus impellentibus & ipse delinitus (ut est humani ingenii natura) occasione dominationis, cum jam ab Ordinibus in verba solennis sacramenti & Reipublicæ insignia adscisceretur, beneficium eorum in ipsos vertit: &, quasi in provinciam missus, occulta cum Anglis maxime hominibus consilia init, qua ratione muniret imperium. Plurimum autem differunt harum nationum ingenia & mores. Nam Angli, ut addicte serviunt, ita evecti ad dignitates priorem humilitatem insolentia rependunt: Belgarum est parere & imperare cum modo, nec gens ulla fidelius amat eminentes, aut iisdem, si contemptus adsit, implacabilius irascitur. Quæ non expendens Licestrij, ignarus etiam dignitatis suæ auctoribus poenitentiam restare, (tantum in Anglo milite, & præsentis fastigio fiduciæ erat) indulgere pertinaciæ cœpit: idque eo periculosius, quia rerum Batavicarum intima nec ipse norat, nec peritioribus auscultabat. Assumpti sunt & Belgæ in partes, sed quorum alii, rebus domi afflictis per bellum aut luxum, qualicunque servitio paupertatem, ut summum malorum, fugiebant; alii, patria capta, assueti honoribus, & privatæ vitæ impatientes, non alium videbant insurgendi gradum: cæteri, novorum propter ipsa avidi: quibus deinde, ut fit rebus turbatis, perfidi & hostibus venales miscebantur. Talis Belgarum præsidem cohors obfederat, quæ primo in Ordines obliqua convitia jacere, &, ubi

*Maxima
ejus in Se-
natu au-
thoritas.*

*Immodici
illi concessi
honores Re-
gina non
probantur.*

*Imperium
in Belgas
affertur.*

*Ingenia
Anglorum
plurimum
a Belgis
differant.*

*Licestrij in
Ordines
criminatio-
nes,*

ubi

1586.

*Assentato-
res cum
ad spem li-
bertatis
horrentur.
Concitan-
da plebi arari
patroci-
nium usur-
pat.*

*Negotiatio-
nis liberta-
tem cir-
cumscriben-
do plurimos
offendit, ac
ingens rei-
publice de-
srumentum
affert.*

ubi hæc pronis auribus excipiebantur, apertas criminatio-
nes a paucorum culpa in cunctos intendere, quasi nihil ho-
sti arcanum, nihil impervium esset apud suis commodis di-
stentam multitudinem. Arausionensis etiam exemplo ad
spem dictaturæ præproperam hortabantur, ipso ad omnia
credulo, ut cui longa felicitate corruptum iudicium, nec
satis discerneret, quanto aliis artibus muliebris gratia, &
in liberò populo principatus quærentur. At plebi in Ordi-
nes concitandæ, quæ sponte etiam rectores odit sub quibus
fortunam adversiorem experta est, ærarii patrociniū, res
maxime popularis, usurpatur; cum tamen, in eo tractando,
tam verum sit, ministris Licestrii fidem, quam ipsi perspi-
caciā defuisse. Offendit statim plurimos edicto, quo non
modo cum subactis Belgarum gentibus & Hispanis negotia-
tionem rescindebat, quæ nisi ob certas temporum occasio-
nes hætenus tolerabatur, sed ne in Galliam quidem, aut
maritima Germaniæ transferri merces volebat, quod obten-
deret rerum penuria debellari hostem posse, si nec ex Bri-
tannia nec ex Belgica ullis copiis juvaretur: incogitato,
merces esse multas, nec hosti necessarias, & Batavis super-
fluas. Sapientiores iudicabant assentantium avaritiæ ob-
temperatum, qui venalem apud se exportandi licentiam,
aut ex delationibus lucra animo antecepissent; auctaque fi-
des, cum Ringaltius, sub Albano quondam & Requesenio
quæsturis exercitus, mox peculatus crimine aspersus, tunc
vero flagrantissima apud Licestrium gratia, jus ex edicto in-
quirendi in tabulas mercatorum & literas accepit, contra
vetera instituta, quæ maximam partem habent libertatis,
amovere a cujusque re privata speculatorem. Ergo cum aliæ
gentes, ad quos bellum non pertinebat, arceri Oceano &
hostium commerciis non possent, compendio duntaxat a
Batavis averso, quo uno res hætenus steterat, magna mer-
catorum multitudo patriis urbibus emigrabant. Nam Angli
quidem facilius mercaturæ datum patiebantur, gens præ-
dis lætior, & tunc, egregia belli specie immissi Oceano, pa-
rentes Hispano insulas navesque infestabant. Nec interea
Batavis abstinēbatur, si qui forte, emissi custodum dissimu-
latione, per fretum tentabant in occidentem erumpere:
unde repertum postea, Britanniam insulam retro vehi, quo
vastò & vix usurpato mari prædonum insidiæ effugerentur.
Vetitam erectionem vicissim eorum, quæ peregre solita
peti,

peti, penuria sequebatur, ita quidem ut non aliud remedium Ordines invenirent, quam frumentum omne decreto publico coercere: qua lege iidem incognitæ hæcenus necessitatis auctores, & maligni interpretes, famem Angliæ queri calumniabantur. Simile erat, quod hostiles agros, qui stipendium pendebant, Licestrius solitudini & excidio damnavat, præter ultionis metum, sævum in eos, qui vi aut dolis avulsi a patriæ corpore quandoque redituri sperabantur. Commotus & miles, quod aliarum nationum cohortibus Angli duces infererentur: aditusque Hohenloius, qui cunctantes ante in Licestrii verba adegerat, ut impermixtos ordines & armorum præmia tueretur, suscepit causam: odioque tam gentis quam ducis interritus, ut pollicitationibus incorruptus, apertissime defendit optimatum partes, generosa simplicitate simulandi impatiens, & per vinolentiam tegendi quoque ignarus. Sopivit nascentem dissensionem nonnihil cura belli recrudescentis. Nam Parmensis per prælia aliquot, & castellorum utrinque ereptiones circa Rhenum hyeme extracta, ad nuncium Anglicani fœderis pecunia a rege auctus & milite, ut reliqua Brabantia perficeret, Gravam, oppidum in sinistra Mosæ ripa, obsidio premebat, supra infraque clauso amne, quod ad comiteus arcendos toties sibi prosperum rursus experiebatur. Sed missus a Licestrio Hohenloius cum delecto militum comitatu hostilia munimenta vincendo perrupit, & adjutus verno fluminis incremento, liberavit oppidanos famis & reliquæ penuriæ metu. Nec eo minus perstitit hostis majore cum exercitu oppugnationem moliri; quam imminentem Hemerta vir nobilis Belga (hunc Hohenloius præfectum reliquerat,) cum jam auxilia adventarent, festinata nimium deditione prævenit; blanditiis, ut creditur, pellicis emollitus, cujus flagitii crimine a Licestrio capite plexus est. Disciplinam vocabant æquiores, alii gentis odium, quia Rolandus Eboracensis Imbifianis quondam consiliis permixtus, Anglique plures nihilo tutioris fidei, aut manifesti ignaviæ, non modo securi, sed primarum admissionum compotes, agerent. Secuta Gravam Venloa, Geldriæ oppidum superius, & in dextra ripa situm, prodente plebe egregia militum studia. Dimissæ interea manus agrum hostilem prædabantur; posuitque Mauritius rudimenta Axelæ expugnator, quam Ternusio egressus (id Flandricæ oræ munimentum Fœderati tenuere)

1586.

*Inventum
ab Ordinibus
remedium.*

*Imprudens
ter quoque
hostiles
agros excidio
damnavat.*

*Licestrium
permixtura
militum
ordines non
patiuntur
Hohenloius.*

*Parmensis
Gravam
obsides.*

*Missus
Hohenloius
munimenta
obsidionis
perrumpit.*

*Urbs tamen
ab Hemerta
præfecto
deditur;*

*Qui capite
propterea
plectitur.*

*Venloa
sequitur.*

*Axelam
Mauritius
capit.*

1586.

*Scenkius
Truxio mi-
litans Gra-
vetuar-
dam mu-
nis.*

*Nienarius
Novesium
capit
Quod ire-
vum cum
aliis oppidis
mox in po-
testatem
Parmensis
recipit;
Bercam de-
struxit in-
felici even-
tu cum Li-
cestrio pu-
gnavit.*

*Sidneius
nobilis An-
gulus illo in
prælio occi-
sus.*

*Velavia ne
Daventris,
Ordinibus
neque
quam remi-
ssionibus,
perfidia præ-
fidentur a
Lidibrio
Angli.*

nuere) nocturno scalarum ascensu invasit. At Agrippinen-
se bellum, de quo ante retuli, non tam partium viribus
quam ducum virtute flagrabat. Scenkius, relicto Parmensi,
transgressus ad Truxium, occupatis passim præfidiis, cun-
cta antistitis ditioni subiecta ferro & igni populabatur: de-
inde jussu Licestrii insulam munit; quæ ad ipsum Rheni di-
vortium lævo Bataviæ lateri præjacet, Gravewardæ nomen:
idque nunc maximum imperii istius propugnaculum est. At
Nienarius, earundem partium ductor, Novesium, veteri
celebritate oppidum, furto ceperat: quo contendit Parmen-
sis, oratus a Bojoaro, & cupiditate cum felicissimis
ducum gloria certandi. Nam Carolo Burgundo secundissi-
mam prius fortunam is locus retudit, vertitque. At ipsi pro-
spera oppugnatio, & superba victoria: collucentem incen-
diis ingressus urbem; mox Alpa, Cracovio, Mursa in de-
ditionem acceperat; ad Bercam hæsit, spem præter defen-
sam a Scenkio: tandemque detrahitur, Licestrio post ca-
ptum Dosiburgum Zutphanix imminente. Sed hæc, dum
aditus claudere & castra præmunire ignavum putat, invec-
to commeatu reversus hostis experiendarum virium occasio-
nem dedit. Ejus pugnx felicem alioqui Anglis eventum
mors Philippi Sidneii funestavit, juvenis ad maxima quæ-
que nati, ut qui claris natalibus opibusque rarum decus
litteras adjunxisset; hoc major avunculo Licestrio, cui &
fortunæ, quantacunque ea futura erat, successor destina-
batur. Mox venit in potestatem castellum contra Zutphaniam
in altera ripa, quæ cisalana est, cœptum olim Belgis, &
cum incremento fluminis fugarentur, ab hoste perfectum.
Hujus curam cum omni terra Velavia Licestrius Rolando
Eboracensi; Daventriam, quam defectionis suspectam
præsidio Hiberni militis ab omni humanitate alienissimi ul-
tro iritaverat, Wilhelmo Stanleio credidit: utrumque ad-
versa Ordinum voluntate, qui satis gravibus de causis, quas
exitus comprobavit, illorum hominum perfidiam metue-
bant. Nec ullum hac in re Licestrii dolum arguerim, sed
quod in cæteros contumax, & tantum adulantibus patens,
inexploratis amicitiiis turpiter fidebat. Nam & aliorum,
quos ad consilia præcipuos habebat, factiosi conatus eru-
perant: quos inter conspicuus etiam in reatu Ringaltius cun-
cta judicium tribunalia ejurabat, donec ad extremum trans-
fuga vitam infamem inter hostes inopia finivit. Regressum
igitur

igitur a bello ducem innumeræ simul querelæ premebant, 1586:
 quod non sine civium injuria bellum & præsidia agitarentur; *de quâ querelâ prædictâ*
 contra quam expediret imperium sponte populi obtinenti-
 bus: addebatur, traditam alienigenis quæsturam malis ar-
 tibus geri, turbatum nummi pretium, nec milites & cætera
 reipublicæ onera cum ærario comparari: exhaustis rei na-
 valis obventionibus prodi maris arbitrium: labare commer-
 cia: male meritis mandatos honores: at secundæ ab ipso
 præfecturæ vim omnem destrui, & jus in præsidia eripi multis
 annis servatum. Nec tacebatur, quod conductus eo tempore
 e Germania miles non adventasset (suspicio erat, Anglorum
 dolo factum, qui suum robur & proprias vires mallent
 inducere) tenuitate copiarum, quando & auxiliares nume-
 ros ducum aut quæstorum avaritia exhauserat, cessum hosti,
 neque ejus victoriis obfisti quivisse. Perlata hæc *Ordinum*
 verbis tum Foederatorum, quorum eo primum tempore cre-
 bri conventus haberi coepere, ut agi extra Senatûm possent
 ea, quæ Anglorum conscientiam formidabant; tum Hollan-
 dorum, qui pro se & Mauritio privatim multa quæsti etiam
 communia pleraque ad suam curam retrahebant. Quæ Li-
 cestrius impatienter tulit: eos scilicet ex officinis & taber-
 nis in curiam evadere, quo præter sordidas artes venalem-
 que animum nihil afferrent: se eo genere, ea dignitate,
 accepturum leges ab rudi plebe; & alieno imperio milita-
 turum. His ille accensus, a Republica, si posset, amovere
 plebem, quæ fere *dominantibus* infestior est, & acris de-
 peculatorum observatrix, optimum factu judicavit: idque
 eo facilius processurum, quia exteri & civium multitudo
 longe maxima regiminis exlors læto animo acceptura vide-
 batur æqualitatem. At mihi sapientum præcepta & veteres
 civitatum species animo repetenti, videntur magnifica di-
 ctu verius, quam factu sequenda excogitasse, quorquot par-
 tem eam populi, cujus ad communem utilitatem quæstus
 maxime redundat, honoribus exuunt. Nam, ut maritimas
 taceam gentes, apud quas vulgus plurimum pollebat, etiam
 Spartiæ dilectos e plebe, tanquam adulandi nescios, re-
 gibus æquavere; Romæque haud ante pax ordinum fuit;
 quam plebs in imperij partem vocata est; quin & hodie flo-
 rentissimis in urbibus, quas optimates regunt, negotiatores
 patriciorum nomine plebis officia exercent: nedum ab istâ
 republica, quæ cuncta mari & amñibus debet, is ordo ar-
 ceatur;

*Ordines
 crebris con-
 ventibus
 pleraque
 ad suam
 curam tra-
 hunt;
 Quod eos
 despiciatui
 habens agre
 fert Lic-
 strius,
 A Republi-
 ca plebem
 removeret
 studet.*

1586. cetur, majore multo, quam olim fuit, mercaturæ dignitate, ex quo orbem totum navigationes aperuerunt: & nunc divitiæ fere penes illos sunt; quarum in mandandis honoribus haberi rationem, prisci quoque ac severis legumlatoribus placitum est; minusque suspectæ esse debent ullius opes aut avaritia, ubi potentia nec perpetua est, & fere mandatis includitur. Sed hæc atque alia semper servata mutare Licestrius parabat, non tam vano novandi studio, quam ut nobilitatem & clara ingenia a cæteris segregando partes proliceret. Interpretes primum sacrarum literarum (qui soli multitudinis aures & affectus hoc seculo possident) adjungebat sibi specie pietatis, & aliorum dissimilitudine. Nam primis in republica religio minus tum cordi quam par erat, hanc unam armorum causam vulgantibus: & olim contra supplicii metum acrius capita, per impunitatem neglectui erant: non sacris salva reverentia: non ministris honos. Erant & qui omne jus ecclesiasticæ censuræ eriperent: acerbam scilicet sacerdotum dominationem infestis animis meminerant, veterumque odio cuncta novabantur.

*Interpretes
sacrarum
literarum
sibi adjun-
git;*

*Per quos
populi quo-
que studia
sibi conciliat.*

Cum Romana Ecclesia sentientes honoribus demeruit.

Apud Frisios & V. Trajecti summo in honore esse cepit.

In Anglicana milite & Sonoio V. Westfrisie præsidio prædictum quoque præsidi,

Quæ contra Licestrius, autoritatem atque alia commoda Angliæ exemplo ostentans, concionantium voces, & per illos populi studia sibi conciliabat; pleraque reipublicæ non magistratibus credens; sed his, qui in aliqua sacrorum parte, aut plebejo centuriatu versabantur, quibus etiam optima volentibus rerum notitia & usus aberant. Iam vero multi, quorum fortia pro patria consilia exstabant, palam demoti honoribus, quia cum Romana Ecclesia aut per omnia, aut ex parte sentiebant, parum provisio, quam non pacifici exempli res foret, si semel evulgaretur, eam induci religionem, quæ consortes reipublicæ alios non admitteret. Brevi apud Frisios, Trajectique Batavorum; ubi ereptum civibus imperium incolæ occupaverant, aliasque per urbes, quæ turbidæ etiam olim ac nimia vi multitudinis regebantur, Ordinum nomen magna in invidia esse cœpit: ille unus religionis vindex, ille & hostium & intestini ambitus avaritiæque expugnatot coli. Præter hæc, munimenta, insulas ad mare sitas, & alios limites Anglicano milite tenebat: nec minus in Sonoio præsidii, qui ob egregia facta Westfrisæ regimen sub Arausionensi meritis, intendere vim suæ præfecturæ sperabat, favente Licestrio ut proximas suo fastigio potestates imminueret, atque avido hanc regionem, alia-

que

que præsidia ab Hollandiæ imperio & Mauritiî cura divellere, qui magnam indolem pertinaci silentio dissimulabat, cum eodem tempore & falsissimis criminibus & per amicitiae speciem tentaretur. His præstructus Licestrius cum suorum e numero multos evexisset, & vulgus ubique discordiis ambiguum, pars major in ipsum vergeret, non multum sibi ad liberam potestatem restare credidit, si veteri apud Elisabetham gratia niteretur. Ergo ne longæ absentiae tempora largiretur inimicis, peritus ejus regiae, domum proficiscitur. Apud Ordines, evocatum se ad Angliæ concilium præferebat, ibi quoque res Belgicas acturum; apud plebem, Ordinum contumeliis irritatum excedere, & nisi alio rerum vultu haud rediturum minabatur: quod plurimos incendit, sparsis & in vulgus literis, quibus aut Ordinum acerbitas, aut Licestrii merita & in populum studia differrentur; additoque insuper rumore, Reginam principatum Belgicæ non detrectaturam, nisi terrent primæ societatis experimenta, & innumeræ leges, quibus justissima quamvis imperia eluderentur: per quæ eo devenit, ut Trajecti novi magistratus, & in Frisia privati publico nomine legatos ad Reginam mittere auderent, qui principatus conditiones non tam ferrent, quam acciperent. At illa, quam Anglorum concilio collationes, si vellet, eam ad rem pollicente, pernegavit: nec tamen quorundam effugit suspiciones, quasi consensu publico delatum honorem & recusatum, plebis ac militum seditionibus debere mallet. Discedens autem Licestrius senatui permisit rempublicam: sed non multo post scriptura prolata est, qua jus in præsidarios & præcipua imperii sibi exceperat. Missi hac de causâ in Angliam, qui mutilum regimen, & si subita ingruerent, nulla in potestate præsens subsidium conquererentur. Sed inauditos Britannia diu detinuit, suis ipsa motibus involuta: nam regina Scotiæ, a suæ gentis Ordinibus exacta, supplex ad Elisabetham profugerat, cui, præter similitudinem summi nominis, propinquo sanguine connectebatur: ibi, magnis suffulta clientelis Romanas cæremonias sectantium, spem recepisse prioris fortunæ, & Elisabethæ saluti, regnoque imminere credita, custodiis primum, deinde, ne sic quidem infra metum, morti tradita est. Apud Batavos sævi interim tumultus, & ut quæque partium prævaluerat, exilia aut vincula decernebantur. Sed ubi Wilhelmus Stan-

1586.

Mauritius inermis suam dissimulat indolem.

Elisabetha gratia fretus libera in Federatos potestatis sibi spem facit Licestrius. Ob quam causam domum abiit. Profectionis discordantes prætextus.

Novi Trajecti magistratus, & privati Frisii Elisabetha illorum imperium frustra offensus.

Belga de multis sibi relicto regimine in Angliam conquisitum missi diu detinentur.

1587.

Scotia regina morti traditur.

1578.

*Daventria
atque oppo-
situm Zut-
phania mu-
nimentum
a perfidis
Anglis Hi-
spano tra-
duntur.*

*Prodi-
tum infelix
exiens.*

*Mauritio
summum
armorum
mandatum
imperium.
Nilius Or-
dinum no-
minis sacra-
mentum
dicunt.*

*Edictum
de eve-
nibus tem-
poratur.*

*Brabantii
& Flandri-
extrema
conflictan-
tur pericula.*

*Incrementa
contra su-
munt Ba-
tavos.*

leius Daventriam, Rolandus Eboracensis oppositum Zutphaniæ munimentum Taxi Hispano, accipienti perfidiam & tamen averfanti, tradiderunt, gratiofus apud Liceftrium uterque, & plebe multi efferre Ordinum prudentiam, fua studia damnare : etiam Anglorum nonnulli, eluendæ gentis infamiæ, procerum juffibus applicabantur. Inventus tamen ex eadem gente Alanus, Cardinalis pofttea factus, qui libello in id edito religionis obtentu defenderet facinus, ut peffimi exempli, ita autoribus quoque fuis infelix. Nam poftquam ipfi inter fe odiis commiffi, Eboracenfem, hominem formidandæ in quidvis audaciæ, veneno fublatus fama eft : Stanleius Daventria demotus, cohorte, quam fecum traduxerat, fubductis fipendiis diffuente, in Hifpaniam profectus, neque præmia ibi fperata, neque confiliis fidem reperit. At Fœderati Ordines accepta voluntatum tam vulgi quam militis pro fe inclinatione, ut quamvis magna Reipublicæ calamitas in bonum verteret, paternum in Mauritio favorem excitant, mandato per fummæ ducis abfentiam armorum imperio. Quin & prætermiffum hactenus facramentum a militibus in nomen Ordinum, & cujusque nationis præfeftorum postulabant, quod proditores & feditioniffimus quisque hoc colore fcœlera velaret, fimpliciores etiam Liceftri honorem, quafi dictum Reginæ jufjurandum, interpretarentur. Edictum de evectionibus ita temperatum eft, ut in pacatas gentes cuncta, præter quæ bello idonea ad hoftiles Belgas locaque his finitima, excepto fuper hæc frumento, cætera exportarentur : quæ lex pro ufu fequentium temporum contracta fæpius, aut laxata eft. Itaque ea tempeftatē diverfiffima fortuna per Belgicam agebatur. Nam Brabantii Flandrique, raro com meatu & perpetuis agrorum populationibus exhausti, extrema penuria conflictabantur; ditesque olim homines ad famem & mendicitatem redactos conftat : vix populorum defectiones metus, atque obfeffi dominantium viribus limites, arcebant. Contra prolatis pomœriis crefcere videres oppida Batavorum, & utrumque in latas claffes Oceano difpergi : ut unam gentium hanc arbitrer, quæ bello etiam magis quam pace commerciis profecerit; habendamque merito feliciffimam, fi non, qui fenefcentibus fere imperiis & confumptæ fortunæ finis eft, ipfa magnitudinis fuæ primordia, valido adhuc hoſte, inteſtinis difcordiis attriviſſet. Tribu-

nus

nus Hispanicarum partium Alupenna postea quam oppidum Geldram, unde Geldriæ regioni nomen est, cum præfecto pactus in se traduxerat, apud Silvamducis ab Hobenboio cæsus, occupandum illi castellum reliquit non longe ab urbe, cui ex ea clade vocabulum Crepicordii factum est. At Clusam, in ultima Flandrici maris ora, quæ Zelandiam spectat, a tergo insulaque adjacente (Catzandia dicitur) circumventam Parmensis incredibili machinarum violentia labefactabat. Quod simul comperit Licestrius, nihil tardato reditu; frustra de portu irrumpendo cogitationem instituit. Sed cum ad alteram versus rationem, Ostendam profectus, hostem propter castra posuisset, incogniti exercitus numerum augente fama, constat utrumque alterius vires supra verum formidasse. Digressus tandem prior Licestrius jacturam oppidi apud cunctos graviter acceptam, non hostium virtuti, non partium studiis ob suspiciones male adhuc coalescentibus, imputavit; persequi jam pene obductas dissensiones, & Ordines culpæ subdere, libido erat: cupienti sibi hostem depellere, militem, pecuniam, & cætera maligne subministrari ait; vix præsidii sufficere quas tribuebantur, ne dum exercitu contra certaretur; aut si tanta esset paupertas, quid desperatam Rempublicam infelici bello detinerent? Quippe tunc solitas post victoriam artes iterante Hispano, & ipsa Regina in pacem nutare videbatur: quanquam missa nuper sub Dracone classis, vastatis Hispaniæ littoribus, ostenderat quam infirmum domi, quod alibi adeo metueretur, imperium; & sub Cavendishio alia averfam Americæ oram & Moluccas cum lucro perpexerat. Sed ingravescente ætate forminam multa terrebant; Hiberni sæpe rebellando, & per Belgica arma in justam militiam exerciti; & præter hostem Hispanum suspecta Scotia, infesta Gallia; nec pauci in Anglia motuum avidi. At Ordines, gnari quantum id rebus suis alias nocuisset, colloquii mentione, ut poterant, discussa, si ex fide administraretur ærarium, negabant annum tricies florenorum (id præter Angliæ auxilia & maritimas proprie opes erat virium) quasi magnam tenuitatem contemni debere, cum Arausionensis minori copia res magnas sæpe gessisset. Attentos & parvo uti nosse: ubi pecuniæ negligenter habeantur, etiam cum nimium datur, non satis dari. Deinde repertis Licestrii ad amicos literis, quibus ipsi dedidicisse obsequium,

*Caso apud
Silvam-
ducis Al-
penna Ho-
benboio
Crepicor-
dium occu-
pat.*

*Licestrio
nequit-
quam sus-
picias fe-
rens, Par-
mensis Cla-
sam expu-
gnas:
Quod Or-
dines im-
pugnatur.*

*Elisabetha
in pacem
propensa.*

*Ærarii
admini-
stratio Or-
dibus cor-
di:*

1587. *Licestrii* sequium, & iniquitate adversus eminentes rerum ad se non pertinentium satagere accusabantur, edicto ostendunt, olim in se populi jus, nuper & principis translatum: utrumque delata præfectura detinuisse: aliaque de conventu suo magnifica, & quibus ambitionis crimen purgarent. Spes Licestrii directius jam petebantur, quam ut intellectis tardisque artibus insisteret. Indignatus igitur plebis iram adversus magistratus adhuc intra voces stare, festinata audacia urbes interius sitas, & unde terror in cetera, factione & præsidii opprimere parat, haud satis proviso Valesii exemplo, quem tentata vis pacto jam principatu extraxerat. Sed ante periculum Lugduni detecta conjuratio incolarum, qui pravæ in alienam rempublicam curiositatis poenas capite luerunt: & quanquam errore nonnulli quam malitia peccaverant, salutaris ea sævitia fuit, ac coeptantes tunc maxime motus compescuit. Et ille insaufæ jam affectationis manifestus in Angliam concessit: ibique eum Regina, postquam non omnino amicum ipsi Bucharstium ad res Belgicas explorandas miserat, quo minus causam in consilio diceret potestate regia texit; at-

*Hic urbes
vi oppri-
mere pa-
rat.*

*Lugduni
detecti ejus
conjurati
capite ple-
biscuntur:
Ipse in An-
gliam abiit.*

*Vbi impe-
rium in
Belgicam ejur-
are con-
atus intra
annum
moritur.*

*Scenkus
interam
Bonnam
capit.*

*Ad subju-
gandam
Angliam
classis in
Hispaniam
struuntur;*

tamen in Belgas imperium ejurare coegit. Sed cum adhuc veteres partes literis sustentaret, bello quoque per Angliam mox impositus, annum non integrum explevit: incertum, uxoris dolo, quæ impari post ejus mortem conjugio prius adulterium falsa sit, an fatali, aut sumpta morte: quæ Reginz luctum ac lachrymas, Batavis gaudium & salutem tulit, exemptis periculo, quo par nullum res istæ adierant. Bonnam interea, Germanici imperii Cisirhenanam urbem, & Bojoard ad id tempus possessam, Scenkus clandestino introitu ceperat. Cæterum quieta per Belgicam arma: nec Parmensis, ut solebat, intentus discordes bello irrumpere; majores animo conatus, omnisque Britannia, gloriosum & minus difficile certamen, oberlabatur. Plerisque ducum, qui regi Hispaniæ bellaverant, ea insula cumulus meriti, aut laboris præmium placuit, utque Galliæ & Germaniæ adita per occasionem armorum, ita transmarinum regnum bello complecti consilium fuerat. Sed illis sua cujusque fortuna, aut morte præpeditis, hac tempestate, velut justæ ultioni post initum foedus palamque missa rebellibus auxilia, classis in proximam ætatem per Hispaniam struebatur. Eitum præsidia Parmensis apparabat, dignumque suum decem

cem annorum victoriis, ut spes ferebant, vetera imperatorum nomina Britannica expeditione æquaturus. Sed imminentis periculi rumore Hispanus sopivit ostentata pace: cui componendæ etiam Danus leges præscribere aggressus est, misso ad Parmensem Cajo Ransovio, quem in hostili comitatu proficiscentem, & inter pugnantes ignoratum, Batavus miles interceptit: sed Rex violata legationis sacra, maxime quia literæ reclusæ erant, interpretatus, adeo arripuit ultionem, ut septingentis navibus, quæ frumento Cimbricum fretum pervehebantur, detentis, subito ingens periculum famis intulerit populis in diem viventibus, & nullo antehac exemplo talium securis. Sed penuriæ subventum consilio necessario, ut Gallicæ Anglicæque naves, mari eodem venientes, ad portus Batavos & mercatum pertraherentur. Ita vitatum discrimen sola pecuniæ a Danis expressæ jactura: quod ipsum tamen, & quia rex missos ad se legatos audire dedignabatur, hæsit alius multorum animis, judicantium minora regna majorum opibus obnoxia teneri. Interim & cum Anglis actum Philippi nomine, quoniam Regina Belgicarum jam rerum arbitram ageret, discedi ab armis & metu posse, si gentes, quæ rebellaverant, veteri obsequio redderentur: quomodo Anglicanos ritus sibi extracuram, ita per Belgicam sacra Hispani jussibus permitterentur: nec perniciosum instituerent exemplum; religionis judicium penes alios, quam principes esse. Neque vero minori calliditate accipiebat Elisabetha pacificationem, quam offerebatur, id maxime cupiens, ut per speciem compositionis, quando de classe jam inaudiverat, periculi tempora extraheret. Sed, dissimulato metu, pia concordiz vota, & gentium commectus prætexebat: missique talibus verbis ex Anglia qui Batavos juberent alto silentio pacis rationes invenire, & ne semet ipsi tanta invidia onerarent, quasi perpetuas cædes & sanguinem, crudeli obstinatione, elegissent. At illi repetere infida Hispanorum blandimenta: quid enim Requesenii colloquio captatum aliud, quam ut correptis munitionibus intimæ urbes obsiderentur? an non Agrippinensi pacificatione spem veræ pacis corruptam, sollicitatis ad defectionem tot gentibus? ita & Flandriam non nisi per sermones ejusmodi proditoribus patuisse: tandemque hostem, pollicendo fallaciter religionis usum, eo virium venisse, ut jam abnuere auderet. Nunc

1587.

Quod ostentata pace Hispanus dissimulavit.

Propter interceptum a Batavis Dani legatum 700 illorum naves detinentur.

Cum Anglis quoque de pace agit Philippus.

Cujus oblatio callide ab Elisabetha accipitur.

Batavos pacis rationes invenire simulavit jubet.

Eam missi dissolvunt.

1587. tantis civium discordiis, si mentio pacis incideret, excuti manibus arma: aliis alios legibus, ut cuique commodum, deditionem præsternaturus. Et si maxime res æquis conditionibus componeretur, non Gandavense fœdus, non Iohannis perfidiam excidisse: regibus, quos Romanus Pontifex jurisjurandi religione exsolveret, omnem cum subditis pactiorem pro victoria esse: nec defuturos qui honores sibi & opes cum patriæ servitio pararent. Sed hæc apud se quisque palam: qui suadebat pacem quæ cogere poterat, velut dubitando tempus terebatur; aut quoties cunctantes Regina impulerat, illi obsecrare, ne Dei hominumque causam; & sexaginta urbes paratamque gentem, si præsentia non sufficerent, privatis opibus publicas augere, projiceret prædam perfidiæ Hispanorum. Consenserant civitates (nam ad singulas relata erat consultatio) non esse mittendos ad hostem legatos. Sola Regina, adulta jam hyeme in Flandriam misit, alienam si posset pacem factura. Dum de conventus loco deque mandatis quæritur, & Angli inducias rogant, Parmensis negat, tres menses abire. Elisabetha Belgis veniam priscaque leges & civium imperia, sibi antiqua fœdera, sumptus salvos, & quæ firmandæ securitati, ablegato utrinque milite, postulabat: cæterum de sacris, ritibusque per Belgicam tam remisse, ut nonnihil cessura videretur; & jam eo descenderat, ut ferri ea in biennium tantum postulare: oppida vero, quæ Angli ex pacto aut occasione tenebant, reddere non abnegabat, dum impensas servaret. Hispani, dum de religione pernegant, resque Belgicas Philippi clementiæ permitti jubent, Anglorum impendiis sua per Anglos aucta objiciunt, alia vero prolant, jam manifesti erant colloquium voluisse, pacem nolle; donec argumenta in dies clariora hostilis conatus erupere, ac tandem in conspectu formidata diu classis spem & fraudes diremit. At non cum Licestrio diffidia & nomina partium Batavis excesserant: quin passim hoc obtentu a prædialiis urbium castellorumque in turbas & raptus ibatur; maxime, quibus stipendia ob pravam ærarii administrationem insoluta, pacis metu properabant militiæ commoda rapere. Placuit & hic quibusdam color, ut partem stipendii tertiam, quæ moribus Belgarum penes ærarium manet, melioribus olim rebus exsolvenda, repræsentari juberent. Quod cum obtineri non posset, quia & multorum annorum reli-

Pacis desiderium præfere ferens in Flandriam misit.

Hispanica abrogans classis fraudes dirimit. Propter insolentiam stipendia militum apud Flandriam turbata.

reliqua, & a multis flagitabantur, quem vellent licentiae modum sibi quisque statuebant: defensi interim a nonnullis quos Regina allegaverat, quasi Anglorum nomini hæc flagitia gratificarentur. Habitus Gertrudisbergæ miles, accepta ingenti pecuniae summa velut sedatus; in quam deinde licentiam & perfidiam proruperit, in tempore expediam. Sonoium in urbe Medemelaca, quæ in Frisii sinus occidentali est littore, ubi rebellante in ipsum suo milite negati rectoribus obsequii poenas luebat, Mauritius obsessum suis & Ordinum imperiis subegit. Flissingani præsidii moderatorem Russelium, sperata præfectura Zelandici militis, tractisque in partes Vera & Arnemuda, oppidis Walachriæ insulæ, imperium affectantem, tandem Reginæ iussus, edoctæ meliora, cohibuerunt, & sero nuntiata Licestrii abdicatio. Alibi seditiones minore periculo, sed magna pecuniae jactura sanabantur. Hæc in sequentem annum exeuntia, quia cohærent, annexui. Sed priusquam turbidis digressus iustiori operi me componam, haud injucundum fore legentibus arbitror, maxime si quæ nobis super domesticis rebus laborata in aliarum gentium notitiam pervenient, breviter inspicere, quale id certamen fuerit, cum littore exiguo inclusæ nationes, multisque cladibus percussæ contra tantam se magnitudinem rursus erexere. Igitur qui medio tempore fines, quæ Reipublicæ status, quæ virium copia, qui habitus animorum, inter partes utrasque comparabo. Post firmam Gandavensi foedere libertatem, Namurcum, Lueemburgumque ac Limburgum Iohannes Austriacus, Atrebatibus & Hænovios propriis pactioibus Parmensis, Flandriam fraude proditorum, Brabantios & Machliniam fame subegerat; nisi quod e Flandriæ oppidis, Ostenda, Brabantiz, Bergæ ad Zomam, dictumque ab Aراضionensi Wilhelmo stadium, simul castella aliquot, cuncta in maris aut amnium margine refederant. Frisia ac Transisalana penes Foederatos: sed illi Groninga aberat; hæc amissis Stenovico, Daventria, totque aliis munimentis cum hoste divisa: & ne Geldriæ quidem præter Arnhemum multa oppida restabant, Geldram, Noviomagum, Zutphaniæ principes urbes, & minora præsidio tenente Hispano. Hollandiam & Zelandiam integras Mauritius regebat: post cætera ejus præfecturæ, extra Frisios, accessere & maritimum una imperium, quæque hostili in solo Foederatos penes manebant; magna

1588.

*Brevis in-
spectio quo
pacto tot
cladibus
percussæ Ba-
tavi se rursus
contra
magnitudi-
nem Hispani-
cam ere-
xere.
Belgica
Hispanica-
sis & Fla-
væ a limi-
tes.*

1588.

exempla proprios urbibus præfectos, nisi in ultimis finibus sustulerant. Nec de vicinis omiserim trans Amasium comitem Frisiæ Orientalis, quæ Emdana regio vulgo dicitur; ad Mosam, Rhenumque Agrippinensium & Leodici præfulem Bojoarum, Philippo propinquum, qui totam Belgi- cam fere ambiens, nominibus sacerdotiorum diversis latissimas ditiones possidebat; aulamque Cliviæ & Iuliaci principis, quanquam bello abstinebant, ad Hispanos tamen vergere, majori inde formidine, & Burgundicorum foederum obtentu: tum si quas urbes Batavis similitudo religionis conciliabat, his imminere hostem, & suos non minus implacabiles. At Cameracum, quam post affinium civitatum defectionem præsidio suo inessam, Valesius supremis tabulis regno Galliæ commendaverat, Baligniacus, a Regum matre Catharina impositus, post utriusque mortem detinuit; ac Lotharingicæ mox factioni se quoque immiscens, dum gaudet Parmensis dilatione belli agrorum raptus redimere, nec regi Henrico, suis ex urbibus profugo, circa extrema otium est, invasit haud diuturnam dominationem. Ea limitum species: nunc interna videamus. Federati, ex quo Arausionensis diu regio, dein suo nomine summam rerum complexa, mox & Licestrij ad principatum utraque accedens potestas cessaverat, edocti usu, vim imperii in plures spargere; quod ut libertati tutius, ita, si paulum remittat hostis, concordia periculosum. At præfecturæ, quantum de vi detractum erat, tantum benevolentia accreverat: quippe & ænia & honores inde, onera atque indictiones aliunde accipiebantur; atque ea præterea vulgi natura est, ut casuum adversa his imputet vulgus, apud quos plurimum e republica est, victorias uni debeat. Vetere instituto agros vicosque nobilium primores, ut cuique hæreditaria ditio est, oppida civium delecti regunt: quia plebi negotiosæ non concio, non comitia placere: illi quadraginta aut pauciores numero (*Sapientibus nomen est*) convocati de republica deliberant: & si quem mors aut exilium demit, adoptant sibi alios, divitiis & prudentia insignes, adeoque ejus ordinis decreta pro civitatis totius consensu valent, ut vix unquam plebs obsequium defugerit, quin & armis sæpe tutata sit regentium auctoritatem. Iidem nominant quotannis complures, ex quibus præfectus (id olim principis munus) seligat quietis publicæ defensores,

*Federati-
rum pro-
vinciarum
regimen.*

res, quos populi Magistros vocant, summum quatuor : & 1588.
 alios septem admodum, qui privata ac criminum judicia
 exercent Scabinorum appellatione. Hæ functiones nullo
 aut exiguo præmio, ut debitum patriæ præstantur. Atque
 horum omnium potestate, & consilio adfessorum, qui jus
 civile didicerunt, res oppidanæ administrantur, concessio
 jure, etiam leges & modica vectigalia intra suum statuen-
 di. Hinc velut in fastigium coeunte imperio, qui singuli
 partibus, universæ nationi conjunctim præsident. Nam
 ter, quaterve anno, aut quoties digna incidunt, concilium
 advocatur, cui Ordinum nomen, ex utraque populi
 parte. Sed nobilitas, quia diversis e sedibus haud facile
 coeat, curam sui in paucos contulit, qui genere & posses-
 sionibus præstantes in commune consulerent. Iis primum
 loco, sed unum omnibus suffragium est. Vbi ergo cujus-
 que oppidi consilium de rebus propositis domi deliberavit,
 mittuntur ad conventum magistratus & adfessores, qui illi
 visa enuntiant, permissis, quæ repentina obveniunt, ip-
 sorum prudentiæ & fidei. Hoc igitur in coetu cum alia tra-
 ctantur omnia, quæ principum fuere, tum tributa quotan-
 nis edici necesse est, quibus belli onera in singulas gentes
 dispensata pro viribus sustinentur. Sed quoniam conventus
 hic rursus dissolvitur, delegant nobilitas & qui primariis
 urbibus præsunt homines ex se idoneos, ut apud imperii
 sedem rerum quotidianarum disposita Ordinibus placita ex-
 sequantur : simul mederi subitis, & perscripto, si quid cu-
 ram majorem flagitat, conventum indicere permissum : is
 honor ad tempus fere sumitur. Sed perpetua est dignitas
 Hollandiæ Advocati. Is principum temporibus vox erat pu-
 blicæ libertatis, utque tunc periculis, ita mutata republi-
 ca auctoritate præcipuus, in conventu Ordinum & delega-
 torum confessu exquirat sententias, præit suadendo, com-
 ponit dissidentes. Hoc munus a Paulo Busio, ab initiis bel-
 li, cum laude administratum, excepit mox Iohannes Ol-
 denbarneveldius, auxitque virtutibus propriis, quarum in-
 signe documentum dedit adversus Licestrij minas artesque,
 ut fidus consilii, ita animi invictus. Hæc fere Hollandiæ re-
 gendæ est facies : unde mos aliarum nationum haud longe
 discrepat. Habent & quæque rei fiscalis curatores, & judi-
 ces legum peritos, ad quos ab oppidanis tribunalibus pro-
 vocatio est, qui omnes perpetuas obtinent dignitates,

legen-

1588.

legente præfecto eorum ex numero, quos ipsi Ordines nominavere. Iam vero communia foederis & quæ bello necessaria, Senatus providet: in quem qui veniunt, jurant nullo eorum, ex quibus mittuntur, respectu (mittunt enim singulæ nationes, sed tres Hollandi, binos Zelandi, item Frisii, singulos cæteræ,) quod universæ rei optimum se consulturos: acciuntur huc, ubi gravis deliberatio est, præfecti nationum. Sed quia res majores antiquitus nisi gentium singularum consensu non expediebantur, mole negotiorum & periculo cunctationis repertum est, legatos mittere cum liberis mandatis, qui supremæ curæ imminerent, & ubi quid gravius obveniret mora quæ dignum, suæ quisque patriæ Ordines consulere. Nationibus, quæ modo e primariis urbibus aliquam apud foedera habent, jus æquum suffragii; vicibus præsent. Hæc tum erant, Geldria, Hollandia, Zelandia, Trajectina, Frisia intra Flevum & Lavicam, & Transsalana. Hæc legatio sensim in perpetui confectus speciem transiit, Ordines foederatos referens, eoque nomine utitur. Et huc, & in Senatum missis, præfinito tempore potestas inclusa, non nisi voluntate mandantium prorogatur. Similiter inferiores alii maritimas in urbes delegantur, qui res navales judiciis & consiliis defendant. Talis in summa Reipublicæ habetur status: neque enim congruens sit exigua persequi: unde clarum, nec paucas intra familias conclusum, nec rursus ita populare imperium, ut apud multitudinem sit. Sed nobilibus suam auctoritatem, potestatis plurimum penes cives præcipuos clariorum oppidorum relinqui: hinc velut per gradus designari qui nationibus singulis, quique cunctis imperitent; non ut in vulgi potentia, promiscua & fortuita dignatione, sed nomina majorum, partas opes, ingenii decora spectando: nec pessime provisum libertati, dum præcipua rerum inter plurimos tractantur, semperque in alios transeant maximæ potestates, ut multi citra spem continuandæ licentiæ justis regendi artibus assuescant. Sane olim video, & cum in Romanos bellatum est, Galliarum, Germaniarum, Britanniarumque populis placuisse per gentis procures & civitatum legationes res maximas disceptari, ac manere ejus moris reliquias ab ultima libertate, etiam ubi nunc regna sunt. Quod si vetera repetimus per Græciam, Amphictyones haud discrepant, quorum consensus Medorum potentia restitit; aut Achaia,

Achaia, cujus res alioqui exiguae sola concordia valere. 1788.
 Cæterum sua cuique urbs regioni caput. Commune nunc
 imperii domicilium apud Hollandos, qui ut opibus longe
 ante socios, ita auctoritate non parum pollent. Haga est
 vicus, eademque Mauritiæ sedes, nemore & vicino litore
 imprimis amœna. Haud multo diversus regia in parte repu-
 blicæ status, nisi quod ejus Belgicæ Ordines, extra tributo-
 rum causam, vix convocantur. Privatis cujusque nationis
 rebus delecti pauci supersunt: regimen omne cum præfecto
 Senatus obtinet, & qui adsunt Senatui confessus fiscalis & ju-
 ridicus. Adscriptis semel is honor manet. Fœderatorum
 redditus ante qui fuerint, memoravimus; mox liberalius, amo-
 to omni terrore dominatus, pro Republica quasi sua tribue-
 re cœperunt, & postquam auctis commerciis per Braban-
 tiæ excidium cum opibus animi crevere, aderantque succes-
 sus, majora audendo sumptus & onera duplicabantur. Agri,
 ædes, annona, vestis, capita, nihil immune, nec subeun-
 do scœnori temperatum: certissimum vectigal, apertum ma-
 re, nec, ut alia, bello obnoxium: quanquam mercaturæ
 præ cæteris parcebatur regentium studiis; tum ne maximum
 atque instabile commodum alio pelleretur. At Belgicæ His-
 panien-
 sis opes lon-
 ge ante-
 rant.
 Idem sa-
 re Belgica
 Hispanien-
 sis status.
 Belgicæ
 Hispanien-
 sis opes lon-
 ge ante-
 rant.
 Miles Batavis conductus,
 civis, focus, peregrinus, præter Anglicana auxilia, ad
 decies & octies mille pedites sub hæc tempora non excrese-
 bat, modico cum equite: pars major detenta præsidii:
 & hostium multitudini impares, antequam illorum vires
 Gallia distraheret. Sed Licestrii incuria, & tot seditiones
 docuerant parvis potius se copiis tueri, quam supra ærarii
 vires militis nomine hostem conscribere. Disciplinæ indies
 acrior ratio, ne cives & vicinæ gentes, quique agri ipsos
 inter & hostem siti raptus tributo redimunt, per injurias
 vexarentur: & cum hybernatum ducitur miles, nulla pri-
 vatim impendia; quicquid præstitum est, Respublica per-
 solvit: ea æqualitate effecta est res mira, ut ultro expe-
 rentur armati hospites. Peditatus omnis in cohortes distri-
 butus (ita enim vocabimus) constat decem vexillis, raro
 pluribus. Vexilla centum homines continent: sunt & ma-
 jora:

*Idem sa-
re Belgica
Hispanien-
sis status.*

*Fœderato-
rum redi-
tus.*

*Belgicæ
Hispanien-
sis opes lon-
ge ante-
rant.*

*Miles Ba-
tavis
18000 pe-
dites cum
modico
equite.*

1588. jora : sed , in universum si inspicias , per mortes & fugas & ducum furta ad hunc ferme numerum devenitur : Totidem equites habent turmae , quarum tres , velut ala , communi imperio reguntur. Quo paratius expedirentur stipendia , certas cohortes turmaeque nationes singulae in se receperunt , quibus aera de suo numerant. Coemptum & hoc usurpari , ut tribunos ordinumque ductores ipsi designarent ; minora belli munera mandant ductores ipsi ; majora , qui summæ reipublicæ præsumunt , ex virtute , aut gratia. Hostium copiae plus quam altero superabant , quibus suspecta cuncta lateque diffusos fines coercerent. Aequale utrinque gregario stipendium : sed penes Hispanum majora extra ordinem præmia , & ingens duplarium turba ; nec eo minus oppidis agrisque per castra aut præsidia graves , bis ærario nocebant. Regimen quoque armorum æmulatu dissidebat. Contra Mauritius , ex quo primum belli curæ admotus est , nihil eorum prætermisit , quæ vetus ætas , aut recentior usus invenerant : impiger suas accelerare , & res hostium attendere : etiam supremo imperio inferiora non extra suam sollicitudinem pati. Ergo , admirandum , militiæ doctor , cujus doctorem non viderat , firmare cuncta belli meditantis , ut intentæ essent vigiliæ , munitæ urbes ; castra docte metari , oppugnandi machinationes in promptu habere : tum milites , ignari operum ac præliorum , equos regere , servare ordines , ferre cibum , ferre aggerem jubentur , non in hujus sæculi morem. Ea diu ludibrio , ob eorum incertiam , qui , quæ ignorant , discere erubescunt ; post eventus aliquot miraculo fuere : quippe ubi multis cladibus fugaces ausi iterum consistere , & oppida velut impetu raptâ : plane ut jam omnes faterentur , quemadmodum affectandis populorum studiis ; ac fundandæ reipublicæ , neminem patre priorem , ita ad tuendas res augendasque cœlesti munere filium obtigisse. At , quantum belli ratio ab usu priori discesserit , in ipso sequentis operis contextu intelligitur. Navium haud contemnenda vis ad maritimas hostium urbes , aut annuum commeatus excubat : partim piscationi mercatoribusque præsidio eunt , aut , ad proturbandos prædones , Oceanum pervagantur. Non dubie hostis hac parte inferior , cui portus haud multi , nec sane utiles , & naves paucæ , quæ pro urbibus speculantur. Nobilitas utrinque segni otio aut tranquillis honoribus immine-

minebat; frigore in partes, ob invidiam, hic plebis, illic Hispanorum: an & inveterata inertia, quia callidi quondam principes militarium officiorum gratiam illis fecerant, translata in possessiones functione: pauci, amore laudis, aut per familiares angustias, arma & dignas genere suo curas capeſcebant. E vulgo memores pejorum, & juniores, quia pacem non viderant, contenti qualicumque rerum ſtatu, bellum niſi per rumores & tributa non ſentiebant: & multi, quibus religio ſine affectu publice recepta, non ob aliud, ſequebantur. At Romanis cæremoniis innutritos, poſt tot coitionum exempla, leges Batavorum, multæ non admodum gravis ſanctione, privatis quoque ſacris prohibebant. Iidem præcipuis honoribus uſu tacito arcebantur. Reliquias ſacerdotum utriuſque ſexus, quia publicatæ poſſeſſiones plerisque in locis erant, dum tranquilli degerent, alimentis Ordines ſolabantur. Aliarum ſectarum conventus placebat diſſimulando transmittere. Miniſtri publicæ religionis nulla in parte conſiliorum: ne eccleſiaſtici quidem coetus citra inſpectionem magiſtratum. Omnino, ſi proximi motus conſediſſent, haud facile novi timebantur. Parte quoque alia Belgarum, longa peritia turbarum cauſis occurrerat. Species legum quæ ante bellum: nec gravis cuiquam Parmenſis modelſtia: & aliquot civitates præſidiis, cunctæ vi regentium tenebantur: ac quanquam epiſcopi datas ſub Parmenſis matre, & Albano, ſedes occupabant, & Ieſuitarum in gratiam pleraque inclinaverant, inquiſitionibus & ſuppliciiſ temperabatur, belli & hoſtium reſpectu; tum quia diſſentientes pars magna profugerant, reliqui metu quam poenis didicerant parere. Vtriſque in partibus annonæ caritatem, & cæterorum, quibus vita indiget, intenta magnis oneribus pretia agrorum fructus parum commode, negotiatio, & operarum pariter adauctæ mercedes facilius ſuſtinebant. Florebat Batavis mercatura, inferiorum artium nutritrix: unumque Amſtelodamum veterum & huius ſæculi maximis, emporiis æquabatur. Per bellum interea pacis ut bona manebant, ita mala non emoriebantur; armorum uſu adeo non efferatis ingeniis, ut in contrarium vergerent: nam cultus victuſque nimia & ſupervacua externorum contactu, qui non inops illic exilium tolerabant, nullis legum habenis, ſecuti ditiores, mox neutiquam pares pudore paupertatis in eadem traxerant. Itaque tum primum priſca

H

Bata-

1588. Batavorum fortisque simplicitas & castæ munditiæ in luxum vertebant, ærario quidem vectigalem, at moribus perniciosum : quippe quo avaritia, malum vetus, in audaciam impellitur, nec sinit meminisse victas esse gentes, quæ eum vivendi modum tradiderunt. Sed pro virtute erant hostium vitia, quorum intolerabilior luxus ne inopia quidem mutabatur.

ANNALIVM FINIS.



HVGON.

HUGONIS GROTII HISTORIARVM

DE REBVS BELGICIS

LIBER PRIMVS.

SVMMARIVM.

Festinata ab Hispanis in Anglos classis nimia sibi promittitur. Anglia a Sixto V. occupandi exponitur. Classis Hispanica descriptio. Parmensis expeditionis dux cum in Flandria exspectat. Nimia Anglorum ac Batavorum securitas. Flandria portus navibus obsidens Batavi. Elizabetha Tamesis ripas milite munit. Scimorum minoribus, Howardum & Draconem maioribus navibus praeficit; rumoribus decipitur. Hispanorum peccatum. Parmensis Dunkerke inclusus tenetur. Infelices Hispanica expeditionis eventus causa. Ejus relatio. Gratiarum actiones Deo propter victoriam apud Anglos & Batavos decreta. Parmensis Bergae ad Zomam nullo successu obsidens obsidionem solvit. Berge Mauritio ab Ordinibus donantur. Bonna a Cimacense, frustra auxilia moliente Scenjo, capitur, ut & VVachtendonca. In Scotia Batavorum naues pignerantur. Gertrudisberga a seditione praesidio Parmensi traditur. Hensdam, Bommeliam, Vorenam irritis conatibus adoritur Mansfeldius. Hispanorum in Parmensem odium: hic morbum sibi consciscens se apud Regem purgat. Mansfeldius Bergam obsidet; illi copias infert Scenkins, qui deinde a Novio magi expugnatione depulsus Vabali submergitur. Missum ad liberandam Bergam Falcoflenium consequens Varembonius a Vorio caditur. Berge, quamvis auxiliis firmata, tandem Parmensi deditur: qui postea aliis quoque urbibus struit insidias. Inter Hispanos & Foederatos mari crudelissimi congressus. Angli Hispanis bellum reposiuri irritis eventibus Antonium in Lusitaniam reducant. Gallia interfecto Henrico tertio in partes venit. Ne Benearni princeps regno potiat Meduanum auxilium firmat Philippus. Angli Foederatique Bourbonio mittunt auxilia. Gallicrum motuum cum Belgicis comparatio.



Larior rerum ordo aperitur, ex quo princeps Mauritius, armorum regimen adeptus, in se fata vertit. Reipublicæ vultus, sacra contraria, belli acris ratio, spes nulla pacis, ut fuerant, mansere. Tum varia magis casuum, quam intricata series. Petita Anglia Hispanorum armis, petita & Gallia, non irritum conatu, sed & luctuoso. Tot bellis impar, quamvis ingens, ærarium: hinc cuncta inopie mala. Laxatæ inte-

rim Batavis vires animique : adjuncta regnorum societas , partim iterum diremta. Illic mutati sæpe præfecti : tandem & dominus : male tuta confidentia , insidiæ degeneres. Vnius hic ducis ingenio vitatum discrimen , provecta arma : simul maritimæ opes vi in hostem , in cæteros fide , immensum adolaverunt ; plane ut credi jam posset , æquas partes , & ambiguum facturæ Martem , constituisse. Nam rebus diu exiguis spes humanas hoc tempus addidit , & sero a miraculis discessunt. Quæ spectata , aut certo auditu comperta , historiarum in morem vulgaturus sum. Nec ignoro quam sit invisum ferventibus ista odiis ingerere , ubi adversariis suspectus assentandi , veri pervicacia tuos etiam offendas. Sed iudicium fidei , præmiūque penes posteritatem erit. Et si quem Deus finem tam gravi bello destinat , erunt forte qui deprompta hinc argumenta majori securitate & eloquentia celebrabunt. Fruantur interim , si qui , nostris procul turbis remoti , noscendis aliorum malis suam quietem impendunt : sumantque belli documenta , quibus exosi civiles discordias , barbarum in hostem felicius utantur. Sed res quidem gestas memorare , arduum semper : quia absentem fugiunt , præsentem trahunt ; utque illud legenti , ita hoc scriptori periculosius est. Neque vero parum exactæ notitiæ sequens ætas deterit per oblivionem , aut victoris potentiam. Quod si omnino coram ista tradi necesse est , profuerit sane ea in parte vixisse , quam merito pudeat si non præstet scriptori promissam omnibus libertatem. Accedit , quod plerique eventus hac ceciderunt : & majorem usum habet initia admirari reipublicæ crescentis.

1588.

ANnus agebatur Christiano nomini post mille quingentos octuagesimus & octavus , quem ultimum rebus humanis Mathematici edixerant : seu vana ars est , & intra nostram credulitatem , futura invadere : sive error iste non recte factorum magnitudinem interpretantium ; ac pars cœlestium minarum fuerit , classis ingens , quæ pari spe atque ira Hispanis , dum pax cum Turca & Gallia , in semet armata festinabatur. Neque enim satis , quod tot regnorum novique Orbis victores tam diu exiguam gentem mutuis cladibus ad imperium revocarent , ni probro foemina accederet. Sed Batavos Britannorum , Britannos maris fiducia bellare : quasi Saxonum adeo & Danorum & Normannorum nomina ignota sint , aut non possideat insulam quisquis intraverit. Nam
& reges,

*Classis ab
Hispanis
in Anglos
festinatur.*

*Fallaci spe
elari nimia
sibi promittunt.*

& reges, dum intestina metuunt, dejectis munitionibus, externis aperuisse Angliam : tum vero corpora imbecilla, animos gentis longa pace luxuque infractos, sine ducibus, sine equite, quid ad Hispanorum robur, & illos tot annis Parmensi duce victores? ita in eos qui defecerant ultionem, in cætera gradum dari. Iam, qui mos est humanæ aviditatis, spem in ulteriora promittendi, Scotiam, Daniamque, devota regna, sibi destinabant. Usuros deinde se Anglorum viribus atque odiis in Galliam tunc cum maxime suo sanguine undantem. Cætera mox Europæ in tot distracta principes, nec unquam bona fide coitura, præcluso mari, quid aliud quam prædam fore? Iudicii modestioris haud tanta sibi promittere, sed adversus maritimas gentes tentare pelagi fortunam, magnum atque incertum circumferre terrorem, includere ad tempus latebris suis prædonem, auferre commercia, tanti existimabant. Et Romanus pontifex (erat is Sixtus nomine) per Hispanum suis quoque legibus acquirere Angliam nitebatur, quam isti sacerdotio tributariam regum quondam simplicitas effecerat. Veterum igitur Pontificum exempla æmulatus, qui per discordias principum, in regna primum, deinde in reges jus usurpaverant, Angliam exposuit occupanti, velut quam nullo jure oppressam Elisabetha per illustrium cædes, & populi metum detineret, super religionis crimen natalium quoque vitio, quasi adulterio genita, quod frustra conjugii nomine velaretur. Hæc enim pluraque alia edicto objectabat, simul juvandam ad expeditionem cunctos homines invitans, soluta & jurisjurandi religione, qua Angli Reginæ tenerentur, ut ipsam maxime vivam, sin minus possent, necatam traderent. Præmium addidit sceleri scelerum impunitatem, etiam apud Deum : atque alia id genus ludibria, quæ rudibus seculis haud invalida nunc tantum in speciem dantur, in speciem accipiuntur. Constat ita creditum, complures in Anglia principes viros præsentem rerum statum gravate ferre, quorum studia in res Hispanicas per vaniloquentiam prædicabat Bernardinus Mendosa, qui legati nomine speculator ea in aula egerat per annos aliquot. Sed verum erat, utcunque religionibus dissidebant, vix quenquam adeo imprudentem esse, qui externæ victoriæ confideret. Cunctas per Hispaniæ oras, & quicquid Italiæ subactum est, armantur militum ferme viginti millia, naves centum & quadraginta, pars maxima incredibili mole, quæ quidem ipsa exitio

*Secretum V.
Angliam
exponis oc-
cupanti.*

*Anglos ad
necandam
Elisabetham
hor. cau-
sam.*

*Classis Hi-
spanica de-
scriptio.*

1588.

fuit. Has inter, complures (Galeones & Galeassas vocant) turribus atque tabulatis levatæ in castellorum & urbium speciem trecenis remigibus citabantur, tectæ adversum tela, munitoque utero, quo facilius fluctus tolerarent. Coemti nautæ cunctis e gentibus, commeatus semestres, pecuniæ ingens copia, tum solita terrestri bello, & tormenta vicies quinquies centena. Omnisque hic multorum annorum apparatus libris in vulgus ferebatur, terrori & ostentui, ut satis appareret Hispanicæ opulentiae illam esse professionem. Indici per facialem bellum, quanquam erant qui suaderent, non placuit aliis, satis in Pontificis sententia juris ponentibus. Nec probatum Marchionis Sancticrucii & Parmensis salubre consilium, ut prima cura esset aliquem invadendi portum e Batavicis, quando Flandrici receptum classi adversus maris & belli incerta præbere non poterant. Plurimis, nisi statim ad Tamesin exponeretur exercitus ad Londinum oppugnandum, mora quæri victoriæ videbatur. Curam navium Alphonsus Perelius Gusman dux Medinifidonius obtinebat, generis fulgore quam re ulla alia id honoris promeritus; & sub illo Hispanorum nobilissimi, multique splendido genere extra numeros suo ære militabant; tanta prædæ non modo cupiditate, verum etiam fiducia. Constans fama est, honores, fundos, tabernas, cuncta belli præmia antequam divisa. Laquei certe & plura necis instrumenta, aut servitutis, inter spolia visitata sunt, quæ in victos, ut non dubio eventu, paraverant. Vere adulto Vlyssipponem convenere, unde in Gallicæ portum abreptis tres naves desideratæ sunt, quas sæva tempestas, partimque remiges occupata libertate, Galliae littoribus objecerant. Parmensis interea, quem summa expeditionis spectabat, cum equite & cohortibus, supra triginta hominum millia, incubabat Flandriæ; ductis fossis, per quas copiae omnes maritimis oppidis acciperentur. Præsidarias eo naves conduxerat octo & viginti; planis carinis, ut sine noxa littori adhærescerent, fere quadringentas; quarum pars emta, pars sine ulla intermissione dierum noctiumque fabricata: pontesque transponendis equis & militi, continuo ut Hispanica classis mare intrasset. At per Angliam & Batavos nequaquam pro ingruentis belli discrimine apparatus erant, dum vento repelli creditur, aut tanta navium moles nunquam ventura in maris sui angustias. Denique remeantibus India navibus præsidium duci plerique

Sancticrucii & Parmensis salubre consilium non audierat. Classis præfectus dux Medinifidonius.

Vlyssipponem adulto vere classis convenit.

Parmensis expeditionis dux 30000 hominum minimum Flandriam incubat.

Anglorum & Batavorum nimis securitas.

affirmabant, quanquam rex Gallorum vim classis & consilium explorata denuntiabat. Ita rumoribus & conjecturis sibi blandiebantur, haud intellecta periculi magnitudine, nisi postquam vitaverant. Recensuere tamen Batavi quantum sibi navium nautarumque in armis, aut penes privatos foret: dein classe modica Flandriæ portus obsederunt, ut Parmen-
Flandria portus Batava classe obsident.
 si exitum præcluderent, de cætero pene securi. Vix sero Regina, quæ pacis colloquio hætenus demulcebatur, omnes novandi ob religionem suspectos insulis aut locis palustribus claudit. Tamelis utramque ripam, qua exscensurum hostem
Elizabetha Tamesis ripas male complect.
 credebat, complet equitatu, & tumultuariis cohortibus: lustratque coram & alloquitur speciosam multitudinem, sed veteri Parmensis militi, si accederet, armorum usu haud quaquam parem. Nec interim deerant, qui Tomyrim ipsi & Amazonum reginas, eademque in insula Voadicam, cuncta foeminarum decora, aut fabulas, compararent. Classẽ, in quam & privatorum naves assumserat, ita distribuit, ut minoribus ipso in freto & Tamesis propter ostia Seimorus præflet;
Seimorus minorum navium præfectus:
 majores centum numero naves, quæ pleræque ad petendos commeatus Hispanico mari remeabant, Plimuthæ in statione haberentur; inde, cum opus, hosti occurrerent: in quas summum imperium Carolo Howardo datur, proxima Francisco Draconi potestas. Illustris hic maritipis victoriis, quas toto Orbe circumtulera, & dignissimus cuius manus isto in periculo patria respiceret. Non procul Anglia erat hostium classis, cum Regina, quam in hoc diditi ex Hispania rumores deceperant, Howardum per litteras admonet, compertum sibi non venturam, aut multum in temporis detineri, quare suarum navium præcipuas exarmari jubet. Vix obtemperatum erat, & ecce illa in conspectu, multusque labor Howardo revocare militem licentius vagantem, quod exauctorari se crederet. Peccatum haud minus ab Hispano, quod non protinus irruit, cum posset imparatos offendere: nec dubie periclitatura fuerit Anglia. Sed captivi duces, exprobrata hac vecordia, auditi sunt excusare destituta mandata, & præscriptiones, ut plurimum, occasionibus inimicas. Noluisse enim Philippum dari in casum classem, antequam Parmensis Oceanum ingressus terrorem duplicasset. At illum Dunkeræ inclusum Seimorus & Batavorum naves tenebant: nec ipse perrumpere ausus minoribus navigiis, aut Hispanorum classis, etsi maxime clades secutas effu-
Hispanorum peccatum: Ejus excusatio.
Parmensis Dunkeræ inclusus tenetur.

1588. gisset, tam prope littus, vadis prætextum, accedere potuit, ut leviora multo hostium navigia detruderet. Præcipuum id in res momentum fuit: quod adeo nemo erat suspicatus, tanquam fatali omnium cœcitate, ut multa classi necessaria Hispani conferre neglexerint, velut a Parmensi accepturi.

*Infelicia
Hispanica
expeditionis
eventus
causa.*

*Anglorum
classis Hi-
spanos emi-
nus laceffit.*

*Hispani pu-
gnam de-
stillant.*

*Baldesio
navis
a Dracone
capitur.*

*Cantabri-
carum na-
vium pri-
ma flagrat.*

Quin & Parmensis naves magna ex parte nautarum inanes erant: causa rei, præter notam præfectorum avaritiam, quod apud Belgarum civitates, ejus imperii, nauta infrequens; ne Balticæ quidem civitates suppeditare poterant quod numerum expleret, & quos invitos Hispani in naves compulerant fuga dilabebantur. Recollecti interea Angli classem, difficili ob ventum adversum molimine, Plimutha produxere, ut hostem eminus lacefferent. Quo genere prælii facile apparuit, quantum interesset majoribus an expeditionibus navigiis certaretur. Nam Anglicæ naves Hispanicis magnitudine paucæ pares, sed gubernandi artibus mobiliores ventum hosti interceperant, ut velis quandoque impellerentur, interim retro cederent. Etiam cum mutans ventus in ipsas tulerat, ambitu eludebant. Silente cælo, quod hostem facilius remigio vectabat, non simplices jam globos, sed catenas jaculabantur, queis explicitis vincula navium remosque defringerent. At Hispanis non insequi promptum, nec, si daretur, pugnandi mens erat. Velut majores in usus servabantur. Longa navium series, extenta cornua, tardi incessus, & vulnera hoc certiora. Tum si quando tormenta gravius instabant, contracti lunatam in classem, & ne alius alium præcurreret minoribus velis ferebantur: ne id quidem satis tuto, quoties urgerentur collisis navibus. Quod Baldesio evenit Vandalizæ in Hispania præfecto, & illius Gentili, quem Lugduni obsidio famæ tradidit. Nam Hispalensis navis homines ferens octingentos, quam iste curabat, alteri ea vi impacta est, ut arbore mutilam classem relinqueret, ne cursum omnium una moraretur. Ita circumventam Draco in deditionem accepit, interque eos in victum clementia, in victorem adulatione certatum est. Eodemque tempore Cantabricarum navium prima flagravat, quæ ad Michaëlis Oquendi præfecturam pertinebat. Sunt qui tradant, hominem Belgam aut patriæ memorem, aut quod suspectum se videret irascentem, his quæ incendium caperent admota flamma in altum desiliisse. Pauci hominum servati; infima navis intacta flammis in prædam cessere.

Mox

Mox & Venetam & minores alias Hispani desiderarunt. Classis Britannica subsidiis interim aucta, & nobilitatis accursu, quæ studia sua Reginz certatim prabatum ibat, plures in manus spargebatur : atque ita hoste circumvento naves continuis ictibus lacerabat. Sed jam tum apud illos pulveris tormentarii inopia fuit ; qua post continuo laboratum. Usque Hollandia petutum est, sine qua defendi tunc Anglia non potuit. Dierum octo jugi eminus certamine (nam conferre manus Angli milite minores anxii vitabant) ad freti Gallici angustias octavo Idus Sextiles perventum est. Anglorum hic classes, quas initio separatas memoravi, coierunt ; ad navtarum militumque undecim millia, relictis ad Flandriæ oram Batavis. Hispani Parmensem & cum eo mobiliore navium expectabant, jactis anchoris Caletum prope urbem : cum ille interea templa circumcurlare, vota facere, quomodo solent infani spe, & consilii expertes. Hac inquietudine Britanniz præfecturam, an nomen altius, concupiverit, quando alia evenere, nec eadem traduntur, in medio relinquam. Missi in Flandriam ex classe nobilissimus quisque, & inter eos Ascolitanus princeps, cui mater in Rege infamis ambiguum genus effecerat, super communi negotio consiliatûri, præcluso reditu multorum exitium evaserunt. Nam Reginz jussu, quæ hostem non dubitabat, ubi luna primum remitteret electa nocte minus illustri, copias si posset juncturum, classis Hispanorum, altera nocte quam freto confederat, hunc in modum proturbata est. Machinis saxa & pulverem continetibus, quæque alia ignem alunt funduntque oppletas naves octo Angli in hostem prono falo ventisque immiserant. At Hispani terrore flammæ micantis (in se enim citatam, & late pelagus collucere aspexerant) præcis anchoris in Oceanum pertendunt. Hac trepidatione navim maximam, cui præerat Hugo Moncadius, alterius navigii funibus innexam, inde excusso regimine æstus eodem quo ventus ferens Gallici litoris vado impulit : ibique classiarii (inerant præter remiges quadringenti) Anglos icalis adortos, dum auxilia ex continente sperant, prælio detinuerunt ; donec interemto Moncadio aliisque compluribus, capta navis, & per tres totas horas spoliata est. Sed ipsam incendi Caleti præfectus vetuit, ut Regi Hispaniæ nondum hostem professio in Galliam, quamquam huic ipsi oppido imminere credebatur, amicitiaz speciem ferret. Quinquagies mille ducati Regis pecunia direpta est,

1588.

*Anglica
classis
Hispani-
cam
continuis
ictibus la-
cerat.*

*Pulveris
tormentarii
inopia
Angli
laborant.*

*Illorum
classes
coerant.*

*Hispani
prope
Caletum
Parmensem
expectant.*

*Ex classe
missus
qui cum illo
consilium
capit.*

*Navibus
ignem
fundentibus
Hispano-
rum
proturbatur
classis.*

*Moncadii
navis
ab
Anglis
expugnatur.*

*Magna
Regiæ
pecunia
diripitur
summa.*

1588. trecenti remiges donati libertate. Pauci vectorum enataverunt, rei infelicitè gestæ primum in Hispaniam nuntii. Disjecta hoc terrore classis contra Gravelingam, proximum Flandriæ oppidum, relocatur: ac vi tuborum militarium & machinis Anglorum plurimum vulnerata, adduci tamen non potuit ut ordines confunderet. Hoc maxime prælio res Hispanorum fractæ atque comminutæ sunt: nam naves aliquot laceræ globis, quia nec pertusa expleri, nec exhauriri irumpentes aquæ poterant, fluctibus superurgentibus cedere. Cantabricam unam, dum oppugnatur, & intus duces inter fortia ac necessaria consiliorum ad cædes usque dissentiant, repente salum absorbit. Lusitanicas duas, Wilingium in ostium delatas (nam frustra fretum repetere annifas vehemens ventus huc impulerat) Zelandica littora excepere, quasi inter quos commune periculum fuerat & naufragia dividerentur. Alteri Philippo, alteri Mathæo nomen: huic Didacus Pedimontellus, illi Franciscus Toletanus moderabantur, Tribuni militum uterque. Sed illam, scapha dilapsis primoribus, Flissingani occupaverunt. Pedimontellus fugam, missumque in hoc navigium aspernatus, postquam multis suorum amissis diu tormenta pertulerat, fidei se potestatique Petri Doulsæ permisit. Parti hic Batavicarum navium præpositus raptum insigne Lugdunensi templo suspendit, inusitatæ magnitudinis ostentui. Navem utramque, exemptis quæ usui videbantur, neglectam Oceanus subruit. Iam Batavi Frisique totam hostium classem sua prætervehi littora intellexerant. Nec alio super metu, quam ne Amasii ostia subirent; occursum, abreptis e mari signis, quorum conspectu navigantes eorum locorum breviter evitant. Tot coacti cladibus Hispani duces, & omnes de cætero culpam in Parmensem rejecturi, discessus consilium ceperunt; quanquam apparebat sic quoque periculum non sine periculo vinci: nam retro obsessæ angustię. Quod unum restabat, Septentrionalia Britannię obeunda erant, qua indomitus terris Oceanus, & vix impune tentatur. Quod si tum institum foret, tanta Hispanos maris hostiumque formido invaserat, ut traditum sit, agitalle Medinifidonium, num dedita classe vitam pacifceretur. Sed Angli, observato tantum cursu; ne Scotia forte, aut Cimbricum fretum adirentur, ubi omnem hanc oram omitti constitit, & vasto mari fugam tantum quæri, noluerunt alios

Classis contra Gravelingam relocatur.

Naves aliquot Hispanorum fluctibus absorbuntur.

Lusitanicae a Batavis capiuntur.

Raptum insigne Lugdunensi templo suspenditur.

Medici accipit cladem discessus consilium Hispani capiunt.

Ingenitum fortis.

alios insequendo ipsi idem discrimen incurrere : depulsæ 1588.
 classis, & servatæ patriæ decore contenti. Quin ut maxi-
 me sequi voluissent, vetabat ea, quam dixi, tormentarii
 pulveris penuria. Sed Seimorum mature remiserant, ut una
 cum Batavorum classe Parmensis conatibus obfisteret : cæ-
 teri oborta cum tempestate aliquamdiu conflictati non si-
 ne periculo in Angliam redierunt. Grajorum, Romano-
 rumque gloriæ, qui res olim suas navales per acies asseruerunt,
 non dubie tunc Anglorum & fortuna & virtus respondit :
 etsi lente ac tuto vicere, nusquam tota belli mole cominus
 immixti. Hoc memorabilior eventus fuit ; omni tempo-
 re quo cum Hispanis pugnatum est, navis alicujus pretii
 nulla, homines bello marique non ultra centum desiderati
 sunt. Hispanos interea genus omne miseriarum exercuit,
 amissis suorum quinque fere millibus, & navium potissimis,
 ægri plerique aut vulnerati, rerumque omnium egentes sæ-
 vissimo pelagoolvebantur. Equi, jumenta, sarcinæ præ-
 cipitata, quo levarentur alvei adversum fluctus ingruentes.
 Orcadas inter, atque alias ejus maris insulas evectis impe-
 rat Medinisdonius in Cantabriæ portus dirigere vela. Ipse
 aliquot cum navibus, quæ minus quam cæteræ inanes atque
 inopes erant, in altum se dat : cæteræ non longe Hibernia
 abeunt. Fuere quas variæ undique procellæ in mare interius
 rejectas Angliæ aut Galliæ in oram afferrent. Plures Nor-
 vegiæ abrupta, & saxis incerti fluctus elisere : pars ad ul-
 tima Septentrionis & ignotum adhuc Orbem turbine aufer-
 tur. Rex Scotiæ in sua littora ejectis pacis jura servavit. Tri-
 ginta & duæ naves Hiberniæ vadis impactæ, aut proximo
 mari haustæ sunt : enisque homines ab accolis trucidaban-
 tur, quia plures erant, quam quorum tuto miseresceret.
 Cæteras ira fati in patriam profecuta est : nam in ipso por-
 tu duas fortuitum incendium consumpsit ; alias alii casus per-
 diderunt. Triginta omnino superfuere, quæ commeatus
 vexerant : e bellicis una, tantæ modo classis ducem ferens.
 Primores multi, vulgique pars magna non multo post re-
 ditum vita excessere, sive contractus tam molesta jactatio-
 ne morbus, sive aliquos animi ægritudo confecit ; dum
 more dominantium rei subduntur his, quæ fortuna peccave-
 rat. Summa cladis ex eo apparuit, quod Rex edicto luctus
 tempora contraxit, ut magnitudinem damni, quod late no-
 biles domos funestaverat, publicis oculis subtraheret. Apud
 Anglos,

*Anglorum
oncomium.*

*Vix cen-
tum illa-
rum desi-
derati.*

*Hispano-
rum fere
quinque
millia.*

*Fugientis
Hispanica
classis mis-
erabilis exi-
it.*

*Summa
Hispania
luctum.*

1588. Anglos Batavosque captivis soluto pretio, quibusdam & dono, data libertas. Dum in dubio eventus pendit, & metus pietatem docet, crebro supplicatum. Pro victoria

Apud Anglos & Batavos gratiarum actiones Deo decretæ.

gratiarum actiones Deo decretæ sunt: ipsaque Regina triumpho vecta priscum in morem oratione ad populum exposuit, majore nunquam æternæ providentiæ beneficio approbatum, quam infirma adversus vim superam præsidia humana sint. At Batavis communis periculi etiam in hoc fructus fuit, quod æquiore posthac usuri erant Anglorum societate, qui jactare hætenus solebant, quod socios sustentarent, id soli se humanitati præstare. Dum naufragæ classis reliquæ in Hispaniam rapiuntur, Parmensis ex diuturna felicitate in miseriam, ex fiducia in desperationem versus, alieno magis impulsu quam consilio suo, quod odisse jam cœperat, in Bergarum ad Zomam obsidionem trahitur. Instigabant Brabanti, ne unum oppidum; unde hostili equitatu infesta itinera, & agri vastabantur, ipsis deesse & suis victoriis pateretur. Nec duci admodum displicebat gravem exhaustæ jam Flandriæ exercitum alio transducere, pudore quoque & metu, ne, si detrectaret, nihil in ipso opis videretur. Quod si rediret fortuna, via in Zelandorum insulas, mox bellum intra Hollandiam parabatur, proxima

Bergarum ad Zomam Parmensis obsides.

Bergarum fissus.

nimiae spei, quam præsumserat perdideratque. Namque id oppidum præclaro situ Brabantiae in finibus Zelandiam parvo discrimine aspectat; Flandria & Hollandia lateribus adjacent. Haud longe pars est Scaldis, in quam Zoma, qui oppido nomen dedit, illabitur: hinc portus oppido longus & nonnihil flexuosus. Floruit multum commerciis sub ditione familiæ cognominis, donec Antverpiæ vicinitate & belli malis attereretur, hostes & illos experta, quos præsidio acceperat. Sed ex quo adjecta foederibus fuit, proditione aliquoties periclitata, vi & obsidione tum primum tentabatur. A Bergarum territorio Tola, Zelandorum oppidum & insula, Scaldis æstuario dispescitur; quod idoneum subvectionibus copiarum, & ne apud Batavos relictum obsidionem recluderet, præmissi occupare Montiniacus, & Octavius e Mansfeldiis comitibus. Qui simul disiectis in Heusdam belli rumoribus improvisi adfuere, per vada octingentos milites ducunt oram Zelandicam suggesturos. Sed male observato æstus tempore, qui jam crescebat, nutantibus cœno vestigiis graviter annixos pauci propugnatores detruferunt. Interim contra jacula-

Ad occupandam Tolam præmissi a Comite Solmensi fugantur.

culatores, quos Brabantico in agro hostis reliquerat, lorica
 ripæ (ita locus erat) se tuebantur. Statimque cura Comitum
 Georgii Eberardi Solmenfis, qui insulam præsidebat, & vul-
 gato periculo adaucta defensionum multitudo, regressum ho-
 stem in fugam & voragines egit. Vix duces emergere: qua-
 dringentos, ut quidam tradidere, profunda uligo, aut, si qua
 pars corporis eminebat, destinator telorum iactus interemit.
 Adversa ex parte unum modo cecidisse, haud procul miracu-
 lo abit. Exinde insula castellis, excubiis, machinis firmatur.
 Tum vero spem alteram amplexus Parmensis, ut portu inter-
 cluso oppidanorum comiteu arceret, ingenti illo exercitu, cir-
 cumiecta collium & aggeres insedit, junxitque pontibus quæ
 interfecta erant. Quibus interriti Bergenses, nec velut obli-
 derentur, quia miles, & victus aut defensionem necessaria a Ze-
 lando & proximis Hollandorum urbibus affuebant, quasi po-
 sitis contra castris, pedes aut equo dimicabant, levibus quidem
 præliis, sed non sine hostili sanguine. Nec tantum militis
 egregia virtus, sed oppidanis muniendi labor & tributa extra
 ordinem imperabantur, laudabili ducum & magistratuum
 concordia. At inter Anglorum rectores (id in præsidio robo-
 ris erat) de summa præfecturæ ortum certamen, & si quid ul-
 tra turbidum, Princeps Mauritius cum Ordinum legatis tuto
 pervectus coram composuit. Oppidum inter Scaldimque ca-
 stella erant duo, hinc machinis, inde æstu satis defensa, quo-
 rum quod in septentriones abit, tormentis ab aditu oppidi
 divellere frustra Parmensis parabat, ut navigationi intercede-
 ret: eique curæ defixus in spem prodicionis adducitur, qua
 Itala calliditas elusa est. Hispani e captivis duo cauponem,
 apud quem custodiebantur, & Anglum militem eodem soli-
 tum divertere (Grimstoni nomen erat) sollicitant ad tradi-
 tionem castelli, de quo memorabam. Illi, quorum ingenium
 a quæstu turpi ita non abhorrebat, ut tamen, si pretium esset,
 mallent hostem quam suos fallere, præfecti consilio instruunt
 dolum. Aditus ab utroque Parmensis, ne operam sperneret,
 aut, quod accidit, obsequii simulatione circumveniretur, ma-
 gnis pro illorum fortuna muneribus & promissis oneratos ob-
 stringit iurjurandi religione: & cum ne sic quidem nisi ipso-
 rum periculo satis crederet, convenit, ut victi inter armatos
 quos comitarentur ituros in munimentum, si fallerent, strictis
 pugionibus. Satis ita cautum videbatur, nec enim fore queis
 odio salutis alienæ suæ evilesceret. Quæ fide ter mille, & inter
 eos

*Hæc spe
 delectus
 Parmensis
 portum in-
 tercludere
 aggreditur*

*Eximia
 obessorum
 virtus.*

*Ortas in
 præsidio
 turbas
 Mauricius
 coram com-
 ponit.
 Parmensis
 in spem
 prodicionis
 adductus
 decipitur.*

1588. eos insigni stirpe plerique accinguntur, ut castellum invadant. Patuit porta, dum quinquaginta transeunt; & hæcenus promissis exitus respondebat. Tum subito porta pensilis altera præcisus funibus dejectur, cædunturque admissi aut capiuntur: nec custodibus Hispanis in vinclos proditores ferri usus placuit, territis pavore, & præsentis ultione. Sed exclusum agmen, cum continuo alter alterum urgentes recessus non facerent locum, versa in virtutem/desperatione, per fossam æstu destitutam scandunt aggerem: jamque sepimento e palis priore convulso ad interius sustebantur: unde pulsati machinis, quæque ignifera alia præscii fraudis paraverant, in abditas, qua fugiendum erat, insidias ruunt. Cæsi pars magna, & qui evaserant, recrescen-
tibus aquis, perque inscitiam locorum coeno hauriebantur. Hac fraude Parmensis, & quod cælum ingravescentis morbis & mortibus grassaretur, cum flexu autumnus crebros per imbres plana stagnarent, neque præ luto aggeres tenerent vestigia, hos primum, dehinc castra deseruit, diuque caritate ac tandem rerum omnium, & aquæ dulcis maxime inopia coactus
obsidionem sensim solvit, quam spe vana in sesquimensem produxerat. Paucos tamen locos, ne nihil egisset, adversus excursionem munit. Nec eo minus post ista tempora ditantur Bergæ
frequenti ex hostibus raptu, & sub peculiari principis Mauriti
imperio revirescent. Namque ei & hæc, & alia, quæ hosti-
les partes sequentium fuerant, Ordines dedere solatium eorum, quæ ipsi paterna ab Hispano tenebantur. At Brabantus
ager, hibernante per vicos Parmensis exercitu, post Flandriam
atterebatur. Bonnam interim dilecto cum milite missu Parmensis a primo jam vere Cimacensis obsederat: nec Scenkio
contra certandi copia, sed principum Germaniæ concilium
ingressus exposuit periculum egregiæ urbis, quando non sibi,
non Truxio vires in hostilem exercitum. Ipsorum potius interesse, ne Hispanica dominatio, armorum per Belgicam specie,
proxima quæque & semper ulteriora invaderet. Valida namque imperia, atterendo singulos, cunctis supercrescere: nec
aliud remedium, quam festinos occursum, & ex communi metu virtutis societatem. Ad extremum ita finivit, ut si tutela
affirmaretur, Bonnam ipsis permetteret. Sed hæc militari facundia elocuto, non quale expectarat Germanorum nomine
responsum redditur. At nos, inquiunt, alienis discordiis vestra causa non immiscebimur, quibus improspere toties in
Galliam auxilia documento sunt, motus gentium ipsis ambigros,

*Obsidio sol-
vitur.*

*Bergæ
Mauritio
ab Ordini-
bus doman-
tur.*

*Cimacensis
Bonnam
obsides.
In quam a
Germania
principibus
auxilio pe-
tenti Scen-
kio inax-
spectatum
redditur
responsum.*

guos, foris accedentibus nunquam innoxios esse. Plerique nostrum nec Belgis abstinuere: quam feliciter, ipsi sciunt. Eadem scilicet mercede, qua Rex Galliarum fratrem submiserat, & Catharinæ Mediceæ auspiciis pro Antonio navigatum est. Nunc cum iidem illi gratiam Hispani & fœdera ambiant, nos Philippum postremi irritabimus? qui non spernendis in Germania possessionibus pars ipse nostri, restituit sedibus Germanum antistitem. Imo affinem potentiam colamus potius pace, quam bello experiamur. Ita elusus, dum Angli Batavique dissentienti majoribus auxilium & ipsi negant, milites præsidio relictos, quæ Podalitha Silesius præerat, hortatur morari hostem, dum tuto liceret, ac fortiter tolerare obsidium. Nec secus fecere, occisoque Baptista Taxi, egregio Hispanorum duce, & multis eruptionibus victores, postquam semestri labore munitiones circumjectas hostis extorserat, penuria quoque afflictæ, non indecora pactione urbem tradiderunt in Bojoari antistitis potestatem: id nomen usurpabatur; quanquam inivit urbem miles Hispanus tenuitque. Hinc jubetur Mansfeldius, qui autumnò jam inclinante Cimacensis vires auxerat, & obsidione peracta cum parte copiarum Wachtendoncam degredi, quod oppidum superna Geldrum regione Nersæ amniculo adjacet. Præsidium erat ex Scenkii cohortibus: nec facilem adpugnationem situs loci uliginosus, & vis hyemis ingruens effecerat. Sed ab obsessores aggesta humo in altitudinem tumuli, quæ ædificia despectaret, cadentes inde globos, modo injectos etiam ignes, oppidani non pertulerant; accedente & metu, ne quæ tum humebant gelascente mox cœlo hosti pervia fierent, auctores militi ne citra spem ullam secundi eventus (quia exiguæ sociorum vires, & procul aberant) ipsorum fortunas corrumpi pateretur. Tracta in ultima anni obsidio, etsi successum habuit, multa ipsorum millia confecit per cœli sævitiam, & necessariorum egestatem. Sumptus enim & damna Hispanicæ classis regias opes ita exhausserant, ut diu exercitus stipendiis fraudaretur. Hinc crebræ seditiones, & spes prædæ uberioris multos in transfugium illexit, quod Batavi tuti suos inter amnes paulum promotis finibus hostilem agrum impune incurrerent. Sed harum partium Ordines, cum nova evitarent, antiquis oneribus premebantur: nam exorti per Scotiam qui Mathiæ aut Valesio militaverant, atque alieni nominis redemptores advectas naves auctoritate publica pignerabantur. Missa ad prin-

1588.

Bonna deditur.

Wachtendoncam capitur.

Scoti Batavorum naves pignerantur.

1588. principes legatio docuit erratum ignorantia moris Belgarum :
*Quod in-
juste fieri
illarum do-
cet ad prin-
cipes lega-
tuo.* nam Batavos, etsi copiis suis cæteras civitates adjuverint, nun-
quam illarum æris alieni participes factos, nec alterius quam
Arausionensis imperio paruisse. Neque nunc recte a Fœdera-
tis peti, quod gentes deberent quæ a fœdere desciverant.
Hoc ideo tradendum putavi, quia talibus verbis repertum est
exactiones damnosas refellere; dataque occasio, cum duci-
bus, qui sub sacramento remanserant, de veteri ære in cer-
tas portiones paciscendi magno in Rempublicam levamento.

1589. Communi inter hæc metu, & Trajecti Batavorum vincis qui
*Gertrudis-
bergensis
præsidis
seditio.* imprudentiæ remedium ex pertinacia quærebant, diffidia ab
Licestrio orta deflagraverunt. Sed Gertrudisbergæ præsidium
(pedites habebat mille quingentos, equites trecentos) quia plus
licentiæ ex occasione discordiarum usurpaverat, quam ut veniæ
fidem, aut non infame commilitium speraret, impacatum, &
ultra ferox manebat hostium vicinitate. Initio tumultus ex-
actis qui fuerant, & impositis quos vellent ducibus, adhuc
Parmensis literas & nuntios averfabantur. Immixti deinde
ignorantibus hostium ministri, & qui legati in Batavos erant,
auditas minas in pejus referentes, pœnarum metu seque &
alios stimulabant. Accenderat iram contemptus, postquam
Willugbæus Anglicani auxilii rector velut pacando militi
Wincfeldium affinem suum, ut consilium fuit, oppido, re ipsa
seditioni præfecerat, dataque ab Ordinibus stipendia, quibus
suspectos illiceret, non certa pactione, sed in spem occasionis,
numeraverat; unde quasi deceptis illudebant, & velut rapto
abutebantur. Vbi hanc pecuniam duces, & ducum exem-
plo miles per luxum saginamque perdiderant, misso equi-
tatu prædas undique traxere: quin & naves retentabant, nul-
lo hostium aut sociorum discrimine; nec magis pacatis gen-
tibus abstinebatur. Sic hyemem agentes sollicitabat ad prodi-
*Ad prodi-
tionem sol-
licitatum
ab ea non
abhorret.* tionem, quo facile ab his flagitiis transitur, Odoardus Lanza-
vechia Bredam in proximo Brabantiae regens: quippe intu-
tum in peccando modum, & Parmensi imputari posse, quod
apud Anglos Batavosque nunquam satis excusaretur. Vera
dicebat; nec ab hujusmodi consilio abhorrebant in omne
vitium corrupti, & qui mos est seditionis, insensu mitiora
suadentibus. Pari mox omnium rabie, aut paucorum tot in-
ter turbidos formidine & silentio, eripiuntur arma oppida-
nis; prætendunt Anglicum nomen duces plerique ejus gen-
tis, miles etiam Belga. Ac quo plus turbant, hoc liberalius offer-

offertur impunitas, Ordinum graviora metuentium literis. Redirent ad signa, obliti discordiarum, quibus publicus error & ira fati cuncta miscuissent: præstarentque Reipublicæ, ut non a se ortis diffidiis ipsi finem imponerent. Sed huic defensionis suorum facinorum conscientia non credebant. Dubitatum est, an in rebelles, & Ordinum Mauritiique imperia pertinaciter respuentes, vis pararetur. Nam aliis displicebat irritari periculo militem: diem melius & tempus sanaturum impetus vix unquam durabiles. Contra afferebatur, patientiam & lenitatem in ludibrium vertisse: an vero expectandum, ut hostem, quicum secreta jam tunc colloquia, palam mœnibus admitterent? Si addito metu venia ostentaretur, bonis audaciam dari, cæteris resipiscendi necessitatem. Ita nuper Medemelacam poenitentia militum redditam, quam sedentes frustra opperirentur. Vtrum fieret non interfuit: nam certi perfidiæ, seu destinationi permitteres, sive ultro impelleres, eadem meditabantur. Vere primo terra & flumine copias, quantæ tunc haberi poterant, Mauritius admovit, minores quam ut obsidium contexeret. At illi tormentis petiti paria reddidere, ut præter cæteros Iustus Villerius caderet, insigni militia Trajecti quondam regimen, & nunc castrorum præfecturam meritis; utque Principis juventam belli consiliis instrueret. Sed imminens oppugnatio, cum properata jam aggeris ruina oppidum nudasset, extracta est colloquii simulatione: & qui sequebatur dies exundatione amnium & pluviis foedus inhibuit accessum. Simul Lanzavechia accitu Wincfeldii adventare lecta cum manu audiebatur. Nec Anglo suadendum ad scelus verba defuerunt. Verum advocata concione: Cernitis illos, ait, quorum globi & ignes hostilia nunquam mœnia pari impetu circumsonuere; tanto nobis infestiores, & nunc ferrum cominus intentant, omnesque inimicis vocibus ad supplicium expositi. At inde veniunt qui servatos nos volunt, apud quos gratiam ac præmia mereri licet. In vestra nunc manu est, commilitones, periclitari deditioem, an dare beneficium & accipere malitis. Promptissimi cujusque vocibus, cæterorum admurmuratione, probata oratio. Neque Mauritius substitit imparatus longiori obsidio, & ne transitionem, quam prohibere non poterat, cogere videretur. Literas tamen misit, si quos adhuc moveret respectus honesti aut timor infamiæ, quæ per ludibrium accepta vānali turba, quando supra elapsas stipendio-

Ordinibus impunitatem offerentibus non creditur.

De vi in rebelles paranda deliberatur.

Mauritius copias admovet. Rebelles se defendunt. Villerius occiditur.

Wincfeldius diu prodicionem suadet.

Mauritius discedentis ad rebelles litera cum ludibrio excepta.

1589.

*Parmensis
propter tra-
ditam ur-
bem ingens
gaudium.*

pendiorum pensiones donativum Parmensis adjecerat. Illum-
tum primum ajunt pressum longo mœrore vultum levasse,
cum traditæ urbis e specula Dordrechtum, & illa crudi olim
belli loca spei atque oculis admoveret. Inspicere juvabat &
calcare primam duodecim ab annis Hollandicarum urbium
redactam in potestatem. Eaque gaudii festinatio fuit, ut nul-
lis adhuc præsiidiis ingressus oppidum crederet se illis, quos
admissus hoc ipso debuit habere suspectos. Et fuere qui dubi-
tarent, an ex magna occasione verterent perfidiam. Sed ad
consensum tempus defuit, alijs intutum putantibus. Sibi, non
partibus, tribuerunt, ne ambas fallerent. Pauci in Angliam,
aut vetus ad sacramentum refugere. Cæterorum suos cujusque
apud numeros, ut eos Parmensis distinxerat, egregia bello
opera fuit, spe nulla salutis nisi per victoriam: quia proscri-
pti prodicionis & transfugii crimine belli jura amiserant. Im-
probantibus tamen scelus etiam queis proderat, irrisi diu mer-
catorum vocabulo, ne mortem quidem honestam, nisi pau-
ci, habuere. Plerosque captis in urbibus poena vindicavit.
Datus a Parmensi miles possessioni urbis, & excursibus, sæpe
fortiter, & proximis diebus feliciter pugnavit, interceptis
turmis tribus Mauritianorum equitum, qui Sylvamducis jux-
ta incuriosius palabantur. Hoc magis ex usu visum proxima
annectere: mandataque cura præfectis minoribus. Præter
Gertrudisbergam, alia quoque oppida duo Mosam ultra nunc
jacent Hollandici juris: sed Heulda olim Mosâ continebatur,
antequam novo facto alveo vetus exaruit: pars credita vetu-
stissimi Teisterbantæ comitatus, in fide ac clientela Clivico-
rum principum, qui in Hollandos deinde jus suum transcri-
psere. At Septembergæ oppidum Strideni quondam agri por-
tio, flumine sane dividitur; ideoque sacra illic non a Tra-
jectino, ut reliquam per Hollandiam, sed Leodienti ab an-
tistite curabantur. Proprios vero dynastas habuit, sed ut
Hollandiæ principibus obsequium deberetur: quorum impe-
rio & supra Gertrudisbergam vici aliquot ab antiquissimis
temporibus parent, quippe cum mos validis gentibus transcen-
dere amnes, ut proximæ ripæ munimenta interioribus cir-
cumjicerent. Nihilominus & Heuldam & Gertrudisbergam
Brabantî sibi vindicare jam pridem frustra laborant. At nunc
Septembergas invalidam opere, & prædam semper armis,
facile Arembergius invaserat: sed teneri non potuit, quia
Nordamum & alia circum loca Batavi tuebantur. Missus in,
Heul-

*Gertru-
disbergâ
Heuldam,
Septem-
bergæ us-
aliaque
oppida Par-
mensis an-
nectere pa-
rent.*

Heusdam Carolus Mansfeldius simul Bommeliath, caput insulæ adjacentis, quam geminos inter confluentes revulsi Mosa & Vahalis ambiunt, dolo & oppidanorum aliquot conscientia petebat. Sed resecta punitaque proditiōe, cœpto obsidio institit, Hemertam juxta arcem acceptam in deditiōem obtinens, cum immodica per augmenta effusus amnis campos auferret. Nec jam vis sed fames Heusdæ timebatur, quam longinquo ambitu circumventam ab hostilibus copiis Famarisius defendebat, destinationis intrepidæ, nec dubitaturus ultima tolerare. Prævenit Mauritius, coactoque proximis e præsiidiis militum comitatu, qua rarior hostis, perripuit; illatis quorum inopiæ timebatur. Inter hæc abducta non procul parte exercitus Helium Bommeliensis insulæ arcem, Crepicordium contra, Mansfeldius machinis navibusque aggreditur. Opera, manus tutamenta abunde erant, ni Sidenborgus præpropere deditiōe spem metumque arumperet. Ipsi visum culpam militibus assignare, hoc confidentius, quia plerique occubuerant, dum Hispanus miles injussu ducum in exeuntes sævit. Hujus loci præsidio, & Crepicordii ex adverso, quod Hohenloio dirutum regii duces restituerant, ad confluentes Disæ amniculi & Mosæ fluminis, ingressi insulam, patentes agros, quæque arcium aut castellorum infirma pervastant; haud dum certi quo potissimum evaderent. Modo cœptas ubi insula desinit, Gori chemum contra, munitiones aucti imbribus amnes differebant. Deinde aliud consilium, trans Vahalim sita, Geldros & mox Trajectum accedere, postremo insulam Vorenæ nomine, quæ Bommeliensi superjecta est, castelloque ante biennium a Nassavianis infessa, adorti eminus, audiunt Hohenloium dilecto cum pedite & turmis in prælium adventare, majore fama; nec manendi spes Mansfeldio, postquam veteris tempora & ætatem per irrita aut successus exiguos trans miserat. Mosa igitur remeans turbine subito & ira Hispanicæ cohortis ob non solutas pensiones contra ipse nifus haud procul exitio fuit. Præerat cohorti Saurius Læva, tam militi gratus, quam Mansfeldio ex verborum nuper certamine inimicus. Nec deerant qui principis Ascolitani & Pastranæ ducis dolo atque in Parmensem odio ardescere seditionem crederent. Haud dubie traxerat jam pridem invidiam Parmensis, rerum gestarum magnitudine & gloria Hispanos duces supergressus, & Italis apertius, quam conducebat, filius

1383.

In Heusdam Mansfeldius missus: A quo & Bommeliath frustra 1611. 12.

Mauritius perripuit hostium castris Heusdam subvenit.

Sidenborgus Helium Mansfeldio præpropere dedit.

Mansfeldius insulam Vorenæ adorti Hohenloji adventu ab incæpto desistit. Hispanica cohortis seditione.

Hispano natus in Parmensem odium, invidia a. que criminationes.

1589.

& favens. Inde exorti, qui virtutes non minus, quam infortunia, criminarentur. Sed proditam classem, conatus in Bergas irritos, aliaque hujusmodi palam. Tot vero nationes partem maximam Belgarum subactas, egregia in illum populi studia, occulto apud Regem & specie laudum perniciosius jactabant. Nec vanus de illo metus, si vitam in deteriora Hispanici imperii prorogasset: ne clarus bello & regendi clementia, hosti quoque non invisus, debitam filio Lusitaniam (ut tum plerique ferebant) parata possessione mutaret. Certe seu Philippus, ut sunt regum ingenia, pronus ad formidinem, dum nimium gloriæ ducem premeret, suam ipse fortunam frustrabatur; siue immensos sumtus vera paupertas excepit, provisus quæ inopia provenire, & præsentium tædio Parmensis morbum consciverat; quæ illi

*Merbum
sibi consi-
scit.*

*Ab Hispani-
is vene-
num illi
datum asse-
runt Isid.*

*Obtre-
torum sui
nomini
punit:*

*In Hispani-
am misse
Ricardoto
se apud Re-
gem pur-
gat.*

*Mansfeldi-
us ad ob-
siditatem
Bercam
mittitur.*

causâ Germanicæ profectionis ad aquas Spadanæ fuit. Nec post id temporis solita illi valetudo, aut fortuna rediit, cum alterum altero corrumperetur. Itali gens læta suspicionibus, & fingens quicquid auderet, datum ab Hispanis duci suo venenum arguebat: eaque fama immanitate sui commendata prævaluit, & quia in Hispanum quidvis facile creditur. Literas, quæ apud Philippum graviter accusabatur, Mauritius interceptas ad ipsum nuper miserat; ille dissimulato hostis beneficio, nec actis gratiis, scriptorem litterarum Iohannem Moreum, qui res Hispanicæ magno astu & effusa largitione in Gallia promoverat, ad epulas vocavit: nec is diu supervixit, nova rumorum materia; præsertim cum is, qui minister vindictæ fuisse credebatur, nullo cæteroqui merito tolleretur honoribus. Inde Ricardotus à Parmensi in Hispaniam mittitur, purgandis, quæ de non adjuncta classe ipsi objectabantur. Rex & hunc, & qui vicissim arguebatur Medinifidonium coram audit, ac videri voluit utrumque ducem absolvere. Repressa seditione militum paucorum supplicio, & dissoluta cohorte, quanquam bellandi vetere, integras ab eo motu centurias septuaginta jubetur Mansfeldius Bercam rapere. Urbs ea episcopi Agrippinensis tertium jam annum, ex quo Parmensis inde abscesserat, castellis septa tenebatur. Nacti eam jam pridem Truxius & Nienarius, quia causam ille, hic arma contulerat, disceptatam possessionem fœderatis Ordinibus, ut sequestris, permiserant. Sed ejus anni initio Batavi juncto ponte (quo Rhenus transfiretur) & equitatu superiores, commeatum

intule-

intulerant. Exinde missus rogatu Episcopi (ad Parmensem 1589. is ipse venerat) cum parte copiarum Varembo-
 Geldriæ moderator, qui vim & famem propius admove-
 ret, in transitu Blidobecam (hanc olim arcem Scenkus, ju-
 ri parum fidens, ut propriam sibi armis vindicaverat) haud
 incruentus invaserat. Nam præfidiarii, vetus & exercitus
 miles, toto mense tormenta passi, ausique paria, miscue-
 rant cladem, donec graviore inter paucos jactura, per-
 que mortem centurionum discordes (& quosdam suorum
 exegerant) lapsabundis jam munitionibus hostem admisere.
 Insignivit victoriam reperta inter strages mulier, quæ viri-
 li habitu animoque prædam & vulnera concupiverat. Quod
 primis discordiis palam sæpe visitatum: neque ejusmodi
 exemplorum feracior ulla ætas fuit. Nam ut magna belli
 nomina Deus, & Patria, aut Princeps, in partibus atto-
 nuerant animos, libidine odii fas etiam sexus exuebatur.
 At Scenkii ferox semper ingenium propria jactura & pu-
 dor irritabat. Hinc erepti penates in ultionem incenderant:
 inde, quod non satis sibi militis, quo Bercæ inclusos exime-
 ret, acrius animum fatigabat. Contractis tamen quas habe-
 bat turmis vexillisque, locum communivit in Rheni ripa, haud
 procul Refa oppido; obnitente frustra Varembonio; unde ac-
 ceptas anni copias terrestri itinere Bercam ductabat. Dein
 comperto auxilia Verdugoni advenire, citis itineribus de-
 prehensos Luppiam ad amnem Westfalix in campis cæde
 impulit, ut stipendium quod in Frisiam ferebant, fuga di-
 mitterent. Eo successu audentior, Noviomago, cui jam-
 pridem insensus, nocturno impetu excidium minabatur.
 Præmissis equitatu dilectas per tenebras paucis cum ponto-
 nibus, quas milite oneraverat, delatus Vahali, urbem at-
 tigit, ea parte munitam hoc uno, quod annis prælabitur.
 Iubetque expeditissimos suorum dirutis cancellis ædium
 unam, quæ retro in ripam exeunt, irrumpere, ut deinde ca-
 tervatim effusi per urbem turmis jam assultantibus portas
 remolirentur. Sed forte domus, in quam fiebat imperus
 (nec eadem erat, quam Scenkus ante destinaverat, oblato
 per noctem errore) nuptiis tum celebrabatur. Hinc ingens
 statim strepitus, excitique oppidani, ipsam ædem, & ali-
 quos in publicum progressos armis, deinde tormentis ob-
 fidet. Addidit multitudini fiduciam dies, pauci contra per
 angustias & trepidationem atrocius cædebantur. Nec inhi-

*Varembo-
 nius ad
 Bercam
 quoque
 missus Bli-
 dobecam
 capit.*

*Scenkus
 copias Ber-
 cæ infert:*

*Hostes sti-
 pendium in
 Frisiam fa-
 rendum ca-
 de dimitte-
 re cogit;
 Ad capien-
 dum No-
 viomagum
 animum
 appellit.*

1589. bere fugam Scenkius potuit stans in ripa, & modo omnes, modo singulos nomine inclamans, ut perficerent pulcherrimum facinus, ac forti eruptione viam panderent secuturis. Accedebat grave perculsis incommodum, quod assumptas præsidio naves noctis adhuc obscuro infra urbem vis fluvii detulerat, ut fugientes excipere non possent. Cum hostium telis premerentur, rara ad ripam navigia ruentium oneri ac consternationi cessere, interque plurimos ipsum ducem, ut erat, armis gravem hausit amnis. Eum vivendi finem Scenkus habuit, vir suo sæculo præter cæteros nobilitatæ audaciæ: nonnulla domus claritudo; sed ipsi aucta sub Parmensi gloria: mox equestrem dignitatem, & aliâ militiæ ornamenta Licestrius adjecerat. Multum animi: prudentiam sæpe desiderares: jura & leges pati nesciebat, unde ipsi apud milites favor, apud vulgum rectoresque odium: quanquam durum & intractabile ingenium flecti cœperat ætate. Repertum corpus victores ob transfugii memoriam ludibrio exposuerunt. Sed demovere cœgit ultio militis, qui ducis ignominiam in Noviomagenſes captivos acriter vindicabat. Bienio tamen inhumatum capta demum urbe Mauritius composuit. Et Nienarius ea tempestate, dum machinamenta quædam indiligentius lustrat, casu interiit: belli serus, morum inculpatus. Orbatus utroque duce Traxius, quorum manu fortuna partium steterat, tandem dimisit bellum, maxime postquam & Berca hosti cessit: ubi longa & insequentem annum tracta obsidio cladem prius Hispano, dein victoriam dedit. Nam post soluta stipendia adscito in commilitium Scenkii milite, qui luctu ducis efferatus seditionem mûnabatur, quia insula ejus in manu, claustra Rheni, facile emtorem inventura erat; mox ultima Batavos cura subierat Bercam juvandi, spe haud alia, quam ut hosti, cui urbem non poterant, tempora eriperent. Missum hoc consilio comitem Falcostenium duobus cum millibus præter ad-ditos equites, simul occupato in transitu castello amnem superaverat, consequitur Varembonius, nullo in prælium animo, quanquam major advenerat, sed ut euntium tergis cum cæde insisteret. Duas Anglorum centurias, novissimum agmen, regens Franciscus Verius in hostem vertit: sustinuitque impetum, donec circumfusus eques, & universæ mox cohortes signa intulere. Fit pro numero magna strages: & cæsis hostium promptissimis rapta vexilla pedisum decem, turmale

*Cum suis
ab oppida-
nis depulsi
amni mer-
gitur.*

*Ejus inge-
nium, ac
elogia.*

*Nienarius
casu interiit.*

*Traxius
bellum di-
misit.*

*Ad Ber-
cam libe-
randam
missus
Falcoste-
nius.*

*Consequi-
tur Varem-
bonius.*

*a Verio ca-
ditur.*

rustale unum, & equorum magna vis. Pauci cum duce 1589.

effugiunt. Verius illustre hoc virtutis specimen aditum ad dignitates famamque habuit. Varembonius partem magnam cladis Carolo Mansfeldio imputabat : nam is quoque adfuerat, sub ipsum pugnae tempus adductis e Bommeliensi insula cohortibus : posthabitusque nuper, eundem cum honorem ambo peterent, deseruisse nunc æmulum ferebatur. Tuto post hæc itinere victores vehicula cum copiis ad obseſſos perduxere : qui & ipsi stationes proximas feliciter irruperant. Regressi per ignara hostibus periculum fallebant.

*Victores
Bercæ auxi-
lia infe-
runt.*

Nec tamen inclusos adauctæ hostium vires terruere, antequam castellum propter Resam, subsidium commeatus, vadoso flumine Hispanos irrupit. Tertio post hæc mense in annum alterum hyems egrediebatur, cum haud dissimulantibus Batavis, nullam sibi militiæ copiam, qua tantis spatiis divulgatos juvent, ad ultima se consilia applicuere, pacti haud indecentia. Retinuitque Bercam Parmensis, quomodo Bon-

nam & Novesium, Cliviæ etiam urbibus insidians, inter Principis senectutem, & empta potentium studia. Ita præſidiis, aut per addictas potestates Arnhemò tenus Rheni potiebatur. Neque vero Aquægrani libera imperii Germanici civitas salvam habuit pacem inter arma, cum Philippus veterem apud Brabantos principes ejus urbis tutelam ut dominationis nomen interpretaretur, edicto proturbans incolas, qui Romana sacra profugerant. Sed redempta ab regiis ducibus mora, contentique agrorum raptu, urbem distulere, donec multos post annos vis partium in Germaniam versa & hoc in speciem juris obtendit. Dum ad Mosam Rhenumque exercitus, inter congressa passim præſidia pugnatum, multa Mauritianorum præda. Nam & in hostilis regionis intima eques ignibus grassabatur, & obvios commeatus trahebat fulis defensoribus. At mari crudeliores occûrsus, quia Batavi hæc parte virium potiores solita inter pares belli commercia, & jura captivitatis diremerant. Futuri hostes si tantundem pollerent, per furta navigantibus infesti, prædones vocabantur. Hinc irritati crebris suorurn suppliciis Flandri, & qui Batavis e classibus (ut ferox est genus) sceleris alicujus conscientia transfugerant inermes navium, cupiditate ultionis & prædæ, validiores etiam desperatione terrebant. Sæpius accidit, semel memorandum, quia prisca facinora adæquat, pars ut altera alterius navigiis circum-

*Bercæ Parmensis di-
ditur.
Cliviæ quo-
que urbibus
insidiatur.*

*Inter præſi-
dia interim
utrimque
alibi pu-
gnatum.*

*At mari
crudelior s
occursus.*

1589. *Angli Hispanis bel- lum repositi- tis i Anto- niu in Lusitaniam reducant.* venta pulvere tormentario seque & hostem incenderit. Tanta est cura vitam desperantibus non inultos mori. Hoc primum tempore, quæ hæcenus alienis tumultibus quieverat, bellum sibi reponi sensit Hispania. Nam Angli assumtis Batavorum navibus & milite, Gallæciæ maritima temere adorti, deinde Antonium in regnum reducebant, fixis ad Vlyssipponem castris. Naves Regina de suis attribuerat sex: cæteræ erant centum & viginti, quæ Draco imperabat, pediti Norisius, spem prædæ inter se partiti. Tanta successuum initia, ut jam Albertus Austriacus Philippi nomine urbi præsidens fugæ se pararet. Sed privatorum conatus erat, inde per incerta obsequii, & rerum necessariarum exiguo provisu, & potus quoque intemperantia morbis grassantibus, incertum reliquere, Lusitanorum studia & opem a Mauris vane promississet Antonius, an ipsi festinato abitu corruerint. Nec auditi Batavi, qui arces se maritimas regni que aditum servare paratos ostenderant. Ut soluta obsidio, statim qui res novas sperasse convincebantur ab Hispano ad supplicia rapti. Ab Anglis nihil actum ultra, nisi quod receptu non laceffito, & irruptis impune castellis, apparuere invalida Hispanici imperii: & direpta mox obvia classe Germanorum Balticis e civitatibus, occasio gentibus data est per legatos inter se & scriptis certandi, an copias quibus pacati populi hostem juvant, rite in prædam venirent. Sed & Gallia in partes adscita miscuit causam, postquam Guisium aperte defectionis autorem Rex interfecerat, ipsumque mox Regem percussor monachus, ultimum Valerorum sanguinem; & in utriusque ultionem arma capiebantur. Francicis non dubie moribus ad Borbonios pertinebat successio: sed caput gentis Henricus Bearnensis princeps e regno Navarræ vix quicquam præter nomen usurpans, ut quod jam olim Hispani interceperant, professus Reformatam, quam vocant, religionem, etsi utrique sectæ jus æquum pollicebatur, traxerat nobilitatem, exclusus oppidis. Versaque rerum facie apud Romanenses culpa defectionis, penes alteros regum nomen conspiciebatur. Nec suo Philippus exemplo territus est, quo minus Meduanum (Guisii is frater duplici pietatis obtentu utebatur) non occultis jam opibus, sed palam auxiliis firmaret, ut interjectum sibi & Belgicæ regnum, atque olim utrinque metuendum, occuparet discordiis, si adessent successus, suorum alicui fiduciarum potentiam traditurus. Isabellam quippe filiam ostentabat Henrici secundi

Gallia in- terfecto Henrico tertio in partes vo- mit.

Ejus suc- ces- sor Bearn- ensis princeps,

Ne regno possidetur Medua- nium Phi- lippus auxi- liis firmat.

secundi Galliarum regis e filia neptem, dignissimam quæ regno imponeretur, vel ob paterna merita, vel ob maternum sanguinem, eoque iustius, quod Britannia Armorica, ut alia quædam Galliæ, foeminarum imperia etiam antehac novissent. Parte alia Sabaudus gener prolatis finibus aperiebat Alpes. Accepto nuntio, Lamotam missu Parmensis cum equite & cohortibus in Galliam proficisci, pecuniam Borbonio & quatuor Anglorum millia Regina transmisit: nec Fœderatarum gentium Ordines auxilia segnius decrevere. Missisque navibus cum alimentis & quæ bello idonea, pecuniam addidere, liberalius quam pro rerum præsentium angustiis, ob spem futuri. Id vero magnificum & leniendæ libertatis invidiæ fuit, Reipublicæ opibus Regnum juvari: nec minus utile eventum, & hosti exitiosum, dum Walonicæ gentes expositæ armis, quibus olim causam dedere, pari malo affliguntur; suis sive Gallicus miles assultaret. Deinde vires Hispanorum Gallia retentante vincendi tempora Batavis patuerunt; auctique limites, ærarium, copię octo per annos, donec Borbonius, sua virtute, perduellium turbidis rebus, & ipse tandem Romanam in religionem mutatus, cuncta partium sub imperium accepit, posuitque magis arma, quam pristini fœderis memoriam. Consequens videtur, quando rerum Gallicarum mentio incidit, scrutari, quantum humanis rationibus fas est, quomodo paribus cum Belgico initiis in tam diversa processerint. Nam olim constituta pace Philippum inter & Gallias eadem dominantibus sententia, & mutuum fœdus, excindere religiones, quæ per bellum & impunitatem auxerant. Galli dein procures invisa Guisiorum potentia, & ne despecti ægerent, ut Belgæ contra Hispanos, usi occasione, multitudinem pro sacris periclitantem in tumultus & arma civere. Sed dissimillimi exitus: illic integrum obsequium, atque ita victrix Romana religio, ut alteram premat, non opprimat; hic abdicatum vetus imperium, ritus infociabiles, & inter libertatem servitiumque divisi. Causam putem, quod Lotharingi per se invalidi occulte, dein palam, modicas foris opes accipere, & quæ fortunam non facerent, sed sequerentur. Ita vis præcipua in præscriptione regii nominis, aut vulgi studiis erat, quæ munimenta non diu valent, ubi utilitatis experimentum contra est. At Galli unius populi reges totas intra se vires habent: ita sæviendo minuitur imperium, & quicquid ultioni impenditur ipsis perit. Ne plebs quidem,

1589.

*Lamota a
Parmensi
cum milite
in Galliam
mittitur.*

*Angli Ba-
tavi-
Borbonio
auxilia
mittunt.*

*Qui cum-
Ea tandem
sub imperi-
um accipit.*

*Gallicorum
motuum
cum Belgi-
cis compa-
ratio.*

1589. quantumvis infensa sacrorum dissensu, postquam belli mala sensit, vindictæ quam quietis cupidior. Hinc properata toties pacis edicta, toties turbata, fractis jam populi studiis, ut bellum ponerent magis, quam pacem servarent. Longa arma pertæsi in vim & perfidiam impulsu quam obstinatione ferebantur. Et sueti regno prius componi potuerant, si rex unus, egregius pacis bellicque artibus, sese & jura ad vires partium temperasset. Novi dominationibus, ætate rudes, diversa per vitia discordias aluere, dum fervidi ingenio, aut per luxum segnes, rapiunt cuncta aut remittunt; ea tantum quietis mora. Contra Hispani regem nacti eadem volentem odio Belgicæ libertatis, & qui rerum usu insensceret, tantis extra viribus, solitudinem Belgicæ non metuebant, provisis non Italiæ modo, sed Americæ exemplis, ut colonias facerent, ubi provincias non possent. Superbia, avaritia, crudelitate gentis peregrinæ offensi, etiam qui in Romanas caeremonias nihil peccaverant, donec nonnulli circumventi simulatione rerum meliorum, cæteris documentum fuere, ut contumaciter odia exercerent, dissidentia pacis, quasi quætegeret ultionem. Ita bellum non inclemens minus quam sunt civilia, durat tamen ut externum. At per Frisiam Wilhelmus Groningam urbem, impar majoribus conatuum, frangebat inopia, munitionibus per agrum irruptis. Rheidaque oportuni situs peninsula ad Amasium flumen, & sinum maris, a fluctuum rabie Dullartus qui dicitur. Verdugonem urgebat super hoc malum suspecta civitas, quia prælidium recusaverat. Inde aucti, hic novo peditum delectu, Nassavius equitate, mutuo metu vel audendi occasionibus annum sequentem continuavere.

HUGO.

HUGONIS GROTHII HISTORIARVM DE REBVS BELGICIS LIBER SECVNDVS.

SVMMARIVM.

Dolo navis cessites vehuntis Mauritijs Bredam capta: Parmensis frustra eam recuperare conatur; ejus jussu Nordamum nullo oppugnatur successu. Mauritijs Voranagum munis, Cnoedsenburgum molitur. Parmensis Regis jussu in Galliam ducis: illo absente varia Mauritijs oppida expugnat. Germanis propter temerarios fines apud Parmensem anxio differentiibus ferociter respondetur: eorundem apud Ordines expostulatio; eorum responsio. Federatorum reposita expostulatio. Parmensis ex Gallia redux multis angitur; militis ejus seditio. Ascalitano cum copiis in Galliam misso Federati animos astobant: Zutania objacens castellum capiunt. Mauritijs Zutaniam & Darentiam expugnat; Frisiorum rogatu in Frisiam ducit exercitum. Relicta Groninga captum Delphizylium munit. Parmensis accepta a Mauritijs clade Cnoedsenburgi obsidium omittit; retrudescente morbo aquas Spadanæ petit, seditiosos milites pacat. Mauritijs Hulstium capis, Norwimagum obsidet. Capta urbe summis populi gaudiis in Hollandia excipitur. Imperatoris Legatio Ordinibus suspecta. Exitio Terraconensium ex occasione narrationis. Parmensis iterum in Galliam ducit. Federati Borbonis subveniunt. Groningensium apud Parmensem querela. Mauritijs Ultrajecti & in Zelandia turbas componit; Scomovicum obsides, vulneratur, oppidum capit; ejus in vias moderatio. Elisabetha militem suum revocat. Depulsis Oshmarso Hispanis Corvordium Mauritijs obsides, atque oppidum frustra obtinente Verdugone expugnat. Parmensis tertium in Galliam proficiscens moritur: de morte illius suspensiones: ejus mores & elogium.

In cubitura in Frisios belli moles videbatur, ni 1590.
capta Breda traxisset exercitus. Brabantia id Fr. Br. de defor. pte.
oppidum jam olim accensetur, fertili circum
agro ad confinium Hollandiæ, & septendecim
vicis imperitans. Ab amne nomen; is Aa hactenus,
in latumque editus mœnia perlabitur; mutato in Mercam
vocabulo: & mox ad Septembergas oppidum in maris sinum
se immergit. Polana domus Baronum titulo ex emto tenuit;
inde Nassavia Engelberti matrimonio, cujus Henricus pro-
nepos munimenta fossasque addidit, & nobilissimam arcem,
præsi-

1590. præsidio simul & ostentui. Belli usus novissimis temporibus propugnacula, cæteraque arcendis hostibus, & a difficili expugnatione gloriam adjecerat. Dolum, quo capi posset, nauta monstravit. Philippi Nassavii impulsu (Iohannis hinc filius, missus gentile in bellum, partem militis & pauca ad Mosam oppida regebat) Heraugerius Cameracensis centurio, re æstimata cum principe Mauritio, cepit audendi consilium, Lambertumque Charlium, strenuum militem, adoptavit in facinoris societatem. Navis assumpta fraudi, quæ solita partes inter commeari fide publica, ut alimenta ignium Bredam conveheret. Limus Hollandiæ paludibus editur, qui postquam solibus inaruit, scissus in cespitem, ligni præstat usum. Nam bitumini sulphurique par ingenium efficit inclusus terræ calor, quem ut alibi montium incendia, ita hic prorumpentes interdum flammæ prodiderunt; nisi prostratæ olim silvæ, impulsu maris ac turbinum, postquam superinducta humo putruere, mutata facie naturam retinent. Imponitur carinæ oblongæ lecta e cohortibus & prompta in periculum juvenus, numero septuaginta, quos tenui interjectu tegerent cespites, dissimularentque. Diu parum favit fortuna audaciæ, ut solent ejusmodi conatus malis onerari, etiam quæ non metuantur. Adversâ vis venti, & quam exitu hyemis, asperum frigus; mox defectus ciborum, quos mora consumserant, prima tempora abstulere. Nec silendum reor, has inter moras, rei quæ agitabatur, velut jam patrata, perscriptos ex Anglia rumores. Vbi refoverant corpora, & animos Heraugerius sermone firmavit, missio ad Mauritium nuntio, qui proximam apud insulam militem occultabat, haud procul Bredâ repetitum iter. Intra aquæ septum, quod arcem propter est, pervectos, unde regressus non erat, nova calamitas terruit. Nam fluminis recessu afflictus vado alveus, sive glacies pertudit, operi undis coeperat. Ibi inclusi trepidare, ac detestari infelices latebras, madentes genuum tenus, donec æstu levata navis nulla humana ope persfluere ultro desit. Explorandi curam, quasi ex usu magis disciplinæ, quam quod necesse arbitrarentur, præsidii rectores ad minora quisque officia relegaverant. Multorum per socordiam ad manipularem rejectum munus, qui, securus exemplo jubentium, puppe leniter pertentata nihil ultra scrutatus est. Et forte evenerat, quod vix alias, ut rursus frigus nemini excuteret.

Servari

Navis co-
spices ve-
lontis
fraude
Mauritius
Bredam
cepit.

Rai gesta
historia.

Servari meretur vox militis, qui prætenuens ne spiritu prorumpente secum cæteros proderet: Occidite me, inquit, commilitones, ne occidamur. Ipsi navem præsidarii in arcem traxere, quod non satis soluta glacies aquas attineret. Inde alia rursus incommoda, quippe admotum propius periculum formidinem expresserat, & in Heraugerium querelas, ut alieni pariter sanguinis ac sui prodigum. Pars omni projecta spe salutis tenebras non morari, sed, quando moriendum esset, apertum cælum, & hostem in quem caderent, poscere; ne in illo suo carcere oppressi ad supplicia traherentur: torpere plures, nec tam ducis hortamenta ad virtutem & gloriam, quam desperatio compulit coëptum exsui. Ejecta pars oneris, nec ultra levata navis, ne insidias nudaret, solertia nautæ lassitudinem simulantis; cui & vox & vultus miram animi præsentiam præferebant. Media fere nox erat, nec illunis, cum educere visum milites admonitos prius ad decus & præmia victoriæ; desertoribus vero animosi facinoris non vitam, ne mortem quidem honestam dari. Haustu sentinæ averse hostium aures; ita exiere, quod mirum est, inobservati excubitoribus. Pars militum prætergressi armamentarium obvios vigilum, dehinc custodes portæ, qua in oppidum itur, intra stationem obruncant: nisi quod ausus prorumpere signifer, & infesto mucrone vulnus in Heraugerium ferens morte haud ignava procubuit. At Charlius, cui attributa erat manus altera, præsidium hostile in arcis intima compulit. Aquæ ædes ambiunt; has in spem novissimam retinebat Paulus Antonius Lanzavechia vice patris Bredam regens, juvenis, & belli artium rudis. Ipsum Odoardum Gertrudisbergæ, tres leucas distantis, munitio, & creditus illuc copias trahere Mauritius detinebat: quippe submissi specie exploratorum, qui falso metu vulgato verum averterent. Nec levis error Parmensis, qui uni dæo oppida servanda commiserat, cum vix singulis singuli sufficiant; & bene meritis alia sint sine periculo præmia. Sed Paulus, si forte exiguam adhuc manum prælio exturbaret, denso militum cuneo (sex & triginta adsumserat) egressus ponte hostem irruit. Vicere quibus vinci non licebat: multaue cæde saucius ipse, qua venerat, refugit. Exaudiri interea per urbem pugnantium tumultus coeperat, & oppidani portas arcis irrupere, ni Heraugerii miles proxima e porticu glandibus arceret. Tandem accepto rei bene gestæ signo adest

Hohen-

1590. Hobenloius cum parte Mauriciani exercitus, qui speculabundi non procul substiterant. Cum portam glacies moraretur, septum e palis transiere: nec distulit Lanzavechia, dedito quod arcis retinebat, incolumitatem pacisci. Secutus confestim Princeps & major altera exercitus portio, pedes turmaeque, per arcis portas impressionem minabantur. Sed pavida civitas, & praesidio nudata, bimestri stipendio direptionem redemit: namque Itali, queis commissa oppidi tutela, (erant hi centuriae peditum sex, turma una) quorum officium fuerat aut pontem arcis oppidoque medium abrumpere, aut aversas ab hoste tenere portas, ad armorum ex arce sonum exterriti, atque inter se jam pridem discordes, hoc facilius in fugam consenserant. Quod fere ejusdem animi est, pavidi hostium, hospitibus infensi, nullo, dum oppidi poterantur, abstinerant contumeliae aut libidinis genere. Itaque desertorum supplicio affecti, cum Parmensis populare flagitium in suum quoque pudorem vindicaret, sero sceleribus poenas solverunt; excepto Intemelio, quem adolescentia & nobilitas sua supplicio exemit. Et Odoardus Lanzavechia, quasi poenam sibi irrogans, Gertrudisbergae praefecturam a se abdicavit. Victor ingressus paternos penates Mauritius populum accepit in fidem & ditionem: pressam stipendii solutione civitatem (& multo plures quam affuerant milites nomina profitebantur) dolens magis quam accusans, modestia juventae, & ne privata curare crederetur, quanquam ad centena florenorum millia crescente summa, cum Parmensi Antverpia quater centenis haud amplius pependisset. Tum Heraugerium praefectura oppidi, ceteros deinceps honoribus & praemiis attollit. Decreta & ab Ordinibus supplicatio, ac publica gaudii signa, utque nummi inscripti primam ducis ac sine suorum sanguine victoriam testarentur, quae postea mos secutus usurpavit, quoties prospera evenerant. Nec ingenia defuere, auspicia Principis & non degenerem dolum celebrando: ita Trojam equo ingressos Graecorum proceres; seu vere talis effigies, seu navis insigne fuit. Ipsi us urbis fortunam comparabant, quam novem ante annis Altipenna absentia praesidii, prodicione vigilum, deinde oppidanorum strage inceserat. Relictis centuriis quae tuerentur, & turmis ad incurfandos Brabantorum pagos, discessit exercitus. Simul convectae copiae illorum providentia, quos Princeps conscios habuerat expeditionis.

ditionis, longum in tempus sufficiebant. Sed ubi in Germaniam Parmensi nuntius advenit, fessus ipse tædio, an per consilium armis abstinens donec ex Hispania literas acciperet, ne agros impune raptari pateretur, Carolum Mansfeldium Berca reducem ire cum parte altera copiarum & claudere exitus jubet. Spes falsa accesserat, inesse paucorum dierum alimenta, & recenti obsequio fluxam oppidanorum fidem. Premebat latus Gertrudisberga; cætera Mansfeldius præsidiiis ambit. Sed ventura Bredanis a tergo auxilia metuebantur: nam Merca Mosam influit, modicas ubi insulas Mauritius milite compleverat. Ipsum igitur ansem, qua Bredam elabitur, ponte & castello claudit; Terheidæ loco nomen. Dehinc milites Septembergas in ultimo ejus continentis, & invalidam arcem pleni irarum rapiunt. Nordamum restabat, supremus labor. Castellum id vacuis quondam temporibus ex humo situm cingunt fossæ æstu madentes, præsertim ubi aquilo impulit, & retro ductus agger; ripa scilicet abscissum, insulæ in modum, Mosæ æstuario alluitur. Mathias Helliuss tuebatur, inclytus jam Bredani periculi societate, & militum quantum satis e proximis insularum. Postquam aliquot per dies tormentis nequicquam territaverant, pontes cæteraque ad incursum parabantur. Simul immissa navis, & summa mali in corona armati qui propugnatores telis depellerent. Obseffi ubi adventantem conspexere, ardentes scaphas contra destinabant, quod periculum ventus avertit, & applicuit ripæ. Ut propinquatum est, fluminis vortex circumactam navem in fossam tulit; hærentem vadis retentant alii, pars faces ingerunt: ac miles telis dejicitur, patefcens ad ictus, ac non quo voluerat latere objectus hosti; ideo nihil hac munimenti obtenderat. Mansfeldius, ut multam suorum cladem & obstinatam præsidii fidem conspexit, nec minus adjacentibus insulis arcebat, non tam obsidium Bredæ quam proditionem sperare: ibi frustra hærentem emissus oppido eques quotidianis præliis laceffebat. Mauritius interea recollecto milite tenuis exercitus ductor (quatuor peditum millia erant, & rarus eques) in Gældriam concessit, velut Noviomago imminens. Sed machinamentum subitæ oppugnationi paratum, quo muri appenso vi dissilirent, successus defecerat. Gallorum id repertum ex ære, pilei forma, cui inclusi cum pulvere nitrato globi & e ferro quadrantalìa. Exin virium conscius, atque impar obfidio

1590.

*Parmensis
Mansfeldium ad
Bredam re-
cuperan-
dam, mis-
sit.*

*Mosam
ponte &
castello
claudit;
September-
gas diripit:*

*Nordam-
um frustra
oppugnans.*

1590. obsidio, quia proximis e locis arma & commeatus in urbem

*A Mauri-
tio Novio-
mago im-
minere viso
Breda ab-
ducitur.*

venerant, hæsit tamen atque eminus lacessivit, si eo terrore hostem Breda abduceret; quod evenit. Nam postquam diu irritus obsidii uterque, Mansfeldius auctis copiis, quia valdius præsidium civitas ob notam militis lasciviam aspernabatur, propinquum laborantibus auxilium, Mosam inter Vahalimque confedit. At Princeps, Batavorum intra insulam continuit exercitum, & metu ne hostis flumen transgrederetur, dispositis per Vahalim navibus, ripam quoque omnem præfidiis munivit a Rheni divortio adusque Mosam ei influentem, qua parte Vorenam insulam Solmenis (is datas a

*Vorenæ
Mauritius
munitis:*

Mauritio centurias regebat) justis munitionibus castrorum in morem instruere jubetur. Perducta & fossa e Vahali in Rhenum, qua, vitato Noviomago, subvectæ copię in Germaniam navigarent, additis aggeribus ad coercendas amnium exundationes, Hollandorum maxime nisu & impensa, qui securitate ac commerciis juvabantur. Tutam per hæc ripam Mauritius obtinens, mansuram castris sedem molitur exadversum Noviomago; Cnodsenburgi nomen milites fe-

*Castellum
exadver-
sum Novio-
mago molitur.*

cere: inde in urbem, quæ ex ripa clementer assurgit, & contra instruentes, vis immensa globorum adigebatur. Sed qui castellum exstruebant, noctem plerumque aut velum prætereundere, ne ad ictus destinarentur. Major oppidanorum perniciēs, quos turres, & eminentia operum irruebant. Nusquam tuta habitatio: clausum flumen; quæ per mala, in-fuēti bello, cupidi mercaturæ, ad mutandam fidem paulatim trahebantur. Sic apud Noviomagum exhausta ætas, cum Parmensi interea sumptæ iterum Spadanæ aquæ, simulque res secundiore nonnihil valetudinem firmavere.

*Parmensis
belli Gallici
mandata a
Rege acci-
pi.*

Nam Ricardotus continuus semper Ducis & consiliorum particeps, ex Hispania literas retulit honorificas in Parmensem, quæ, stabilita veteri præfectura, belli Gallici mandata continebant. Ita Regi visum, prout id putanti, sive ut difficili certamine curas ejus distringeret. Contra Parmensis suaserat, relinqui suis discordiis Gallos, dum Belgica perficerentur. Sed gnarus ferenda ubi cœperis dominorum ingenia, necessitatem in gloriam vertit, offerri famam ratus & ultro auctam periculis. Nam in Hænoviam digressum, unde propius curaret, assequuntur nuntii, Evriaca acie stratum cum auxiliis Egmundum, & jam premi Parrhisios victore exercitu. Nec diu, cum Medmanius ad socianda consilia acci-

tus

tus fortunam partem coram testabatur. Postquam de summa belli secretis ducum colloquiis deliberatum est; Parmensis exeunte ætate regii exercitus ipsa robora in Galliam duxit; novi e Germania delectus sequebantur, & quæ Hispanorum manus Cortraci & Menenii seditiose admodum egerat: sed ante abitum partem stipendii oppidanis expressere, reliquum a Rege numeratum est; institutumque tunc exemplum quod mansit postea, ut scutatus militi in decem regales imputaretur. Cohortes universæ duodecim millia, tria equites confecerant. Petro Ernesto Mansfeldio summæ rei per Belgicam cura: reliquæ militum Carolo ejus filio permittuntur, & jussæ in præsidia referri, ne quod amoto lubsidio discrimen adiretur. Hæc ubi percognita, misit Mauritius usque Germaniam, qui vacuæ agrorum possessioni insisterent. Captæ munitiones, quibus Hispanus ripam & aditus itinerum obsidebat: excisæque opera hostibus sita pacato in solo ad Rhenum Mosamque. Aliæ manus, ut cuique proximum, e Brabantia Flandriaque prædas petebant, intima illapsi: nec vici tantum, sed infirmiora oppida per vim irrupta desolabantur. Per autumnum ipse brevi transcurso, quæ anno priore secundum Mosam, & circa Bredam nuper Mansfeldio dedita, recuperavit: eruitque minus idonea. His Stenobergam paternum oppidum annexuit, inclytum quondam portu: nam Merovæ diverticulo adjacet; mare & bellum exitio fuere. Certatum & navibus feliciter, quæ adversus hostes regis Galliarum Normanniæ littora præsidebant. Nec omissi astus. Mauritanii Dunkercam, pelago nocentem, navibus & scalis petivere. Lochemum ex insidiis Hispani: utrumque præcognitum. Multus hoc anno rumor parari Germanos in bellum & ultionem finium, quos vicina arma temeraverant. Iam aggregari partibus, descendere in causam, ut cuique conscientia & hostis odium inerant, per opem aut contemptum interpretabantur. Nam Hispanus miles extrema Friuliæ obtinens Transrhenanos agros villasque vastabat: nec his modestiores, quos Geldrica præsidia Cliviæ & Iuliaco circumfuderant. Quin supposita prædæ, quamvis ulteriora, captis arcium perfugiis, urbibusque. Tum insæcuti Batavorum equites premebant hostem, licentiam imitabantur. Ita circumventi fiducia pacis & belli claudibus concilium indixere. Vbi longa cunctatione, ut mos gentis est, consilia trahendo, interdum & minis, remedia

1550.

*Exercitus
in Galliam
ducit.*

*Mansfeldio
interim
summæ rei
per Belgi-
cam com-
missa
Mauritius
absente
Parmensi
variâ oppi-
da expu-
gnat.*

*Rumores
Germanos
in bellum
parari pro-
pter seme-
natos fines*

*Concilium
inducunt.*

1590. magis quam mala differebant. Decreta ad extremum legatio quæ ex postulatione fungeretur, deponique aut sisti intra certantium terminos bellum juberet. Apud Parmensem, quo tempore Gallicum iter aggrediebatur, anxii disseruere: hoc ille ferocius respondit, solitus alioquin id genus querelas ambiguo sermone aut rejiciendo eludere. Pluribus finitimorum cladibus veteres gentium discordias stetisse; nec enim belli modum ducis in manu: sed quomodo incendia, & aquarum eluvium, cæteraque naturæ aut fati mala, ita præsentis temporum necessitates ferrent potius, quam ferendi impatientia irritarent. Cæterum si prior hostis excederet alienis, & se, quæ Germanici essent soli, redditurum; modo salva esset Regi pecunia, quam bello Agrippinensi expensam ferret. Cogitarent interea, si quid tolerandum sit, mereri hoc priscam religionem, cujus gratia in Germaniam ultro accitus esset. An vero dubium coalita libertate quos spectet exemplum? feroces jam dudum populos speculari vicinos exitus, & suas vires, ut proximum quemque principem & invalidum fastigio devolvant, quando tantum in reges liceat. Orandam potius bonam fortunam, ut quos penes armorum culpa sit, præliis aut pœnitentia victi resumerent obsequium. Id brevi futurum, si interscisso undique comœatu suis angustiiis damnentur. His verbis dimissi Fœderatas gentes confidentius ingrediuntur, & audacioribus postulatis. Nam reddi Gravewartam insulam, quæque alia suis in finibus tenebantur: deinde incustoditos transitus, exonerari Rhenum Amasiumque Germaniæ amnes terrore classium & vectigalibus imperabant. Ad hæc Ordines, ut æquiorum studia sibi adjungerent, turbatæque pacis culpam sibi assignatam in hostem amolirentur, orsi ab inquisitionibus & cruciatu, exutos antistites, stragem nobilium, oppressam plebem, cæteraque servitii mala enumerant. His, inquiunt, injuriis compulsi ad arma, non aliud tam longo difficilique bello querimus, quam ut sanguinem nostrum ab ista sævicia, uxorū virginumque corpora ludibrio arceamus. Ea spes, is finis armorum; neque nostra paupertas cuiquam invidiosa est, non magis quam fortis Helvetiorum libertas vicinis metum facit. Illos timere & crucere æquius, raptores Orbis, quos non Americæ solitudines, aut Bæticorum Belgarumque cædes, non Lusitanæ & per Italiam servitus satiaverit. Quomodo belluæ feræque piscium & gregum præda pascuntur,

Apud Parmensem anxie dissensionibus ferociter respondetur.

Quo audacioribus postulationibus Fœderatas aggrediuntur.

Ordinum responsio.

scuntur, ita magna semper imperia minori potestati exitiosa sunt. Adeone igitur obsecrum, quorum nunc cum maxime fraudibus sollicitentur Angli, desciscat Hibernia, armata in regem Galliarum ruant? Sedent & inter vos qui emti pretio jubeant quicquid Hispano conducit. Etiam qui odere, metu obediunt, quomodo Indorum apud populos pravi Genii coluntur, tantum ne noceant. Ille Cliviarum urbes impune prodicionibus petit: traduntur ultro aliarum in pignus societatis & accepti sacerdotii præmium: ubi fida sceleribus receptacula, & tot rapinarum sinus. Opulentissimus dominorum flagitanti stipendia militi vos monstrat, totaque cohortes & alæ Germaniarum tributis saginantur. Nos illud nunc contendimus, ne pari in causa disparem fortunam patiamur. Nobis, si cui unquam populo, cura est solutis ad diem stipendiis innoxium habere atque inturbidum militem. Testantur edicta, & supplicia in legibus fontes, quatenus bellum regi potest, parci quiescentibus. Tantum ignoscite, si quando plus militi, quam rectoribus licet. Priscam Batavi fidem vel in sejunctissimas nationes etiam inter arma servavimus: nedum Romanarum olim potentiarum socii & clientes, confanguinei Germanorum, magnam parentem, quæ duces nobis, quæ virtutes ac verum libertatis exemplum suppeditat, perfidia violemus. Gravewartam jam ante bellum & impensas certari juris, ut cujus insulæ summum imperium Geldrica ripa sibi vindicet, tuendis finibus, non in cujusquam injuriam retinemus. Cæteris oppidis aut castellis, etsi erepta hosti jus pacis perdiderunt, ea sponte cedimus, ut quemadmodum vis ab Hispano coepit, ita juris penes nos initium sit & exemplum. Onera commerciorum quæ nostros per fines eunt, non gentibus vicinis quam civibus graviora sunt; extorsit bellum, quod alta quoque pace validi principes usurpant. Tollere præsidia navium, cum hostis undique anni immineat, intutum. Pro sint potius commercantibus, & vos pariter nobiscum tegant. Introducta per eos dies & Coloniarum Agrippinensis, & Leodiorum legatio. Vtrique populo antistes Bojoarus. Igitur Patres, segregata a se causa Truxiani certaminis, multa dequesti in antistitem, cujus inexpleriles cupiditates Hispanicis opibus niterentur, Agrippinensibus tutum spondent quantum, si medii partium æquarent studia miscerentque. Leodiorum non eadem conditio: prope hostilia ausi, & pertulerant. Objecta illis sub-

Agrippi-
nensium,
& Leodio-
rum ad
Ordines le-
gatio.
Patrum re-
sponsio.

1590.

plicia infontium religionis crimine. Deinde Hispanis cum cætera Belgica indiscretos haberi : ita palam statui hyberna, exigi ætates, quæ, si non plane volentibus, certe tolerabantur. Sperare amicitiam ubi sic mererentur, atque interea iussi captivos abducere. Hæc longius evolvere haud absurdum fuit, ut quæ ad vicinas civitates belli ratio, quis pacis modus, noscantur. Neque enim post hæc abstitum rapinis & injuriis, ut quæque gens pavore periculi, inderdum & sponte, huc aut illuc inclinaverat. Vix unquam libera armis itinera, dum hostem utrique velut fugaturi hoc ipso trahunt. Ita repetitis sæpe legationibus eadem, dicta, auditaque iam Batavi tradiderant munitiones, sane longius sitas quam ut facile defenderentur : simul ut Hispano invidiam, & si possent, bellum concitarent. Nam ille nihil horum præstare, quæ nuper convenerant : & erant in concilio Germanorum, qui in obsequium abnuentes vim & arma postularent. Sed principes alii & antistites, societate Latinæ religionis, aut propius devincti, prolatandis consultationibus & spe Belgicæ pacificationis, impetum fregere. Missi a Fœderatis gentibus, qui prodi se perfidia hostium, amicorum ignavia, quererentur. Omissis a se belli præmiis, Truxio in privatum recondito, impune adhuc Philippi signis Rheni urbes possideri. Nec obtinuerunt tamen quo minus Imperator, pro armis in Hispanum, adversantes ipsos suspecta pace quotannis obtunderet. Fine anni regressum Parmensem, quanquam liberatæ fœdam post famem Lutetiæ, & infesta inter agmina reducti exercitus gloriam deportabat, angebant multa, invisus ipse & miles Gallorum vulgo, nec acceptantes præsidia civitates externi servitii metu : hinc summæ spes Philippi irritæ, & parum certa societas. Hostiles per Belgicam excursus, capta munimenta ; Verdugoni in Frisia capto Ementillo, castello modico, cætera infelix bellum, & ibi quoque miles seditione haud longe. Terrebant & Venloæ oppidani (Geldriæ ad Mosam locus est) qui tædio malorum cum duplici præsidio affligerentur, Italum Germani militis opera, dein validiores hunc quoque exegerant. Quin & novata seditio crudefcebat, ex quo Mansfeldius festinato per Germaniam delectu, ut Mauritiï progressus coërceret, auctoramentum recenti militiæ comparaverat, exinanitis aliorum stipendiis. Vetus belli erat is miles, atque hoc per-

Fœderatorum expositio.

Parmensem aut Gallia reducere multa angunt.

Militis Parmensis festinatio.

tina-

tinacius furebant. Ineffoque Herentalio & vicinis Brabantorum oppidis, hostilem in morem regio, Campana nomine, vastabatur : tum si quis resisteret, stupra, cædes, nihil illiciti. Ita vexatis agris minus in dies stipendii, & plures qui poscerent. Sed spargi debuisse munitas in urbes suspectum militem, permixtum tyrociniiis, Parmensis assererat ; serum post rem consilium ; & quasi transmoto crimine inane solatium publicæ infelicitatis. Nam & plures aggregabantur, qui fessi duro atque inopi itinere felix otium & negata præmia manu rapiebant. Sed cohortes nonnullas Parmensis apud Meduanum reliquerat : rursusque alias ejus precibus concessas jubetur princeps Ascolitanus in Galliam ducere. Hunc in modum distractis hostium viribus, dumque inobsequens domi miles, aut bello novus, etiam anni prioris successibus animos sustulerunt Fœderatæ gentes, ut, quæ vix trepide hæcenus fines suos tuebantur, arma ultro inferrent. Quidam expectari suaserant, donec in Galliam abiisset Parmensis ; potius aliis visum rapere occasiones : si nihil aliud, Parmensis in Galliam impediri conatus, satis magnum operæ pretium fore. Nec longa dubitatio, unde placeret inchoare fortunam ; quanquam enim Frisis ad se vocantibus, plurimum intererat liberari Isalam præsidii Hispanorum, quibus ager Geldriæ Velavus, & Trajectinus, quique proximi Hollandorum, incursionis metu vestigales erant ; quod ab Arausionensis temporibus perpetuo agitata, vi hostium aut sua infirmitate omiserant. Ut primum pabulandi tempus advenit, & descriptis inter se stipendiis numeros expleverunt, Franciscus Verius (hunc Anglis omnibus Regina præfecerat) Dufoburgum præmittitur. Ejus e manu pauci agrestium foeminarum habitu & mercimoniis, velut hostem adventantem fugerent, ingressi munimentum, quod amne discretum Zutphaniz objacet, arma vestibus occultata in custodes expediunt, partim suis ipsos telis, incautos primum, tum pavidos sauciant, capiuntque. Pridie castellum Verius occupaverat, quam copias eo Mauritiustulit : octies mille pedites, alæ duo millia effecerant. Aderantque cuncta oppugnationibus idonea, & lecti e Senatu, consilium & socii curarum. Sed apud hostem prævenerat fama, Brabantiz urbes, aut Gertudisbergam peti, quia paucis ante diebus capta ejus regionis castella aggeresque miles infederat. Iuvit errorem Princeps, dubio primum itinere, velut Mo-

1590.

*Parmensis
Ascolita-
num cum
cohortibus
aliquot in
Galliam
mittit.*

1591.

*Fœderati
occasione
intenti ani-
mos assol-
bunt.*

*Verius astu
Zutphaniz
objacens ca-
pis castel-
lum.*

*Mauritius
cum exerci-
tu accedit.*

1591.

fam intraturus. Sed subito in Rhenum flexu ad Isalam ver-
tens, obvium illic habuit Wilhelmum, & duo millia Frisio-
rum deducta præsidiis. Simul e Verio & captivis cognosci-
tur, teneri ripam: hostem hac securum, alibi pavere: ideo
non urbi firmatum præsidium, non alimenta nisi paucos in
dies. Priusquam commeatus & subsidia adventent, opprimi
inclusos posse, haud plures sexcentis armatos, nec multum
paganæ manus. Nam oppidanos jam olim plerosque profu-
gisse militares injurias. Primos inter paratus, comes Falco-
steinius, Truxianorum ducum supremus, occubuit; dum
quosdam hostium refugos, in urbem avidius sedatur. Sed
vindictatum corpus, ereptumque ludibrio. Imponuntur flu-
mini naves anchoris deligatæ, pontis in morem, quæ dispo-
sitæ per utramque ripam stationes inter se connecterent:
dehinc jussi alii immunire viarum præsidia, obliquatas alii in
artem fossas producere, quo terræ objectu tuti adversus te-
la defensorum moenibus succederent; nox operi assumpta.
Triginta numero tormenta nautæ, quorum exercita mariti-
mis ministeriis alacritas magnos ad bellum usus habet, equis
citius, in continua urbis & modicam fluminis insulam rapue-
re, ut munimenta, qua amni fiditur, neglectiora, diversis
ictibus quaterent, traherentque. At in urbe, quanquam
perculsi improvise metu, circumcursare ad omnes hostium
conatus, obseptaque porta adaugere aggeres, & novos in-
terius ordiri. Ter excussa quot erant tormenta, (ita ipos
habet militaris) cum missi a Principe caduceatores extrema
minantur, ni veniam accipiant. Negatum orantibus spa-
tium consultandi. Tum conscii multarum rerum penuriæ,
& quam pauci istam moenium amplitudinem tuerentur,
incolumem ad suos exitum pepigere; oppidanis facta ma-
nendi potestas: leges ritusque in morem Fœderatarum ci-
vitatum. Quo fine & in posterum transactæ obsidiones,
nec toties iterabimus. Festinatam deditionem Hispani in-
cusavere, atque ideo qui præfectus fuerat, Loukeman-
nus nomine, dum Parmensis vixit, aula amotus est. Quin-
ta die quam obsideri cœperat Zutfania in potestatem venit,
egregio situ. Nam Bercola amnis sæcat, Isala prælabitur,
Westfalix e fontibus, sed Rhenum acceptans, Druli, ut cre-
ditur, opere. Ipsa affinis cum oppidis agroque suis olim
principibus paruit, qui Comites vocabantur; manetque dis-
cretum ditionis nomen, et si in corpus Geldrix coaluit, non
tam

*Zutfaniam
obsidet.*

*Falcoftei-
nius occidi-
tur.*

*Zutfania
Mauritio
deditur.*

Ejus situs.

ram loco, quippe trans Rheni alveos sita, quam principum
 connubiis. Est in eadem ripa Daventria, libera jam olim
 Anseatici foederis civitas, & sub jure pontificum Transsa-
 lanærgionis caput. Huc postquam rapido itinere descen-
 dit exercitus, ipso aspectu dubitatio circumstitit. Terrebant
 egregia urbis munimenta, auditumque præsidium, centum
 equites & peditum vexilla quatuordecim. Aderat Herman-
 nus comes Herenbergensis hortator, monstratorque virtu-
 tis, Mauritio ipsi propinquus sanguine, quippe amita natus,
 & hoc magis invidens devincti sui gloriam. Super cuncta
 Parmensis excire jam copias, & inhærentes obsidio turba-
 turus timebatur: unde accipitis prælii aut turpis fugæ ne-
 cessitatem fore. Captaque jam Zutfania ut sperantibus in-
 citamentum erat, ita aliis monendi causa, ne partam famam
 periclitari mallent, quam servare in usus certiores. Contra
 afferebant ex urbe profugi, discordem militem, non inclusæ
 turbæ victum in longam obsidionem sufficere, ne pulverem
 quidem, quo tormenta incitarent. Quo comperto, media
 placuit sententia, ut, castris propere munitis, flumen & via-
 rum aditus clauderentur, ne quis adventantis auxilii nun-
 tius penetraret. Quod si durarent hostes, satis fore ut in-
 fessi præsidio ripis trajectu in posterum arcerentur, quæ &
 ante sumptam expeditionem consilii ratio fuerat. Continua-
 tis machinarum ictibus, ubi nonus dies illuxit, Mauritius,
 tentandis obsessorum animis, ante moenia ostentat aciem.
 Tum naves in alveum, quo amnis urbem allapsus excipitur,
 prono amne rapi jubet. Has, quia remis adigi propter angu-
 stias non poterant, sub ipsis mœnibus telisque hostium tra-
 ctas manu nautæ deligant, egregium ausi facinus, & pleris-
 que exitiosum. Locatis ipso incili navibus, impositoque
 ponte, impetum & oppugnationem sibi quisque deposcere,
 desuetæ prope virtutis opera, & pulcrum in ore Principis
 certamen. Insultantium properatio turbavit rectores ope-
 ris, atque ipse pons, justo brevior, aggerem usque non per-
 tigit. Murus hac in parte juncta cum turre partim ictibus
 cesserat; pars fornicibus adhuc, (ea vetus structura est) &
 ingesto aggere sustinebatur. Lecti qui præcurrerent, & si
 daretur, in loco se communirent, pars merfi, pauci saltu oram
 tenere. Signiferi memorantur duo æmulatione gloriæ, quo-
 rum alter supra mœnia confossus est, alter sui & interfecti
 signum deportavit. Sed magis obsessos tormenta fatigabant.

*Mauritius
 ad expu-
 gnandam
 Daven-
 triam cum
 exercitu
 descendit.
 Ejus præse-
 ntis Her-
 mannus
 Herenber-
 genfis.*

*Urbis oppu-
 gnatio.*

1591.

Stabant tamen pro muris vino ad temulentiam saturi : imprimis comes Hermannus, plusquam necesse fortis, purgandæ fidei famæque. Nam Hispanus quidam collufuros inter se cognatos dixerat : nec discessit antequam densa vis glandium attracto caliginem ob oculos offudit. Noctæ, jactis facibus, defensus ab incendio pons. Ubi illuxit, sobriis conspicua hostium acies & pons integer, & cominus iterum pugna animo obversabantur. Intulerantque pavorem Zutphania missi, qui vim hostium celebrantes suum dedecus leniebant. Unus deditionem Hermannus morabatur, qui tamen ipse vulnere æger permittere jam poterat, vetare non poterat. Igitur relictos ad pontis custodiam inclamant ut colloquendi potestas fieret, Convento Principe sub signis, ita pacti, exiere : oppidanis victoris clementia pro pactis fuit ; latique magistratus, non quot solebant ex legibus, sed quot haberi receptæ apud Fœderatos religionis poterant. Apparebatque ut Zutphaniam, ita & Daventriam adeo non pro suis tenuisse Hispanum, ut ante obsidium ædes ipsas absumserit ignibus, non longe quamvis suppetente ligno. Stabant ante digressum innexi cervicibus cognati duces, suæque necessitates & civiles discordias frustra miserabantur. Hermannus creditum sibi negabat, tantas potuisse copias ab Ordinibus contrahi. Zutphanie præfectus sub imperium Hispanicum redire formidavit, metuens acres accusatores & infestos iudices. Relicta captis in urbibus præsidia. Orabant Frisii tandem sibi prospici, narrantes pacem suam unius urbis pertinacia inquietari : paucaque oppida aut castella restare, ut omnis intra Isalam & Amasium ager ereptus hostium tributis Fœderi adderetur. Tantum primis successibus spes increverat, ut, vix modica ausi hactenus, subito maxima quæque sibi sponderent. Summa celeritate susceptum iter, & non abductis copiis illac hostis irrumperet, conscriptæ per Hollandiam cohortes jubentur Vahalim præsidere. Copiæ belli, atque impedimenta classi imposita ex Isala Frisicum sinum & oceanum, inde usque Amasium flumen pervehuntur. Miles levis assumpto com meatu ac fascibus palustri solo, in Tarantios ducitur, præmissis qui palustria camporum virgultis munirent : nam iter alterum, possesso jam olim Covordio, hostis abstulerat. Nec deerant, qui prius occupandum Covordium dicerent, ne qua a tergo via hosti pateret : posse Verdugonem, qui eam arcem servabat, machinis

aut

*Frisiorum
rogatu
Princeps in
Frisiam du-
cit exerci-
tum.*

aut commeatuum inopia depelli. Sed discessum ab hoc consilio ob difficilem terrestri itinere tormentorum travectionem, & quia ad Groningam minor praelii necessitas. Illuc euntibus plura inter incommoda occurrit palus ter mille quingentos passus in longitudinem patens; sed innatans uligini cespitum crusta primos currus pertulit, sequentes hiantes solo vix extracti, ipsis ducibus manum admoventibus, quo gravior militi labos accideret; paucisque horis inventus transitus, quem accolæ omnes desperaverant. Omni vero itinere graves injuriæ militum in agrestes nullo imperio prohiberi quivere, ob inveteratam licentiam. Raptaque & perdita, quæ multos in dies suffecissent, prope famem, atque inde seditionem, rem perduxerant, antequam naves commeatibus onustæ advenerunt. Quinta ad Groningam castra posita, ibi fluxa vulgi adversus dominantem fides ac civitatis discordiæ sperabantur: elata supra verum illorum sermonibus, quorum intererat huc verti exercitum. Et erant intus, qui foederum meminissent. Sed premebat adversæ factionis potentia. Verdugo præterea ad famam venientis exercitus, firmato præsidii Stenovico & Covordio, reliqua cum manu Mauritium præverterat. Nec tamen admissus portis (id unum civitas obsequio exceperat) propriis se munimentis in suburbio tenebat, auxilio simul & terrori. Princeps haud ultra sex dies cunctatus, metu, ne adacta civitate admittere intra muros præsidium spes in posterum quoque corrumpere, & quia audiebatur parare exercitum Parmensis necdum peracto obsidio superventurus, circumjectas munitiones, quæis flumina & viarum aditus clauderentur, subversa sæpe & restituta longi per Frisios belli opera, subitus invadit. Ingens militum pavor, ut qui populationibus & furtis, quam bello insueverant. Admotis tantum machinis pauci ulteriora tolerare: & quæ minus firma erant ante obsidium deserebantur. Maximum castellorum (Delphizylion nomen) portu inclytum, ubi Fivela in Amasum flumen illabatur, Groningano milite tenebatur. Iam olim loci oportunitas suaserat munire se illic quicumque agri Groningani dominatum concupivere; coeperat & Albanus, sed tempora obstiterant. Hoc nunc Foederati recepto ex tributis juxta colentium augebant opera, maritimum aggerem a vallo separantes, instruebantque ædificiis, & Groningam, ni respiceret, exhausturi habitatoribus minabantur.

1591.

*Linoris
magna in-
commoda.*

*Militu f.
centia.*

*Castra ad
Groningam
ponuntur.*

*Princeps re-
lictæ Gro-
ningæ cir-
cumjectas
munitiones
invadit.*

*Foederati
receptum
Delphizyli-
um ædificiis
& munimen-
tis or-
natas.*

1591.

*Verdugo
Groninga
aditum e
Westfalia
facit.*

*Parmen-
sem ei sub-
venire vi-
nerum non
patitur va-
stias.*

*Cnodsen-
burgum ob-
sedit.*

*Octavius
Mansfel-
dinus occidi-
tur.*

*Iamius co-
stellum
strepus de-
fendit.*

*Mauritius
obsessis sup-
pauis fert.*

bantur. Simul interseptos undique mutandam ad fidem inopia tentabat. Sed postquam Princeps abduxit exercitum, Verdugo irrupto quod e munimentis minime firmum erat, aditum urbi e Westfalia, Bortaniam patefecit. At Parmensis in Zutfaniz Daventriæque auxilium sero excitus, dum hostem non credit cōusque ausurum, & Hispani non pauci ob male soluta æra obsequium negant, mox contractas ad Mosam Rhenumque copias utram in partem verteret dubius, distrahere hostem magis in rem, an ultro insequi magnificentius foret, quo minus Groningæ invocanti subveniret, vastitate itinerum deterrebatur. Nam interjacentes agros certatim ipsius & Frisiorum miles attriverant. Sic Noviomagensium preces valere. Quo postquam ventum, trajici amnem, & castellum quod priore anno Mauritius inchoarat, circumveniri jubet. Ipse in urbe plurimum agere. Cnodsenburgi latus, quod in ortum obvertitur, Barlæmontius obsedit, alterum obtinebat Octavius comes Mansfeldius, quem jactus ab obsessis globus incidit peremitque; egregium animi juvenem, atque avidum periculorum & gloriæ. Tergum aliæ cohortes & eques ambierunt. Machinas Lamota facile admovit, juvante aggere qui ripa eminet. Hic postquam tormentis resistere vallum, disjecta quamvis magna ex parte lorica, ne ostentata quidem acie terzari obsessos videt, virgultis & ramalibus, non sine clade congerentium, fossam opplet, deinde submittit qui vallum occulti suffoderent. Sed defensores sexcenti, imperitante Gerardo Iunio, magni animi viro, circumacti ad vim artesque hostium undique instabant telis, & prosperis interdum eruptionibus cœpta turbabant. Iam omissa Mauritius Groninga Stenovico intenderat, cum, intellecto Cnodsenburgi obsidio, Wilhelmum tutandis Frisiis relinquit. Ipse, rapido cum agmine apud Arnhemum ingressus insulam Batavorum, obsessos signis firmat, inde & nuntiis, qui navigio & per tenebras inobservati penetrare. Sed Nassavianos apud duces diversis sententiis certabatur, periculum in aperto auderent, an transmissio Vahali amne, munirent sese, commeatuque hostem exuerent, & quæ Noviomagensi ripa machinæ constiterant, traduci vetarent. Arduum utrumque & intutum: nam equitatu hostis non dubie prævalebat, cujus in pugnam aut petendos commeatus plurima vis est. Diremit ambiguos fortuna, quæ non minus sæpe quam prudentia profuit. Nam Prin-

Princeps cum Solmenſi & Verio proxime hoſtium caſtra advectus, flagrantiffimas cohortium, turmasque occultat inter ſaltus viæ imminentes. Pars equitum longius progredi juffa elicit hoſtem. Tum ſponte refugi, tanquam multitudini cederent (nam decem turmis, quas inter ipſa Parmenſis prætoria, Itali plerique, proruperant) ſecutos trans rivulum pontisque impoſiti anguſtias traxerunt. Ita converſis ſubito equis, & exſurgentibus inſidiis, clauſi, fortiſſimus quiſque in veſtigio, cæteri palantes occubuere. Paucis, dum ſigna vivosque homines & equos victores præhendunt, in ſua caſtra effugium fuit. Quo dolore Parmenſis, & procerum jactura, & vix ante tutam ratus moram hoſtili in ripa, omiſit irritam oppugnationem, vocari in Galliam præferens, nec ſummam imperii negligendam dum de caſtellis Batavorum certaretur. Perite ſarcinas præmiſit, transduxit exercitum, ſtructis ad amnem munimentis, queis Mauritianis arcerentur, ne coorti poſtremos invaderent: dehinc ut quiſque trajecerat, adverſa in ripa juffi conſiſtere venturis navibus præſidio erant. Sed digredientem civitatis indignatio excepit, pauci in adulationem compoſiti, plures minaci ſilentio; ferocioreſ vulgi nec vocibus abſtinebant, queis velut ad conſpectum hoſtis adoleſcentuli veterem ducem e fuga retraherent. Graviter tulit contumeliam aſſuetus gloriæ animus; unde morbo recrudeſcente, cum filio Rainutio (is ex Italia recens paternum dolorem teſtis onerabat) Spadanas ad aquas iter exegit, præſentes inter cogitationes & memoriam prioris fortunæ. Miſit inde ad Hiſpanos Dieſtæ tunc extra obſequium agentes, quibus pacandis malo exemplo conceſſum, ut Tribunus Ema-nuel Vega, ſeverior quam quem corrupti milites ferrent, alio mutaretur. Dubium non erat Noviomagenſium multos reſpicere libertatem, poſtquam mala, quæ vix pollicitis & exſpectatione meliorum hætenus tolerabantur, deſperatio accenderat. Nam & ſex ante annos non conſenſu, ſed paucorum factione res Parmenſis proſperas ſecuti, cum jam imperium Fœderatarum gentium dies & cura firmaveſſet, quibus invitis ſervitus, aut obſequium ſine affectu erat, tuta & profutura malebant; & commercium aliquod inter ipſos ac Batavos eſſe cœperat, permiſſis Vahali ire horum navibus, quas ſiccior tum forte Rheni alveus haud receptabat. Sed præſidio tres centuriæ; una externa, conſcriptæ intus

Decem hoſtiles turmas cecidit:

Qua clade accepta Parmenſis oppugnationem omiſit.

Noviomagenſium in illum indignatio.

Recrudeſcente morbo aquas Spadanas petit.

Seditioſos Dieſtæ Hiſpanos malo exemplo pacat.

Noviomagenſium multi libertatem reſpiciunt.

duæ,

2591. duæ, (plures enim recusaverant) & ut quis partes optima-
tium gravissime offenderat, vi acceptæ potestatis minax, au-
suros coercerant. Restabat obsidio, ni copiæ hostiles circa
Mosam adhuc specularentur; ea tantum mora, simulque Va-
halis auctu immenso aquarum pontis impatiens. Nec in lon-
gum tamen quies militi data in hiberna quanquam abducto,
quo securitas hostium cresceret. Sed subito Mauritius, fortu-
nam secutus, partem cohortium e præliis revocatam Scaldæ
flumine terræ Wasæ infert; eodem eques Brabantiae campis
penetravit. Ereptis circum munimentis, quinto die Hulstum,
ejus regionis oppidum, in deditionem cogitur. Perterruit
militem præsidarium (nam præfectus ipse casu ob res priva-
tas ante obsidium exierat) res improvisa, & quod Princeps
perfosso aggere, qui amnem adjacentibus superfunderet, auxi-
lia hostium tardaverat. Terra Wasia concessa populantibus,
donec tributum pollicita Fœderatis obsides milit. At proxi-
mi Belgarum, ubi quod agri uberrimum, & sua alimenta ab
hoste possideri vident, digresso Mauritiæ exercitu, qui a Parmen-
si in hostico deprehendi metuebat, Mondragonium arci
Antverpiæ præpositum impellunt in arma. Is igitur proximo
cum milite, & accitis, qui Mosam propter versabantur, trans-
gressus Scaldim, nec adversus oppidum quiequam ausus (tue-
batur enim Solmenis, & opera solidabat) vicinas agri mu-
nitiones recuperat, aut novas struit arcandis excursibus. Ex
eo qui agrum colebant tributum promissum negavere, plus
hosti clementiæ, quam ut innoxios in obsides sæviret, haud
falso rati. Cunctis super vota fluentibus, Princeps revocato
iterum ex hibernis milite, vacuam hoste Geldriam petit: ea
in festinatione naves allisas vado coactus est incendere. Mox
Wilhelmi copiis (vexilla erant duodecim) auctus, intrat
Vahalim, insulamque cum ulterioribus ponte connectit.
Castra utrobique præmunita contra vim externam. Pars op-
pidi superior, qua muri ab aggere nudiores, oppugnationi
placuit: & quia trahi tormenta longum, nec satis commo-
dum videbatur, urbem prævecta sunt obscura nocte. Ita
per tenebras & incitis navibus Noviomagensium tela in ir-
ritum cecidere. Aliæ machinæ ex ripa adversa trans amnem
eodem jaculabantur. Primum animus & fides tuendam ad
urbem abunde erat. Et nondum circumfessi ad Verdugo-
nem miserant oraturos, ne pericula sua defereret. Namque
illi id temporis tutanda Geldria obvenerat, sine copiis, ut

*Mauritius
interim
Hulstium
capit.*

*Terra VVa-
sia tributa
exorquet.*

*Mondrago-
nium veci-
nas Hulstæ
munitiones
recuperat.*

*Noviomagi
obsi-
dium.*

non immerito quereretur desertas partes sibi mandari. Exin 1591.
quia defectura munimenta metuebantur, omnis sexus & æta-
tis manus interiora vallaverat. Arx ea in regione non tam hu-
jus sæculi artibus invicta, quam veteris militiæ inclyta monu-
mentis. Oppidani ad Iulium per Gallias militantem operis
gloriam trahunt. Conditores urbis Cattos memorant, qui, *Urbis de-*
profugi quondam patria, Rheni insulam & proxima Belgi- *scriptio.*
cæ oræ cultoribus vacua tenuerint. Nobis vetera inquirenti-
bus patet, neque Cæsaris, neque Trajani ævo, quo scripsit
Tacitus, ullam hic urbem fuisse. In itinerum descriptioni-
bus Romanis, quæ ad Antoninorum tempora referuntur, ap-
parere primum incipit Noviomagum hoc ad Vahalim; cui pa-
latium a Carolo Magno additum annales Francici nos doc-
cent; insuperque id ipsum in cineres sedisse urentibus Nor-
mannis. Postquam Germani præpotuere, libera civitas, mul-
tumque imperatoribus dilecta sedes. Quo vero tempore pon-
tificum artibus scissum Germaniæ imperium, partemque ejus
Wilhelmus Hollandiæ comes obtinuit, & pecuniæ egestas ad
nova commenta impellebat, Ottoni, Geldriæ tunc comiti,
hæc urbs pignori data, ex eo jure annexa Geldris contermino
agro & oppidis imperat, dives pace, nec ingeniis infæcun-
da. Vbi tormenta, & missiles ignes, occultaque operum pe-
riculum undique æquaverant, vocati ad condiciones in stu-
dia discesserunt. Vim regiam potentiores jactabant, & jam
adfuturos e Frisiis Flandriaque exercitus, nec esse cur trans-
fugæ e transfugis utriusque partis vindictam irritarent. Sed
plebs subito concursu irata curiam irrumpit: ibi longum mur-
mur, & tandem vox unius audita est, qui prohibitum am-
nem, vastatos agros, dirutos penates, instantem famem, fa-
cunde miseratus. Neque nunc, ait, primum obsessi fortunæ
cedimus. Annus jam, & ultra est, ex quo vix turpes inter
latebras toleramus inopem vitam. Quin perpetua miseriarum
series hucusque auxit, postquam fœdera perfide violavimus.
Egregiam vero gratiam cepimus indigni auxilio, & dominis
fastiditi, quibus alia semper potiora. Nisi nunc forte, cum
extrema ingruunt, suppetias, dum prodesse potuerunt nega-
tas, opperimur, vel quod propius est, nostræ vires & tres
militum manipuli, istos aggeres & castrorum propugnacula
excident. Vt Zutania & Daventria deseremus. Certe ul-
tra Hulstium trahimus trepidos dies, qua tandem spe, quo pretio
pertinaciæ? Miseri, nisi vincimur. Tandem fugiamus ingrata
regna,

1591. regna, dum ille invitat ut hostis validus, ita victor misericors. Inventa gens est, quæ spe nulla dominationis bellum gerit, ne alii serviant. Illis semper patent amnes, annavigant commercia, ut alta pace, florent agri: non præfectorum avaritia, non miles atterit. Neque vero minoribus tributis datur alere servitutem, quam leges & jura defendere. Liberi inter liberos, primumque in Republica nomen; vincemus pariter, & pariter imperabimus. Iam plures eadem fremebant, & qui initio adversabantur, quod vera dici sentirent, aut metu, cessere. Nec miles resistere audebat, impar virium &

*Mauritius
capta urbi
magistra-
tus legis.*

contentus vitam exorasse. Sed usus Romanarum ceremoniarum postulanti civitati negatur. Imposuit præsidium, legitque magistratum Mauritius, & jus istud excepit sibi manente bello, abrogata fodalitatum potestate, quod seditionibus alimentum fuerat, cum vicina oppida Senatus regant, nisi quod ad graviora negotia delecti e plebe adhibentur. Ita pleræque jam Geldriæ potitus decus avitum recolebat: quia Nassavii quondam sanguinis principes Rempublicam illic administraverant. Stenovicum differri placuit, quia hyems imminebat, frigore & gelu comæatibus nocens, aut si imbres funderet, uliginem soli auctura. Victor in Hollandiam reversus, egregia externas quoque apud gentes fama, quantis

*Summis
populi gan-
dus in Hol-
landiam
reduc occi-
piscit.*

nemo unquam populi gaudiis excipitur. Principum quondam res prosperas, ut iussi, nec proprias, sibi gratulabantur. Arausionensis fere adversa tantum viderant. Etiam Licestrii tempora clades inter & discordias exacta. Nunc primum fines armis propagatos: fluminibus undique validis munitum & oppidis imperium. Nec aliud Duci quam laborem & gloriam posci, successus ad patriam pertinere. Ipsaque juvena velut rebus tantis & divino ministerio lecta spem & admirationem accenderat. Tum fixi in vultu, illam pro se ætatem & inclytum sanguinem objectum periculis grati celebrabant. Maximum non dubie momentum in celeritate fuit. Aderant oppugnandi muniendique artes, &, in quantum sæculum patitur, egregia castrorum disciplina. Nec idem hostibus curæ: nam fiducia socordiam sæpe, interdum & temeritatem parit. Penes minus valentes plus consilii, major constantia, & industria suppletur quod viribus deest. Iuvat & fama, qua primi eventus immensum aluntur, & favor libertatis. Sed plurimum in navibus præsidii tot inter amnes, quorum potiri grande ad omnia momentum est. Hiber-

bernatum, ut solet, in præsiidiis: unde egressi vario successu
 manipulares prædas egere, vel ab hostibus circumventi sunt. 1592.
 Captatæ & furto urbes, hinc Gertrudisberga, Trajectum ad
 Mosam, & Clusæ, inde Breda. Sed, erumpentibus insidiis,
 irrita agmina rediere. Purgatum mare captis prædonibus.
 Et missam ab imperatore legationem quæ pacem laudaret, ac-
 cinctus in Galliam Parmensis læto animo accepit. Suspectum
 id Fœderatis gentibus, ut semper, & quia literas a Rege Hispa-
 no in hoc scriptas interceperant. Ita aures obstruxere vete-
 ribus documentis, & recenti Tarraconensium exemplo, quos
 incaute repetita libertas in fraudem & exitium traxerat. Tar-
 raconensis Hispaniæ populus primi olim recepta armis pos-
 sessione, quam barbaræ gentes fretum transgressæ invaserant,
 sapientum consilio Rempublicam constituere. Initio reges
 (id nomen, is honos modicæ potestati) suffragio legeban-
 tur; mox cæterarum gentium more accepti imperio hære-
 des. Sed in legum verba successores adigebant. Per quæ ma-
 jores prævisis regni malis vim populo dederant, publico con-
 silio auctoritatem, summo magistratui jus in ipsos reges: fir-
 ma olim munimenta, dum principibus æqui reverentia fuit,
 aut nullæ vires, queis peccata tuerentur. Postquam regna
 coiere, & omnis Hispania in Philippum cessit, per sacrorum
 inquisitores patientia tentata est, & per nova judiciorum ge-
 nera, quæ ad aulæ nutum, quam ad recti normam morem-
 quæ veterem aptabantur: maxima in Antonium Peresum
 populi miseratione, quem Scouedanæ quondam necis mini-
 strum Philippus, subtracta auctoritate, communi facinori
 reum subdebat, & Castella elapsum in hanc regionem vi re-
 gia persequabatur; acer odio, quod circa amores pro con-
 ciliatore æmulum egisset. Iræ tantæ instrumenta cum in leges
 audacter insurgerent, & frustra jus pararetur, armis repu-
 gnatum est: primique motus per vim iritati, mox levi contra
 conatu, aut dissimulatione alebantur. Vbi fidere tumultus
 cœperat, belli Gallici specie persuasa civitas, ut Regis exer-
 citum suos per fines, & urbem Cæsaraugustam, quod genti
 caput est, inde trans Pirenæi juga duci pateretur. Tum primo-
 ribus trucidatis, & qui voce aut manu ad libertatem præve-
 rant, expleta ultio, prospectumque in posterum dominatio-
 ni. Hæc etsi ab instituto discedunt, quo gesta sunt tempore in-
 ferere haud neglexi, quæ posterum cum rebus Belgicis compa-
 rarent. Simul ut principum offensæ noscantur, & discant po-
 puli,

Nullo suc-
 cessu ut-
 rimque ur-
 bes capta-
 ta.

Missa ab
 imperatore
 legatio Or-
 dinibus su-
 specta ob
 vetera &
 Tarracono-
 nensium
 exemplum.
 Huius nar-
 ratio.

1592. puli, non causam sæpius respicere quam vires. Rex interea Galliarum Germano milite firmatus, & Anglicanis auxiliis Rhotomagum ambiverat, Elisabetha postulante, ut a Sequana flumine & Oceano suo hostem intercluderet. Quo socii intensius Parmensis moram tulere, qui tardus belli paratu, sive altius consilium suberat, ut pericula aufercerent, sero demum anni Fara prius in pignus accepta, Normannorum finibus propinquabat. Aderant novi undique delectus, & digressæ nuper cohortes, nunc redditæ signis, satietate prædæ, & persolutis stipendiis, quæ vix Parmensis, auctu tributorum, & vendito inter hostes jure commercii extuderat; querentibus sane Belgis nudari fines, atque alienos in usus pecuniam & juventutem abduci. Adjecit Meduano auxilium Gregorius Pontifex tum Romanus, insolitum prioribus, qui execratione & veteris sæculi minis hostem terrebant, damnorum expertes, & commodis permixti: aut si qui veram opem parabant, hos brevis senectus incluserat. Sixtuth sane invidia retentum, & potius quam Hispani opes firmaret, Gallicam ad amicitiam respexisse, adeo constat, ut quidam hinc illi necis causam suspicati sint. Adversus hanc belli concurrentis luem fœderati Ordines auxere classem, suarumque cohortium ipsa decora, Scotorum decem, totidem Belgarum centurias, præsidio Regi miserunt, Philippo Nassavio moderante. Sed cum Parmensis, (hic namque hostilis exercitus summam agebat) accedere diu cunctaretur, nobilitatem Henricus sponte sibi fidam, & unum columen belli pauperis, quo promptioribus uteretur, hibernatum suam quemque domum dimiserat. Vix abiire, cum audito hostium assultu cogitur Rex contrahere copias: ita urbs exempta obsidio. Sed ubi ver primum equitem reduxerat, Borbonius hostem ultra flumen reductum fame premebat, impatiens moræ & decernere paratus, ni Parmensis, silentio trans amnem remeans, Parrhisios flexisset. Rex omisso Rhotomago, alios ejusdem oræ portus suæ potestatis faciens, & quæ nuda munieris, effecit, ne ab auxiliis mari adventantibus secluderetur. Leves interea pugnae, sed hoc insigniores occursum, quod in altero Rex, in altero Parmensis vulneratus est. Unde affectum supra veterem morbum Spadanum secretum excepit. Laceratæ copiae sero per æstatem, qua proximum, Veromanduorum finibus in Belgicam redierunt. Angli per hæc tempora, dum Hispanos America aut aliunde revectorum navibus consectantur, varie

*Parmensis
Meduano
subventu-
rus itorum
in Galliam
ducit.*

*Fœderati
contra Bor-
bonio sup-
petias se-
runt.*

*Borbonius
& Par-
mensis vul-
nerati.*

rie egerunt ; utcunque hostem ventus & mare in manus dederant. Alteri alteros per vices afflictabant , tempestas utroque. Redibat interea per Belgicam velut anniverlaria partium lues , & hoc acrius quod egentes stipendii hyemis mala fatigabant. Relicti per Agrippinensium urbes ferocius se agebant, sufficiente in prædas Germania. At quibus Leodium & affines agri obvenerant , postquam diu morati cuncta circum se vasta fecerant , pars diffugiis elapsi , egestate plures & morbis procubere : aut si quos vires nondum defecerant , in discordiam usi , longius populabantur. Sic plura adservanda erant , & pauciores qui tutarentur. Sed Fœderatis gentibus spatium adstrictius , circumjectaque flumina , & mare in partem præsidii veniebant. Nota & civium virtus , ut excitati interioribus extima oppidorum defenderent , fida cohortium supplementa. Hinc animus prodire parte cum altera præsentium copiarum, non regresso etiamdum Parmense , & si properaret , haud ambiguo , fessos viæ ac præliis laceratos , tum acta pereгри hyeme , vix multos integris pares. Gertrudisbergæ obsidium Hollandia commendabat. Sed prælati Frisii , ut peragerentur priore anno cœpta , militem suum offerentes , quod carere non possent si longe illis finibus bellaretur. Atqui præcipuum id robur Fœderatorum , dum cohortes alias bellum Gallicum attinet. Et venerant in manus Groningensium literæ ad Mansfeldium , quæ res arctas & gliscentem inopiam fatebantur. Quin Imperatorem legationibus adiverant , non hac spe liberos se quondam ad Austriacam magnitudinem confugisse , ut indefensi vicario legatorum imperio , & hostium injuriis relinquerentur : nunquamne se tanti ut ducem viderent & exercitum , in exemplum saltem , nequis populus ejus imperii fortunam frustra secutus videretur ; quæ in Hispaniam perlata. Nec aliud interim retulerant , quam hortamenta fidei & magnifica promissa , adfuturum exercitum , qui ferro viam patefaceret. Addita cohors una tuendis , quæ trans Rhenum tenebantur. Et dum Verdugo ambit copias justiores , Hermannus Herenbergensis nihil ultra ausus , modicas ad Isalam munitiones bello infestabat , unde accolis occasio data paciscendi , ut tollerent utrinque subitum terrorem , & detractis castellis mediam facerent agrorum possessionem , donec totis partium viribus judicaretur. Quo minus propere signa moverentur , attinuerunt Mauritiū Trajectinæ factiones , quas Licestriano sacrorum dissidio iniquis civitas

1592.

*Hispani
militis sedi-
tiosa licen-
tia.*

*Groningen-
sium apud
Parmen-
sem quæ-
rê-
la.*

*Mauritius
Trajecti &
Zelandi
factiones
compo-
nit.*

L

nondum

1589. nondum projecerat. Zelandia quoque, armis a sui tutela longius translatis, in tributis inferendis refrixerat. His ut-
 cunque compositis, vere ipso proditur, nullo novo delectu,
 sed ut supplerent, augerentque numeros, mandata Centu-
 riones acceperant. Ita ex Batavis, Frisiisque octo ferme pe-
 ditum millia coiere, equites mille quingenti; machinarum
 majores minoresque quinquaginta. Vbi ultimo Transisala-
 norum sine, qui Frisios respicit, ad moenia Stenovici ventum
 est, occurrit ingens operum facies, nec minor oppidi fama:
 queis territi nuper in Ordinum confessu nonnulli, externi
 quoque principes hoc consilium temeritatis damnaverant.
 Hunc esse locum meminerant, unde trimestri ab obsidio
 Rennebergium depulissent: nec illi minorem exercitum, aut
 tunc ea munimenta fuisse, quæ usus metusque invenerant.
 Nam Hispanus postquam astu ceperat, ratus illis velut clau-
 stris Frisiam premi, & maris sinum navigiis infestum haberi,
 adjecerat cuncta hodiernis munitionibus solita adversus vim
 olim incognitam. Qua pelagus prospectat humile solum &
 palustre satis placuit, ægre vestigia, nedum machinas & op-
 pugnandi molem ferens. Ideo leviter aggesta humus clau-
 dit hac magis quam munit oppidum. Partem alteram am-
 bit agger, limo tenax, quem interjectæ concædes firmo ope-
 rum nexu devinxerant: propugnaculis majoribus duobus,
 inter hæc minoribus totidem, per artem eminentibus, ut
 oppugnantium latera undique sub ictus darent. Lorica su-
 perdefensuris prætexitur: & in imo munimenta adversum
 subeuntes, mox perpetuus palorum ordo. Dehinc fossa in
 centenos pedes, in quam aqua rotarum haustu attrahabatur,
 parvo ex amne, qui ex Tarantiis adfluens, & aliquanto
 quam fossa depressior, inde Bloksilum portum petens, Fri-
 sicum sinum illabitur. Extra fossam alius agger excubiis tene-
 batur, prurptionibus oportunus, & leniter devexus: nam
 quæ ulterius erant munimenta abjuncta oppido facile cesse-
 re. Circumsessis numerus & obstinatio. Armati mille pedi-
 tes, equites sexaginta, haud ampli oppidi spatia tuebantur.
 Omnes extrema passuros potius, quam præsidium amitte-
 rent, is qui præerat Antonius Coquellus adegerat sacramen-
 to; quod ex rerum sequentium necessitate post interpretarentur.
 Nec minus paucitate hostium quam suis munitionibus &
 spe auxilii firmabantur. Ac propria quidam Gertrudisberga-
 ni flagitii conscientia, vitæ desperatione mortem contem-
 rant.

*Stenovici
 cum obsi-
 det.*

*Oppidi si-
 nus & mu-
 nimenta.*

*Obses-
 sum memo-
 rum & ob-
 stinatio.*

rant. Principem ac Wilhelmum ipsa difficultas stimulabat, spe laudis in præsens, & in posterum terroris. Castra providè munita, in quæ victus non affluentia tantum, sed & vilitas erat. Tum per anfractus iter scinditur, quo rectus miles ad-
versum oppidi tela subiret. Obsessi interdum erupere, nec infeliciter; dum ebrios & inermes aut semisomnes subiti invadunt: haud nimis crebro tamen, quia inexplabilia obsessi militis damna, & metu, ne per captivos rerum status nosceretur. Per dies & probra audiebantur in ducem & exercitum: quanquam tormenta undique vi diuturna fatigabant, & structus agger imminentem urbi collem altius erexerat in pedes viginti: vertex ipse in longitudinem sexaginta, quinquaginta in latitudinem pedes habebat; unde interiora quoque urbis infesta telis. Necdum movebantur multis suorum amissis, in quæ Ludovicus cecidit comitum Herembergensium frater: eductamque turrem e lignis, antiqui moris imitatione, ad depellendos propugnatores atque inspectanda opera, ultro ipsi, cum machinarum jactus eniti in tam sublimè non possent, glandibus turbavere. Princeps, postquam globorum esse inane strepitum videt, multo sumtu ac labore, atque addi obsessis animos lacerato frustra oppido, ni intercedentia tenerentur, alias ad artes versus, qua terra firmior acceptabat cuniculos, ferri ligones, & occultum iter intendi jubet. Sic penetrato aggere exteriore (nec enim tormentis cesserat) ad fossam ventum, quam virgultorum injectu solidabant; palam irradientibus obsessis ad rusticas operas militem trahi. Tum quæ ultra suggredi prohibent, in vecta per cuniculos tormenta stravere. Et jam ipsa oppidi munimenta fodiebantur, cum cæca pestis infregit defensorum animos, terruitque incertos quam partem vitarent, quam rursus tuerentur. Maxime fatigabat pulveris nitrati penuria, de qua pridem literis ad Mansfeldium questi, dum is copias, & copiarum pecunias, & pecuniarum redditum Parmensis exspectant, nihil acceperant. Petitò colloquio audiuntur legati. Princeps perfugas in poenam postulabat, & jusjurandum cæteris ut bello Transrheno sex mensibus abstinerent: documento potestatis. Cum leges tanquam a victore datas, non ut jam victi acciperent, pleni contumaciæ recedunt, ut si pariter vivere non liceret, pariter morituri: nec suspicio absuit, quæsitam sine necessitate colloquii speciem, quo averteretur obsessor a sensu adventantis subsidii, quod nocte insequenti

Ludovicus
Herember-
gensis oc-
cumbit.

1592.

*Verdugo
subsidiū
obsessis mis-
sit.*

*Pulveris
pyrii descri-
ptio.*

*Mauritius
gladio vul-
neratur.*

misit Verdugo usque ad trecentos, cum ducenti paulo ante per paludes penetrassent. At Mauritius, præstructis quæ per operta agere parabat, ostentat aciem, facturus impetum simul destinata provenissent, & ut ambiguo metu obsessos in perniciem traheret, locis duobus abdiderat notissimum nunc belli instrumentum, quod veterum arma rectius ignorabant, nostra sæcula invenere, quæis tanto plus solertiæ, aut malitiæ fuit. Carbo sulphuri admixtus & nitro, ubi multum inaruit, si flammam admoveris, immensum tumet, ac claudi impatiens, qua proximum, obstantia perumpit. Ea vi concita tormenta & militares tubi obiectos ferri globos ac glandes longissime pellunt; ac vis eadem, si humo premas, dissipat molem. Pulverem tormentarium vocamus. Plena hoc dolia in cuniculo locantur, fune devincta, qui longius procurrit: is, ubi ad specum hostis accessit, incensus simili pulvere, ignem spargit in cætera. Horridus igitur fragor audiri, tollique cælo crassa nubes igneis intercurrentibus radiis, & versum subito propugnaculum certa superstantium perniciæ: sed plerique, id metuantes, in tempore abstiterant. Volitabant eo jactu rapta in sublime corpora, lacerique artus retinebant impetum, & vice teli vulnera in alios prorogabant. Sed altera specus, disiecta valli parte, ore non satis occluso, aut quia vetus sub humo maceries impetum percusserat, vim pulveris retro egit. Ibi Nassavianorum antesignani subtracto solo disiecti aut obruti: quosdam absumsit flamma. Scandere jam parabat acies, atque aliud agmen portarum obices moliebatur, cum speculantem propius Mauritium glans oppido immissa malam transfixit, & statim ore evoluta est: nec ipse quidquam mutatus tenebat regimen, & solita ducibus exsequebatur. Sed apud posteriores vulgata in pejus fama turbaverat exercitum, affingentibus singulis, quantum timebant. Proinde inhibita adhuc oppugnatione, ne creditum falso periculum vero occasionem aperiret: & quia militum quoque plures vulnerati, nec interiora oppidi, admota quamvis turre, satis noscebantur. Fremebat sane miles, nec indignari ante desit, quam conspecto post oppido difficultas oppugnationis apparuit. Ruinas tamen, qua moles federant, obsessores tenuere; vexillis quoque impositis. Cætera adhuc aggeris defendebantur, quæ perfodere ac deinde impetum facere Mauritius agitabat. Atque interim obsessi forum obvallaverant, non in spem ullam, sed

sed moram quærentes & tempora paciscendi. Videbant inferri machinas, parum in vallo præsidii; quin eadem pro hostibus munimenta, &, si manus miscerentur, cadendum paucioribus.

1592.

Ita cunctis ante rebus quam animis victi leges accipere nec inhonestas, nec graves. Samarii, nobilis inter Iesuitas, saluti nominatim cautum. Ita ut fieret, auctores erant qui ex Senatu Mauritio aderant, tempori magis consulentes, intellectu jam coire sub Mondragonio hostilem exercitum,

Stenovicum illi dicitur.

cum militares animi exemplum statui mallent ex parata victoria. Affecti supplicio, qui egredientes injuriis temeraverant. Exiere integri sexcenti: morbo ægri aut vulnere, ducenti; quingentos ferme variæ mortes abstulerant. Dies plus viginti inter reparanda Stenovici opera & consiliorum certamina exacti: dum Hollandi, & qui a bello remotiores, satisfactum famæ judicant; nec irritanda ultro pericula fatigato exercitu, clam timentes ne cum metu Frisii & onera abjicerent.

Victoris in victos moderatio.

Accedebat novum quoque impedimentum, militem suum revocante Elisabetha, ut Hispanos ora Aremorica arceret, non sine exprobratione auxiliorum, quæ ipsa inconsulta, Gallo Ordines miserant. Attamen & Transrhenani omnes & continuandæ laudis cupido poscebant Covordium adiri, oppidum arcemque difficili situ, ac prisca nobilitate. Majorum bellis, & hoc inter nos ut quisque ultra aut interius possidebat detraxit opera, adjecitque: postremo Hispani firmaverant, Tarantiorum & Groningæ propugnaculum: simulque iter in Germanias. Moles quinque vallo prominebant, exciti & tumuli, qui machinas attollerent: fossa centenum pedum præmunita palis. Nec minus his omnibus firmamentum, loci natura. Geminum namque in latus hinc ad Frisicum, inde Dullardum ad sinum, quo spatium Frisii & Tarantii agerque Groninganus & Transisalanorum pars comprehenditur, unus inter humida & tenuis limes interjacet, boves rusticorum transmittere in Benthemium Germaniæ agrum solitus, unde Covordium nomen. Hoc igitur capto & Groninga claudi, nullo super aditu, nisi quem per Bortaniam humanæ manus fecerant, & Frisii agri ab incursum hostium liberari poterant. Stagnans alte camporum planities, aut limo turbida, ne tum quidem fervida æstate, & caniculari fidere satis duruerat. Tutandis com meatibus, quia Fœderatorum fines longius aberant, nec ullum, nisi tenuissimum, flumen, quod Covordium fossæ in modum prælabitur, placuit Othmaris

Elisabetha militem suum revocavit.

Covordium obsidere Fœderatis places.

Ejus munitiones atque situs.

1592.

*Ottomarsus
Hispani a
Principe de-
pelluntur.
Famarisius
occumbit.
Obsidii Hi-
beria.*

maris præsidium imponere. Extrema id Tubantum regio-
ne oppidum jacet. Quo Princeps profectus cum parte exer-
citus, dum castra ad Covordium muniuntur, tormentis de-
pulit Hispanos; quorum eques, antequam clauderetur, per
medios hostes perruperat. Cecidit hic hostium telo Carolus
Lævinus Famarisius, qui pars quondam Fœderatæ nobilitatis
induerat arma; supremam tum machinarum curam agebat,
multo usu rerum secundarum ambiguarumque sciens. Ex
Covordio proruptum satis prospere, & qui occubuerant, pe-
titi ad sepulturam, datique. Fredericus Herenbergensis sex-
centis militibus, quorum pars per paludes ipsi transmissa, ar-
cem tuebatur: oppidum, ne, si defenderet, oneri, ceden-
tibus ad ictum muris, aut mox hostibus usui foret, incendit.
Aream tamen ipsam, ut moram hosti augeret, tutari ausus;
donec fodiendo ingressus Princeps mox inhærentes prælio
pepulit, factoque tumulo imposuit machinas. Munimenta
quæ extra fossam circumjecta arci, deserta præpropere: pon-
tem quoque ultro obsessi flammis corrumpere. In fossam ubi
perreptum, intelligit Mauritius cæterarum rerum copiam
obsessis, adversus sitim unum duntaxat puteum: sed nocti-
bus aquatum ad fossam veniri, quæ mira altitudine arcem cir-
cumfunditur. Hanc machinamentis siccari posse, & simul
putei venas intercipi. Verum cœpto labore patuit perennibus
infra solum scatebris subnasci humorem, &, qui mos aqua-
rum est, trahentem sequi. Nec diu, cum imbres coorti si-
tientibus solatium, operi impedimentum tulere. Fossata-
men, quam ducti e paludibus rivi inundabant, obruta est, &
quo tutius transfiretur, vineis administratum. Struentium la-
tera, & frontem noctis tenebræ muniunt, aut agger projectus
semper in ulteriora: inter quæ latibula fixæ modico intervallo
trabes teguntur tabulis, ac superinjecta humo contra tela &
ignes hostium. Ita perducti vallum ex imo subruunt. Tor-
menta vero editioribus e locis loricam & propugnatores un-
dique dejecerant. Mondragonius interim Brabantiaë campis
modica repetebat castella, quæ proximis per annos Batavus
irruptis prædam ac tributa protulerat. Ea prior cura, dum
maximum Transrhenani imperii præsidium oppugnantium ac
defendentium manibus excinditur. At ubi jam Parmensis
Gallia redierat, institit Verdugo illuc ut exercitus verteretur.
Sed itinere fessus miles, stipendia quoque insoluta poscebat.
Obtinuit tamen, ut collecta diversis e partibus decem sibi pe-
ditum

*Verdugo a
Parmensi
obsessis au-
xilium impe-
travit.*

ditum millia, septem turmæ traderentur, capeſſendo itineri, & ſi fors daret, prælio: ter præterea mille alii, augendis, quæ trans Rhenum, præſidiis. Princeps, acceptis horum paratum nuntiis, cum major eſſet caſtrorum ambitus, quam ut adverſus obſeſſos, & vim externam defendi tuto ſatis poſſet, nova interius munimenta orditur, relictis & prioribus. Advenit & conſcripta per Clivios Stolbergii cohors, ſupplementum militis, quem Stenovici proſpera, ſed non incruenta obſidio abſumſerat, laſſaveratve. Redibat & Anglica cohors, & quæ Batavorum auxilia Galliæ militaverant: juſſo Philippo Naſſavio diſtribuire in præſidia feſſos, ac recentes viciffim educere: quæis Gravewartam tueretur, ſpeculam belli, obverſus in hoſtem, ſi forte aut inſulam Batavorum, aut alterutriuſ ripæ proxima ſedem bello legiſſet, & quocunq; iret ille, ſecuturus. Fridericus quoque Herenbergienſis ſpem auxiliorum ſibi adventantium nuntiis aut conjecturis præceperat: ideoque ut arcem dederet interpellatus, reſpondit menſes etiamnum aliquot exſpectandos. Paucis horis antequam cohors Anglica & aliæ ſub Philippo Naſſavio copiæ ad caſtra pertingerent, Verdugo, cum ad Bercam longa circuitione Rhenum ſuperaveſſet, haud procul Mauritio ad Emmelichemum conſedit, caſtrorum hoſtilium ſitum diligenter explorans, nec oculis tantum, ſed prodente viro nobili, cujuſ tum hoſpitiuſ Mauritius comiter utebatur; atque ipſe poſtea manifeſto ejuſ culpæ pœnam tamen condonavit. Spes aderat arcendi com meatuſ. Sed poſtquam cognitum duo itinera, & paludes intercedere, neque vires ipſi ut divideret copias, impetuſ & arma probabantur. Viſitati crebro igneſ, quæis obſeſſos monebat, ne tempori deeſſent, ignaruſ reſciſſo ponte eruptioneſ coarctavit. Nox præcipitabat, cum Hiſpani, obſecta in tranſitu mora a Vidri fluminis ponte (Veſtim nunc vocant) exteriora caſtra impetunt. Stolbergianam ibi cohortem & multum equitiſ Princepſ poſuerat, oportuno aquis & arboribus loco. Hoſtiſ hæc oppugnationi elegerat, quia equitum minus attentæ vigiliæ, & nova cohors belli rudis ſperabatur. Perreptare foſſaſ, vallum prehendere, per aliorum veſtigia alii ſcandere. At Naſſaviani, quanquam noctem cam ſuſpectam egerant, velut cum luce ſecuritaſ rediret, in ſomnum lapſi, longe in terrorem reddituſ hoſtium vocibuſ, capta caſtra conclamantium, exciuntur: nec feſtinatione aut loco pateſcere acieſ potuit. Intecti aut ſemiſomneſ

*Exteriora
obſiden-
tium caſtra
impetuit.*

1592. arreptis telis, sibi quisque, aut modicis, ut fors tulerat, cuneis consistunt, & equites pedibus præliabantur. Procerum maxime virtute, quæ fortissimi se militum ex castris interioribus aggregarant, depulsum periculum. Ante alios *Depellitur.* Wilhelmus Nassavius, hoc magis sollicitus, quod dissuadentibus multis cœptandi obsidii auctor fuerat, eductos, quot poterat, extra castra equites in latere oppugnantium sistit. Cæsi, qui penetraverant: & inhibiti qui sequebantur; clariorque jam dies velorum commentum in ipsos verterat, ut agniti certius telis destinarentur. Iterum tunc velut corona castra capturi circumsteteret, fiducia nimii, quia sueti vincere, quindecim per annos hostium aut latebras aut terga tantum viderant. Sed omnis jam in armis Fœderatorum exercitus modo hos, modo illos temere assultantes facile repressit. Pulsi retinere tamen ordines; nec ingruentibus tormentis in fugam turbabantur; id multam post stragem salutis fuit. Et prudens temperandæ victoriæ Mauritius insisti abscedentibus vetuit. E castris, inauditum, duo tantum aut tres cecidere; plures sauciati sunt, in quibus Wilhelmus Frisorum rector. Proximos quoque per dies frustra Hispanus, aciem ferociter ostentans, prælium lacessivit haud avidos periculorum, & consilii certos. Nam clausorum spes ad metum mutata, postquam detrudi socios, sua munimenta subsidere conspexerant. Quippe propugnaculi, quod vallo exstabat, cuspis subruta: & alterum, quod oblecti suffecerant, a fossoribus impetebatur. Fridericum cunctantem adhuc impellebant ad deditio-
Covordii
deditio. nem seniores; increpabant quinetiam ut pericula haud intelligentem. Ut Verdugonem consulere liceret, frustra oratum. Cætera postulata concessit hoc promptius Princeps, quod commeatus difficiliores ipsi redderet pluvia cæli tempestas. Datur Covordium Frisiis custodiendum, reclamantibus Transisalanis, qui eam arcem omnemque regionem ad se pertinere contenderent, ipsis Tarantiis sui se juris esse asserentibus, nec quicquam antiquitus debere Transisalanis, nisi ne hostem ipsorum suos per fines transmitterent. Nondum dimissi exercitus, sed mutuo metu otiosi egere. Dabant hoc ordines Galliarum regi, quo serius in ipsum vis belli incumberet. Mox ubi fœdo madore autumnus infestus diremit, *Parmensis*
novum in
Galliam
iter ingre-
sus mori-
tur. Parmensis, quanquam afflicta valetudine, novum in Gallias iter ingreditur, ut imperii comitiis, quæ socii Hispanorum sub annum sequentem indixerant, præsens cum exercitu moderaretur.

raretur. Sed imparem fatigationi in Atrebatum finibus vires defecere. Ibi gravescente morbo, seu peracta veneni lue extinguitur. Quibus atrocior fama placuit, hoc etiam arguerunt, quod mortis tempus cum Fontani adventu congruebat, quem Philippus, audita forte Parmensis valetudine, res Belgicas inspectare iusserat, ut, siquid morbo ducis neglectum, aut morte turbidum, componeret: duri ingenii hominem & Parmensi privatim invisum. Et fuere, qui haud multo ante, mortem Parmensis aut vincula prædicerent. Multa sane eruperant indicia suspicacis in ipsum, aut infensi Regis: nam & gentilem ipsius Farnesium, quo minus Romanus Pontifex fieret, solus impediisse credebatur. Et nuper vetuerat, ne scœnori pecunias sumeret, nisi ex consilio eorum, quos ipsi velut custodes addiderat. Medici lienis duritiem & aquam intercutem accusabant: sed nata hæc quoque constabat, dum vini abstinens potandis aquis assaescit; vitandis articulorum doloribus, gentili malo, an insuper veneni metu, quod aqua minus recipit. Plerique non semel illigatum veneno credi cupiunt: auctores varie destinant. Sic finivit Alexander Farnesius, viridi adhuc ætate, annorum septem ac quadraginta, cum quatuordecim annos in belli hujus arbitrio egisset: postremos quinque deterioris fortunæ, neque sane diligentiae ejusdem: seu post Antverpiam gloriæ satur voluptatibus se dedit, seu cognitis Philippi suspicionibus adversus magnam famam remedium ex segnitie concupivit. Domus illi potens quam antiqua; a Paulo quippe tertio Pontifice originem & magnitudinem trahens. Olim adolescens maternis sub imperiis per Belgicam inhonorus egerat, atque adeo contemptus, ut non satis animo competere diceretur. Solita mentiri judicia vix quisquam apertius convicit. Primum belli decus peperit expugnato Navarino, cum Hispano in Turcam sub Iohannis avunculi signis militaret. Belgicis armis impositus quantus esset ostendit; studio laudis indefessus, accessu comis, clemens in hostem, quantumque in magna simulatione nosci potuit, fidus Regi; & adversus suam gloriam ac populi studia incorruptus. Parebat consiliis, nisi quod initæ semel sententiæ contumacior, ac infestus dissidentibus: tum rerum successu, nimia concupiscebatur, idque illi initium adversorum, quæ mollius tulit, cum, quod multo difficilius est, secunda fortiter toleraret. Sunt qui notant Casparis Roblesii, viri sane prudentis, monitis diu obsecutum: eo mor-

1592.

De morte
illius suspi-
ciones.Parmensis
mores &
elogia.

1592.

tuo, nemine prævalente, inter diversa suadentes fluctuasse, atque ex eo cessum iisse & fortunam. Majestas illi oris ita venerabilis, ut & amari posset: statura & cætera corporis mediocria; acres oculi, pervigilis animi notæ. Cætera non jam ipsius, sed aulæ vel sæculi vitia. Famæ ejus detrectatores, quos inter Campiniacus fuit, jussus ab ipso nuper in Burgundiam recedere, regias vires, inopiam aut discordias hostium jactabant, quibus mutatis pariter belli casus vertisse. Contra alii, utrisque prudenter usum, nec minimum in eo difficultatis, quod diversas in exercitu nationes, & prope insociabiles jure æquo rexisset, compressis odiis, quæ statim post mortem & deinceps acrius eruperunt. Etiam rebus arctis multum in illo præsidii: hinc plerasque seditiones absentia ducis coeptas. Perdita sane oppida, dum alio vocatur; utque multum arma fortuiti habent: sed quotam partem eorum quæ vicisset? Eundemque hostem non aliis postea ingeniis, non vacuis viribus sisti quivisse. Disciplina non dubio cum illo concidit. Funus Belgarum quoque luctu celebratum est, haud sane dolentibus qui veterem præfectorum sævitiam requirebant.



HUGO.

HUGONIS GROTII
HISTORIARVM
DE REBVS
BELGICIS
LIBER TERTIVS.

SVMMARIVM.

Gallia loca aliquot crepinus Hispani. Belgica Hispaniensis Proceres honoribus evebantur. Mansfeldius praefectura defertur. Vis consilii penes Fontanum & Ibarram: qui in Hispania suspecti. Fontani atrox sententia ab Ordinibus vana redditur. Mauritius Gertrudisbergam obsidet. Obsidii relatio. Urbis deditio. Mansfeldius Crepico: dium obsessurus a Mauritis fugatur. VVilhelmus Nassavius hostem Frisia expellere amittitur. Corvordium Verdugo obsidet. Bruga irritis insidiis a Mauritis tentantur. Regii militis seditio ab Herenbergensi componitur. Classis Batava apud Fluvium calamitas. Ernestus Anstiracus Belgica praeficitur; ingens Philippi erga eum amor. Henricus Romana accepta institutione fides tamen cum Federatis servas. Ernestus Belgis contemptus. Sylvaducis, Trajectum ad Mosam, Delphazylum frustra capiuntur. Corvordii obsidium solvitur. Groningam Princeps obsidet; obsidii relatio, urbis deditio. Oblatam ab Ernesto pacem Ordines repudiant. Empiri in Principem, aliosque Belgica Federatas proceres, percussuros puniuntur. Sella Iesuitica descriptio. Caesar Ordinibus, ut pacem faciant, minatur. Ordinum in Scotia principem liberalitas Elisabetha in visa. Cameracum obsidetur. Gallum Hispanis inimicum armis persequendum edicis Philippus. Philippus Nassavius Gallo auxilia adducit. Nova iterum regii militis seditio, Ingens per Bataviam gelu. Cum seditiosis Federatis inducias faciunt; machinis & equite illos juvant. Ernesto seditiosi non fides. Magna Batavis ex eluvionibus damna.

1593.



Orte ducis abruptum iter, & cohortes in finibus retentæ proxima Gallorum castella, mox Noviodunum ceperunt, decimo sexto obsidionis die, cum jam impleta fossa & interposita ei munimenta suffodi cœpissent. At Rex Hispaniæ bellum pace conficere cupidus, quo secundis Belgarum studiis frueretur, procerum plerosque longo obsequio cognitos honoribus evehit. Mandatæ singulis nationes quas curarent: & dum deligitur qui rerum summæ sufficeret, nomen in-

terim

Gallorum aliquot castella & Noviodunum Hispani capiunt. Belgarum proceres Philippus honoribus evehit.

1593. terim præfecturæ Petrus Mansfeldius obtinuit; ætate atque experientia ante alios, octuagesimum quippe tum annum agens: vis consiliorum penes Petrum Henricum comitem Fontanum, & Stephanum Ibarram, Hispanos, erat. Atrebatice sane factionibus jam pridem convenerat, ut penes cives esset publicum regimen. Sed reperta fraus, instituto consilio militari, quod cætera quoque oblique suam ad curam traheret. Eum coetum Hispani plerumque, ac tum Fontanus & Ibarra implebant; iussi modum facere publicis impensis, & ærario consulere, quod non ex fide tractari rumor Hispaniam pervaserat. Causa credendi, bellorum, ut accidit, sumtus insperati: quo tamen obtentu teguntur prædandi artes, & nunquam satis excussi sinus, aucta in immensum labe, ut jam remedia quoque vicerit. Aiebant, qui ista introspexerant, ducentis florenorum millibus mensuris plus apud Ordines effici, quam noningenis apud regias partes, dum foenus & supervacue mercedes, & furta vix partem sumtuum tertiam veris usibus relinquunt. Sufficere & Belgicæ perdomandæ & Gallicæ Philippi vires, si recte curarentur; quippe cum pater Carolus neutiquam tantis opibus, multos sæpe exercitus diversissimis terrarum partibus aluisset. Ergo ut novo imperio auctoritas conciliaretur, aut quia metus a præfecto cesserat, adjectæ cohortes, & pecunia abunde missa: hoc quidem oportunius, quia stipendiorum causa classarii, qui pro Antverpia excubabant, ni continuo satisfaceret, gravia atque hostilia minabantur: Bonnam quoque & Bercam custodientibus idem audaciæ; sed Hispanis recens adventantibus, ut multarum rerum imperitia, ita novandi studium fuit, quo decus ac gratiam quærerent. Ac certo die Fontanus Senatum ingressus, atrocis sententiæ auctor, &, quod necessitas exprefferat, socordiam vocans, abolere parat belli commercia. Non enim Batavorum virtute aut opibus tam diu certamen trahi, sed gentem exiguam, & si recte ratio ponatur, multo Belgis imparem, nedum Hispaniæ thesauris, ipsorum viribus, aut vitii adolescere. Suas sibi fortunas, suam obflare inertiam, quodque manifestum hostem trepide offenderent. Immensa agrorum spatia regias inter urbes impune perduellibus vectigalia haberi; quasi facilius esset inferre armis, quam propulsare, injuriam. Quin potius accolæ truderentur in bellum, ausque & passi hostilia odiis insuescerent: nec soli omnium tuti inter pericula, & pro-

Nomen præfecturæ Mansfeldio defertur. Vis consilii penes Fontanum & Ibarram.

Qui in Hispania suspecti.

Fontani Senatum ingressi atrocem sententia.

cupidine studia dispensantes, alterno in sanguine fortunam partium specularentur. Quod si non undique resisti posset, at melius certe vastas jacere atque invias solitudines, quæ non itinera hostium, non tributa, non proditioes transmitterent. Iam vero corrumpi legiones, velut per fœdus ignaviæ, dum abjectis quisque telis vincula & incolumitatem paciscitur. Hinc in acie fugam, nundinationes in urbibus primos hostium impetus sequi. Melius Romanos prodidisse, verum militiæ exemplar, ne quis vitam aliunde quam ab armis fumeret. Plerumque fortes etiam animos spe salutis infringi: pavidissimis contra desperationem esse loco virtutis. Disceret miles sub istis signis dari tertium nihil inter mortem & victoriam. Quippe mixtam bello pacem, moram esse pacis, & belli alimentum. Quæ ille feroce elocutus, plerosque traxerat auctoritate & fortis consilii specie. Contra pauci experientiam adferebant: compressam & Albani severitatem. Non cunctis temporibus eadem convenire. Hujus equidem sæculi mores impares tali disciplinæ, cum maxime sacramentum nemo subeat, nisi pretio illectus & facilitate militandi. Nec ea asperitate ad concordiam iri, aut bellum sibi cum finitimis adeo internecinum, ut nisi summa hominum atque agrorum perniciæ transigi non posset. Sed quomodo vicinorum & consortium crebris diffidiis spem amicitiae non projici, ita civiles discordias moderate exercendas, velut sub arbitrio fortunæ. Nec duces populique deerant, si exemplis certabatur, qui in neminem ultra aciem sævierant. Quin intactæ fruges, captivi & sine pretio remissi, magna clementiæ fama celebrantur. Quod multis in negotiis solet, tunc quoque evenit, ut pars major meliorem vinceret. Lege igitur Mansfeldii supplicio damnantur, qui bello capti, aut hostem tributo juvarent. Idem, ut necesse erat, fœderati Ordines edixere, ni certum intra diem poeniteret, gravi cum infestatione crudelitatis Hispanicæ. Iam trahi vagis incursum villæ agrique, jam strangulari milites cœperant, & alieni casus ire per omnes exempla. Primi sacerdotes & nobilitas suis possessionibus excidium deprecabantur, quando vis improvisa arceri non posset patentibus campis. Minui vero cohortes: & qui manserant omnem hostis occursum metu averti, auditis per manipulos vocibus; exiguo ære emi suum sanguinem; ne id quidem præstari ad diem. At vero

Aliis frustra obtinentibus.

Fœderati pari edicto eam vanam reddunt.

1593. vero non pugnam, non vulnera differri: & victoriam quidem sine præmio. Si quid fortuna abnuat, inter ludibria & tortorum manus exspirandum militi, quia non in tempore fugisset. Centuriones & tribuni silentio trepidare, quanto beatioribus plura timentur. Hæc docuerunt mirari vetera, præsentibus obsequi; reditumque ad morem, ut pro agris tributum penderetur, captivorum commutatio fieret, aut redempti menstruo stipendio exsolverentur. Quæ in posterum servata, & si quis violasset, eadem hostium inclementia vindicatum est. Ita pari terrore, atque interim insontium poenis, belli jura sanciebantur. Missus per hyemem eques, peditisque haud multum, Philippo Nassavio ductore, qui Lucemburgiam & extrema Belgarum tributis subigerent; parumque absuit, quin sancti Viti oppidum irrumperetur. Culpa penes exploratores, qui, qua parte invasuri erant oppidum, portas duas ob stare nuntiaverant; duabus jam disiectis, inventa est tertia. Postquam dies totos quatuordecim populabundi absumerant, concurrentibus hostium præsiidiis, correpto si quid obvium aut incenso, tuti redire & præda graves. Miserabilis eo tempore finium facies, cum Mauritanis relicta novus Mansfeldii delectus attereret; simul circumstrepente Gallorum bello, quod & Lotharingiam Argentoratumque minoribus diffidiis in vastam malorum colluviem miscebat. Hinc questus innumeri & remediorum inopia. Ut primum licuit invadere annum, Hollandi præcipui foederis ab externis ad domesticas curas animum vertere. Gertrudisbergam capi haud dubie intererat: nam unum id oppidum a suo corpore avulsum Hollandiam lacerabat. Igitur ipsa hyeme properata quæ futura usui, ne aut hostis præverteret, aut Frisii in se copias traherent. Sed experta non ita pridem irritum obsequio loci munimenta validus miles tuebatur; Walonum Germanorumque vexilla quindecim, & propinqua rectorum sollicitudo. Tum perpetuam camporum uliginem supra solitum extulerant hyemantes adhuc aquæ, crebrique imbres. Contra quæ spes una in celeritate, dum flos hostilium copiarum Galliarum finibus detinetur. Equites e Brabantia jussi ambire oppidum, & quo copia minueretur, arcere commectus cum præsidio adventantes. Confestimque Princeps, paratis quæ bello utilia, pedestres copias haud magnas sane (nam suas Frisii attinebant, frustra quoque Mauritius Wilhelmum, hic illum, vicissim auxilia oraverant) navibus intulit. Præjacet oppido,

*Philippus
Nassavius,
Belgarum
extremis
tributis
subactus,
gravis præ-
dator.*

*Mauritius
Gertrudis-
bergam ob-
sedit.*

pido, partemque ejus majorem alluit, ingens lacus, Mosæ 1593.
 ab ostiis retro fusus, ab anno supra millesimum quater cen- *Ejus sunt.*
 tesimum vigesimo primo, quo tempore violentissimum mare
 rupit obstantia, merisitque vicos duos & septuaginta. Hunc
 (Merovam vocant, communi vocabulo cum Vahalis alveo,
 qui a Francicis regibus, ut credibile est, jam olim id nomen
 accepit) dextro latere Dunga amnis illabitur, adjacentibus
 campis late exsudans. Solum aliena in ripa Hollandici juris
 est, quanquam in dubium Brabanti traxere, Nassaviorum
 possessio pignoris jure. Arausionensis, post pacem Ganda-
 vensem, ut Brabantiae aditum munierat. Stagna piscium
 capturis celebrata, quos nunc succreta undis vada, aut belli
 circum ipsos sonus & hominum mala fugaverunt. In aggere,
 lacum qui continet, (nam cætera tenui humo aquas tantum
 occultantia opus tale respuebant) instructi anfractus ac late- *Obsidii lo-*
 bræ, quæ ad munimenta oppidi, fossam extra jacentia, per- *storia.*
 ducerent. Sed verni Aquilonum flatus impulsio lacu debili-
 tatam fossionibus partem ejus aggeris absciderunt. Iterum-
 que connisos eadem via (nam alia restabat nulla) tela infe-
 stabant e castello, quod in vicino Dunga aggere hostis adhuc
 tenebat: accessu id difficile, sed politæ crates humo factæ,
 quæ valli vice oppugnantes tegerent. Ex insula quoque, Dun-
 gæ quæ adjacet, explosa tormentis tela: simulque Hohen-
 loius, ne ex oppido recentes castello subvenirent, medium
 arcumque limitem, felix audaciæ, invadit. Itaque dedi-
 tum est. Hos inter labores & munimenta castrorum, men-
 sis fere exactus est, antequam Mansfeldius accurrit. Turma-
 rum sane partem Turnhoutum præmiserat: sed coalescen-
 tem adhuc Mauritanii equites ultro incurssavere, quos Prin-
 cept, nullo usu inter palustria, oppidis reddiderat, unde
 hostium itinera infestarent. At Carolo filio tuti ab hoste re-
 ditus, a suis periculum fuit. Nam properis nuntiis Gallia ex-
 citus, ubi Noviodunum, ut dictum est, & mox Valeria-
 cum ceperat, cum finibus Atrebatum centurionem Hispani-
 cæ cohortis, stupri compertum, ad poenam deposceret, vix
 cæterorum iram ac rabiem evasit; petitus telis, & sarcinis
 exutus a militibus, queis imperabat. Licentiæ assueverant ex-
 terno in solo, & mensium aliquot mercedes ipsis debeban-
 tur: ad hæc Mansfeldius, homo Germanus, suo honore &
 paterni muneris invidia premebatur. Sed his in sancti Pauli
 sano, quod invaserant, relictis, dilapsus ipse fidis cum co-
 horti.

1593. hortibus, auxit exercitum, quem ipsa multitudine gravem tarde duces moliebantur. Duodecim peditum millia, equites quasi ter mille fiduciam fecerant proteri hostem posse, altera virium parte inferiorem: nam Mauritio quinque millia, haud multo amplius. Hinc novæ præfecturæ mansurum decus terrorque in posterum & gloria sperabantur. Nec quisquam suspicabatur immensam camporum amplitudinem, cum incerta uligo & tot æstuaria intercederent, ita circumseptam, ut non arma prælio, non vada dolis locum aperirent. Proinde congruens arbitror, obsidii faciem, & quantum more bellum exercitum sit, paucis exponere; quia non alia castra periculo aut eventu parem famam meruere: & vera æstimatione exemplum tum primum datum est, laudatis veterum artibus utendi in rem magis, quam ostentationem. Bina Princeps castra locarat modice assurgentibus campis, ut læva amnis & urbi propiora ad occasum præfens ipse tueretur; alteris ad ortum Hohenloius consideret. Ibi metatis cohortium sedibus, quas inter viæ & fora, urbis in speciem, pateſcebant: ingens utrobique circumdatus agger in propugnacula sinuatur, tormentisque instruitur; nec eminens convelli facilis, & propinquum certamen haud sine noxa hostium laturus. Præductam fossam, in qua duplex palorum & præpilata series, ne recedentes aquæ nudarent, aut nimio contra auctu traherent munimenta, educendo flumini machinæ & septa moderabantur. Dunga ponte gemino instratus, qua proxime inter castra commeatur; aggeratusque trames palustri solo, cum crates infartæ humo prævelarent, tuta euntium latera præstabat. Tum quicquid circa camporum cœno maduerat, injectis jam virgultis stabile, & si qua æstuaria interpellant, ac vis undarum impositam molem disiectura, præferratis sudibus horret crepido; versa plane quæ fuerat locorum facies, solidatis paludibus, & qua hostis metuebatur, jussis stagnare campis. Cuncta castris interjacentia longo ambitu, ac trium ferme horarum itinere; suus agger & fossa complectitur; speculæ passim, locisque apertioribus disposita castella tormentis & militum telis terrent accedere. Nec eo segnius ulteriora muricibus & foveis turbata, quæ, latentibus exitii causis, passim periculum, equiti, præsertim hostili, metum ubique fecerant. Præseperat & vada, sicubi faciliores aditus pollicebantur. Pars navium, protentis in urbem cornibus minax, firmo anchorarum funium-

niumque nexu devinctæ, auxilia ab oppido nuntiosque intercluserant. Multis in amne atque ipso in lacu attributæ stationes. Quædam & in voragines detrusæ sidebant pariter æstu aut levabantur. Atque alias classes ferendo victui, & quæ bello necessaria, occultabant ad utraque castra oportuni sinus. Ipsique nautæ, in littore iussi Hohenloium propter tendere, haud contemnendo usui fuere. Opera pleraque militum manus ostentabant, novum ea tempestate, quorum labores majori pretio solari egregium compendium fuit, ne compulsæ ex agris; ut apud hostem, multitudo invidiam faceret libertati, aut segnis ad periculum, & iners fossorum turba oneraret exercitum. At mores providentiæ disciplinæ in tantum a sæculo recesserant, ut rusticæ plebi armentisque ea castra perfugium fuerint. Locabant manus, vendebant alimenta, ab armatis pecunias exigebant, quorum si arva Hispani duces infedissent, nullum latis pretium suffecturum fuit ad redimendas injurias. Sub ipsa quidem castrorum munimenta versabant agros, & semina humo inferebant, adeo non præsentis modo, sed futuri temporis securi. Comperitque usu, recti & gloriæ diligentes ambiri ultro commodis, quæ vix per nefas alii & contraria studia assequantur. Nam continentia hæc incredibile quantum laxavit annonam, cum raptores rerum omnium penuria affligerentur. At Mansfeldius circumspectis hostium munimentis anxius, &, quæ magnæ trepidationis natura est, nullis consiliis insistens, dum e cunctis maxime displicet quod semel placuit, primum haud procul Mauritio communit sese, tanta vi machinarum, velut urbem non castra oppugnaturus accederet. Ibi cum dies hæssissent decem, & equitatus Breda egressus arctos ipsi commeatus faceret, sperans e Silvaducis promptius cuncta subvehi posse, transmover juxta Hohenloium castra, inde modo superstagnantem lacum diducere in veterem Mosæ alveum parans, modo naves hostium abigere, aut quod reliquum equitis propulsare, quo tutiori commeatu frueretur. Tandem virgulta fascisque congerit, velut per vada paludum in oppidum irrupturus, non tam sperata aliqua, quam ne nullam habere videretur. Quæ dum irritus voluit, & quo minus diversa in regione fortunam tentaret, conspectus oppidi ac militis obsessi spes ultimæ vetant, per otium hostis Mauritiæ opera promovebantur. Sed nihil magis fatigabat quam paucitas militum, laboribus

1593.

ac vigiliis prope exhausta. Orati iterum Frisii ne adjuti nuper lociorum copiis ipsos vicissim laborantes desererent, cunctati aliquamdiu, quod Verdugo trium cum millium manu ad Slochteram haberet, vexilla tandem quatuor mittunt. Leviora interim per campos praelia ferebantur, promptiore quam necesse erat Hohenloio: ultra haud processum, cum nec Mauritius, supra ætatis ingenium cautus, periculum in aperto, nec castrorum oppugnationem Mansfeldius speraret. At oppidum tormentis infestum, quorum magna penes Mauritium copia perfoderat domos, & quæ intus tormenta, pleraque corruerat, jam & vineæ patebant, propugnaculum usque promotæ, quod vallo prætendebatur. Et septentrionali ex parte in munimentum, cui minus timebatur, non quidem urbi continuum, sed quod fossa ambiretur, nocti pons adactus est scirpeo contextu. Custodes incuriosos & passim jacentes (nam id quoque retulerant, quibus audacia introspectiendi fuit) enisi milites invadunt. Pauci fuga dilapsi oppidum formidine implebant. Nulla etiam ante imperii reverentia: nam ad quem propria oppidi præfectura spectabat, ante obsidium egressus, aberat; nec quisquam alius par ei muneri: unde opera crebro structa destructa consiliis nutantibus. Ex iis ipsis, quæ delata per obsidium præfectura „ duo antea obierant. Et jam tertius dum auditæ trepidationi occurrit, illis saxi exanimatus plane obsequium solverat. Ita præter hostem nihil timebatur, auxeratque metum Mauritius, cum interceptas ad ipsos Mansfeldii litteras, retinere quas posset, mittere maluit. Quippe Mansfeldius, sumpto jam discedendi consilio, monebat obsessos, ne id propter minuerent animos, spem vanam adjiciens, fore ut in alia hostem abduceret. Pacti vitam, si-gna quindecim Mauritio tradidere, integri adhuc a morbo vulneribusque sexcenti, affluente & cibi & pulveris tormentarii copia. Sed in poenam excepti sunt, qui urbem istam prodiderant, cum sceleris memoriam aspectus loci, vetusque & recens labor exasperaret. Eodemque die Mauritius Gertrudisbergam emtoribus eripuit, & venditorum supplicio expiavit. Re comperta Mansfeldius, haud ignarus suam inculari senectam, & deteriora quamvis consilia post eventum prævalere, ac secundis vulgi auribus jactari, angebatur insuper suspecta Silviducensium fide, ne civitas turbidi moris & nullis præsidiiis infesta prosperis hostium & suis ruentibus

Gertrudis-
berga, fra-
stra obni-
tente Mans-
feldio,
Mauritio
deditur.
Proditorum
supplicio
afficit.
Mansfeldii
anxiosus.

bus mutaretur. Nam & Disam amnem, quem urbs ista Mosæ affundit, Mauritanus miles, qui tum Crepicordium castellum tenebat, objectu transversæ molis in objacentia verterat: inde ablata fruges & pecorum pastus rei privatæ damno pacem publicam lacescebant. Visum est placare beneficio, qui coerceri metu non poterant. Sed in castelli obsidium properantem Mauritius prævertit, equite ante misso, qui Mosæ transitu ac Bommeliensi insula hostem arceret: mox ipse cum exercitu amne investus se castello atque Mansfeldio medium interposuit, proximisque ex oppidis petita vim machinarum nullo adhuc præmunitum vallo (properam enim castelli deditioem animo præceperat) coegit relictis tabernaculis minus decoram fugam capeßere Cukios in agros. Mox ponte imposito Mosæ, velut Sylvæducis immineret, novos conatus hostium metu falso morabatur. Tandem digressi duces missa parte copiarum Frisæ bellum auxerunt. Postquam Stenovicum & Covordium interius ad Isalam sitis, Frisorumque urbes & castella Groningam mari & amnibus abscederant, unus in Germaniam exitus Bortania patebat. Haud latus is trames Dullardo haud procul ejus Oceani sinu editur, vastas inter paludes Tarantiorumque genti longo ambitu circumfusas. Wilhelmum Nassavium, quo modo spem ultimam hostibus eriperet anxium, initio anni gelida hyems & flatibus adversa tardaverat. Vere primo investus mari Verdugonem conspicit nuntiis exitum angusta viarum infedis, vetitusque mandatis certare prælio, inconsulto insuper longius progredi quam certi essent commeatus, præsidium in proximo immunivit: unde aut apertis aquarum septis mergeret campos, aut clausis eodem sua sponte undantes siccare vetaret, ac sic itinera impediret. Sed cum Verdugo partem sui militis vastandis Frisorum agris misisset, non ausus id damnum contemnere Wilhelmus, ne adversanti sibi per Frisios factioni (palam enim odia eruperant) materiam criminandi daret, illuc & ipse secedit, & qua potest adversus incursum in posterum munit fines: inde vanis rumoribus aliorum conatuum hoste decepto, Covordio, multarum rerum egestate laboranti, necessaria subministrat. Sic æstas acta versis in Gertrudisbergam partium viribus; quæ postquam cesserat, Wilhelmus receptas cohortes terrestri itinere admovit, cunctisque Covordium inter & Bortaniam castellis in deditio-

1593.

*Crepicor-
dium obsi-
ditus a
Mauritio
fugatur.*

*Wilhel-
mus Nassau-
us hostem
ex Frisia
interim pol-
lere amittit.*

1592. nem acceptis , in ipsa Bortania , qua Wendensem inter agrum & Monasteriensium terras proxime disjunctis paludibus (has quoque & æstas & labor solito magis pervias fecerat) arctus limes , arenarum quodam velut clivo , intersternitur ; quinque centuriis excitari hiberna , & propugnaculis firmari jubet. Ipse cætera cum parte copiarum (quippe hosti subsidia adventare intellexerat) pone Groningam concessit , præmatura spe illectus descituram civitatem , si Verdugo abscederet , qui suburbanis munitionibus inhærescens auxilia opperiebatur. Atque interim Friedericus Herenbergensis missu Mansfeldii valida cum manu , quod reliquos aditus præsidia hostium aut loci natura præcluderet , Othmarsum oppidum , & castella , quæ Wilhelmo tradita diximus , vi multa , nec sine sanguine , irrumpit. Inde successu plenus cum Verdugone ad scindendas Bortaniæ munitiones ibat. Sed properata operum moles , & inaccessa paludum ab impetu deterruere. Continuoque Wilhelmus , per exploratores edoctus in se venire , fossas & munimenta castrorum augebat. Quis tutus consistentem campis aciem contempsit : neque contulit signa , prudens nullam sibi necessitatem , & cuncta hostibus infusa. Tali mora & levibus præliis detrusi Covordium intendunt , per humida & impedita , sed subitus reperto solo , supermadentia fascium aggeribus siccabant. Cumque subita belli locus abnueret , castellis Verdugo iter occupat , sperans inclusi militis famem : deceptus falsis nuntiis , jam bis in vecto quicquid desiderari poterat. Tentavit & Casparis Ensemi præfecti fidem præmiis , metuque , adversus utraque invictam. Sed præcipitante jam anno , munitiones Hispanicæ cœno atque imbribus differebantur. Accessit victus inopia , cum per octo menses vix tantum stipendii accepissent , quantum duobus mensibus debebatur : agrique circumfusi , etiam Germaniæ , rapinis defecerant. Secutum postea frigus auxit egestatem , & orta per utrumque tæbe , fluebant corpora. Pars ærumnas & oblidium fuga deferuere , nec , ut sæpe olim , singuli , sed centuriatim. Incitabatque Wilhelmus , si quis ad se transiret , præmia pollicens. Crevit hinc obsessis audacia , ut erumpere etiam auderent. Otiosa mox hyems , dum suis quisque auxilia & commeatus parant ; nam & amissa ad Groningam castella obsideri a Wilhelmo Frisii jusserant. Sed sero jam anni , violentiora cœli quam

*Bortaniam
munis.*

*Herenber-
genfis Oth-
marsum
aliaque ir-
rumpit.*

*Bortania
frustra sen-
sata Co-
vordium
Verdugo
obsidet.*

*Multa in
castris Hi-
spanorum
calamitas
tes.*

quam hominum imperia prohibebant. Tantum cohortis partem, quæ per Germaniam conscripta Verdugoni succurrebat, armorum inexpertam, obvii Mauritianorum fudere. Aliaque per itinera fortuito concursu varie pugnatum, cæsis fere aut direptis, quos commeatus aut sarcinæ onerabant. Sed Wasiæ terram tributa aspernantem raptu pecorum & captivorum Solmenis coercuit. Castella quæ invaserat in transitu, ut abiit, hosti recuperata. Philippus Nassavius Limburgo circumjecta populatus aberravit urbe: atque ipsum Principem per mare & æstuaria advectum compositæ in Brugas insidiæ fefellerunt; ipse madore ac frigore morbum contraxit, festinato abitu navis una mergitur: culpa utriusque casus penes nocturni itineris ducēs. At regium per exercitum minuente rursus pecunia seditio gliscebatur; initio motus ab Hispanis: tantaque Caroli Mansfeldii, qui præerat, irreverentia, ut missos ad ipsum commeatus interciperent: quorum flagitium detestata diu cæteræ nationes, mox viso offerri tumultuantibus stipendia, negari quiescentibus, ad eadem inclinavere: exactisque ducibus, quos rebus turbatis infidos putant, vilissimus quisque consensu manipulorum præsciebat. Is vitæ necisque dominus terret singulos, omnes timet, precariumque non regimen modo, sed spiritum obtinet, pari periculo, accipiat imperium, seu recuset. Vt cumque discordes & effertati dum consilium legesque sibi imponunt, nec ulla inter ipsos delictis venia est, juris necessitatem farentur, ejusdem boni testes, quod maxime violent. Alimentum iræ militari addiderat subita nimium Hispanorum, qui ærario præerant, parsimonia, revocatis stipendiorum auctuariis, quæ pro insigniori opera, aut per gratiam Parmensis concesserat. Nec tantum in Galliæ confinio, sed Germanicarum urbium præsidiis idem furor rapinis & vectigalibus alebatur; ubi Novesium civitas parte in prædam egressa reliquos militum deiecit. Secutisque aliis quicumque potuerant, documentum id militi fuit, ut avaritiæ temperaret, aut vires intenderet. Bercam quæ tenebant centuriæ septem, abrupto & ipsæ obsequio, nullum sibi ducem, ut cæteri, sed senatum viginti & unius militum imposuere; nec perpetuus is honos, sed temporibus mutabatur. Exigebant vectigal ab agris circumlitis, meliore disciplina, quam nuper sub præfecti imperio facitatus proventus, cum intra

*Princeps
infelici
eventu
Brugas in-
sidia ador-
tus mor-
bum con-
trahit.
Regii mili-
tis seditio.*

*Seditio so-
rum regi-
man.*

1593. menses quatuordecim centum prope millia florenorum confecisset, in partem illis stipendii imputatur; pars altera persolvitur, data impunitate. In eas leges cum illis transegit Hermannus Herenbergensis, accusataque a multis Bojoari antistitis negligentia, qui modico tum sumtu recuperare oppidum suum potuit. Et cum Parmense jam id convenerat, sed causatus expectandum nunc Ernesti adventum, quibus

*Ab Herenbergensi
parantur.*

*Classis Batava
apud Flævum
vehementia tempe-
statis destruitur.*

1594.

*Ernestus
Austriacus
Belgicam
præficitur,*

*Magnus
cum Belgarum
gaudio.*

studii teneretur, parum celabat. At Batavos his malis liberos cœli injuria afflictabat, cum fine anni ingruens tempestas apud Flævum stantem in anchoris classem, navium quinquaginta, ut vela in Italiam expediret, per insulas & vada infido mari depressit, ac vicina littora naufragiis & luctu complevit. Sequentem annum missus qui Belgicam regeret Ernestus Austriacus excepit, exitialem sibi & Hispano maxime luctuosum. Erepti namque Frisii, detractæ Galliæ, arma improspere, insidiæ pacis infames, hostium res inclytæ & florentes, apud ipsos inopes & turbidæ. Quæ mala in vitæ tædium aut mortis necessitatem egere. Adventum ipsius causæ plures, res Turcicæ, imparata pecunia, & familiare ipsi malum articularius morbus, tardaverant. Solennia præfecturæ delata a Belgis multa gaudii ostentatione, qualem vix olim principibus ac lætis rebus imputaverant: adeo facti in omnem patientiam malorum levamenta pro prosperis interpretabantur. Non enim jam Mansfeldium vana imperii specie suis pariter atque hostibus ludibrio fore: mutatum invalidum senem magna nobilitate. Simul honore & velut redditis legibus gloriabantur, quod Regi sanguine & affinitate innexus more prisco ad se mitteretur. Albanum meminerant & Requesenium externis imperiis bellum irritasse. Et Parmensi, cætera haud invito, patriam objici solitam. Iohanni vero, qui regium genus quocunque jure attingeret, modestiam magis, quam populi & nobilium studia defuisse. Venire nunc veram imperatorum sobolem, Germanica integritate, nec odiis imbutum, & concordie faciliorem. Pannonias & extrema imperii fratris Imperatoris vice rexerat, amatus subditis curandi comitate & otii blandimentis, non laceffens hostem, non ipse laceffitus. Haud ultra quietem ferente barbaro amotus præliis, & potior visus qui res Belgarum componeret, fessis armorum civibus, & gnaro Rege quibuscunque legibus constitutæ pacis usum penes imperantem fore. Gravitas morum Ernesto erat:

erat: Belgæ factum interpretabantur. Cæterum, quod proprium genti, rebus haud superior, consiliis & mandatis facile regebatur. Hac ingenii mediocritate ita placuerat Philippo, ut suam illi filiam in matrimonium, & regnum Galliarum sociare per legatos in Gallorum concilio acerrime contenderit: forte & metuens ne si cui Gallo nuptum illa iret, extincta aliquando sua virili sobole, Hispania Galliarum accessio fieret. Sed aliter facis visum, quæ Henricum Borbonum diversa per itinera in regnum perduxere. Is anxius jam dudum, quod natus imperio sola religionis specie arceretur, multis quoque principum hanc per causam impediri se testantibus, quo minus auxilia ipsi submitterent, attritas sibi vires, atque alios summæ spei proximos, amicos inter, laudantes honestam constantiam, aut suadentes profutura, incertis volutabat. Tandem, seu quod nihil crederet sanctius regni quiete, sive & priorem viam more quam iudicio amplexus fuerat, accepit Romanam institutionem. Quod adeo Hispani non interfuit, ut multos deinde per annos odium & arma continuaret: nec ita dudum, Aumalio annitente, Picardiarum arbes, fini Belgico proximæ, adaptæ in ipsius verba fuerant. Etiam Romæ diu apud Pontificem (Clementi nomen erat) & potentissimos consilii, vi ac minis obstitit, ne poenitentiarum Regis veniam aperirent, perfugam sacrorum & novæ pietatis simulatorem vocans. Sed utrisque primum partibus, unde abierat, & ad quos venerat suspectus, salubri dein moderatione, his maximas potestates, tuta illis sacra & partem honorum largiendo, spem vicit, & diversissimos ante composuit, nisi paucos, quantum acceperint ignaros, quos nulla unquam felicitas, aut nulla ultio expleverit. Brevi coeptis per inducias commercii, & ut sit, plebi alluéscente otio, validissimæ civitates, & caput gentis Parrhisii, ac perduellium duces, obsequium accipere, discordia inter se, & externæ dominationis metu. Meduanum, Bruxellam cum venisset, Hispani, ut suis consiliis adversum, retinendum censuere: sed Ernestus, famæ reverentior, obstitit: consilium tamen primo partium duci ad promerendam Borbonii gratiam incitamentum fuit. Nonnulli propria cupiditate, vel Hispanorum artibus detenti, spes suas & pacem omnium morabantur. Præcipue inquit Picardia, & quæ circum alia Hænoviorum atque Atrebatum vicinitate & vi Hispanorum infesta erant; primoque vere Carolus

*Philippus
illam filiam in
matrimonio
destinavit.*

*Borbonius
Romanam
accepit in-
stitutionem
omnino soli-
citer in re-
gno suo
composuit.*

1594. Mansfeldius, qui eos per fines bellabat, antequam ab Henrico auxilium adventasset, Capellam Tiracensis agri municipium, cum fossa siccata vallum oppugnaretur, in deditionem compulerat. Mox ipse Rex cum copiis pervectus Laodunum, iisdem finibus adsedit. Ubi trita æstas, depulsoque Mansfeldio, qui perrumpere obsidium nitebatur, oppidum in potestatem venit. Dederantque foederati Ordines pecuniam Henrico hac lege, ut Belgis arma inferret, quod Elisabethæ invisum, quæ cum bello sui quoque usum ac reverentiam finiturræ providebat. Variis rumoribus Regis a religione defectic per Batavos Britanniamque jactata; ut fere nulla res plus sermonum aut liberiora judicia experitur: cæteros ira & detestatio, Romana sacra venerantes spes incesserat posse & alibi acceptos in publicum ritus sociari, utque Gallia Germania, ita reliquos Galliarum exemplum sequi. Sed foedus & humasorum societas cum Rege mansit; religiones ex suo quisque usu ordinavere. Et gnari Ordines secretis in se artibus grassari hostem, explorandum sanxerunt, ne quod scriptum publice perniciosum in vulgus serperet, neu magistri operatam studiis juventutem pravis opinionibus imbuerent: inde hostis in pacem, ipsi in bellum consilia vertere. Et quia Ernestus aucto exercitu famam & terrorem novæ præfecturæ circumdare audiebatur, emissi qui per Angliam & Germaniam pedites quater mille, parum equitis scriberent. Tutum militibus iter & hosti ignarum, qui frustra ad Rhenum occurrerat. At contra Ernesti delectus paupertate atque aliis casibus impediabantur. Nam Francisci Saxonis Lawenburgici cohors, Monasteriensium agro paulatim coiens, a Batavis cæsa partim disfluxit; & his, qui superfuerant, Oldenburgius comes suos per fines transitum negavit: Cimaensis quoque e Flandris ac Walonibus contrahebat militem, spe ipsi facta fore ut in præsidiis attineretur. Sed ubi duci sub Verdugone cœperunt, dilapsi pars magna; alios morbi atque egestas absumserunt. Alia Swartsenburgii cohors partim ab hoste, partim a rusticis ad Carpam & Aquægrani concissa. Alii in Hungariam militatum iere. Ita novus miles aversus, vetus inobsequens, multum decēpere spes ante conceptas, triginta millia, divisas copiis, ultra citraque Rhenum bellatura. Ipsumque Ernestum, quanto nuper expectatior, tanto præsentem major contentus excepit, ubi otium, Venus, morbi ipsius innotuere: ita ut famosis quoque

*Fœdus cum
Foederatis
seruas.*

*Ab ordinibus
conversis
ne subditi
sui pravis
imbuantur
opinionibus.
Ordinum
novi delo-
cui;
Ernesti im-
pediuntur.*

*Ernestus
Belgicū con-
tentus.*

que carminibus laceraretur. Oneravit ejus insuper famam 1594.
 apud Belgas, quod urbibus quibusdam Hispanorum ingere-
 re præsidia voluit. Quod ab Insulanis & Namurcentibus
 contumaciter recusatum. Vernante primum anno in cam-
 pos proruptum, irritis insidiis duas in urbes plurimum mo-
 menti partibus addituras. Silvamducis, quæ talibus coeptis
 raro indulget, fortuna eripuit; quia adventu militum col-
 lapsus lapis vigiles adverterat. Trajectum ad Mosam etiam
 culpam habet, exterritis centurionibus, quos Princeps na-
 ve præmiserat: & quia miles additus, itinerum gnarus, præ-
 dæ quam virtuti assueverat: nisi forte interdum non magis
 animorum, quam successuum, penes nos potestas est; for-
 tesque alias & intrepidus fatalis interdum ignavia, & repen-
 tinus pavor limphaverit. Trans Rhenum inde Mauritius con-
 cessit, tot ante gestis apud Frisios finem impositurus, quo
 simul Wilhelmi manus & nova agmina coiere: relicto apud
 Bommeliæm Hohenloio, qui duabus cohortibus Hollandi-
 cum finem tueretur. Haud multo ante Verdugonis milites,
 cum aquas adhuc hyems glaciaret Delphizylium adorti, ad
 Amasium amnem castellum, primos conatus silentio toxe-
 re, mox ad terrorem clamoribus utebantur; adeoque im-
 provisi involaverant, ut in aggere maritimo, qui imperitia
 struentium trans fossam ductus vallum attingebat, subito
 tumultu & ambiguo Marte certaretur, ni propinqua navis
 adactis telis, & propugnantium virtus aggressorem multa
 cum cæde depulisset. Tum Groningani dona & præces Er-
 nesto allegavere, ne summum ducem & robur exercitus, pro-
 missa toties, in communem ruinam & excidium urbis dif-
 ferret. At Princeps, gnarus Brabantiae timeri, atque alteram
 partem copiarum bello Gallico illigatam, præmissis munito-
 ribus Covordium versus incedit, itineri simul, & si neces-
 sitas ferret, prælio. Decem peditum millia septeno agmine
 divisa; eques media, sed maxime tergum ambierat. Novi
 consilii ratio, ut turmas hostium (nam ei parti virium Ver-
 dugo maxime fidebat) hastatus primum miles, & aliquot in
 fronte machinæ frangerent; mox fessos equitatus prorue-
 ret. Laevo a latere currus & advectionibus obsecsis commeatus, &
 cohortium validiora. Dextrum tormentis & flumine Vidro
 claudabatur. Etiam Verdugo pro munimentis aciem osten-
 taverat, ut vires animosque hostium specularetur, facili re-
 fugio, vel ex occasione ausurus. Et Princeps quidem con-

*Silvamd-
 uis & Tra-
 jectum ad
 Mosam ir-
 ritis insidiis
 tentantur.*

*Delphiz-
 ylium fru-
 stra virum-
 pere conan-
 tes Hispani.*

1594.

*Adventu
Principis
Covordii
obsidum
servis Ver-
dugo.*

sultabat, munitis paludibus ad obsessos penetrare, an castella aggredi certius foret. Sed Hispanus fractas longa inopia cohortes & imminente periculo discordantes, veterem Parmensis militem, nocte & silentio eduxit, Oldensiam versus concedens; ibi castra fixit, militemque stipendii vice præda satiavit, populantem Germaniæ agros, & quæ brevi hostibus cessura tanto avidius raptabantur. Militum nonnihil trans Amasium, ubi Linga oppidum Regis imperio tenebatur: pars Groningam missi, quo vulgus ingenio mobile, & subitam, si quid ingrueret, formidinem coercerent. Postquam nocturnam fugam & vacua castella dies aperuit, læti-que inter se & gratulantes liberatores & obsessi consalutaverunt, proximum fuit, quod destinatum hactenus, Groningam, quassatam prioribus annis, impellere: quanquam moenibus propugnaculisque valida, nec ad victum, nec ad belli paratus, quicquam desiderabat; & e Frisiis primorum haud pauci tracturam in se commercia urbem hostilem, quam sociam, malebant. Dimisso equite, qui cunctos hostium aditus apud Stenovicum Covordiumque & Bortaniam clauderet, relicta Zutphanæ cohors, qui hostem, si opus, distineret; tormenta mari advecta. Ingreditur Princeps campos multa suorum clade luctuosos; namque ipsi e Saxonibus maternum genus, quos eodem in obsidio mors interceptit, aut irritus diu labor omittere coegit infaustam possessionem. Nec patris parvo constiterat, civile bellum ibi provocasse. Vetustissimi superstites locum monstrabant, quo jacens Adolphus cæsi Arenbergii exuvias, & primos armorum successus nobili sanguine corruerat. Noscebantur & castella, quæ Ludovicus infestis defectionem civium ac studia libertatis frustra sperasset. Tum Lemminga non procul, & septem millium strage detestabilis ripa. At Princeps ac Wilhelmus (pariter enim hic imperabant, nulla æmulatione aut discordia) ut suorum gloriam supergressi locos omine exsolverent, stationes urbi circumdant, metanturque ipsi eam ad partem qua Groninga Frisiis aversa Germaniam late prospectat; haud equidem alibi turribus & propugnaculis annexis vallo, aut extra jacentibus munimentis, firmior. Sed antequam inclytæ urbis obsidium peragam, situm regionis & occurrentes sæpe populos aperire haud frustra erit, quia non alibi attingimus. Transrhenanæ gentes, quæ Amasio includuntur, vetustam haud dubie claritudinem obtinent. Antiquissima,

ut cæ-

*Occurren-
tium popu-
lorum &
situm regio-
nis descri-
prio.*

ut cæteras apud gentes, fabulis incerta, priusquam Romanum imperium cum armis rerum memoriam propagavit; tum Frisiorum virtus & fides nobilitata: Francorum nomen serius auditum; quorum pars Salii, ab amne, quem Salam veteres dixere, nunc aucto vocabulo Isala creditur; & inde Salicæ leges. Conditores & originem non harum magis nationum quam totius Germaniæ memorem, constanti etiam apud veteres opinione, indigenas esse, qui colant: id est, quæ primum tempestate mortales aucta soboles, vel cupiditas, impulit tentare maria, quærere sedes, fuisse qui & hoc ultimum Oceani litus sortirentur. Nec interim negem, partem Normannorum, & Saxonum, & si quæ aliæ gentes maritimam oram classibus tenuerunt, per eas regiones relictam, in mores & imperium coaluisse. Eodemque ipsi exemplo exundantem multitudinem proximas in terras & longius effudere. Sed maxime memorandum, regnis duobus, Francorum in Gallia, Anglorum apud Britannos, primordia istis finitimisque a gentibus duci. Qui domi status, quæ rudibus sæculis Reipublicæ species, haud satis affirmem; nisi quod ultima ab origine reges præfuisse intelligo: neque id nomen infinitæ potestati; sed, quomodo per omnem Germaniam, summum arbitrium penes plebem & principes erat. At postquam commune Germaniæ Galliæque imperium, & mox resolutum, quæ mediæ erant gentes in libertatem, principes in dominationem traxere; turbida cuncta, nec quicquam diuturnum. Et Christiana institutio non omnes apud gentes pariter accepta, ut animos, ita regimen dissociavit; dum alij, specie illecti sanctimonix, sacerdotum imperia optant: sapientiores ducem potius & arma quærunt adversum barbaros, terra marique ingruentes. Hinc bella inter ipsos, & quanquam de religione convenit, non tamen certamina desistere; quæ obtentu pietatis, atque inde vi & ferro, diversis artibus tractabantur. Sic episcopi & comites, divisim inter se Batavis, simul conterminas gentes, ut cuique proximum, rapuere. Nam Zutfanienfes ultra Isalam primi occurrunt, Geldriæ accessio. Hinc, quæ proprie regio Transisalana dicitur, & suis nominibus Tubantes, Salandi, Tarantii, Trajectinis pontificibus tenebantur. At Frisiorum, quod intra Flævum est, post longam rebellionem, in mores imperiumque Hollandiæ concessit. Qui ultra lacus sunt diversam ripam bello & atrocibus præliis implicaverunt,

1594. verunt, victi sæpius quam domiti; quia Hollandi principes dedignabantur precario imperare, & ipsis avita, utque arbitrantur, imperatorum sanctionibus firmata libertas. Ita, in medium consulentes, suorum e numero summæ rei moderatorem legebant, Potestatis vocabulo. Sed munitissima antiquitus urbs Frisiorum Groninga, oportunitate Amassii fluminis, Germaniæ confinio, attollitur. Inde olim, super ingenii ferociam, spes civitati accesserat, ut totius nationis caput, mox Isala tenus imperaret. Quod cum negaret belli fortuna, Lavicam & Amasium dominationis terminos constituit, circumjecto agro gravis: quippe vetitis distrabi mercimoniis, ni venum prius in urbem ferrentur. Munimentum hujus potentiae, postquam pactis usuque juris nomen induerat, externi principes quæsit, & sæpe mutati, quæ propugnatorum honore salvis legibus tributa pendebantur: id lætum in præfens dum gratiæ studetur; quæ postquam magnitudine & invidia consumpta est, pernicies exempli patuit, insito principibus quovis modo parta retinere, cœptasque opes, si obsequio destituantur, per vim intendere. Contumax igitur civitas, nec libertate contenta; & servitutis impatiens, tum vero & intestinis plerumque diffidiis concussa, dominos sibi semper adscivit dominorum tædio, expers ejus boni, propter quod a populis arma capiuntur. Ita Trajectinos olim antistites experta; inde Saxonum metu ad Transamassanos, Geldros, tandemque Austriacam ad domum devoluta, tantas inter jactationes gloriam semper aluit, retento per Austriacos jure, ut ipsa sibi magistratus legeret, uno excepto principis legato, qui supremo judicium de rebus agri cognoscentium confessui præsideret. Hocce bello, quo nihil immotum fuit, gravissimis seditionibus agitata, ad extremum sub Hispanica dominatione resedit, libertatis specie: non, ut aliæ civitates, sacrorum diffidiis; nam cum atrocissimæ leges in novam professionem sævirent, undique exactis tutum ibi perfugium fuit: sed quia, ardesciente inter ipsos & accolæ discordia, Pœderati procures ex vero, aut in gratiam nobilitatis statuerant: callidior Hispanus favebat urbi, unde in subjecta regimen: hoc uno impulsu, ut desciscientem Rennebergium sequerentur (adeo prima mortalibus ultionis & odii libido est) religionem & fœdera projecerunt. Præsidium, ut alibi memoravimus, aspernabantur, ita pacti cum Rege, qui

alia

alia quoque onerum levamenta indulserat : sed e plebe tria millia Hispano merebant. Peregrinus miles ad nongentos suburbana infederat ; comineatum , machinarum , pulveris quantum vix usquam. Posita castra ab urbe longius , quo minus noxæ tormenta urbis inferrent firmandis operibus contra vim internam externamque. Solida ac salubris planities rivos inter Hornam ac Scutendipum diffunditur , qui orti Tarrantiorum paludibus per fossas Groningæ transeunt ; & per Reidipam mari miscentur. Cum toti urbi ambiendæ non sufficerent copiæ , hinc illam oppugnare , hic & hostem , si adventaret , excipere placuit , effusis rivis ut cuncta circumjacentia stagnarent. Compertumque experimento , vicinas oppidis aquas non magis prodesse arcendis hostibus , quam nocere interclusis auxiliis. Duxit Princeps etiam rivos , quæ tormenta facilius castellis per agros passim jacentibus admo-
1594.

Obsidii relaxato.

vererentur. Deserta quædam facile in potestatem venerunt. Sed nobilissimum , cui Adoardizyllo nomen , cum præfectus constantius , quam pro præsentî necessitate , defenderet , acceptis pontibus scalisque , tanto oppugnatum est calore militum , ulcisci sociorum cædem anno ante eodem in loco patratam flagrantium , ut nec recepta sit sera deditio ; nec , ut impetû fieret , imperium sit expectatum. Ita facta cædes , quam auxit ignis fortuito illatus. Hoc castello occupato facilius e Frisijs comineatus in castra adnavigabant ; etiam Emdanis haud pauca mittentibus , donec Verdugo minis terruit , nè studium proderent. Eruptum & ex oppido & ex suburbio non improspere , continuos per imbres fatigatis custodibus novorum operum , quæ ambitione militari festinantius quam cautius promovebantur. Major mox cura , paulatim adfodiendi utrumque in latus portæ , quorum alterum valli propugnaculo , extra jacente munimento alterum defendebatur. Tormentis vehementer utrimque certatum est. Agger & ex humo opera ictibus utcunque resistebant ; pontes , portæ , turres , ædificia dejiciebantur. Et captis ad Verdugonem literis apparuerat nitrati pulveris copiam prodigo ulu , & casibus , prope absumptam. Moniti ergo , ne a fociis deferti , quorum alios Gallia , alios suæ discordiæ distinerent , clausi armis , ruinam ultro irritarent. Responsum , non ut ab obsessis , sed qui antiquitatis & recentium memoria superbirent , maximis ducum non impune lacessiti. Non eadem tamen mens omnibus , & dissidendi causæ. Plebis collegia ,
quo-

1594. quorum major circa publica auctoritas, quam ipsis expediat, arbitrium omne magistratibus permiserant; imminente nuper obsidio legatos miserant qui auxilia concirent. Sed securæ tanti discriminis Belgarum civitates, certantibus circa præfectum novum studiis, profundere sciebant pecuniam, uti nesciebant, cujus nunc penuria res maximæ amittebantur. Igitur fuere qui proponerent tradendam duci Brunovicum urbem, sequestre ejus consilii Hohenloio, & si succederet, vicarium sibi imperium spondente. Sed eam spem abruptit oblidium; quo cœpto, modo ut mortui humarentur, modo rursus ut liberarentur captivi, aliaque specie agitata sæpe colloquia: concessis etiam brevibus induciis, quas tandem oppidani prorogari postulant, donec responsum certius Bruxella peterent; quod merito repudiatum. Præcipuus magistratuum Iorgius, consul ante, tum tribunus militaris, paci obstans, armatus Iesuitarum vocibus, in se traxerat egentissimos vulgi, quæ nullæ ex publico spes metusve. Hi hostium internuntiis pacisque laudatoribus minabantur exitium, non cæde, non rapinis abstinentes. Iam vineæ atque alia propius exitium ostentabant. Sed longe miserrima facies, cum missili igne noctes lucerent incendiis; densique & conglobati, ut domus, ut fortunas defenderent, ardebant & ipsi, aut globis lacerabantur. Postremo quid vitarent, quid tuerentur ambigui, implebant cuncta formidine & lamentis. Contra sacerdotes, & quos Hispanus stipendio obligarat, privatis commodis partium & constantiæ nomen imponunt: ausisque jam suburbano ex præsidio nonnullis trans fossam actis naviculis intrare urbem, his advocantibus, illis prohibentibus, flagrabat seditio, quæ initio haud incruenta, mox externo metu confedit. Princeps, ut bellum urgendo pacis consilia impelleret, maximum ex omnibus intra fossam propugnaculis, in quo arcis Albanicæ manebant vestigia, cuniculis suggreditur; & quo dolum alio conatu velaret, quassata machinis munimenta capturus impetu minatur. Simul ingenti oppidanorum concursu velut detrusi oppugnatores retro cesserant, accenso pulvere quem specus occultabat; disrupta moles excussam multitudinem in fossas adjacentes & longius intra castra effudit: pars vivi aperta humo mergebantur. Tum per ruinas ingressos milites, (Scoti erant) quo minus inhaerentes fugientibus una urbem irrumperent, ruptus asser, qui pontis usum

usum præbebat, impediit; locum tamen tenere, saccos arena fartos opposcentes ingruentibus telis. Iamque omnes flagrare in ulteriora, cædem poscere, eruendæ urbis avidi. Hanc illam, cujus scelere cuncta trans Rhenum quatuordecim per annos exhausta bello aut corrupta. Tot castellorum excidia, atque agrorum solitudinem, cruentaque prælia vicem deposcere. Id documentum cæteris fore, ne vincendi dies tenerent inani pertinacia, & superbis ultro responsis illuderent. Quid autem gloriosius duci, quam rebellatricem in urbem, cædibusque suorum & spoliis ovantem, jus usurpasse victoriæ. Aut si generis injuriam, majorum ultionem publico posthaberet, non tamen servandam civitatem, iniquam vicinis, intractabilem legibus, nec libertati fidam, cui insurgens aliquando perniciem latura sit, aut, si domaretur, infamiam. Hæc coram: sibi quisque prædam urbis opulentæ animo præceperat. Sed Principi, quique aderant Senatorum, ad reliqua belli perpetranda utilius visum, licentia sævitiae in cives militem non imbuere. Sic preces & legatio valere, composita e variis ordinibus, etiam sacerdotum, quæ moenibus egressa urbem, quantumque ejus ditionis, fœderi addidit, ut suis legibus pari jure cum sociis regerentur. Præsidium acceperere, dum nova imperia in consuetudinem verterent; & junctim Frisiis rectorem Wilhelmum Nassavium. Urbanus miles & externus incolumes abiere septimo calendas Augustas. Ingressus urbem Princeps Protestantium sacra restituit, ejectis simulachris, utque convenerat, magistratus legit, maxime ex his, qui ob religionem exsulaverant, valiturus in posterum legibus. De accolarum discordiis, quæ olim per arma atque acies exercitæ nondum federant, sociarum nationum Ordinibus permissum arbitrium est. Atque interim Bruxella Hagam Otho Hartius & Hieronymus Comannus venire, velut privatum ob negotium ad Cimacensis missi uxorem, quæ mariti sævitiam fugiens, apud Batavos exsulabat. De pace, non ut tanta res merebatur, sed obiter egerunt, ab Ernesto literas ferentes, queis belli onera, veterisque obsequii & commerciorum bona differebat. Nec ullas unquam immortales discordias fuisse, paucas bello, pace plerasque transactas. Tum si qua perfidia hætenus formidaretur, at non Austriacæ domus incognitam virtutem, aut suspectum se pacis auctorem. Quin haud alia spe patriam, & fraternos penates deferere, quam ut redderet

1594

*Groninga
deditio.*

*Ernestus
per legatos
apud Ordines
de pace
agit.*

Chri-

1594. Christianis gentibus veram fidamque concordiam. Convenire Ordinibus vicissim ne suas res prosperas, adversariorum ambiguas, in discrimen & belli fortunam mittere mallent, quam tempus occupare, quo darent magis, quam acciperent pacem. Ad ea Ordines, altius orsi, responderunt de causa magnifice, pro sacris & legibus, quæ Maximiliano quondam imperatori placita Mathias Ernesti frater bello texerat. Inde implacabili Hispanorum rabie sibi in arma trusis, nequaquam ignotas bellorum vices, sed laborantibus & oppressis Deum adfuisse: & nunc, magnis societatibus ac sua virtute subnixos, illum eventus judicem malle quam hostem toties perfidiæ expertum; & ne sociis sine regibus arma ponerent, foederibus quoque se impediri. Simul exempla addebant falso ostentatæ vel irritæ pacis: neque nunc accidisse quicquam, cur sperarentur tutiora. Nam Philippum adeo veteres offensas non remittere Christianæ paci, ut barbaros potius pateretur raptare Europam quam desineret ipse aliena regna per arma & fraudes incessere. Quod literis convictum Philippi ipsius ad Wilhelmum Clementium scriptis, queis Cæsarem pollicitando lactare jubebatur, addito, ab imperio Hispanico vim Turciam facile donis posse averti. Nec filebant Ordines, sancientiæ pacis solennia præfectis delegari; servandi jus & potestatem penes dominos esse. Quid denique spei, dum premeret Belgicam miles externus, & summæ rei compotes Hispani atrocibus consiliis Ernesti bonitatem convellerent? Iactabatur in odium pacis non paucorum inter Romanenses sententia, quæ diversa sectantibus servandam fidem neget: versa merito in ipsos commenti perniciæ, dum studio dissidendi hominum commercia abrumpunt. Cunctis nimirum qui fas atque honestum suo in usu habent, nec ullo obtentu dedecus mutatur, & ne diu perfidia fruuntur, ipsi adversum se documento sunt. Plebs etiam, quam primum bellorum pœnitet, recentibus hostium flagitiis in iram novata omnem concordiæ spem averfabatur. Namque Hispanus, tot inclytam victoriis Mauritiæ juventutem, & duplicis regni foedus metuens, usque adeo magnitudine periculi infamiam contemnerat, ut emtis percussoribus singulos per ictus conficere destinarer quod vix totæ acies præstarent. Neque aliud unquam tempus ejusmodi flagitiis foedius fuit, ut nemo veram ab illis pacem speraret, qui jura etiam armorum & concessa odiis egrederentur. Anno

hoc

*Quam illi
repudians.*

hoc ipso, quo colloquium petebatur, sacerdos Namurcensis, 1594
 deinde miles alter transfuga, suspicionibus præventi, ex ipsa
 vultus inconstantia, ut difficulter teguntur tanti sceleris me-
 ditamenta, mox tormentorum metu, ordinem insidiarum
 patefecerunt, quæis Princeps, & frater Henricus Fridericus,
 atque alii eminentes in Republica viri petebantur; propriis
 quisque de causis: Leoninus, quod a partibus regiis descis-
 visset: Aldegondius, quod ad spes in Regem perfidas exci-
 tasset Parmensem: Oldenbarneveldius, quod adversus paci
 crederetur. Michael Renichonius & Petrus Furius fontium
 nomina: sed rectius auctores edentur, qui in conspicuo po-
 siti & gloriæ capaces huic se probro obtrinxerunt. Fonta-
 num igitur & Ibarram Hispanos, Stanlæumque Daventriæ
 proditorem, atque e Belgis Lamotam & Barlæmontium,
 veteris in Nassavios odii hæredem, simulque Alsonvillam,
 Arausiana cæde jam olim maculosum, reperta apud reos in-
 dicia, aut sponte fassi, postquam certa mors, neque in spar-
 genda culpa pretium erat, prodiderunt. Etiam Ernesti pol-
 licitationes, atque hortamenta referebantur: ad Renicho-
 nium quidem, largo se fœnore pensaturum; ad Furium hæc
 ipsa: si id præstas, quod mihi polliceris, ut tyrannum ma-
 ctes, recta te via in Paradisum ducet. Nec deerant, qui hoc
 argumento tranquillum ejus quod credebatur ingenium
 contra interpretarentur, quæsitumque arguerent modestiæ
 vultum, quo tantam feritatem occultaret. Comannus certe
 & Hartius, dum in Batavis agunt, erumpente Renichonii
 scelere, Ernesti ullam in eo culpam negabant; addentes pa-
 ratum & Barlæmontium, si venire fide publica datisque ob-
 sidibus liceret, coram dicta refellere. Sed cum non alia lege
 admitteretur, quam ut evictus pœnam subiret, conditio re-
 pudata est. Sub idem tempus Lodovicus Lopes Lusitanus,
 sed Iudaicæ originis, medicus per Angliam, comprehendit-
 tur, qui quinquaginta millibus ducatorum ab Hispano sibi
 promissis spem fecisse veneni in Reginam indicibus & literis
 convictus, cum consciiis crimen suppliciis expiavit. Aucto-
 res rei dicebantur Christophorus Morus, & Fontanus quo-
 que, & Stephanus Ibarras, tum Bruxellæ agentes, quos Eli-
 sabetha datis ad Ernestum literis perstrinxisse contenta, con-
 citores talium Iesuitas nominabat, & communis exempli
 causâ dedi sibi postulabat; non id adipiscendi spe, sed quo Hi-
 spani famam magis oneraret. Aliorum quoque similes molitiones

*Renichoni-
us & Fu-
rius a Rege
alii quo
magnati-
bus in Prin-
cipem &
aliquos
Belgarum
proceres
empti per-
cussos.*

*Ex spes ad
Elisabe-
tham vena-
no solen-
dam a Phi-
lippo in
Angliam
missus ea-
pitæ suppli-
cio afficitur.*

1594.

*Castellus
Iesuitarum
impulso
regem Gal-
lia occidere
conatur.
Ipso suppli-
cio affecto
Iesuita in
exilium
mittuntur.*

*Secta Iesu-
tica descri-
bitur.*

tiones prorupere, mirum quanto proventu hominum, quo-
rum par ad promittendum & ad indicandum scelus levitas
erat. Auxitque Iesuiticæ sectæ invidiam in Gallia, sine hujus
anni, Iohannes Castellus, juvenis ipsorum ex disciplina, per-
suasusque a magistris nulla illi regia jara, qui a Romana ec-
clesia alienus viveret. Is ergo revertenti ex Picardia Parrhi-
sios Regi cultrum in jugulum direxit, sed flexu corporis ictus
in dentem incidit. Id facinus Parrhisiorum Senatus, non con-
tentus ipsius supplicio, diruta quoque altrice domo, & mole
superstructa, quæ facti memoriam præferret, tum & Iesuita-
rum exilio expiavit. Namque his præcipue talia & Batavi
& Angli & Galli imputabant, ut qui pietatis & fortitudinis
laude incendant juventutem, additis e veteri copia exemplis,
quoties tyrannos publice nocentes privata audentia depulsi-
set. Ea de secta, quoniam occasio tulit, nec alii plus in par-
res contulere, pauca disseram. Auctor instituti Ignatius
Loiola, Navarrico bello ad Pompejopolim vulnere debilis,
fortem adhuc & militarem animum quietiores ad curas re-
tulerat: accessitque ambitio condendi familiam, cui in spem
futuræ magnitudinis, non hominis alicujus eximii, ut tum
mos ferebat, sed ipsius Iesu nomen præscripsit. Aggregati
quibus nova volentibus erant, incredibili studio duo maxi-
me percoluere, vim Pontificis Romani, & opes Hispaniæ:
primique in causam labantem egregia præsidia induxerunt,
& neglecta hætenus, mores inculpato & bonas artes: cre-
bris certaminibus exerciti varias adversus religiones, quæ per
ea tempora Romano nomini insultabant. Ausa per Ame-
ricam & Indiam gloria, dum feras inter gentes Philippo im-
perium Christiana institutione circumdant. Claraque pro-
digia velut ipsis evenerint, per locorum longinquitatem ce-
lebrantur, fiducia affirmantium, & credendi facilitate. Cæ-
tera re ipsa aut in speciem abunde sunt. Fidem & pudorem
sunt in quibus requiras. Magna in vulgum auctoritas ob vi-
tæ sanctimoniam, & quia non sumta mercede juvenus lite-
ris sapientiæque præceptis imbuatur. Sui per urbes & popu-
los præsides; cunctis per orbem unus imponitur, ut pluri-
mum gente Hispanus. Sapienter imperant, fideliter parent.
Transgressi in morem non una habitant omnes: angu-
stum videbatur societatis incrementa parietibus include-
re; dant nomina & conjuges, nec quicquam prius do-
centur, quam mortis metum & cunctos hominum affectus
exuere.

exuere. Sed maxime adſciſcitur, ſi quis ingenio ante alios, aut ſanguine divitiisque pollet. Uſus in ſingularis: nam ingenia diſtinguunt non minus prudenter, quam eligunt; ut quem ſacundia, aut ſcribendi meditationibus ſperant clareſcere. Per ſuorum nobilitatem maximis conſiliis miſcentur, explorandi ſagacitate, & quia ad eruenda arcana nullum vehementius tormentum religione eſt. Opes legatis ac muneribus in ſe vertunt, quas per artes noviffimi omnium brevi ſeſtas priores fama & opulentia vicere; hoc ipſo cæteris inviſi & tanquam e diverſo mores exprobrarent. Sed ſuper æmulantes eveſti, tenent principum domos, laudabili temperamento: quippe medii ſœdum inter obſequium & triſtem arrogantiæ, nec fugiunt hominum vitia, nec ſequuntur. Præcipuum id Hiſpano dominationis inſtrumentum, quo domi concordiam retinet, quo turbat externa. Nam eorum mentibus inſuſi, qui Latina ſacra adorant, per Galliam & Angliam ipſosque Batavos, hic pro regno diſſerunt, ibi contra regnum: & quanquam capitis ſupplicio finibus arcantur, non obſtat periculum quo minus audeant fallantque. At Cæſar pacem quantumvis repudiatam, & quibus dixi ſcleribus inviſum, non deſinebat retentare, ſuper commune Germaniæ velum fraterni decoris cura. Et, ne monere tantum videretur, habito Ratiſbonæ principum ac civitatum concilio, decerni curaverat, armis coercendos, qui perpetuæ bellorum miſeriæ ſequæ & finitimos damnarent. Quæ ut erant inania, nec vocēs unquam & minas tranſitura, ita accipiebantur: nam imminente Pannonicis urbibus tum vel maxime Turcæ, curæ & vires Germaniæ ad externa non ſupere-rant. Eodem anno egregium ſœderatis Ordinibus ac glorioſum fuit exciri ab Iacobo rege Scotiæ, juxta Galliæ, Angliæ, Daniæ reges, ad baptiſmi ſolemnia filio celebranda, quem primum illi conjunx dederat, regis Daniæ filia. Reſpondet honori liberalitas egregiis in regium infanſtem muneribus teſtata, cui Henrici Friderici nomen inditum eſt. Simul veterem cum Scotis amicitiam, atque inter gentes commercii jura, quæque alia Belgarum cum principibus, ac poſtremo cum Carolo, pacta recolligere. Sed fruſtra armorum ſocietas affectata apud Scotum Danumque, & eidem affinitati innoxos Germaniæ principes, quibus tuta ac illæſa quies; nec ſatis cauſæ, cur alienis armis ſe interponerent. Facta ſane per Scotiam ſpes non ſine cauſa Hiſpanis inſenſam, qui per annos aliquot

*Fœderatis
armis ad
pacem ſe
cogere velle
praſert Cæſar.*

*Ordines à
rege Scotiæ
ad baptiſmi
ſolemnia
invitantur.
Illorum in
regium in-
ſenſam li-
beraliſſimæ.*

1594.

aliquot ejus regni quietem factionibus turbant : unde acerbiora in Romanenses jura , & hinc auctis odiis reperti qui justissimam Jacobi spem in Angliæ regnum in Hispani filiam transferrent , argumentis sane absurdis , sed quæ animum ad inferendam injuriam promptum ostenderent : verum formidandæ potentia cunctis obviam eundi initium & Scotus & cæteri principes in alios alii rejectabant. Reversa per Angliam legatio , cuius princeps Waltravius Brederodius incluta stirpe dignationem Reipublicæ præferebat , Iacobo Valckio comite , de rebus foederis consultavit. Ibi munerum invidia

*Elisabetha
invisa.*

patuit , queis gratia Scotorum regis ambita erat ; objectante Regina , ut externæ opis egentibus , intempestivam magnificentiam : neque tam regalis ingenii more , neminem fastigio suo accedere ferentis , quam quod callida mulier , & quæ inter munimenta potentia haberet successionem tenere in incerto , nollet proximum regno & sanguine principem vicinorum studiis hæredem destinari. Igitur , qui mos irascenti , veteris debiti portionem exigit , & si satisfaceret pacem minabatur : quæ modeste excusata ad tempus quietem habuere.

*Qua debiti
ab Ordini-
bus portio-
nem excipit.*

Atque interim , quo offensæ redimerentur , obtemperatum poscenti , ut suam ad classem naves & pecunias adderent , quibus Hispani Britannia Gallica arcerentur. Nam validis portubus confidens hostis possessioni maris , quod Hispaniam Galliamque alluit , utroque e litore imminabat : unde & Angliæ metus , nec satis tuto Batavis occidens navigabatur. Iunctæ classes plerisque maritimæ oræ munimentis hostem depulere. At Transrhenanis in partibus , post captam Groningam bellum stetit ; quanquam erant alia , quæ spem & pretium laboris promitterent : sed instante Buzanvalio , Henrici regis legato , magis ex æquo visum , postquam sua recte processerant , socios respicere , quia tum per Belgarum & Galliæ fines acriter certabatur. Erant qui retento milite pecuniam Regi mittendam censerent. Sed obstitit Buzanvalius , Regem dictans milite rectius quam pecunia uti didicisse. Tantaque ejus habita est ratio , ut & spes egregia , & facti jam sumtus in expeditionem novam continuo posthaberentur. Miles Hispanus , qui Gallicum ad limitem turbabat hætenus , postquam æra & jus licentiæ acceperat , exclusus urbibus , ne per otium pejora auderet , duce Cimacensi Cameraci ad obsidium trahebatur. Namque urbem Philippo quondam possessam Balagniacus , uti memoravimus , imperii Gallici nomine , & suo

*Cimacensis
Cameraci
ad obsi-
det.*

& suo dominatu invaserat, princeps Henrico dictus; inde vicina populabatur. Deerant cuncta obsidiis adhiberi solita, etiam commectus. Ne nihil agerent, claufere urbem eminus & segni custodia Hispani, amicorum gentium agris, quam hostibus terribiles, nec ultra mutari, quam ut seditionum scelera sub imperio usurparent. Interdum & e Gallia prædæ agebantur. At Henricus plerisque perduellium perdomitis vere jam regem ferens, eoque virium auctus, ut, qui sua ægre hactenus tueretur, jam vindex & paria ultro minitans adesset, Philippum edicto increpuit, quod ne probabili quidem obtentu, quæ annis ante viginti & quinque ipsi cum Gallis pacta, rumperet. Avito se imperio contentum, quod coelesti providentia magnificum per se & augustum haberet, abstinere alienis; neque cum finitimis Belgarum civitatibus armorum sibi causam, nisi quam ipsius injuria fecisset. Hænovios igitur & Atrebatas ac cætera servientium nomina hortabatur, proturbare Gallico & Cameracensi solo externum militem, invisum cunctis, & tantum ferentibus gravem, quem nemo impune nisi hostis odisset. Quod ni præstitutum intra diem fieret, regesturum eo tela, unde in se mitterentur. silentium se, velut negarent, accepturum. Attamen civitates respondere non ausæ: sed brevi Philippus Romanæ pietatis studium, suumque cum Gallis foedus memorans, Benearnii principem (nec enim alio nomine dignabatur) qui frustra religionis, quam semper oppugnasset, cultorem, & Galliæ regem imitaretur, armis undique persequendum pronuntiavit. Ea sero, postquam totum per annum Belgicis finibus signa cecinerant, juris simulachra adhibebantur. Sed externo bello ducem Henricus Turrium delegit Vicecomitem Turenæ, aucta tum in nomen Bulionium dignatione, & Mauritiæ affinitate inclytum, cujus sororem Elisabetham Borbonii per matrem generis in matrimonium acceperat. Hoc justior cura, auxiliis & belli gloria attollere principem super jus foederis, privata necessitudine devinctum, & regis gratia florentem. In Luxemburgiam terram conferre bellum placuit, quod Italicis Germanicisque delectibus isthac iter foret: nam spes Batavos incesserat, si novæ copiaræ arcerentur, posse veteres nec multas adeo, nec sane concordēs, sponte Belgarum, aut coeunte bello intercipi. Sed properanti in auxilium Philippo Nassavio viginti & octo peditum centuriis (viginti solas polliciti Ordines ultro numerum

*Galliarum
rex Hen-
rios & A-
trebates
hortatur
proturbare
Hispanum
militem.*

*Illum un-
dique ar-
mis contra
persequen-
dum edicit
Philippus.*

*Bellum in
Luxembur-
giam Gallo
conferre
placet.*

*Philippus
Nassavio
Gallo in
auxilium
missionem.*

1594.

auxerant) nuntius occurrit, acceptis quatuor Helvetiorum millibus Carolum Mansfeldium medio vagari. Igitur praesidio itineris quinque turmas ductante Verio assumit, compositumque agmen, ne quam prementi Mansfeldio occasionem aperiret, trans amnem Mosellam ducit Mediomatricum finibus: nam interiora cuncta hostis praeeperat. Turmarum pars maxima, impetrato aut vi quaesito per Germaniam itinere, in Batavos reversa. Vim magnam equorum iter longinquum absumsit. Sed majus in partes damnum, quod procul domo eques licentius agens, per rapinas ac stupra multorum, aut ob religionem aut alias ob causas Batavis faventium animos avertit. At Bulionius, mandata quidem maximarum rerum habens, sed vires haud juxta, nec Lucemburgi ausus obsidium, postquam socias cohortes acceperat, Parrhisios consultatum ibat ingravescente jam autumno. Patuitque eventu, multo ad rapinas usu, magno domi & damno & discrimine auxilia festinata. At quo minus & subito & acerrimo gelu Batavorum intima irrumperentur, non tutantium consilia, sed mala hostium obstitere. Nam regium per exercitum translata seditio, priorisque tumultus finis alteri initium dedit. Ea rabies & sua magnitudine & remedium atrocitate caeteras longe antecessit, quia non per singulas cohortes, sed inter nationes, nec circa fines, sed in ipsius Belgicae visceribus certabatur, veteremque flagitiis causam, militarem avaritiam, invidia accenderat. Itali, gens natura aemulatrix, soluta Hispanis stipendia, cum & ipsis deberentur, posthabiti in contumeliam trahebant. Pauci primo conquesti, tum sibi laborum & sanguinis pretium periisse, cum ille, columen partium & justus in omnes virtutis aestimator Parmensis, quomocunque mortuus, gaudium sane & insolentiam Hispanis attulisset. Nunc palam despectos circumagi paucorum libidine, qui Ernesti ingenio & regis opibus illuderent: at hercule & sibi arma quibus adversus peculatores debitum vindicarent, nec posse exemplum illis displicere, qui eadem fecissent; aut si quis obstitere, sensurum quos viros Italia daret, Hispaniae victrix illius olim verae, non, quae nunc ita diceretur, foeda pessimarum gentium colluvies, & cui fastus ac crudelitas pro cunctis virtutibus sint. Nec jam tantum manipulares, sed praefectorum fortissimi eadem loquebantur; quibus incitamentis, velut lymphati, omnes ejus gentis signa Sichemum contu-

*Novum iter
regii
militis sedi-
tio.*

contulerunt; Brabantiae id oppidum munitionibus ac situ placuit, unde praedae ab agris & Bruxella usque petebantur. Accessere & aliae gentes, Galli, Hiberni, Epirotæ, & ab Italia usque veterani, qui olim apud Belgas militaverant, pacis obtentu & spe præmiorum, nullis prohibitis præter Hispanos: rarumque ejusmodi motibus, aderant præpositi, quasi de gentis cujusque gloria quaereretur, non ullo jure potestatis, sed ita pollentes, ut se quisque notabiliter turbando militi approbaverat, centuriatus in dies legebantur. Signum factioni suæ, quam militari facelia Rempublicam appellabant, apium examen fecerant, præeunte rege. Tributum indixerant agris, & vectigal præterea cunctis, quæ ex agro evectarentur. Fovebant seditionem arcanæ Mauritii Batavorumque artes, ob metum, ne, si rediret concordia, improvisum aliquod vulnus acciperetur. Iam quippe, per dies ferme septuaginta, continuum gelu paludes amnesque ferendis etiam machinis duraverat. Simul dum hostilis ager, inde Gallorum bello, hinc ipsorum tumultu, rapitur, clausis primum, quo inopiam intenderent, & mox ingenti pretio reductis commeatibus, ærario consulebatur. Auditi igitur benigne quos ipsi suorum ad Principem miserant, narrantes nullo se natalium jure, per stipendia duntaxat, Hispano obligari; atque ea ubi non solverentur, haud ultro devinctos sese: ac si quis oppugnaret, usuros lege naturæ, quæ animantium cuique sui tutelam commendasset. Factæ cum illis induciæ: Cukium quoque agrum, in quem paterina Principi ditio, tributa poposcerant; negantesque rusticos defendere parabat Hermannus Herenbergensis, rogato Principe id saltem permetteret. Sed major hic quoque militis, qui vim partium destrueret, quam imbellis turbæ habita est ratio. Quæ ubi in curiam & quidem Hispanorum verbis in deterius perlata sunt, dubitatum sententiis, dum comitate permulcendos alii, ferociores, & quibus gentile odium erat, dandum exemplum putant, ne quoties ad diem pecuniæ non adessent, exuere obsequium miles insuaseret. Irritabat etiam moderatiores animos temporis ratio, quod cum maxime usus operæ esset, nullis conditionibus paruisent: nec illos fugiebat duriora in se consilia haberi, quin calliditate gentis emtos per exploratores cuncta noscebantur. Et quidam primæres ultro favebant Italici, odio & intolerantia

Ingens & longum per Batavianum gelu.

Cum seditionis Fœderati inducias faciunt.

1594.

Hispanorum. Victus, munitiones, quæque bello idonea modice provisa erant, cum Hispani valido se agmine eandem in regionem inferunt: & primum alios conatus simulare; postquam his artibus neutiquam Italii pares erant, serio claudere egressus & circumseffis moliri famem. Mox & manus collatae, nec incruenta castellorum oppugnatio: tantumque sævitiae, ut in Hispanorum castris clam trucidati ferantur, qui providentia seu alio affectu ea consilia perhorruerant. Id vero nemo jam ferre, illos ab eodem flagitio recentes in aliis vindicare, quod toties sibi permetterent. Ita pessimum exemplum utrique instituerunt, hinc ut eodem sacramento obstrictas gentes mutuo sanguine efferarent, inde ut pro hostibus habiti ab hostibus opem poscerent. Nam prior aditus rex Galliarum, quo manente injuria auxilium præstaret, & tot fortium virorum manibus uteretur, ad Mauritium, ut propiorem, relegaverat, qui cum factas inducias datis utrinque obsidibus firmavere. Tum castellis exuti, nec satis in oppido fiducia erat adversus ingruentem exercitum & machinas, agmen conjugibus & liberis grave per incustodita hostibus nocte & silentio movent. Hiberna Silvadicus non procul posuere, tuti tergum ac latera, cum Breda urbs, Heusdaque & Gertrudisberga accingerent; parata laborantibus suffugia, atque interim latebræ inutili vulgo. Bellique seu victus copiarum deessent, haud secus quam socios inter commebatur. Et Princeps benignitatis famam nec in hoste aspernatus instruxit machinis, addidit equitem, quo valentiores egressi subjicerent agros tributis, aut populabundi ulciscerentur. Sic insensissima ausi, & nondum transfugæ, tertias velut partes in bello fecerant. Misit mox Ernestus, qui impunitatem, stipendia, missionem pollicerentur. Sed cum interceptis ex literis, subesse dolum & poenam imminere cognovissent, suspecta diu omnia habuere. Nec alia circumquietiora. Nam equites peditesque haud pauci, cum Verdugonis castra deleruisent, rerum omnium adacti penuria, adjuti a Cliviis, trans Rhenum, atque inde in Brabantiae proxima concessere. Et qui Dunkercæ præsidio erant, quique Amandi fano & Capellæ, obsequium detrectabant. Ipsi denique Hispani paulo ante pacati, iterum deficiente stipendio, fano Paulino seditionem resumserant. Causæ tot malorum, dispensandæ pecuniæ vetus jam incuria, & minoribus quoque corrigendis impar Ernestus, & classem Americanam

*Princeps
illos machi-
nas & equi-
te instruit.*

*Ernesto
omnia polli-
cen: fidem
non habent.*

ventis,

ventis, morbisque tardantibus, concussa, ut sæpe, Hispani fides. Pars damnorum & ab Anglis, quorum hoc anno, ut per Australia Americæ improperi conatus, ita in Brasiliam iter irrupto Fernambuco præda opimum fuit. *Angli Fernambucum diripiunt.* Secuta hyems, ut retractis ad Cameraci obsidium Hispanis inclementia frigorum & inopia pestilens fuit, ita Verdugoni in Frisios & Groningæ proxima iter præbuit, populatione duntaxat & villarum incendiis grave. Sed resoluta mox glacie hausti quidam terrorem in alios sparsere. Et jam reversus ex Germania eques Foederatorum, ne idem sæpius auderetur, obstitit. Eademque hyems per eluviones infecta Batavis. Nam postquam gelatis diu amnibus retenta vis aquarum, simulque summis in jugis nives tabuerunt imbribus adauctæ, Mosam & quocunque se nomine Rhenus dispergit, cæteraque fluminum circumfusa ripis, moles obiectas multa pecoris & agrorum strage perruperant. Fine hujus anni incerta nobilis judicii expectatio animos omnium oculosque erexerat, dum severitatem alii requirunt, alii inquisitione nimis anxia datum causantur æmulantibus nocendi obtentum. Arnoldus Dorpius, Zirixæ quondam vi Hispanorum obsessæ præfectus, & apud Arausionensem multa dicendi libertate versatus, ita res suas alienasque administraverat, ut objectum invidiæ divitis cognomen apud vulgus acciperet. Is morte Arausionensis extra res positus, a Menenio, nuper ex Danica legatione reverso, pacta quædam cum Dano inita acceperat. Evenit ut mox Dano eadem objectarent legati ab Ernesto missi, quærendæ illic societati, & quo in septentrionem navigatio Batavis turbaretur. Ita deprehensum, enuntiante Dorpio emanasse, arcanum. Hinc orta in ipsum graviore suspitione, dum chartæ pervoluntantur, apparet literarum exemplum, queis hortabatur Ernestum, ut composito ad latendum habitu iter cœperet, mox ubi Hagam venisset, semet professus impermixtum hætenus bello nunc pacis auctorem, adversantibus metum a plebe, sui que & concordiæ studiosis fiduciam adderet. Sed cum exercendi ingenii, nec alio fine scriptum constanter asseveraret, carcere liberatus, domique servatus, deinde datis vadibus dimittitur; paulatim, ut fit, evanescente judicii calore, & ut in potentia plurimum, parabili venia. At Menenius, qui ex judicium Hollandiæ confessu publico ad civitatis Dordrechtensis adfectionem

1594. nem descendens Reipublicæ partem se fecerat, ab ea tandem amotus, scribendis mox patriæ annalibus, annua mercede, adhibetur; non tam spe ulla laboris, quam ut otium viri, valentis ingenio ac literis, animo inquieti, honesta imagine velaretur.



HUGO.

HUGONIS GROTHII
HISTORIARVM
DE REBVS
BELGICIS
LIBER QVARTVS.
SVMMARIVM.

Ernestus concilium ad vocat. Arschotii generosa in illo verba multis assensu audiuntur. Aucti Belgarum in Hispanos odii causa. Taxis calliditas. Bulionius Luxemburgiam vastat. Herangerius Hoiam capti : eam Bojorum obsidio recuperat. Bulionius Burgundia oppida rapit. Velasus Burgundionibus succurrit. Ernesti mors. Regiminis vis penes Fontanum; qui Belgis est inuisus. Mansfeldius moritur. Arschotius Venetias oculatum abis. Belgarum de pace ad Principem legatio. Legatorum oratio, Principis responsio. Infesta re legati dimittuntur. Hostium tamen mitiores pacem volunt, quidam inducias. Hohenloii & Solmensis nuptia. Turba propter Clivia & Indiaci principatum. Orta Ennda dissidia componunt Ordines. Pacis leges. Federatorum inter se discordia. Fontanus seditiones milites pacat. Verdugo furo fungitur. Fontanus Castellum expugnat, Hammum obsides. Galli arce & oppido, frustra obstitente Fontano, potiusunt. Mors Lamota. Villarsius occiditur. Hispani Durlanii arcem expugnant, & una oppidum. Maurisius adventu Mondragonii Grolla oppugnationem relinquit. Philippus Nassavius caditur. Mors Maurisiani militi frustra tentatur. Mondragonius diem suum obit, ut & Antonius Lusitania princeps. Fontanus Cameracum obsidio expugnat: Cameracenses Philippo ut principi jurare jubet. Herangerius capta Lara iterum exigitur. Burgundicum bellum Hispanicum & Gallum exercet. Federati Gallo auxilia mittunt, quod in malam ab Elisabetha sumitur partem. Solutionem debitorum intempestive apud Ordines urget. Hibernica rebellio ex occasione narratio. Regina acriter in bellum fertur. Draco cum classe in Hispanum missus moritur. Navigationum a Federatis institutarum relatio.



Neunte anno Bruxellam Ernestus concilium advocavit, præfatus de rebus maximis acturum; quod in speciem egregium, quasi jura & leges firmaret: sed non prisco more Ordinibus facta potestas de republica judicandi. Antistites tantum & nobiles convenere, quia nobilitati gratia & auctoritas sub dominatione: & sacerdotes vinculo reli-

1595.

*Ernestus
concilium
Bruxellam
advocat.*

1588. religionis fidi habentur; plebs ambigua & cujuscunque pacis cupiens, ideoque nisi in tributis, fere non auditur. Vbi cum susceptos pro concordia labores graviter elocutus, in cætera consilium posceret, Arschotius, primæ inter Belgas dignitatis, arripuisse dicendi facultatem his verbis dicitur. Majores olim nostri, nullis odii causis, nisi quod jubebantur, arma validas in gentes maximeque in Gallos cepere: nec illos periculorum pertæsum unquam est, & quæ mala bello trahuntur, dum principum magnitudinem propugnarent. Itaque res maximas illorum virtute & prudentia patrari contigit. At tunc non arma & consilia, sed miseriæ, ærumnæque nostræ usum habent, bellumque, ut vos dicitis, civile civium manibus non creditur. Quid igitur pacem flagitamus? Imo jam dudum hanc curatam oportuit, cum essent adhuc, quæ vellemus servata, nec incendia urbes, vastitas agros, inopia domos etiam futurum in tempus stravisset. Quod si triginta per annos continuatis cladibus otium nondum meremur, altero nos saltem bello absolvite. In Gallos imus? securam a Batavis terga præstare. Sin hos ulcisci prius videtur, atque ita necesse est, quiescant spes nimix, ne de nostris periclitemur, dum concupiscimus aliena. Sed enim oblata pax est: ita sane. Quam igitur belli causam Gallus, quam pacis moram Batavus adfert? nec enim suis, arbitror, nec nostris quidem malis delectantur. Arcendum clamant peregrinum militem, inclementem illum ac fastuosum, & nostris moribus insociabilem, cui modestiæ nihil unquam, fidei tantum quantum expedit. Hæc nos in illum inique & hostiliter dicta credamus, si non hostilia magis sunt, quæ ab illo patimur. Interroga Atrebatas, interroga Hænovios & contiguas gentes, cui tam uberis agri possessores famem imputent. Aliqua dicent Gallos rapuisse, Hispanos omnia, similesque alios, qui discordes inter se, tantum Belgarum in perniciem consentiunt. Ita sub militiæ & seditionis nomine nos præda sumus; neque hac stetit injuria, etiam externis regendi tradimur: adeo nemo nostrum illis sapit, atque ultro patientia ludibrio est. Quorum si lubido plus nostris querelis valet, placetque vitia dissimulando alere, tandem audebimus, quod orbi Christiano & optimo regi ipsa necessitas satis excuset. Loquentem adhuc primi utriusque ordinis circumsteterunt multo assensu, & velut læti repertum, qui cunctis intra animum agitata palam efferret; frementibus interim Hispanis, nam aderant nonnulli.

Fon-

*Arschotii
generosa in
consilio ora-
tio.*

*Multo pro-
cerum af-
sensu audi-
ta.*

Fontanus confessum vitaverat, qui præponi Arschotio non sperabat, & sequi dedignabatur; ita veræ potentia cupitor, ut inania non contemneret. Hunc ego Arschotium cunctis belli hujus tempestatibus magna animi fiducia fuisse comperio, & qui indubitata in principem fide, non tamen externorum libidini gratificaretur suam dignitatem. Sui plane juris & libertatem impune ferre solitus, regiones ministros illudebat, quia & horum superbia cunctis invisâ, nec ipse ultra voces metuebatur. Et tunc prope ultima senectute securus ista velut oracula popularium mentibus affudit. Sane post pacis Gandavensis tempora nunquam Belgarum in Hispanos insensus odium: & uti potuisse Batavos sunt qui credant, si ut olim sub Arasionensi, ita nunc quoque non penes multos regimen, sed unum vim imperii atque amicitiarum arcana tractasset. Veteres irarum causas incenderant in maximis Belgarum miseriis nimia potentia Hispanorum, & ipsi propriis quoque moribus invisâ. Fontanus, multus somni atque epularum, etiam in adulterio Antverpiæ deprehensus, ægre vitasse exitium narrabatur. Stephanus Ibarra, probatoris ingenii & diligentia, sed eas laudes superbia corrumpibat, quæ ipsi ac Carolo Mansfeldio acerrimi diffidii causa: nec multum ab cæde Stephani Carolus absuerat; arripuitque hunc obtentum Hispanicus miles, ut nisi a suæ gentis ducibus regi noller. Christophorus Morus consilii socius, ut qui cum Idiaqueo Hispaniam regeret, jus domesticæ potentia hic quoque usurpabat. Didacus vero Ibarra etiam queri per literas apud Regem ausus, quod Hispanis exigua apud Ernestum auctoritas, eaque maximis malorum causa. At Taxis, introspectendis periculis callidior, suadebat mulcere Belgas proceres multa honorum specie, manente penes Hispanos pecuniæ regis cura, quæ tacito nexu cætera quoque ad se traheret. Audito Arschotio Ernestus natura cunctator, & gnarus hac optime ratione impetus retundi, consulendum Regem respondit, cui se suasorem fore eorum, quæ ad concordiam pertinent. Hæc spes animos sustinebat: sed non & mala pariter differebantur. Nam postquam arma Reges indixerant, possessis Lucemburgiæ minoribus oppidis, quæ non adversus eam vim erant, Bulionius circum & longius sita omni clade pervastabat. Et cæsis primum aut fuis quatuor Philippini Nassavii turmis, quæ auctu annuum & hostilibus insidiis circumventæ erant, majore mox equestri prælio victor fortunam purgavit. Validas in urbes dolus magis quam vis paraba-

1595.
*Archtotius
Regi semper
fidus.
Hispanis
tamen in-
fensus.*

*Aucti Bel-
garum in
Hispanos
odii causa.*

*Taxis calli-
dis.*

*Ernestus
Regem con-
sulendum
censet.*

*Bulionius
interim
omnia va-
stat.*

1595. rabatur; neque ideo successus adfuit. Vnus sane casus juvare partes, & bellum per eos fines incendere potuit, si non difficilius esset servare, quam quærere: quorum hoc audacia & sæpe temeritate conficitur, illud cura & bonis artibus indiget. Hoia Leodici oppidum est, quod ex majori & indyto quondam barbaricas post incurSIONES restare auctores sunt, & situs persuadet, interfluente Mosa, quem torrens irrumptit violentior, quam pro copia aquarum: is urbi nomen dedit. Solum circa ferrariis asperum, gentis suæ ingenio respondet. Pons arcuato opere; qua dextra ripa surgit, imposita colli arx subiecta late despicit: dilectus episcopis secessus locorum amoenitate; neque minus tamen arduo positu adversus oppugnationem consultum. Sed dum juri & paci fiditur, nequaquam multi in præsidio, per otium atque epulas velut supervacuo munere fungebantur. Parique neglectu ædificia in rupem erecta solum arcis æquabant. Horum unum, conscio possessore, machinator talium Heraugerius, qui Bredam sibi captam præfectus regebat, triginta militibus compleri jubet, qui noctu per scalas & fenestram enisi, primum uli silentio, deinde crebris tuborum ictibus prospectum adimentes undique, captos custodes vinxere. Dubia adhuc luce cum equitibus sexcentis, mille quingentis e cohortibus dux ipse aderat. At oppidani, quanquam primum ad tumultum arma corripuerant, ubi tantum ante portas militum atque alios supra caput aspiciunt, ad geminum terrorem animos submisere. Tum Heraugerius disponere præsidia, immittere equitem campis, perque gentes intra Mosam Hispano subditas tributa describere. Id belli facinus pacatum in principem & utcunque infesti in Batavos animi, certe cui ritu belli denuntiata non esset hostilitas, Hispanis facilius, quam ipsi excusaveris. Neque enim dissimile erat, quod Bonna, quod Berca, bello quidem olim capta, nunc alta Agrippinensium pace, tamen retinebantur. Cum igitur res repetitum misisset Bojoarus Leodici atque Coloniae antistes, responsum est ab Ordinibus, magis e præsentis usu quam gentium jure: non quo ejus imperio aut civibus noceretur, sed contra publicum hostem se oppidum cepisse; reddituos, simul arma ponerentur: neque recte Bojoarum in ipsis incusare, quod Hispano permetteret: & conditiones repudiatae, quibus ad reddendum invitabantur, haud sane iniquæ, ni loci oportunitas contra suavisset. Magnum quippe arx ipsa itineri præsidium, quo Gallica arma Batavicis tutius jun-

geren-

*Heraugerius
vixit aflu
Hoiam ca-
pit.*

gerentur : & in oppido placuerat Italos desertores longe Batavorum a finibus & multam inter prædam seponi. Vbi sperni se Episcopus , aut prolatando eladi videt , conducto tyrone & auxilium peditum mille quingentorum , septingentorum equitum , quindecim cum machinis ductante Lamota , utraque ripa in obsidium tendit : nam regii duces ultro obtulerant operam , ut quorum non minus quam Antistitis interesset , ne Mosæ supernis & agrorum annexu Batavi potirentur. Nec honesti species aberat , quippe cum Philippi Burgundi, Philip-pique primi Austriaci foederibus Leodicus ager in fide esset Brabantiae principum. Oppidum haud satis firmis munimentis irruptum scalis ac per ruinas , & cæsi qui restiterant. Pars maxima in arcem refugi propinquo e colle , quem solo arcis celsiorem antecapere Batavi neglexerant , tormentis , infra & cuniculis petebantur. Aderat enim ingens accolarum manus , queis metalla scrutari solitis , non ignotus fodiendi labor. Iudicaverat Heraugerius teneri diu præsidium posse , atque ea spe auxilia contrahebantur. Sed veritus tandem ne pervia non essent itinera fluviis superstagnantibus , quanquam erant in arce suffugia & trabendi artes , iram obsessoris deditione prævenit : notatus a multis ut subitis melior , quam patientia periculorum. Ipse promissam sibi a Bulionio , ac Italis Sichemianis opem , nec respondisse eventum querebatur : murumque , præcipuam defendendi fiduciam , qui solidus credebatur , apparuisse mox duobus ex parietibus compositum ac medio ruderem dissoluto patescentem , intima quoque arcis hostium verberationi nudasse. Egressi quo minus militum manibus discernerentur ab Hispanis ducibus protecti sunt , tanta sane fide , ut fuerint qui gladium stringerent pro hostibus contra socios : nam cum ipsis pepigerat Heraugerius , non immerito timens ne a Leodicensibus sibi belli jura non servarentur. Episcopus hos , qui fraudis conscii fuerant , puniisse haud contentus , civitatem quoque libertate veteri exiit , ut minus sibi fidam : sed nec in Heraugerium desit quærere ultionem , ignaviam ipsi objectans , & transmissa literarum parte , qua de foederatis Ordinibus minus reverenter loquebatur. Periclitaturum apud cæteros Mauritius , & qui cum illo conscii capiendæ Hoïæ fuerant , defendere. Non diuturna alienæ urbis possessio fuit , quadragesimo atque altero die recepta est ; & facti periiit fructus , manente invidia. Ac forte evenerat , ut , quo die mox amissæ arcis nuntius nemine expectante advenit,

1595.

*Bojarnus,
ea ab Or-
dinibus
frustra ro-
pessa, in
obsidium
tendit.*

Oppidum

capis ,

*Artem op-
pugnati :*

Deditur.

1595.

nit, Ordines, freti firmitate loci, legatis Episcopi ferocius responderent, Hojam se reddituros ubi Bercam hostis reddidisset. At Hispanus ad Bercæ possessionem Hojam quoque adjunxit, captamque tenuit, donec solutis impendiis, & ab illis finibus hoste amoto, tutum postea putavit reddere. In hoc quoque pietatis gloriam quæsiuit Philippus, prædicans malle se de suo largiri Leodiensium ecclesiæ per Belgas antiquissimæ, quam quæ ipsius essent ullo obtentu eripere. Quadringenti eorum, qui cum Heraugero Hoja exierant, ab octoginta hostium equitibus cæsi, dum præda graves nimiaque servandi cupidine semet impediunt. Iustas & illi poenas dedere, quos Transifalanis e prædiis Monasteriensem per agrum populabundos noctu hostis incurrit. Henricus inter hæc, ut hostem Picardis imminentem ad sua defensanda cogeret, Bulonium ducem, quanto potest exercitu, Burgundiam eam, quæ comitatus cognomine Hispano paret, ingredi jubet, secutus regionis oportunitatem, quia ex Italia & Germania hac maxime commeatur. Primi impetus vim habuere, cum multo terrore oppida raperentur, & objecta passim tumultuaria manu ejus gentis, quæ bellum toto sæculo non viderat, cædes magis esset quam prælium. Neque tamen Belgarum finibus abducta signa. Sed, audito discrimine, Velasus Comes stabuli Castellæ (hæreditarium dignitatis nomen est,) qui tum jussu Hispani Mediolanum curabat, vim equitatus peditumque Transalpinis prædiis excitam hyemantibus adhuc jugis traduxit, receptisque in transitu urbibus aliquot, Ararim ad amnem confedit, majores copias equestres & Vmbrosum, Germanorumque delectus opperiens, neque dato pugnae casu, Gallorum impetus frustrabatur. Hæc inter pericula & discursantes nuntios, jam ante per hyemem corruptior Ernesti valetudo gravescere: nam gnarus Hispanis invisum se, nec Belgis satisfecisse, & differri inimicorum vocibus apud Regem, agique pacis & belli reum, premendo tantos dolores irritabat, donec lenta febre attritus & sanguinante morbo defecit. Mors ejus, ut fere principum, suspecta; sed sine motu aut turbis fuit: dum otiosos spes concordia, cæteros multiplicis belli labor distringit. Veram lethi causam introspectores secti post mortem corporis prodidere calculum, & in renibus vermem etiam tum viventem, qui proxima arroserat. Vacuum regimen a Philippo Senatus accepit. Summa rerum belli domique penes Fontanum, præsidis nomine. Hoc illi munus Ernestus

*Henricus
Bulonium
cum exer-
citu Bur-
gundiam
ingredi ju-
bet.*

*Velasus
Burgundiam
succurrit.*

*Ernestus
inter hæc
moriatur.*

*Penes Se-
natum re-
gimen, cu-
jus præses
Fontanus.*

Ernestus morti proximus scripto ad tempus mandaverat, Hispanorum ex sententia; mox Rex firmavit. Neque ille, quam vitia adfuere, impar tanto muneri, quod res per Belgicam gestæ ejus cura, & mox alias per terras docuerunt. At Belgæ procures, qui illum hætenus vim potentiæ minori sub imagine occultantem non tulerant, sumta jam ab ipso insi-gnia, invidie atque irate ferebant. Vera prorsus de patria majores locutos, Hispanis se quondam provinciam fore. Post Albanum & Requesenium, aut, quod propius est, Rodam, modico tempore & in speciem repetitas leges, atque eandem redire superbiam. Arbitrium igitur pacis penes alienigenam fore, qui priores dominos, vitiis pares, dignitate non æquaret. Hæc sibi quisque: fortiores & aliis loquebantur. Nimirum cunctis populis prægrave & velut probrosum est parere externis: neque alia regibus tam supervacua invidia est, cum singulæ gentes daturæ sint, qui servire concupiscant, ut aliis imperent. Carolus igitur Mansfeldius, militari gloria, & magnis semper inimicitiiis spectatus, ut qui Parmensi quondam, nuper Ibarræ, nunc & Fontano contenderet, specie honoris seponitur, sociis cum cohortibus, quas Philippus imperatori miserat, Turcam eo tempore valescentem in Pannoniis oppugnatum iit. Proximus ibi Mathiæ, qui frater-no exercitui præerat, veterem virtutem & artes, scientiorem in hostem exercitas, haud diu usurpavit, absumptus morbo inter belli pericula. At Arschotius, ne se Fontano secundum Belgæ conspicerent, apud Venetos sponte exsulavit; eo proficisci testatus, ubi liber moreretur: nec plebe secundiore Fontanus utebatur: quia turbante leviter Germano milite, qui Bruxellam servabat, per suæ gentis cohortes possessionem urbis affectaverat. Id cunctis adversum, nec aliorum tumultus magis, quam Hispani militis modestia timebatur. Et cæteris civitatibus eadem formido. Duplex hinc intemperies, his, quod exclusi erant, illis quod prope depulsi, querentibus: ob utrumque agri plectebantur. Vnde cum ad prioris anni calamitatem nova lues accederet, & ipso inopiæ metu annona vexaretur, exsolvit vulgi gemitus paupertati propria libertas. Hoc magis in pacem cunctorum ordinum animi flagrare, cuius desiderium facta ab Ernesto spes incenderat. Neque Fontanus restitit quo minus inanibus experimentis vota sua fatigaret. Flagrabat ante alios pacis studio Croiorum domus; e qua Haureius Marchio ad Iacobum Maleræum, suæ quon-

1595.

*Quem Bel-
gæ invase-
serunt.*

*Mansfel-
dius in
Pannonias
contra Tur-
cam missus
morbo ab-
sumitur.*

*Arschotius
Venetias
exulatum
abii.*

*Belgæ amo-
re pacis fla-
grans.
Haureii su-
per ea ad
Maleræum
litteræ.*

1595.

*Maleræi
responsio.**Procerum
Belgarum
nomine ad
Principem
legati ve-
niant:**Illorum ad
Principem
verba:**Mauritii
responsum.*

dam domus partem, tunc Mauritii in aula florentem, literas misit, affectus sui indices. Quas cum ille Principi, Princeps Ordinum potentissimis ostendisset, jussus est rescribere Maleræus, ita spem esse pacis, si miles Hispanus non interiore tantum Belgica, sed Luxemburgia quoque & Burgundia egressus, metum sui undique tolleret. Ad quæ cum rescribens Haureius totum illud postulatam silentio transmitteret, iterum Maleræo mandatum, significaret inter Fœderatos & alterius Belgicæ ordines posse inveniri concordie rationes; cum Hispanis nulla ipsos velle colloquia. Igitur procerum Belgarum nomine (neque dum Arschothus profugerat) adornata ad Mauritium legatio, ut æquum animi, & cognatis nobilitatibus faventem. Theodoricus Liesveldius Brabantia quondam Cancellarius, Valesio rerum potiente, Masiusque & Hartius, clari omnes civili sapientia, ad colloquium venere. Agebat tum Middelburgi in Zelandia Princeps, apud quem orsi edisserunt: olim cum Belgarum discordias peregrinus miles in prædam venderet, Senatum, qui tum rebus præsidebat, civile certamen diremisit, idoque fœderi Regem factum auctorem; nec arduum ipsis, postquam inter se consenserant, externis armis liberare Rempublicam. Mox alia intervenisse partium utrinque culpa, seu ira cælesti, quæ vetuissent prope sanatum vulnus bona fide coalescere. Idem nunc Senatus regimen: iisdem se malis fessos a vicinis finem orare, quem & ipsis placitum confiderent, hoc quidem justius, quod integri & florentes ad pacta vocarentur. Etiam dubium non esse, quin Mauritius, qua sit animi moderatione, deferere fortunam malit, quam ab illa deferi; cum nihil sapienti suspectius sit quam longa felicitas. Optime igitur claritudini suæ consulturum, qua priscos quoque duces præfulgeret, si partam gloriam referret in tutum. Egregias illi præfecturas, & satis rerum, quæ ingens animus pasceret. Non tantum armis Nassavios nosci: plerosque pacis artibus inclaruisset, Quin illas amplecteretur laudes, quas lugeret nemo: & obsequia potius expectaret ejusdem sanguinis principum, quam vota facere cogeret contra ipsius magnitudinem. Aut si præ cæteris placeret illa in sanguine & sudore virtus, esse ubi Christianum nomen armis attolleret. Ita mereri prudentiam ejus & fortitudinem, ut de summa belli nemo non ultro cederet. Ad quæ Mauritius, ita uti Ordinibus placuerat, paucis adfidentibus respondit. Vtinam quidem se tam felicem, ut finem civilium

civilium malorum sæculo suo & posteris imputaret. Id sibi gloriosius, quam nomen expugnatoris, quam decus triumphale. Si tandem illi Hispanorum injuriis vere irascerentur, capesserent dignum majoribus animum. Ita facultatem dari, ut liberi cum liberis quæ vellent paciscerentur. Redeuntibus ad fœdera non se modo vindices, sed socios reges adfore, quorum nunc vi succumberent. Neque magis obstituram concordiae rituum dissimilitudinem, quam nunc Galliae obstaret. Nihil se aliis præscribere. Religionis iudicium Deo & singulis gentibus relinqui. Cum Belgis multa sibi & Fœderatis gentibus communia, vetustissimas societates, jus sanguinis, fas gentium. Eosdem inter & regem Hispaniarum infecta cuncta & hostilia, quæ per illius libidinem coepta, necessitas auxerit. Nec posse cum eo hoste pacisci, quem coacti sint principem abdicare. Neque pacem hanc, sed deditionem fore. Implacabiles dominantium offensas, minimeque dubium quomodo imperio usus sit, qui bello sic uteretur. Multa tempus & rerum vices afferre, quæ frustra in præsens sperentur. At nunc quomodo ei se credituros, qui fas putet iustorum hostium capita licitari? Vetera in exempla advocare parcerent. Omnium se & patris meminisse. Cum Liesveldius, omnem se dignitatem Arausionensi debere referens, nunc quoque se diceret Ordinum Belgarum mandata exsequi, neque Hispanos istis consiliis permixtos, Princeps ejus rei præmonitus manu in sinum Liesveldii demissa, diploma, quo Fontanus commeatum ei dabat, eduxit; speciosa verba certo documento refellens. Sic dimissa legatio, cum mandata non haberet citra regium nomen paciscendi. Varie prudentum & vulgi sermonibus excipitur novi responsi species, dum pars gloriam & opes bello captant, alii pacem sperant; ideo, quia valde concupiscunt. Hispani & qui hos sequebantur, satis jam in regiam maiestatem peccatum, si cui ea curæ, quod desertores & quibus summum fuerat veniam mereri, ultro ad pacta vocarentur. Quid tot jam legationibus profectum, nisi ut intolerantius superbirent? Modicis successibus hos spiritus induisse, ut non ipsi modo reverentiam excuterent, sed docerent alias gentes sine principe pacisci. Irent sane iterum & audirent rebellem Batavum, ferentem leges, quibus se faceret Philippi victorem. Si hætenus dubitaretur, at nunc manifestum aspernari illos pacem; provisus Helvætorum exemplis, & si qui præterea everterent dominationem, quam mox

Legati & infecta dimittuntur. Principis responsum varie excipitur.

1595.

ipsi invaderent. Vnam pacem, quam subacti armis poscere cogerentur. Id brevi futurum, si non minus Belgis animi pro fide & obsequio, quam hostibus in diversum cerneretur. Mitiores pacem tam prope admotam omnino teneri suadebant. Quid enim adeo mirum, si Batavi Belgis se permittere, quam Regi mallent, qui consciis offensæ ultor formidaretur? Nihil principatui vel religionibus inimicum, sed illud posci de externo milite, omnium vota, bello quoque utile, sed paci necessarium. Legatos a Rege deligi & mandatis instrui posse, quocunque nomine mitti placeret. Nec ita inexpertam Belgarum fidem, ut eum pactionibus frustrari vellent, pro quo sponte arma paterentur. Multa honestius principem ferre, quam concedere. Quæ si nondum sufficerent, fas tamen Regi, jus summum publicis utilitatibus donare. Respiceret suorum miseriam, & quomodo ultimo a spiritu penderent deficientes tot populi. Diversam esse ejus belli fortunam, quod inde nocendo, hinc pereundo gereretur. Nam hostibus pascua, opificia, piscaturam, quamvis numerosæ plebis alimenta. Tum quanto his majora, quod illorum in finibus cuncti amnes exirent & flumina retro in caput, Oceanus sine termino navigaretur? hinc illam advenarum multitudinem, oræque exiguæ totas inferi gentes. Vere æstimantibus illos & bello frui. Sibi præreptam agrorum spem, siccum litus, & classibus obstructum. Onera tamen & rerum caritatem, quæ nullus quæstus solaretur. Tum vasta cuncta & exhausta, quæque superessent turbata discordiis. Disputaretur equidem an pax haberi possit. Certe bellum non posse. Addebant novum metum, ne tædio malorum Foederati populi legendum ad principem agerentur, externa potentia, sive domesticæ virtutes placerent. Spem aliquam dari adversus vacantem Rempublicam; ubi dominum invenient, bellum inexplicabile, aut pacem cum damno & infamia. Erant qui inducias laudarent: res enim Batavum stare adhuc concordia, & concordiam metu. His semel amotis subitura æqualitatis vitia, & æmulationes civitatum, quæ vix inter armorum pericula conticescerent. Interim cum gentibus divitiarum avidis commercium animorum fore, & corruptis primoribus, etiam plebem, quo est ingenio, amare incepturam quicquid odisse desineret. Nec redituros facile sub belli onera, quos permulisset quantulicunque temporis immunitas. In summa, diem pro regibus. Subactis Batavis, apud quos robur & consilium

*Hostiles
milites
pacem desi-
derant.*

*Quidam
inducias
volum.*

lium & obstinatio , promptum Philippo dispicere , quem viribus suis modum statuatur adversus Galliae lacerum corpus , & Britanniam muliebri regnum , cum illa protritit frustra opibus , & hæc solam ob formidinem bellaret. Et Lipsius hoc consilium veteris historiae exemplis firmabat. Contra Taxis iudicabat , Belgis , qui Regi parerent , majus fore ex induciis damnum. Ita certantibus sententiis , cuncta potius quam quæ aciderunt , destinabantur , fortunæ more , quæ hominum prudentiæ inimica futuros casus in occulto tenet. Sed ne vulgus præcisa spe pacis ad seditionem incitaretur , immissi rumores prolata esse colloquia , quo externorum principum auctoritas interveniret. Et imperator sane literas mox misit , inscriptas Hollandiæ Ordinibus , quas ipsi Fœderatorum in confessum detulere. Hi responderunt , optare se cum vicinis concordiam ; ab Hispanis , cur pacem sperare non possent , sæpe indicatum : neque evenisse quicquam cur sententiam mutarent , nisi , post immissa in Reges venena & percussiones , tutius nunc talium scelerum auctoribus crederetur. Simul mittebant ad imperatorem interceptas Taxis ad Philippum literas , quæ ille , sicut ferendum dictabat Ordines Belgicos cum fœderatis Ordinibus velut pari sorte inter pacificandum componi , ita ad Fontani arbitrium cuncta referri volebat : multa monstrans effugia , atque inprimis dissuadens , ne aut dimitteretur miles Hispanus , aut Germani pacis arbitri fierent. Iisdem partibus hoc anno comitum Philippi Hohenloii & Georgii Eberhardi Solmensis matrimonia ludis & dapibus atque e publico donis celebrabantur. Hohenloio Maria , Solmensi Sabina nupsit , Lamoralio hæc Egmondo , illa Arausionensi genita : clarum utrunque & favorable conjugium , maritorum meritis & virginum nobilitate , quarum parentes plerique meminerant victimas cadere patriæ libertati. Inter civilia mala erat , quod nummi pretium immenso auctu jactabatur , & singulæ nationes jus signandi in prædam verterant ; quæ æquomodo & gentium commerciis reddere quibusdam animus fuit. Sed e contiguo serpenti licentiæ , etiam qui vetuerant , succubere. Manentque argumenta non satis certæ societatis , melior adversum hostem , quam inter se consensus , & victæ leges. Etiam vicini motus mentes adverterant , qui fere amant , ni jure dirimantur , propinquo bello , & partibus involvi. Nam Cliviæ & Iuliaci principatum , ut prioris quondam domini invalida ætas , ita filii , qui successerat , morbo imminuta mens

1595.

*Quæ &
Lipsius suadet.*

*Hohenloii
& Solmensis nuptia.*

*Turba propter Cliviæ
& Iuliaci principatum.*

1595. Hispani artibus patefecit. Raptabat imperium hinc uxor pro-
 cax moribus, sanguine Badensi, subnixa Austriaca magni-
 tudine; gentis inde primores, Brandenburgicusque ac Neo-
 burgicus principes, qui per conjuges ducis sorores sibi spem
 tantæ hæreditatis vindicabant; invito sane imperatore, qui
 extincta virili stirpe principatus illos sui futuros muneris ju-
 dicabat. Favebant his omnes qui illis in regionibus Prote-
 stantium sacra sectabantur: etiam Romanensium nonnulli,
 metuentes Austriacæ domus factum subditis gravem, & tri-
 butorum cum sumtibus certamen difficile. Hi ergo, Ordinum
 Iuliacensium ac Montensium nomine usurpato, ducem ipsum
 ita inhumane asservatum, ut non mediocre id morbo alimen-
 tum crederetur, liberant, uxorem custodiæ mancipant, ve-
 lut iniqua molientem. Audiebatur interea comes Suartsen-
 burgicus Hispanorum hætenus cliens, militem illis finibus
 conicribere, ut ipse ferebat, Turcicum ad bellum: firman-
 dæ Austriacorum factioni, ut alii existimabant, quibus haud
 credibile copias, quarum usus in ultima Pannonia foret, di-
 versissima parte Germaniæ colligi, ut inutili diu stipendio,
 ac damno itinere tradicerentur. Imperii Germanici reve-
 rentia obstitit, quominus ipsos & imparatos Batavi mi-
 les irrueret. Hoc tempore Elector Brandenburgicus fœdera-
 torum Ordinum amicitiam atque societatem ambire cœpit.
 Idem faciebant illarum regionum primores, pecuniam non
 longum ad tempus orantes, quæ mox ex facili proveniret,
 ubi in se regimen & ærarium traxissent. Et erant in Batavis,
 qui properandum censerent. Nam & trans Rhenum sitis
 quietem inde portendi, & sua cum Gallicis armis illo vinculo
 nehi. Prudentius alii existimabant, hosti valentiori non esse
 suppeditandum illas in terras tam speciosum belli titulum; ven-
 turos in partes non hos modo, qui inter Clivos Hispano stu-
 derent, sed vicinos quoque episcopos & sacerdotes; & opem
 poscentibus, idem quod sibi, pecuniam deesse: nec posse suis
 viribus longe dissita, lateque sparsa defendi; quare expectan-
 dum, donec quorum res ageretur, eorum animi viresque ma-
 turescerent. Nec minus Emdæ barbarum. Opulenta urbs
 trans Amasium, ostio ejus amnis assidet, pars ejus Frisiæ, quæ
 Cauchos olim complexa interfusum Batavis Danisque litus
 implebat. Vnde nunc etiam ea regio Orientalis Frisia dicitur,
 quia veteres cis Amasium Frisii ad Occasum ei objacent. Mo-
 res olim, quales cæteris Frisii nominis; etiam libertas, relicta a

Frang.

Branden-
 burgicus &
 Neoburgi-
 cus compo-
 situs,

Qui libera-
 to duce ux-
 orem custo-
 dia manci-
 pant,
 Suartsen-
 burgicus
 contra illos
 militem
 conscribit.

Branden-
 burgicus fœde-
 rationum
 amicitiam
 ambire,

Petia a suc-
 cedis Ordines
 differunt.
 Emdæ quo-
 que turba-
 tur: situs
 ejus.

Frisonum
 orientali-
 um mores &
 regimen.

Francis quoque regibus & Germaniæ imperatoribus, ubi dominari non poterant qualicunque obsequio contentis. Publica per conventus populorum seorsim, & communiter gentis totius, curata: judicia per delectos in conventibus minoribus majoribusque exercita; par in his jus omnium qui prædia possiderent; plurima tenentibus maximus bonos, eaque sola nobilitas. At hi cum arces struxissent non sibi modo, sed & aliis confugia internis externisque bellis, & domi manum haberent adversus vim paratam, moderatores conventuum, & iudicibus contra factiones præsidium, paulatim per dissidia aut incuriam plebis, quæ poterant in se traxere, & huic redeunte interdum libertatis memoria, alii adversus alios vindices facti. Inter hos Grethana domus per connubia, per hereditates valida, & multorum prædiorum domina, quæ jurisdictionem usu suam fecerant, etiam Emdæ vici primum, deinde tenuis oppidi, durius ab aliis habiti tutelam suscepit. Hac origine Uldericus anno post mille & quadringentos quinquagesimo quarto clam primum nobiles alios, clam populum, ab imperatore Friderico in eum tractum, qui ab Amasio ad Visurgim mari prætenditur, accepit nomen comitis & jus, quantum libertas Frisia pateretur: decemque post annis publicavit tabulas, sed contractiores, ne aliorum, qui alibi intra eos fines insurgere pari modo coeperant, jura læderentur. Temperavit hic benignitate imperium, multa populo Emdano, multa magistratibus relinquens, aut largiens, magisque etiam natus eo patre Edfardus, mutua in se subditorum fide adeo potens, ut horum spe Groningæ & annexi agri principatum speraverit, tēneritque, donec eum Saxonica arma, fides mala Geldri, ac postremo cuncta invadens vis Austriaca trans Amasium rejiceret. Huic filius Enno, impar patri, & sic regens ut ab aliis ipse regeretur, haud longus vitæ atque imperii. Quo tempore cum orbis Christianus religionum dissidio concuti coepisset, Emda eam professionem secuta, quæ alias per terras ferro atque igni petebatur, Belgas, Gallos, Anglos vim magnam convenarum, opportunitate fluminis invitavit, aluitque. Anna tum Oldenburgica filii Edfardi alterius nomine præerat, civiliter usa principatu jam crescente, nec ut Germani principes solent. Idem illi pietatis studium & legum reverentia, quas non tam libertatis, quam imperii præsidium judicabat. Hac comitate & perfugio gentium, incredibile quantum urbs adoleverit, aucta non minus sex

1595.

Grethana domus jurisdictionem usu suam facit.

Uldericus Frisia ab Imperatore comitatus.

Groninga principatum tenet. Ab Austriacis trans Amasium rejicitur.

Emda magna siccis incrementa.

1595. hominum millibus. Secuta mox florentium populorum malâ, superbiâ apud ipsos & luxus, invidia apud dominantes. Nec tamen ad vim ventum, dum Edsardum asperiores frater minor Iohannes mitior consiliis aut metu retinebat. At, Iohanne mortuo, Edsardus religionis discors (nam ipse Augustanam, Genevesem Emdani profitentur) magis ac magis suspectam habere cœpit civium felicitatem. Vxor instigatrix aderat regia Sueonum stirpe, regioque ingenio: & narrabatur hæc inter cætera suppellectilem ab oppidanis commodatam sibi detinuisse, hoc obtentu, quod privatum nitorem excederet. Irritamentis illorum, qui novandi studio principem aut populum adulabantur, prævum certamen eoque invaluit, ut Comes cœtus sacrorum causa institutos, seditionum conciliabula, & stipibus, quas clara misericordię civitas in usus pauperum contrahit, vires adversum se quæri interpretaretur. At contra nomen libertatis, & quæ violentissima persuasio est, Dei cultum jactabant acre concitorum genus, qui rerum civilium ignari, specie religionis turbidi, sæpe bonam quoque causam male agendo pervertunt. Invieta progenitorum virtus, recensque & propinquum exemplum Batavi cum Frisis monstrabantur. Et quid sibi pulchrius, quam si priscum in nomen ac fortissimarum gentium fœdus coalescerent? Iam onera commerciorum, jam suos magistratus rebus intentior Comes imposuerat, & adhuc fera quamvis & contumax plebis ira intra voces sæviebat. Cunctationem & pudorem excussit visum in arce præsidium. Privato duce rapiunt arma, & machinas: curiam, portas, cætera urbis munimenta invadunt. Neque centuriones tantum ac tribunos legunt, sed pessimo quoque exemplo novos sibi magistratus præficiunt; illis demotis qui ob sacramentum principi dictum turbis semet exemerant. Arcis custodes fame coacti discedere, cunctis ad vim versis haud dubie Fœderatarum gentium opes respicebantur. Missi ab utrisque partibus Hagam legati, qui Ordines convenirent. Acculabant illi inconditam multitudinem seditionis, cujus ultionem & exemplum ad Ordines pertinere, vigentes concordia, & si vulgo imperia spernerentur, præcipuos ad injuriam. Contrarii odium sincerae pietatis, ruptas leges, injusta onera, regnum factione & armis quæsitum memorabant; velut interrogantes, an hæc Ordines toleranda judicarent. Orabantque, ut socios religionum & malorum mi-
fera-

*Turbam
Emdani-
rum rela-
tio.*

*Comiti &
disiden-
tium Em-
danorum
ad Ordines
legatio.*

ferarentur. Addebant, ambire Comitem Pontificis Romani & Philippi amicitiam, quorum vi adjutus opprimeret libertatem, aut acceptis alibi possessionibus traderet urbem dono Hispano. Ipsisque haud dubium per exploratores erat, hostem summam belli in eo ponere, si flumine & portu eximio potiretur: neque alium Amasio potio-rem, qui lacum perfluens Dullardum nomine Emdanum agrum & Gronin-ganam ditionem secatur, ac medius ingenti ore Oceanum pe- tit; maximarum navium patiens, & fidus insularum objectu, quas inter obliquus exit. Vnde promptum Hispano novare in Frisiis bellum, &, quod negatum hactenus, mari classem immittere. Ordines foederati, qui & periculum, &, si ob- viam iretur, invidiam providebant, legationem ita dimise- re, ut nec Comiti metum tollerent, nec populo societatem affirmarent. Pax utrisque commendata, aut, si ita videre- tur, jure agerent; arma sibi suspecta. Neutri nunc partium inimicos, sin ultra pertendant, huic a qua bellum coeperit. Mox ubi ab Ennone Edfardi filio militem cogi, & portum Cnoccanum muniri, qui Delphizyllo adversus est, festinan- tes per nuntios affertur, auctae naves, quae de more Ama- sium asservarent, cohorsque Frisiorum jussa ire tuendam ad urbem, ac nova coeptantes ripa depellere. Laeta etiam, adeo secuta, civitas se fortunasque suas Foederatorum armis cre- didit. Neque Edfardo tum aliud succurrit, quam eos rerum arbitros facere, quorum vi cuncta gerebantur. Foedus quo- que & societatem armorum obtulit, metuens ne eam gra- tiam civitas occuparet. Quem tum missi ab Ordinibus Del- phizylum disceptatores pacis modum statuerint, summas- que leges commemorare haud sine usu erit, ut, quomodo illi de rebus Emdanis, ita de illis posterij judicent. Religio ne- cuquam fraudi esset: usus rituum in urbe qui solitus, & Co- miti extra urbem suus. Sacris coetibus tantum sacra cura- rentur, inspectante si quem Senatus deligeret; quod in Pa- latinatu & in Batavis usitatum, ne quid hoc obtentu turba- retur. Religionis administratos crearet idem coetus, auctor fieret princeps. Agri, qui religiosorum fuerant, inter po- pulum Comitemque divisi. Ex consulibus quatuor, adfesso- ribus novem, sorte primi, mox ordine quotannis pars altera decederent; egregium potentiae temperamentum, ne quis- quam imperii spem, biennium ultra produceret. In locum ab- euntium binos senatus nominaret, e quibus Comes singulos le- geret,

1595.

*Virisquo
pax com-
mendatur.*

*Ordines
Emdanis
auxilia
ministrant.*

*Diffidia in-
ter illos &
Comitem
componunt.
Pacis leges.*

1595. geret, antea in creandis magistratibus liberrimo usus arbitrio. Hos penes res urbis & maritimæ, vis donandæ civitatis ac solariorum, in quæ plebs distinguitur; portarum quoque claves, & excubialis tessera. Iudicia civilia, & quæ intra mortis poenam consisterent, penes eosdem. Graviorum criminum fontes peregrini a principe datis iudiciis, cives mixto ex utrisque confessu plecterentur. Senatum (quadraginta is virorum est) senatus ipse suis suffragiis suppleret. Inituri honores in obsequium Comitum, & curam civitatis sacramentum advocarent. Firmatæ leges, & tributa duntaxat, quæ legibus non adversabantur; sic ut sua vestigalia civitas seorsum regeret. Cæterum Faldera, nova urbs, veteri addita, & Comitum servitio addictior, eodem posthac, quo Emda, jure haberetur; ne perpetuam certaminibus materiam præberet: & quo certiores veniæ cives agerent, tolleretur ultro Comes arcis minas, eamque urbi submitteret; neque per ripam castellis terreret navigantes: quæ Principis beneficia civitas ingenti pecuniæ summa repensaret. Ita horum securitati, illius magnitudini consultum. Neque ipsis leges displicuere, quamquam injuriæ recentibus & infestis. Placitumque venturos comites, & magistratus in hanc pacem jurare. Monetur subinde Comes Ordinum verbis suspiciones & offensas clementia revincere: neu fallacem Hispani amicitiam post ipsorum fidem habens infidiis se pariter & finitimo bello illigaret. Iubentur & Emdani flectere animum vicina ad exempla, nec jugum jactando mala sua onerare: civile bellum mediocri servitio bene redimi: etiam se atrociora principum ingenia tolerasse, quamdiu externa sævitia abfuerit. In hæc dimisso utrinque milite, quies verius quam concordia: neque ita sanata dissensio est, ut non sæpius eadem ad mala & remedia rediretur. Hujus anni & quæ proxime sequuntur tempora, velut brevi fastidio obsequentis Fortunæ, foederatarum gentium bello infelicia fuere. Ver totum & pars ætatis per otium ipsis exhausta, parte certe militis circa Galliam bellante: sed quo minus arma & alibi moverentur, interpellante sæpius Bazanvalio, ipsorum discordiæ obstiterunt. Frisiæ namque urbes agros colentibus infestæ, communia utrisque onera non ex fide persolveri, & quæ agrorum propria omitti aut remitti querebantur. Zelandi vero de vestigiali evehendarum mercium cum Hollandis acriter rixati, hoc obventu Foederatorum ærario tributum inferre diu distulere. Geldris quoque &

Trans-

*Ordinum
ad Comi-
tem &
Emdanos
monita.*

*Foederato-
rum inter
se discordia.*

Transifalania paupertatem suam & hostem penitus infusum
 excusantibus. Hollandi tandem & ipsi, quibus communium
 foederis onerum duæ partes tertiæ incumbunt, coeperunt
 exemplum aut imitari, aut ulcisci. Quod si utilia homines
 non necessitatibus magis, quam consilio sequerentur, rebus
 hostium arctis, lucrosa ipsis mercatura, & flagrante Gallo-
 rum bello, id præcipue tempus audentiores conatus voca-
 bat, quorum mox onera pauperior populus, & irritum successu,
 tamen toleravit. Ne Lucemburgici quidem successus votis
 respondebant, dum temere irrumpuntur castella, parum ho-
 stibus noxæ, nihil victoribus commodi latura. At postquam
 rex Henricus, in Burgundiam profectus regni vires eo traxit,
 exhaustus copiis Bulionius, qui magnifica denuntiatione Hi-
 spanicum exercitum in se traxerat, non modo minas imple-
 re non potuit, sed suis tuendis impar, raptari fines Gallicos
 impune spectabat. Quorum tædio Philippus Nassavius, &
 quia fame ac potandæ aquæ insolentia miles diffuebat, haud
 satis volente Bulionio, regredi festinavit; non tamen qua ve-
 nerat via, namque eam hostis abstulerat. Sed jussu retro ce-
 dere peditatu, qua proxime Gallia mari succingitur, unde in
 Batavos navigarent; ipse cum turmis per interiora Germaniæ
 in Geldriam recurrit. At Fontanus, quanto invidiosam susti-
 nebat præfecturam, hoc niti impensius, nequid in illo ad-
 versarii præter magnitudinem culparent; præcipua in mili-
 tem cura, firmare veterem, novum adjungere. Et maxime
 gnarus secessionem Italorum, quæque inde venerant calami-
 tates, suum in crimen trahi, leniendæ invidiæ putavit eosdem
 obsequio reddere. Deproperatis igitur pactationibus, quas Er-
 nesto coeptas mors ejus interruperat, quando pecuniæ non-
 dum superabant, diurna interim & obfides dedit. Tilemon-
 tium possidere jussi, signa nondum sequebantur. Sed lucro
 fuit usum militis, quo ipsi carituri erant, etiam hosti aver-
 tere. Mox in duces ac præsidia dispertit militem: majores
 multo a tempore non fuerant regis Hispaniarum copiae, sed
 sparsæ locis in nihil magnum valere. In Burgundia sub Ve-
 lasco justus erat exercitus. Atrebatum & Picardorum confi-
 nio post Caroli digressum, Varembonius imponitur; coer-
 cendis Cameracensibus, & qui in Galliam effusus rapinas ra-
 pinis ulcisceretur. Mondragonius in Mauritium obvertitur,
 spectandus ad conatus, quæ in tempore obviam iret. Data
 sibi in hoc quatuor armatorum millia circa Hultum tenet.

1595.

*Philippus
 Nassavius
 cum militibus
 ad Fœdera-
 sos rediit.*

*Fontanus
 circa mili-
 tem curam.*

*Seditiosos
 obsequia
 reddit.
 Ingentes eo
 tempore
 Philippi co-
 pia.*

Ver-

1595. Verdugo cum peditatu sex millium, equitibus mille quingentis, virium minorem Bulonium Lucemburgia protrudere & oppida recuperare iussus Fertum aggreditur: crebro ictu & ruinis patebant moenia, cum Gallorum manus oppidum immissa feroci eruptione contudit obsidentes. Sed exemplum obsidio oppidum, cum mox fortuito pulveris incendio magna ex parte arsisset, Bulonius ipse munimentis ac praesidio nudavit. Verdugo interim versus ad infirmiora, paucas post expugnationes, morbo fatoque intercipitur, etiam circa hujus mortem aliquid suspicante fama. Sed ille quanquam infelici Frisiae praefectura nomen meritus, ut cui tempus & vires sapius, quam robur & industria, defuerint. Fides illi religiosa & militaris facundia. Etiam comitas ingenii, quo infrequentior Hispanis hoc insignius honestamentum; & quod magnos ad honores ab imo evehctus, quippe natus domo non ignobili sed paupere, prioris fortunae, quantum satis erat, meminisset. Orabant Fontanum Belgarum civitates Cameraci ut obsidio tandem insisteret, vim auri & militum offerentes, quia nec clausa urbe & circumjecto Hispanorum exercitu, utrisque spoliabantur. At ille ultro avidus occasionum, ne tempus praefecturae inglorium transmitteret, & quo laboranti aërio subveniretur, ad Varembonii castra contendit augetque copias, ut peditatus duodecim, equitum duo millia conficeret. Hoc cum exercitu cuncta circum Gallis inaccessa redditurus, Castellum in Veromanduis oppidum apud Scaldis primordia, quod Henricus alter eo nomine Galliarum rex Cameraco, & siqua vis a Belga ingrueret, munimentum regni objecerat, machinis labefactum irrupit, & mox qui in arcem se contulerant, in deditionem cogit. Atque interim Hanum, eisdem in finibus oppidum, concutitur, miranda & ad fabulas accedente casuum varietate. Praefectus erat Gomero, Gallorum unus, qui Romanae religionis specie externas gratias suum in usum quaesiverant. Hic, quo tempore pleraque istarum partium in Borbonium reflectebantur, ingenti pretio pactus cum Hispanis traderat oppidum, dum promissa exsolverentur arcem retinens. Sed evocatus astu Fontani vincitur duobus cum fratribus. Mater & affinis Orvillerius praesidio inhærebant, & ni continuo decederent, periculo carissimorum pignorum terrebantur. Mulier magno affectu pavida: Orvillerius indignanti propior secretis nuntiis Bulonium adit, & regiones duces

*Verdugo
moritur.*

*Ejus do-
gia.*

*Fontanus
Castellum
expugnat:
Hanum ob-
sides.*

*Vendito
Hispanis
oppido praefectus
Gomero a
Fontano in
vincula
conspicitur.
Orvillerius
arcem te-
nens a Gal-
lis auxilium
impetrat.*

duces qui tum Picardiam præsidebant. Postquam acciti in arcem venere, tota die contra oppidum, in quo erant milites mille & ducenti, Hispani, Walones, Germani, Itali, multoque nec ignobili sanguine certatum est. Nam & Humerius occidit spectatus militiæ inter Gallos, & regi carus. Ad ultimum igne & ferro via scinditur, quique cladi superfuerant, Orvillerio, ut convenerat, obsides traduntur, æquandis Hispanorum minis. Sed captivi per custodum perfidiam ruptis vinculis arcem in id discrimen adduxere; ut pacto dimitterentur. Galli arce potiuntur Orvillerii ignavia, qui sibi eam servare decreverat: & Fontanus, quia capto oppido ferus supervenerat, pudore in iram versus, pallentem inter carnicum manus præfectum pro moenibus ostentat. Ibi ille flebili voce modo parentem, modo amicum testari, si qua misericordia, si quod fas generis, ne stante se sub ictu gloriam potius & dignitatem imaginarentur. Cumque illi responderent non esse id penes se, quippe Gallos arce & oppido potiri, suorum in ore jugulatur; addendus infelicibus eorum exemplis, qui partes instabili fide professi utrisque se hostibus hostes fecere. Durlanium inde procedit exercitus, quo Cameracum sub id tempus sacerdotum & oppidanorum quorundam dolo infeliciter ipsis tentatum, a tergo ambiretur. Cujus dum munimenta & locum obsidio ad lunæ lumen circumspectat Valentinus Pardivius Lamota glande ictus cadit. Primus hic ducum egregiis quondam Ordinum rebus ipsorum discordiam, & revalituras Hispanorum opes providebat: virtute clarus & plusquam militari solertia, & qualem esse oporteat, qui ad machinarum ac Gravelingæ oppidi præfecturas magnasque divitias ac Comitum nomen e caliga surrexerit. Præsidium urbi Bulionius miserat; mox ipse pulverem atque alimenta laturus advehebatur, simulque Sancti Pauli comes. Sed primi agminis ductor Villarsius (is oram maritimam Henrici jussu curabat) dum pugnæ avidior imperia contemnit, Fontani ab exercitu (& erat forte tum festus Apostolo Iacobo dies, quem Hispani felicem sibi credunt, & credendo sæpe faciunt) circumventus & captus, mox quia a Lotharingico foedere ad Henricum desciverat, interficitur, & multi nobilium circa; cæteri evasere, & utriusque partis errori fortuna ignovit. Nam si majoribus copiis, quas tum Nivernensis cogebat, Galli in prælium venissent, patebat in urbem via & locus victoriæ. Et Hispanus, si fortunam secutus

1595.

*Galli arce
potiuntur.*

*Fontani
jussu Ge-
mero jugu-
latur.*

*Cameraci
munimen-
ta circum-
spectans
Lamota oc-
ciditur.
Ejus elo-
gia.*

*Bulionius
urbi auxi-
lia addu-
cit.
Villarsius
cum multis
nobilibus
occiditur.*

1595.

*Hispani
Darlami
arcem op-
pugnans.*

*Irrupta ar-
ce una op-
pidum vi-
capit.*

*Mauritius
Mondrago-
nii adven-
in Grolle
obsidio a-
vertitur.*

*Philippus
Nassavius
hostium in-
fidis cir-
cumventus
caditur.*

cutus impulisset refugos, parum absuit quin Papiensis & Quintiniana clades æquaretur. Victor arcem oppugnat, haud satis custoditam. Nam præfectus loci Gamachius, dum more temporum sibi quam regno consulit, ex mille ac ducentis Gallis, quos secum habebat, paucos sibi quæ fidos intra arcem receperat, reliquos in oppido reliquerat, ut præsto essent si qua necessitas ingrueret; quod exitio fuit. Nam missi ex Hispanis qui ruinam arcis per tormenta effectam specularentur, cum desertam cernerent, clamore testati gaudium, plures suorum traxere, qui arce irrupta nullum spatium reliquere quin una & oppidum irruerent: nec temperatum oedibus; quippe ubi non armatos virtus, non inermes misericordia tenebat. His dum rebus fessi exercitus Gallicis in præsidiis quiescunt, affecta jam æstate Mauritius quod apud se militis & reversas cum Philippo Nassavio copias in bellum trahit. Intentusque occupandis, quæ pauca circum Frisios hosti tenebantur; Grollam adsidebat, Zutfanienſis territorii oppidum. Præsidium haud majus sexcentis, paucæ intus machinæ, nec in longum alimenta, & fossa aquis exauriri facilis, spem prope admovebant. Compertum id Mondragonio, qui citato cum agmine Antverpia profectus obviam quæque præsidia trans Mosam Rhenumque rapiebat. Erant quinque peditum millia, equites admodum mille: sed in majus numerum augente fama, Mauritius, cui bis tantum copiarum erat, com meatibus diffidens, oppugnatione relicta & incensis quæ corripere nequibant, ad Isalam occurrit, quo hostem Germaniam intra sisteret: nec ille in castra quicquam ausus, sed contentus obsidio Grollam exemisse, & mutuum anni otium pacisci, retro cessit, ubi Luppiam amnem hosti objiceret. Nam Mauritius inſequabatur, edoctus non eam advenisse multitudinem quam prior fama vulgaverat. Mittit igitur trans amnem Philippum Nassavium cum equitibus quingentis, ut pabulatores hostilis equitatus subitus concideret. Sed per transfugas ejus consilii certior Mondragonius, vim omnem turmarum eundem in locum contulit: Philippus, ut angustum iter exierat in apertum progressus, statim circumfunditur; ac quo minus sequentes succurrerent adverso fugientium impetu, & viæ arcto lubricoque implicabantur. Prope tamen, ut ambigua est equester maxime prælii fortuna, impulsus hostis erumpentium nifu: sed defecti vulneribus duces minuerunt audaciam. Alii hostes turbatos adhuc integri pervasere. Pluribus, cum pfeme-

premerentur, fugæ terminus Luppia flumen fuit, quos ob-
 vius altera in ripa Princeps cum cohortibus excepit. Neque
 magna aut alio memorabilis clades, præter quod ut primus
 quisque dignitate, ita infortunio fuit. Philippus ipse, dum
 acerrime pugnam ciet faucius & mox captivus, inter egre-
 gia propinquorum Herenbergensium officia expiravit; in-
 trepidus juvena, & bello quondam utilissimus, si ferven-
 tem intra se animum ætas parasset imperiis. Moritur & Er-
 nestus comitum Solmensium unus. Sed frater Philippi Er-
 nestus Nassavius pretio se redemit: peremtorum corpora
 docta sepulturæ. Nec quicquam præterea accidit, dum pro-
 pinqui exercitus, atque alter alterius consilia obsidentes, au-
 tumnum, & securiora anni tempora expectant. Nisi quod
 Mursam dolo nocturno aggressus Mauritiū miles, jamque per
 fossam enisus, dum palos in vallo obstantes rescindit, subor-
 to die coactus est discedere. Prior tandem hibernatum abiit
 Mondragonius, militiæ incommoda haud ultra ferens, dux
 nonagenarius, compertoque primum seditioni exercitum,
 hoc nascenti malo remedium invenit, ut parte trans Mosam
 missa, cæteros citra flumen cohibens ac consilia dissociaret.
 Nec Princeps ultra moratus est. Stâtimque Mondragonius
 funebrem annum morte sua implevit, militiæ vetus, primis-
 que ab Albani armis ad ista tempora continuus. Aderant re-
 gendi militem artes & auctoritas: vix sane cujusquam paren-
 tium ducum tot ac tam clara facinora memorentur: neque
 omiserim raram felicitatem, quod periculorum haudqua-
 quam timens, quin ultro avidus, sine ullo vulnere ad sum-
 mam senectam pervenit. Etiam dux Pastranæ obiit, generis
 claritudine, nec ultra, notus. Idem annus Antonium quoque
 absumsit, qui Albani armis pulsus olim Lusitanæ regno, cum
 potius esset per Africam Indiamque & alia Lusitanis possessa
 excitare partes nondum intermortuas, per Angliam Galliam-
 que profugus, frustra spes suas in Christianorum principum
 misericordia posuerat. Turcarum & Maurorum oblati sæ-
 pe auxiliis quo minus uteretur, credi volebat pietati a se da-
 tum. Amici ejus, cum honoribus pecuniisque a Philippo
 promissis perducere non potuisset, ut regni jus a se abdicaret,
 veneno extinctum prodidere. Haud longa interim Fonta-
 no quies, in Cameracum impellitur; nec potiendi ratio in
 aperto erat. Sed multa ad latus Belgarum nobilitas Gallique
 duces, qui regis sui veniam indignabantur, & miles post
 Dur-

1595.

*Mauritiū
miles fra-
stra dolo
nocturno
aggreditur
Mursam.*

*Mondrago-
nii mors.*

Elogia.

*Antonius
Lusitanicæ
regno pul-
sus mori-
tur.*

1595. Durlanii spolia majoris prædæ avidus, ac civitatum vicinarum pecuniam offerentium preces, claudere egressus jubebant, & specie obsidentis audendi tempora opperiri. Rex ipse Philippus scripserat rem esse indignam, structum patri suo limitis munimentum hostium in manibus relinqui. His incitatus, quod defugere non poterat, sperare cogebatur; & casus adfuit. Circumfessos exterioribus munimentis Barlotus exiit: inde jam cuniculi, ictus, ruinæ, occultæ manifestæque artes intentabantur. Terrebant adhuc excepturæ impetum egregiæ Gallorum manus, quos Gonzaga patris Nivernenfis missu centum adduxerat, & mox alii quingenti prosequente equite per incustodita obsessores matutina nebula adjuri transierant. Tunc quoque nobili exemplo compertum est, quam sit formidolosum a multis formidari, neque ulla satis firma sint præsidia dominationi, quæ civibus invitis tenetur, ubi gravius metu periculum conferre iras impulit. Nam Balagniacum, quo destitutam jure potentiam vi muniret, tributa gravesque custodias atque alia regibus solita in cives ausum, multitudinis odia claris opibus everterunt. Nec deerat Fontanus clam religione, metu, pecunia, commotos semel animos incendere. Priusquam hostes vallo consilirent, plebs undique conglobata, Helvetio milite eadem volente, privatas ob injurias, & quia cufos ære nummos Balagniacus auro & argento contra in stipendium quasi redempturus imputabat, quod factum alibi pro libertate, pro mercede militantibus haudquaquam tolerabatur, acturos de pace ad Fontanum allegant: neque multa pacti Gallorum metu admifere ultro Hispanos, a quibus eadem paterentur ob quæ Gallos ejece- rant. Atque illi, qui arcem clauserant non tormentorum verberationem, non impetum exspectavere. Et multa jam exstabant inclementiæ Hispanorum exempla ni intra sex dies, a Borbonio auxilia nova adessent, promissa deditio & mox impleta. Ita incolumes dimissi sunt, & Balagniacus quidem Gallis prosequentibus privatus de imperio exiit: parum dignus, quam faventem satis habuerat, fortuna. Omnes quippe partes diu lactans, nulli omnium fidus, pecuniam ac commeatus modo ab Hispano, modo a Gallo, interdum & ab Ordinibus foederatis acceperat; proximeque ante obsidium alimenta urbi necessaria vendiderat, ita opus militi dictans: nec minus vectigal, sacra ac publica munera ipsius in manu. Arcem quoque adversus machinarum ictus muni-

re ne-

*Fontanus
Camera-
cum ob-
dat.*

*Urbis arcis
que dedi-
tio.*

te neglexerat. At non muliebris uxori animus : dum spes superfuit agere ipsa vigiliis , aggerere cespitem , dirigere tormenta , intervifere manipulos , cuncta ducis , militisque munia induere. Etiam plebem largitione tentaverat , quæ postquam frustra fuere , agnovitque adverfa fata , non tamen principatum hosti relinquere , aut vitam debere sustinuit , eodem die extincta , dolore an sumpta morte parum definitur , quo dedendæ arcis fœdera sanciebantur. Direptæ Balagniaci Alenconique imagines : & cum ab oppidanis jusjurandum rogaretur , Ricardotus formularum gnarus vespa ita conceperat , quasi in fide Philippi urbs esset futura. Nam ad id tempus Burgundi & Austriaci principes , tutelæ tantum vetus comitum Alostenfium jus usurpaverant : eoque titulo Carolus imperator arcem imposuerat urbi , ne ad Francos iterum deficeret. Sed juris discrimen Fontanus armata potestate rescidit , & Philippo ut principi jurari imperavit , ita ante obsidium convenisse dictans cum Ludovico Barlæmontio urbis antistite , ut sacra functione contentus jus imperii , quod & ipsum episcoporum sub reverentia Germanicæ majestatis fuerat , Hispano transcriberet. Neque tamen Barlæmontius etiam post dictum id sacramentum destitit negare pactum , & jus antiquum repetere , an nitentibus oppidanis , labore irritum & nihil præter odium utrisque parituro : nam & arx & injuriæ licentia penes Hispanos milites erat , quo factum ut lintearia negotiatio , præcipuus urbi quæstus , propinqua in oppida diffunderet. Exorati a Fontano Itali ut obsidio adfisterent , cum urbe capta possidendum ad Tilemontium regrederentur , in obvias Batavorum turmas fortiter coorti , tum primum fidem bello præstitere. Sed Mauritianis equestre decus reparatum est , irrupta Wartia apud Hornensem comitatum oppido , Henricus ubi comitum Herenbergensium unus in potestatem venit : deinde fufis commeatuum præfidiis. Sed Wartia longius a finibus jacens deserta iterum. At Heraugerius , usu edoctus multa experienti interdum adesse fortunam , Hoizæ jacuram Lira rependere machinabatur. Id oppidum Hispanis quondam captum proditione , & satis crudeli victoria , Netham ad amniculum Antverpiam Machliniamque medio situ interjacet , magnisque invicem usibus miscent. Hic omne in latus præda ostentabatur. Antesignani lucis incerto scalis enifi ignaros vigiles obruncant ; ita portæ patuere :

1595.

*Fontanus
Camera-
conferes Phi-
lippo ut
principi ju-
rara cogit:*

*Frustra an-
tiquum jus
repetens
urbis ant-
stite.*

1595.

introeunt pedes , & equitis parum , mille omnes , lecti Breda ac circum præfidiis , nec dubie potiebantur , si quantum in capiendo industriæ , tantum in tuendo virtutis & obsequii fuisset. Alphonsus Luna præfectus oppido primos ad tumultus , haud equidem consternatus animi , suum militem , quodque e vulgo promptissimum in foro proque curia disponit. Mox his quoque munimentis diffusus portam ab hoste averfam , qua Lovanium iter est , insedit. At victores , ceu tutis rebus , per templa , per domos , in raptus & licentiam spargi. Sic maximam diei partem intra mœnia egere : neque imperii reverentia , aut preces , aut minæ valuerunt , ut tantum militis sub signa contrahi posset , quod exiguum manum porta depelleret. Interim accita propinquis præfidiis Lunæ auxilia venerunt : pars maxima Antverpiæ cives , pauci Hispani ex arce : videns id Heraugerius , portam quidem qua ingressus , occluserat , quo suos in prælium cogeret. Sed non ideo palabundi suas , non hostium vires respicere ; tantum , quia nihil timuerant , timebant : & quando haud alius parebat exitus , ultroque primi cæsi viam sequentibus auferebant , e vallo præcipientes fossis hauriebantur ; pars inter prædam cæsi , captaque hominum & equorum vis. Duci , & nandi peritis effugium fuit. Insignis liberatorum continentia , quod quæ oppidanorum fuerant inter prædam reperta dominis reddiderunt. Burgundicum interea bellum Hispaniæ Galliæque vires paratu quam eventu majore exercuit. Ædui olim Romana societate notissimi , & Sequani , Gallicæ nationes , has terras tenuere ; in quorum mox possessionem , Romano orbe concusso , venere Burgundiones ex Septentrione orti , sed qui propiora Germaniæ pridem insederant. Horum & cis & ultra Ararim late patens potentia , etiam cum regio nomine , a Francica magnitudine imminuta primum , ac postremo obtrita est. Exinde ejus partes modo amicis , sæpe & regum Francorum filiis attributæ , dum dividuum id imperium fuit , manente regni honore ; postea Æduorum ferme quæ fuerat regio ducatus , Sequanorum comitatus vocabulo. Post mortem Caroli audacis Valesiorum e stirpe Ludovicorum undecimus Francorum rex Mariæ Caroli filiæ ducatum eripuit , successionem ejus imperii foeminis deferri negans : nec ad eas porrigi hæredum vocabulum , quod in concessione Philippo filio facta rex Iohannes usurpaverat. At comitarum , qui ,

Heraugerius captam jam Larum militis sui licentia iterum relinquere cogitur.

Burgundicum bellum Hispanum & Gallum exercet.

qui, ex quo Germania seorsum regnata est, in ejus fide esse coeperat, post Maximiliani cum Maria conjugium Austriaca domus tenuit. Hoc tempore Galli quidam duces auctores Henrico fuerant; ut Hispanum, qua parte securissimus ad ictum pateret, invaderet: posse hoc modo ex Italia in Galliam aut Belgicam transitum militibus Hispanis præcidi; & jus moribus debitum repeti. Res primum minores per duces prætentatæ; sed cum Philippus periculum metuens Velasum, ut supra diximus, ex Mediolanensi terra, quam is regebat, in Sequanos misisset, cum peditum decem millibus, equitibus mille quingentis, ea vis hostium Bironium illuc, deinde Regem ipsum tulerat. Fortuitis equitum concursibus victor sæpe Gallus. Iustum prælium Velasus vitabat, servandis oppidis anxius. In ducatu Burgundico, Divionem urbem, interno Galliae dissidio Meduanii partes sectantem, Henricus suis imperiis subegit: nihilque munitum illic Meduano, præter Cabilinum reliquit. Sed ubi ille comitatus intra fines prosequi coepit victoriam, Helvetii intercessere, quippe per foedera Austriacis hactenus obstricti, ut Mediolanensi impetio, ac Burgundiae comitatu vim externam arcere debeant. Arripuit occasionem Henricus sine dedecore per inducias retrahendi exercitus, fessus & ipse certandi, neque digno satis pretio ad mutuas clades. Et Cameraco sollicitus, illuc tendebat, cum tristis nuntius captæ urbis occurrit. Socios igitur incusat, quod se procul bellante, Gallorum & Belgicæ confinia hostibus prodidissent. At non ea spe, ut sui fines auxiliis nudarentur, oblatas se pacis conditiones toties aspernatum. Quantum si foederis poeniteat, promptum sibi & nunc cum Hispano partiri. Ob hæc Batavi, excusatis ejus anni necessitatibus, multo stipendio frumentoque Regem & duabus cohortibus instruunt, Scotica & Zelandorum, ducente Iustino Nassavio. Quibus ille auctior, in Veromandos descendit, & sollicitus ne qua jam coeperat hostis interiora irrumperet, subactis Sueffionibus hiberno difficilique obsidio Farum stringit. Sed quanto Galli offensâ impensius vitabatur, tanto Elisabetham infestiorum Ordines habuere: quippe Henrici res secundæ pro brevi miseratione veterem gentis invidiam reposuerant. Et accendebat eam religionis dissidium, maxime ex quo cognitum, quam adversas Protestantibus leges Henrico ad pacem suam obtinendam Pontifex

1595.

*Henrici
Foederatis
missum
Cameracum
impetum
sat.*

*Horum
excusatio.
Henrico
auxilia
mittens.*

*Quo Elisa-
betham of-
fendens,
Ejus in
Gallos in-
vidia.*

1595.

præscripſiſſet. Nuper poſtulatſi a ſe quatuor cohortibus, pro quorum ſtipendiis Parrhiſiorum civitas fidem ſuam interponeret, reſponderat Regina, inconſultim ſibi juventute nudare regnum tot inſidiis appetitum. Servandæ tamen Diæpæ, Bononiæ & Caletæ ſuum militem obtulerat. Suſpectum id Gallis, & addito, quod nuper in Britannia Armorica Angli minus honorifice habiti, nec quibus voluerant receptibus admiſſi, cauſa majorum mox ſimultatum. Ad Batavos vero Eliſabetha & literas & Thomam Budleium miſerat, adjutam Galliam invidioſe objectans. Non enim ſuæ opis indigos, qui ultro aliis gratificarentur. Reſponderunt Ordines, non id ambitioſo conſilio, ſed plane neceſſario factum, ut tracto diverſos in fines hoſte ſpiramentum ipſi acciperent, qui alioqui cogerentur a Regina, quæ non niſi ſexcentis peditibus & ducentis equitibus, duntaxat in caſtris cum eſſent, ſtipendia mittebat, integrâ ſex peditum millia & mille equites ex fœdere poſtulare. Illa contra, quamquam & hoc fœdere continebatur, ut finito demum bello erogata redderentur, eorum quæ impenderat ſolutionem acriter flagitare, ſaltem ut in præſens pars haud exigua, reliquum penſionibus annuis acciperet. Addiderat minas, ni obtemperaretur, uſuram ſe conſiliis a ſua lenitate alienis. Ad hæc, multam poſt gratiarum actionem, oratur Regina præſentia ut tempora reſpiceret; bellum civibus ſuis grave, & nunc ſatis improſperum: ac pridem prolatis finibus tributa parum, tuendi onera multum auxiſſe. Mercaturam & piſcationem, queis ſolis viverent; illam detentis per Hiſpaniam navibus, sæpe & Anglorum injuriis, hanc Dunkeſcanorum rapinis exhauriri. Sævum & per eluviones mare. Super hæc ſi reddita Angliæ pecunia ad onera accederet, ſimulque palam fieret nolle Reginam fœderis legibus ſtare, nutante Gallo, haud temere metui, ne valerent apud vulgus hoſtium inſidiæ & malefidæ pacis tentamenta. Non tamen vitatum, quin Anglico militi, extra oppida pignori conceſſa, in poſterum Ordines de ſuo ſtipendium darent. Equiorem ſociis Reginam fecere novi hoſtium conatus. Nam Hiſpani ex Britannia Armorica in Cornubiam populabundi excenderant, virosque nobiles & res alias abduxerant: Hibernicæ quoque rebellionis apertius miſcere ſe cœperant. Hiberniam antiquiſſimis a temporibus reguli indigenæ multi partito tenere, quorum facile potentiſſimus Dermotus Munhardi filius, ob multa sæpe facta re-

gno

*Per legem
e immiſſa
auxilia Fœ-
deratis ob-
jeſtat:*

*Sibi debito-
rum ſolu-
tionem in-
tempeſtive
urget.*

*Hoſtium
conatibus
Fœderatis
aſquior ſit.
Hibernica
rebellionis
ex occasione
narratio.*

• gno exturbatus, Richardum Penbrochiæ comitem generum sibi & auxiliatorem adscivit. Cui cum in Hibernia bellanti res pulchre procederent, Henricus secundus rex Angliæ cum edicto revocatum coegit jus omne ac spem principatus in se transcribere. Et ipse magnis cum copiis in Hiberniam adve-ctus, regulorum alios vi, alios pollicendo permovit, suum ut imperium agnoscerent. Sed, quæ erat simplicitas sæculi, creditum est firmando juri futurum, si Pontificis Romani auctoritas accederet: qui ne verba quidem gratis concedere solitus, dominium Hiberniæ Anglis regibus donavit, sed ita ut feudum esset ecclesiæ, ac tributum ei persolveret, quod secuti postea reges pendere abnuerunt, hoc colore, quod regni Anglici proceres onus illud nunquam approbassent. Henricus octavus, contempto domini nomine, augustius vocabulum Hiberniæ regis primus usurpavit, sibi que eum honorem dedit, quem Maria ipsius filia a Pontifice accipere postea maluit. Sed quanquam Hibernia, qua cultior moribus, rectores legesque ex Anglia pati paulatim didicit; mansit tamen aliis in partibus, quas sylvæ ac paludes abscondunt, amor libertatis. Hoc nomine vocabatur omnium fere, quæ vetita alibi, licentia. Clara inter cæteras Onealum familia Ultoniæ sibi principatum, mox & Hiberniæ totius, ausa ascribere. Crevere his spiritus, Anglis inter Eboracenses & Lancastrios feraliter dissidentibus. Sed Conum, ejus gentis hæredem, Henricus octavus pacate severeque regnans compulit, ejurato Onealis vocabulo ac dignitate, in comitis Tironi nomen transire. Mathæum huic fuisse filium alii credidere: alii fabro ferrario genitum ferunt, sed cujus conjugem Conus adamaverit, ideoque passus sit obtrudi sibi aut alienam, aut incertam sobolem. Hunc Iohannes, secundum leges Cono natum se ferens, interemit. Mathæo patre natus erat Hugo, qui partim domi, partim in Anglia educatus, Tironi comitatum, & quæ Conus possederat, Iohanne, dum rebellat, peremto, & bonis in fiscum redactis, Elisabethæ beneficio accepit, certis sub legibus, quæ nocendi potestatem in posterum anciderent. Vir bello ingens, & quibusvis par negotiis fidem Reginæ præstitit, donec anno octuagesimo octavo disjecta nobilissima classe Hispani duces Hibernicum in littus ejecti, arcanis illum colloquiis ad recuperandum jus Onealum incitavere. Nec statim tamen spem prodidit, sed protrusus in arma aliis, quos Ro-

1595.

manæ religionis studium, aut acceptæ ab Anglis injuriæ stimulant, ipse obsequium hostile animo diu præferens, crimina negabat non minus audacter quam objectabantur. Peccatumque graviter ab Anglis, qui virum ferocis ingenii, quem reum fecerant, vincere cum possent, dubitarunt. At ille vindictis prius Iohannis liberis, ne domestico certamine impediretur, hoc anno, (cum audiisset Iohannem Norisium militia Belgica clarum, & tum in Britannia Armorica agentem, veteri cum milite a Regina evocatum comprimendis Hiberniæ motibus,) irrupto castello, unde in latebras suas aditus, ducem se rebellibus præbuit, non tamen ut omitteret supplicibus verbis veniam pacemque poscere, causam dissidii in præfectorum sævitiam referens. His artibus, & per inducias, moram bello quærebat interponere, donec promissa ab Hispano auxilia adventarent. Fovitque has ejus artes Russelli Hiberniæ præfecti & Norisii, qui dux bello impositus, eo provecta discordia, ut alteri placita alter ob id unum destrueret. Regina vero post concitatam hanc rebellionem, non tantum pro fociis, ut hætenus prætulerat, sed propriis in bellum causis acrius ferebatur. Draconem igitur obito orbe notissimum, egregia cum classe, partim suis, partim privatorum impendiis immittit mari, spe posse congestas in Portoricum opes intercipi: sed cum rumor prævenisset, hæ introrsum abductæ, portus ipse ab Hispanis obseptus fuit. Itaque Draco Canariæ aperta, inde qua artificissimus Americæ limes duo maria interjacet oppidum Nominideum populatus, cum multis suorum, cœli intemperie, an micore animi ob successus votis impares, extinctus est. Quo tempore Angelus alter Walterus Raleighus, Reginiæ satellitio præpositus, Orenocum flumen ingressus, Guianam nunquam Hispanis perdomitam adiit, ac notitiæ tradidit ex vero quæ vidit; de Amazonibus, & his queis vultus in pectore, audita tantum & aliis plenius indaganda. Utilem lane, & quæ non minus delectet, historiæ partem, posteris eripiam & externis, si taceam navigationes, per quas effectum est, ut Batavorum inter arma felicitas, non alienam modo pacem, sed suam quoque vinceret. Quippe natis ad classes is vel maximus belli fructus est, non partiri orbem, neque Pontificis Romani legibus subijci, qui partem naturæ maximam Hispanicis gentibus adscripserit, quo specie religionis opprimerent mundi libertatem. Veteres mercaturæ terminis,

*Regina ac-
crius in bel-
lum fertur.*


*Draco cum
classe in Hi-
spaniam
missus, mo-
ratur.*

*Navigatio-
num, qui-
bus Fæde-
ratorum
res maxi-
ma incre-
mentum
sumere
rebus.*

termini, qua istæ nationes multa per sæcula claruerunt, paucas præter insulas, duo erant freta, ac maria introrsum, hinc Cimbri, inde Gades. Medium inter hæc Oceani lictus obtinentibus omnis utilitas lateris alternis merces alteri vendere. Nam ipsis non frumenti, non ullius rei magnæ copia; vectura tantum in quæstu, quæque artificum manibus laborantur. Postquam manifesto Dei beneficio aperta magnetis efficacia rexit pelagi cursus, & librorum monumenta docuere veteribus cognita requirere, nova non desperare, nihil jam humanæ experientiæ intentatum. Extima Africæ & Asiæ Lusitanus: trans Oceanum littora ac vere alterum orbem Castellanus invenit. Gallorum minus validi conatus, post tentatam infelicitè Brasiliam, ad Terram novam piscosum lictus, nec ultra ferax, adhæserè. Visum & fretum, & terræ quas ultimus Auster premit primo omnium Magallano: secuti mox Angli, quibus Septentrionales fluctus in partem patuerunt. Post omnes Batavi, quos non dubie hæcenus principum iniquitas oppresserat, ut qui fortem, nec oblitum libertatis suæ populum trepide mari immitterent, jam invidi hostibus, sociorum æmuli, animum audentiamque ceperunt, ut repertis in medium uterentur, suosque vicissim labores humano generi contribuerent, & rerum naturæ, quæ noscendam se in hæc secula servavit. Neque vero nova quærendo, vetera omittebantur; quæ enim littora illos satient, qui hominum septuaginta perpetuo millia in mari habent? Magnarum navium multitudine nulli regnorum cedit exigua regio, & tam adductis finibus inclusa, cujus adeo vis omnis velut extra ipsam est. Bis mille quotannis novarum ædificatione strepunt urbes. Præter Galliam igitur Angliamque & Germaniæ portus, ac Balthicum mare, Hispaniam plerumque permittebat egestas mutua, inde mercium, hinc argenti, Philippique regis dissimulatio & metus, ne propinquus absentes in ulteriora verteret. Sed non injuriæ aberant, cum modo religionis crimine, interdum velut agniti (namque aliarum gentium nomina usurpabant,) denique tanquam illorum opera Rex indigeret, nautæ ac naves retentabantur: unde ipsis periculum, & potentibus præda. Hoc ipso anno quinquaginta non minus naves arreptæ: indicatumque a Lusitanis temperaturum istis injuriis Regem, si Batavi maritima auxilia Britannicæ Galloque mittere absisterent. Sed Hispania lamina ex Italia resarciebantur, cui steriles aliquot

1595.

retro æstates, nec Gallia sufficiebat agris bello infessis. Ita per Suedicam negotiationem frumentum omne sub Batavis, qui brevi huc illuc recurſu ingentibus præmiis festinabant: nec, ut fit, occupatum ditioribus id commodum stetit, sed latissime in plebem spargebatur, levibus impendiis & celeri quæstu. Etiam Mauritaniam itum qua Oceano quaque mari interiori objacet. Cum Moscovitis commercia Batavi etiam ante bellum habuerant, sed per Balticum mare & Narvam Livonum Novogrodia tenus: quæ deinde per Russicum Oceani sinum Angli ad Nicolai portum, Batavi ad Podestemſcoam & Archangeli Michaelis monasterium, cuncta Duinæ anni adſita, tranſulere: multumque ab Anglis laborato, ut soli exercerent, ægre Batavorum preces & libertas præpolluerunt. Mox longius auri, eboris, ebeni ferax Guinæ regnum, cæteraque Æthiopæ: ac tandem Indico in Oceano insulæ biennii itinere lustrantur. Id hoc anno navibus quatuor privatis impendiis tentari cœptum, anceps primo nec innoxium fuit, cum inexplorato locorum ingenio passim feras ingentes & cunctis hostiles impingerentur. Plurimum morbi & æstuantis sideris injuria turbaverunt. Et Lusitani obſistebant suppliciis, si quos suas in colonias aut clāſſes tempeſtas inopiave detulerat: deinde criminationibus apud reges populosque sibi non subactos. Quod diu acerbum, dum raro usu peregrini sermonis & infidis hinc inde suspicionibus cuncta implicantur. At postquam publicis literis & commerciorum ulu compertum est venisse non in prædam & raptus, ne dominationis quidem avidos, sed amantem populum alienæ etiam libertatis, in hoc penetrasse tot maria, ut æqua fide jus gentium coleret, ingens subiit Hollandorum fama & admiratio. Celebrique jam communes per quæstus mercatura, etiam societates tam longinquas odium Hispani aperuit, & clarum per illas quoque gentes bellatoris Mauritii nomen. Mira eorum, qui primi Indiam adiere, religio, famæque cura. Nam quia mandata nisi se tuendi nulla acceperant, obviam Hispanorum navem, paratam uberemque prædam, intactam omisere. Vix tandem Lusitanorum feritas, neminem eo orbe se præter admittentium, expreſſit, ut privati commercia bello munirent. Secutæ Indorum legationes, dona, maritimæ in hostem pugnæ, &, qua maxime expedit, vinci cœpit Hispanus. Nam captis urbibus, neque magno sanè agrorum spatio, ut vincentibus aliquid cedit, ita

ita perdentis nulla jactura est. Longe sunt istius regni viscera, longe opes; largitionum & belli alimenta: quibus ereptis, aut per onera exhaustis, quid aliud quam cunctarum gentium præda sit, vastum illud, vagum, & nusquam sibi tam propinquum quam hostibus imperium? Americæ quoque ora, palam qua adhuc libera est, clam qua servit, Hispaniæ regis metu, innotuit. Petuntur inde sal, margaritæ, bubalorum coria. Sed terras gentesque aliis repertas & repletioribus cum cura celebratas invertere supersedeo. Nobis maxime memorabilis illa navigatio videtur, qua Septentrionem suum Batavi invasere, ut cunctis ante populis ignotum sciretur, quis Oceanus Europam Asiamque committeret. Spes enim procures ac mercatores incesse, posse ditissimum Catharæ regnum & Sinas, longiusque Moluccas & Indiam propiore multo quam ab Hispanis itinere invisi. Tres naves, Hollandica, Zelandica, Westfrisica, Norvagiam Finnosque præterlapsæ apud Quilodunum Lapporum insulam divisere cursum. Hollandi ulteriore pelago obversum sibi novæ Semblæ latus prævecti, qua longissime in occasum brumalem exit, insulas duas navigationis terminum, Arau-sionenses dixerunt: ubi polum ac finitorem circulum sex super septuaginta gradus intersunt. Cæteri mare ultra, quo Russi adeuntur, Condoræ Pitzoræque oram legentes, angustias pertigere, quibus objecta continenti terra, Vadigatha nomine, arctat Oceanum. Sinus, an fretum esset dubitatum. Confusa nebulis dies, glaciæque immenso tractu, quam pari discrimine frigidus aquilo concipit disjicitque, diu vetuere in mundi fines inquiri. Tandem eluctati claustra, ubi se terræ deducere incipiunt, in ortum æstivum directo cursu, inde ab extimo Semblæ Scythiam versus vela vertere, Æquatoris centesimo ac decimo gradu: donec conjecturis creditum est id pelagus navigari, quo flumen Obis e Sarmatarum paludibus ingenti ore consumitur; Carambucis antiquis, ut eruditi volunt, quo haud melior limes Europam ab Asia dissecat. Quibus exploratis obvia cum nave, quam a Sembla immensum gelu repulerat, tertio quam venerant mense domum redierunt. Ea fuit ætas quæ annum hunc proxime antecessit. Atque ita plaquere prima tentamenta, ut plures naves exploraturæ ulteriora remitterentur, non Semblam versus, sed quæ via spem certiorē ostentabat, per fretum Nassavium: ita illud  erant, quod Vadigatham

1595.

tham & Sarmatas interluit. Frequens rebus magnis impedimentum cunctatio accessit : & serius quam oportuit profectis, mare impervium fuit. Inclemens adeo rigor, & illi quoque cœlo rarus, cuncta glaciaverat. Qui utroque ab itinere revererant, naturam maris solique, inauditas avium & beluarum formas, ut cuique repertum, monstrabant. Prominentes oræ, sinusque & flumina positu cœli, & Principis, patriæ, denique privatorum titulis notabantur. Insulæ etiam complures modicæ, quodque veteribus proditum, per alternos accessus recessusque pelagi, ita ambiguae, ut modo tales, modo pars continentis appareant. Major una trans fratrum Ordinum nomine tuto inter pericula subsidio memoranda, & quia hibernantibus jugis crystallum edit, adamanti haud dispar. Congruens videtur situm ejus plagæ, quique homines aut feræ habitent efferre, tunc primum percognita, & quando vetustissimi auctores hac super re vana, nec eadem prodiderunt. Etiam nuper quatuor ad Septentrionem Euripos magicæ astruccioni temere credidimus. Et quid a Caspio sinu in septentrionem vergeret, inter sapientes olim disputatum, dum alii Oceano claudi terrarum orbem vatum carminibus affirmant : pars projectam in ultimum frigus tellurem nullo ambitu definiunt. Quæque de incompertis fabulandi licentia est, mare ipsum pigrum multi atque immotum, & quasi deficientis suo fine naturæ vastam molem, seu proprium Diis & sanctioribus animis secretum finxerunt : nonnulli contra, vi quidem turbinum & monstris inaccessum, sed definenti Oceano fertiles iterum terras, aut spiritum, aut ignem occurrere. Plurimum ad spem enavigandi contulerunt, quorum libris signatum est, Indos & quidem sæpius, vi tempestatis abreptos in Germanica littora exiisse. Neque magis de cœlo & loci ingenio conveniebat, cum septentrionis populos fide ac iustitia præclaros continua in die quidam collocarent : aliimersam densa caligine & alienam molliorum siderum aspectu regionem, cunctaque nivibus aut feris aut immanitate habitantium inculta : nonnulli visum primo, mox mundum eripi. Quæ adeo pugnantis, originem ex vero traxisse pleraque videntur, quatenus nautarum experimentis, & accolarum sermonibus probatum est. Nam mari illo, cui Lapporum, Russorumque & quam dicemus Samojutarum ora obtenditur, lux æstiva bimestri longior æquales hyemæ nebras repromittit. Sed solis etiam
mensēs

1995.
 meses nebulæ perdunt, nihilo nocte meliores, remota vi
 caloris, ut excire queat nubila, non dissolvere: tum eadem
 ut plurimum nive albicantia maria & terras haud promte di-
 gnoscas. Haud sane sævum procellis pelagus, quod utrinque
 a freto patescit, velut frigore suo attrinetur. Nec immerito
 prisca homines congelatum & mortuum dixerunt. Nam qua-
 cunque terris accedit, durati in glaciem fluctus longe li-
 toribus adhærescunt, spectanturque nonnunquam plurium
 annorum crustæ unam in molem densatæ: ubi ventus rupit,
 aut rigor remissus compagem laxavit, avulsa montium aut
 insularum specie fragmenta Oceano feruntur, & sæpe con-
 currunt. Is maxime terror afflixit navigantes, quippe cum
 explorandi curâ terras raderent. Fretum, cujus latitudo ho-
 rarum duarum, longitudo dierum quinque iter complecti-
 tur, concrevit omne ut quidem pedibus transeat: & quan-
 do solutum est, non sua modo, sed illapsa gemino a mari
 glacies adurget. Quinquaginta vix dies sunt, sub ipsum apud
 nos posterioris æquinoctii sidus: id tempus illic, non æstas,
 sed hyemis intervallum est, visaque palam tabescere glacies:
 neque diutius velis imminens iterum gelu indulget. Tunc
 sane & Russis commeatur, manebantque signa infaustæ
 navigationis fluitantes tabulæ; sive illos frigus resurgens,
 sive alia vis deprehendit. Sunt illis & trans Obim commer-
 cia: atque illis hibernare pericula docuerunt, ut stato tem-
 pore temeant, ubi se undæ patefecerint. Quomodo Ma-
 gellanico Freto, ita his angustiis coire Oceanum, fidem hanc
 Batavi attulere. Flumina in fretum exeuntia distrabi, velut
 dubia quo cursus agant, aut si ventus invaluerit, eodem im-
 pelli; quæ dulcibus aquis mitigent maris saporem. Simul
 transvectis jam littora recesserint, salfos cæruleosque flu-
 ctus immenso profundo attolli: atque eadem iterum mon-
 stra: nam dictu mirum quam sit belluosus omnis iste Ocea-
 nus. Spectantur vitulæ & canes marinæ, & ferarum nobi-
 lissima, quam Morfam vocant, miræ, & ut compertum est,
 pugnacitatis, & vix ullis ictibus penetrabilis. Pedes ferme
 quales castori; magnitudine præstat, & pariter solido utitur.
 Nam visa & glaciæ incumbere, & imminentibus mari ju-
 gis apricari: tarde enititur, incredibilis delabenti veloci-
 tas. Dentibus illis, quantum apud nos ebori pretium, persua-
 sio gentium facit. Aiebant Russi post Vadigatham diductum
 mare iterum cogi, iterumque erumpere, quo sermone haud
 affirmem

1525.

affirmem Tabin ne Scythiæ montem olim cognitum, & porrectam in ortum Semblam parvo brevius concurrere indicarint, an fretum illud auditu compertum sit, quo diremta a Tartaris America communem cum illis originem vultu ac moribus gentium fatetur. A Pitzora Moschi provincia ad flumen usque Obin quicquid mari prætexitur Samojutæ, Sarmaticum genus non colunt, sed peragrant; adversus immanitatem quoque naturæ & cœli urgentis ipsos animosi & felices. Foedi quidem vultus & fumo nigri, parvis oculis, pressis naribus; neque ingentia corpora, sed firmæ valetudinis, & ut cuncta fere animantia pernecitate cursus adæquent. Lætos parvo atque agiles non delitiæ enervant, non cura macerat. Qua pedibus incessit, quod manu cepit, id cuique suum est; nec alius possidendi finis, quam animus paratis contentus & obviis. Ita omnia habent quia nihil concupiscunt. Arma sane Scythicum Parthicumque in morem, arcus, pharetræ, sed adversus feras: ab his vestem sumunt, qua totos se caputque & manus induant; ab his victum, crudas carnes, velut amplexi naturæ munera. Delitiæ adeo nullæ, ut panis quoque & usum & nomen ignorent. Id melius arbitrantur, quam irritare maria, quam negantes fatigare terras, & in ulterius semper vota promittere, infensos aliis, infensos sibi. Atque adeo gesserunt rates, non imitantur: suoque se tenent littore, nisi quatenus diversa elementa gelu, velut cœlesti ope, coierunt. Sic eunt redeuntque cum Vadigarham & Semblam, deserta alioquin, longo venatu scrutantur. Insulas has esse duas, neque magno æstuario divelli pronuntiabant. Ibi longius, quam norunt ipsi, imperant, quia præter solitudines & feras nihil ultra est. Videre nautæ secundo itinere, qui se principem omnium earum gentium ostentaret: hominem non cultu illo, non majestate, nisi senectutis, insignem. Nam a Moscho, cujus aliquot jam sæculis aucta dominatio tergum ac latera circumvenit, Riphæi, ut creditur, montes nivibus inaccessi, quos cingulum terræ dixere, & sua illos inopia defendit. Proximi tamen tributum pendunt, pelles ferinas, nec enim aliud habent, magisque belli odio quam metu. Samojutæ, Semblæ, Vadigathæ litorum prope eadem facies, anceps interdum rupibus & vadis alibi plana. Humus ibi muscosa & palustris, silvis nusquam horret: ignotæ enim, & qualium ubique prodiga natura est, nulli bono usui herbæ sponte nascuntur.

tur. Quo magis mirandum est ramos truncosque arborum passim fluitare : nisi remotiores septentrionis terras vastus, & ipso littorum occurſu excitatus abruptit Oceanus. Eademque vi credibile est diffiluisse quas nunc insulas videmus ; forte hucusque olim exeunte Sarmatia. Quamcunque ejus oræ partem naves attigere, fumus interdum & hominum vestigia, non urbes, ne vici quidem apparebant. Interior regio & nemora habere creditur, & lacus, quos perpetuæ nives fundant, alantque. Hæc juxta, ut solum, ut aqua placuit, discreti diversique tuguriis latent, aut specus aperiunt, ad fovenda ignibus corpora contra cœli injuriam. Nec tamen desident. Traha, quam rapiunt incredibili celeritate quadrupedes, haud dissimile cervis genus, Rangiferos vocant, una omnibus supellex. Hac lapsi altas per nives vestigant prædam, mutantque sedes. Totam hanc plagam feræ cum hominibus haud sane ex æquo divisere. Tanta multitudo est leporum luporumque candida cute : tum martes, sabelli, quæque aliæ tantum ob pelles expetuntur. Vrsis (& hi frigore albicant) major solito moles, & quia pabula deficiunt, rabies inaudita ; non armorum metus, non mare obsistit, quo minus conceptum odorem impetu sequantur. Ea pestis improvidos nautas, qui littus adierant, foeda morte absumpsit : nec aliud sociis quam spectare & sero ulcisci datum. Notabatur in ora eminente sancti & profani triste divortium, cum summis in jugis innumeræ Deum effigies rudem artem sensumque, contra erectæ cruces Christianas manus testarentur. Nam Russi, quos in insulas & partem eam continentis tempestas, aut pellium mercimonia adpellunt, sex ante sæcula Græcos ritus acceperunt. Samojutæ cœlum atque astra adorant, numina haud aliis iniquiora, tradito more, nec, ut oderint, dissentientes. Sunt & qui lucos apud illos memorent horrendo fragore & visis infames, sacrosque angues, superstitione haud ignota, coli. Cæterum mos Samojutarum minime ferus, & Lappis Finisque vix diffidet : quanquam olim humanam illis carnem pro cibo fuisse, sunt qui ex nomine, quo vocantur, arguant. Quod si recipimus, annumerandi & hi populis, quorum vitam ætas & exempla mitigarunt, facili ad dediscendam feritatem hominum ingenio. Ad primos Batavum occurſus, sola ignorantia pavidi, fugam aut arma prospiciebant. Postquam approbata innocentia, & quædam munuscula ac-

1595. la acceperant, duo sanctissima, solem & paupertatem suam testabantur, invitos se beneficiis vinci. Omnino, si quid in posterum fortuna annuit, multum momenti in illarum gentium studiis, quæ freto assident. Quanquam & arcibus premi transitum ad retinendos usus reperti maris profuerit, & quo refugium habeant naves, siquid subitum ingruat. Tum, si cura & homines accedant, non minus Vadigatha est insula cultus patiens, quam quæ extremo Danici imperii littore habitantur. Nam ut sub ipso sideris incendio flagrantem plagam, ita, quæ ad utrosque relegatæ vertices gelu stringuntur, admittere mortales, eosque sorte nascendi & assuetudine sibi æquare, contra veterum rationes experientia convincitur. Nullam sui partem natura solitudini damnavit, adeo quidem ut Groenlandia, ad Septentrionem remotior, fruges & sata alat nostrum in morem. Pleraque certe inculta olim jacuisse par est credi, cum adhuc potiora sufficerent. Paulatim sua homines multitudo & discordia longius projecit, terræque maria, & maria terras monstravere. Proxima Obi regio Obdoria est, anus aureæ simulachro & oraculo celebrata. Ultra amnem Molgomzaya flumen alterum, & ripa cognominis, quam Russi non commercii modo, sed imperio novere. Cætera jam fabulosa, morte hyemem transmittere, vernoque cum spiritu resumere animam Leucomorizæ populos, cum expositis interim rebus permutationem sola accollarum religio peragat; tum hirta hominum corpora, & canina oris species, haud minus vana veterum mendaciis: qui equinis pedibus gentes, & alias, quarum aures nuda alioquin corpora ambiant, iisdem locis ascribere, ut fere ubique in miracula, & falsas auditiones fama rerum desinit. Quædam horum tamen, & quod certiori testimonio firmatur, capite truncos homines, qui vultus in pectore gerant, aut esse, aut colli brevitate erectisque humeris tales videri, haud pertinaciter refellam; satis gnarus, ut alibi ignium intemperie, ita vi frigoris nimia peccare naturam. Hoc constat, Loppas sequi Imaumque montem, & inter nemora late vagantes Hordas Tartarorum; quorum pars sit Cathaia, conversa jam littorum fronte: inde Sinas & quæ in orientem noscuntur. Idem hic annus infamis rapinis Dunkercanorum, qui triginta & quinque Batavorum naves, in Norvegiam missas lignatum, inermes præter unam omnes, in potestatem redactas avere cum non possent, magistros navium obsides promissi

in

in redemptionem pretii secum duxere : & mox e Galliam pententibus non minor præda. Sed una raptorum navis circumventa a Batavis , forti prælio absumpta suorum parte altera, quadraginta trium qui superfuerant supplicio aliquantum repressit grassantem satis feliciter audaciam : simulque liberati supra viginti , qui nave illa capti tenebantur , quique jam singuli bina , aut amplius , florenorum millia vitæ servandæ promiserant.



HUGO.

HUGONIS GROTHII
 HISTORIARVM
 DE REBVS
 BELGICIS
 LIBER QVINTVS.
 SVMMARIVM.

Albertus Philippo Arausionense comitatus Ernesto successor ex Hispania in Belgicam venit. Ibarra & Fontanus in Hispaniam revocantur. Ordinem contra Iesuitarum insidias vigilantia. Albertus Calotum & Ardeam expugnat, Farum Henricus. Hulstii obsidium & deditio. Mendosa ad imperatorem missi postulata. Imperatoris de pace acturos legatos non admittunt Ordines. Elisabetha navibus a Federatis adjecta classem in Hispanos mittit. Expugnatique Hispanorum navibus, Gaditanum oppidum diripitur. Frustra obnitiensibus Essexio & VVarmondo Howardus in Angliam classem reducit. Philippus vehementer obaratus fractam fœneratoribus sedem rescicere necesse habet. Propter tributa inter Fœderatos discordia. Elisabetha cum Gallo de fœdere agit. Promissa Fœderatis ab Henrico auxilia non mittuntur. Regina intempestive as suum a Fœderatis repetit. Federis inter illam & Henricum leges; in quas & Ordines jurant. Horum propria passio: Henrico pecuniam mittunt. Gallorum in Anglos suspicio. Academia Lugduno-Batava descriptio. Fœderatorum ad Danum legatis auxilia contra Hispanum denegantur. Bironius capto Varenbonio fugatoque Cimacensi Atrebates & Flandros vastat. Germani militis seditio. Fœderati frumentum in Hispaniam ferri vetant: navigationis certum ab illis versus Septentrionem instituta mirabilis historia.

1596.



*Albertus
 Austriacus
 Ernesto
 successor
 mittitur.*

Estum inde annum Belgæ sub Hispanis inchoarunt insueto gaudio eorum, quæ Gallicis finibus provenerant; tum nova spe ornandoque Alberto archiduci Austriaco intenti, qui pari cum honore successor Ernesto mittebatur. Minimus hic fratrum, quod magnæ nobilitatis solatium est tacitumque regibus & Pontifici fœdus, Cardinali dignitate fulgebat. Exin probatus Philippo Lusitaniz præfectura, ubi suspensio obsequio & in subditos comitate claruerat, haud indignus habebatur, quem Rex, more gentis inter se fidæ, propiori necessitudine sibi immisceret. Igitur quo majore cum gloria

gloria gentile regimen addisceret, provisa abunde belli & 1596.
 pacis instrumenta. Tutum illi iter ex Hispania in Italiam, per-
 que Sabaudos & Burgundiones Luxemburgiam usque & fi-
 nes Belgarum. Pedites & turmae undique agglomerabantur,
 non modo eunti praesidium, sed exhaustae militiae supplemen-
 tum; quos ille, ubi ad exercitum pervenit, paucas in cohortes,
 aut alas coegit, partimque veteribus infudit; prudens
 verum numeris robur, quam nomen & speciem quaerere,
 ne inutili praefectorum turba aerarium & militem oneraret.
 Itaque & Belgas proceres apud signa infrequentes praefectu-
 ris ac tribunalibus amovit, quorum praeter nomen & com-
 moda vix quicquam usurpabant; suffectis aliis, qui diu ob-
 sequendo imperare meruerant. Statuit alia quoque haud in-
 digna imitatu, ut ne quis signum ferret nisi tertio stipendio.
 Conquisitae & pecuniae, quia recens seditio in metu, & ve-
 tera malorum recrudescabant. Et promiserat Hispanus in
 menses singulos undecies centena florenorum millia, sed quae
 primum autumnum haud ultra processere. Trahebat secum
 Albertus satis magna argenti infecti pondera, quo trajicien-
 dae per syngraphas pecuniae damna lucrifierent, & quia cuso
 in Belgica majus pretium est. Et alias ob longa itinera intu-
 tum, nunc valido praesidio defendebatur. Aderat una, &
 velut pignus clementiae ostentabatur princeps Arausionen-
 sium Philippus Wilhelmus nomine, qui motis in Belgica re-
 bus avectus olim, & honorate Hispanica in aula custoditus
 libertatem tum primum receperat: quippe Romanam in re-
 ligionem firmatus, & isto obstrictus beneficio, si fratrem
 minorem adiret, & gentes, apud quas paterna valeret me-
 moria, pacis medius, aut inter hostes discordiae causa spera-
 batur. Neque sane Albertus ipse adverso apud Batavos ru-
 more erat, plerisque nautarum cognitus gratuita clementia,
 quos per Lusitaniam, in hoc ipsum, ut creditur, compre-
 hensos haud dubie in spem famae dimiserat. Gratum praeter
 caeteris, quod ejus adventu Ibarra & Fontanus invisâ potentia
 demoti in Hispaniam remitterentur. Sed plures successerant,
 Franciscus Mendosa, Tarracoenensis pelagi praefectus, confi-
 lio tum & bello caput: Consalvus Carilia, Girolamus Zapa-
 tata, & Baptista Taxis; alia nomina, iidem mores; quo ma-
 gis formidabatur simulata bonitas manentibus malis. Et Fœ-
 derati Ordines veriti ne quid vulgus principis Arausionen-
 sis aspectu & colloquio mutaretur, ad ipsum scribere, gra-
 tulabun-

*Multa
imitari di-
gna statuit,*

*Magna ar-
genti infecti
pondera in
Belgicam
advehit,*

*Philippus
Arausio-
nensem se-
cum addu-
xit:*

*Ejus ad-
ventu
Ibarra &
Fontanus in
Hispaniam re-
vocantur.*

1595.
Ordines
principi
Arausio-
nensi scri-
bitur.

Ejus re-
sponso.

Mauritium
& soror illi
dona & pe-
cuniam of-
ferunt.

Ordinum
contra le-
suitarum
insidias vi-
gilantia.

tulabundi quod viginti octo annorum captivitatem exisset : cæterum fines suos, inter arma, nisi publico vocatu haud tuto adiri : neque satis ex usu rerum præsentium coram ipsum venire ; quanquam ultro confiderent haud eum fore, qui, expertus cum maxime Hispanicam sævitiam, subruere velit patriis consiliis & patrio sanguine fundatam libertatem. Quibus ille respondit, ad reliqua officiose, de patre dissimulans : verum nullius rei auctorem venisse, quæ non utrique partium conducere, unde se merito secundas ipsorum voluntates opperiri. His tum abstentus, nihil in posterum affectavit, suspectum se Batavis querens, & apud Hispanos generis invidia premi : quare nec arma induit, privati expectens, seu fraternæ gloriæ reverentia. Sed Mauritius illum per legatos, soror Hohenloio nupta coram in Cliviis convenit, dona & pecuniam offerentes ; quo domesticam administrationem maximarum penes se possessionum domino certatim purgarent. Ordines autem callidi vitare imminentes insidias, jubent excutere transitus, præcipua adversus Iesuitas cura, ne quid infidum credulam in plebem manaret. At Albertus non his artibus fidere, ita pacis avidus, ut bellum interim urgeret : super præsidia instructo quindecim milium exercitu. Faram in Veromanduis, bello & inopia circumdatam, nisi furtim ac modicis copiis alere ratio nulla erat ; quia hostilia circum oppida, & ingens equitatus, tum humentia camporum, quo majora insidentibus munimenta, hoc adituros graviore periculo terrebant. Detrahare obsessores, aut si morarentur majori pretio Cæletum aggredi propius fuit, & suadebant per avaritiam præfectorum neglecta urbis munimenta. Id ipsum Parmensis olim, inde Lamota hortatore Fontanus sibi destinaverat : sed gloria cœpti novo imperio servata est. Supremum hoc transmarinæ expeditionis præmium, & freti sui claustra, ducentos per annos Britanni retinere : quibus intra insulam redactis Francisci Guisii virtute, acceptum regimen urbis Gordanus, mox in propinquum sanguine Bidolanum transmiserat. Neutri cura, quæ bello aut ævo fluxa, reficere. Et erant longe infra sæculum opera : murus lapideus urbem ambiens, arx angusta, & in quatuor propugnacula leviter excurrens : ne miles quidem adversum hostes, sed firmandæ potentiæ assumtus ; dum terra marique augendis divitiis incumbit animus, ac, quod frequens turbatis rebus,

bus, ex præfectura regnum fit. Quare nec Borbonius, cognito jampridem interceptas per literas periculo, occurrere potuerat, precario adhuc & tantum volentibus impetrans. Quin adeo Bidosanus, celebri jam rumore Caletum peti, fociis e Batavorum cohortibus duabus centuriis haud amplius admiserat, ex conscientia suspicax. Apud ipsum sex aliæ erant. Quæ postquam Alberto relata, quo terrorem latius spargeret, e Valentinianis oppido diversas manus sub ducibus ire, & proximis Gallorum locis miscere tumultum jubet. Præfectus castrorum Christianus Ronæus, Gallorum exsulum clarissimus fama, partem exercitus ambire missus oppidum, omne auxiliis iter abscondit. Nam capto ponte, quo terrestris arctatur aditus, eostili muro turrim, quæ Ricibancum dicitur, ad portus fauces, unde & Guiotio quondam in oppidum aditus, semirutis jam olim munitæ, quæ ne tum quidem audito periculo, quisquam reflexerat, percussum tormentis in litore positæ, defensumque non quamdiu debuerat, victor ascendit. Inde jam Batavorum naves, quæ Flandricum ad litus sedent, quo minus commode obsessis succurrerent, arcebantur. Attamen tela inter, late patente portu, travecta navis Bidosano, quos poposcerat, curandis machinis artifices, & pulverem tradidit, rediitque. Mox & Sancti-Paulio Comiti, qui mille & quingentos Gallos oram ad maritimam duxerat, suppetias oppido laturus, invectandi operam spondebat nauta, ni ipse periculum defugisset. At postquam Austriaci vires coierant, & tela ex incumbenibus arenarum tumulis desuper adigebantur, suburbana primum ædificia ad impetum cessere; mox oppidum ipsum triduo obsessum, cum quassari machinis porta cœpisset, vulgi pavore & domini veteris odio (quippe ipsi regenti, non consilium, non auctoritas inerat) Hispano deditur. In arcem se miles recepit, quæ pactis sex dierum induciis in spem auxiliorum tenebatur. Et Mauritijs quinquaginta navium classe multoque milite jam aderat, visurus quid Gallis, quid Anglis esset animi. Sancti-Paulius discesserat. Essexius in propinquo habebat paratam in Hispanos, si forte ingruerent, classem. Obstitit populorum nunquam bona fide coeuntium æmulatio. Nam Viquium, proxima Galliæ præsidia regentem, tentavit Essexius, velletne, si recuperaretur Caletum, custodiam ejus Anglis permittere. Credidere Galli quæ bello quondam An-

*Albertus
Caletum
obsidet.*

*Expugnata
urbe in ar-
cem se milites
recepit.*

1596.

*Henricus
de ferenda
ope frustra
consilium
init.*

*Archie
ex-
pugnatio.*

*Ardea quo-
que in Al-
berti venit
potestatem.*

*Fara se
contra
Henrico
dedit.*

gli tenuerant, nunc per amicitiae speciem indecore repeti. At rex Henricus non quidem obsidio desistere; sed relicto ad Faram exercitu, id potius credens, an quia Caleti aditum desperabat, interscisso aestuarii solo, quatuor millium praesidio Samaram amnem delapsus proximum navale Bononiam advenit: ibi ferendae opis fera consilia habebantur. Rogatus a Rege ut in terram descenderet Mauritius excusavit, nudatis domi finibus consulendum dictitans. Trecenti ferme milites Campsaniole duce terrestri itinere submissi, nocte usi & silentio & maris recessu, per fossas in arcem erepsere, exemplum magis obsessis quam subsidium. Plerique, ut propugnacula oppugnantibus patebant, cum Batavo milite in vestigio cecidere: dum caeteri Gallorum, bello inhabiles, praecipiti fuga, seque & alios in exitium dant. Occubuit & Bidolanus. Batavi ferme sexaginta e domuum culminibus fortiter se defendendo expressere ut salvi emitterentur. Temperatum fecit usum victoriae Archiducis praesentia, qui sine multo suorum sanguine Caletum potitus, oppidum extremis Gallorum finibus auctum firmatumque opere, imperio & sermonis usu in Flandriam trahebat; bellum inde maritimum agitans. Egregium hujus victoriae praesidium haud longe interius jacens Ardea, Britannis olim irruentibus limes oppositus, in potestatem Alberti venit, Galliamque illac patefecit, eadem illius felicitate, hostium hoc majore culpa, quod non improviso opprimebantur. Milites bis mille munito satis loco excessere, honesta turpiter pacti: neque enim dum oppugnarentur expectare, sola, ni dederent, moris denunciatione exterriti. Quae dum aguntur, Fara tandem fame subacta, Henricus in vicina Caletum loca distinxit exercitum, ne infirmiores civitates, quas metus ingens pervaserat, ad victorem desciscerent. At illum jam & inopia coactum Gallia decedere, Flandri orabant, vim magnam auri pollicentes, Ostendam sibi redderet, quae sola ejus littoris oram diffociabat, idque ipsum metuens Mauritius introspectum ivit ipse: egressusque curavit, ut militum satis, deinde victus, quaeque bello aut operi faciendo idonea, suppeterent. Quod exploratores retulere, simul ipsum mare commodo portu ad oppidum accedere, & cuncta retro aestuariis incerta. Ita dilata haec obsidio est, ne temere coepta primorum successuum famam laceraret. Quoniam tamen praeter auxilia Galliae do-

nata

nata magnam partem Batavici militis, ut memorabimus, Anglorum classis absumserat, damnata quies; & quo conferrentur arma, civitatum precibus, consiliis ducum certabatur. Sed dum

Gallia Archiducis copias tenet, Mauritianus equites Brabantiam & Belgarum ultima ferro atque igni vastabant; irrupto & Anderthanna Lucemburgorum oppido: ubi illæ in Flandriam recesserant, Galli incubuerunt. Sic alterum semper latus hosti obnoxium. Fusæ & Alberti turmæ, ut quasque casus obtulerat. Atque id maxime tempus multa exercitatione & cura ducis firmato Batavorum equiti documentum sui & in majora fiduciam dedit. Quippe Hispanorum alæ velut inclusæ & refides: Mauritianos contra patentes hostium campi & præda irritabat.

Mauritianus hostis solam vastant.

Archidux, ubi tempus exeundi placuit, ne quid inutile sibi aut suspectum relinqueret, expeditis stipendiis Italos Tilemontio evocat. Spes & consilia in Hulstium versa quoddam Flandris placandis, nec minus ex usu Brabantiae, videbatur. Oppidum veteri structura infirmum; victorque Mauritianus, quia longum mutare rotundam monium faciem, interim adauctæ fossæ munimenta injecerat. Mox Zelandi, suscepta tuendi cura, castellis par agros dispositis, ruri quam oppido rectius consuluisse arguebantur. Præcipuum loci robur, quod rivus haud procul erumpens, adjutus manu, quo laxiore via in Hontam exiret, retroque in Scaldim ducebatur: nam utroque nomine amnis idem Hulstani agri tergum sinuosus circumvolvitur: sic velut insula undique inaccessible & geminæ ripæ imminens in prædam Walsæ & Brabantici soli rapinas militem emittebat. Dissecti & in hostem aggeres, & qui intra flumen erant depressi sub jactus ex oppido telorum. Pridem castella Flandri duo arcendos ad excursus objecerant, Ernesto & Fontano jubentibus. Plura Foederati, quæ ripam tuerentur. Bina horum oppido connexa per excurrentem aggerem, quem inter patefcens humus transitum ac mutua auxilia occultabat. Haud omnino par utrique firmitudo; præstabat quod Hontam versus Nassavianum vocabatur, quippe subvectioni præsidium ab Axela & insulis Zelendorum. His difficultatibus territi, quos inspectandum ad situm Albertus miserat, ante placita dissuadere. Quomodo enim adversus minas incumbentium castellorum transduci posse nudum militem, vim com meatuum, machinarum denique pigræ molem, insidenti cum maxime Scaldim hostium classe, quorum & minora navigia medio vectarentur? Arduum id,

Albertus Hulstium oppugnare statuit: Ejus situm & munimenta.

Alberto obfidium dissuadent.

1596.

anceps : nec cætera expeditiora. Solum palustre , hostem indus-
trium , libero navigatu irritum obsidium , nec magis spe-
randam oppugnationem contra integros semper & recentes.
Super hæc Gallorum rex , acceptis in fidem perduellium ple-
risque , jam validior irrupturus vacua formidabatur ; neque
dignum satis Hulstium tot periculis peti. Sed flagrantissimus
tribunorum Claudius Barlota , homo Belga , contra exsurgens
travectionem cohortium , Hispanis ducibus detrectatam , sibi

*Perfuadet
Barlota.*

deposcit : Quod cæteros ad metus pertineret , dandum ali-
quid audaciæ & fortuito hostium errori aut formidini. Statu-
ras bellorum vices , si paria altrinsecus consilia & virtus in sin-
gula fingerentur. Res in præsens dissimulata paucis consciis
firmatur , quo facilius hostem fallerent , quem spectis lo-
cis inhærentem amovere primum erat , nec eventu caruit.
Nam Ronæus ponte impolito Scaldis flumini , Brabantiam
inferre signa iussus , quo Bergis aut Brædæ terrorem faceret ,
Mauritium compulit relicto ad Hulstium præsidio , quod Sol-
menis regeret , reliquo cum agmine anxium sequi. Modicæ
tum , siquando alias , Foederatorum copiæ : quia parcen-
dis sumtibus fines duntaxat tueri placuerat , cujus consilii ra-
tionem hic præcipue annus improbavit , & damno & impetu
gravis : pars militum Anglicanæ classi concessa aberat :
pars in Galliam profecta liberando Cameraco ; quod restabat
in præsidia ferme absumto. Missi quippe Germani nuper ,
nec novæ cohortes conscriptæ. Duo vix penes Mauri-
tium millia , queis incertos hostium conatus sequeretur ; sed
repetitus e Gallia miles mox advenit , octodecim centuriæ
erant.

*Exigua
sum Fœde-
ratorum
copiæ.*

*Barlota in
Hulstium
ducis.*

Barlota interim (cui Bissa aderat spem præfecturæ
præcipiens) lintres e proximo Flandriæ castello per stagnan-
tiâ ripæ obscura nocte in alveum adigi jubet. Mille quin-
genti aut paulo plures sequebantur , Walonica Barlotæ &
Germanica Tesclini cohors , armis & dierum aliquot alimen-
tis graves , undas inter & cænum lapsantibus vestigiis. Tan-
dem impositi navibus (nec enim vada aderant) transitus inul-
tos habuere , silentio suo & Batavum classicorum indiligen-
tia , qui ut periculis intrepidi , ita custodiæ segnes , hostem
per aquas volutantem , quod promptum fuit , scaphis non tur-
bayere. Iam vero tela per tenebras vana ; nec in tempore
oppido proruptum : sed modico ad ripam munimento tri-
ginta milites , quos locum servare iussus & ratio fuerat , te-
mere egressi cælique , hostem machinarum & receptus egen-
tem

*Batavo-
rum indi-
ligentia
transitum
habes.*

tem utroque instruxere : secuta mox pugna , sed nocturna , 1596.
 eoque turbida , haud internoscentibus se lociis aut hostibus ,
 primo tamen impetu Germani , qui cum Barlota venerant ,
 cæso Tescilino duce , vèrtere terga , ac frustra retenti auge-
 scentibus aquis & obscuræ morti occurrere . Restituit for-
 tunam obnixus cum suis Barlota , voce clarum intonans , re-
 dactique in oppidum aggressores . Numerum cæforum utri-
 que in majus celebravere , pro victoribus agentes , Solmen-
 sis quod signa , illi quod captivos abduxerant . In supplemen-
 tum Germanorum milites nonnulli , quos ultra flumen Clau-
 dius reliquerat , illecti pretio ut tranarent , peremptorum spo-
 liis ornabantur . Tum si quid juxta editum (namque intus ag-
 geres adversus augmenta fluminum intercursant , haud pe-
 rinde ac Mauritius jusserat custoditi) nocturno subitoque
 opere hosti occupatur . Hæc ubi per Brabantiam sonuere ,
 duces ambo diversis itineribus eodem ruunt : Princeps ut
 crescentem turbam insula depelleret ; ille , ne pauci , qui in-
 traverant , copiis hostium aut fame circumvenirentur . Nam
 sola illis , quæ humeris ipsi asportaverant , alimenta : curri-
 bus , navigiisque nulli aditus . Sed frustra laboratum Mau-
 ritio recuperare inessa , quia Ronæus trans Scaldim raptas
 cohortes quinque , Walonicam scilicet , Neapolitanam &
 tres Hispanicas , haud sane illæsas , invexerat ; reliquo cum
 exercitu Albertus ipse ulteriorem opplebat ripam . Mauritius
 ultima Zelandiæ ora Cruningæ subleat , inde quantum po-
 terat militis oppido immittens : nam Zelandi acriter socios
 obtestabantur , ne se negligenter ; in quos & validus & vi-
 ditor exercitus , propinquo ex Gandavo & Antverpia com-
 meatu , vi tota incumberet . Igitur Transrhenanis urbibus ,
 & queis locis hæcenus formidabatur , excitus miles : finium
 custodiæ tyro conscriptus auctoratusque dimidiatis stipen-
 diis . Decretum insuper , ut justorum militum per Britan-
 niam delectus haberetur ad duo millia : rogata Regina tan-
 tundem ut ipsa huic necessitati contribueret . Rex vero Gal-
 liæ oratus ut vacuo ab hoste tempori instaret , ultroque ip-
 sius fines incurreret , pacis , quam jam sperare cœperat , con-
 siliis tardabatur . Interim Hulstano agro eques Hispanicus ,
 Batavus , hac , illac inductus , subitum terrorem & cladem
 miscuit . Major vis penes Batavos , & quoties æstus campos
 inundabat , navigiis impune vehabantur . Tum oppidum
 inter & contiguum oppido castellum , quod Scaldim atque

*Noctis cum
illis vario
Mauris pu-
gna*

*Loca edita
aggresque
subito occu-
pat.*

*Albertus
& Mauri-
tius accu-
runt.*

*His frustra
laboras re-
cuperare
inessa.*

*Zelandi-
rum apud
socios obte-
statio:*

*Novi Fæ-
deratorum
per An-
gliam delat-
turi.*

1596.

*Obsidii
Hulstensis
Historia.*

adeo hostem spectabat, contemptis munimentis dabant se in apertum; quo velut ludibrio irritati hostes, cum refugis instarent, oppidanorum telis & densiore eruptione turbabantur. Tormentorum inopia hæc evenire, sine quæ nihil profici, manifestum: in transvehendo difficultas erat. Paulatim virgultis fascibusque solidantur madentia: in æstuario devinctæ inter se naves ea firmitate, ut pontis usum præberent, & in ultimo ripæ regiæ lunata munitio. Hinc machinæ oppidum contra & castellum excutiebantur: tum vero duæ, quæ primo incessu obvenerant, insula in ipsa, & ut cæterarum quæque traducta, in hostem diriguntur. Postquam aliæ aliarum præsidio complures perfectæ erant, tutandos ad com meatus castellum, quod diximus, oppido avellere, & sibi vindicare flumen Ronæus aggreditur. Quod postquam modicis assultibus non successerat, machinarum ac tubarum sono, quo propalam confessus agitata pavorem hostibus, suis alacritatem indèret; dilecta insuper concubia nocte, ire Italos mediumque aggerem, qui e castello ad urbem ducebat, infessum munimento hostium perrumpere jubet. Exactæ tenebræ per vulnera & cædes, cæco strepitu, dum ambigui quamvis ictus in confertos cadunt, nec ulla declinandi providentia est. Mane pulsum præsidium. Atque interim Germani earundem partium, quo vim astu juvarent, locis palustribus atque incustoditis enisi, vallum castelli exterius penetrant, rescisso palorum ordine funduntur vigiles alieno periculo securi. Sic dum partem alteram alterius auxiliis arcet, in utramque victor, toto eo die castellum machinis pulsat: & ut erat aggere structum uliginoso, facile disrumpit. Inclusi haud pauciores octingentis, quamquam nec ruina satis patescebat, & nulla cominus arma senserant, pontem hosti captum & dubia casuum, aut præmatura formidare; illorum maxime contactu, qui nocturnis præliis profugi cæteros sibi miscebant, nec quenquam integrum patiebantur. Projecta arma, vis, clamor, minæ in præfectos ni continuo dederent. Cum jam suppetiæ a Solmenis ducerentur, sero diei exiere, irrisi hostibus & apud suos impuniti: intantum scilicet corruptis sæculi moribus, ut non mala sæpe quam remedia formidabiliora sint. Spe citius Hispanus facilem nactus præstructumque aditum, quod fossæ proximum siccabat: inde quæ fossa ambiuntur munimenta dolis & impetu afflictabantur. Simul ope castelli jam tutum

tutum instruere flumen, cingere copias, castra disponere: 1596.
 levataque rerum pretia, quæ difficultas transportandi ad fa-
 mem usque manipularium intenderat. Concupiverant ob-
 fessi pertusis molibus aquarum vim in hostem vertere, sed
 aderant derivandi artes, quique aggeres illorum in potesta-
 te exciti contra præsentis ad usus. Igitur ad eruptiones ver-
 si subter mœnia specus duxere, quibus improvise emergerent;
 multamque post cædem relata signa captivique, nulla redeun-
 tium clade, cum vicinas inter administrationes securos, in
 ludo interdum & alea deprehenderent, quæ nunc militaris
 otii oblectamenta sunt: aut, si clamoribus excitus densior ho-
 stis ingrueret, levi prælio, tardo recessu periculum vitabant.
 Plurimum noxæ tormenta attulerunt, & missiles flammæ:
 quippe adversus urbem procedentibus inanes corbes præten-
 ti, qui visum non & tela arcerent. Nec tantum qui machina-
 rum pericula tractabant, sed ducum haud pauci sternebantur.
 Et hos inter Ronæus, quo consultore pleraque per Galliam *Romani oc-*
 præclare gesta Hispanis; nisi quod eadem jubendo Albertus & *ciditur.*
 Fontanus; & Parmensis in se verterant. Gente erat Lotha-
 ringus, domo nobilis, ac Gallicorum motuum per initia
 Francisci Valesii fortunam ac partes secutus. Mox Guisus
 hominem, non minus callidum, quam fortem, & qui ni-
 hil profuturum turpe duceret, largiendo suum effecerat. An-
 nis ultimis multa Hispanorum consilia clam Henrico signifi-
 caverat, velut reflectente in ipsum studio: re vera quo ma-
 jora conatu occultaret. Castrorum præfectura, morte
 ejus vacua, Hermanno Herenbergensi traditur. Oppidanos
 suæ insuper angustiae in vulnera impellebant, minaci circum
 aspectu aggerum atque collium, quos Varax ei rei sub Ar-
 chiduce præpositus undique machinis armaverat. Ita nihil
 tectum extra turpes sub humo latebras, aut quæ imminente
 vallo obumbrabantur. Solmensis, perfosso crure æger, impe-
 rii munia per nuntios & tribunorum colloquia exsequebatur.
 Et ipse Mauritius propinquo e littore cuncta inspectabat.
 Tum qui defecti vulneribus, aut armis inhabiles, quinquage-
 ni prope per dies singulos, vicinas per insulas atque aliarum
 urbium hospitia exonerabantur. Pironemque Zelandiae tri-
 bunum vigilantibus studio exercitus labor valetudine fessum di-
 misit. Supplementa, & quæ bello aut victui necessaria indi-
 dem advenere, Ernesto Nassavio, ac postremum Dorpio duce.
 Crevitque paulatim præsidium, donec in oppido sex & tri-
 ginta,

1596.

ginta, Nassaviano in castello sex centuriæ forent. Frumenti vero ea copia, ut, cum intra oppidum servari commode nequiret, pars navibus sit imposita. Id vero hosti vix ferendum, commeari toties navigia se obsidente. Igitur portum versus opera protendere, & modo hac, modo illa ex parte machinis insequi: frustra plerunque, cum paludum interventu & spatii longitudine ictus elanguescerent, atque ultro ipse Nassaviano e castello telis petebatur. Æstus quoque aquarum subinde vehementior incommodum dabat. Inde Itali Marchione Trivici regente aggressi munimentum, quod recens oppidi portæ castra spectanti Solmenis præduxerat. Primo fodiendum nudi apertique impetus: at ubi ex vallo conspicui telis urgebantur, structis duobus aggeribus latera cinxere. Tum incussæ machinæ: scandentesque mox Itali in ipsam munimenti radicem, prælio dejiciuntur, unde resurgentes Zelandorum manu densaque vi glandium & missili igne fugabantur. Assumta aliarum nationum subsidia: & sibi quæque constiterunt, quo virtus discretior elucesceret. Quin & proprium e beneficiariis agmen progredi iussum, præeuntibus signis, non militæribus modo, sed quæ sacris & suppliciorum sollemnibus usurpantur. Hispanis id solitum veteri exemplo, quoties profanam adversus barbariem certaretur, & quia gens addicta religionibus non aliud majus audendi incitamentum habet. Contra nitebantur singulæ cohortes per vices custodiarum, ac pene ministra bello oppidanorum turba tela ac faces ingerens. Ita tres per alternos dies acriter pugnatum, majore aggressorum perniciæ. Etenim priorum ordinum milites, gravem per armaturam vice muri cæteris, ut glandibus impenetrabiles, ita si cominus tenerentur vitandos ad ictus immoti seque & cæteros impedierant. Tandem ab impetu ad artes ventum, & utrimque cuniculi, quanquam altero versus promoti, damnum æquaverant; pro oppugnantis fuere, qui planitie dissilientis soli, ac partim scandentis, suorum & hostium stragibus juvabantur. Ea vero dira facies, cum per iniqua exstantibus tumulis loca & humum sanguine lubricam, ubi calcandi commilitum artus, attoniti iris, instabiles gradu truderent, truderentur. Ad extremum coorti hostes defensorem impulere, ac quo minus secuti una vallum irrumperent, quod multis ictibus hiare jam coeperat, agger lunata specie & fossa structa interius Solmenis providentia, atque eo conglobata militum manus, obstitit.

Nec

Nec longius Hispano usus munimenti, quamvis multo sanguine ac labore constantis. Nam quicquid ejus restabat obsessi cuniculari pulvere disjecerunt: quin & aræ, quæ eum locum vallumque inter patebat, specum subjecerant, cujus obscuro ore glandes in hostem jaculabantur, qui vix sero cognita fraude, fauces obstruxit. Sed cum retro quoque obsessores cavum occluderent, injecto prius igne compressa vis flammæ hostium aliquot terra obruit. Non cessabant illi interim quod reliquum fossæ subductis aquis siccare, quater vallum machinis, eo violentius, quia mœnium ruentia destitutis infra palis sustinebantur, quaque defecerant munimenta oppidani fascēs & aggerem inferebant. Nec levis oppugnantium labor in propugnaculum, quod portus aggerem contingit: verberare id machinis infelicitèr coeperant; nam incensus forte pulvis ei operi destinatus adstantium plurimos rapuit, fragore ac tremore tanto, ut trans mare Middelburgi quoque sentiretur. Vbi hoc casu, sive alias lassī obsessores aliquantum remiserant, sexcenti, lecta Batavorum e centuriis manus, claro meridie, quo tempore undæ decreverant, scaphis radique flumen & quæ ultra sunt æstuaria superant: improvisique adeo diversis locis involavere, ut Hispani, qua se munierant, vallum suum intra coederentur. Posita contra navigantes tormenta, quia devēhi non poterant, transfixa clavis; mox turmas & octingentos pedites in auxilium suis aut ultionem adventantes ita repressere, ut redierint egregio cum decore, nulloque aut facili damno. Post & alibi nec minus prospere eruptum. Instabat percutere mœnia Hispanus, unoque jam loco in vallum penetrabat, qua parte interior nulla munitio erat; quanquam fieri id Mauritius jusserat: qui omiserant, oppidanorum penuriam & tot simul laboribus imparem militem excusare. Hoc statu, mœre belli, Albertus periculum denuntiavit obsessis, ni dederent; acceptoque responso forti, non tamen impugnationem rursus audebat, quia priora certamina duobus millibus haud minus demserant: plurimique dūces & fortissimus quisque ceciderant, dum continuas ad clades cunctabundum militem exemplo trahunt, novum apud rectorem decus sibi & gratiam certantes. Sed & affectorum incredibilis multitudo, cum jam vicinorum urbes excluderent, campis procubuerat: quæ spectaculi fœditas miserationi formidinem miscebat. Occulta igitur fossorum opera subducere vallum parat, haud satis certa spe,

quan-

1596. quamdiu recentes in oppidum vectari conspiciebantur. His anxium fors antevertit. Nam suspecta hostis tam rapidi quiete, ex obsessis alii insulas & vada quæri, unde flumen ac naves invaderentur; pars erupturas ab imo in urbem insidias, queis non frons, ut hætenus, sed terga quoque intuta redderentur, aut per ruinas impetus subitos, ut multa invenit metus, sibi, mox aliis figurabant. Facundi subito attollere hostium, suas imminuere copias; quæ diebus iisdem feroces contemserant, ut maxima malorum loquebantur. Concurritur ad Solmensem, ubi frequenti consilio (idque ipsum fuere qui reprehenderent, quod non apud se potius, aut cum delectis deliberasset) centurionis deditioem suadentis hæc fere verba fuere: Si non maxima pro hoc loco edita essent virtutis documenta, ambigerem & ipse salutis an gloriæ viam rectius sequeremur. Iniqua est fama, quæ satisfieri nondum sibi patitur. Quoties hostem toleravimus in nos effusum? quoties irruimus ultro? Sed ille nimirum claudibus etiam proficit: nobis supplementa nunquam tanta adveniunt, quantum vincendo perit. Totius mensis certamine detrita oppido munimenta: nudum aggerem cum hoste divisimus: interiora vallando humus quoque absunta est. Quid igitur moramur? Venturumne exercitum ut hostem, quem arcere non potuit, præsiidiis ac sedibus pellat? procul hæc quidem expectatio: Gallia & ultimæ Gades spes nostras tenent. Mille hic & quingenti sumus, quos vocant prælia: mors cæteros habet, aut vulnera retentant. Circumsidemur viginti millibus, quorum nos armis obrui etiam possumus. Quid jam memorem depressas sub terram insidias, a quibus nulla virtus tuta est? Indefensis & inultis pereundum. Enimvero a majoribus ita nos accepimus, forti vera pericula nunquam contemtui esse: temerarios nec apud prudentes laudem, & certe exitium sequi. Tum vero longe alia apud nos atque hostem bellandi ratio est. Nos paucis stipati legionibus pensandum habemus obsequii alacritate quod numero deest. Ille dominator, opum inexhaustus, prodigus militis, vili constare putat, quod sanguine emitur. At quem cum in hostem futurum creditis, qui suos ita projicit? miserum vero militem, si toties contempta morte vitam nondum meretur. Quid, quod & patriæ interest, ne dum pauca pertinaciter tuemur, cætera eidem furori tradantur inermia? Sit sane superior ille, quem validiorem negare non possu-

possumus. Habeat solum, sed cruentum suorum cædibus. Nunquam se nimium hac victoria jactabit illis, qui tot hic duces, tot commilites requirent. Accurata timoris defensio non omnes flexerat, præcipuo resistantium Matthia Helio. Is enim clamare, novum hoc prorsus belli nefas, ante oppugnationem vallum deferere, & exitum ab hoste precari eo ex loco, quo suis adhuc aditus pateret; spatium saltem vel ad deliberandum sumerent: posse interim muniendo excludi hostem aut prurptione depelli, dum Ordines, dum Princeps consuleretur, qui propinqua insula, sollicitus oppido, nihil dum tale exspectaret. Prælata fortibus tutiora, & Solmenfis, qui paulo ante Mauritio duraturum se in extrema promiserat, Ordinum quoque literis ac pollicitis in id ipsum animatus, nunc subito militi metuens, seu quia experimento cognitum est generosos impetus & præliis invictos adversus oblidium bellique tædia non idem valere, maturandam judicavit deditionem, ne, qui intus esset rerum status, transfugarum indicio proderetur. Conditiones pene ipsi præscripserunt, avidiore gaudii Alberto, quia non speraverat. Sub finem Augusti mensis, cum centuriones non minus sexaginta militum haud minus quinque millia obsidio imputaret, traditum in potestatem ejus Hulstium, Nassavianumque castellum armis intactum: reliqua ripæ munimenta effugientes præsidarii corrumpere. Graviter ferre Batavi jacturam oppidi & tributorum, queis Flandria in partem onerum vocabatur: accedebat metus a victore exercitu, cui multum adhuc anni supererat: & quam posthac urbem substituram, si tactum ab hoste vallum ad deditionem sufficeret; si tria hominum millia pugnando morari hostem non auderent? Apud multitudinem atrox in Solmensem rumor velut emollitum uxoriis amoribus, ut fere vulgi solatium est, unum publicis cladibus reum destinare. Nec Zelandi distulerunt gravem jamdudum, quia imperiosius agebat, suarum cohortium demovere præfectura; non egere se opera ejus professi, reliquum dissimulabant: sed ipse, ut audiret, conscius voce ac scripto occurrit, necessitatem excusans. A foederatis Ordinibus novam accepit cohortem, Zelandis haud prohibentibus: testatusque est tredecim se annorum militia eum in res Batavas induisse animum, ut acceptas a paucis injurias facile publico condonaret. Vberissimo suorum plausu Cardinalis excipitur; quia non infocun-

1596.

*Hulstium
Alberto de-
ditur.*

*Cujus ja-
cturam
Foederati
graviter
ferunt.*

*Atror in
Solmensem
rumor:*

*A Zelan-
dis præfe-
ctura de-
mouetur;*

*Novam ab
Ordinibus
cohortem
accipit.*

1596.

*Albertus
magnus
plausu ex-
cipitur.*

*Mendosa
ad impera-
torem missi
postulata.*

*Hispani in
Christo &
Iulianum
spes ja-
cuerunt.*

cunda virtutum Austriaca domus, & ipse Gallici limitis & Flandriæ restitutor, septem post annis reversam, ac tum forte continuam, felicitatem triplici victoria impleverat. Sed favoris & gaudii præsens usus; sequentia haud ad eam spem fuere. Bello propere defunctus, cum exhausta partium militia, simul & ærarium, quietem anno daret, efferendis aliter finibus oculos animumque adjecit: misso fratrem ad imperatorem Francisco Mendosa, qui regio nomine multa postularet: Ut Vefontio libertatem sibi sub imperii Germanici reverentia jam olim vindicans Burgundiæ, quæ sub Hispanis, adjiceretur: ut Aquægranenses parere decreto cogerentur, quod jubebat Romanæ religionis accipere magistratus, ac proinde diversos ritus dispellere. Illud vero quasi pro Anstatiis urbibus, ne impune Anglos mare prædando infestum habere permitteret. Utque Hispanus ad conscribendam in Germania juventutem, quod ante permissum duntaxat, publica auctoritate juvaretur. Sed præcipue in Clivios ac Iuliacum spes e longo jaciebantur; ubi rapta morte subita infan- ducis uxor novis suspicionibus veteres discordias incenderat. Retinebant regimen consiliiarii, plerisque indigenarum procerum invitis, & revalescentis ducis falsa fama fruebantur. Hi, quia statim uxorem duci aliam Lotharingici sanguinis destinabant, crediti prioris necem optasse aut struxisse, prosperisque jam rebus Hispanicis eo ferociæ venerant, ut Brandeburgici & Palatini Neoburgici procuratores finibus juberent excedere. Quin & ad Foederatos misere, audacter sciscitatum, ecquid ab ipsis expectandum haberent. Ordines, & suæ imbecillitatis & hostilium virium conscii, modeste respondere: amicos se & Brandenburgici & Neoburgici; nec eo minus tamen ipsis quoque pacem servaturos intra pacis jura manentibus. Monitos tamen velle, ne in Germaniam magno malo vires externas accerferent. Mox iidem illi Brukium comitem, & qui alii Protestantium, ut conjurationis reos, accusabant, parabantque dejicere honoribus: quin & Alberto excusatum miserant, quod dissimulare multa & in secundiora occasionem differre cogerentur. Effecit Mendosa horum ut auctoritas imperatoris decreto firmaretur: pluraque cum posceret, & imperator ostenderet Protestantium se metuere offensam, quorum ad Turcicum bellum necessaria ipsi esset opera, dixit Mendosa, ita longinquis armis obviam eundum, ut ne propiores injuriæ interim tolera-
rent.

rentur. Pacis, quanquam spe nulla, mentionem tamen ut gratam Germaniæ Hispanus admittebat; scripseratque Albertus Philippo eam in sententiam. Itaque imperator ad Ordines misit virum nobilem, qui venturis legatis com meatum posceret; quod cum illi excusarent, ex voto Hispani, onerabantur recusatæ pacis invidia. Nec minus tamen Albertus parentes sibi populos spe pacis detinebat. Atque hi dum circa Belgicam casus eveniunt, Anglorum interim Batavorumque classis, cujus ante memini, Hispanico mari victrix ferebatur. Causa mittendi, quia compertum Reginæ vim navium Philippo contrahi, qua portum in Gallia aliquem, aut juxta, prehenderet. Nec dum illæ octo ante annis minæ exciderant, & quod Hiberniam Tirono duce imperium exuentem Hispanus auxiliorum spe tunc cum maxime animabat. Vires defensandis finibus paratas, quia sumtus & occasio aderant, cunctantem in hostem vertere ultro placitum. Coierant e Reginæ navibus sedecim, & minores quadraginta, sed bello idoneæ. Quinquaginta additi ferendo militi & com meatibus. Copias omnes regere jubetur Robertus Essexius comes, ætatis decore Reginæ haud ingratus; curam navium Carolus Howardus maris præfectus accepit: pari uterque jure, quod ausis ejusmodi anceps & eventu noxium apparuit. Et dispar utrique ingenium. Juvenili calore Essexius imperatorium sibi nomen ac gloriam quærens, Reginam impensas muliebriter fugientem, periculi ostentatione, in arma pelleret solitus. Quoque magis classis procederet, ipse de suo non parum contulerat, auctor consanguineis & familiaribus, ut sequeretur exemplum. Howardus ætate & rerum usu cautior, contra tendere, & quantum posset moram asserre classi: cumque parata jam esset, tum quoque Reginæ persuaserat, Essexium ut literis hortaretur, desisteret ancipiti cœpto, quæque impenderat ab ipsa reciperet. Ille ni plane vetaretur, navigaturum se bona cum spe respondit. Nec æmulum sibi adæquari imperio recusavit, gnarus valere apud nautas auctoritatē, minusque reprehensurum queis gerendis socius foret. Quin & alios, quotquot poterat, inimicorum, ne domi gravius nocerent, honorum specie, Comitibus assumserat. Additi utrique in consilium viri militares, & valere jussu, quod pluribus placuisset. Præcipua Reginæ cura, ut classis in Angliam aut Hiberniam structa, & quæ in id usui esse poterant corrumpere. Præterea si & India adven-

1596.

Imperatoris legatos de pace ad Ordines non admittimus.

Elisabetha interim classem in Hispanicum mittit;

Essexii & Howardi ductu.

1596. adventuræ naves aut aliunde præda intercipi posset, inde bene meritis præmium foret. Batavis naves ex fœdere imperantur viginti quatuor, instructæ ad bellum pene omnes, quæ rector datus Iohannes Duvenvordius Warmondus, ad quem per Hollandiam rei maritimæ imperium post Principem summum pertinebat. Etiam delecti Britannicis e cohortibus, quæ per Belgicam militabant, robur classis, & exemplum tyroni poscebantur. Nec Ordines negare sustinuerunt, et si exhaustis nummis mala, quæ acciderunt, metuebantur, quo infensiores Regiam tali officio placarent. Profectus eo cum milite Ludovicus Nassavius Iohannis filius, Philippi & Ernesti germanus, clara posuit virtutis rudimenta. Plimutho **xxiii** Junii die electi duces præconio edixere, nulla sibi nisi in Hispanos arma, populosque Hispanici juris, & qui eos navibus, machinis, milite commeatu instruerent: cæteras itaque gentes tutius facturas, si classem sequerentur, aut mari decederent. Promissa & transfugientibus impunitas. Spes omnes & paratus ad prædam magis, quam bellum erant; quia procul domo, procul auxiliis, infestas inter terras, ambigua maria & implicitos tempestatibus commæatus nulla mora satis tuta est. Nec id veteres tantum annales docebant, & Lusitanica haud ita dudum expeditio, sed & anni prioris per Americam successus longe infra vota. Ex eo potiora videbantur, quæ subito impetu vim hostium haud leviter afflictabant: incognitumque illis qua parte peterentur, paulo antequam ad Gades perventum est. Huc convenire naves omnes iussæ arcanis literis, quas obsignatas præfecti acceperant, hac lege, ne aperirent, nisi diversos a classe procellæ tulissent. Nobilissimam hanc urbem prima a tempestate (Tartessum tunc nominatam haud pauci volunt) & mox Tyriorum coloniam, dictam terrarum terminum, neque præcæ opulentia nunc etiam degenerem, indicasse sufficiet: situm & cætera innu-meri tradiderunt. Hodie quod insula non est, ponti debetur, quem Suacum vocant. Is namque diremptum modico æstuario Hispaniæ litus conjugit, qua parte cultores olim Vandalos regionis nomen testatur. Ultra est fretum illud, quo primum Oceanus terras irrumpit; citra sinus occultandis navibus commode patescit. Ac tum forte classis ingens partim Americano accincta itineri, partim in bellum parata, sub ipsius insulæ castellis desidens, non tam Anglis exscendendi

*Batavi
imperant
XXV armis
do viginti
quatuor
naves An-
glis adju-
gunt.*

*Ad Gades
classis con-
venire ju-
betur.*

Urbis situs.

*Classis Hi-
spanica in-
gens apud
Gades.*

difficul-

difficultatem, quam spem prædæ uberioris, fecerat. Galeones erant quatuor, Epidauriæ duæ, armatæ omnes machinis quinquagenis aut amplius, hominibus ferme septingenis. Regis ipsius naves bellicæ una & viginti, onerariæ ferme totidem, sed & ipsæ machinis vicenis. Fregatæ tres, octodecim quæque machinas expeditas habebant, oneratæ pluribus in usum. Classis, quæ Vlissippone, ac per alios Hispaniæ portus, armabatur: nam Maritimarum Hispaniæ virium pars duntaxat tertia hic erat. Aderant & privatorum naves ex Hispania, Italia atque aliunde, inermes aut leviter instructæ quinquaginta. Nec præcul ab urbe naves longæ una & viginti. Flagrabat Essexius, antequam formido exolesceret, turbidos impellere, ne componendis viribus aut consiliis spatium daret; quod si obtinisset, & sane Batavi annitebantur, plurimum gloriæ prædæque partum erat. At Howardus creditas sibi naves, regias præsertim, quas Elisabetha periculis objici satis destitute vetuerat, vento, tum forte sævienti permittere verebatur, qua angustum maxime pelagus & vadis infidum erat. Ita res dilata, amissa occasio est. Postridie (Calendis id Quintilibus fuit) quo minus statim prælium coiret, maris recessus obstitit. Ineuntibus fretum a læva portus est Regalis nomine, huc se Hispanicæ naves retulerant: Galeones præter & longas, quæ propius urbem ausæ consistere, qualitus in linguam excurrit, quam Punctale indigenæ vocant. Sed aggressus has levioribus cum navigiis Franciscus Verius, mox & Essexius, ita pressere, ut pontem Suacum petentes, & posito ibi machinamento sublatæ, in fretum, atque inde interius mare evaderent. Galeones Essexius & Howardus per horas quatuor tormentis verberaverunt, hoc acrius quo crescens maris æstus propius eos admovebat: evenitque hoc tempore ut navis Hollandica, centurionis Petri Henrici sub igne ac pulvere per incuriam dissiliens, breve hosti gaudium daret. Nam statim Galeones non ausæ prælium expectare præcis anchoris in vada impactæ, elapsis vectoribus. Pars abductæ, pars arsere suo aut hostium igne. Anglorum una simul conflagravit. Nec parum terroris inde in Hispanos datum, solitos molli navium fidere: adeo ut rex Philippus accepto hoc nuntio statim Neapolim, Genuam & in Siciliam miserit, ut quæ illic erant naves longæ subsidio accurrerent. Rogati & Melites Insulæ equites auxilium ferre: sed qui illic militabant Galli, quo minus

1596.

Hanc sine mora impellendam tenenti Essexio resistit Howardus:

Quo sævienti occasio amissa.

Classis Hispanica expugnatio.

Qua terroris Philippi nuntiatio, quo subsidia petiit.

R

pare-

1596.

pareretur, intercessere. Post navale prælium Essexius vergente jam die, ad Punctale obsistente nemine exposuit militem, & navæ Hollandi, irrupto castello quod mari imminet, signa extulere. Missi alii, qui pontem Suacum rumpere, ne inde auxilia adventarent, imperatum effecere. Defensandam ad Urbem concurrerant Hispani nobiles, qui circum colunt, pedites sexcenti, totidem equis advehebantur. Quos adversum mittitur Ludovicus Nassavius cum hastatis quadringentis, voluntario Britannorum agmine; nec longum prælium in armorum insuetos. Prima cæde impulsos nulloque ordine in urbem refugos persecuti victores, dum recens terror, pars mœnibus, pars effractis portis irrumpunt. Gaditani initio summam tectorum planitiem insistere: inque hostem per vicos palantem jacere lapides, pondera saxorum moliri. Mox, ubi forum & curia tenebantur, in arcem conglobati, tum oppidani, tum centuriæ militum duæ haud diu resistere; quippe & præclusum ad se aditum, ponte quem diximus, infesso, intelligebant. Ita obsides dati primores civitatis in centies & vicies mille ducatos: qua pecunia vitam tantum pepigere: sed hi obsides avecti mox in Angliam, cum redemptionem Regina non permetteret, novis injuriis irritata, in custodia perierunt. Actum & inter Petrum Herreram mercatorem Hispanum & Essexium, de redimenda oppidi ac navium populatione, vicies centenis florenorum millibus, haud averlante Essexio, quod prædam cerne-
ret inter milites perituram nullo in cætera usu. Sed improbavit pactiorem Medinifidonus oræ proximæ curator, maluitque & Regem classe & decem civium millia fortunæ exui; id tum in dispendio lucrum ratus, si nihil inde hosti accederet; oppidum igitur direptum est, haud levi etiam in mercatores Batavos damno, quorum plerique longinquas per negotiationes hostibus miscerantur: qui jacturam hanc trecentis millibus æstimavere. Quin & navis Batava cum fiducia educta ad Anglos transgrederetur, quinquaginta florenorum millibus spoliata est, hoc obtentu, quod hostilis esset pecunia. Simul Americana classis mercibus onusta navium triginta duarum, cum præsidiariis aliquot ab Hispanis exurit. Haud minus tum pretio centies centenis florenorum millibus flammæ datum. Hinc inter duces certatum, monente Essexio retinere victoriam: dum major ex improvise fama vicinos portus ipsamque Hispalim terrore concuteret; posse perfo-

Angli & Batavi Gades irrupunt.

Navium oppidi que pars: ut redemptio- nem improbat Medinifidonus. Oppidum diripitur.

Americana classis ab ipsis Hispanis exurit.

di angustias, quibus demtis urbs ipsa insula fieret : paratum se dictitans, si abirent cæteri, cum quadringentis militibus aut egregiam patriæ præstare operam, aut hostili in solo fortiter occumbere; si non aliud moræ pretium, prædas certe navium aut vectigal immensum ostentari e freto, quo Europa atque Africa proxime coirent. Sed Howardus, velut famem metuens Essexii gloriam premebat, cui res & nomen parva Gadibus captis navali alterius successu neutiquam æquabantur. Et verumerat Anglos haud multo cum penu domo egressos, ipsaque in urbe profusa temere, quæ multos in dies suffecissent. Sed nec Warmondus audiebatur in mensum alimenta suis e navibus classi offerens : posse interim, ut ventus tulisset, Italia aut Britannia commeatus peti : ne Pænos quidem negaturos, quibus assiduum in Hispanos bellum. Incenso oppido facta vela, & quanquam iterum demonstrabat Essexius onustam argenti classem America abususque ferentem non minus septuagies centenis Florenorum millibus, & India alteram remeare, parabilem prædam, si, quod secundum Gades optimum erat, Azores insulæ sub æstivum solis pulsum, quas Belgæ popularibus quondam suis habitatas inde Flandricas vocant, peterentur, interceptis celeritate auxiliis & rei fama; prælata tamen alia, quæ specie accuratæ providentiæ fortissima plerumque ausa corrumpunt. Quin ne obviis Hispaniæ portubus naves detraherentur, eadem quæ ante invidia periculum suarum navium & victus inopiam præferebat : tantumque apertum littus & infirma oppidorum in raptus inglorios cessere. Ita factum ne spolia & cineres Gaditanæ urbis minimum ejus conatus essent, cum offerret se Hispania terra ac pelago vastandam, nisi concors nunquam æqualibus imperiis potestas obstitisset, & frustra usque blandita Essexio fortuna. Batavorum industriam laudarunt etiam, quos uti piguit, ipsaque Regina datis ad Warmondum literis grates exsecuta est. Nec parum tamen afflixit ruentes jam opes Hispanicas, exusta ad Gades classe, anni sequentis vectigal perditum, imminutæ maritimæ vires, machinæ absorptæ ad mille ducentas, & quod maximum erat, parfactum orbi, quam domi essent invalidi, qui peregre timerentur. Quæ super damna vetus malum scēbre publicos redditus merferat. Nam Philippus annis ante viginti cum fidem minuisset, implicitus adhuc Batavico bello, neque regna aliena extra spem suam sinens, aut erogationes

1596.
Essexio re-
tinendū
victoriam
inveniri
iterum resi-
sit Howardus :

Cui neque
Warmondus
audierat.

Incensis
Gadibus
victores ve-
la faciunt.

Warmondus
Regina
gratias
agit.
Opes Hi-
spanica
magnopere
afflicta.

1596.

tiones cum fructibus comparans, dum avidos nimium conatus gravibus versuris alit, inopiam producebat. Nam cæteris potentiam debitoris suspectantibus reporti Genuæ & per Germaniam negotiatores, qui regii commercii periculo pecunias aucitarent. His traditum pignori fere quantum erat vectigalium: qui maris bellique incerta, trajectionis incommoda, fœnus ipsum sine modo imputantes, venturos in longum reditus præverterunt. Ita obfesso a creditoribus ærario, unde nomina expungeret, aut armorum sumtus toleraret, nihil Regi suppetebat; donec ejus aulæ ingenia, præsentium magis sollicita quam provida futuri, artem parum decoram inveniunt: quam Rex secutus mense Novembri longa edicti circuitione differit atrocitatem fœnoris; jacere agros, jacere mercimonia, regni vectigalia, decimas sacerdotum a Pontifice sibi concessas, tributa populorum, cuncta detineri iniquissimis pactationibus, quas metus pejorum extorsisset. Plane tot suos pro re Christiana labores perverti, ni tantis necessitatibus subveniretur. Haud alia verborum specie exempta vinculo pignora, Regi suæ possessiones, fœneratoribus spes relicta: & hac quidem lege, ut, quod supra legitimas uluras depensum erat, sortem minueret. Pars interim magna provoluti facultatibus, quanquam & alii falsa paupertatis specie ad quæstum abutebantur. Et per Belgicam nonnullos connexu rationum eadem calamitas implicuit. Archidux certe percussus rei nummarie inopia inter inexplicabilia damna traxit annum sequentem: cum tandem ad vetera reditum est, non tam pudore appellantium, qui fidem periisse clamabant, si pactis potestas regia misceretur, quam quia tempora proventuum varia, & qua pecunia transiret, iter prædonibus infestum, at belli onera præsens remedium postulant. Non tamen ante redditis pignoribus fides refecta est, quam in menses continuos octodecim millia Ducatorum quater centena ad sortem veterem promissa adjici, quorum pars tertia in Hispanis, reliquum mutatione nominum intra Belgicam numeraretur. Apud Batavos vero quantum Italiæ fames remiserat, tantundem privati publicique reditus minuebantur. Queis supplendis Hollandi, veteribus vectigalibus octava sui parte adauctis, novum insuper instituunt, quo luxum crescentem indies coacercent, aut certe in usus verterent. Indicta est pecunia his qui sericum & id genus alia pretiosa vestium ferrent. Sed ubi exactor

*Vectigalis
fœneratori-
bus oppigne-
rata contra
fidem Phi-
lippus vin-
culo eripit.*

*Fidem reficere
necesse
habens red-
dit.*

*Novum
apud Bata-
vos institu-
tum vecti-
gal a civi-
bus non ad-
mittitur.*

quas-

quasque per urbes exercere leges cœperat, voces primum detrectantium, inde vis & vulnera. Qui victus diurni onera haud gravate ferebant, pro supervacuis, quasi pro libertate, certabant. Sed ignominia hoc, non vectigal, videbatur, re-tuditque publicam auctoritatem multorum contumacia, haud tuto contra tendere. At apud Frisios, qui urbes quique agros curabant, discordes adhuc, dum suas quisque posses-siones contra tributa tutantur, apertum fecere queis maxi-me morbis laboret commune regimen, ubi non communis utilitas. Sed præcipue intenta Procerum cura ut cum Gal-lis Anglisque societas legibus sanciretur. Nam hæcenus ex suo quisque usu præstabant auxilia, aut flagitabant: unde querendi inter ipsos vices & præripiendæ pacis minæ. At Batavi quibus perpetua belli causa, & ut plerumque societas inferiores superurget, dum copiæ militant Gallis, aut An-glis navigant, sibi Hultum periisse & Flandriæ tributa, cu-rante nemine, dolebant, tacebantque. Galli interim de Cæ-leto, tardisque auxiliis non dissimulare, elusam querentes Regis fiduciam, qui ad Faram sedens istis suorum viribus nul-li parti minus, quam oræ maritimæ metuisset. Et creverant illis spiritus, ex quo Meduanus & earum partium alii exter-næ superbæ commercio Regis veniam prætulerant: jamque indicto Rhotomagum totius Galliæ consilio, legitima regni facies apparebat. Nec abhorre-re a ferendis conditionibus, Philippi animum ut verum erat, ita filiam Borbonio nu-ptum dari, Hispanicæ primum fraudes, dein falsus rumor adjecerat. At regina Elisabetha missis ad se legatis e Gal-lia Bulionio ac Sancio, quo tempore Caletum Albertus ce-perat, difficilem se primo præbuit, ut viginti quinque scu-tatorum millia mutua ægre a se impetrari pateretur. Sed mox propius introspecto periculo, legatos ipsa detinuit ul-tro, interpellavitque de certiori fœdere, cujus & conditio-nes scribi tum cœpere. Interim in Gallia, crebrescentibus de pace sermonibus, Rex Fœderatis Ordinibus, & hoc nomine, & mutatam ob Regis religionem sollicitis, significavit, pon-tificis Romani gratiam ita sibi quæsitam, ut in sacris dis-sentientium amicitias salvas excepisset: nec mirum, si spe aliqua pacis vulgi animos lactaret. Cæterum si societas firmaretur, paratum se præter nobilitatis suæ vires, octo ho-minum millia in fines Atrebatum ducere. Verum, cum Hul-sto paulo post obsessio talis opera maxime desideraretur, Gal-li quic-

1596.

*Frisii præ-
pter tribu-
ta inter se
discordes.*

*Elisabetha
cum Gallo
de fœdere
agui.*

*Promissa
Fœderatis
ab Henrico
auxilia non
missum.*

1596. liquievere. Quin & Bulionius domum reversus, iterumque mittendus in Angliam feriendo foederi, totos tres menses detinebatur. Induciæ quoque Caleti Bononiæque inter præsidia convenerant. Hæc Galli ita excusabant: exercitum educi non potuisse, quod & Gallica nobilitas messis tempore ab armis vacare consueffet, & proxima Belgarum finibus peste vastarentur: foederi moram accessisse, dum per cunctos Galliaë senatus circumfertur deliberatio. Inducias mox abrupe-

Multum quoque illis negotii cum Elisabetha ac suum in tempestivum repente.

re. Plus Batavis cum regina Angliæ negotii, quæ jam duos per annos veniri ad calculos & æs suum sibi dependi postulabat: non sine specie æmulationis enumerans belli successus, & superbas urbium structuras, suasque contra necessitates, quas non perpetuis metallorum venis, quales Hispano proventus, sed sola civium benignitate expleri: & Hibernicus tumultus ut corrogandæ domi, ita foris relegendæ pecuniæ præscribebatur. Contra Proceres cum præfatione gratiarum, ut foederi staretur oraverant: conquesti perbreve uisum fuisse eorum, quæ duodecimo ante anno convenerant: nec enim pactum ad numerum præstari militem: unde ipsi, qui, ut nequitiam dubia fide, ambigua tunc consilia ad bellum inclinassent, nunc incerto virium ad irritos conatus toties revolverentur: quo intempestivius in medio armorum æstu id a se exigi, quod pace demum firmata ex conventionem deberi inciperet. Neque vero ita mutatas res, ut non miseratione essent, quam invidia, digniores: nam ex eo, præter opulentas Brabantiaë urbes, amissa ad Mosam oppida & quod oræ Flandriæ vestigalibus terra marique oportuna fuisset: tum auctas erogationes etiam vincendo tuendoque. Nec parum, post depulsam Britannia Hispanicam classem, tot nauticis Anglorum expeditionibus impensum; juvandæque Galliaë, non alio studio, quam ut bellum propulsaretur, & amoris litore hostibus maria patefcerent. His addebantur naufragia, naves detentæ aut captæ, rupti aggeres, quotidiana mala pro infortuniis. Disceptatum super hoc aliquamdiu cum Bodleio, qui res Anglicanas apud Batavos curabat, sed durior indies Elisabetha primum prolatando, dein missis itineri Gaditano suppetiis delinita est. Consumto hujus obsequii fructu rediit certamen; & missis in Angliam legatis Sebastiano Losæ, Iacobo Valkio & Abeli Franquenæ respondit Regina, non eam foederis sententiam, ut Batavi bellum sibi, sumtus aliis sine modo ac sine prorogarent. Sed

pacem

pacem tum speratam, quam si damnosam ducerent, at nec sibi utile duodecim per annos, & quantum adhuc restaret, se populumque exhaurire perpetuis auxiliis & urbium pignori datarum custodia. Quod enim istud consortium fore, cujus omnis nexûs alterius ex arbitrio penderet? Quin si leges inspicerentur, uti Reginæ placeret, nec ultra convenisset. Conceptum quidem sic erat, sed verba honori data captabantur. Addebat Burgleius Hiberniæ motus, & proprium Angliæ metum satis justas esse causas, cur pactis Regina discederet, cum privata quoque fides inexspectatis eventibus liberari soleret. Ergo juris disceptatione, ut inter impares, frustra ac in speciem usurpata, Batavi ad vetus præsidium recurrunt, ostentando periculum circumjacentibus imperiis, si fracti per se animi civitatum ejusmodi postulatis dejiicerentur, tantumque maris & divitiarum Hispano accederet. Super quæ, cum anceps rerum status, & haud congruens ineundis accepti & expensi rationibus excusaretur, aliquam saltem debiti partem inferre Angli jubebant, & adversus futura pericula remedium non veteribus pactis, velut cogendo, quærere, sed nova beneficia testatione gratiæ demereri. Obtulere legati multum deprecantes, ex præsentibus angustiis pecuniâ annuam, & residuum confecto bello. Quod Regina, ut exiguum, contempsit: dilato interim terrore, dum rumor hostilia in ipsam & majores solito paratus ab Hispania nuntiat. Rerum utrarumque sapientes judicabant, nec Batavos inopia magis premi, quam id curare, ut societatem sibi necessariam magnæ jacturæ periculo illigarent, & Reginam vicissim pecunia carere æquo animo potuisse, ni consilium ipsi Batavos subinde flagitando subactos admonere suæ potestatis; neque vero pati, ut secunda fortuna sui debitores alienis se amicitii insolentius jactarent. Interea misso in Angliam Bulonio tractum diu foedus inter duo regna in hæc convenit. Foedus & societas belli propul-

Fœderis inter Henricum & Elisabetham leges:

sandi inferendique regi Galliarum, hominibusque Anglis, his legibus & conditionibus esto. Veteres pactiones ratæ manento. Operam dato uterque, ut principes gentesque aliæ idem in foedus coeant. Ac cum primum res domi ferent, communis sociorum exercitus in terram hostilem arma transferat. Pacem totiusve regni inducias alteri sine altero pepigisse fas ne esto. Arma & quæ bello usui inter se bona fide iustoque pretio communicent. Militi commeatus præ-

1596.

beant sine dolo malo : commercia sacrosancta , & hospites eodem jure quo subditi sunt. Rex Gallus ab Anglis omnem religionis vim arceto ; & quando nunc ille propior injuriæ , promissit Regina milites Anglos quater mille , qui Normanniam Picardiamque ipsi proxima defenderent , semestre per tempus datis stipendiis , acceptis obsidibus : quod si longior usus placeret , id Regis fiat impendio : qui Reginæ vicissim necessitatibus idem auxilii respondit , sed circa lictus , aut quinquagesimam intra leucam. Mercede conducere ad quatuor millia liceat. Imperium in militem ejus esto , cujus intra fines bellum geretur. Hæc palam speciosa : nam secretioribus pactis imminutus est numerus militum , quos in hunc annum Regina mitteret. Regina in hoc foedus juravit : ab Rege qui exigeret jusjurandum profectus comes Sarisberienfis. Inde in Batavos Bulionius transiit accipiendæ fidei. Pactis sancendis adfuere Paulus Bufanvalius , qui perpetua Regis apud Proceres legatione fungebatur , & Georgius Gilpinus Anglicanus in Senatu adfessor ex veteri foedere. Sumtoque Principis Mauritiï & Senatus consilio , Ordines foederati eadem in verba adiguntur : nisi quod propria hæc fuere. Vere primo rex Gallus militem ad Picardiæ & Atrebatum finem habeto , & parte ex altera Ordines peditatum ad octo millia , equites mille quingentos , ut ancipiti contentione medius hostis distrahatur. Iccirco Ordines cohortibus auxiliariis duabus , quas Regi suis stipendiis exhibuere alteras adjiciant duas : quod si tamen hostis in ipsos vim omnem belli verterit , revocandi jus esto. Et Gallus vicissim suis melioribus rebus cohortes totidem Batavis transmittat , equites ad hoc mille. Suo quisque in solo jus imperii in auxilia obtineto. Quæ olim convenere & quorum præfenti foedere nihil novatum reperietur , ea uti fuerint ita sint maneatque. Civitates Foederatas , hominesque ejus foederis Rex commendatos habere velit , & ante alias domum Nassaviam ob immortalia ejus in Rempulicam merita. Itus , redditus , commercia libera utrinque sunt : nec vectigal alteri apud alteros gravius quam cives pendant. Rescissæ inter ipsos & leges quæ advenarum hæreditates in fiscum vocant , reddito testandi & succedendi jure. Prædam in mari sibi vindicent , qui priores navem hostilem invaserint. Batavi quo voluerint cunque naviganto , etiam in Occidentis regna. Clarigationes , pignerationesque nullæ , nec publice debiti a privatis exactio sit ; jure ac judiciis disceptanto. Naves in præ-

*In qua
utrinque
juratur :*

*Quod &
Ordines fa-
ciunt.
Propria in-
ter Henri-
cum & millos
pacta.*

tervectiōe aut appulsu retentare, onus ut exponatur venum-
 ve eas subigere quēquam ne liceat. Signatæ hujus fœderis
 tabulæ pridie Calendas Novembres. Quæ publicis fœlicita-
 tibus testandis solennia, eorum nihil prætermisum. Nam
 præter quod firmandæ concordiæ erat, etiam ad decus ac
 majestatem Reipublicæ novitatis invidia laborantis plurimum
 pertinebat, inter reges æquo fœdere conspici. Quod ut fie-
 ret, Gallus pervicerat, dum suis id rebus & Batavorum in se
 beneficiis congruens existimat: quanquam pugnaverant Elisa-
 betha veteres ut socios sua sub tutela complecteretur; satis
 id affirmans, nec quicquam causæ, cur egressæ alienum im-
 perium civitates summæ fortunæ nominibus infererentur.
 Erant qui antiquas necessitudines repeterent, Francos Va-
 hali olim & iis sedibus degressos, quarum nunc partem Gel-
 dri colant, Batavorum insulam tenuisse, nec aliunde Mero-
 vœum regibus nomen: & missos e Gallia Hollandis rectores:
 tum vero & Anglos sermonis sono Friscam originem fateri:
 mox utrique regno per connubia devinctos principes: & lon-
 gius, validissima re Romana Batavos armis ac fide & simpli-
 cilibertate meruisse, ut imperatoris terrarum populi fratres
 atque amici vocarentur: eosdem, Romanis jus & æquum ex-
 uentibus, Civili duce opposuisse arma, & Germaniarum
 Galliarumque societatem. Alii vicissitudinem rerum propius
 notabant, quod, quorum legatos ante annos aliquot Galliæ
 reges Hispani ob reverentiam audire vix ausi fuerant, cum
 his nunc Gallia publicum fœdus contra Hispanum paciscere-
 tur. Sed Batavi cohortium, quas ex fœdere debebant, loco,
 volenti Henrico stipendia potius misere, pecuniæ magis
 quam hominum laboranti inopia. Sed id quoque Angli te-
 quius interpretabantur: nec quēquam Regina dignata est
 mittere, qui cum Batavis Galliæque legato Germanos prin-
 cipes circumiret; & quo minus in societatem plures accen-
 derent, nihil magis quam ista æmulatio obstitit. Atrocior
 hinc Gallis suspicio incidit, æternum apud ipsos bellum ab
 Anglis concupisci: nec alio animo laboratum Reginæ, ut
 Turcam inter atque Austriacos pax coalesceret. Neque mul-
 to post instituto Diepæ colloquio, quæ belli gerendi ratio in
 annum sequentem placeret, offendit iterum Gallos Anglorum
 postulatio, ut si Calerum recipere possent, præsidium ipsi
 imponerent. Illi manere penes Hispanum urbem malebant,
 spe majore in posterum ab illo extorquendi per vim aut pa-
 ctionem,

1596.

*Fœderati
 cohortium
 loco Henrico
 pecuniam
 mittunt.*

*Gallorum
 in Anglos
 suspicio.*

*Gallos of-
 fendit An-
 glorum po-
 stulatio.*

1596. ctionem, quam si Britanni potirentur. Eodem tempore ab Henrico impetratum, ut, quæ Lugduni Batavorum educis apud se ingeniis testimonia perhibuissent diversarum artium professores, per Galliam valerent. Olim eam liberalibus studiis sedem Arausionensis legerat, ne metu sumtus longinqui populus inter arma natus feritatem atque inscitiam indueret. Eodemque remedio civitas adversus obsidii clades recolebatur, quæ clara fidei & constantiæ, oblata tributorum remissione; hoc præmium maluerat. Præcipue movebat religio, columen partium, cujus explicandæ munus opifices hæcenus, aut e rudi plebe literarum inexerciti sibi sumferant: dum labor ipse honorum exspes & certus paupertatis, docentium discientiumque penuriam facit. Brevi, quamquam & Frisii Franekeram eodem instituto extulerant, Batavorum Schola & fama præceptorum, & suæ externæque juventutis accursu multum præfulsit. Civile studium doctorem habuit Hugonem Donellum, qui, Connani & Duaroni vestigiis inhærens, legum disciplinam in ordinem artisque modum composuit, recisis quæ superioris ævi secura nimium imperitia turbaret; non tamen ut recentiori inertiae accederet, quæ nudo verborum cultu ipsam ejus sapientiæ vim infregit. Sed hunc contactu Licestrianarum partium eo abreptum, ut sui studii haud minimum, quæ & privati & inquilini officia, oblivisceretur, & inde vilem Altorfia excepit. Romanos mores veteraque tempora interpretando plurimum claritudinis Iustus Lipsius sibi locoque addidit, amœna morum gravitate supra professionem spectabilis; & sua quadam eloquentia plerosque alliciens: nam cum floridum ipsi & profluens natura haud abnegaret, alterum maluit dicendi genus, concisum quidem, nec sine festivitate; sed vere novum obtentu antiqui: quod cum imitarentur, quibus ingenii iudicii que non idem fuit, ad corruptissima quæque devenum est. Cum vero Lipsium metus publicus & privata injuria mutandas ad partes impulisset, accitit e Gallia Iosephus Iulii filius, qui Scaligeræ nobilitatis & paternæ sapientiæ vim ad cuncta gentium sæculorumque noscenda contulit, invictus studiis ad senectutem continuus, cujus ingens solatium habet gliscentem prima ab adolescentia famam. Sed & literas Orientis Franciscus Raphelengius, Græcas Vulcanius non sine laude interpretabantur. Nec parum acer in sacris disputator Franciscus Junius, & callidus adver-

*Academia
Lugduno-
Batava de-
scriptio.*

Donellus.

Lipsius.

Scaliger.

*Raphelen-
gus.
Vulcanius.
Franciscus
Junius.*

adversariorum subtilitate adversus ipsos uti. Claruerat & Hadriani Iunii Batavi eruditio, cui physica & medendi usus obtrigerant. Nec quod reliquum est sapientiæ deserebatur. Maximum accessit lumen Aldegondius, otium illic Divinæ legi in patrium sermonem transferendæ quærens; & egregius noscendis herbarum viribus Carolus Clusius Atrebas. Inter primos, quos curandis regendisque studiis Ordines imposuere, Ianus Douſa fuit, cui genus, gestique honores, & toleratum Lugduni obsidium apud posteros carminum gloria prementur: in quæis tamen ejusdè nominis filius præcellit, idem patri annalibus Hollandiæ condendis socius, & par majoribus meditamentis, ni mors immatura juvenem summæ eruditorum expectationi abstulisset. Talibus magistris atque exemplis juvenus excita in eam multitudinem excrevit, ut artes communi & privatæ utilitati propiores, quæ antea per infrequentiam jacebant, alendis ingeniis non sufficiant: quanquam & ultro alii literatura aut versibus nomen suum vulgare præoptant, haud sterili ejus eloquentiæ Batavia, ut quondam Petri Nannii & Iani Secundi, ejusque fratrum, tum hisce temporibus multorum etiam adolescentium scriptis compertum est. In summam tamen crudæ gentis studia & lucri propera inspiciens, nondum Erasmi, nondum Longolii patriam agnoscas. Sed me magnorum nominum reverentia, & tranquillioris sapientiæ reputatio a Republica & armis longius tulit, quæ nunc repeto. Missi ad Christianum, ea appellatione quartum, legitima jam ætate regnum Daniæ capescentem, qui Patrum gaudia & vota ferrent, non ante tamen, quam solemnia transferant, ne celebri aliarum legationum conventu de loco certaretur, cum invidia, aut, si sponte cederent, imminutione dignitatis. Tantum absuit, ut auxilia communi Hispanicæ dominationis metu exorarentur, privilegia solis Amstelodamensibus firmata sunt, improbatis quæ Scidami & Enchusæ civitates præcis a Regibus sibi concessa dictabant. Legati tamen cum honore & muneribus dimissi; atque adeo haud multo post ab Hispano eodem adveniens Iohannes Baptista Taxis majora quanquam dona adferens, haud æque comiter exceptus est. Causa creditur, quod Hispanus, qui non ita pridem trecenta Ducatorum millia annua Dano promississet vice vectigalis, ut fretum Batavis clauderet, hoc non impetrato, convictus deinde fuerat, voluisse arces freto impositas dolo

1596.
Adrianus
Iunius.
Aldegondius.
Clusius.

Ianus Douſa
Academia
Cupertor.

Federatorum
ad
Danum
legatio.

Auxilia
contra
Hispanum
non
impetrantur.

Taxis
legatus
Hispanicus
minus
comiter
a Dano
excipitur.

1596. dolo invadere ; cujus rei indicia Ordines foederati in Dania miserant. Post Hultum cuncta circa Batavos quiescit , extra leves nec memorandos equitum concursus. Nam & ipsis exhausta militia , & hostis vix Belgarum extrema adversus Gallos defensabat. Ineunti enim autumnio Henricus pollicita explens spe facili & multa apud socios gratia , Bironium haud contemnendi equitatus ductorem in Atrebatem miserat , quod ipsum tuendæ Picardiæ videbatur. Varembo-
*Bironius in Atrebatem missus casis quatuordecim turmis Varembo-
 nium aliosque capio.*
 nius flagrans creditam sibi præfecturam a rapinis vindicare , duodecim cum turmis invehitur Gallos numero tum minores , victus nihilominus capitur cum Montecuculo Comite Italo & aliis , quibus pro redemptione pretium grave imperatum est. Statimque victores non Atrebatum modo , sed Flandriæ quoque finibus infusi , cuncta raptando , majorem intulere vastitatem , quam Caroli olim & mox Philippi in Galliam bellis contigisse senes meminerant. Rustici in urbes profugi non egestatem modo , sed & morbos illuc intulere. Defensando statim limiti missus novo cum robore Cimacensis , sed hic quoque actus in fugam imperia ipsius detrectante Ambrosio Landriano equitum magistro , qui mox captus eo nomine , pecuniaque & ignominia mulctatus est. Ita jus agrorum penes Gallos mansit , qui equestribus præliis superiores , vim peditum vagis itineribus eludebant. Propius instante jam hyeme rex Galliarum , ut & in Hænovios aliquid ausurus , Ordines rogaverat ipsi quoque alia parte securitatem hostium turbarent. Parentes postulato Foederati spe non alia , magnisque incommodis , militem in navibus ad Bergas habuere , donec intellectum est Regis conatus incrementis annuum impeditos , omnemque vim Gallicam metu frigoris Belgarum finibus exiisse. Paupertatem Archiducis aliud quoque haud insolens malum sequebatur. Germani quippe ipsius in sacramento , stipendiis non solutis , Herentalium occupant , missisque Hispanis qui imitationem sui moris ulciscerentur , & acriter repulsis , incensa seditio. Et in Walachria Scotus , Iohannes Womis nomine , capite plectitur , qui , Vera ejus insulæ oppidum ut Hispano tradere-
Germanorum militum sub Archiduce seditio.
Vomis Veram proditoris capio plectitur.
 tur , alios sollicitaverat , ipse ab Iesuitis instigatum se ferens. Increbrescebant nuntii regem Hispaniarum , quanta posset corrogata pecunia , eniti ut classem expediret : retinerique eos in usus peregrinas quaslibet naves : sed Batavos præterea sermonis indicio explorari , & ad supplicia abripi. Placuit edi-

cto

eto vetare, quod ob pericula non satis cavebatur, ne quis in Hispaniam frumentum ferret, eo sane iustius, quod gravi anno Polonia quoque & Borussia metes suas retinente, eadem opera domi vitata fames in hostem mittebatur. Obnitente Amstelodamo, cujus præcipue quæstus hac travectione stabat, consensus aliarum urbium valuit: ac ne domestica peccata Anglis Gallisve in prædam cederent, ipsi naves bellicas freto Morinorum disposuere, quæ illac exeuntes pertentarent. Mense Novembri, classis Hispaniæ, velut iræ impatientia ultionem Gaditanæ injuriæ in æstatem differre non valentis, navibus centum octo & viginti, militum quatuordecim millibus, & inter hos equitibus nonnullis, sub Martino Padilia mari immittitur, fama comitante Cornubiam peti, qua Britannia procurentes in meridiem terras Galliæ Hiberniæque interfert. Addebatur rex Hispaniæ purgatam religione Angliam dicturns filiæ dotem, ne metus externi imperii studia averteret. Qualicunque conatui idem qui sæpe alias Deus intervenit, in brevibus quadraginta nocte una impactis navibus, quinquies mille hominum & pecuniæ insuper multa pernitie. Nocuit Hispanis sua diffidentia; nam Germanos & Belgas gubernatores, quos in classem assumferant, aliam viam inliti monentes, stricto ferro coegerant sequi male præeuntium signa. Tandem apud posteriores navium Hollandus quidam nauta fidem invenit, qui & anno retro octavo multis Hispanorum servatis præmium affectus, tanto nunc fidelius par officium præstabat. Superstites huic malo (Artabricum circa promontorium evenerat) domum rediere. At in Belgis Dunkercani hanc classem expectare iussi interim quiescebant. Ita sine damno maritimo annus hic Batavis exiit, contraque ipsis naves duas, quæ Neoportum ad oppidum struebantur, urere licuit. Hispanicæ negotiationis in locum iniques populus insulas adibat Æquinoctialem ultra circulum nullo hominum cultu salis feracissimas: Guineam quoque comparando auro, ebori, piperi; ligno Brasiliam, Thomæ insulam saccharo, lucris causa contra Regis edicta dissimulantibus Lusitanis. Sed imprimis mira sunt, & cui par quicquam non veterum tradiderunt, non hujus ævi experientioris monumenta, quæ sine hujus anni ac sequentis primordio Batavi pertulere, cum jam tertium Septentrioni pœnas darent, cujus secreta rimabantur. Meminerant illi diu magna quæri, non cuncta novi Orbis simul per-

1596.
*Federasi
 frumen-
 tum in Hi-
 spaniam
 ferri ve-
 rant.*

*Ingens a
 Philippo
 classis mari
 contra An-
 gliam inso-
 laci iterum
 eorum im-
 mittitur.*

*Batavi a-
 pud Neo-
 portum
 duas naves
 exarunt.
 Negotiatio-
 nis ergo ad
 loca diffusa
 navigant.
 Navigatio-
 nis tertium
 a Batavis
 versus Se-
 pten-
 trionem insti-
 tuta mira-
 bilis Histo-
 ria.*

1596. percognita, etiam Lusitanos multum circa Africæ frontem hæsisse: monstrabantque naturæ prudentes certiorẽ viam per aperta Oceani, quæ contra vim frigoris liberi fluctus & æstuum reciproca defenderent. Naves duæ relictis Orcadibus & Norvania, procul in altum evectæ, inde vela in diversum tenuere: in Septentrionem ambæ, sed altera Orienti, altera Occidenti propius. Iacet illo in mari tellus herbida, quod mirum eo situ, ac læti viroris, unde octoginta in partes (quales ab Æquatore sursum nonaginta veteres posuere) attollitur. Pelago circumluatur, an alias retro terras attingat, tunc haud exploratum: Groenlandiam insulam nautarum quidam existimabant, celebrem quondam Venetorum, Norvagiæ, Belgarum commerciis, nunc tantum nomen auditur; ascribit illam regnis suis Danus, nec invenit. Socordia hæc illorum, qui nota olim memoriæ ac scriptis negaverunt. Et nos longissime remota sequimur, quid tam propinquo itinere Deus discreverit, securi. Diligentior posthac inquisitio per Islandiam facta docuit Groenlandiam aliquanto longius a Septentrione abesse. Huic vero quam designavimus terræ nullis habitatæ hominibus repertores monumenta e palis lapidumque congestu posuerunt, & nomen Spitsbergæ, ab acutis montium jugis, quo ipso in famam tabulasque venit, futura quondam ubere per multos sinus balænarum captu inter Batavos Anglosque dissidiorum haud levis materia. Gigni illic & volucres compertum, nostro cœlo haud incognitas (anserum genus est) quas Scotiæ arboribus in stagnum depluere ignari originis tradiderunt. Curvato paulum in Austrum cursu, conata hinc in ortus proficisci navis tempestatibus retro in Russorum littus adacta est. Inferius altera ab inventis sibi insulis & ea quæ repertoris Willughbi nomen retinet, cursus in Semblam rexit: qua cœli vertex sex & septuaginta graduum sublimitatem obtinet. Vbi dum notas oræ ac primi itineris vocabula nautæ recognoscunt, ventis, inde gelu, impediti quo minus profundo remearent, difficiles inter moras, hominumque & navis pericula vix Arausionensis insulas superavere: quippe cum modo continua glacie firmare sese ut solido cogerentur, eademque rupta iterum & in se rediens cuncta in discrimen daret: quæ vera quidem, sed haud minus stupenda Græcorum fabulis. Paulum progressis in alterum Semblæ latus atrocior indies vis frigoris hinc Scythicum mare, inde Nassavicum in fre-

tum

tum iter præcluserant. In spem denique ultimam qua venerant revertentibus, hæsit puppis succincta glacie, nec procul littore; quo factum est, ut postea, etiam cætero mari liquescente, navem gelu non dimitteret. Nec jam aliud restabar, quam ut in Sembla hibernantes, meliora tempora opperirentur. Ita raptis e navi tabulis sibi suisque rebus receptaculum struunt. Ac forte vim lignorum maximam, incertum quibus e terris, eandem in oram æstus adjecerat: quod tanta in solitudine tegmen, & ignibus alimentum fuit. Quotidiana interim cum ursis prælia, qui sæpe clamoribus, & si acrius furerent, tuborum telis profligabantur. Carnem esu insalubrem (quippe sola illic ferarum terrestrium alimenta maritimæ sunt feræ) haud sine noxa didicerunt, adeps usum nocturni luminis dedit. Miserrimos mortalium feras inter sterili in solo post cuncta hominum bona Sol etiam deseruit, quem statò anni subire terras, nec nisi post longum tempus resurgere alibi memoravimus. Cum tenebris auxit horror, aerisque intemperies. Cumulatas immensum nives, ne habitaculum obruerent, ægre amoliebantur, frangebantque in gradus, tanta coeli circumstantis asperitate, ut egressis parumper ad tumorem usque artus adureret. Atque intus etiam densus adeo rigor parietes, hominum amictus, ipsamque flammam obsederat, ut torrerentur quæque facilius quam calefcerent. Igitur dum clausis foribus certant cum frigore; pene incautos exanimavit prænarum vapor. Balneum imitari, aut candente ferro saxove cubilia fovere optimum e præsentī copia repertum est. Vacua ursis loca (namque ursis obtusior visus, atque eo tenebras metuunt, specubus abditi) vulpes occupaverant, quæ per insidias captæ, exuviis & victu profuere. Infelicem diu patientiam spes anni melior erexerat, cum velut divina miseratione Sol etiam celerius, quam mundi ratio ferebat, vultu toto emicuit. Nam noctis spatium trimestri brevius fuit, quod septuaginta in partes depressus orbis longius deposcit: sive in loci situ, aut cœci temporis mensura erratum est, quod vix credibile ipsorum diurna faciunt, sive ipso haud procul infra terras labente densa nubes Solis speciem percussit, seu quædam naturæ adhuc latentia mirari satis est. Tum primum ausi proropere, & languida corpora in labores firmare, qui difficillimi instabant. Vocabat enim apertum mare, qua Septentrionem ipsum, non qua Scythiam spectat. Quo argumento haud pauci credidere Scythicis fluminibus deferri glaciem,

1596. ciem, littorumque magis quam Poli vicinia frigus increfcere. Nam nec calores ftatim minui quantum ab Æquinoctiali reccelleris. Quare aperto mari fub ipfum Septentrionis fidus urgendum iter, fi quis illac poftbac auderet perrumpere. Alterum hujus fententiæ firmamentum erat, quod infula, quam herbidam memoravimus, infra Semblam jaceat, cum ipfa Sembla nullo gramine virefcatur, ideoque & animal quod tali utatur pabulo nullum ferat. Sed tum navis adhuc glacie hærentis exitum fruftra nautæ morabantur. Cunctantesque prope alimenta modice hætenus in dies & viritim partita defecerant: corruptus gelu potus nivem compulerat liquare, & fi diutius hærent, hyems rurfus ac certa pernities imminebant. Scaphas expedire: & quanquam ægri plerique, cunctis tot nuper mala & egeftas vires attriverant, omni molefto fortior animavit neceffitas, ut glaciem in juga furgentem ferro panderent. Hac via pulfæ in mare navicula tandem fluitaverunt: neque dum laborum finis, crebro re-tenti gelu, velisque & remis, fæpe & manibus vix eluctati, inde proxima litora coguntur per inedia intervifere: namque ora ibi reperiebantur, & volucres faciles capi, quia morem ignorabant humanæ aviditatis; & paffim locorum infequentium argumento compertum eft, quod ab animantibus aliis fugimur, non illis deefle, fed nobis manfuetudinem. Ægri interea, expofiti imbris & cœli rigentis injuriæ, pereuntes fociis dolori aut etiam invidiæ fuerunt; cum fuos illi cafus, quem fors exitum daret pavidi, respicerent. In mortuis & Wilhelmus Barentius fuit, navis infeliciffimæ rector, invita etiam fortuna non minus dignus qui nofcatur, quam Vefpucius & Columbus. Pauci fuperftites modo per glaciem navigia trahebant, modo elifa reparabant: ita cum vires contra imminutas labor increfceret, non ultra operi pares clementior ventus in ultima Semblæ & noftro obverfa Oceano tulit. Primos illic hominum toto poft anno Ruffos nautas confpexere; & forte eodẽ, quos fecunda navigatione, fretum propter, invenerant. Illi igitur, ut gens eft minime irreligiofa, vultu, & quantum intelligi poterat, voce miferari, quod fpeciofæ quondam claffis iftas reliquias intuerentur: quin ultro alimentis juvant. Reperta hic falutaris herba folutæ membrorum compagi, quæ propria navigantium peftis frigore inhorruerat, æquitate naturæ erga mala remediaque. Britannica Plinii putatur, quam Frififis monfttrantibus

bus a Romanis adversus id malum usurpatam diligentissimus scriptor memorat. Mox retenti diu oblucente vento Russici maris in faucibus, & quoties extrema fames urgebat fortuito navium occurſu, postremo Lapporum, qui id littus incolunt, reſecti hospitalitate, cum & scaphas tenebræ segregassent, pariter Quilodunum insulam pervenere. Ibi intelligunt (toties res perditas casus corrigebat) vicino in portu navem, quæ secum Hollandia solverat, in eas partes rejectam tempeſtati- bus, reditum in patriam adornare. Duodecim fuere, principe Iacobo Hemſkerkio, quos ab ultima mundi ſolitudine Amſte- lodamum reduces tanti laboris miraculum illustravit.



S

HUGO-

HUGONIS GROTII
HISTORIARVM
DE REBVS
BELGICIS
LIBER SEXTVS.
SVMMARIVM.

Mauritii apud Turnholtum victoris. Alberti anxietas. Portocarvera Ambianum capit. Urbem resinendam censet Albertus. Henricus Ambianum obsidet. Varia loca frustra usrinque tentantur. Discordia inter Groningam & agrorum habitatores sopiuntur. Compénitur & inter Hollandos Zelandosque nata contentio. Legato Polonico ferociter pacem apud Ordines urgenti g. nero so respondetur. Mittendam eandem ob causam ab imperatore & Germania principibus legationem modeste Ordines recusant. Dano repudiata pacis rationes reddunt. Anna Hovia viva Bruxella sub terram defoditur. Fœderati excursus in Germanorum agros excusant. Maritima Essexii expeditionis infelix exitus. Gravior infelicis iterum Padilia casus. Batavorum prima vice ab Indis redeuntium de India ejusque populis relationes. Ambianum Henrico deditur. Mauritius capta Alpa Barcam, Mossilianam, Mursam, Grollam, Brefurtum, Othmarsum, Oldensaliam, Lingam aliaque loca expugnat: Claudefinis sororis offenditur nuptiis. Hispani militis seditio. Philippus cum Henrico de pace agit, quam apud Elisabetham, atque Ordines hic sibi necessariam causatur. Philippus tentatis Ordinibus novis ad pacem inuisamentis filiam Alberto despondet, dotem Burgundiam & Belgicam illi dicit. Belgis fœderatis omnia suspecta. Belgarum Hispaniensium ad literas Philippi responsum.

1597.



*Mauritius
quatuor
millia Hi-
spanorum
pedisum,
& quinque
turmas ad
Turnhol-
tum cecidit,*

Edia adhuc hyeme felix casus Batavis egregium incipientis anni auspiciu dedit, redituque fortunæ, quæ post Groninganum decus interquieverat: Albertus enim, post liberatos Gallorum metu Atrebatum fines, militem in præsidia dimiserat, majore tamen parte Brabantiae per agros relicta, in quæ cohortes quatuor belli veteres & supplementis recentes, ut super quatuor millia pedites essent, cum turmis quinque equitum centenorum ad Turnholtum morabantur. Haud ignobilis Brabantiae is vicus patentes undique campos prospicit, olim principum in delitiis, cum venatus & innoxie remis-

remissiones satis placebant; tunc occultandis consiliis legebatur, quia locus ipse ad multa medius nullum itineris indicium præbet: unde gravior Batavis ex incesto metus; dum proximis Brabantiae urbibus & Zelandorum insulis timetur, suspecta maxime gelu, quo amnes, quod istis partibus validissimum munimentum est, facilem quovis aditum ostendant. A factis aliena non erat conjectura, ibi potius confedisse, ut uberem agri annexum vice stipendii popularentur. Monuere Principem qui vicina præsidia curabant rapiendæ occasionis, ut, priusquam illic cogerent copiae, perverso quod penes hostem roboris erat præcipuum, etiam in futurum formido exsolveretur. Spem addebat successui dux illic copiarum hostilium Varax Comes, Varembonii frater, qui bellorum inexpertus, neque certa ipse providentia, nec admodum volentibus imperabat. Sed contra terrebat, quod sparso in oppida milite longum copias machinasque in unum contrahere, impeditum iter gravi hyeme, nec ita tamen frigida, ut viæ durescerent: interea exauditurus hostis, peritura consilia. Spes vicit; & difficultatibus, qua potuit, subventum, secretis ad duces imperiis, paratisque omnibus quæ festinationem adjuvarent. Iuvit & fortuna resoluta aliquantum gelu & sicco tamen cælo. Locus, quod prædicta convenirent, placuit Gertrudisberga, situ remotus haud ultra sex horarum iter, & quia plurimus circum eques, cætera amne Mosâ devehere ac subvehere primum erat. Inductus dies coeundo periit. Postero Princeps quinque peditum millia, equites octingentos educit, qui nocte adulta Ravelam pervenere, cum tormentis muralibus duobus, campestribus totidem: crepera luce, ut se dedisset occasio, aut munimenta oppugnaturi leviter excitata, aut in aperto ausuri prælium. Vnius namque hinc ad hostes horæ iter restabat, qui præcurrentibus nuntiis exciti, an forte conspectis ignibus quos refovendis corporibus Batavi struxerant, diversas in sententias iere: pars intra munimenta opperiri, pars rectius censebant occurrere ultero fessis itinere & coeno madentibus, neque verò hanc Mauritio relinquendam gloriam, quod miles vetus & qui famam belli sustineret, adversus haud multo majores copias prælium detrectasset. Sed plerique timori honesta prætendebant: cedendum potius integris viribus, cum non procul esset Herentalium fido receptu; nec virtute nec fortunâ prodige utendum. Quo cum & Varax pavore confusus accederet, prævaluit consilium turpius idem & periculosius.

1597.

Nam & hoste tam propinquo serum id erat; & quanquam præmissis nocte ultima impedimentis, & ubi illuxerat, ordinato agmine itineris quam fugæ speciem fecerant, non tamen vitabant, quin persequi fortioris videretur. Iam & iussa silentia, non tubæ ulli, non tympanorum strepitus; inania quidem, sed apud militares animos multum in deterius valere. Quo Princeps comperto, non jam de pugnæ eventu, sed ne elaberetur hostis sollicitus, hoc magis, quod & camporum stagnantia, & rivum intercedentem moram sibi latura præviderat, cum turmis, &, quod in cohortibus expeditissimum erat, ad ducentos, in campum (Tileni nomen est) mane summo properat, jussu pedite longe subsequi cum tormentis. Aderant Comes Hohenloius, iter tum forte Germanicum accinctus, sed quanquam Princeps vocare omiserat, ipse, quod parabatur conjectans, rei bene gerendæ occasionem privato suo antehabuit: & Eberhardus Solmenis intentus famam anni prioris adversam novo merito purgare, tum Angli Franciscus Verius, & Robertus Sidneus Flissingæ custodiendæ præfectus; Belgarum Marcellus Baxius fortissimæ turmæ dux, & inter primos itineris hortatores: inde alii. Verius levi cum pedite missus silvas excutere, ne quid latere insidiarum, ad rivum prægreditur campis interfluentem, qui longis vadi angustiiis, ligneoque Ponticulo vix singulis transitum dabat, & militem tuborum vi depellit, quem hostis moræ offerendæ eo loci reliquerat. Inde agmen hostile consecutus ultima abeuntium terga affilit & retentat: nec enim procul arctus callis coeunt inter saltus Herentalium ducebat; quem si penetraret hostis (& jam impedimenta intraverant) non datur prælio locus. Interim Hohenloius, cui equites quadringentos subsidium peditis Mauritius attribuerat, ad latus hostium conspiciabatur. Confligere nondum licebat stagnanti valle intermedia, nec ea planitie, qua modica acies patelceret. Ibant sub Varace cohortes iusto intervallo, novenis undenisque ordinibus. Prima e Germanis erat comitis Sultii, secunda Walonum, vetus Lamotæ & Coquelli miles tum Aschicurtio regebatur; alteram ejusdem gentis Barlotus curabat. Tergum Neapolitani clauferant, Marchionis Trevici manus, qui tum per Italiam aberat. Sinistra agminis arboribus continuis muniabantur, & rivo qui Turnholto delabatur: eques tribus catervis modo in fronte, modo dextrum latus prætexebant, imperitante Basta, & sub illo Cordubensi, Dracone, Grobbendon-

co,

co, Gusmanno. Loco signoque ad irrumpendum datis, Hohenloius prætervectus cæteras hostium cohortes primus invadit. Eques objectus tutando lateri ante imperum cedit, & peditem suum turbat; ita Germani facile perrumpuntur. Ne Itali quidem immissum in terga Verium, cum parte equitis, quem penes se Princeps retinuerat, sustinere: quibus fufis profligantur & mediæ cohortes, rara vincendi celeritate. Tam facile locum a vetere milite proditum, ipsi qui vicerant mirabantur. Sed præter quod dilapsus eques pavorem intulerat, ipsæ cohortes haud prudenter satis ordinatæ. Non enim densa hastatorum omni ex agmine confertorum series tegebat cæteros, sed rari sparsimque circumsteterant, ut facile irrumpendi spatium Mauritanis darent: eoque impunius, quod & jaculatores non alternatim, sed pariter cuncti tubos exploserant. Accusatus postea Basta, quod non terga potius peditum clausisset, mandata Varacis ostendit. Irrumpentium mortui quatuor duntaxat, sex vulnerati, novæque armaturæ insigne documentum is dies dedit. Nam Mauritius equites non lanceis, qui mos valebat hactenus, sed carabinis armaverat, id tuborum longioribus militare vocabulum est. Igitur, quæ primum jaciuntur, vitatis, priusquam hastas protendendi spatium sit, tam certa vulnerum vis irruit, ut non arma hostes, non ordines retineant. At turbatis pulsisque nulla jam effugia: quippe arbusa & aquæ præsidio futura pugnantibus, contra ipsos verterant. Sed & victores nimia prope fiducia periculum adierunt. Nam dum cædibus nonnulli, cæteri prædæ insunt, Basta paucis suorum comitatus, cum fugienti sibi viarum angustias currusque obstare sensisset, coactus fingit audaciam, retroque effusis frenis ruit. Complures Mauritanorum spoliis affixos, & impedimenta scrutantes, quod genus pavidissimum est, tam repens novitas ut terga darent subegit. Sed præfecti peditum, quorum pars major ac tardior pone secuta tum forte adventabat, occursare paventibus, retinere cedentes, &, ni in hostem redirent, majus a se periculum intentare. Eodemque pavore captivi aliquot, qui Principem deprecabundi circumsteterant, metu mutantis fortunæ abacti transfodiuntur. Providus talium Princeps jam ante turmas quatuor exemptas discrimini præsidium sibi victoriæque posuerat. Sed turmæ unius rector suam jussus ducere, male excepto imperio, cunctas pugnæ miscuerat, sponte etiam prædæ quam obsequio promptiores. Tamen ad ducem

1597.

concurfantibus, quæ major officii aut famæ reverentia, vitatum discrimen: hostes iterum refugii suorum stragibus & angustis viarum conflictabantur: nec ultra inquietarunt victoriam, tam facilem paratamque, ut vix decem e victoribus desiderarentur: & peditum agmen in partem duntaxat spoliis adveniret. Sepulti hostium super duo millia: captivi ferme quingenti, pars magna signiferi; quidam vulnere defecere. Sequenti die accepta in deditionem arx Turnholtana cincta fossis: pedes in præsidia remissus: eques quoque jussus continuo abscedere, ne insequendo festum recollectis viribus hostis noctu invaderet. Inde ovans Mauritius inter festas populi gratulationes erepta hostibus signa centuriarum octo & triginta, turmale unum, quod Draconis fuerat, Hagæ in Capitolio suspendit. Nec minor victoriæ fides, ipsius Varacis inter primos prostrati corpus exanimem cum litteris Alberto transmittitur: qui prolixè gratias egit; & cum nuper eques Mauritanus ab hoste suspensus simili alterius supplicio vindicatus esset, servaturum se in posterum belli commercia promisit, alieno ipsi ab omni lævitiâ ingenio. Id primum sui experimentum collatis signis habuit Mauritius, decem jam per annos imperator: neque tam militi ex eventu crevit in hostem fiducia, quam illum fecere casuum caventem quæ viderat; non satis firmata subitis exercitus disciplina, & levi animorum momento Mars ambiguus, inque ipsa victoria tantum periculi. At Albertus perculsus simul & pecuniæ inopia, & tanta clade, per dies noctesque consultans, ægre malo utrique remedia inveniebat. Effusus antea non solvendi sed donandi quoque, ita ut uno nulli obsidio plus in largitiones, quam tribus annis Parmensis exhauserit, ex eo tempore stipendiis quoque numerandis defecerat. Ita qui paulo ante per uberiora præmia multos ad transfugium illexerat, suorum tunc desertionibus nudabatur. Germani, pecuniæ avida natio, conscribi quos jusserat equites peditesque, aut negabant operam, aut ut advenerant dilabebantur. Seditionum metu urbes atque Ipra imprimis præsidia accipere recusabant. Inopiæ, qua posset, obviam iturus, suam ipse suppellectilem pignori dederat: orabatque civitates nummos ut mutuos conferrent, ausis negare Bruxellensibus. Volebat & cum Fucqueris pacisci: sed terrebat fides incerta, & edicti nuper Hispanici exemplum. Cætera hyems primumque ver, nullo adhuc exercitu, inter subita & dolos

*Magnus
Albertus
propterea
anxietas.*

dolos transiere, dum parvæ manus res magnas audent. Ferdinandus Tellius Portocarrera Durlanium Hispano regebat, quo oppido haud ita longe Ambianum abest, Picardiæ caput, urbis inter Galliæ maximas, opum potens, belloque tum & com meatibus opportuna, allabente amne, cui verus Samaræ nomen. Parebat Henrico civitas, sed excluso præsidio commissaque magistratibus custodia, per speciem privilegiorum negligentius usurpans jus invisæ dominantibus & periculosæ apud hostem libertatis. Quæ postquam Ferdinandus exsulum monitu ac præcipue monachi cujusdam, situmque locorum missis exploratoribus didicerat, milites ab Alberto accipit peragendæ fraudi. Promptissimi duodevigesimi dubia luce, cum primum ingressus patet, post alios alii mittuntur, agresti specie, poma ferentes; pars & plaustrum agebant onustum pabuli, quo portæ pensiles abscissis, ut sit in periculo, retinaculis, adversus casum sustinerentur. Custodes aditus occultis ante armis aut prima ex cæde raptis conficiuntur: celerique accursu eorum qui proximis urbi locis abditi subsederant, fit via insequenti agmini, quod pedites bis mille, sexcenti equites complebant. Forte eo ipso articulo temporis (Quadragesima erat) quidam in sacra ad populum allocutione peccata ipsis sua exprobrans & rei ignarus, meritos dicebat ut in Hispanorum venirent potestatem, & veneri: nam valida quamvis & numerosa civitas quatuordecim haud minus hominum millibus habitata, non diu restitit, ambigua in Regem fide, an pavidâ ex priori securitate & imperii egens: quin & præfectus Sancti-pauli Comes audito tumultu parte alia diffugerat. Rebus tutis auctum præsidium, corrupta flammis quæ contigua urbi erant, exarmati cives direptique, egregia in militem præda, sed & in ducem; quia Rex vim magnam machinarum omnemque belli apparatus paulo ante indiderat. Misit ad Philippum Albertus rei bene gestæ nuntium, monuitque unam esse ac præcipuam earum urbium quas ad Samaram sitas Burgundionumque ducibus possessas orbæ virgini quondam Gallus extorsisset: laborandum nunc, ut bello partum, etiam pace, si qua coiret, retineretur. At tacebatur ea oppida a Francis pignori quondam opposita & redempta, & si quid ultra armis aut necessitate expressum fuerat, armis amissum extinctumque legibus. Magnum id damnum Gallis, nec sine fructu tamen. Nam conspecto dure haberi ab Hispano Ambianos,

1597.

*Portocarrera
astu milita-
ri Ambia-
num capis.*

*Albertus
misso reibe-
ne gesta ad
Philippum
nuntio, ur-
bem reti-
nendam
monet.*

1597.

*Ambiani
Henricum
obsequio
obsequio.*

*Atrebatum
urbem alia
quo frustra
sentias.*

*Hispania
quoque spes
errata in
Gravewartam
& Stenovicum.*

*Haud foli-
osioris ventu
Venloam
Mauritium
adoritur.*

*Hellius oc-
cumbit.*

bianos, etiam qui in Gallia Romana sacra sectabantur obsequiores Regi, praesidia non ut ante recusabant. Rex ipse pacis cogitatione ad tempus discussa totum se sociis dabat, ita ut quas nuper de Calero conditiones Angli tulerant nunc accepturus videretur. Interim unius diei fortuna longum recuperandi laborem Gallis praebuit, circumfuso statim equitatu, inde sub Bironio crescentibus in Ambiani obsidium copiis, donec Rex ipse coram advenit, illectusque ut vicem reponeret, Atrebatum urbem, accenso pulvere, quo muri dissilirent, scalisque, infeliciter aggressus est. Nec meliores Gallorum in Cameracum Durlaniumque insidiae. Sed & Hispano spes irrita in Gravewartam insulam Rheni divortio sitam, rursumque in oppidum Stenovici, quo Tubantum et praesidiis mille pedites, equites quadringenti, devii itineribus convenerant. Hi suprema nocte palis, qui obstiterrant, rescissis, in aggerem enitebantur; utque primos conatus silentio juerant, ita, quo terror per tenebras ingravesceret, truci clamore signorumque cantu diversas moenium partes oppugnabant. Sed excubitores haudquaquam turbati inanibus, sese objecere: idque ceteros advertit procul remotos (nam plerique structis prope vallum tuguriis continebantur) quorum pars intecti, ut stratis exsilierant, saxa in scandentes moliri, semerme alii egressos in vallum hostes gladiis fodere, aut glandibus succedentes propellere, propulso sequi. Ita resumtis aliquoties animis aggressores tandem cessere, multam cladem devectis peremptorum corporibus dissimulantes. Sub idem temporis, velut aequa in omnes fortuna, Mauritius peditem & turmas aliquot Noviomago ductans, nulla interposita ad quiescendum mora, haud absurdo capiendae Venloae consilio eventum contra habuit; navibus duabus adverso flumine militem miserat, priore egressi jam portam occupaverant oppressis custodibus, & adjuti unius atque alterius intra urbem conscientia. Sed navem alteram, centum onustam militibus, ventus remittens vadumque in amne detinuit: atque interim clarescente mane oppidani concurrerant, primumque portam interiorem obmoliebantur: tum aucta multitudo eos, qui extrema tenebant (nec plures erant quinquaginta) eruptione depellunt. Et fugientes nautarum e Leodico illic agentium telis petebantur. Mathias Hellius occubuit jam tertio virtutis experimento, nec ibi minus quam Bredae Nordamique spectandus. Cumque eo Schalkius

kus navis rector. Capiuntur alii, & quod jus belli consensu valuit avertendis id genus periculis, supplicio damnantur. Unus qui portam tradiderat salubri audacia per urbem discurrere velut communi pavore, nec agnitus, averfa parte oppidi evasit. Quin & in Flandricum littus missi cum classe milites re infecta redierunt. Bulionius interim haud magna manu populabundus Hænoviam & proximos Mosæ campos persultabat. Et Mauritianus eques ex victoria confidentior, Brabantiae & Geldriae praesidia egressus, uterque locis diversis hosti circumventus funditur. Tam leves intra conatus æstas circa Batavos transmissa est, de Ambiano retinenda sollicito Archiduce; & quia Foederatae gentes, dum otium arripiunt, belli occasionibus incuriosae, satis habent auxilia sociis mittere, nec ipsae lacessi. Sed & discordiae fatigabant, quamquam non supra foedus, at alieno tempore & eo suspectiores.

Mauritianus eques funditur.

Groningana civitas, & qui parentes agros Lavicam intra atque Amasium colunt, vetera & bello indurata odia adhuc spirantes, haud facile coalescebant, dum civitas, quæ sibi regias partes secutæ Parmensis non quidem perpetua lege, sed interdicti in morem, concesserat, pertinaciter urget: contra accolæ omnem cum ea societatem, ut libertatis imminutionem accipiendo, quo sua seorsim agerent, vetustum cum ea foedus abrumpunt. Verum erat, ut totius quondam Germaniae, ita Frisiorum diu populos discretas habuisse ditiones, ut, nisi suo arbitrio, in medium non consultarent: Translavicanos autem & ipsos pagis discretos adversus interna externaque mala vires sibi vicinae civitatis paciscendo adjunxisse, cui & mercatura & judiciorum sanctimonia florenti, magnam in utrumque potestatem, præmium societatis vicini volentes detulerunt, conventus eo indicere soliti. Sed quod initio liberum fuit, longo usu multisque pactioibus, in vim juris transferat: neque vero hoc erat tempus, quo vincula amicitiae utcumque indicta resolverentur. Et Hispano quidem olim pars visa potentiae, nihil definiendo alere subditorum certamina; at vis Foederatorum concordia nitebatur. Igitur tranquillandis controversiis iudices dati: tres primum; & cum horum sententia agrorum habitatores offenderentur, novem alii, quorum decretum a concilio nationum comprobatum est. Ordines ergo ex urbe agroque collecti jubentur constitutum utraque ex parte corpus, ut unam rempublicam regere, majora conventu disceptando, minora per legatos: eorum

Discordia inter Groninganam civitatem & agrorum habitatores.

Dati ab Ordinibus iudices.

1597.

*Ambiani
Henricus obsi-
des.*

*Atrebatum
urbem alia-
que frustra
tentat.*

*Hispanis
quoque spes
irrita in
Gravewartam
& Stenovicum.*

*Haud felici-
oriis venio
Venloam
Mauritium
adoritur.*

*Helius oc-
cumbit.*

bianos, etiam qui in Gallia Romana sacra sedebantur obsequentiores Regi, praesidia non ut ante recusabant. Rex ipse pacis cogitatione ad tempus discussa totum se sociis dabat, ita ut quas nuper de Calero conditiones Angli tulerant nunc accepturus videretur. Interim unius diei fortuna longum recuperandi laborem Gallis praebuit, circumfuso statim equitatu, inde sub Bironio crescentibus in Ambiani obsidium copiis, donec Rex ipse coram advenit, illectusque ut vicem reponeret, Atrebatum urbem, accenso pulvere, quo muri dissilirent, scalisque, infeliciter aggressus est. Nec meliores Gallorum in Cameracum Durlaniumque insidiae. Sed & Hispano spes irrita in Gravewartam insulam Rheni divortio sitam, rursusque in oppidum Stenovici, quo Tubantum et praesidiis mille pedites, equites quadringenti, devii itineribus convenerant. Hi suprema nocte palis, qui obstitant, rescissis, in aggerem enitebantur; utque primos conatus silentio juverant, ita, quo terror per tenebras ingravesceret, truci clamore signorumque cantu diversas moenium partes oppugnabant. Sed excubitores haudquaquam turbati inanibus, se se objecere: idque caeteros advertit procul remotos (nam plerique structis prope vallum tuguriis continebantur) quorum pars intecti, ut stratis exsilierant, saxa in scandentes moliri, semermes alii egressos in vallum hostes gladiis fodere, aut glandibus succedentes propellere, propulso sequi. Ita resumtis aliquoties animis aggressores tandem cessere, multam cladem devectis peremptorum corporibus dissimulantes. Sub idem temporis, velut aequa in omnes fortuna, Mauritius peditem & turmas aliquot Noviomago ductans, nulla interpolata ad quiescendum mora, haud absurdo capiendae Venloae consilio eventum contra habuit; navibus duabus adverso flumine militem miserat, priore egressi jam portam occupaverant oppressis custodibus, & adjuti unius atque alterius intra urbem conscientia. Sed navem alteram, centum onustam militibus, ventus remittens vadumque in amne detinuit: atque interim clarescente mane oppidani concurrerant, primumque portam interiore obmoliebantur: tum aucta multitudo eos, qui extrema tenebant (nec plures erant quinquaginta) eruptione depellunt. Et fugientes nautarum e Leodico illic agentium telis petebantur. Mathias Hellius occubuit jam tertio virtutis experimento, nec ibi minus quam Bredae Nordamique spectandus. Cumque eo Schalkius

kius navis rector. Capiuntur alii, &, quod jus belli consensu valuit avertendis id genus periculis, supplicio damnantur. Vnus qui portam tradiderat salubri audacia per urbem discurrrens velut communi pavore, nec agnitus, averſa parte oppidi evaſit. Quin & in Flandricum littus miſſi cum claſſe milites re infecta redierunt. Bulionius interim haud magna manu populabundus Hænoviam & proximos Moſæ campos perſultabat. Et Mauritianus eques ex victoria confidentior, Brabantiae & Geldriae præſidia egreſſus, uterque locis diverſis hoſti circumventus funditur. Tam leves intra conatus ætas circa Batavos tranſmiſſa eſt, de Ambiano retinenda ſollicito Archiduce; & quia Fœderatæ gentes, dum otium arripiunt, belli occaſionibus incurioſæ, ſatis habent auxilia ſociis mittere, nec iplæ laceſſi. Sed & diſcordiæ fatigabant, quamquam non ſupra fœdus, at alieno tempore & eo ſuſpectiores. Groningana civitas, & qui patentes agros Lavicam intra atque Amafium colunt, vetera & bello indurata odia adhuc ſpirantes, haud facile coaleſcebant, dum civitas, quæ ſibi regias partes ſecutæ Parmenſis non quidem perpetua lege, ſed interdicti in morem, conceſſerat, pertinaciter urget: contra accolæ omnem cum ea ſocietatem, ut libertatis imminutionem accipiendo, quo ſua ſeorſim agerent, vetuſtum cum ea fœdus abruptum. Verum erat, ut totius quondam Germaniæ, ita Friſiorum diu populos diſcretas habuiſſe ditiones, ut, niſi ſuo arbitrio, in medium non conſultarent: Tranſlavicanos autem & ipſos pagis diſcretos adverſus interna externaque mala vires ſibi viciniæ civitatis paciſcendo adjunxiſſe, cui & mercatura & judiciorum ſanctimonia florenti, magnam in utrumque poteſtatem, præmium ſocietatis vicini volentes detulerunt, conventus eo indicere ſoliti. Sed quod initio liberum fuit, longo uſu multisque pactiõibus, in vim juris tranſiierat: neque vero hoc erat tempus, quo vincula amicitiae utcunque indicta reſolverentur. Et Hiſpano quidem olim pars viſa potentiae, nihil definiendo alere ſubditorum certamina; at viſ Fœderatorum concordia nitebatur. Igitur tranquillandis controverſiis iudices dati: tres primum; & cum horum ſententia agrorum habitatores offenderentur; novem alii, quorum decretum a concilio nationum comprobatum eſt. Ordines ergo ex urbe agroque collecti jubentur conſtitutum utraque ex parte corpus, ut unam rempublicam regere, majora conventu diſceptando, minora per legatos: eorum

Mauritianus eques funditur.

Diſcordia inter Groninganam civitatem & agrorum habitatores.

Dati ab Ordinibus iudicibus ſolpantur.

1597.

rum curæ subdita communia tributa, quæque principis aut sacerdotum fuerant: paribus suffragiis, ut prior civitas, non superior foret. Attamen cautum, qui judicia per agrum regerent (Hovetmannis nomen est) ab urbano senatu, more, quem Geldris probatum Austriaca domus servaverat, legerentur; cæteri ejusdem curiæ ab Ordinibus. De mercimoniis ita temperatum, in agro nata, facta, exportare ne liceret, nisi Groningæ prostruissent: neu cerevisiam (aqua farre cocta est, Germanicarum gentium potus) præterquam Groninganam bibere, excepto ab utraque lege, quod usus familiaris causa haberetur: externis vero mercibus adjudicata libertas: & alia ejusmodi, quæ etsi magnis dissensibus agitata, ut instituto minora, exequi piget. Sed enim Hollandorum cum Zelandis contentio eo gravior, quo horum maxime opibus corporis universi concordia continetur. De vectigali certamen erat, quod mercibus exteras ad gentes aut hostem transvehendis describitur. Id nationes singulæ non sibi proprium, sed commune fœderis in rationes onerum maritimorum, quæ ipsæ usu publico poscente privatim sustinerent, accepto ferebant. Zelandi ultra tetenderant, coactis mercimoniis, quibus Hollandia evectis alio per ipsorum insulas iter esset, alteram vectigalis partem apud se pendere: quod, quia arceri non poterat, pacto inter duas gentes temporario firmatum. Sed eam conventionem Hollandus renuntiabat, fretus Ordinum fœderatorum edicto, ubi onus imponebatur, ibi solvi jubente portorium. Super hoc Zelandi accusabantur, quod imminuto vectigali & commissi poenis rem communem sui juris facerent, alienaque commercia & utilitates ea fraude in se verterent, contra fidem & leges tam necessariæ societatis. Quibus cum illi referrent, Hollandos suis cupiditatibus Fœderatorum jussa, ut alias Senatus aut Principis nomen obtendere, uni controversiæ plures miscebantur. Nec cessantibus utrisque suis in bellum meritis aliorum opponere segnitiam, & si fœdus exueretur, latenter ostentare vires, quibus privatim se tuerentur aut alerent, Zelandisque eo proVectis iræ, ut tributum fœderi inferre negarent. Postquam & populi minores perniciosum exemplum sequebantur, vix tandem convenit, ut, Zelandiæ commodis quibusdam relictis, salva esset in posterum Fœderatorum concilio sua auctoritas. Auditæ interim legationes externæ, & pacis laudes, & de bello querelæ, curante Hispano, non tam spe ulla concordiæ, quam

Hollandorum cum Zelandis de vectigali contentio.

Compendium.

quam ut negantes odio objiceret. Auditus cum admiratione parum grati sermonis Paulus Dialius a Sigismundo missus Poloniæ rege, qui Latino sermone clarum intonans, cum de officio subditorum in principes multa jactasset, certum Batavis exitium ab Austriaca magnitudine minabatur; ni culpam falsi mature veniam exposcerent, regem suum deprecatorem offerens. Sed & Philippi bonitatem & fidem celebrabat, idque coram Arausionensis & Egmundi filiis generisque: nec minus Christianum nomen, & Turcæ vis discordibus longe imminens prætexebantur, cum proxima Polonia metum pace redimens communi se bello subtraheret. Nec ignarum Ordinibus Polonum Hispano junctum necessitudine, &, quod propius vinculum est, Iesuitis regiam obsidentibus. Modeste responsum de causa & pacis periculo, & acrioribus Hispani in Christianos quam in Turcam armis præ nimia dominandi cupidine, quæ curæ esse Sigismundo debere, præ domestica conjunctione. Et cum ille nihilo minus ferociret, velut commercia abrupturus, iuvuere qui colloquebantur, si jura humanitatis violarentur, non se Poloniæ messis, quam Polonos sui nummi indigentiores. Sed & Imperator-Principesque Germani & primæ civitates locum magnificæ legationi poposcerant, quod Ordines, suspecto tantæ auctoritatis paratu, excusabant. Quare alteras literas misere, Carolo Nutzelio ferente; acerbius interrogantes hæc ne Germaniæ cognationis reverentia, hanc tot beneficiis gratiam referrent, ut amicis negaretur, quod apud omnes gentes etiam hostibus licuisset? Neque vero legatos duntaxat de pace acturos, quæ tamen ut fida ac securæ foret, si qua daretur occasio, diligenter se curaturos; sed de multis gravibus rebus, quæ tractari Batavorum haud minus quam Germaniæ interesset. Interpretabatur id Nutzelius de prisca foederibus instaurandis. Nec minæ aberant, nemini majestatem imperii impuno ludibrio fore. Humiliter ad hæc Ordines honori Germanico & reverentiæ datum demonstrabant, ut præmonerentur, ne se irrita legatione fatigarent: rerum suarum, & quid ipsis expediret, non alios se peritiores. Serius aliquanto Arnoldus Witfeldius regni præses, & Christianus Barnicavius, a Dano venere, qui cum, ut plerisque creditum, hanc operam magis negare non potuisset, quam sponte præstaret, Nassaviæ se stirpis & Batavæ gentis amicum paternum, ac sinceræ purgatæque religionis con-

Regis Polonia ad Ordines legati sermone in gratias sermo.

Ordinum modesta pariter ac generosa responsio.

Mittenda ab imperatore disceptatio Germaniæ principibus ad Ordines legatio excusatur.

Missi a Dano legati quoque de pace apud Ordines agunt.

con-

1597. *Dano re-
pudiata
paciis ratio-
nes accura-
to reddunt.* conscium, nihil postulaturum prætulit, quod aut huic aut illis fraudi cederet: sed quoniam pace & numen divinum purius coleretur, & publicæ privatæque res extra belli aleam tutius consisterent, ejus sperare haud ingratum se auctorem fore. Tot simul concordiæ hortatoribus verbis diversis in eandem formam Ordines rescipsere: ad Danum tamen quam ad cæteros accuratius. Rationes jam aliquoties memoratas breviter repetam, ne, quod ipsi sæpe eadem audiendo dicendoque fastidii cepere, id in legentem transeat. Docebant societate Gallica Anglicaque, deinde summis Mauritii virtutibus se obstrictos privatim pacis leges nec ferre posse, nec accipere. Quod ut nefas, ita & noxium se arbitrari, quia pacis quanquam vana commemoratio cunctos mortales in bello remissiores, in libertate & civitatum fœdere etiam discordes facit. Detectæ simul literæ Wilhelmo Clementio scriptæ Hispanico apud Imperatorem oratori, quæ spes tales proderent, quæsitamque ex pacis mentione Batavis apud Germanos invidiam. Iungebantur exempla eorum quæ Bredæ, Gandavi, Agrippinensi in urbe acta, & apud Brabantos Flandrosque hostiles insidias promoverant. Post quæ nullum se belli exitum ab Hispani fide, sed primum a Deo immortali armorum moderatore, tum, si forte, Belgarum e consensu opperiri. Pro causa nonnihil: quam renitentes & qua impulsus necessitate ad ea venissent, quorum nulla pactio securos facit. Interesse & vicinorum, ne bello tanto levatus Hispaniæ Rex deditorum viribus aufereret: quo ille impetrato, centum hominum millia semper in armis habere posset, nunc huic nunc illi opprimendo. In ore esse Hispanis, hæreticos hæreticorum sanguine vincendos: nec eo vocabulo Reformatæ magis, quæ dicitur, religionis, quam Augustanæ sectatores & ipsorum & Pontificis judicio comprehendendi. Et quia Reipublicæ vocabulum nunc non minus invisum quam olim populo Romano præpotente regium nomen erat, ac tamen cum illis gentibus res erat, quæ principatum amant proximum libertati, neque tam nascendi forte quam cooptandi judicio, quod Poloni apertius servant, Germani & Dani imaginem retinent, suo de regimine eundem in modum loquebantur. Belgæ, inquiunt, serviere nunquam, sed imperium legibus. Legum cura his credita a majoribus, quos virtus monstrabat. Iustitia regendi provocati affectus a parentibus in liberos transiere: ne tum quidem infinita potestas,

testas, sed intra conventiones stetit, quare & regio nomine abstentum. Mansit fides principibus populoque, donec Philippus non tantum iudicia vertendo, inconcessa exigendo, sibi jurata infregit; sed contra fas omne Dei hominumque sacra legationum contempsit, innumera cæde se infontium cruentavit. Quod cunctis animantibus natura imperat, suam ut salutem defenserent, id nos fecimus: neque vero promiscua licentia, sed ductu principis Arausionensis. Longæ interim preces, & ambiti reges qui Philippi animum mitigarent. At postquam sub pace dissidium & ultio latuere, haud novum populis, etiam qui regnantur, cuncta principatui contraria facientem imperio demovimus, decreto publico, vulgatisque causis. Ac rursus aliis visum regis Galliæ fratrem rebus imponere, alii Arausionensi obtemperare haud ante desimus, quam ille Hispanico scelere procubuit: delataque ad Mauritium regendi successio, qui nunc egregio subnixus regum fœdere fines armis propagat. Hæc ideo expressi, quod sepositas apud gentes ea tum fama nosci ex usu rerum præsentium videbatur. Nec contenti pacem discutere Batavi, ultro ad arma alios vocabant, regnorum aviditatem Hispanis & potestatem nocendi objectando, exsoletas jamdudum criminationes, & quas magna imperia nunquam effugiunt. Faciendæ tamen fidei præter manifestum Galliæ Britannicæque exemplum proferebantur, Alberti postulata adversus plerasque Germaniæ urbes: & quid de religione sperandum esset, documentum e Brabantia recens. Anna Hovia virgo famulari ministerio vitam tolerans cum sororibus Rampardis, quibus inserviebat, suspecta dissensionis circa Pontificum sanctiones, & in carcerem protrusa fuerat. Cumque illæ victæ aut minis aut precibus amicorum ac vitæ illecebri, quibus & viriles animi franguntur, imperitiam faciendo veniam meruissent, hæc una nihil moveri: modesto interim sermone obtestari, foeminam se & sexu & sorte extra turbas, ut ipsa crederet, recte sentientem; sin minus, erroris ream, cui par esset ignosci: at illud scelus non hominibus, sed Deo vindicandum, si quis contra animi sententiam metu subactus, quamvis vera dicendo, mentiretur. Consultante Senatu, an iudicium redderet, Albertus respondisse fertur, exercendas leges. Illud iustius mireris, quod tam acerbum, infestumque etiam spectantibus, supplicium placuit. Viva Bruxellæ sub terram defossa est; auctores ejus sævitia

*Anna Hovia
virgo
dissensionis
circa
Pontificum
sanctiones
suspecta
in carcerem
protrusa
fuerat
Cumque
illæ victæ
aut minis
aut precibus
amicorum
ac vitæ
illecebri
quibus &
viriles
animi
franguntur
imperitiam
faciendo
veniam
meruissent
hæc una
nihil
moveri
modesto
interim
sermone
obtestari
foeminam
se &
sexu &
sorte
extra
turbas*

1597. sævitiz poenitentiam expectasse credibile est. Sed illa jam in specum descendens, inter mortem posita & proritantes venia sacerdotes, superfusam humum imperterrita, tantumque Deo supplex, accepit. Ea mulieris constantia magna Belgarum miseratione celebrata est, augente famam rei novitate, cum olim multa cædium millia brevi auditu transmitterentur. Et post Albertus id genus crimina satis habuit minis, aut si urgeretur, poenis secretioribus compellere. Atque interim Batavi ejus invidia fruebantur, cunctos, quæ religio curæ, prævertendam ad ultionem incitantes. Egere & regibus gratias, quod pro Belgarum otio solliciti forent, resque suas singulis commendatas voluerunt. Legatis hospitium & sumtus e publico, abeuntibus dona accessere. In li-

*Federati
incurfus in
Germano-
rum agros
excusant.*

teris ad Germanos excusati incurfus vicinos in agros, comparatione hostium & belli necessitate, cui unum remedium foret, si Hispani quam longissime pellerentur: adversus quorum insolentiam in occupandis Germaniæ locis auditos se sæpe, adjutatos nunquam. Vnde cogi se hac quoque de re spem omnem suis in armis collocare, quæ tamen pacatis populis fore innoxia. Ideo & stipendium se militi nuper auxisse, quo arctiori disciplina frænaretur. Dani seorsim postulaverant, ne ipsis grave esset bellum non suum, neu commerciis Hispanicis arcerentur. Quod regina Angliæ & Danis & Polono, legatis iisdem, qui in Batavis fuere, ad se missis, negaverat: & naturam laudantibus, quæ mare cunctis & jus permutandi patere voluisset, responderat, nihil esse tam congruens naturæ hominumque moribus quam periculum propulsare; quare haud passurum sapientem ulla ope eum juvari, qui suo exitio immineat. Nec arma tantum, sed & commeatus omnes vetabat: quippe asserens con-

*Regum Po-
loniæ &
Daniz Le-
gatis com-
mercia cum
Hispaniis
negat Eli-
sabetha;*

•uto belli judicio hostem vel fame domandum, ut pacem accipiat. Idem veterum Anglorum pacto cum Asiaticis civitatibus, aliorumque Principum exemplis tuebatur, Paulum Dialium insolentius agentem irridens, ut feciali quam oratori propiorem, nec Sigismundo parcebat; ignarum nempe regii moris ob juventam, & quia electus imperaret. Patrem certe avumque ipsius Moscho cum bellarent, alia in Anglos jura statuisse. Sibi vero, quæ legatorum suorum opera & Russico bello Sueciam, & Turcico Poloniam liberasset, egregiam hanc scilicet gratiam referri. At Batavi haud æquum æstimantes aliis se leges duriores quam sibi præscribere,

*Concedunt.
Batavi.*

non

non intercedebant, quo minus cæteræ gentes pari jure cum Foederatis Occidentem & hostilia littora inviserent. Maritimæ hoc anno expeditiones fuere, magnis initio consiliis, sed inani spe per tot incerta. Allubescente Gaditanæ expeditionis successu Angli novos hostium paratus in ipsis navibus opprimere, Azores insulas insidere, opulentas naves rapere, longinquo ex orbe venientes capere certabant. Naves armis validas Regina sedecim, in quibus ad Gades captæ erant duæ, vigintique suas Batavi Warmondo duce attribuerunt. Sexaginta ferme inferioris magnitudinis aderant, belli instrumento & militi ferendo. Nam & machinæ oppugnandis urbibus una vectabantur, & sex hominum millia, quæ in terram exponerentur; audito quanquam & peditem in maritimis Hispaniæ oris paratum haberi. Summa imperii in militem ac naves Essexio tradita, vitandis malis quæ discors nuper imperium dederat. Iulio mense exiëre. Ac primo placidi fluctus & lenis aquilo ferre vela, mox adulta vis venti, & ubi classis in alto, Gallæciam contra, coelum pelagusque in austrum verti, qui mixtus horribili procellæ naves ipsas ducumque consilia in diversum tulit. Quidam expeditionibus navigiis obliquos cursus in conspectum Hispaniæ produxere; plerique pertæsi maris & periculorum, quo citius in patriam redirent, ventos sponte sequebantur. At quanquam Essexii fractis arboribus navis teneretur, hiscerent compages, vix undæ irruentes exhaurirentur, ipse adhuc obniti & contra tendere: sed & prospectus atro nubium, & aures clamore trepidantium, fluctuum collisu, fragore coeli, impediabantur; metusque præsens officia nautarum & imperii reverentiam abruperat. Ita victus comitum consensu naves plerasque rimis fatiscentes, vix ut maximo labore aquæ educerentur, salvas tamen omnes, decimo postquam exierat die in Angliam refert. Vbi dum focii expectantur & status adversi in portu detinent, alimenti inopia ac subeuntes morbi cogunt onerarias ac militem dimittere, una cohorte retenta, quam belli exercitum concedentibus Batavis Verius abduxerat. Contracta cum copiis & consilia, ommissaque spe belli terrestris, adventantem India classẽ excipere Azores juxta Insulas placuit. Sed per obvias iterum tempestates laceris aut disjectis Anglorum navibus, Essexius lustrato diu mari, per insulas populabundus, mox explorantium errore devius abducitur, & alia parte vagatur Ralegus imperii

Expeditionis Essexii maritimæ infelix exitus.

1597. imperii minus patiens. Hispani Angram interim portum a-
 versa in parte Terceræ, quæ Azorum potissima est, subeunt,
 divitias opimas ferentes; Britannos venti resistentes & promi-
 nentia juga distinebant. Tres tamen naves, eæque segre-
 ges exitio datæ aut in prædam cessere: pravumque certa-
 men exortum est, Batavis Ralegum parti classis Anglicanæ
 præpositum inculantibus, quod captam sibi navem, dum
 persequuntur alteram, per vim eriperet. In eodem itinere
 modica quædam ac sine munitimentis oppida ab Anglis in-
 censa, ut Caracca ex India veniens a suis, ne in manus ho-
 stium perveniret. Frustrati duces, & cum hyematur jam
 mari in Angliam rediissent male volentibus irrisi, inter se
 quoque æmuli pridem, nunc inimici, infausto eventui recta
 consilia & suos labores præscribere. Fortunam nec præstari
 a sapiente, nec ab æquo homine exigi. Gravior Padiliæ ca-
 sus, qui paribus, ut nuper, mandatis, ex Hispania Britan-
 niæ nociturus mittebatur, centum & octo navibus, in quæis
 militum octo millia; multumque processerat, cum turbidis
 septentrionibus galeones tres, sex naves aliæ, virumque &
 auri vis magna mergitur. Reversus domum Padilia, impru-
 dentia, an infelicitatis jam sæpius expertæ, reus, classis præ-
 sectura demovetur. Datus ei successor Didacus Brocarus.
 Hæc æstate naves Hollandicæ quatuor, quæ vere ante tertio
 exierant, primæ omnium ab Indis revenere. Nec major ci-
 vium lætitia quam admiratio fuit, audientium circumcisos
 genitalia velatosque, cætera nudos agere, quæ in Orien-
 tem Africa vertitur, insulæ Madagascaris populos: hi quo-
 modo Deum nossent ignorarentque: quanta infelicibus ge-
 niis illic licentia: tum vero ipsos non se nominibus, non tem-
 pora distinguere; moris nostri adeo ignaros, ut e stanno co-
 chlear bove mutarent. Narrabatur & periculosa tantis pe-
 riculis nautarum seditio: tum infida Barbarorum ingenia,
 quos passim, & in Iava maxime, Lusitani emerant, ut spe-
 cie pacis cædem & prædam occultarent: hinc prælia & mo-
 ræ. Nec nulla in Batavis culpa: nam missos eo a parenti-
 bus aut agnatis, quos æs alienum malive mores patria expu-
 lerant, vicia sua comitabantur. Ac tanta quorundam stupi-
 ditas fuit, ut suspicaces inter populos Bantamensis portus
 profundum claro die explorarent. Insulam esse Iavam, Bri-
 tanniæ ferme parem, non, ut quibusdam creditum, Austr-
 lis continentis partem, circuitu patuit. Reges habet plures:

pars

*Gravior
infelicitas
is-
rum Pad-
ilia casus:*

*Præsec-
tura demo-
vetur.*

*Prima
Hollando-
rum naves
ab India
redeunt.*

*Harum de
India ejus-
que populis
relaciones.*

pars falsa numina more avito colunt , pars Mahumeticos
 ritus non ita dudum acceperē. Vifa & Sumatra , major Iava,
 & minor Balis insula : inque reditu alia , cui Helenæ nomen
 est , multarum rerum ferax , sed nullo hominum cultu. Ex eo
 piper & fruges aliæ cœli calidioris a Batavis peti cœpere ,
 quod commercium Venetis olim lucrosū per Ægyptiacas
 traiectiones centum fere per annos Lusitani , Oceani istius re-
 pertores , longo navigatu & dono Pontificis , soli usurpave-
 rant. Primum iter plurimas post difficultates , damni tamen
 exors , spem lucri in posterum fecit : ac per Hollandiam
 plures Zelandosque & exsules Brabantos impulit , ut idem
 majori navium numero auderent. Ab ipso vere multos jam in
 menses protrahebatur Ambiani obsidium , dum Rex , quam-
 vis haud invalido cum exercitu millium quatuordecim , par-
 cus suorum sanguinis , nec avidus alieni , castra munit ad-
 versus internam externamque vim : primumque conjuratio-
 nem civium , & , ea postquam patuerat , replere fossas , suf-
 fodere vallum , incruenta & longa agitat , haud satis gnaris
 talium obsessoris ; nec obsessis virtus aut artes deerant ,
 quibus in spem auxilii moras ducerent ; suspecti civium ad ter-
 mille ejecti : eques , dum coit hostis , ingressus augebat præ-
 sidium. Peste quanquam afflictabantur , crebra proruptio-
 ne pro mœnibus pugnatum , varia fortuna , quæ claros utrim-
 que , & ipsius doli auctorem Portocarreram absumsit : & flu-
 men objectu molis oppidani in hostem fuderant. Sed repul-
 sis sæpe , qui per neglecta intrare urbem & numero firmare
 mittebantur , ipse sub autumnum Archidux , veteribus no-
 visque copiis & avitum in morem excita Belgarum nobilita-
 te , quæ in pedites & turmas composita ibat , famæ major
 quam spei supervenit. Primo aspectu apparebat , nec muni-
 tiones regias petrumpi posse ; nec venturum hostem , solito
 jam cautiorem , ad prælii incerta. Parvæ manus temere con-
 carrebant : & jam Picardia vasta bello penuriam victus , in-
 de morbos vulgaverat. Hæc , ut discederet , Archiducem
 perpulere , languentem & ipsum dolore amissæ urbis , quæ ,
 elapsis octo dierum induciis ex pacto , si auxilium interim
 hominum plus mille non penetraret , Henrico redditur , &
 hic , quo minus instaret successibus , Dorlani ab obsidio ,
 metu hyemis , alimentorum penuria , detrahebantur. Mit-
 tit mox partem militis Albertus , qui Ostendæ exitus obse-
 paret castellis , oram Flandrorum , quando obsidium , loci

*Batavi pl-
 per aliquo
 a Venetis
 & Lusita-
 nie antea
 haberi soli-
 ta ex India
 petunt.*

*Portocarrer-
 ra Ambia-
 num defen-
 dens occidi-
 tur.*

*Frustra
 Ambianos
 obsidio libe-
 ratum pro-
 ficiuntur
 Archidux.*

*Henrico se
 dedunt.*

*Albertus
 Ostendæ
 exitus obse-
 pit.*

T

explo-

1597.

exploratis munimentis, quæ terra marique aderant, & infirmitatis in præsens conscientia nondum audebat. Interim coercitæ populationes, quæ Eduardus Norisus præsidio impositus impune per agros grassabatur, terribilior hosti, ex quo nuper Alvarum Agilarium Dunkerkæ præfectum alia cum præda abduxerat. Vnam hanc rerum seriem finem ad anni producere libuit, ut quæ Batavis interim acta, nec istis continua seorsim ponerem. Quieverant in multam ætatem, dum pecunias Gallia, militem Britannia detinet, expectantes aut alia negotia, aut seditionem hostium. Avocatis in Ambianum Alberti copiis, placuit agendi occasio; sed qua parte bellum gereretur, certantibus in diversa nationum studiis, Principi ac Wilhelmo Senatuque arbitrium permittitur. Placuit his excutere hostem præditiis, quæ non multa Hispano

Transisalanis præsidii Hispanos excusare aggrediuntur Federati.

restantia Transisalanis in partibus Fridericus Herenbergensis custodiebat, ut bello intra Rhenum redacto, quicquid agrorum ultra pater, hostilibus tributis eximeretur. Id quo tutius proveniret, (nec enim copiarum pares domi suppetebant, & metuendum, ne Hispanus mutato consilio recurreret) visum est iter auferre secuturo, præceptis qua Rhenus transiri poterat. Idem ad famam egregium tuendis simul finibus erat, utque in Germaniam commeatus patesceret, ab hoste interclusus non levi in mercaturam damno; dum mari accepta per amnes differre aliaque reportare prohibetur. Tum primum Henricus Fridericus annum agens quartum & decimum, Lugduni ad eam ætatem liberalium studiorum primordiis operatus, ad belli rudimenta assumitur. Quo comite, pluribusque suæ domus, Princeps & cæteri duces, clam habito consilio, ita ut cui loco potissimum caveret hostis dispicere non posset, Gravewartam contendunt. Peditum septem millia, equites ducenti supra mille correpti eodem, Rhenum pontonibus, inde Vahalim connexis ratibus transire, currus & sarcinas secum trahentes. At naves impellente vento flumina subvehebantur, in quæ tormenta muralia quadrages, & cætera ad hanc copiam. Procedit agmen secundum ripam quæ Gallica olim, sive & Romana dicebatur: in itinere Alpa arx & municipium modicum, conspecto exercitu & machinis, (solent enim convehi leviores) sine mora deditur: eodemque vespere missus eques qui Bercam ambiret. Sunt qui olim Tiberiacum dictum putent, & restare vestigium contracto in barbarum vocabulo. Exiguum id oppidum, sed

Henricus Fridericus Mauritiū comitatur.

Capta Alpa Bercam obsident.

sed opulentum portorio, quia Rheno imminet ex ea, qua diximus, ripa; Xantemum supra, quæ Vetera creduntur, Legionum olim obsidio belloque Batavico nobilissima. Sed ex obliquo Vesalia aspicitur; tergum citima Geldriæ, latus utrumque Clivia ac Iuliacensis regio includunt. Ipsa in ditio-
ne est Agrippinensis episcopi; sed Parmensis per speciem Truxiani quondam belli multum certato infederat: ex eo, præter ingenium loci & vetera operum munimenta, præsidio non minus mille hominum e Belgis Germanisque servabatur. Parte supera fluminis insula, ambitu patens in tria millia passuum, oppido adhæret, solo amne discreta, qui parvam modico ambitu circumvenit. Huic Princeps quantum satis erat militis imponit, & pontem alveo, quo pabulis & commeatui prospectum foret. Dein, pluvio quanquam cælo, castra locat, locis maxime duobus: sed, nequid pateret, media perpetuo aggere & fossa ab utraque fluminis parte iussa concurrere. Ita clausum oppidum, quia naves Rhenum obsederant: at passim viarum & ignobiliorum fluminum munimenta castrensium custodiarum vicibus firmabantur. Quæ postquam disposita, alter fodiendi labor oppidum versus tutos meatus moliebatur: nec obsessis audacia opus hostile eruptionibus turbare; telorum se jactu eminus vindicabant; non alterius rei major illis copia, cum nullius indigerent. Inventæ enim in urbe machinæ ferme octoginta: his munitiones, his siquid in oppido arduum compleverant; præcipua tales ad noxas turri, quæ palatio eminens amni proxima infestabat. Hinc multis cadentibus in castris miseratio, metus, ira: quippe & Ludovico Nassavio in tibiam inciderat globus, & Principis periculum cognoscebatur trajecto forte tabernaculo. Oblesores contra tormenta disponere; exarmataque turris, nec quisquam ausus insistere. Sed hætenus per intervalla ac spiramenta: postquam & fossa impleri, &, quanquam cælo inimico, continentes per pluvias late ad aggerem procedere vineæ cœperunt, haud intermissæ machinæ, quæ portam flumentanam ex insula, quam diximus; at averfa oppidi e solido concuterent. Missi qui deditiõnem obsessos postularent, ut jam manifesto, non inanes esse minas, cum oppugnationi proxima tentarentur. Negatæ precantibus induciæ; & continuati eo die ictus bis mille. Atque interea Wilhelmus Nassavius imminens amni lunatum munimentum supervaserat; pulsus multa per tela propugna-

*Ludovicus
Nassavius
globo vul-
neratus.*

1597.

*Berca dedi-
tur.**Agrippi-
nenſis pon-
tiſex oppi-
dum repo-
ſcit.**Ordinum
reſponſio.**Mutilia-
nam Fœde-
rati ſolo
aquant.*

pugnatoribus. Perculit obſeſſos denunciatio acrior, in-
itare extrema; nec, ſi ultra tenderent, veniam fore. Ita
Berca decimo die traditur, egreſſo præſidio cum eo quod
cuique ſuum: publicæ hoſtium machinæ & naves, ut ſemper,
victori accedere. Sunt qui præmaturum timorem accuſant,
cum maxime Hermannus Comes Herenbergienſis Geldriæ
rector præſidio adventaret, ſive præfectus culpæ affinis, ja-
ctantiæ immodicus, & ante pericula inſolentior; ſive & mi-
les, quem mox, ut exierat Geldra, in oppido ſeditione in-
cenſum plerique retro arguebant. His perpetratis legati a
pontifice Agrippinenſi & ſacerdotum collegio Principem, in-
deque Ordines adiere, repoſcentes oppidum liberum nec
obnoxium bello. Movit Ordines loci maxima oportunitas,
ut hanc ad formam reſponderent. Quamquam noſtrum vi-
deri poteſt jure victoriæ quidquid hoſtis poſſedit, non ta-
men vana vos cepit fiducia Batavæ æquitatis, cum quod
Hiſpanorum violentiæ tam diu permiſſum eſt, id e noſtra
manu vindicare non piget. Cederemus ultro, ni priora do-
cuiſſent deſendendo vos impares. Immerito miſer eſt, cui
fraudem affert aliena ſocordia. Iam ſi ad Bercam Hiſpanus
ducat, vobis eadem quæ ſuper Bonna & Novæſio cura: nos
haurimur excuſibus: noſtra nobis terra & commune flu-
men eripitur; ita non reddimus urbem, ſed dedimus. Quin
potius veſtram illam creditis, ſed nobis pignori conceſſam,
nec tantum adverſus periculum, ſed impenſarum nomine,
quas certe exſolvi æquum erat, ſi vobis vicimus? Cæte-
rum veſtigal, quod Epifcopo dependi hic ſolet, ſalvum il-
li promittimus. His tum illi verbis dimiſſi. Nec tamen Ber-
cam Ordines ut ſuam muniere; reſecta tantum quæ oppu-
gnatio corruerat, & data præſidio cohors cum modico
equite; tum, nequid propter hoſti pateret, æquata ſolo
Mutiliana, quia firmare, quantum ſatis, longum videba-
tur. Exciverat id caſtellum Rheni in ripa Camillus Sach-
nus Parmenſi militans, egregio ſitu; utque creditum in ipsis
Aſciburgii veſtigiis, oppidi cujus originem ad fabuloſos
Vlyſſis errores priſca etiam Germania retulit. Ipſe pa-
triæ ſuæ Parmenſi ſolo ſitæ nomen indiderat. Nec dubium,
quin iſto opere auctor in longum ſibi famam & memorem
ſui poſteritatem promiſerit, quod tum præterequitante for-
te Hohenloio, qui haud magno comitatu in Germaniam
proſiciſcebatur, magna trepidatione deſertum, & Principis
juſſu

jussu deletum est; irrisa multum hominis Itali arrogantia, 1597.

qui fundatam animi virtute (verba ipsa referam) & inexpugnabilem arcem inscripserat. Hoc tempore ad Neoburgicum ac Brandenburgicum scripsere Foederati, mahuisse se facto ipsis viam in Clivios aperire quam verbis polliceri. Superesse ut ipsi opportuna vindicando juri tempora arriperent. Iisdem in partibus Mursa est Agrippinensi in solo, sed Cliviæ clientela. Comites, qui temere, vocabantur. Ultima gentis hæres Valburgis supererat, clara Hornani quondam matrimonio, & per Albaei sævitiā vidua, rursūque Nienarii gentilis sui nuptiis tradita orbataque. Ea in Batavis degente Hispani oppidum & arcem haud invalidam annos ante undecim capta præsidio tenebant, cujus auxerat numerum supra octingentos Hermannus Herenbergensis ad Bercæ famam excitus, & irritus auxilii, neque par prælio: ideo quod reliquum erat copiarum secum trahens retro cedebat ipse Mosam ultra. Seorsim a ripa jacet oppidum, quo facilior accessus hosti ac plura obsidenti incommoda. Situ cognito binis Princeps locis, sine vallo tamen, deposuit agmen: accedere incipientem propius imbres fundens autumnus tardabat. Tertius dies ad fossam perduxit, quæ tribus locis obruebatur. Nulla adhuc ruinis efficiendis tormenta sonuerant, sed statui complura Mauritius jusserat, pontemque parari velut impetum facturum, cum nec expectato præfectus oppidi arcisque (Andreas Miranda nomen habebat, gente Hispanus) ad pactiones venit, mutatis obsidibus: quanquam paulo ante per literas a Mauritio rogatus arcem si posset tutaretur, parceret oppido & extra jus belli positis civibus, superba responderat. Permissum exeunti, signa, arma, & machinam unam avehere, dum Princeps inanum concessione moram belli redimit, & ille falsi honoris imagine dedecori suo blanditur, quanquam super Bercæ exemplum prætendens pulveris nitrati penuriam: sed & is comparari potuerat, & non defuerant trahendi artes, resecto modice oppido, ni formido prævenisset. Dum Frisiorum robora Mauritium sequuntur, Fridericus interim Herenbergensis Linga aliisque prædiis abducto milite in Septemsylvas (id parti Frisicæ nomen est) populabundus irruit; incensæ villæ, abducti captivi & præda. Sed nihil privata incommoda publicis conatibus obstitere. Rhenum itaque ponte transit Batavorum exercitus, qua Orsæum est vicus. Victores hætenus, hic quoque

Ad Neoburgicum & Brandenburgicum scribunt.

Mosam Mauritius capit.

Herenbergensis partem Frisicæ populatur. Batavorum exercitus Rhenum transit.

1597.

quoque eadem fortuna secuta est, obvio nemine, dum in Gallico fine hærere Albertus eligit, eoque præsiidiis paventibus. Etiam si paria antiquis bella, & concurrentes in unum regni aut populi præpotentis vires tanta casuum similitudine & satietate memorarem, mirandum haud foret, si & ego copia fatiscerem, & eorum, quibus talia viserentur, tædium deprecarer. Nunc in tenui labor, & ne signa quidem collata; infestas acies, claras mortes, magna discrimina, refert datum: sed obsidia oppugnationesque, nec illustrium oppidorum, conjungendæ obvenerunt; majore, si quid judico, usu, quam oblectatione. Nam & alibi olim & majores apud nostros numerosi exercitus, quinquaginta sæpe & sexaginta millia, campo steterè, belli exitum secum tractura; qua tempestate ars fuit librare ictus, tenere vestigium, hostem impellere. Sequens sæculum ferociæ minus, solertiæ plus habuit, nec, ut ante, festinati casus, qui de re summa judicaret; sed muniendo præversa pericula, & ex adverso vis reperta, cominus, eminens, qua patescerent clausa, & siccato si quid humidum, hiantia æquarentur, ardua descenderent. Quæ si quis indagare, temporumque & belli gnarus haberi velit, nulla exemplis terra ante hanc nostram, qua urbibus crebriorem alteram, præsiidiis firmiorem, diu & frustra quaras. Huc cuncta priscis & recentiorum ingeniis inventa confluxere, trahentè ad se belli diuturnitate externos undique spectatores, velut ad publicam armorum disciplinam. Quippe hoc ipso tempore duces comitesque & e Germania, Gallia, Britannia, longinquiorque nobilitas Principem Transisalanum ad bellum prosequabatur. Ipse Lippiam ultra amnem ibat, Germanico solo; naves Rheno, inde Isala devectæ Dufoburgum venire. Haud multo interius Grolla occurrit Zutphaniensis ditionis, quæ & prima loco, & frustra biennio prius obsessa, ni cederet, exprobrare videbatur, Nec vulgaria oppido munimenta Caroli Quinti pro istis finibus curam ostendantia: moles quinque ex aggere prominebant, eo flexu, qui oppugnantes undique sub ictum daret. Haud amplum urbis spatium tuebatur Iohannes Comes Stirmbius peditibus ostingentis, & turmis tribus; nec omiserat, audita in se venire, densare munitiones. Quæis nihil teritus Princeps, quin lucro deputans inclusos equites, qui vias infestas tenere potuissent, contra eruptiones, tamen solito diligentior, fossa perpetua castellis intervenientibus una nocte

*Grollam
obsidet.*

Ete duas urbis regiones includit. Oſtingenti milites inſta-
 bant operi, quos bis mille armati tuebantur. Proxima nocte
 regiones duas alteras pari ſedulitate circumvenit; diebus
 firmata opera: inde verſus oppidum per anfractus via ſcin-
 debatur. Quæ dum fiunt, & mox aquis deductis, quas clau-
 ſtra continuerant, foſſæ oppidi humus ſuperingeritur: haud
 deſtitere obſeſſi recuſare deditiõnem, ac tormentis ſe ulci-
 ſci. Simul proruptum aliquoties, donec a machinariis Mau-
 ritianis injecti oppido ignes, & late paſti ſexaginta ædium
 incendio ad curam ſe ſuaque ſervandi ab operum impugna-
 tione converterunt: nec tamen deficiebant, quanquam in-
 tus flammis & vulneribus, extra mali incogniti metu gravius
 conſictabantur: interiores quoque aggeres, quo ſe tueren-
 tur, ſi præjecta fallerent, duobus locis orſi. Sed poſtquam
 vineæ ſeptem ad oppidi proceſſerant munitiõnes, quas, ſub-
 jecto pulvere, & deſuper tormentis viginti quatuor, con-
 velli Princeps jubebat, ut undique patentibus incurſaret;
 oblata venia, acceptaque. Is erat obſidii dies ſeptimus &
 decimus. Dati qui deducerent cum equis ſignisque abeun-
 tes: & ægris currus ac navigia: ſed lex impoſita, tres intra
 meſes cis flumen Moſam arma ne ferrent. Duarum ferme
 horarum itinere Grolla Breſfurtum diſtat, ditiõnis ejusdem
 tenue oppidum, ſed tutela loci inter prima: quippe unus
 perpetuus agger oppidum permeat, nec alius præter hunc
 aditus, tenuem præter ſemitam. Cætera circum late ſepſe-
 re invia paludum & veſtigium recuſantia, quæ ut quiſque ac-
 ceſſit, hæret illuvie: non iter oppugnantibus, non caſtra
 manſuris. Nec reliqua ſegnius proviſa: murus antiqui ope-
 ris foſſa præalta cingebatur, Martini Roſſemii opus, cum
 quadraginta ante annos illic bellaret: trecenti intus milites
 pro modico oppidi ambitu ſatis placuere. Sed hos in præ-
 ſectum, cui Gardoto cognomentum, & oppidanos diſſidere
 rumor inceſſerat, quo major vis externo terrori ſperabatur.
 Haud tamen auditi qui deditiõnem ſagitabant, prægravan-
 te præſecti imperio, cui pro rebus præſentibus etiam ni-
 mium animi fuit, ſeu fiducia loci cætera concordēs in hoc
 conſenſerant. Pertendente Mauritio commovit militem tan-
 ta laboris ſpecies, & gravius adverſus vaſtas paludes quam
 cum hoſte certamen, ignarum maxime, quos gurgites atque
 voragines fallax ſoli natura occultaret. Nam & quæ ſolida
 quondam, uvido tunc cælo, & continuis imbris flumantia
 diffe-

1597.

*Grolla de-
diſio.**Breſfurti
obſidium
& expu-
gnatio.*

1597. differebantur, itinerisque limosa tenacia gravi ceno & ubique incerta erant; nec usquam humus unde aggerem sumerent. At ubi Princeps prætentatas ad Gertrudisbergam Covordiumque artes admolitus est, cuncta experiendo leniebantur. Et ipse hortator, idem monstratorque operis, parte copiarum sub Solmensi tribunoque Brederodio dimissa in utramque regionem, quæ portis respondet, quod medium ad Septentriones, difficillimumque sibi sumit. Humentia camporum virgultis adjectaque humo & saxis infarta, tum asseribus superpositis solidabantur, aquis altioribus scirpei fasces contexti natabant: ita facto solo impositæ crates ingesta terra binæ modicis intervallis: id in lubrico munimenti erat, quo visus magis quam tela hostium vitabantur. Perductusque agger tumulum usque non procul oppido existentem, insigni nautarum opera, queis mos pericula contemnere. Ibi viginti machinarum ponderi fundata sedes: tantumque octo intra dies laboris exhaustum est, ut perventum sit ad oppidi fossam. Sed aquas hinc derivandi nulla ratio, cum late patentibus campis incidentes imbres, infernaque scatebræ plus semper submitterent. Hac fiducia, & quod Fridericus Herenbergensis trecentos se milites auxilio per vada missurum promiserat, deditionem obsessi adhuc recusare. Res ipsa ad oppugnationem spectabat, nec desinebant duces, Angli maxime, multis illic suorum amissis incitare Principem, ut post imbelles fodiendi labores aliquando militem sanguine & præda animaret. Satis multa exstare clementiæ exempla, dandum & ultionis: esse, ut rerum omnium, ita veniæ modum, & fines, quos intra repugnare liceat & ignoscere, quando terror & moderatio in gloriam & usum, nimia facilitas in despectum ac fastidium vertat. Concedi sane publicis armorum commerciis & honori virtutis militaris, ne infelicem fortitudinem pro crimine victor interpretetur: at non, & si quis minas certumque exitium contemserit, pertinaces sine viribus moras impune semper tulisse. Iam tormentis turres & propugnaculorum summa conciderant; & quæ portam extra munimenta verberata diu in potestatem venerant. Valli ruinas corporibus & armis obsessi tuebantur, saxaque & glandes jactabant. Sola impetum fossa intercedens morabatur. Huc pons e subere, paratus in proximo, repente immittitur. Nautarum hæc quoque opera plena discriminis; ipsi etiam, ultra quam iustum ausi, vallum

vallum subruere coeptabant, spretis suorum quoque telis, quæ eam in partem ferebantur. Ponte viso velut miraculo attonita plebs oppidana, non animo, non manu competere; sed deferere alia, huc omnes concurrere. At ubi jam certo gradu, & velut per plana ingredientiæ vident adstare retro aciem fulgentibus signis, trucibus oculis, minaci ferro, & strepitus glandium loquendi audiendique vices ademerat, ostentantur capitum tegmina, oratæ pacis indicium: ad quæ, cum Mauritanii præter vulnera nihil redderent, illi in arcem integram adhuc refugi objecere insequentibus miserabilem turbam foeminarum & infantium, quam in genua sidentem protentis manibus, quamvis irato victori, sexus aut ætas conciliabat. In fuga interempti fere septuaginta; qui penetraverant continuo se atque arcem potestati Principis permiscere, qui lætus expleta ultione superesse veniæ locum, vitam dedit, pretiumque imposuit, quod expugnatori militi solveretur; in id obsides dilegit. Sed oppidanis & hoc postea remissum; habitationi recolendæ adversus incendium, quod ortum nocte globo ex ignito, qui extinctis aliis inobservatus domos plerasque corruperat, vetante suppressi flammam stramenti copia. Arque interim præfectus non minus odii suorum ob acerba imperia, quam iræ hostilis conscius, & metuens ne miles pertinaciam supplicio ducis expiaret, non communem cum aliis fugam intenderat, sed specu sub oppido nigra delitescens molliora tempora expectabat; unde protractus in lucem, ubi Mauritio adstitit, multum veteris contumaciæ retinens, incipit pro se differere, de fide partium, quæque alia fractis rebus haud tuto jactantur. Ad ea cum Princeps contra ingenium modo sævire coactus hoc ipsum illi imputaret, cuius proinde poena justius quam plebis aut manipularium sanguine tanta temeritas lueretur, & vox simul & vultus concidere; demissusque ad preces & lachrymas vitam retinuit. Pauci dies militi inter exhaustos exhauriendosque labores renovandis corporibus dati, nec leve ex præda solatium. Nam vicini undique velut tutissimum in receptum suas illuc sarcinas contulerant. Fœdo per imbres cœlo soloque Transisalanum iter imminebat, sævius bello, cuius pleraque terror confecerat: nec erant oppida, quæ prioribus comparares. Gova sponte deserta est: Enschedæ præsidiarii, pars obvii in itinere concisi; & qui remanserant admotæ tormenta videre tantum, idque satis fuit. Divisæ inde

1597. copiaz Othmarsum & Oldensaliam petiere. Priscam oppidi
Othmarso, utriusque originem a Marſis Saliſque (haud ignobiles Ger-
Oldensalia, maniaz populi fuerunt) nominibus indicari exiſtimant. Oth-
aliisque op- marſum, quod quinquennio ante oppreſſum amiſſumque re-
pidis poſt- tulimus, redditum nunc ſtatim: nec moram milites facie-
sur Mauri- bant, ſed ab hoſte impetraverant, ut mœnia tormentis per-
tiur. cutiendo ſpeciem augeter neceſſitatis. Oldensalia triduo
perſiſtit. Nam circumjecta oppido valla tria foſſasque cen-
turiaz ſex impleverant, verbo magis quam numero, ſed quæ
veteres ſtipendiorum majoris turbæ loco eſſe poterant. Ce-
lerem deditionem oppidanis ſe gratificari præferebant, ne
ædificia nullo moræ præmio lacerarentur. Simul hæc oppi-
da ceſſerant, decreto Transſalæanorum Ordinum dejectæ
munitiones, quia perficere haud dignum, & metus erat, ne
ſic relictæ hoſti reditum darent. Vnus adhuc, ſed arduus
propinqua jam hyeme, reſtabat labor, quo omne dextrum
Rheni latus pacaretur. Nam pars illa Germaniæ, quæ cum
Belgiſ in nomen imperiumque coaluit, ad ſolem orientem
accolas Weſtphalos, & prope littus Emdanos habet. In hoc
confinio Linga eſt, trans Amaſium flumen; Teclenborgiæ
Lingam domus hæreditas: ſed imperator Carolus, quo bello ſœdus
obſider. Smalcaldicum perculit, Maximiliano Burenſi in præmium
militiæ conceſſam poſſeſſionem inde in ſe traxerat; avidus
tranſeundi veteres terminos, ut & interioribus præſidium
obtenderet, & promineret ipſe in ripam ulteriorem, qua
Hamburgum & Brema Germaniæ maritime adeuntur. Civi-
lia per arma Arauſionenſis, quo tempore Belgarum ſecun-
diſſimis ſtudiis utebatur, inter cætera hanc urbem regionem-
que dono acceperat. Lingæ haud nimia firmitudo, quan-
quam Fridericus nuper Herenbergienſis tranſfugæ indicio
prælocare munimenta cœperat. Arx validior dimidius in or-
bes quatuor pari ſpatio ſinuatur: præſidium id temporis ſex-
centi erant, pedites plerique, modicus eques, ſed flos non
dubie partium regiarum. Plures ne contraheret, obſtabat
juramentum, quo, qui proximis exierant oppidis, militare
trans Rhenum intra tres meſes vetabantur. Notant, qui-
bus promptum ex eventu retro judicare, rectius facturos fuiſ-
ſe Hiſpanos, quando perrumpere obſidia ſpes nulla erat, ſi
nudatis cæteris in unum locum vires contraxiſſent: nunc,
cæteris perditis, ipſe Fridericus huc ſe contulerat, pro ulti-
mo præfecturæ munimento cunctis viribus certaturus; ade-
rantque

rantque tormenta ex ære & ferro, aliaque ad tutelam aut ul-
 tionem. Hoc contra oppidum Mauritius, præmissis qui
 Dincæ amnis transitum occuparent, subsecutus ipse quarto
 die trans Amasium sterit; ubi hostem invenit villas ac stabu-
 la incendio populantem, quo cogitur oppido longius per vi-
 cos militem disponere. Ea tum castra fuere, nullo hostis
 externi metu: proinde neglecta terga, frons leviter munie-
 batur adversus opposita tormentis tormenta, subitosque im-
 petus, quæ oblessi prorumpebant. Cælum hac tempesta-
 te clementius, & humus in colles placide tumens opus oc-
 cultum facile acceptabat. Penetrato, quod aquis maderet,
 specus patuere depressi oppidanis in pernitiem supergreden-
 tium, sed & globis succedentes Mauritanii obruebantur, vi-
 tanta, ut arx eorum ignibus colluceret: idque impunius
 tunc habitum, quia celerando itineri paucas machinas Prin-
 cept & leves convexerat. Majora iussa Amasii ostia subire,
 tardo navium nisu, dum ventus eodem quo amnis rapit.
 Quæ postquam advenerant, bellum omne circa arcem hæ-
 sit. Nam & Herenbergensis quod habebat roboris huc trans-
 tulerat, & Princeps oppido, ut mox suo, parcebat, ne
 oppugnando ex castris, & prius captum ex arce deformare-
 tur. Præcipuus & hic labor aquam deducere, nam fossam
 intra septo continebatur: cui munimentum præjacebat, de-
 fensum oblessis acriter, ita ut & suffossa ejus cuspidē novam
 molirentur. Sed ubi id omne vis longa eripuit, oppleta fos-
 sa, promotæ vineæ, tum demum fit denuntiatio, dilata
 hætenus ob toleratas prioribus obsidiis irrisiones, sed addi-
 tum, primam eandemque ultimam fore. Hoc audito He-
 renbergensis, & acceptis ab Alberto literis, quæ suam mi-
 litumque vitam servare in usus meliores jubebatur, obsidii
 die decimo sexto arcem oppidumque tradidit, armis consan-
 guineis exutus omni imperio, quod hætenus obtinebat.
 Tum reductus in hyberna miles; clarumque Principis redi-
 tum, quod trimestri tempore, nec magnis sanè copiis, tanta
 agrorum itinerumque spatia hostium stipendiis aut prædis
 crepta, objectu annium tuta in posterum reddidisset, ut fama
 externa, ita majora solito patrum ac plebis studia celebra-
 bant. Ac fuere Germaniæ principes, qui minus tum forte pro-
 speris Hungariæ rebus Turcico bello ducem ipsum palam in
 conventu destinarent. Non tamen integrum id illi gaudium
 fuit, sed corruptum mœrore domestico, dum soror ipsius,
 etiam

*Linga de-
ditur.*

*Magnis
Patrum
plebisque
studii re-
dux Mau-
ritius occi-
pitur.*

1594. etiam ex matre, Æmilia nuptiale fœdus peragit, clam fra-
Clandesti- trem Ordinesque; amore saucia, & quia tale ad factum fa-
mas sororis cilius venia quam assensus sperabatur. Intactam hæctenus eo
Æmilia malo Germanisque moribus Emanuel vultu & sermone pel-
nuptias a- lexerat, haud absurdus inter obsequii simulachra & misera-
gre fert. tionem ciere, quod juvenis regio sanguine per vim atque
injuriam paternis sedibus exfularet: Antonium enim patrem
ostentabat, cui breve in Lusitanos regnum. Hic cum fratre
Christophoro Galliam Angliamque & cuncta Philippo ho-
stilia oberrans, visa virgine, & quoties libuit adita, (quam
mos licentiam dabat, retentus ex veteri simplicitate, post-
quam ipsa periit) in spem Nassaviæ affinitatis inciderat, quan-
quam, præter cætera fortunæ, religio utrique patria diffide-
bat. Prohibiti conspectu Principis novi conjuges, lenien-
dæ ejus iræ Vesaliam concesserunt: inde regressi in Hollan-
diam, haud amplis facultatibus privatum intra modum vi-
vere spectabantur. Id eo tristius fuit in Arausionensi filia, Sa-
xonum nepte, quod ante, atque etiam tum, Borboniæ so-
rores auctoritate procerum & dicta e publico dote florentes
in domos magnis solennibus deducebantur. Quippe Palati-
no principi, ex his qui Imperatorem legunt, Ludovica Iu-
liana nuptam ierat: Henrico duci Bulionio Isabella: & Phi-
lippo comiti Hanoviensi, haud sperndæ inter Francones
opulentia, Catharina Belgica cognomento collocabatur.
Carolam vero, quam Brabantii quondam suo de nomine
dixerant, ambierat Claudius Tremolia stirpe, Tuartii dux,
apud Pictones claræ potentia: cujus conjugii ergo, simul
ad visendos cum matre Gallia mores, regemque, Henricus
Fridericus legationem liberam ab Ordinibus impetrarat.
Hyems haud innoxia perruptis Hollandiæ, qui in aquilo-
nem vergit, Groninganaeque aggeribus. Etiam Amsteloe-
dami renata sæpe incendia suspicionem doli hostilis fecerant.
Apud Archiduces pecuniæ manante inopia, seditio militum
latissime serpebat. Initio Geldræ facta Wachtendoncam
exemplum transiit: mox Caletum, Cameracum, Ardea,
Capella, Castelletum, Lira, Dorfanium, Clusa, Saxum
Gandavense contage eadem tentabantur. Alibi exacti du-
ces, alibi ipsi se ultro militibus junxere. Et ubi quibusdam
paulum numerari pecuniæ coeperat, id quiescentibus adhuc
incitamentum erat, ne inutile obsequium quam præmia li-
centiæ mallent. Hinc urbes præsidia abnuebant, atque ipse
cum

*Magna
Hispani
militia se-
ditio.*

cum comitatu suo Archidux Venloa exclusus, quod hyemis restabat, diversis belli pacisque artibus in annum sequentem continuavit. Emti proditores, qui Tholam insulam Hispanum inducerent, impia & infauusta consilia capite expiarunt. Et rursus, missum agmen, quod propugnaculum Bergarum ad Zomam, haud dum consummato opere, impetu caperet, & aliud quod Gertrudisbergæ portam irrumperet, exploratoribus indicata, abiere. At paci cuncta proniora. Nam & ipse Philippus fessus virium animique, dum bellum per Gallias externum, maritimum ab Anglia, in Belgica velut civile aspicit, exemplis edoctus, spes alias aliis corrumpi, sive & præceps morbisque fracta ipsum senectus ad mitiora consilia inclinaverat, condere arma, aut distrabere firmitatem nuper hostium societatem cupiebat. Plerique existimarunt potissimum illi visum, Gallico Batavicoque exsolvi bello, quo se promptius de Britannia vindicaret, sumtu brevior. Nam in Gallia Ambiano, circa Belgicam Transrhenanis urbibus amissis, auctas hostium, suæ vires imminutæ: vastatum & solum: exhausta fides: inde seditiones & nunquam constans sine stipendiis disciplina: & si militis pars aliqua mitteretur, urgente hac & illac hoste, suspectis ob ante acta Belgarum & nobilitate, & civitatibus, quantum vix alias, instare periculum: cum Batavis securus ager, sed præcipue apertum mare, daret multa, plura promitteret. Alberti certe ad Philippum interceptæ literæ, quæ talia loquebantur. Sed a Gallo incipere placuit, quippe id ob speciem etiam religionis haud indecorum, cum Pontifex Clemens sæpe monuisset, ne, recepto Romana ad sacra Borbonio, si ultra tenderet, priora etiam arma videri vellet movisse dominandi cupidine, quam cura pietatis: additis quæ pro concordia Christiani generis, & bello Turcico magnifice dicuntur. Quæ Philippus diu spectata, probare nunc demum cœperat, postquam profulas in Gallos largitiones, missos exercitus contra cecidisse videt, irritis quæ speraverat, & quæ poena nimia sperantibus, his, quæ tenebat avita, excussus. Nec displicebat Henrico sua recuperare, ut parto armis regno per otium frueretur, cunctaque diffidiis corrupta per annos quadraginta legibus firmaret. Et trahebant huc cunctantem Romanæ religionis homines, adversa quondam ipsi factio, nunc gratia primi. Quin per vias eunti objecta pauperum turba, quæ pacem suppliciter oraret. Conciliandorum regum honos obtigit Alexan-

*Philippus
in pacem
proditus.*

*A Gallo
incipit.*

1597. Alexandro Mediceo, Pontificis legato, & Bonaventuræ Calatagironi Siculo, principi sectæ Franciscanorum, qui non omittebant ostendere Gallo, inter armorum socios, belli præmia ejus esse qui pacem præriperet. Nec ante tamen ad colloquia venire voluit, quam fides ipsi facta pacis leges ejusmodi fore, quæis regnum Galliæ integrum retineret. Hac spe a Gallo Belleyrius & Brulardus, ab Alberto, cui pacis arbitrium Philippus permiserat, Mendosa, Taxis, Ricardotus & Marienlardus Fanum Quintini convenere, tarde admodum procedente negotio. Henricus interim, ne parum religiose foedus exuere videretur, Anglæ per Masseium demonstrat, lento bello, non ut hætenus tabescere, sed emori Galliam. Domos nobiles exhaustas præliis: populum egestate oppressum: jacere oppida diruta, incensa, squalientes agros, miserrimam principi speciem. Extremum malorum, quod & remedia deficerent. Quare ni propere sumtu sociorum exercitus sibi traderetur, qui posset uno impetu bellum abrumperere, quid se facturum, cum pacem & illi velint, quibus deferenda sint armorum præmia? operam tamen daturum, ut quas ipse leges pacisceretur, eisdem Reginæ sociisque uti liceret: quibus si non idem videretur, at nihil mirum, aliter consultare eos, qui salutem aut prædam bello quærerent, aliter, qui certa cum pernitie certaret. Quo minus fidem Regis accusare posset Elisabetha, & hoc accedebat, quod illa foedere quatuor millia auxilio ipsi pollicita, nuper, paucissimis consciiis, ut duobus contentus esset extorserat. Toleratumque id Gallo, dum vel vanæ societatis famam cupit retinere, sed ut meminisset injuriæ. Adversus Batavos non æque facilis color.

Inter Henricum & Philippum de pace agitur.

Henricus Elisabetha demonstrat pacem sibi esse necessariam.

Idem missio Buzanvalio apud Ordines facit.

Missus tamen Buzanvalius qui promissa præstitaque ab ipsis auxilia exigua diceret, ac plus Batavis pendere merces, quæ e Gallia avectarentur. Senferunt utrique artes regis armorum pertæsi; Elisabetha sua in Batavos impendia memorare. Nec Hibernia tacebatur, quæ eo tempore, quanquam fractis rebellium rebus, Iohannem Norisium & Thomam Borrugium, claros olim in Belgica duces, & illic etiam ægros æmulatu, non quidem prælio, at certe bello absumplerat. Itaque sic responsum temperabat, ut socii bello pergentis necessitatibus se non defore, ita, si pax placeret, adfuturam audiendis conditionibus. Soli Batavi facile cernere, se, quibuscum bellum commune gererent, ab his pace distingui. Nam reges inter, lex certa concordia, abstinere in posterum injuriis,

riis, factorum impunitatem accipere & dare: principem & populum si recomponas, alter rerum arbitrio potitur, alter luit, quod utrique peccatum est. Non ignari interim, quam arduum inirent certamen, si tota moles Hispaniæ in ipsos verteret, vim & fallaciam hostium jactare, his alios frustra deterere, offerre omnia: & Regi adversum Nannetas eunti præter socias cohortes, naves quantas vellet obsidendum ad Ligurim polliceri: majora insuper auxilia, si qua Belgarum Galliæ proxima invaderent. Sed & ipsi novis invitamentis tentabantur. Rex Philippus cum filias haberet duas, minorem Sabauda dederat, majorem Isabellam Claram Eugeniam nomine domi servabat, quo plures spe tanti matrimonii inescaret: Rudolpho quondam Imperatori, Ernestoque & Guisio duci sperata, postquam præcipuos sæcunditatis annos cœlebs transmiserat, Alberto tandem Austriaco despondetur; indignante, ut multi tradiderunt, Rudolfo imperatore, quod non sibi potius pridem petenti is honos habitus. Dotem Philippus Burgundiam cum Belgica dixerat: non tantum ut legitimæ hæredi adversus fratrem minorem divisione consulere, sed & conciliandis eorum animis qui desciverant: si quidem gratius Austriacum Hispanico nomen; quod illius familiæ vetera benefacta, hujus gentis recentes injuriæ memorarentur. Vana cuncta & irrita apud populos tenaces formidinis & libertatis, qui tot illas unius domus necessitudines & involucra, tum vi retenta, traditum nomen Belgici imperii, suspecta omnia arguebant. At partis alterius Belgæ ad literas, queis Philippus sibi decreta transmiserat, convenientia temporis respondere: invitos se avelli a Regis obsequio, cujus & justitiam & clementiam plurimis exemplis didicissent; nisi hoc etiam officii sui æstimarent; agnoscere principis jussu veram ejus effigiem. Inde in laudes dominorum recentium evecti, illius auditas, at hujus etiam visas virtutes celebrabant, unum orantes, ne rebus jam cum maxime afflictis opem subtraheret. Quæ ipsi cura religionis, quæ miseratio, externas etiam gentes innumeris obstrictas beneficiis fateri. Quanto justius adversus ultimam calamitatem, quam hinc hostis, inde proprius miles hoste non minus gravis minarentur, consultum iri optimæ filiæ, genero consanguineo, populis avitis, quos ob id ipsum suos arbitrari debeat, quod fierent alieni? id si ipsi filioque hæredi fixum maneret, nihil reculare Belgas, quominus quovis sub nomine eandem semper

1597.

*Qui & ipsi
a Philippo
tentantur.*

*Alberto fili-
am Phi-
lippus de-
spondet.
Dox illi
Burgundiam
cum Belgi-
ca.*

*Fœderatis
omnia sus-
pecta.*

*Belgarum
Hispanien-
sium ad
Philippi li-
teras re-
sponsum.*

maje-

majestatem venerarentur. Instabant seorsim Brabanti, maxime & Flandri, ut pacis cum Batavo invenirentur rationes: quod si ille debitas jamdudum poenas pertinacia accenderet, ambiendos Principes circum priscæ religionis, & Sacerdotes, ut causam communem armis aut alio subsidio præjuvarent: nam & si qui magnitudinem Hispanicam formidolosam habuissent, eos in sejunctam potentiam æquiores fore. Quæ, ut vero falsoque permixta fuerint, rerum, quas jam tradere incipiam, ordo aperiet.



HUGO-

HUGONIS GROTII
HISTORIARVM
DE REBVS
BELGICIS
LIBER SEPTIMVS.
SVMMARIVM.

Ordines prohibiti cum Hispanis commerciis ducum suorum peculatis frustra occurrere conantur. Batavici littoris vadis adherens ingens balena capitur. VVenda frustra tentatur. Discordia inter Germanos & Anglos origo. Germani Anglia exacti Middelburgi confidunt. Batavi alienis malis fruentes latius navigatus spargunt. Mucronis infelix audacia. Orta Trajecti turba sopiuntur. Foederati pro belli continuatione oratores in Galliam & Angliam mittunt. Elisabetha responsio. Oldenbarnveldius Gallo pacem frustra dissuadet; ejus in Foederatos liberalitas. Pacis inter Gallum & Hispanum leges. Foederatos iterum ad pacem hortatur Elisabetha. Novum inter Anglos & Batavos foedus. Philippus Belgicam Isabella transcribit; variis super transcriptionis legibus sermones. Albertus pacem apud Foederatos urgens non auditur. Militis Hispani seditio. Albertus in Hispaniam proficiscens Andream Anstracum Belgica praeficit. Mortis Philippi regis relatio. Discrepancia hominum de Philippi ingenio ac moribus judicium. Margareta Philippo tertio uxor ducitur. Comitibus Frisia Orientalis nova turba successu carent. Reformati Aquarumgrani damna patiuntur. Mendosa in Clivios & Juliacenses exercitum ducit. Nationum proxime Batavos Rhenum obsidentium descriptio. Orsam & Mulberrum Mendosa munit. Illato ab illo in Foederatos terrori obviam cum exercitu proficiscitur Mauritius. Magna inter Hispanos dissidia. Sibylla Clivia undique in Hispanum auxilia concit. Pagorum Germania brevis descriptio. Foederati Germanos frustra in Hispanos instigant. Bercam frustra opem ferente Mauritio Mendosa expugnat. Falkensteinus contra fidem datam ab Hispanis trucidatur. Vesalia cogitur Romanos ritus admittere. Resa & Emmerico Mendosa praesidia imponit; Isaliburgum irrumpit. Mauritius hosti in VVestfaliam aditum obstruit. Hispani in Germaniam hyematum abeunt. Emmericum ab hostili praesidio liberatum sibi cum Sevenaria a Mauritio permittitur. Clara per Belgicam funera. Hispanorum in Germania execranda flagitia.



Am foederati certe Ordines nihil cunctabantur veteribus in hostem odii signis nova aggerere, promulgata lege, ne qua bello aut navigio idonea ad Hispanos ac populos earundem partium vectarentur: inde altera, qua retentæ fruges

1598.

Ordines
commercii
cum Hispani-
is vetant.

1598.

ges vernaculæ, ne quæſito extra lucro domi penuriam facerent; at Flandria hoſtilis cunctis mercibus abſtinebatur. Quæ inter quæſtus avidos eoſdemque rerum compotes nunquam ſatis ſervata pax etiam Gallica reſolvit, adempto uſu & additis fraudibus. Tum habitis ordinandæ militiæ conſiliis deſcripta armatura, tam in eos, qui haſtis, quam qui tuborum majoribus ac minoribus, pede aut equo merebant; novæque turmæ compoſitæ e reditu agrorum, qui autumnſo proximo acceſſerant. At poſtquam ducum peculatibus occurri cœpit, jactata multum remedia experimento defecere, nec quicquam profuit turbam cujuſque centuriæ circumſcidiffe, manentibus ad fallendum latebris, per quas inaniti numeri, quo minores erant, eodem pernicioſius hiabant. Quin & ardentiffimos militum, & quibus plurimum virtutis, quanta eſſe venali ſæculo poteſt, centuriones invitatos haſtenus majoribus præmiis, dum ipſi avidius e publico ſumunt, contracta rapiendi licentia cæteris æquabant; unde crebra transfugia, & totas cohortes nudatura, ni hoſtium inopia reſpreſſi: quibus proſpectis, ſimulque Principis monitu proceres mala, quibus impares forent, agnovere. Alta interim trans Rhenum quies, quando tributa auxerat, movit nationes ut præfectos Mauritium ac Wilhelmum terrarum, aut pecuniæ, præmiis honeſtarent: etiam tunc repertis, qui grati animi teſtimonium ambitioſæ largitionis crimine infeſtarentur. Iam in menſem alterum procedente anno caſus rarus magis quam admirabilis, quia vera prodigia non ſuppetunt, oſtenti loco accipitur. Piſcem e balænarum genere, adeo non ignotum, ut maritimi homines nomen ſæpius viſi memorarent, auditum circa littus Hollandicum piſcatores in-ejus oræ proximum funibus pertraxerant. Berkheida iſ locus dicitur, Sceverinam inter alterumque vicum veterem e Cattis originem ipſo nomine teſtamentem, unde non procul exitus medio Rheni alveo fuit, ac nunc etiam ſubverſæ arcis veſtigia reſugus interdum aperit Oceanus, una operum Druiſi illa, ſeu Severi fuit, cui ex adverſa Britannia vocabulum majores indidere. Hic bellua ſeptuaginta pedum ſpatio porrecta, quod fluctus inter & arenæ tumulos propter ſurgentis littoris patet immenſo corpore oppleverat. Affluebat ſpectaculo viſ magna hominum nihil territa odore tetro, quem piſcis, poſtquam in ſolido exſpiraverat, ruptis jaciens viſceribus, ipſam maris auram ita infeſcerat, ut viſentium nonnullos morbis & exitio daret.

Vel

Mauritium & Wilhelmum præmiis honeſtans.

Bellua 70 pedum apud Berkheidam vadis adhaerens capitur.

Vel mediocriter sapientibus nihil minus mirum videri poterat, quam belluam unam, quales innumeras vasto recessu occultat Oceanus, hibernis fluctibus propulsam in vada, ubi æstu relabente adhæserat, irrita tantæ molis luctatione indicatam. Sed e vulgo, quæ libido cuncta interpretari, ipsaque naturæ aut fortunæ opera in partes trahere, alii optima spolia victosque hostes præcinere Batavis immanis feræ domitoribus, alii dira his omina denuntiare, qui suo e pelago tam fœdis monstris peterentur. Quæ tum etiam, cum scriptis ultro citroque certarentur, manifesta vanitatis annus insuper refellit, leguis, si prioribus conferatur. Quanquam & post aliquanto vitulam marinam in flumine, quod ejus novum videatur, captam Gorichemo haud longe, ad res sequentium temporum isto loco non procul gestas fuerunt qui ex eventu haud absurde retraherent. Hoc prope verum est, non alio anno plura contra spem cecidisse, factò initio ab hyeme tracta per inanes conatus. Nam ducibus præsidii Bergarum ad Zomam illectis ut pacto vigilis silentio Woudam irrumperent, quod castellum interius situm dimisso in æstuaria regio milite amnes habebat infestus; structor ejus doli, homo timidus non minus quam imprudens, simul ad discrimen ventum erat, suum ipse consilium fuga corruptit. At Mauritium classem in Flandriam expedientem nulla hominum culpa, vis major dejecit, cum sine intermissione venti sævientes projecta jam navigia everterent, cæteris non sine periculo refugia quærentur. Et forte acciderat proximis diebus, ut castellum ejusdem oræ, quod Birflitæ insulæ Zelandos ultra objaceret, præsidarii Galli Hispano emergenti traderent, tertio post anno, quam perfidia Walonis militis in Batavorum manus venerat. Ita pensatum dedecus & jactura. Sed & equites cædendis ad Limburgum centuriis inhiantes, vulgato itinere per altas nives vacui rediere. Iidem Iuliacenſi solo interceptos ad hostem commeatus superventu turmarum, Buricum juxta, non sine suo sanguine dimiserunt. Aliique Leodico & Treveris redeuntes hostili occurſu damna accepere: quæ levia & crebra partum anno priore Turnholtanum decus imminutum ibant. Pacis interim bona & aliorum bellis ignota Batavos non deferere. Quin & Germanorum Anglorumque discordia ipsorum in usus cesserant. Originem ejus certaminis, quando Belgicas partes eventu attingit, altius ordiar. Proximis sæculis summa mercaturæ Germanicas penes

1598.

Wouda
frustra tentatur.

Discordia
inter Germanos & Anglos origo.

1598.

nes civitates fuit, quorum quæ ad mare aut nobiles amnes sitæ, diversis e nationibus Venedis, Saxonibus, Borussis, Westfalibus ad septuaginta iustis commercii legibus in corpus unum coiere, firmato foedere, cui nomen Ansiatico factum est. Nec tantum superna Septentrionis & Belgarum portus Germanica industria frequentabantur, sed & Londini forum posuere: ubi, postquam fide & utilitate in publicum claruerant, permissum a regibus, ut modico vectigali res venales commutarent. Sed eo etiam tempore pascuus Britanniae ager prope solo lanicii proventu externis advectionibus respondebat, nec rudia præter vellera quicquam ex insula petebatur: donec Belgæ domestica pertæsi mala, & diversis de causis exsules, ut alia alias gentes, ita purgandæ inficiendæque lanæ usum Anglos docuere. Eduardi id principatu contigit, qui intentus novi quæstus partem ad ærarium trahere, sentiebat se Ansiaticis pactioibus impediri. Quæstis igitur criminibus, quæis olim concessa eriperentur, Britanni cuncta evertere, interim & offerre Germanis prisca jura, si pannorum onus pari cum civibus obsequio subirent, dictantes, nihil tam adversum imperantis officio, quam suis gravem parcere alienis, etiam pares sibi immunitates per Germaniam postulabant. Quæ contra Germani nihil proficere, reclamantes novis prorsus commentis empta sibi tercentum annorum meritis & quatuordecim regibus jurata infringi. Haud minus irritabat instituta Anglorum societas, quæ vestem aliis gentibus sufficiens vetera illorum compendia interverteret. Hinc invidia & ad Imperatorem querelæ, præsertim quo tempore per Albani & Elisabethæ dissidia Angli Belgica exacti trans Amasium concesserant. Corrumperere merces, & factione comprimere, indicio pretii ad alterum tantum adaucti, inculabantur. Subditorum jurgiis, literisque principum extracta tempora, donec per continuas mari prædas ingravescente Anglici nominis odio concitor, talium Philippus recentibus controversiis antiquas implicuit, Mendosa & Clementio ministris causæ tutelam apud Cæsarem suscipiens, nullo in Ansiaticos studio, sed quo offensas accenderet & mare hosti turbaret: quippe & Lubecam, caput foederis, missa legatione; cujus princeps erat Florus Barlæmontius, quo tempore & Dani regis auctoritas flectendos ad Batavos ambiebatur, increpabat Germanos, qui, præteritis Belgarum aliis, solas rebellium opes commercio attol-

attollerent, quod neutiquam mediis animi, nedum grati 1598.
 adversus tale Regis officium. Simul ad arma in Anglos su-
 menda promissis auxiliis frustra sollicitabantur. Miserant
 hæc postulata Germani ad civitates, quæ olim Anſiatici,
 nunc Belgici erant fœderis, cum literis offensionem pro-
 dentibus, invidia adversum populos mercatura validos, seu
 quia multis experimentis compertum, vicinas religiones
 acrius diffidere, Augustanosque Romanis, quanto senten-
 tiæ diversos, tanto studiis propiores. Hæc anno priore ge-
 sta; quo tandem Rudolphi imperatoris decreto Britanni,
 qui pannos excercerent, imperii Germanici finibus certum in-
 tra diem jubentur excedere: nec longius morandi spatium
 Regina Anſiaticis per Angliam indulſit. Initisque frustra
 colloquiis, cum convenire non potuiſſet, Angli Stado egreſ-
 ſi, quæ præcipua mercatus ſedes fuerat, ex quo Brugis
 quondam Antverpiam translata negotiatio, inde quoque
 bellorum malis migraverat, Batavorum urbes, amoto ad
 limitem bello, quaſi alta pace agitantes, legendæ ſtationi
 circuibant, quarum æmulatione oblatis certatim præmiis
 diſtrahebantur. Tandem conqueſti plerisque regionibus
 aquas eluendæ lanæ inutiles, Middelburgi apud Walachros
 conſedere, quo loci pars ejuſdem corporis jam olim immi-
 graverat, fractis obſidio & metu Antverpiæ rebus. Ordines,
 alliciendæ frequentiæ, quæ ad vectigalia & judicia per-
 tinebant, petentium deſideriis aptare. Quæſitæ diu An-
 glos inter Germanosque conditiones. Interim Batavi,
 quos jam ante Flandri domo extorres, Lugdunumque &
 Harlemum maxime infuſi lanificio auxerant, alienis undi-
 que malis fruebantur. Quin & Luſitania profugi, pars
 Iudæorum eo in regno reliquiæ, ne patriæ religionis inter-
 rogarentur, pars ob ſpem lucri majorem, urbis Amſtelo-
 dami magnitudinem præferebant. At navigatus quanto
 per Hiſpaniam diverſis impliciti periculis, tanto alium in
 orbem latius ſpargebantur. Naves e Baltico mari ad cen-
 tum & quinquaginta ventus idem attulit frumento graves,
 quod tanta mercantium aviditate aut ſuppreſſum eſt, aut
 eminus diſtractum, ut domeſtica annona nihil laxaretur:
 idque inter ejus Reipublicæ bona habitum, nec tantum ob
 quæſtus externos, verum quia neceſſitas onera ita diſtri-
 buit, ut cuncti facilius degant, quam qui agros colunt. Na-
 vigatum & mare interius Bizantium verſus Syriæque &

*Angli Ger-
mania,
Germani
Anglia exi-
ro juben-
tur.*

*Germani
Middel-
burgi con-
ſidens.*

*Batavi a-
lienis malis
fruentur.*

*Navigatus
latius ſpar-
gant.*

1598.

Ægypti portus, tum Ægei insulas, auspiciis Gallici aut Anglici nominis, quæ tuta Batavis fore Rex magnus sanxerat. Nec tamen vitarunt, quominus aut Hispanis intercepti, aut si hos vitabundi Maurorum littora Turcarumve remigem incidissent, cunctis inter se hostibus hostium loco haberentur: sæviore periculo, quia belli istius fortuna, cum maxime parcit, multat libertate. In quo mercatorum avaritiam merito accuses, qui naves virum armorumque inanes tot periculis obijciunt, ac ne juris quidem sui vindices barbarorum apud regias disponunt, contenti illorum ad patrocinium confugere, quorum alteros sibi adjungendo alteros sentiant infestiores. Gallos quippe & Anglos Batavi secuti sunt, ut ipsi quondam Venetos, ex quo Christianis suæ discordiæ aut compendia ante sanctissimam ejus nominis societatem fuere. Eodem vere, & quæ æstas continua fuit, naves haud minus octoginta justæ magnitudinis ad longinqua vectæ, pars auriferum Æthiopiarum littus petiere, pars Indos & Moluccas, Americam aliæ, vel quæ nostro orbi objacet, vel quæ trans Magallanicas Oceani fauces aditur. Minime novum est multos conatus quibusdam adversis locum dare. Navis itaque Zelandicarum una, quæ ad Indos mittebatur, circa Britanniam clavo vadis adhærescente, seu quia saburra defuit inclinata, totis laterum foribus, ad quæ tormenta locantur (nam forte apertæ erant) accepit mare, subitoque mersa homines ipsos & vim argenti exitio corripuit. Damnosa & Balthasaris Muceronis audacia fuit, qui insulam Æthiopici maris Bennino littori præjacentem prope Æquinoctii circulum, (principis ea dicitur) nec sterilem ipsam, & prætervehentibus opportunam, Lusitanis regique Philippo mercator eripere aggressus est, novum sibi imperium animo agitans, quod procures ac Mauritius petenti in prædam concesserant. Ducenti milites nautæque spe ampla exciti, fore ut sexcentorum florenorum vectigal annuum singuli possiderent. His præfecit Iulianum Clerhagium, inquieti animi centurionem, ac ne patriæ quidem, & magistratibus satis fidum, ut qui sub Licestrio seditionibus non tam abreptus, quam frui voluisse argueretur, aliosque juvenes, nec rebus sufficientes. Prima tamen blandiebantur, doloque per speciem epularum illecti in naves insulæ primores in verba privati hominis adiguntur, addita spe & Lusitanis æquorem Batavam quam Castellanam amicitiam fore, & indigenis

mitius

*Muceronis
infelix au-
dacia.*

mitius servitium. Iamque injecta solo semina, & alia prospere fluebant. Sed homines sponte etiam inexperta omnia præ notis veteribus metuentes loci sacerdos ad arma & cædes instigabat: quo concitore, & postquam is comprehensus velut juris imagine occiderat, eo supplicio asperata multitudini brevis interdum pacis acceptæque veniæ simulatio, perpetuum rebellandi consilium fuit. At legati Mucronis alii ex insidiis interemti, non sine suspicionibus in Clerhagium, ut inspectores amolientem, & qui superabant missa muniendi cura discordes inter se addebant hostibus insurgendi audaciam. Tandem & cœli intemperie morbis grassante, mortuo cum aliis Clerhagio, pauci incolumes, quibus præter nauticum victum nihil suppetebat, metu auxiliorum, quæ Lusitani proximis insulis & continentis ora advocaverant, tarde negligenterque structum præsidium deseruere: cum sero viri, arma, alimenta, quin & foeminæ, in spem nascentis coloniæ, e Batavis adventarent. Nec Angli interea cessabant, e quibus Comberlandus comes Vlyssiponem quadraginta privatorum navibus prætexuit, magno in Batavos usu, qui clausis Lusitanis soli Indiæ commercia obtinebant, nec minus insigni hostium confessione, qui unam prædonum classem non ausi suis littoribus depellere, antiquissimam penes se maris possessionem in posterum desperabant. Inde Fortunatas per insulas Americam delatus auri regii transvectores terrore continuit: sed mox irrupta insula, cui Porturico nomen, nihil præter prædam expetiit, fractus suorum morbis ut abscederet, an, ut sæpe ejus gentis alii, victoria uti ignarus. Sed Batavis suo in Oceano damna reponebantur, hostibus mare ad furta tantum usurpantibus, quos Dunkerca jam olim, nunc freto propius Caletum admovebat. Quo commori dolore piscatores, & si qui nautarum vim eandem senserant, centuriones classicos criminabantur occursum prædonum vitare, ut qui desperata salute in mortem & ultionem dimicarent. Quæsitâ malo remedia. Et erant qui naves prægraves hostiles intra portus suppressas crederent: sed fluctuum ventorumque vis adjuva hominum manu quamvis molem disiectura metuebatur. Ausus igitur, exædificatis novis, numerus navium, quæ proximè littus hostium excubarent, servandis egressibus, quæque inermibus aliis præsidio adsisterent. Pars justæ scrutari effugia, & mare velut decussando percurrere: Petroque

*Batavis
suo in
Oceano
damna.*

1598.

*Trajecti
propter no-
vam tributa
orta turba
sopiantur.*

Douſæ modica cum claſſe mandatur freti cuſtodia. Præci-
pua Ordinum cura, ut creſcente in ſe bello pariter reditus
auſtitarent : quod modeſte acceptum a plebe conſcia peri-
culorum : niſi quod Trajecto in urbe multitudo nova onera
ferocius recuſabat, quamdiu ſacri reditus, quos aliæ natio-
nes in publicos uſus erogarent, privatim detinerentur. Prin-
cipio institutionis Chriſtianæ, & ſubinde gliſcente ſtudio,
clara religionis civitas proventus collegerat, queis virum
virginumque cœtus diverſis Divum nominibus ſepoſiti pio ſe
otio ſuſtentarent, quod translatum exonerandam ad ſobo-
lem, veterem certe uſum jampridem, at, verſo per hæc arma
religionis vultu, etiam ſpeciem perdiderat, dum partim ju-
ventus literis operata ſolatum inde accipit, partim ignaviſſi-
mus quiſque gratia aut pretio partis per ſaginem & laſci-
viam abutitur : & tamen iidem eccleſiaſtico nomine in con-
ventu, qui imperat, in conſeſſu, qui decreta exſequitur, ſen-
tentiam dicunt primi eodemque jure quo tota nobilitas, quo
tertius ordo ; cujus partem alteram urbs, alteram oppida fa-
ciunt. Vix Procerum foederatorum Principiſque auctoritas
iram adverſus hæc vulgi, jam & exemplo metuendam com-
poſuit. Atque interim Rex Philippus re nummaria ut pote-
rat conſtituta, una cum belli minis promotum ibat pacis il-
lectamenta : ac quia per Belgicam, ut pecunia, ita milite
opus, & maxime fidebatur Hiſpano, præter novos delectus,
qui circa fines Belgicos agebantur, oppletas viris naves duas
de quadraginta, partem ejus claſſis, quam Britannia appul-
ſu per tempeſtates excidiſſe memoravimus, Caletum able-
gat. Cohortibus (erant millenariæ quatuor) Sancius Leiva,
ſummæ navium Pretendona imponitur : is vento obſecun-
dante, & Hollandi perſugæ ductu, pleraſque navali intulit,
dum Batavos freti cuſtodes adverſus turbo repellit : qui vix
obniſi paucas necdum portum intra receptas, littori impe-
gere. Namque id mandati Hiſpanus acceperat, ut, ſi vi ho-
ſtium urgeretur, contemptis navibus militem exponeret. In
potestatem una venit : contraque morem maritimi belli
captivis vita indulta eſt, quia inter conſultandum primi im-
petus tranſierant, & poſt ſævire inhumanius videbatur. At
quæ penetraverant, pars Germanis Danisque docentibus
ſuis oris exiſſe & per Hiſpaniam occupatas, Batavorum con-
ceſſu Oceanum tranſiere : cæteras armis inſtrui, ac majori
claſſe, quæ ad Caraniam ſtrueretur, novum mari bellum in-
ſurgere

*Philippus
claſſem Ca-
letum able-
gat.*

surgere rumor fuit, quippe mutata paucos intra dies Caleti
 possessione. Non multo post naves duæ dum e portu eodem
 furtivum in Hispaniam sperant iter, in manibus veniunt, opu-
 lentæ mercibus & multo milite, qui belli ac præmiorum sa-
 rur in patriam se otiumque retulerat. Inerant & literæ queis
 fensa noscerentur, donaque civitatum Fontano destinata,
 quæ ad ipsum Mauritius remisit. Adventus Hispani militis
 plebi haud usquequaque gratus, suo, bellicque odio. At Ar-
 chidux lætus indeptis, quorum egestas malorum sensu aut
 metu cuncta perculerat, coalitam Graviæ ob insoluta stipen-
 dia seditioem Hermannai Herenbergensis ministerio discus-
 tit; quanquam his placatis offendi plures, & inter istas velut
 versuras manere partibus inopiam captivi & literæ testaban-
 tur. Hic in utraque Belgica status ante secutam rerum illic
 mutationem fuit. Nam inter Galliæ Albertique legatos diu
 agitata colloquia in multam spem pacis jam venerant. Et
 Angla Cæcilium Burpleii filium suis arcanis intimum unaque
 Wilkesum eodem miserat. Quare ut legatos in Galliam de-
 stinarent foederatos Ordines res ipsa hortabatur: nec minus
 Elisabetha cupiens eosdem libera potestate instrui, ut cum
 suis legatis pace super & bello ex re consultarent: quod dis-
 plicuit, ne mox illi, si rejicere non liceret, vi regia preme-
 rentur. Sed bina decernitur legatio, honesto comitatu, qua-
 rum altera in Angliam abiret. Eam obiere Warmondus, sæ-
 pius jam dictus, utque illic etiam gratosus ob Gaditanæ ex-
 peditionis memoriam, cum Hottinga Frisio & Iohanne
 Werkio e Zelandia. In Galliam missi Iustinus Nassavius,
 maris Zelandici præfectus, & Iohannes Oldenbarneveldius
 Ordinum Hollandiæ princeps assessor, vir patriæ Reipublicæ
 scientissimus, ac proinde ea auctoritate, quantam quis sum-
 mam ope ingenii atque industriæ in libero populo consequi
 possit. Atque ego, cum alia multa, tum hoc mihi timendum
 video, ne si qui erunt exteri, quorum in manus ista venient,
 mirentur huius claritudinis nomina apud ipsos etiam cele-
 brata in nostram scriptionem tam raro incurrere. Verum
 me defendet istius imperii, aliorumque omnium nimia di-
 versitas. Nam ubi urbium acta referuntur, quas senatus aut
 populus regunt, si qua incidit sententia fortitudinis aut so-
 lertiae insignior, ejus suasoribus exsolvendæ gratiæ benigna
 occasio est; nec in regnis magnarum rerum administri la-
 tent. In Batavis cuncta concilii nomine perscribuntur, au-
 ctorum

1598.

*Naves Hi-
spanicae
duæ in Ba-
tavorum
potestatem
veniunt.*

*Archidux
militum se-
ditionem
Graviæ discus-
sit.*

*Ordines le-
gatos in
Galliam &
Angliam
mittunt.*

1598.

312

H V G O N I S

Trajecti
propter no-
ua tributa
orta turba
sopiantur.

Douſæ modica cum claſſe man-
pua Ordinum cura, ut creſcen-
auditarerent: quod modeſte ac-
culorum: niſi quod Trajecto
ferocius recuſabat, quamdiu ſa-
nes in publicos uſus erogarent,
cipio institutionis Chriſtianæ,
clara religionis civitas proveni-
virginumque cœtus diverſis Di-
otio ſuſtentarent, quod trans-
lem, veterem certe uſum jampi-
religionis vultu, etiam ſpeciem
ventus literis operata ſolatum
mus quiſque gratia aut pre-
viam abutitur: & tamen iude-
ventu, qui imperat, in conſeſ-
tentiam dicunt primi eodem
tertius ordo; cujus partem a-
ciunt. Vix Procerum fœde-
iram adverſus hæc vulgi, in-
poſuit. Atque interim Re-
rat conſtituta, una cum li-
lectamenta: ac quia per
opus, & maxime fidebat
qui circa fines Belgicos
de quadraginta, partem
ſu per tempeſtates exci-
gat. Cohortibus (eran-
ſummæ navium Præro-
dante, & Hollandi
dum Batavos freti co-
obniſi patikas needu-
gere. Namque id
itium urgeretur,
doreſtatem una
vita indu-

Philippus
claſſem Ca-
letum able-
gat.

plamur? Melius olim populi ac reges, qui
 crescentibus imperiis in tempore ob-
 ceteri suam in perniciem vincerentur. Scie-
 florum alia geri ut pax habeatur, alia quia
 est. Nam ut aquæ & ignis, quarum rerum
 est, ita eorum, qui imperare omnibus cu-
 servire alteri nolunt, perpetua & immortalis
 qua vindicari serum, imminentem antecapere
 gloriosum est. Non enim puniendis tantum in-
 revertendis, maxime regimen principibus & ar-
 ata. Ne tueretur se quidem, qui tueri contentus
 es animos irritat impunitas. Sive ut nos subigat,
 de nobis fortuna statuerit, Turcicum bellum
 endens Philippus semper armatus terræ mari-
 it: neque illo in armis agente Anglia esse pote-
 aut sumtu vacua. Hoc tantum quæritur, time-
 pulsare fortius sit; & justius insumere civium tri-
 hoste prædam. Societatem tibi nostram, Regi-
 stabimus, immensis ultro beneficiis obligati, quæ
 tua forte nonnihil, nostra autem, qui grati &
 operi volumus, summopere interest. Ad ea si quid
 cimus, quod, cum per onera præsentia amplius
 animi promittitudine commendaretur, id te me-
 quam nos dicere, est æquius. Illud quidem comper-
 majores etiam tuos de Belgicis nationibus, ob mo-
 am, ita æstimasse, ut amicos aut hostes magnum in
 momentum judicarent. Sed ex quo tu majorem de-
 quantum aliis virtutibus, tantum miserando ac bene-
 superasti, multæ Gallo, multæ nobis victoriæ, nec
 illustres tibi tuisque contigerunt. Ventura fors Dei
 potentis in manu est, quem etiam contra spes hu-
 secundum adhuc experimur. At quatenus futuri ju-
 sapienti- Tum est, cuncta quæ in bello fiduciam
 cives, ci, virtus clara Imperatoris, nihil
 e etiam possunt: hostis, nisi ex
 escat non habet: & quo latius
 magno ac prægravi imperio popu-
 quo casu si quando ille occupabi-
 legibus constituere, quem in poste-
 securitatis velint. Quod autem con-
 olet, non debere se quenquam alienæ
 causæ

1598. *Ætorum nulla memoria, quos etsi noveris, laudandi locum ambitiose quæsisse videaris, nec plurium vires offensas, quibus aliena gloria pro exprobratione ignaviæ est. Qui Angliam ierant legati multis argumentis Reginam a pacificatione deterrebant, etiam hortantes, ut, quod de auxiliis postulatum erat, Gallo aliquid gratificaretur, ipsumque sua sponte animatum per legatos ultra impelleret, veteres novasque injurias bello reparare potius, quam internas discordias in gentem inquietem accersere. Flexoque genu in morem ejus regiæ, cum priorum gratias liberaliter egissent: Cuncti, addunt, qui iustis ex armis ad pacem vocantur, considerare debent, verane ac solida pax, quæ offertur, an subdola atque incerta, bellumque contra ipsis formidolosum aut anceps, an pace securius sit. Nam otii bona frustra deferuntur, ubi quiescere tuto non licet. Te, Regina, ad pacem sollicitare dicitur Hispanus; cujus nos perfidiam cum immanitate conjunctam, & in cuncta dominandi libidinem accusare nihil necesse est, cum ipsius magistri palam doceant, religionis discordibus nec fidem deberi, nec quicquam divini humanique juris; alii nec hoc dissimulent, ordinem fatorum Occidenti rerum summam portendere, & ex usu esse Christiani Orbis, ut nullum usquam terrarum nisi Hispanum imperium sit. Quod si aliis principibus demonstranda sit Austriacæ familiæ impotens superbia, quæ illum gentilem sibi angulum cum ultimis Gadibus per incerta fœdera in hoc jamdudum continuat, ut, quantum Europæ utrumque intra finem jacet, id, quatenus suum nondum est, pro hostili habeat, tibi certe quæ ipsa passa, quæque periclitata es, nihil attinet memorare. Nam, per deum immortalem, qui non semel hoc regnum classibus petivit, hujus imperii populos in rebellionem armavit, fas autem omne eousque contempsit, ut in tuum sacrum caput percussores & veneficos immitteret, is quo nunc sit animo dubitarine etiam potest? Manent veteres causæ; neque tu de pietate quicquam, neque ille de avaritia mutavit. Hic tibi iusta piaque mente æquam pacem quærere videtur, an ut bellum, quod nunc tuis geritur, suis occasionibus gerat? Ille igitur, ut qui animo præsumtum habeat super res præsentis majus semper aliud agitandum, temporibus insidiabitur: nos autem tanto in discrimine socordi otio inescabimur, ut cum non possimus universi, resoluti, quod ille unice optat, fœdere,*

*Barbarorum ad
Elisabetham pro
belli comminatione
oratio.*

dere, singuli capiamur? Melius olim populi ac reges, qui ipsi adhuc illacessiti, crescentibus imperiis in tempore obviam ierunt, ne cæteri suam in perniciem vincerentur. Sciebant quippe bellorum alia geri ut pax habeatur, alia quia haberi non potest. Nam ut aquæ & ignis, quarum rerum contraria natura est, ita eorum, qui imperare omnibus cupiunt, & qui servire alteri nolunt, perpetua & immortalis pugna est: in qua vindicari serum, imminensem antecapere prudentis & gloriosum est. Non enim puniendis tantum injuriis, sed prævertendis, maxime regimen principibus & arma cælitus data. Ne tuetur se quidem, qui tueri contentus est. Nocentes animos irritat impunitas. Sive ut nos subigat, seu quicquid de nobis fortuna statuerit, Turcicum bellum aliaque prætendens Philippus semper armatus terræ marique incubabit: neque illo in armis agente Anglia esse poterit aut metu aut sumtu vacua. Hoc tantum quæritur, timere, an propulsare fortius sit; & justius insumere civium tributa, an ex hoste prædam. Societatem tibi nostram, Regina, non jactabimus, immensis ultro beneficiis obligati, quæ ne pereant, tua forte nonnihil, nostra autem, qui grati & esse & haberi volumus, summopere interest. Ad ea si quid vicissim fecimus, quod, cum per onera præsentia amplius non liceret, animi promptitudine commendaretur, id te meminisse, quam nos dicere, est æquius. Illud quidem comperitissimum, majores etiam tuos de Belgicis nationibus, ob mores ac situm, ita aestimasse, ut amicos aut hostes magnum in res suas momentum judicarent. Sed ex quo tu majorem decora, quantum aliis virtutibus, tantum miserando ac benemerendo superasti, multæ Gallo, multæ nobis victoriæ, nec minus illustres tibi tuisque contigerunt. Ventura sors Dei bellorum potentis in manu est, quem etiam contra spes humanas secundum adhuc experimur. At quatenus futuri iudicium sapienti concessum est, cuncta quæ in bello fiduciam indunt, cives, pecuniæ, loci, virtus clara Imperatoris, nihil imminuta apud nos augescere etiam possunt: hostis, nisi ex nostra discessione, unde crescat non habet: & quo latius regnat, eo expeditius in magno ac prægravi imperio populus aliquis jugum exuerit: quo casu si quando ille occupabitur, promptum erit aliis regibus constituere, quem in posterum esse modum suæ securitatis velint. Quod autem contra dici aut cogitari solet, non debere se quenquam alienæ causæ

1598.

causæ & discrimini ingerere, haud dicam immisericors sententia est, adversa humanitati, adversa principum gloriæ, quibus quod maximum est tollunt, qui benefacere non permittunt: obtineat sane, ubi quis non idipsum sibi præstat, quod alteri imputat. Verbo de nobis, re non minus de Anglia agitur. Nam qui periclitari Batavos sine se, at superesse se propter volunt, hi parum advertunt non æque facile fortunæ, ut suis quemque cupiditatibus, finem imponere. Nostrum igitur exitium vobisne ad vires addet aliquid, aut hosti demet de libidine, an verius de eo nec dubitat quisquam, nobis depaſtis trajecturum ad Britannos incendium, quos ut divitiis non postremos, ita ad periculum secundos fore? Quapropter quid intersit considerate, Batavo in solo, an hoc in littore, his pro ripis atque arcibus dimicetis: nosque socios communi salutis defensandæ vos habeatis, an nec volentes Hispanus ministros ad injuriam. Nam tribus e populis, qui hoc tempore mari plurimum pollent, si Batavi Hispanis accesserint, timendum est profecto ne durum Britannis certamen relinquunt, quibus Oceanus & classis sola regni munimenta sunt: simulque ne opulentia regum nemo Philippo par sit, si novi Orbis & Indiæ vectigalia, post domitam Lusitaniam bello hætenus infesta, semel in tuto locaverit. Ita postquam suæ ipsi vires satis placebunt, quas habuit hætenus odio minores, non magis usquam esse Anglis licebit, quam nunc in Germania licet, unde vos emittis edictis, ut profanos & nocentes, totis finibus extorres agit, &, quantum in ipso est, extra hominum commercia proturbat. Sed illud nobis ægre est, quod esse nonnullos audimus, qui clandestinis sermonibus exempli invidiam nobis objiciunt, & quasi coram Philippo defectionis reos agunt, quod cui gratificentur nihil nos attinet dicere: illud malumus rerum imperitia nescire, eos, quod sola novandi libidine per Gallias Hiberniamque audetur, ad id Batavos adactos excusatissima necessitate; qua alioquin confidentia obrectari auderent, quod reges armis, scriptis, foederibus probavere? Bonum avitum obtinemus, libertatem: ne quis hanc vocem perhorrescat, florentissimam eam credimus sub legitimo principatu. Atque adeo nec externa imperia formidavimus: & nunc, si quis vim, non nomina, inspicat, uni ducimur. Nobis, tibi, & cunctis imperiis, Regina, non aliud retinendi obsequii vinculum est, quam docere sub-

subditos, præsente ut statu contenti alterum nolint. Atque etiam vide, quanto ille perniciosius instituat exemplum, qui quomodo ipse dominandi causa voluntarium in servitium concessit, cuncta sceptrâ Romano sacerdotio submitti jubet, neque veto populos, quos ultro concitat largitionibus, sed reges ipsos rebelles vocat. Huic causa & obtentus belli nunquam deerit: spes ut aliquando desint, post Deum immortalem, in tua Regina est manu, si nobiscum vincere, paratis pro sociali fide ultima periclitari, quam amicorum ruina vim inimicam prolatare, tuamque constantiam tueri, quam beneficia destruere mavis. In consultando discors regia, validis utriusque sententiæ auctoribus, quorum mores & affectus noscere haud abs re erit, ut appareat quomodo suavorum ingenia publicis consiliis dominantur. Effexius, uti ante diximus, juvena gloriæque cupidine flagrans, ultra patrimonium largitor, totus ambiendis nobilibus, vulgi, militum studiis effusus, nullam in otio spem, multum in Batavorum amicitia fiduciâ habebat: quare dux ipse bello per Britanniam impositus pro bello nitebatur, negans omiti posse, ni una Reginæ securitas, existimatio, factique sumtus periclitarentur. E diverso Burgleius ex privato olim ad aulam summumque quæsturæ culmen vocatus, attenta ærarii cura, jam ultima præsertim ætate, cum dominæ parsimonia congruebat, magnis privatim divitiis incubans experientiæ vetus, & hinc auctoritate alterius gratiam præfulgens. Hic gravibus verbis Christianam laudans concordiam, disserebat, inter ancipites consiliorum eventus, quod pium honestumque foret pro certo sequendum: præfens denique commodum ante incerta suspicionum poni debere, pacemque non hosti magis quam Anglis incremento futuram. An vero adeo male notas patriæ vires, ut nisi volente Batavo salva esse non posset: cum interim & Gallus communi metu, & ipsi Batavi religionis cura, firmioribus ex necessitate, quam foedere, vinctulis adversus periculum neckerentur? Quin Hispanum infirmitatis suæ documento, & rebellionem Hibernam ac cætera facinora, nullo in pace subsidio sponte quietura. Elisabetha, seu vere ambigua animi, seu pacis metu alia omnia exprimere cupiens, respondit quæsito temperamento. Ab initio nihil se inconsultis sociis statuere voluisse: gratum vicissim, quod mentis suæ copiam facerent. Nec leves tamen Gallo, sibi que belli exuendi

Effexius cum Batavis bellum probas:

improbas Burgleius.

Elisabetha cum temperamento respondet.

1598. di causas, aut quo paci fiderent, amotis exercitibus fore: quippe cum Hispanus abdicatis, Belgis, erepta Gallia, totque aliis cladibus spes pristinas acciderit, & si resumere arma placeat, idem iterum deus & jus & vires in tempore suppeterent. Quod si in armis manere hortarentur, certiora offerri debuisset. Id primores Angli ita interpretabantur: nihil iniquius, quam fraudari reginam credito, modo per cavillationes, modo per falsas preces, quas palam urbium opulentia, & ad largitiones usque sufficiens aerarium resellerent. Nec magis tolerandum, quod propter quos Angli carendum haberent Hispaniæ commercio, ipsi suum quantum præ hostium fame ducerent, atque ita bellum nundinarentur. Tandem pacificationi ea mora interponitur, ut legati ab utrisque res Gallicas viserent. Missi eo a Regina memorati nobis antea Cæcilius ac Wilkesius, quibus ex colloquio ad Fanum Quintini spes pacis aliquantum refrixerat. Prætulerant enim Hispani, sociorum nomine, quibus pax Gallica prodesset, eos se demum velle comprehensos qui Romana Sacra servarent. Paulo serius Batavi advenere, ventis resstantibus. Andegavi Rex ea tempestate agebat, pacandæ Britanniae Armoricorum intentus, quam adhuc dux Mercurius e Lotharingis principibus, emortua partium gratia, per vim detinebat, tradito Hispanis Blavetta portu, quo mari propinquo auxilia penetrarent. Sed is, ubi paratum Regis exercitum, paratam & veniam videt, nec ignarus ubi bello finis immineat ab omnibus peccata postremis lui; conditiones non damnosas paciscitur & honorum velamenta. Rex tum forte matrimonii vacuus agitabat, pulsa domo Margareta Valesia: sed obnoxium, quamvis inter bella, amoribus animum, Gabrielis Estræa, mulier nobilis abducta pacti conjugis amplexibus, ita forma, perque blandimenta & artes devinxerat, ut ducatus aucta titulo, tum, quod in Gallia haud novum, supra uxoriam potentiam pellex insurgeret. Et numerabatur ipsa quoque inter causas emolliti ad pacem Regis animi, quo gaudiis securius frueretur. Huic filius ex Rege quadrimus eo tempore Cæsar vocabatur, quem Rex Mercurio (erat & huic filia vix infantes annos egressa) generum sponsonibus destinat, adjicitque pecuniam Mercurio, filio Vendocinæ ducatum & Britanniae præfecturam. His rebus simulque Hispanica pacificatione distentum Regem, & tamen si ea forte falleret, evocato Brittonum concilio

*Primores
Angli in
Batavos
iniquiores.*

*Cæcilius &
Wilkesius
in Galliam
mittuntur.*

*Gabrielis
Estræa
Henrici pel-
lex pacis illi
auctor cre-
ditur.*

cilio obsidium Blavettæ molientem, legati Batavorum in-
 veniunt: ducente Busanvalio, qui rerum illic agendarum
 sciens, Regique consultor & ipsis commendator aderat. *Legati Ba-
 tavorum
 ad Henri-
 cum ve-
 niunt.*
 Postquam comiter & sine ullo fastu excepta salus, incipit
 Oldenbarneveldius gravi & pressa (qui mos ipsi) facundia,
*Oldenbar-
 neveldius
 illi pacem
 dissuadet.*
 spes societatis extollere, urgere foedus tam recens: in eo
 servando fidem exigere, qua maxime regum auctoritas sta-
 ret, pacem suspectare. Adjecta Ordinum nomine promissa
 pecuniæ auxiliiorumque in posterum terrestrium ac nava-
 lium, quocunque Rex duci juberet, ut bellum aliquando His-
 spano reponeretur, & quæ alia eductum inter arma ingenium
 poterant incendere. Sed & apud delectos e regio consilio
 disseruere, quanto tutius ac gloriosius foret hostem ærarii
 inopem & anxium ambigua subditorum fide, suaque mala
 & merum hostili ex foedere pacis petitione testantem, exem-
 plum facere post futuris, nequis aliena imperia temere con-
 cupisceret. Aderant Angli, Batavorumque orationem si-
 lentio, interdum voce adjuvabant liberius sua benefacta
 commemorantes, & quam turpe præsentī utilitati juratam
 fidem postponere: de pecunia etiam quam mutuam de-
 derant interpellantes. Rex simpliciter egit, necessitates suas
 factus tardis remediis impares. Dubitare tamen an Caletum
 Blavettamque redditurus esset Hispanus; ni faceret, man-
 surum se in armis, gratias agens quod auxilia tam liberaliter
 pollicerentur. Legati Ordinum, si ea Regi sederet senten-
 tia, sperare se tamen dixere, adventum suum & quæ offe-
 rebant usui fore Galliæ, ut plura hostis concederet. Vi-
 ciissim, si pax coiret, orabant, maneret tamen ea societas,
 qua pace Gallica Batavi ad tacitam opem, bello Batavico
 Galli ad securitatem uterentur. Rex & amicitiam sibi & fru-
 ctum ipsis amicitie suæ constitutum respondit. Amota in
 præsens, quæ gentium commercia turbari solent: quan-
 tumque effectum sit sequentium temporum usus edocuit,
 cum Rex attentus servandis non minus, quam conquirendis
 pecuniis, tantum dedit tuendæ libertati, quantum vix pri-
 sci reges populis dabant, quorum libertati insidiabantur. *Henrici er-
 ga Foederato-
 res liberali-
 tas.*
 Prima liberalitas ducenties quadragies mille florenorum fuit,
 quæ in annos sequentes pro necessitatibus crevit. Scilicet
 memor & quo sociorum tempore accepisset, & quo suo red-
 deret non ut mutuum, sed ut beneficium exsolvebat. Ac-
 tum sollicitè, suum excusans, Ordinum laudabat consilium,
 quod

1598. quod defensionis insisterent, quando, non ut regibus, paucis consciis ad occasiones promptum esset exurgere, ita facile residem multitudinem nova necessitas armaret. Fovendæ Regis amicitiae, quia Lævinus Calvardus eo in munere vita excefferat, relinquitur in Gallia Franciscus Arsenius, cui pater Cornelius Ordinum foederatorum acta componebat. Multis jam argumentis constabat Hispanum Gallos exarmasse contentum, Anglos adhuc hostes malle, quam æquis legibus pacatos. Id causæ fuit, cur Batavi oratores Nassavius atque Oldenbarneveldius e Gallia in Angliam veherentur, digressa jam inde priori legatione, audaciamque usurpantes antehac formidatam, sermonem ita instituerent; si Regina Gallum sequeretur, nulla Batavis pericula pacis tanti fore ut immensum belli onus soli subirent. Suis scilicet simulatores artibus tentabantur, credito Anglos pacificationem ultra turbaturos, si ad eam induci Batavos posse sperassent. Simul Reginae, si bello insisteret, æqua omnia offerebantur, & de expediendo nomine spes transigendi; queis hætenus mota ut pacis actioni ad tempus supersederet. Atque interim Verbini (namque huc a Fano Quintini conventus transierat) opera legatorum inter duo eminentissima rei Christianæ capita pax coit, eisdem legibus, quæ novem & viginti ante annos Philippo & Henrico secundo conveniant. Accessere aliæ, quarum verba hic inferere non ejus sit, qui se rerum Belgicarum scriptorem profiteatur. In summa tamen, ut populis commercia, captivis libertas, egressis in sua postliminium esset: Hispanusque Carolesium comitatum recepturus eo nomine fidem clientelarem Galliae deberet: Gallo Caletum, perque Picardiam alia, uti tunc erant, & ultimo Blavetta, sed hæc dejectis, quæ Hispani munierant, redderetur: placuere hæc, tresque intra menses datis obsidibus transacta sunt. Sed injuriarum oblivio, & æterna in posteros concordia, sumtis in alterum armis alter nec opem ferret, nec suorum quenquam interesse pateretur, & si quid ambigui juris restabat, non fraude & vi, sed sub arbitris disceptarent, in speciem magis convenire, quam quod tantæ magnitudinis æqualitas aliquid ad amicitiam securum relinqueret. Suos uterque socios, reges, principes, populosque foederibus comprehenderunt: præcipue Philippus filia, cui Belgicam traditurus erat, & Sabaudocavit. Arschotius, Mendosa, Arembergius in Galliam ivere:

Batavorum apud Elisabetham simulatio.

Verbini inter Gallum & Hispanum pax coit: Ejus leges.

Legati utriusque juramentum exigunt.

ivere : Bruxellas Bironius dux a Rege missus , qui ab Alberto 1598.
vicem jurisjurandi exigeret ; ubi viri militaris animus impo-
tens , semperque fortuna ulterior , in perfidiam , quæ post
multo emicuit , corruptus dicitur. Festa utrinque omnia si-
gnificatione pacis , invisæ nonnullis , quorum virtus omnis
ac spes alienis malis alitur ; at lætæ in vulgus , non tam religio-
ne Christiani sanguinis , quam quia jus foro , securitas posses-
sionibus , redditus agris , viis commercia redibant. Galliæ tri-
ginta sex per annos cruentæ præliis , vastæ bello , primus tum
dies solidæ pacis illuxit , & regno quondam florentissimæ : no-
vetus reddita facies , sollicito Rege , ut , præfectis & magistra-
tibus in ordinem coactis , ipse rerum potens , Romanensibus
temporum ratione excusatus , alteram religionem professis
metum & injuriam arceret : cum Belgæ interim relictæ in ar-
mis , ut spem pacis , ita ex vicinis malis intervallum & sola-
tium amitterent. Sed Buzanvalium Rex ad Batavos remisit ,
quo teste amicitia , secretique commercii internuntio , bello
alieno suam pacem firmaret. Peractis Galliæ rebus , non mi-
nus grave regiæ societatis experimentum ab Anglia rece-
ptum est , acribus Elisabethæ flagitationibus , quæ Francisci
Verii verbis ad Ordines perlata , cum eodem tempore aliis
ad Albertum missis legatis spem pacis videri vellet retinere ,
cujus unam hætenus agebat moram , quod arma pro quibus
firmisset , eisdem sociis optaret deponere. Neque nunc quic-
quam a se Batavis præcipi ; sed æquum interim , qui bello
causam dedissent , ab his finiendi , si posset , si minus gerendi
in posterum rationes peti. Etiam sic satis gravem invidiam
sibi apud principes fore , quod sola Europæ paci obstaret. Il-
lud quidem nec Deus sinit , ut ingratis præscriptionibus elusa
exemplum regibus foret , abstinendi auxilio populorum , qui
nulla in eminentes reverentia , nec commodi , nisi sui , cura
tenerentur. Sentiebant Ordines uno se impetu obrui oneri-
bus antiquis , venturisque : sed vel nomen Anglicæ societatis
tanti erat , ut subirentur leges , quas ferebat potentior. Missi
igitur , qui in priore utraque legatione fuerant , simulque An-
dreas Hesselius tacitis mandatis , quæ ad centies usque centena
florenorum millia transigendi super pecuniis debitis facerent
potestatem. Regiæ varios fingenti metus , qui ipsam a bello
dehortarentur , eo tempore diversi casus ultro se offerebant.
Nam Iacobus Scotiæ rex Anglicanam hæreditatem , cuius
Elisabetha mentionem nullam ferebat , sibi palam addici
postu-

*Elisabetha
Fœderatos
isurum ad
pacem hor-
tasur.*

*Scotia rex
Anglica-
nam hære-
ditatem si-
bi palam
addici po-
stulat.*

1598.

*Burgleius
moribus-
dum Elisa-
betham ad
pacem hor-
tatur.*

postulans, nisi externa ope sustentatus, huc fiduciæ venisse non putabatur. Nec deerant, qui, comperto litteras ad Pontificem pervenisse Iacobo subscriptas, inde suspensiones atque odia accenderent. Super hæc Reginam Burgleius, senecta morboque æger, Deum & suprema sua testatus, oraverat, ut sibi non jam humanis obnoxio affectibus crederet, ipsaque eidem necessitati proxima, regno consuleret, paceque in terris constituta cœlestem pacem mereretur. Nec omittebat, quæ improspera per Americam evenerant, aut per Hiberniam metuebantur ostendere, & Belgicis armis finem vincendo non posse sperari. Hic ubi mortalitatem expleverat, & Eslexius vitandæ invidiæ confessum declinabat, vacua studiis & sui juris curia fortioribus consiliis patuit. Ad quam admissi sæpius Fœderatorum legati, adversus crediti exactionem tempora excusabant; professi, quod ad Hispaniensem negotiationem pertineret, nihil se intercedere, quominus & Angli, si ita videretur, velut Batavi solebant, pacati alicujus populi nomen ementirentur, nisi lucrosius crederent, armis, quæ cupias, quam pretio parare. Non tamen exorantur, quin octodecim ante annis, cum Antverpiæ jactura Anglum non minus quam Batavos terrebat, conceptum nec unquam pie servatum, fœdus tam longe aliam in formulam mutaretur, ut ipsa omni præstatione libera obstrictos alios teneret. Disputatum aliquamdiu de summa debiti, cum Angli delectus & vecturas & stipendia supra modum imputarent; pars altera mendaces numeros argueret, nec taceretur, Anglorum rapinas terra pelagoque tanti Batavo stetit, quanto omne æs alienum posset exsolvi. Tandem in octuagies centena millia florenorum perscripta cautione deciditur, quorum pars altera trecentis millibus annua pensione manente bello, eo confecto, si quid reliquum foret, vicens penderetur: alterius semissis de solutione, reddendisque oppidis, ubi data foret pacis occasio, benigne conveniret. Interim Angli ad mille centum & quinquaginta locis pignori datis præsidio essent: eo nomine damnati Ordines in ternos menses florenos quinquies mille & centenos numerare, tum quicquid præberi militibus mos habet. Remissa in posterum Reginæ mittendi auxilii pollicitatio: Angli qui sub signis erant, quique posthac conscriberentur, in sola Ordinum verba adacti, Ordinum imperio & sumtu militarent. Proinde per-

emta

*Novum in-
ter Anglos
& Batavos
fœdus.*

emta legati Anglicani, quæ prisco ex foedere fuerat; potestas invidiosa: retento jure, ut unus a Regina assessor lenatus daretur. Seu terra, seu mari hostis Reginæ, aut Regina hosti arma inferret, jubentur Batavi classem augere triginta aut quadraginta justis navibus: exercitum vero pedite ad quinque millia, equite ad quingentos. In hæc pacta conventa accepto utrinque latum quicquid retro debebatur, integro tamen jure, quod in Belgas Hispano subactos Regina sibi vindicaret. Et Horatii Palvicini Liguris, apud Elisabetham gratiosi, creditum ad octingenta millia florenorum exceptum hoc foedere, privatimque compositum est. Non erat cur Anglia pacem mallet, quam bellum tali foedere, quo & onere levabatur, & munimentum sibi circumdabat. Mox deprehensi iterum, qui in Elisabetham venenum parassent, & in Hibernia felice prælio captoque castello ferox Tironius, in societatem defectionis Momoniam trabens, animum illius asperavere. Nec magis Batavos, quanquam nova apud hostes rerum imago & multa invitamenta quærebantur, veteris propositi poenitebat. Clarescente in dies novi conjugii fama perlata ad Belgas literæ, misso Friaſio, quibus imperium in ipsos Isabellæ transcribatur. *Causa legesque pactorum quibus Philippus Isabella imperium Belgica transcripsit.* Causas legesque pactorum Philippus has vulgaverat. Quando destinatum sibi Pontificis venia, deque gentilium consensu filiam optime de se meritam agnato in manum dare, Belgarumque vel maxime interesset, ad spem pacis, aut præsens regimen coram principis ora ac nutus intueri, quod suis hætenus majoribus curis negatum, Belgicam se omnem ac singulas partes filiæ concedere cum Carolesia & Burgundia, quæ comitatus dicatur: simulque nomen Burgundiæ ducis, (quippe possessionem jam olim Galli obtinebant) ita tamen ut ejusdem tituli honorem ipse ac postfuturi Hispaniarum reges usurparent cum loco principe inter aureæ lanæ sodales, institutum proavis cœtum. Addita cuncta, quæ legum prudentes firmandis contractibus invenere, quo rectius jura principatus & obventiones hisque innexa onera in Isabellam ejusque posteros transirent. Insigniora hæc fuere, quod Philippus, clientelare vocabulum usurpans, dare se eas ditiones feudi aut subinfœdati nomine testabatur, quorum hoc iccirco adjectum videatur, quia pars magna terrarum sub majestatis imperatoris reverentia, quædam & sub Gallici imperii fide possidentur: tum, quod facta prioris sacramenti gratia

1598.

primores subditorum in Isabellæ verba jussu suo adigebat : ac si quid his tabulis contineretur , quod minus per leges liceret , id sanciebat summa atque regia potestate. Si matrimonium sine liberis solveretur , proleive mascula & muliebris unquam deficeret , prædictum , uti jus omne ad Hispaniæ dominos reverteretur. Datum tamen Alberti meritis , ut viduitatis solatium haberet Belgicæ præfecturam , & , si qua soboles superesset , usum fructumque ; sed ad hæredem nihil transmitteret præter ducatus Lucemburgici & comitatus Chiniaci vectigalia. Præscriptus & succedendi ordo , mas uti feminæ , inde robustior juniori , neposque etiam e filia majore minori filio anteponeretur. Dividere aut alienare ditiones , nisi placito regum Hispaniæ vetitum. Quoque pluribus viis donum ad auctores rediret , provisum , si qua mulier Belgicam in posterum adipisceretur , ea regnatori aut hæredi Hispaniæ in manum conveniret. Neu filio uxorem filive conditionem quærere principibus liceret , nisi Regum eorumdem arbitratu. Iubentur insuper Americæ & Indiæ commercio seque & suos abstinere : tum auspicantes imperium jurare in has leges , religionemque Romanam : quæ contra , si quid fieret , jus Belgicum Hispano committeretur. Signarat has tabulas pater , adhibitis testibus , pridie Nonas Majas ; eodem die filius idemque hæres , Philippus & hic nomine , assensum perscripserat , quæsitis anxie cautionibus adversum jura , quæ ætatis lubrico , aut ob paterni nominis reverentiam sua largientibus succurrunt. Varii sermones , ut in remagna , nec concordēs. Erant qui pravum morem arguerent , quod libera hominum capita , ceu privatum servitium , in censu ac commercio haberentur. Barbaris certe usurpatum , ut imperia donarent legarentve , quippe ignaris domino princeps quid intersit : at quibus aliud fas ac nefas , minime his ambiguum , rem esse populi , indeque dici rem publicam : cujus procurationem , ut apud alias gentes comitiis , aut senatui , ita apud plerasque principi permissam. Nec ullum omnino justum imperium nisi ex consensu gentium cœpisse , quæ tutelam omnium tñi aut homini , aut ob turbida suffragiorum familiæ crediderint , solo honoris pretio inductis ut sua posthabita civium utilitati studerent. Quod , ut ubique verum , ita in Belgis manifestius , qui nec armis subacti , nec ultro concupita servitute , sed definitis præmiis , & potestate , multa principibus non permiserint ;

*Varii discordesque
super Belgicæ
et transcriptions
sermones.*

sint; vetito inter prima, ne quam partem fidei suæ commis-
 sam abrumperent: itaque filias olim in pecunia, eaque non
 magna, dotem accepisse: cæteris liberorum præfecturas &
 minora munerum data. Quibus legibus frustra regium no-
 men opponi, Belgis incognitum. Gallicam quidem magni-
 tudinem (si exemplis uti libeat) non alio crevisse, quam quod
 collata in unum fortunæ dona nullus eventus divellat.
 Quanto autem gravis, quod regionibus bello exhaustis &
 involutis, quibus hostis in latere validus, intensa vicinia, &
 externa opulencia, si non adesset, quærenda fuerat, ea quæ
 centum per annos coaluit velut succus atque alimentum in-
 firmo corpori subducatur? Carolum tamen Imperatorem,
 cum privatæ quietis cupidus humanasque curas in filium
 transferens, legis munus tantum tempore anteverteret, pri-
 morum in concilio seque & filium stitisse, ne quid prisce mo-
 ris desideraretur. Nunc per epistolam abdicari, per episto-
 lam assumi regimen, visuque & alloquio dedignatos popu-
 los non in virilem saltem dominatum emancipari, cognito
 quanquam omni ab ævo nunquam levi malo constare Bel-
 gis forminarum imperia. Contra alii, utinam quidem hoc
 modo ab insolentia Hispanorum Belgæ bona fide vindica-
 rentur: amota belli causa facile inter partes conventurum:
 at non adeo veteres Philippo spes atque artes excedisse, ut
 Belgica seque & posteros exuat, quod securitatis Hispanicæ
 prælidium, & arcis in môrem Germaniam, Galliamque &
 Britanniam despectet. Sed, ut metum sui undique positus
 imminueret, repertum filia nomen, cui precarium jus, &
 sub domestica fiducia inanem possessionem dari. Quod nec
 his, quæ præferrentur, pactis satis dissimulatum, cum natis e
 conjugio, seu nullis liberis, eodem relaberetur imperium.
 Quanquam & hoc cui non perspectum, duos & triginta an-
 nos continuo cælibatu egressam virginem ab Hispanis di-
 missum non iri, nisi infœcundam aut crediderint, aut fece-
 rint? Quam vero illud pudendum, quod Belgæ sui juris sem-
 per populi, quorumque opibus Austriaca gens in Hispania
 ipsa, totque regnorum solio, & generis quodammodo hu-
 mani cervice confederit, externas palam leges subeant, in-
 que perpetuum moderandi tradantur Hispaniæ clientibus?
 Has inter fabulas aliæ literæ feruntur, quas Isabella, jam ut
 domina scripserat, Albertum jubens suo nomine posses-
 sionem capeſſere, mutuumque sacramentum, & cuncta impe-
 rantibus

*Albertum
 Isabella suo
 nomine pos-
 sessionem
 capeſſere ju-
 bet.*

1598. rantibus solita celebrare. Erat hoc adversum legibus, quæ coram inchoari imperium volunt. Quare non ausus veteri more iustum nationum concilium cogere, ac liberam facere consultandi potestatem, singulis seorsum verba præiturus legatos in hoc tantum Bruxellarum in duodevicesimum Calendas Septembres Albertus evocat. Sub idem tempus contracta circa urbem vi magna militum, quindecim peditum, duo equitum millia, metum factura contradicentibus. Itaque Ricardotus, in oratione quam pro Alberto habuit, cuncta Belgarum mala absentia principis imputabat. Hinc pro Brabantis respondit Masius, conquisitis, quæis novi principis gratia captari poterat. Vbi ventum ad res, nonnihil disputatum, ceu vetere Republica: factum, quod præsens necessitas poscebat. Atque ita plerisque temperatum, ut obsequio conditiones præscriberentur, si tres intra menses apertum fieret, nuptiarum ritus peractos, & ipse Majum intra mensem anni sequentis in Belgicam rediret: interim per rectores ducesque nihil novaretur: præfectum relinqueret sibi sanguine coherentem. Is electus Andreas, Cardinalis & ipse, cui pater Ferdinandus Comes Tirolensis, frater Maximiliani, qui Alberto genitor: maternum genus impar e Philippina Velsæra, cui origo Augusta Vindelicorum domo consulari. Additam, uti publicæ privatæque leges & cuncta Philippo jurata manerent. Vti præfecturæ minores arciumque custodiæ & judicum classes e Belgis instaurarentur. Vti Rex testificaretur, quod de feudo in cessione dictum, id Belgis fraudi non fore. Germano suoque militi Belgæ stipendia curarent, quantum ejus ærarium ferret: reliquum, & omne externi militis onus, Rex in se reciperet; Albertusque, contentus antiquis principum vectigalibus, extraordinariis tributis & quæ præsidjariis præstarentur, plebem levaret. Et in hunc quidem modum pro tempore parerent. Cæterum reverso cum uxore Alberto solenne sacramentum utrinque diceretur, concitis Belgicæ totius Ordinibus, quibus interim Albertus auctor fieret, ut ad conditiones cum Batavis possent descendere. Id quia acrius flagitabatur, nec absurdum putabat in pacificando pares paribus componere, ante discessum Albertus, qui legationem regiam mittere non ex dignitate judicabat, Ordinibus Hollandiæ Zelandiæque & eorundem sociis litteras inscripsit, quibus de conjugio & jure imperii ab Hispanis translato significabat: & sibi summum pacis studium,

*Albertus
per litteras
Fœderatos
ad pacem
hortatur.*

dium, & ipsis nihil restare cur paci diffiderent. Recte igitur 1598.
& ex officio facturos, si majori se Belgarum parti aggregarent. Ejus se negotii mandata penes Ordines suos reliquisse.

Similem in sententiam Mauritium frater Arausienensis, Arscotiusque & Haurechius precabantur, ut qua polleret apud Fœderatos auctoritate, ea ad optatum belli exitum uteretur: Idem facit Philippus Arausienensis, alii- que.

gloriosum id ipsi, nec minus in rem domus Nassaviæ futurum. Auditus & Daniel Molanus, privatus, sed clari nominis mercator, qui se mentito fratris morbo excitum Antverpiam, indeque Bruxellam ad colloquia Ricardoti, Assonvillæ, Abbatis Masolensis, Haurechii, ipsiusque tandem Alberti perductum memorabat. Summa sermonum, omnium consilia in pacem inclinata, nihilque omisso quo Batavis ejus fides fieret, dum principes agnoscerent, mansuram religionem, penesque ipsos & liberos Kemppublicam: de Mauritiū virtutibus ita Philippum judicare, ut nihil ejus honori detractum vellet; sed & Pannonici belli imperium ei destinaret. At Proceres, quanquam jamdudum certi bellare, magis etiam induruerant, interceptis Philippi literis contraria omnia præferentibus. Super quas accesserat Petri Danni Iprensis facinus, hominis vecordis, sed quales ferme paratissima periculosis sceleribus instrumenta sunt. Is suspectus

Fœderatis magis induruerant.

indiciis captusque, immersum se scenori, eque carcere in carcerem protrusum creditorum sævitia narrabat: quibus malis dum finem anxius quæreret, nec inveniret, penus mercimonio in Iesuitas Duacenses incidisse: quorum præses inducto sermone, quantum esset in rem Christianam meritum, hominem unum multorum exitio grassantem e medio tollere, animum jam ægrimonia exsternatum in cædem Mauritiū inflammasset: præmia filio, ipsique, & si eventus falleret, cælum pollicendo. Accessisse domestica uxoris hortamenta, quæ curis inquires, nec ærumnarum tolerans, spiritum in ipso virilem requireret. His instigatum se, cum idem ille præses sacri communionem & peccatorum veniam firmasset, accepto viatico Zelandiam advenisse, inde Lugdunum: sensimque oboriente turpis ausi conscientia, & discriminis metu tandem ad meliora flexisse animum. Quæ cum per intervalla sæpius repeteret, suo testimonio convictus, decimo Calendas Sextiles a Lugdunensibus magistratibus supplicio ultimo affectus fuerat, etiam de judicium superiorum sententia.

Petri Danni missi in Mauritiū percussoris supplicium.

Fuere in parte adversa, qui, pudore flagitii, rei gestæ ordinem

1598.

nem refellerent. Ut maximis mutationibus illustris hic annus, ita belli expeditionum diu quiescit: nisi cui libeat peditum paucos prope Noviomagum ab equitatu regio oppressos, rursusque trans Mosam Batavorum turmas casbo inter plures uno Mansfeldiorum non sine præda victrices, aliasque conatum parva, aut irrita in majus efferre. Causa otii, quia & Fœderati provisus ob necessitates sumptibus parcabant, & Albertus, studens oblatæ paci terrorem magnum circumdare, non ante progredi statuerat, quam redditis Gallo urbibus degressæ cohortes auxissent exercitum. Quædam insolitis stipendiis negant præsidia dimittere, & jam formidolosa in oppido Castelleto licentia ad exemplum spectabat, contracta illorum in usus pecunia interiores alibi efferabat: præsertim quia & Geldrensem nuper tumultum Herenbergensis nonnisi præsentibus summis & statim missione sanaverat. Ac primum querelæ & contumacia. At quo tempore Bruxellæ de novo constituendo principatu agebatur, ut fere circa imperiorum mutationes amat turbare miles, pluribus simul locis seditio exarserat. Præcipue, qui arcem Antverpiæ tenebant, Hispani pedites ad quingentos cum nonnullo equite, intenti in urbem sibi obnoxiam sceletum pretio incendebantur. Exæcto Augustino a Mexia, cui paruerant hætenus, manipularem sibi præficiunt, lingua procacem, & maxima in turbas culpa fidum sociis. Viginti duorum mensium reliqua, non Belgicæ tantum, sed & Italicæ militiæ numerabant: quæ dum expedirentur, interim cogeant oppidanos florenum in dies cum ejus quadrante equiti, dimidium pediti curare. Nec hac stetit injuria: pretiosa insuper vestis & suppellex cunctaque luxus instrumenta, etiam scorta, in contumeliam florentissimæ quondam civitatis, indicebantur. Ipso flagitandi more nihil superbius; tormenta explodebant, donec ultro, numquid juberet, interrogarentur. Iamque Liræ præsidarii sociare consilia cernebantur; & Lucemburgico in fine Walonicas cohortes abrupto obsequio palare nuntii ferebant, cum multis urbe diffugientibus hi, quos negotia aut possessiones suæ attinebant, pars illatam vim dissimulante Requesenio, alii Rhodæ irruptionem flammamque & sanguinem, præterita mala cum metu præsentis conferrent. Legati magistratuum præter excusationem publicæ paupertatis nullum ab Alberto solatium tulere; duravitque flagitiorum licentia in annum sequentem. Modestior

*Militia
Hispani se-
ditio.*

Rior paulo qui in arce Gandavi miles, suo contentus numero aliunde venientes haud acceptabat; quod in communi peccato quasi beneficium fuit. At Gravia in urbe non jam seditio, sed pugna inter se militum, cum Germani iuventibus oppidanis adversum Hispanos in arma prorumperent, spectatus confedit. Post quæ turbamenta Albertus belli eo festinantior, quod responsa a Mauritio & Foederatis nulla reddebantur, manuros in prædiis milites spe distulit: quantum corradî pecuniæ poterat ex Hispania aut per nominum fidem, in castra ituris distribuens, tum veteribus tum qui novi undique conscribebantur, multa supplementi copia e Gallis, qui pacem domesticam fugiebant. Re expensa in bellum, cumque peritissimis tribunorum, Rhenum transduci copias placuit; invadendis Batavis, aut ut Mauritiî labores, qui priores per annos pacata Frisia Foederatos parte belli altera absolverat, in irritum deducerentur: ubi laxa regio, tergoque per Germaniam patens, nec multum militum opibus egregias rei bene gerendæ occasiones præstabat. Vtque per se prudens erat consilium Batavos utrinque armis complecti, spoliare tributo, gravare prædiis, ita isti temporî nihil aptius, quam si accessio cum maxime ærario, & tamen copiis ingentibus, in hostico facile traducta hyems sua Batavos exemplo everteret. Medium sub autumnum propter Mosam annem convenire jubetur exercitus, cui Franciscus Mendosa imperaret, qui impletis pactiõibus e Gallia revererat. Quæ ubi in Batavis audita, iussu Bommeliæ insulam & interâ Mosæ præsidere Hohenloio, pars copiarum maxima Arnheimum ductu Principis coit. Interea Albertus capeffendo matrimonio imperioque iturus, prius, indulgente Pontifice Romano, Cardinali dignitate & Toletano antistitio se abdicans, Archiducis habitu in publicum prodit. Pileum sacrumque purpuram apud aram Divæ virginis sacraverat, quæ Hallis colitur Hænoviæ municipio. Celebre id sanum longinquo concursu, & prodigiis, quibus testatam numinis præsentiam accolis persuasum. Nam & principum spectabantur dona, & e plebe multi, erepti periculis aut morbis arte medica valentioribus, voto se exsolvent: quin & exanimis corporibus redisse spiritum major fama prodit. Plerasque narrationes aliquot post hæc gesta annis Iustus Lipsius Larina facundia illustravit, quo velut pignore Romanam religionem & imaginum reverentiam ob-

*Albertus
ad Mosam
convenire
exercitum
imperante
Mendosa
jubet.*

*Ecclesiasticis
dignitatibus
se abdicat.*

*Fanum
Hallense.*

1597.

*Albertus in
Hispaniam
proficiscens
Andream
Austria-
cum in Bel-
gica Prae-
fatum relin-
quit.*

signaret. Quanquam contra alii scripto disseruere, notas sacerdotum fraudes, aliaque in quæstum conficta, plura, quæ miracula dicantur, forte aut natura accidisse: & tamen veteres magos Egypti maxime, Tyaneumque & alios damnandi cultus magistros, cum sua placita operibus stupendis firmaverint, argumento esse nobis his demum habendam fidem, quæ uni Deo animos allegant, non alias adsciscunt tutelas, nec simulachrorum vetita superstitione pietatem corrumpunt. Postquam ex Asia, quam Cæsaris imperio regebat, Andreas properis literis excitus advenerat, post breves complexus & mandata, Albertus in Germaniam digreditur. Nobilissimi Belgarum comites addebantur, qui publico nomine gratias Regi agerent, matronæque & virgines novam principem deducturæ. Inter delectos Arausionensis fuit, quem plerique, ignari quanta vis esset consuetudinis, in Hispaniam redire mirabantur. Is, cum per Belgicam sua, quæ fiscus hauserat, recepisset, paternaque apud Batavos bona per fratrem, materna per Hohenloium procurarentur, de Arausionensi principatu sollicitus agebat; quem, liberum quanquam multo a tempore nec ulli obsequium debentem, per occasionem civilium armorum ingressi Gallorum circa rectores finito bello eandem licentiam retinebant: nuperque Mauritius misso Aldegondio frustra per colloquia aliasque artes possessionem affectaverat. Sed ille jam sperans Hispani apud regem Gallum commendatione aliquid profici posse, & hoc inter itineris causas habebat: quo cœpto cum jam altius Rheni scanderet ripam, in Palatinatam flexit, sororem Electoris matrimonio fulgentem tum primum visurus. At Archiducem Pragæ pergentem, ut cum fratre Imperatore arcana consiliorum participaret, creditumque Romani regis nomen Imperatorio proximum sperare, de morte Philippi Regis nuntii assequuntur. Ea res sic habet. Invalidum senecta corpus, & ante, & a vere præsertim proximo, articularum doloribus frangebatur, cum sub ætatem gravescere valetudo, cui ut remedium ex animi remissione quæreret, Laurentianum lætica deferri se jubet, quod immenso sumtu structum ipsi palatium, cum res interea Belgicæ pecuniæ penuria dilaberentur, inter clarissima hujus ævi monimenta visitur. Inde pinguis cæli & jactationis impatiens, ubi quieti redditus est, in febrem corrumpitur; solito nervi contractiores, simulque virus abditum ulceribus

*Albertus de
morte Phi-
lippi sic cer-
tior.
Ejus rela-
tio.*

ribus patescit, in quæ & crus tormentis inflammatum & pectus maxime defecerat. Hæc, ubi medicamentis admotis resoluta, saniem fudere, dictu tetrum, quanta vis pediculorum perpetuo secuta sit, ut quidem multis manibus circum laborantibus minima pars esset residuæ sordis quod excernebatur. Mox ubi debile corpus omnisque contactus impatiens mundari ultra nequibat, tam obscœna tæbe viscera exelus, firmo atque invicto adversum dolores animo, quod vitæ sibi restare intelligebat, ad mortis meditatamenta retulit: quippe ossium compagi insigne capitis regum imponi iubens, suosque subinde arrus filio & natæ ostentans, docebat, quam fragile esset, quod in rebus humanis maximum habetur. Inde fraternam inter ipsos concordiam, & Romanam fidem commendabat, tam serio, ut post sepulturæ ritus de parentalibus anxie caverit, interque solennes divum laudes oleo perunctus, & jam supremis appropinquans, Christi cruce pendentis imaginem eandem, quam pater olim moriens, contrectaret. Mandatis, quæ animum religione sollicitabant, editisque aliquot clementiæ exemplis, duodevicesimo Calendas Octobres mortalitatem explevit, quem ipse diem fatalem sibi vatis monitu prædixerat. Is finis Christianorum potentissimi fuit, & principum quotquot nascuntur ditissimi, annum agentis primum ætatis & septuagesimum, imperandi tertium & quadragesimum. Corporis habitus mediocris, nisi quod frons celsior, tum labia in modum Austriacis gentilem prominebant; vultusque tanto Belgæ propior, quanto moribus in Hispanum concesserat. Mitem ingenio libenter crederes: quippe & accessu comis, nec temere sæviebat; sed quoties dominationi expediret, famam clementiæ haud multum morabatur. Solertiam, quæ non perinde ut parenti adfuisse creditur, perfecit ætas & diligentia, cum parvus otii somnique majora ipse, non per ministros, tractaret. Quæ in majus tollentes Hispani æquant eum Solomonis laudibus. Pecuniæ usum gnarus, Imperatores, Pontifices, ferme quos vellet renuntiabat, arcana regnorum scrutabatur: adversus prospera & ruentia vultu, an & animo æquabili, sed conditus in dissimulationem, odii & suscipiendis indulgebat: spei improbior, & regnandi libidine cæcis veterum conferendus: religionis, quæ quidem in externis actibus versatur, servantissimus: circa imperii artes principum exemplo excusatus, & in his, quæ ut privatus

Philippi ingenium, & de eo hominum iudicia.

1598.

tus peccabat, laudatæ verecundiæ. Bella illi prima ab ætate fuere, sed præter Gallicum, quod juvenis vidit tantum, cætera per legatos administravit. De majoribus & posteris varie meritis, quorum imperium, ut Americanis provenitibus auxit, & Lusitaniæ accessione, ita amissis Goleta, Tuneto & Batavis dehonestavit. Et tamen in tempora paternis diversa incidisse notabatur, non eo sæculo, quo penes eosdem homines summa virtus & fortuna fuit, sed cum foeminas puerosque & imbelles æmulos, aut hostes haberet. Hæc ferme prudentiorum de eo judicia fuere. Alii ob partes infensi suscepta temere bella, perfide gesta, nec minus cruentam pacem per Hispaniam Belgicamque, in idem sævitæ concitas Gallias, pluraque mala publica & domestica exprobrabant; ipsam exitus foeditatem in argumentum trahentes: innoxias scilicet filii, uxoris Isabellæ umbras has patri, has marito pœnas irrogare, quomodo olim Herodes, (quicum pleraque mortum & fortunæ comparabatur) & regina Cyrenæorum Pheretime patrieidia lussent: aut hostem veræ religionis, omnium qui unquam fuissent æcerrimum, Antiochi illustris & Herodis alterius Cæsarisque Maximini, aut Tyrannum Cassandri & Sullæ libertatis oppressorum exemplis merito periüsse: quanquam claros sapientiæ, & juris, & carminum auctores, aliosque eodem morbo absumptos memoriæ proditum novimus. Regnorum hæreditatem crevit Philippus filius, cui nomen tertio factum est; tantæque opes nulla rerum mutatione transierunt. In Batavis tamen plurimi homines veteri simplicitate, qui principi, cui juratum esset, utcunque merito, perpetua se fide obstrictos hætenus crediderant, ea religione exsolvebantur. At per Hispaniam adversum Batavos acria consilia tum primum expediri cœpere, quæ famam de novo rege vulgatam, ut minus vegeti ingenii, redarguebant; nisi usû compertum foret, multa sæpe salubrius gesta sub principe, qui aliorum bene repertis aures & jussa commodaret, quam cui sapiendi fiducia contumaciæ addidisset. Sed hæc in tempore demonstrabuntur. E Bohemis Albertus in Italiam transgressus Veneto in solo Margaretam invenit, quæ annorum circitor quatuordecim pacta regis filio, tum regi Philippo dncebatur, eque Graico Pannonica urbe Tridentinas per Alpes Athesim versus descenderat. Frater puellæ Ferdinandus, cui, despecta Turcarum vicinitate, Austriacam gentem mu-

*Margareta
Philippo
tertio, per
Italiam co-
muniante
Alberto
uxor duci-
tur.*

can-

tandos ad ritus paranti compellere (nam a Romanis plerique discesserant) precibus primum, inde armis occursum. Sorores item duæ, Poloniæ regis, & Sigismundi Battoris Transilvaniæ regionis dynastiæ conjuges, infelix utraque matrimonii inter bella plusquam civilia. Nam & ille, dum Iesuitarum consiliis obsequitur vi patrui, cui Carolo nomen, patrio Sueonum regno pellebatur: & hic, iisdem auctoribus inductus, ut tributum barbaro negaret, tutandis mox suis impar, transferre principatum in Imperatorem cogitur, qui Maximiliano eum fratri regendum tradidit. Is erat, qui cum Poloniæ regnum contra Sueonem petisset victus gratia, deinde armis, captusque & dimissus, nomen tamen regium retinebat. At Battor titulo permutationis in agros Silesiæ detrusus, cum insuper conjugio spoliaretur, ut gignendæ familiæ inidoneus, mox tædio minoris fortunæ profugus uxorem vetusque imperium recepit, Turcarum auxilia minitans adversus obstitentes. Margaretæ mater aderat Bojocæ, quæ Imperatoris Ferdinandi neptis Carolo ejusdem filio nupsérat. Hoc illa conjugio nata, cum patre eundem patrumque magnum haberet, marito, cui magnus avunculus idem esset genitor, pari sorte componebatur. Ferrariam perlatus Pontifex Clemens (hanc ille urbem extincto Ateftinorum genere, cum Cæsar nomine, non iusto concubitu ortus vindicaret, minis & devotionibus magis quam armis sibi subegerat) admotis qui absentium Philippi & Isabella mandata & imagine fungerentur, solemnari ritu unius gentis bina fœdera connexuit. Mantuam inde profecti obviam Mediolani Sabaudum habuere, qui & ipse affines salutatum venerat. Sic inter Italiæ moras annus transactus est, cum modo sacra monimenta viserentur, sæpius opulentas per urbes, certantibus amicorum & subditorum studiis, clara sumtu & arte spectacula Austriacam magnitudinem, & suas Alberto victorias repræsentarent. Sed occasione itineris in externa, nec tamen domesticis abjuncta, digressus, priusquam expeditionem ad Rhenum repetam, pauca finitimis de rebus memorabo, quæ turbatiores hoc tempore bellantibus inter occasiones fuere. Edsardus Transmarisianorum comes Delphizilianis pactionibus velut per vim expressis offensus ad Imperatorem provocarat. Imperator, qui nec externa in rebus Germanicas arbitria probare poterat, nec exitum videret eorum, quæ nolente civitate decernerentur, hanc tan-

1598.

*Nuptiali
fœdere Cle-
mens Fer-
raria Phi-
lippum
Margare-
ta, Alber-
tum Isabel-
la solenni-
ter conno-
tavit.*

*Comitis
Edsardi
nova in
Frifia O-
rientali
turba.*

1598.

tandem rationem reperit, ut abrogatis Delphizylanis legibus ipse eadem prope omnia imperaret. Spe irritus Comes cum aliquamdiu augendæ potestatis tempora respexisset, hoc anno civitatem turbis sumtibusque exhaustam, ita ut pecuniam, quam ex pacto debebat, aliaque necessaria nisi novorum onerum indictione, expedire non posset, intestinis discordiis miscere aggreditur. Missi in urbem filii duo, alimentum tumultus: quæsitique e vulgo, qui alios vectigali infensos, quod e novemdecim plebis sodalitatibus diuæ recusabant, aut a publica religione diversos contraherent, portasque remolirentur inituro militi, quem alia prætexens in hanc causam acciverat. Sed edita conjuratione, irati magistratus apud Comitibus liberos paterna de perfidia queruntur: & morte affectis, apud quos mandata tumultus concienti reperiebantur, exilium cæteris ejusdem factionis popularibus, aut multam irrogant. Erat inter principes seditionis Grunius, homo domi clarus & magnarum necessitudinum, affinem inter alios Wilhelmum habebat. Is Iohannis Funkii, qui rebus olim Belgicis per Hispaniam præfederat, agnatus, hæud ita dudum specie privatorum negotiorum in Batavos venerat. Sed deprehensus mandata Alberti ad Edsardum ferre, & quæ ea essent rogatus, nihil aliud nisi Hispanicis copiis per agros Transamagianorum peti transitum responderat; quanquam erat credibilius & acceptis jam ante indicibus congruentius, de ipso jure comitatus cum aliis in Burgundia, aut apud Lucemburgum bonis, permutando agi. Hac ille de causa aliquandiu asservatus, ut consilia saltem mora eluderentur, tandem soluta pecunia evaserat, ut violata fide publica belli jure captivus. Sed ejus Funkii hoc tempore repertæ ad Edsardum literæ, quæ hortabatur, ne Germaniam ultra spectaret, aliasve spes longinquas, aut irritas, toties elusus; sola vi Hispanica posse in imperium restitui: sed dandum societati pretium, ut ad tempus metari in agro castra liceret, ultionique rebellium in amnis ostia & propinquum sinum classem inducere. Quas ob causas oratus præfectus Frisorum Wilhelmus, ut paratum ad necessitates subsidium haberet, recepit curam: atque interrim jubet proximis e locis instructum exercitumque militem, exauctoratum a se, in urbem & ejus sacramentum transire. Inde, & si quid aliunde conquiri potuit, firmiore jam civium concordia, quia conjuratio ad cædes & incendium spectasse fere-

*Successu
carens.*

*Frisorum
præfectus
Wilhelmus
Frifius O-
rientalibus
contra Co-
mitem sub-
sidium
mittit.*

ferebatur, sed ipsius armorum rudibus ac trepidis, eoque 1598.
 alieni praesidii egenis vexillum ad homines trecentos con-
 scribitur. At Comes, velut accepta non illata injuria, ultro
 civitatem dicendam ad causam coram Senatu imperatorio
 vocat, multa queribundus, quod Batavus miles sua praedia
 popularetur, quod extremis suppliciis in immeritos saevif-
 sent, quibus lege agere sine se inconcessum, suosque libe-
 ros indignis modis tractassent; adacta & juventute nova in
 verba, quae debitam principi fidem exuerent. Ita verbis ad-
 huc judicia, conatu nihil non hostile agitabant. At filii Co-
 mitis ambo regi Polono, cujus amita prognati erant, inane
 auxilium ivere, ibique paucis navibus Emdanos exsules, tu-
 multuum causa urbe pulsos, imponunt, additis mandatis
 ut adversus ejus injuriae auctores jus armis dicerent. Dedit-
 que honori affinitatis Polonus, ut civitatem, si contumax
 perstaret, commercio se interdicturum minaretur; scriptis
 eandem in rem ad Ordines foederatos literis, ut multo cum
 fastu, ita mirantibus aliis, quod avito Sueonum imperio ex-
 torris & inultus tam longe absitis leges praescriberet. Holsa-
 tus quoque dux, cujus natam Enno Edsardi filius conjugem
 duxerat, Emdanos mercatu abstinebat, naves suum in lit-
 tus advectas retentans. Paria apud Danum & Hispanos ten-
 tabantur. Aquarumgrani dissidia longius protracta, vete-
 res inter magistratus, quibus dux Iuliacensis aderat, gentili
 jure urbis patronus, & eos, qui specie judiciorum exactis
 aliis rempublicam obtinebant. Mox neutiquam obscuro
 Hispani impulsu per Mendosam & Clementium praecipitatae
 ambages magnis auditoriis solitae, damnataeque Spirensi ju-
 dicio occupatores: sed cum praestitutum intra diem judica-
 tum non facerent, hostes Imperii pronunciantur. De qui-
 bus ita decretum est, his opem ferre nec fas nec tutum;
 ipsos offendere, necare sine fraude est, bona in praedam ce-
 dunt. Anno mos iterari proscriptionem saevioribus verbis.
 Feccialis, postquam cuncta ritu solemniter condixerat, proxi-
 mos Germanorum, Iuliacensem, simulque Coloniae & Tre-
 vironum episcopos manu militari defendere jus dicentis au-
 thoritatem jubet. His visum Alberti vires, paratum auxi-
 lium, assumere. Iamque Aquisgranensi territorio praesidia
 poni, jam pecora & quod in agris obvium per Iuliaci Lim-
 burgique militem trahi coeperat. Nec penes illos stetit, quo-
 minus nobilis Caroli Magni regia, politarumque intra Alpes
 regio-

*Comitis
guarda.*

*Dissidia
Aquarum-
grani lon-
gius pro-
tracta in dam-
num Re-
formatio-
rum co-
eunt.*

1598. regionum diu caput, & in hunc diem capeffendis Imperii auri-
guriis Romæ & Mediolano æquata fedes, integris Germa-
niæ rebus excinderetur. Perculsi rectores, quos professio-
nis Augustanæ principum gratia & pollicitationes tam re-
pentis mali improvidos fecerant, cum hinc venientem sub
Mendosa exercitum, inde belli Hungarici delectus, ut sibi
imminentia, pavererent, nullis contra munimentis, decli-
nandæ invidiæ urbis imperium populo permittunt. Is pre-
catorem aut arbitrum sibi legit Agrippinensium antistitem,
qui iustis legibus pacem redderet: Ita vitatum exitium: sed
mutati ritus qui per annos quadraginta invaluerant. Nam
ingressa urbem præsidio summa atque infima munerum Ro-
manensibus mandantur, demotis quos ab ipsis & inter se
discordes Lutheri & Calvini sectatores nominabant. Qui
honores gesserant, primum privatam intra custodiam dati,
exin multis Belgarum comitantibus, quos ob civiles discor-
dias olim profugos eadem illuc mala sequebantur, gravio-
rum metu, nec adversariis nolentibus, ad Batavos, pars
alio fugere. Inter reductos exules Engelbertus fuit, qui fœ-
deratis in partibus turmæ quondam ductor, cunctis milita-
ribus vitiis quam ulla virtute cognitus, impetrato apud con-
siliium Spirense pignerandi jure, quod stipendia non soluta
diceret, in Belgas mercatores injecta manu, per domos cum
hasta & fectoribus vagabatur. Allectum in urbanum tribu-
nal atque eo ferociorem, unæ atque alteræ Ordinum literæ
compresserunt; iniquum ferentes, nec tolerandi exempli
publicam causam inter privatos agi, apud judices verum fal-
sumque nomen haud facile discreturos, & ni mos gereretur,
adjectis minis. Paritum protinus, cum olim nullis prope in
regnis Belgæ homines talis injuriæ securi agerent. Sed vetus
est, nec documentis egens, prout arma partium & vires sunt,
ita jura temperari. In Cliviis imperium omne consiliarii ad-
huc ducis obtinebant, Austriacana factio. Ne Berca qui-
dem a Batavis capta moverant se imminentes hæreditati prin-
cipes. Primores sane Cliviorum ac Iuliacensium, velut ad
Ordines nationum morbidum Principis spectante tutela con-
sultarant de conscribendis copiis, equitum bis mille, sex
mille peditum, in speciem defensandis finibus, reipsa ut rem-
publicam occuparent. Sed ubi de ductore agi coëptum, aliis
Iohannem Nassavium, Hohenloium aliis laudantibus, nec
inveniendi stipendii expedita ratio, longa deliberatio tem-
pus

pus adversariis firmandæ potentiaë dedit. Hæc atque alia non magis metuendos Batavis Mendosæ paratus quam suspectos Germaniæ fecerant. Trahebat ille Hispanorum centurias duas & sexaginta, Italorum novemdecim, Hibernicas duas, tum e Germanis cohortes quatuor denarum aut ultra centuriarum, totidem e Walonibus, Burgundicam unam: quorum omnis numerus peditum ad viginti millia ferebatur. Lancearii Epirotæ turmas sex, Hispani duas, Belgæ item duas fecerant: quinque alias tubi minores plerique e Belgis, & octo majores ex Hispanis Italisque; equites omnes haud multo supra bis mille. Nam cæteri ad turmas duodecim circum Brabantos adversus improvisa præsidium relinquebantur. Multo a tempore haud majores Regiæ copiæ, quarum speciem famamque ingens calorum lixarumque turba, & carrorum mille septies strepitus geminabat: nunquam certe lætior sub Hispanis Belgicæ facies fuit. Quippe tanta mole armorum levata oppida agrique, præcipue quæ Gallis adita, longis e malis respirabant. Etiam hostis procul alio versus securitati fiduciam addiderat. Exercitum omnem secundus a Mendosa, per invalidam Mansfeldii senectam, regebat Fridericus Herenbergensis, castrorum Præfecti vocabulo. Mosam Trajecto equites, diversi Venloa, ac Rurimunda alii transiere. Inde Iuliacorum per terras Agrippinensesque & alia Germanici nominis, lato itinere, nec ullo inter inermes populos metu, Rheni ripam petebant. Præmissus Barlota dux frequens rebus audaciam aut celeritatem poscentibus, quantum pontonum cymbarumque in amne repertum unum in locum Bonnam inter & Coloniam compellit; & traductis illac octingentis suorum, machinisque levioribus (colubros quos vocant) duabus, naves Batavorum præsidium agitantibus Bercam usque fugat. Ita pluribus militum assumptis vacuo flumine & ulteriore ripa potitur. Gravi interrim & licentioso agmine pacatos populos premens Mendosa, quorum querelas effugere non poterat, injuriis moderari aspernabatur. Nam & multorum passim conscientia aderat, nec ignarum divulsam discordemque Germaniam, & veteris armorum gloriaë desuetam: ipsi animus tantum principi fidus, dumque jussa perageret, externæ famæ & sine viribus odii contemtor. Haud absurdum fuerit, quando nos res ipsa huc locorum duxit, eas nationes, quæ proxime Batavos Rhenum obsident, sub principum aut episcoporum do-

1598.

*Mendosa in
Clivios &
Iuliacenses
exercitus
ducit.*

*Maxima
tunc Regis
copia.*

*Fridericus
Herenber-
gensis, se-
cundus a
Mendosa
exercitus
dux.*

*Barlota
Batavo-
rum naves
Bercam fu-
gat.*

*Nationum,
Rhenum
proxime
Batavos ob-
sidentium,
descriptio.*

Y

minatu,

1598.

minatu, imperii jamdudum Teutisci partes, situsque ordinem perscribere. Vetera certe nomina cum recentibus contendere speciosius quam verius possem: nam & prisci auctores parum introspecta Germania haud eadem memoravere; turbata mox omnia crebris gentium inter se migrationibus: tum obscuritatem auxere secuti interpretes, antiquam famam ad suæ quisque gentis decora trahendo. Hoc ferme asseram, supra Batavos, qui extra insulam Gallicæ oræ proxima tenuerunt, quod Rhenum inter & Mosam pater, & pauca trans utrumque flumen loca silvoso quondam ac palustri solo, priscas Menapiorum sedes fuisse, a quibus Eburones cognatæque his nationes, unde primum Germanorum est ortum nomen, Tungri dicti, posterius Mosellam & Treviros, notum amnem & populum attingebant. Tergum Nervii cum clientibus suis Scaldi amne, quem ultra Morini, & Arduenna saltu complectebantur, qui nunc fines Belgicarum, quæ sub ducibus Burgundionibus fuit, a Francorum regno determinant. Sed postquam Vbios e regione, quæ Treviros contra est, in partem alteram Agrippa traduxit, aut transgressos ultro in fidem accepit, præsertim addita ab eis nepte Romanorum colonia, & in his proxima Gugerni incubuere, Menapiorum nomen obsolevit, nisi quod pulsus ad interiora cultoribus cis Mosam ac Vahalim primum, serius Scaldin inter ac Morinos consedissee non inanibus conjecturis videri potest. Ex eo omnis hic tractus, a Batavis ultra Treviros Maguntiacum usque Romanis infessus præfidiis, Germaniæ partim inferioris, partim superioris nomen accepit; quia Transrhenana incolis origo, quod sermonis indicio nunc quoque noscitur. Prætexebantur hac flumini vada, Grinnes, Batavodurum, Arenacum, quæ cuncta Gallica in ripa fuere, contra quam plerisque error persuasit: inde Burinatum, Trajana colonia, & Vetera Batavico quondam bello nobilitata, Asciburgumque & Calo, quo loco fuerint, per conjecturas quæritur. Novesium, Coloniam Agrippinam, Bonnam, Antunnacum & Confluentem monstrant servata in hunc diem nomina. Posteris temporibus omnem hanc regionem & superiores alias, Austrasiæ vocabulo, quod pars ea Galliæ in Orientem vergeret, Franci tenuere; novorum plerisque in partibus nominum auctores. Quos ubi suæ discordiæ attriverant, Imperatores Teutisci, principibus aut populis plus potestatis aut libertatis largiendo, jus summum in se

in se traxere. Itaque nunc eam Geldriæ partem, quæ infernæ Bataviæ titulo appellata urbem habet Noviomagum, Clivii Cisirhenani excipiunt. His se inserit, indeque longe ripam occupat episcopi territorium, cui sedes Agrippinensis Colonia. Clivios ambit alia Geldrorum portio, quam olim qui regebant, Tutores vocabantur, ubi Geldra oppidum, & ex eo toti genti coalitæ appellatio. Retro Gugernos coluisse vetus descriptio persuadet, & in hunc diem Goga vicus. Agrippinensium in tergo Iuliaci, urbi satis antiquæ cognomines, eisdem nunc cum Cliviis principes, olim cum Geldris communes habuere. Interiores adhuc ad Mosam Leodici cum Limburgo, Lucemburgi Mosellam & Treviros adeunt. Treviris & Leodico episcopi imperant, cætera Belgicæ accensentur. At ulteriore Rheni ripa, quæ vetus Teutiscorum sedes & magna Germania, entitentibus primi olim Frisii occurrebant, qui parte sui, qua Minores dicebantur, Caninesates in Batavorum insula populum prosequentes, altera circumfusi immensos lacus & Flævi æstuaria, inde Amasium usque Oceano prætendebantur. His impositi Bructeri Majores eodem amne tenus, & jam contra Menapios reliquæ Sicambrorum, postquam gens ipsa sponte, an vicinorum, vel Augusti armis ad Vahalam concesserat. Ad Luppiam rursus Bructeri, sed Minores: quod cum flumen veteres in Oceanum ferri crederent, recte alii Rheno misceri tradiderunt, per Isalam scilicet, cui Rheni partem Drusus miscuit. Nam Aliso quidem qua fluxerit, tam incertum est, quam illud constat, multo etiam serius nominari amnes, quorum nunc nihil comparet. Verum pulsus utrisque Bructeris, non tamen ut nomen omne abolerent, eisdem mox sedes Chamavi, & supra hos Angrivarii cum Marfis tenuere, qui tergum Chattuariis & Dulgabinis cludebantur. Proximi, non eo quo nunc ad Isalam dicuntur loco, Tubantes: & qui ex adverso Agrippinenses spectabant Tenteri: quos propter Vbii quondam fuere. Sed hic traductis subiere ad Rhenum Alemanni, Gallicum genus, longius a ripa Catti quos inter & Oceanum ingens spatium Cauchi implebant. Frisiorum a littore ad Albim continui: sed medius Visurgis majoribus & minoribus erat discrimen. Cauchis cohærebant ad mare Saxones, inde Cimbri Albim ultra. Quo transit, Visurgim longius ab mari si repetas, Cherusci tangebant Cauchos, Angrivarios, Cattos, quos circum Suevi plurimæ

1598.

plurimis nationibus utramque Albis ripam & Hercyniæ Silvæ immensa retro spatia obtinebant, Germanorum diu valentissimi, ita ut & Rheno propiora colentes populos sæpe dimoverint. Sed per tempora & bellorum vices vix unquam constitit his regionibus sua facies. Nam ut Cauchorum maritima Frisiis cecidisse, ex appellatione, qua nunc utimur, credibile est; ita interiora, quæ multorum, quos diximus, fuerant, a Francis occupata planum est, aliunde advecta gens, seu diversæ nationes studio libertatis in foedus ac nomen compositæ fuerunt. His primum in Germaniæ remotiora, deinde in Galliam digressis res Saxonum viguere, qui & cis Albim rerum potiti, interdum & Rheno tenuis, occiduum hoc latus Westfaliam dixere. Singularum nationum hæc summa est. Geldros Velavo nomine (sunt qui olim Marsacos dictos putent) Rhenus ad Isalam effundit, quæ contiguos Transisalanos alibi descripsimus. Tubantes hic vetus populi nomen, nec a Tenctæris Tarantii abludunt, sunt & in Comitatu Herenbergensi, qui Zutphanicæ regionis pars est; & Sicambri nominis restant vestigia, ut & Bructerorum, quos Boructuarios vocavit ætas serior, passim palustribus locis. Quæ etsi doctis ingeniis placuisse video, tamen haud dissimulandum est, quod ex superiori demonstratione apparet, plerisque nationibus longe distitas fuisse sedes, nisi validiorum armis huc redactas per ambages conjectare libeat. Zutphaniis sub ipsum insulæ Batavæ fastigium Clivii adhærent Transrhenani: sequentem in ripa Montis, qui dicitur, ducatum longo tractu Marcæ comitatus ambit, cuncta eodem sub imperio. Inde minores sunt principatus, quos inter Nassavia Lonam ad amnem Treveris obvertitur, vel numerosa prole a se oriundæ gentis, vel latitudine Memoranda. Transisalanis ad mare Frisii succedunt, quod nomen nunc & ultra Amasium durat, factæ ab Emdanis initio, quæis tergum Oldenburgii ambiunt. Sequitur Visurgim intra & Albim Bremensis episcopi ditio: post quos Holsati, pars quidem Germaniæ, sed qui ducatu insignes, ut Iutiæ Danorum provinciæ proximi, ita principes in sui parte agnoscunt quos nunc reges Dani. Interiora hunc in modum se habent. Clivios & Marcenses Monasterium tegit, terra urbi cognominis sub episcopi dominatu: propius Transisalanos Benthemiorum est comitatus, inde velut acclive iter Lingano & Teclenburgio solo, quæ sub comitum jure sunt, per Osnaburgum antistiti,

antistiti, Dupholdiam comiti parentem, Oldenburgii terminant. Alter ordo comitatus tres habet, Luppianam ad amnem similis vocabuli, Ravenspergium, qui nunc Clivii est principis, & Lemgovium: post quos Mindensis episcopi territorium Visurgi finitur. Hactenus Westfalia, quam supra Waldecensis comitatus, & longius Hassia sub Landgravio ad Rhenum, Paterbornensis episcopus ad Visurgim accedit; non hic Agrippinensem, ut quos ante diximus, sed Maguntiaci pontificem pro Metropoli agnoscens. Iam si ad Palatinatum Rheni, Francones, Thuringios & Brunovices veniendum sit, non idoneis moræ causis rerum ordinem interrupero. Iura pacis in Orsæo primum violata sunt. Oppidum id Bercam supra Rheno imminet e ripa citeriore Cliviorum, qui non obscura loci oportunitate munire quondam aggressi, vix jactis fundamentis, sumtu & dissidiis inter se omiserant. Et Batavis quo minus occuparent perficerentque infamiae metus obstitit. At dux Hispanus, ubi pro oppido constiterat, ejusque rectores vim contra de jure disserunt, portarum obices securi ipse parat incidere. Simul alii scalas curribus detractas mœnibus admovebant, cum paventes oppidani pandunt aditus. Arcem servabat genus militis semipaganum, non tam rapinarum quam belli experts, quos cæteri irrifu ornatus vilioris, nec ut ipsi longinquarum avium plumis versicoloribus capita insignitos, inde gallipinnios vocant. Hos inanem in speciem moras necantes Mendosa, carnificem & laqueum ostentans, coegit descendere. Traducta Rhenum cohorte, quam Buquoius comes Belga regebat, & Hispanicis duabus, deinde equitatus parte ferme altera, eodem tempore Orsæum, quanquam ad quintum intra diem migraturus Mendosa promiserat, & vicus ex adverso jacens Mulsemum nomine permuniri jubentur: dimissis per avia lignatoribus, qui longe quamvis diffusa arboribus nudantes, nec ædificiis aggressum abstinebant. Id tum præsidii satis ad transitum amnis firmandum videbatur, quo consilio postea decessum est. Quæ dum geruntur, & Fridericus circumstita Germaniæ lustrans, ubique ut subditis imperat, aut minatur ut hostibus, vis ac ferocia Hispanici exercitus multum terrorem non inermi tantum populo, sed & Foederatorum vulgo rumoribus belli assueto intulit, ita ut extimis diffideret, intimis timeret. Ei pavori obviam Princeps iturus, primos ad nuntios evocato milite, qui locis interioribus degebat, Sco-

*Mendosa
Orsæum
& Mulse-
mum mu-
niri jubet.*

*Magnum
terrorem
Foederatis
infert.
Princeps
obviam is.*

1598.

to maxime Angloque, cui pars etiam præsidii Brilenſis & Fliffingani acceſſerat, Arnhemum venit: eodem equitatus, & ductante Wilhelmo, Friſiorum cohortes properavere. Naves, quæ bello idonea ſubveherent, adverſantibus ventis tardius enitebantur. Ipſe mox Gravewartam inviſens, inde Zutſanienſis territorii & Transſifalanis oppidis, queis ab hoſte metus & ſpes ulla deſenſandi, militem partitur. Sed cætera minores per duces cognita. Doſiburgum & Doricomum, qua primus e Germania acceſſus ad Iſalam in dextra inſulæ Batavorum patet, ipſe inſpecturus cum equite proficiſcitur. Obviam illic amitam habuit Herenbergienſium matrem: ea cum egregio filiarum comitatu poſt ſalutem peractam, per jura languinis ſuamque fortunam, quæ ſola proximas neceſſitudines bello diſtractas, & alia in parte fratrem, alia maritum vidiffet, orabat ut quantum belli ratio permetteret, poſſeſſionibus ſuis parceretur. Ita Herenbergæ (Zutſaniæ oppidum eſt, unde familiæ nomen) demta munimenta, detractum præſidium, eodemque exemplo oppida alia & arces victori non dubie ceſſura, interim paci traduntur. Tum Caſtrorum de fede haud diu conſultatur: nam cum Bertram circummetari intutum appareret, ne interpoſitus hoſtis comœatu ſociisquæ oppidis imparem exercitum abſcinderet, exiguam inſulam dextro adjacentem Batavorum lateri, non longe infra amnis divortium, Geldrica quæ dicitur, tenere placuit; nec minus ripam Transrhenanam qua ſe Clivica ditio inſinuans oppido Sevenariâ juſ Zutſanicum finit. Vtrinque compoſitæ naves pontis in morem, queis commode tormenta & equites tranſirent. Et quando coactum unam in partem periculum metus alios ſuſtulerat, evocantur Oſtenda & Noviomago, Hollandiæque & Zelandiæ extimis milites, ſupplendis copiis quas præſidia exhauſerant. Hos adduxit Hohenloius. Ejusdem inſignis opera fuit, cum Transſifalanas urbes, circumſuſo jam hoſte, machinis, quæque alia arcendo eminus oppugnatori, inſtruere juberetur. Tum Princeps ad cuncta imminentium ordinanda neceſſarium ratus, explorare quid ſibi virium in armis foret, cenſu acto comperit equites ad mille & quingentos, peditum vix ſex millia aſſeſſe, aperto certamini minorem turbam, ſed ubi ingenio ducis temporisquæ & loci præſidio juvaretur, arcendo hoſti ſatis, & pro occaſionibus auſuram. Igitur intellecto per captivos comœatus Mendosæ Geldra oppido adventare,

*In gratiam
amita, He-
renbergam
alinquo lo-
ca demptis
munimen-
tis paci tra-
dit.*

*Cum exer-
citu Geldri-
cam inſu-
lam occu-
pas.*

*Copia
Principis
multo ho-
ſtibus mi-
nori.*

ventare, retro cum turmis primoribusque castrorum ad Mosam properat, spe intercipiendi Venloam inter & Orsæum hostilis præsidii: sed flumine transito patuit suspectas Hispanis vitatasque fraudes; ita irriti sistunt cohortes suorum subsequi iussas. Certatum & in omnibus paucorum perfugarum insigni ante alios audacia, qui navem longam Batavorum Rheîam propter excubantem, ipsi vectoria allati, tanquam vi fortuita impingerentur, telis obruerunt. Creverat interim novo copiarum adventu Hispani exercitus, sed ipsa multitudo oneri erat; dum large quamvis devectos Colonia vicinisque oppidis commeatu multitudo exhaurit, nec magis pretium annonæ quam stipendii penuria caritatem facit: cui subvenit direptio agrorum villarumque Montene per solum, quæque alia Germaniæ Rheno prætexuntur, præcipua in eos sævitia qui Romanam religionem aversari credebantur. Initium id prædarum fuit, & miles indigena, seu rustica juvenus injuriæ resisteret, causa promiscuæ cædis. Nec ea tamen licentia redimi quivit obsequium militis, qui modo æra poscens, sæpe velut otii & imbellis sanguinis pertæsus in duces aut socios iram vertebat: ita ut Walones & Hispanos subito tumultu arma miscentes vix Mendosæ interventus dirimeret, ipsiusque prætorium propter fierent cædes; & centuriones suo a milite spoliarentur. Ipsi quin etiam procures invidia aut consiliis dissidebant. Ludovicus Velascus machinis præpositus Mauritium imparem virium loco pellere, dein quantum Isalam & Rhenum inter patet, ac longius ipsa Batavorum viscera penetrare magnificum, patrandique belli ferebat: Herenbergensis dextro itinere tutiores aditus & Amasium usque nulla vi obvia promptam possessionem, aut belli veluti arenam perpetuo hostis damno ostentans regionis peritia nitebatur, qua & Transamasiæ comitis filius vocare creditus, id tempus in castris agens. Quorum omnium gnarus Princeps captis e literis & transfugarum indicio, Emdanam civitatem periculi monuit, suis iple firmandis pervigil. Graves quotidie querelæ ad aulam Cliviam ferebantur, principibus faciendæ Hispano invidiæ Orsæensibus, qui mœsto ejulatu orabant rectores Mendosam pro se deprecarentur, non jam ut securis & sua obtinentibus otium permitteretur, quæ debita quanquam sibi olim socordia perissent, relinquere se penates, deferere agros, ac cedere ultro validioribus, tantum conjuges parvosque na-

1598.

Novo copiarum adventu Hispani accersunt,

Agras diripiunt,

In se invicem & in duces arma vertunt:

Ipsi quoque duces dissident.

1598. tos educere avitis mœnibus liceret, ne velut infima Hispanorum mancipia operibus faciendis, perque ludibria & contumelias foede vexarentur. Vbi aliter non possent libertatem sibi recte vel exilio constitutam. Quæ segniter accepta inter conscios aut mitiora sperantes. Nam quibus præcipua auctoritas, infensi Protestantibus, ultro adversum dissentientes vim Hispanicam advocasse insimulabantur. Simpliciores iter Rheno quæsitum volebant, & brevi transiturus injurias, quæ interim bellantium more excusarentur: nec ului, minora mala ulciscendo majora irritare: brevi flagraturum unius belli incendio terrarum Orbem, si ad quasque offensas vicini arma raperent, & partibus miscerentur. Huc accesserant ipsius Alberti literæ, qui Sibyllæ ducis sorori humane responderat, necessitatem deprecans & aliqua in præsens incommoda, unde in posterum, domitis utriusque rebellibus, securitatem Clivio principi secum communem fore. Sed gravescentibus indies criminibus, iussa nobilitas præfectique & civitatum legari Cliviã in urbem convenire. Ducis vanum nomen, qui ne morbus recrudesceret, sua atque aliena mala pariter celabatur. At Sibylla prudentiæ virilis foemina, modo universos, modo singulos obtestata, non de principis vestigalibus augendis, non de finibus disceptari, suam ipsorum libertatem & animam in dubio esse: quare expergiscerentur, &, dum tempus remedii superesset, in commune consulerent, sæpe & lachrymis suborientibus misericordia audientes impleverat. Victis igitur dissidiis decretum, ut, primis urbium tumultuario milite firmatis, auxilia undique concirentur. Germania est omnis divisa in pagos decem, quos Circulos ipsi vocant; supernos quinque, totidem infernos. Primus infernorum tres antistites eisdemque Septemviros, & sub eorum fide tres liberar civitates, Maguntiacum, Trevirumque & Agrippinensium colonias; Palatinumque principem & hunc e Septemviris: exinde minores alios completitur. Alter est Westfalæ, quem ante descripsimus, in quo principes Clivius, Transamalianus, Waldecensis, & episcopi complures. Tertius & quartus Saxonum: in illo, qui Miliniam & Lusatiam comprehendit, dux ipse Saxonæ & marchio Brandenburgicus Septemviri; duces Pomeranus, Anhaltinus, pluresque principes; civitates aliquot: in hoc supremi antistites Bremensis, Magdeburgensis, minores

Sibylla Clivia hortatu undique in Hispanum auxilia concitavit.

Germania in decem pagos divisa.

quinque; duces Holsatus, Brunovix, Megalopolites, Luniburgicus; civitates ad mare Balticum complures. In ultimo, cui Burgundico nomen, Vefontinus præful cense-
tur; atque huic olim Belgas suos Carolus adscripserat. Singulis pagis delectus præest, qui cum adfessoribus minora transigat, in majora concilium indicat. Westfalæ eo tem-
pore curam obtinebat Simon Luppiæ comes, quem tum Clivii oravere Orlæum uti a Mendosa reposceret, ac ni pa-
reretur infernorum pagorum quinque legationes Dortmun-
dum evocaret: atque interim retento milite, qui in Panno-
niam mittebatur, tributoque Turcico internum periculum
longinquo præverteret. Nec eo segnius missi qui imperato-
rem precibus fatigarent; quique accolas Rheni episcopos,
& Palatinum Hesiumque & Brunovicem, metu irrepentis ad
ipsos mali, in curæ societatem pertraherent: & Agrippinen-
ses debortarentur; quominus alimenta Hispanis mittendo
communem ruinam prorogarent. Alii Mauritium adiri jussi,
gratiis actis, quod hæcenus quanto posset minimo finiti-
morum damno bellum gerere instituisset, orant ita perge-
ret hostium scelera solida virtute convincere, neu mala in-
vitis illata, quæ sibi ad misericordiam proficere deberent, in
iram verteret; sed auctores injuriæ potius, quam invalidæ
gentis patientiam ulcisceretur. Quod gratum ipsi Ordini-
busque, præsertim quia olim sæpius optatum tunc prope
sperabatur, ut frustra invocatis legibus, auctaque per im-
punitatem Hispani libidine, Germani secum arma sociarent.
Dictum igitur anno ante octavo cuncta se, quæ Germanico
in solo tenebant, tradidisse, promisso fore ut Hispani idem
facere, ni precibus darent, armis compellerentur. Quod
cum non evenisset, modestiæque damnum, injuriæ præmia
adessent, usque adeo ut ipse Albertus, tantorum nunc faci-
norum auctor, hæres Imperii a multis destinaretur, circum-
scripta toties bonitate aliquomodo coactum se iri paria ho-
stibus commoda præ verborum inanibus optare. At si ea,
quæ prædicta sæpe, experti tandem Germani intelligerent,
post tot hostilia ab Hispanis patrata nunquam justius subver-
ti ingruentem dominationem; mortuoque Philippo vetere
regnandi, exercitu inope ac discordi relicto, nunquam
oportunitus arma consanguineis cum populis jungi potuisse.
At Mendosa ad se missis, usum ita ferre, cum aliter comprimi
perduelles non possent, nec aliud respondet, juris in tantum

*Mauritio
gratia
agitur,
quod mini-
mo finiti-
morum
damno bel-
lum gere-
ret.*

*Federati
Germanos
in Hispanos
incitant.*

1598.

*Magna
Hispani
militis fa-
mes, & cra-
bra diffu-
gia.*

*Bercam
Mendosa
obsidet.*

contemptor, ut quæ in Clivios pro Austriacis dici vetera no-
væque obtentui poterant conquirere dedignaretur. Hispani
interim mala in dies graviora, dum aliis inferunt, ipsi pa-
tiebantur. Nam & cis Rhenum continuo raptu consumptæ
fruges, pulsi agricolæ, cæsa materia, nudum velut ex hosti-
li incendio solum late reliquerant; nec solitum castra sub-
sidium sequebatur, spoliatis aliquoties commeatuum subve-
toribus, hinc fames & mox crebra diffugia: nec clam tan-
tum aut singuli dilabebantur; sed eodem die plures centuriæ
instituto procul ad Mosellam cursu missum qui retraheret
equitem, ut se dimitteret, manu coegere. Auxerat penu-
riam, quod incitatus flatu ventorum suoque impetu Rhenus
in naves, quæ pontis usum præbuerant, seu fabrorum per in-
scitiam rupta compages riparum commercia abscederat. Eo
incommodo admonitus Mendosa obsidium Bercæ, de quo
disceptatum hætenus, certo decrevit; quoniam insula illic
claustra fluminis, firmusque transitus, & cætera ad tempus
non sine infamia retinebantur, illa honestius mansura pos-
sessio jure victoriæ: quo magis mirari subit, ultra mensem
dilatam hanc curam invalido hoste & longe abstituto, ni ju-
stior in illis partibus moræ species quæsitæ est. Invitabat
etiam occasio, quia Bercam Ordines sæpius interpellati,
nec ut alienam reddiderant, nec munierant ut suam. Incun-
te anno Boioarus Agrippinensium & alibi antistes, restituti-
onis postulata per Iohannem Nassavium Iohannis filium
iteraverat, officiosis verbis æquitatem suam testatus. Impen-
sarum obtentum, quo se Ordines tuebantur, ita refellebat,
ut diceret primos urbis occupatores ipsos fuisse, & Hispanos
id exemplum secutos tamen aliquoties decessus fidem fecis-
se, sed interposita mora tandem obsidione præventos: quod
si damna & armorum sumptus reposcerentur, at nulla esse ju-
stiora quam quibus suum quisque vindicaret: quare si pro
Hoia recepta ipse nihil imputare permetteretur, quanto ini-
quius alieni belli rationibus suum nomen interventurum? Si-
mul demonstrabat locum tutantibus oneri, nec hosti neces-
sarium fore, cum flumen alia commodius transiretur. Quod
præcipue movit Fœderatos, ut per singulas nationes acto
concilio longinqua intervalla, penuriam militis, muniendi
laborem expenderent; & quanquam de impensis non ultra
pertendebatur, placuit tamen e redditione oppidi prope de-
sperati plus aliquid quam gratiam sperare. Respondere igitur,

tur, sæpe compertum, quod ipsi amicis gratificarentur hosti in prædam cedere: haud injuria igitur se stipulatu-
 rum hostem Germanicos intra fines, neu quicquam
 facturum, quo Rheni commeatus gravarentur: quæ contra si
 fieret, damnum Boioarus & alii ad Rhenum Electores farci-
 rent. Ille vicissim æquiores condiciones rogans, ubi pene
 convenerat, haud ultra institit, velut conscius apparatus ab
 Hispano ultionis, quem ad alia etiam cum Germanis princi-
 pibus sibi controversa accivisse suspectabatur. Batavos quo-
 que tutandi oppidi cura non ante periculum subiit. Igitur cir-
 cumfuso jam Rhenum hostis exercitu, munire serum, præ-
 terque mala, quæ caveri potuerant, inopinum aliud accesser-
 rat. Namque exorta pestilentia intra exiguum loci spatium
 facili contagio & insigniori strage, grassabatur. Causam mali
 crediderim insolitam eo tempore Rheni siccitatem, qua nu-
 datus alveus crassis vaporibus cælum, alias quoque autumnii
 vitio corruptum, infecerat. Inde in plebem sparsum virus ut
 quemque invaserat, ipso humanitatis commercio vulgaba-
 tur. At milites præsidio relictæ, quæ nec victus æque nec
 habitatio suppetebat, ex multo ampliori numero vix sexcen-
 ti valentes supererant: nec magis corpora ea lue, quam ani-
 mi spectaculo frangebantur. Præfectus loco Scathius nomi-
 ne, & ipse morbo cubans, acceptis a Mendosa literis, hoc
 tantum rescripserat, intempestive deditionis mentionem
 fieri, cum Ordines Agrippinensium antistiti super reddendo
 oppido condiciones nuper tulissent. Ea responsi modestia
 Hispanus, in spem temerariam perfidiæ adductus, alteris
 nuntiis præmia ipsi uxoriq; offerebat. Tres interim centu-
 rias Princeps, quia venti fluminis usum abstulerant, missas
 aliquoties, & ex itinere revocatas postquam irriti conatus
 negligentem hostem fecerant, subito pedestri itinere jus-
 sit ire; tuendæ insulæ, quæ juxta est, nec nisi per ultimam
 necessitatem morbidæ intra oppidum turbæ immisceri. In-
 firma erant insulæ munimenta; & perficere aggressos hostis
 prævenit, postquam machinas convexerat, tenue vallum
 globis undique penetrans: simul eques, qua languidior am-
 nis, vado irrupit: ac jam cominus periculum imminabat,
 cum iussu præfecti traductus miles dispositis ex oppidi vallo
 machinis & jaculatoribus, quorum præsidio postremi quoque
 illæsi Bercam intravere, secreta ignium fomenta relinquen-
 tes, quibus ruguria corrumperentur. Inter hæc Mendosa, ne
 qua

*Berca pesti-
 lentia exoritur.*

*Tres centu-
 rias tuenda
 insula Prin-
 ceps missis:*

*Vnde ab-
 hostibus de-
 pulsa Ber-
 cam ingre-
 diuntur.*

1598. qua vis hostilis obsidium interrumpere, jacentia infra Ber-
cam Clivici juris oppida præsidii occupat; ultro pleraque
cessere. Habitatores Burici primum ausos belli violentiæ no-
men inane pacis opponere, mox immixtum portæ incendium
imperis subegit. Alpæ etiam & Mursæ impositus miles,
quanquam hanc Nienarii, illam Palatini quondam uxores,
nunc viduæ, obtinebant; fide nuper ab Alberto accepta ne
res armis obnoxie forent: quod tum pluribus accidit, nihil
valentibus pactis, cum jura omnia intercidissent. Nubilum
cælum juvit oppugnantes, quo celerius tribus locis Bercam
accederent. Necdum ad fossam pervenerant, jam positæ
machinæ ex insula soloque continuo percussione minaban-
tur: quo tempore Alfonsus Avalesius equitatum regens, ei-
que tum obsidio impositus, mittit more militari caduceato-
rem. Oppidanorum consilium, ut potestas rogaretur mit-
tendæ ad Episcopum legationis, ceu confessionem timoris,
improbavit miles, fortia hosti respondens; etiam hoc indi-
gnatus, quod, tanquam majore cura inferior, præfecto vin-
cendus delegaretur. Facto in exterius propugnaculum im-
petu dejecti Hispani; eo cruentiores, quod nulla præmun-
itione contemptim irruerant. Sed ubi verberari lorica cœpe-
rat, dictu mirum, turris ad flumen spectans, in qua machina-
rii pulveris suffectura in longum copia servabatur, micante
flamma ac subito fragore, velut fulmine icta, dissiliit. Qui
causam inquisivere referunt, globi hostilis attritu lapides aut
ferream subscudem scintillasse, unde ardorem nitrum con-
ceperat. Eo incendio cælum omne pestilentia purgatum;
sed graviora mala successerant. Nam ictu proxima ædium
prostrata, aliquot mortales ruina elisi; pars aggeris disjecta,
quantum vix multis machinis actum foret; ac ni munimen-
tum in morem lunulæ eam in regionem prominens conspe-
ctum hostibus & vis inopina usum animi ademisset, penetra-
tum vi fuerat, ante repugnandi aut deprecandi consilia. Nam
ad illos quoque pervenerant magnæ lapidum moles non sine
astantium perniciæ: etiam semihora post cuncta sparsa albe-
dine, & commoto Rheno navigia periclitabantur. Intra
oppidum vero, ubi in se cuique redire vacuum fuit, horribi-
lem adhuc sonum attonitæ aures circumferebant, oculos
quoque peremta aut lacera corpora foedo visu turbabant: at
quoties labefacta munimenta, absumtoque pulvere, quic-
quid restabat discriminis id manibus suis relictum cogita-
bant,

*Mendosa
aliquos Cli-
vici oppida
præsidiis oc-
cupat:*

*Bercam
impetit.*

*Hispani
impetum
in propu-
gnaculum
facientes a
defensori-
bus fortiter
repellun-
tur.*

bant, non jam consilio, ac ne imperio quidem regebantur. 1598. *Barca de-
ditto.*
 Nam Lucas Heddingius, ad quem morte Scafi delatum regi-
 men, jacebat inter alios illapſa mole oppreſſus. Ægre formi-
 dinem diſſimulantibus animis in tempore accidit, ut vitam
 hoſtis offerret, pacto tantum ne quatuor intra menſes milita-
 rent, quanquam haud ignarus parum ſibi ad victoriam reſta-
 re: tanto his benignior, fideique retinentior, in quos juſta ar-
 ma habebat, quam quos amicos appellabat. Eam gratiam
 Avaleſius retuliſſe creditur, memor Cnodſenburgico præ-
 lio captivum ſe quondam & in Batavis liberaliter habitum.
 Quinto die peractum obſidium: & Mauritius ſpe dejectus,
 qua longas propinqua hyeme hoſtilis impetus moras præce-
 perat, non reperit tamen quod accuſaret, præter repentis for-
 tunæ multiplices caſus, & ſuas copias extra finium propu-
 gnationem nihil ſibi permittentes. Quæ dum geruntur, pars
 altera Hiſpanici exercitus, quæ Rhenum transgreſſa contra
 Orſæum confederat, inutili faſtu aſpernata redemptionis pre-
 tium, Zutſaniorum ultima & Transſalanos agros furtiva po-
 pulatione incurſabat, levi in ipſos damno, ſed per interja-
 centes illa Germanos rapaci nec incruento itinere. Plurima
 ſævitiæ edita exempla inſeſſis per vim oppidis atque arcibus,
 quæ flumina inter Luppiam & Ruram jacent. Sed promi-
 ſcuas in vulgus cædes unum facinus & viri claritate & fla-
 gitiorum multitudine obſcurat. Viricus erat Falcoſteinius
 comes terræ Brukiæ (Bructerorum eam fuiſſe olim, vox ſer-
 me perſuadet) religione cum Batavis ſentiens, & ſolitus in
 concilio ſuæ gentis Hiſpanicæ factioni liberæ voces oppo-
 nere. Habebat is ſecum milites centum, agreſtes aliquanto
 plures, tutamen infirmæ arcis, qui rapinas Hiſpanicas metu
 ſui, interdum cædibus coercebant. Iuſſus igitur ſatellitium
 dedere, cum Germanicas leges invocans abnueret, miſſo
 ad obſidium Lopeſio, & longius quam pro viribus certato,
 ultima prævenit, pactus vitam ſibi ac ſuis, fortunæque ſal-
 vas; quas majores vero fama vulgaverat, quod ipſi ad cau-
 ſas exitii acceſſit. Nam contra fidem arx direpta, abducta
 uxor, præſidium obruncatum, ipſe in cuſtodia habitus, ibi-
 que detentus aliquot per dies invitatur ut coelo liberiore frui
 velit. Mandatum ejus interimendi Petrus Agajus acceperat,
 ſed ita ut in caſum cædes referri poſſet. Ibat per humum ma-
 nantem militis ſui ſanguine, cum ſecuti cuſtodum ſpecie
 mortis exactores haſtili percuſſum, inde ferro transadigunt:
 & qui

*Comes Fal-
coſteinus
contra fi-
dem da-
tam tradi-
ditur.*

1598.

& qui familiarium comitabantur, idem fatum subiere. Vulgato rei ordine, expectatæ ad ultionem Comitatus necessitudines, atque ipsa populi indignatio acrior fuit, quam ut consilium Iuliacense eam rem silentio transmitteret. Cui Mendosa tam negligenter respondit, ut satis haberet iustum negare, quod impunitum pariebatur. Addiderat, nec sine cælesti numine evenisse, ut jure belli caderet, qui publico seditionis atque impietatis crimine jamdudum perire debuisset; multum inculcata viri contumacia, inter crimina & hoc numerans, quod ad Latinas suas literas Germanice ignaro ejus sermonis, velut per contemptum, respondisset: tum, si quid gravius interdum accideret, patientiam ipsis commendabat, sine qua nec se parem regendæ multitudini, inopia & injuriis concitatæ. Verborum ludibria res sequebantur. Clarissimum Transrhenanæ regionis oppidum est Velsalia, mercatura & Belgicis artibus celebre, quas sæviante religionum crimine frequentes illinc conveniæ invexerant. Ea civitas, sub Hispano judice suam præ cæteris gravem causam existimans, honora legatione & donis prævenire ducis animum instituerat. Quo ille intellecto, non eum se respondit, qui induci posset, quod factum esset opus, id quo minus perageret; aut qui bonis bene facere nisi munus per suum nesciret: at non aliam sui demerendi rationem, quam si sacris publicisque rebus veram ac pristina facies redderetur; eum sibi aspectum pulcherrimum magni muneris instar fore. Quæ ideo dicta, quia Velsalienses jussi sæpius a Consilio ducis Romanos ritus intra moenia admittere, præfractæ abnuent. Mox cum transiturus Rhenum omni cum exercitu Hispanus ingens equitis ac peditis præsidium recipi juberet, quod jam Burica in proximo fecerat, caverique insuper nihil per hostium armam istis in partibus novatum iri, intellectum facile discrimen: quippe obsequium mutationem status secum trahebat; ac, si renuerent, miles licentiosus prædæque avidus vix jam ab oppugnanda urbe continebatur. Quælitæ igitur apud ducem placamenta, vitataque in præsens ira, præbito frumento stipendioque centies mille Thalerorum, quæ summa, non collato tributo, publico ex ærario soluta est: orta que de nummi pretio cives inter & militem contentio pene periculum renovasset, ni rectores concitatos utrinque animos temperassent. Hac pecunia, & si quid præterea vicinis ex oppidis contractum, aut Bruxella advenerat, persuasus est a Men-

*Velsalenses præbito
Mendosa
frumento
stipendioque
Romanos
ritus ad-
mittere co-
gentur.*

Mendosa exercitus, ut, quod abnuerat hactenus, relictis aliquot in citeriore ripa praesidiis-trans Rhenum se duci pateretur. Inde Luppiam transire, ponte quem Vesalienſibus faciendum imperaverant firmo ac solido. Nam quem cannabinis ex fascibus vinctisque materia lateribus imposuerat scaphis novis jactans se artifex, ut pleraque talia in speciem blandientia usus respoit, singulis quippe pervium, pluribus simul ancipitem oneris inaequalitate. Ibi ex Velasci sententia potius visum ad Isalam penetrare, quam procul finibus nec certo comite ingruentem hyemem, & soli Frisii uligines experiri. In ipso itinere exactae a Monasteriensibus pecuniae bellique instrumenta: quos foederati Ordines contra monuere, ne quid a se pacatum expectarent, si hostis ipsorum studiis aut ignavia increſceret. Resa inde & Emmericum adjacentia Rheno oppida per metum praesidia accipere, cui Mendosa numerum primo non admodum gravem praefinivit, tanta famae irreverentia, ut immisſis pluribus, continuo violaret, quod in ipsius potestate fuerat omnino non promittere. Resae oppidani potestatem exeundi oratam non impetravere. At Germanus centurio, quem quadringentis cum militibus Emmericum urbem intrare jussum Mendosa sacramento adegerat, ne quos ultra admitteret, missum haud multo post cum cohorte Barlotam fortiter exclusit, palam professus, etiam sub infido duce fidem sibi constitutam. Molestae tantum sui contemptum ferebat civitas Romani cultus retinentissima, & quae suadentibus Iesuitis advocandi eas in partes Hispani potissima auctor privatim innoxium sibi bellum pepigerat. Cujus promissi testes literas Mendosae ipsius manu signatas cum missus ex urbe sacerdos, velut exprobrando, ostenderet, non aliud responsi tulit, quam ad religionem resque regias provehendas tantam casuum varietatem non posse iisdem semper consiliis gubernari. Tum ille: Nec igitur posthac, inquit, mirabimur rebellem Batavum omnes vobiscum conditiones averſari, ut qui, cuncta vestris utilitatibus metientes, fas ac jura etiam hostibus servanda in amicos abrumpatis: haec quidem facinora & studia hominum infecta & Deum insuper ultorem habent. Nec tamen hac libertate Hispanus movebatur, quin continuo Isaliburgum, oppidum interius ad Isalam veterem situm, civium caede irrumperet. Inter quae princeps ut hosti ad se adventanti viam auferret, jubet ire navi fossiores, qui

1598.

*Mendosa
trans Rhenum
ducit.*

*Resa &
Emmerico
praesidia
imponit.*

*Isalibur-
gum ci-
vium caede
irrumptis.*

aggere

1598. aggere Emmericum propter (Hetteræ loco nomen est) incilo Rhenum tunc forte tumidiorem planis superfunderent.

Mauritiani Rhenum aggerem incidere aggressi ab Hispanis fugantur.

Severariam aliamque Mauritianam occupat.

Iamque proxima stagnare cœperant, cum superveniunt Hispani, relictumque sub Hohenloio præsidium primo glandibus adorti, advectis deinde in aggerem machinis loco pellunt: ita clausi hiatus simul ultro flumina fidere. Quod cum sefessisset, Mauritius necessarium ratus loca Clivici juris, quibus hætenus pepercerat, hosti propinquo præripere (quippe is ad montem, cui Altenensi nomen, considerat) Severariam, oppidum ea in parte, quam cum exercitu ipse tuebatur, tradi sibi jubet, acribus in præfectum minis, ut sibi negantem quod hosti permitteretur. Eundem in modum occupantur ejusdem ditionis alia, sed insulam intra Batavorum sita; mutatus olim amnium cursus, seu principum pactiones terminos confundere: Hussa scilicet oppidum, & arx Lobensis, ubi Clivicum vectigal exercetur, quem locum Herispichi nomine & impio dolo, quo Gothotridum Normannica e gente Frisii dominantem Carolus Crassus interemit, ejus ætatis auctores insigunt. At Mendosa Mauritianas ex contiguo artes timens, severo imperio militem continebat; totos decem dies noctesque aperto sub cœlo stetit agmen: nulla nisi intra ordinem & in armis & humi quies. Ita frigore & insomnia, ac postremo, quia consumptæ circum fruges, nec ad rapinas dilabi licebat, fame gravissima fatigabantur. Instructissimus erat peditatus æmulis inter se nationibus: sed nocebat mos inveteratus partibus regiis, ut præcipuum robur in equite ponerent, qui tum fractus malis aut metu imbellis & alios fiducia nudabat. Pauci sæpe Nassavianorum ter tantas hostium manus perculere: equorum ingens præda, etiam viri gregis ritu agebantur, ita ut tædio & onere captivorum, cum plerique explendæ famis avidi in potestatem non inviti venirent, nec redimerentur, edictum fuerit, ne quis ultra vivum hominem caperet. Omnique adeo hoc tempore quo circa Rhenum bellum hæsit, cum Princeps, modico interdum comitatu, ordines hostium propter speculabundus adsisteret, aut edito loco panderet aciem, modo & missis suorum primoribus equestres concursus proliceret, nusquam Hispanus aut castrorum quietem turbavit, aut ullis certaminum se primordiis implicari passus est. Erat nimirum ducis prudentia parum fidere animis, licentia non minus, quam egestate corruptis; sed hæc ipsa pavorem militis alebat:

alebat : & , ni minima etiam pericula Batavi rebus suis semper maxima æstimassent , erat in tantas copias egregia audendi occasio. Cum vero, omiſſa Rheni ripa, jam recta Islalam petere conſpiciebantur , Mauritius relicto circa principium agri Batavi præſidio cum navibus adverſus ſubita, & ut hoſti com-
meatus faceret arctiores , ac firmatis quæ circum minus valida , pontes , machinas , vimque omnem armorum Doſiburgum rapit ; quod juris Zuſſanici oppidum ductæ Arnheмо
foſſæ, Drui quæ vetus eſſe creditur, Islalam venientem e Weſt-
ſalis amnem affundit. Hoc loco aditum illi in Velaviam ob-
ſtruſturus ad ipſum confluentem caſtra vallo munit , quod al-
tium pedes octo , in latitudinem infra quadraginta , in ſummo
quatuor & viginti patebat , ad ſenos præterea pedes eminente
lorica , circumducta vallo foſſa : ſed & interior altera , præter
muniendi morem , relinquebatur , quæ accelerando operi
propinquum aggerem ſubminiſtraret. Quæ dum fiunt, Men-
doſa, Doticomum ditionis ejuſdem oppidum , quod horæ ite-
nere Doſiburgum ducit , machinis verberabat , jamque ter-
tium intra diem inhærebat foſſæ , non denuntiatione ulla , ut
ritus belli hæctenus habebat , ſed periculo quam minis obſeſſos
terrîtans , & certus primo quoque ſanguine ad exemplum
abuti Friderici Herenbergentiſ precibus effectum creditur ut
deditio admitteretur , exarmatis militibus , trecenti qui erant,
juſſiſque ſex per meſes bello extra Hollandiam Zelandiam-
que abſiſtere. Data & oppidanis incolumitas , qui continuam
viginti annorum fidem eo primum tempore mutare cogeban-
tur. Hac una , poſt Bercam , tam tenui victoria curſus Regii
exercitus ſterit , agnito errore , quod non abrupta prius mora
Doſiburgum irruiſſet , ceſſurum protinus , ni Mauritius acce-
pto tempore ſe illuc ſuasque artes tuliſſet. Nec tantis copiis
dignum aliud aggredi , aut anni tempeſtas , aut victus tempo-
rumque ratio permittebat , aucta hucusque inedia , ut quin-
que intra dies , panem ſibi non guſtatum crebri perſugæ affir-
marent , vulgatiſque cum fame aut foeda per alimenta morbis
amplius ſeptem millia hominum conſumpta. Re ad Andream
perlata , redditique mandatis conſilium ſuſcipitur atrox ,
hyemandi in Germania cum omni exercitu. Multa ſæpe Hiſpa-
ni improbe atque inverecunde fecerant : ſed vix ante judicia
hominum ita contemſere , ut non obtentu aliquo ſua facinora
velarent : hanc vero conſilio publico tam aperte illatam inju-
riam hoc unum excuſaverit , quod neminem eſſe tam innocen-

*Mauritius
hoſti ad-
itum in
Weſſa-
liam ob-
ſtruſturus
apud Doſi-
burgum ca-
ſtra metan-
tur.*

*Mendoſa
Dotico-
mum ex-
pugnat.*

*Hiſpani ſa-
me ac mor-
bis magno-
pere immi-
nati in Ger-
mania hye-
mandi con-
ſiliū capi-
unt.*

1598.

tem arbitrati sunt, quem non perire potius, quam res suas in discrimen adduci operteret. Nam illud quidem constat, si tot cohortes alæque, aut verius tanta seditiosorum colluvies egestate accensa, in Belgicam incubuisset, novo cum maxime imperio, vetera defectionum exempla metuenda fuisse. Retro igitur ducens Mendosa Sculenburg arce Zutfanici juris in deditionem coacta, Foederatorum finibus agmen exulit. Abeuntis vestigia Princeps sequebatur, nullo ante suorum operum, quam tunc defensa patria, gloriosior, quam laudem magni sæpe duces ante triumphos & murales coronas posuere. Iuvabat inspicere vacuas castrorum sedes, & rudia hostium munimenta. Sed triste spectaculum ægri faucisque magno numero strati jacebant, quos ab exercitu desertis injuriæ coeli rerumque omnium inopia afflictabant. Hostis victu refecit, quorum sui non miserebantur. Nam & Ostaiola quem Doticomi Mendosa reliquerat, a caduceatore Principis appellatus ut miseros testis juvaret, militariter magis, quam humane respondit, valentibus duntaxat vegetisque corporibus ista intra mœnia locum esse. Post equestria aliquot prælia prospere pugnata, Ludovici maxime Nassavii ductu, captum-

Sculenburgum ab omnibus capiunt.

Mauritius Arnhemium belli paratum in annum sequentem contrahit.

Emmericum hostili præsidio liberationem cum Sevenaria sibi permittitur.

Clara per Belgicam facta: Commis Culeburgii,

que comitem Buquoium, Mauritius Arnhemii confedit, belli in annum sequentem paratus eo contrahens, nec minus providus, ut victus & arma periclitantibus circum oppidis suppetere. Ac priusquam copias omnes solveret, comperto Emmericanam civitatem imperia Hispanica post experimentum impatienter ferre, Hohenloium mittit, ut præsidium vi machinarum exigeret, Mendosa, qui tum Resæ in propinquo hibernabat, nequicquam ferre suis auxilium cupiente, quia perfossus Rheni agger itinera inundaverat. Nec tamen placuit vacuæ urbi præsidium imponere, suo juri, suisque consiliis relinquebatur, ut istud etiam exemplum hosti invidiam augeret. Eadem spe Sevenaria Clivii redditur. Inde Hagam profectus una cum Senatu, veteri de more, nationis cujusque Ordines monebat, majore exercitu opus: quare stipendia & extra ordinem sumtus largius ministrarent, quanto nunc hostis unam in partem gravior incumberet: rescinderentque noxias cunctationes, omnes alias necessitates post unam habentes. Eodem tempore clara per istas regiones funera ducebantur. Florentius Palanteus comes Culeburgii, inter primos olim duces conjuratæ adversus inquisitionem nobilitatis, mox cognitus impar curarum & propria ipse oîi cupidine intra

tra

tra partes a se constitutas ignotus consenuerat. Sed notabilis
 privatum egerat Philippus Aldegondius, quem Arausionensi
 indivulsum, urbesque & populos regentem olim qui viderant,
 ad ultimum usque diem literata quiete reconditum miraban-
 tur. At certe Elbertus Leoninus in umbra studiorum quon-
 dam educatus, & ante pacem Gandavensem regiarum partium
 minister, tunc summus Geldriæ juridicus consiliis publicis im-
 moriebatur; homo natura consecutus, quo veterum magistro-
 rum præcepta nituntur, ut affectu pene omni vacaret, adeo
 quidem, ut partes quoque non studio ullo, sed quia sic inve-
 nerat, sequeretur. Mirum dictu, quibus interim flagitiis
 Germaniam exercuerint Mendosæ arma, nullo jam discrimine
 irruptis oppidis, quæ vetusta pacis fiducia vim resistendi
 ademerat. Eodem plebs rustica concesserant, perfugii spe,
 sed congestis opibus faciliorem raptoribus prædam facturi.
 Satis ipso transitu agri vastabantur, indicta & in sequentem
 annum sterilitate, quippe eo tempore attriti quo semina solo
 inferri debuerant. Non minus fœda arcium direptio, quas
 viri nobiles tenebant, Hispanicarum plerique partium ante
 hæc scelera fautores. Primus in Monasterienses, finemque
 Bentheimi impetus fuit: qui cum alendis copiis non suffice-
 rent, Reclinchusa Luppam inter Ruramque ad Agrippinen-
 sis episcopi territorium pertinens adjicitur; urbem ubi Dor-
 stam Velasus machinis rituque bellico oppugnatam cepit,
 ferente has contumelias antistite Boioaro, cujus silentium
 subditi pro arcano in se fœdere interpretabantur. Hinc ad
 Montenses Marcensesque & longius processit malum, donec
 in Cliviorum utraque ripa consedit, multisque illic urbibus
 oppressis, quas adventantium violentia intactas reliquerat.
 Aliæ, in quibus Clivia ægri principis sedes, venali misericor-
 dia transmissæ. Tantumque prædæ fuit, ut gregarii quoti-
 die nullites ingentes pecunias Antverpiam trafficiendas Agrip-
 pinensibus mercatoribus numerarent, Avaritiam fastus, &
 hunc quoque sævitia onerabat: nam contempta victus fru-
 galitate, quæ istis populis avita est, longinquas dapes, &
 cuncta luxuriæ instrumenta ignarissimis hominibus impera-
 bant. Quod si quis obsequio tardior aut divitias condere vi-
 debatur, aderant verbera & tormenta, truncati artus, in-
 cisa cutis, fnere & qui vivi ustularentur: quin & gravidatum
 mulierum & infantium pœnis terror quæsitus. Cujus imma-
 nitatis & cædium innumera exempla Germani ex testium fidē

1598.

Philippi
Aldegon-
dii.Elberti
Leonini.Hispani
magnæ fla-
gitii Ger-
maniam
onerant.

1598.

publicarunt. Nec minus constabat, totos Deo sacratarum virginum cætus nobilesque domos stupris pollutas: tam effera militum libidine, ut nec immaturæ ætatis miserescerent, & cum uxorū pudicitia illuderetur, adhibiti sint spectaculo mariti, quin & matres coactæ filias producere. Hæc populi pacem profitentis facinora, quæ nullus unquam victor jure belli defenderit, vix credibile est quam segniter ac remisse tulerit gens sæpe gentium domitrix, ab omni certe ævo flagrantissimæ libertatis. Sed, præter altum orium quod ferocissimos quoque animos emollit, sparsi in multos imperii istud vitium sentiebatur, quod ipsi conventus tarde, at studia, æmulatione potentium, multo difficilius coibant. Ita optandum maxime Hispano, nec sine ejus opera, concilium ex concilio trahebatur: vix interim auso quoquam, dum publica moles armorum cunctatur, suis sibi viribus injuriam arcere; nisi quod Oldenburgi comes, Bremensisque & Osnabrugensis antistites & Iohannes Nassavius longius siti minas ad se usque penetrantes fiducia tumultuarii militis contempsere: quorum exempla deinde ulteriores tutius sequebantur. At pro Cliviis & proximis Westfalorum preces & literæ pugnabant: Carolo Nutzelio maxime, quem rebus Cliviæ ordinandis oratorem Imperator miserat, detestante perfidiam, dedecusque Austriacæ domus, cum sub Philippi Albertique auspiciis, contra naturæ hominumque leges, contra pacta, Romanæ religionis vindices tam contumeliosè insultarentur. Paria dux Lotharingus loquebatur, qui tum filia principi Clivio in matrimonium data, filio sororem regis Galliæ ducente, nec deserturus necessitudines suas, nec ipse deserendus ostentabat. At a Rudolpho natura cunctatore & jam metu an tristitia in secretum abdito, ut non nisi per litteras nosceretur, quanquam & Westfali & ab his impulsī principes quotquot ad Rhenum colunt, quotidie non tam ipsum quam ministros, quibus ille sui arbitrium permiserat, fatigabant, præter legationes & verba nihil expressum. Ad quæ Albertus tum Mediolani agens & Bruxellæ Andreas causam malorum omnium, cum ipsis belli initiis & pacis ad id usque tempus mora, rebellibus assignantes, quæcumque exprobrabantur flagitia, ubi inficiari non possent, brevem necessitatem vocabant. Insolentior Mendosa, qui se Regi suo militantem, quo minus herili imperio pareret, negabat magnorum nominum sono, aut ulla re alia quam armis posse depelli; addito, si quid Cæsari, si quid Germaniæ in viribus suis

fiduciæ

fiduciæ esset, eas tum usurpandas fuisse cum Bonna, cum Ber-
ca milite Batavo tenerentur. Sæpe cunctis se Lutheranis ho-
stem, ac nimium diu inultæ impietatis exactorem eas in terras
divinitus missum per vaniloquentiam jactabat. Iam quatuor
exiguo minus menses Hispanica signa per Germaniam volitan-
tia viderant, cum ipso anni exitu decretum ab Imperatore ad
Mendosam, alterum ad Fœderatos venit : illi innumera obje-
ctabantur : his, quod pauca ad Rheni divortium loca Clivici
juris occupassent, & irrupta Monasterii ditione sacerdotes
egissent captivos : tamen utrique jussi Germanici imperii solo
decedere, rapinas ac damna reparare, solvere captos, alieno
in posterum abstinere, eadem poenarum sanctione, velut in
paria peccantes.

1598.



Z 3

HUGO-

HUGONIS GROTII HISTORIARVM

DE REBVS BELGICIS

LIBER OCTAVVS.

SVMMARIVM.

Mendosa irruptis Calcare & Goga Vesalienses ritus Romanos restituere iubet; illo cum exercitu digressi libertatem recipiant. Hispanorum apud Rheni accolae defensio. Fœderati sparsis in publicum defensionibus se Germanis purgans. Hesso & Brunovico de belli in Hispanos summo imperio consentientibus comes Lippia praefertur. Ennoricum iterum Hispanis deditur. Ludovicus Nassavius Baquocium capit. Exercitus regis Bommeliæ insulam irrupturus Rheni ripa descendit. Captis hostilibus obviæ iturus Mauritiis Gravewartam munit. Machinarum istibus plurimos hostium occidis. Messuahalia situs. Urbis insulaque Bommelia descriptio. Hispani in Bommeliæ penetran. Princeps Bommelam ingressus civium animos restituit. Egre-gia tuendi urbes inventa ratio. Crepidordium Hispani expugnant. Ducentis-simam ex censu inter Batavos colligendi difficultas. Lanovius Fœderatis in Gallia militem scribit. Mauritiis Vorenæ castello munit. Castellum Andreamum molitur Hispanus. VVorchomum frustra tentatur. Germani in Hispanum ducunt. Castellum ad Bercam irruunt. Resam irritò evnta petunt. VVilhelmus Nassavius Doticomum in potestatem redigit. Mauritiis contra Andreamum castellum munimenta ponit. Fœderatis commercia ab Hispanis interdiciuntur. Hi quoque, ne quis merces ab hostem ferat, vesant. Duce Petro Donsa classem mari immittunt. Insulas fortunatas aggrediuntur; illarum descriptio. Incenso Allagorena oppido ejusque arcis Batavi Brasiliam petunt. Insula Thoma descriptio. Parvoasa oppidum atque ejus arx Donsa dedita ab insulanis incenduntur. Pestilenti morbo Batavi corripimur. Donsa meritur. Plurimis suorum extinctis Batavi domum redeunt. Spircola naves longa Philippo in auxilium adducta a Fœderatis perfo-diuntur. Albertus in Belgicam redux omnia impedita offendit. Belga Archiducum moribus offenduntur. Fœderatorum res arcta. Elisabetha pace sibi opus significans Ordines percellit. Hollandos capitationem ex censu duplicantes socii tarde sequuntur. Germani quidam principes auxilia offerunt. Suecia regi societatem Ordinum ambianti offertur amicitia.

1599.

*Mendosa
Calcarem
& Gogam
irrupit.*



Bduruerat quotidianis querelis in tantum Hispani animus, ut per ipsos dies, quibus ab Imperatoris feciali, legatisque Lotharingis coram accusabatur, Calcarem Clivicam urbem Romanæ religionis, quæ juris sui, an hyemis præsidio, receptare

ceptare militem abnuerat, tormentis verberatam, portæ per
 ruinas non sine sanguine irrumperet. Goga quoque, ditionis
 ejusdem, tormentis subacta est. Gennepa & Xantemo per-
 missis incussum terrorem pecunia redimere. Lutheranismi &
 Calvinismi odium tam pertinaciter jactabat, ut Paterbornensi
 episcopo aliisque imperaret purgare terras noxio vulgo; ni fa-
 cerent, venturos milites, qui nec vitæ fontium, nec cæterorum
 fortunis parcerent. Formidolosum id imprimis Vesaliensibus,
 qui Romanos ritus restituere jubebantur, Consilio ducis Clivi-
 ci jus principum usurpante, quorum per Germanicas leges de
 religionis usu liberrimum est. Foederati certe Ordines sena-
 toribus ostenderant, rem esse indignam, ad nutus barbaræ
 gentis, quæ omnem pietatis sensum factis a se abdicaret, sacra
 publico jure firmata his eripi, qui a parentibus ea tradita ac-
 cepissent: hortati & civitatem ne in Dei causâ vim hominum
 nimium pertimescerent: quin fortia caperent consilia adver-
 sus procellam brevi spatio evanescentem: se quidem nec com-
 munium sacrorum, nec hospitalis beneficii immemores fore.
 Sed metus propinquus, spes remotæ animos subegerant; ora-
 toque frustra ut templa partiri liceret, exactis qui fuerant mi-
 nistris, ædes ludique literarii Iesuitis, imprimis illic inviso
 hominum generi, patuere. Coriolano Garzadore episcopo
 Oligerdensi, qui nuntii nomine res Pontificis per inferiorem
 Germaniam agebat, solennes lustrationes peragente; aspergi
 humum, ipsos suggestus, velut impietatis reos, flagellari,
 dein longas Missæ cæremonias, apta ostentui omnia, plebs
 urbana simplicioribus sacris quinquaginta per annos assueta,
 pars indignabundi, pars non sine risu respicere. Sacerdotes
 in magna templorum solitudine, populus suos ritus tantum
 requirens, quantum alienos detestabatur, infesti murto su-
 spectique egerunt, per omne id tempus, quo Hispanorum
 copiarum fines obsidebant: iis postea digressis, simul qui eorum
 vi nitebantur excessere, civitas libertatem & mores recepit.
 Iam inclinantibus in ultionem Germaniæ consiliis, Mendola,
 quanquam prætulerat hætenus ex usu Regis fore, si vincen-
 di bellum inciperent, & se juris Quiritium inscientem mili-
 tari agere malle, re ipsa conscius non duplicandos hostes, ex-
 ploratis per homines idoneos principum & auctoritate præ-
 stantium studiis, quæ ipsis vincula, quis foederum modus, ne-
 que muneribus neque aliis artibus abstinebat, ut coeuntes
 distraheret. Tandemque operæ pretium visum est conqui-
 rere,

*Vesalienses
 frustra de-
 hortantibus
 Federatis
 jussu Men-
 dole Roma-
 na sacra
 restitutum:*

*Digresso
 Hispano-
 rum exerci-
 tu mores &
 libertatem
 recipiunt.*

*Mendola
 coeuntes in
 se Rhemi ac-
 cilis distra-
 here stude.*

1599.

*Hispano-
rum apud
illos defen-
sio.*

rere, qui causam tam deploratam verborum præfidiis fulciant. Scio ego miraturum non neminem, quid tum ab ipsis vel in speciem afferri potuerit. Quare ea, quæ legati Andræ apud conventum Rheni accolarum, Agrippinensium in solo, dixere, quam potero brevissime referam. Hi postquam diu eorum, ad quos venerant, nomina & mandato contra morem legatorum quærendo tempus extraxerant, tandem velut impulsæ ad subitariam defensionem, dolere sibi ajunt, quod veræ religionis inimici, rebelliam fautores, principum aures ac publicos conventus falsis aut invidiosis vocibus implerent, quasi nefas esset communi causæ orbis Christiani, quam Rex Hispanus defenderet, pauca in singulos incommoda condonare. Nam non Regis libidine sumpta hæc arma, sed coercendis prædonibus, qui, contempto Dei hominumque imperio, ex scelere jus facerent. Vbi tunc istos conventus & Germaniæ conscriptionem & horribile decreti carmen, cum Arausionensis bello perfido unum, exemplo principes omnes peteret? armatas a Deo potestates, ut malis undique nascentibus occurrant, justas sæpe neglecti muneris poenas dedisse: at ipsos non alienas tantum dissimulasse injurias, verum & suas, cum vastarentur agri juris Germanici, castella atque urbes tenerentur a rebellibus impune. Non habituros obtrectatores, quod tam acerbè exagitant, si sui officii memores Germani, quibus arbitris Hispanus conciliari toties voluisset, perpetuos pacis hostes coegissent semel arma ponere, nunquam sine finitimorum damno exercita. Quid enim non datum a Rege patre aut filio tranquillitati Christianæ, qui, vitandæ omni invidiæ, alienata ab se Belgica, æstatem proximam, magni exercitus domini, spe sola concordiæ trivissent, donec militem cum hyeme inopia opprimeret; quippe effuso honestissime ærario, ad Galliam bello & præfidiis liberandam? Tum quoque, quanta potuisset, adhibitam diligentiam disciplinæ: cujus quam difficilis esset cura, sensurum, si quis Mendosæ in id onus succederet. Nullum in loca ipsorum infessa jus victoriæ intendi. Hospitium & brevem custodiam quæsitæ; eoque delectu præfidia disposita, ut Batavorum excursibus obnoxias regiones undique præmunirentur. Quæ militum delicta providentiam ducis aut poenam effugissent, exigua, si quis cum Caroli Imperatoris & Philippi beneficiis componeret: reminiscerentur & foederum. Quomodo enim liberum sibi dice-

dicerent in hoc bello neutras partes sequi, principes, episcopi, civitates, non tantum veteres Burgundionum loci, sed quos Carolus ad propugnandam communi ope Romanam religionem sibi obstrinxisset? Quoties eo nomine denuntiationes a præfectis regiis interpositas? quoties Clivios appellatos, ne contra Venloanas pactiones fugitivis receptum, hostibus transitum darent? Ipsorum civibus, armis, commeatu aucta hostium scelera, cum tamen Parmensis Buricum redderet, contra Refam castellum dejiceret, quietem ipsis in bello permetteret, dummodo Gravewarta insula Batavo auferretur. Ne hic quidem obtemperatum: idque constare Regi Transrhenanæ possessionis jactura, cui proinde longius iter quærendum fuerit, ad sua repetenda, quid tum, si non sine aliquo illorum damno, quorum id culpa evenerat? Multo etiam iniquius facturum Coloniam episcopum, si Monasteriensium aut aliorum querimoniis nimium moveretur: potius, quod Pontifex ullus Agrippinensibus, quod sacra adhuc essent, agendas Philippo gratias, qui impium bellum movente Truxio, contra decreta Germaniæ, nemine Germanorum contra eunte; quibusdam vero etiam principium hinc quærentibus grassandi in sacerdotes, rebus suis post Boiari preces habitis, Novesium ipsi, mox Bonnam armis reddidisset, testato salvas sibi impensas esse debere. Bercam quoque ereptam rebellibus, & dum alibi Albertus occupatur, amissam: ac nuper, dum spes fuisset ante vim reddendæ domino urbis, honori ipsius diu donata agendi tempora. Hæc si expenderent, melius sibi consulturos, quam tenuium malorum improvida miseratione majora irritando, & quorum sero poeniteret. Si pax turbaretur, concitorum capitibus impendere ultionem, Regem, Archiduces, Mendosam extra crimen fore. Non multum his dissimilia dixere qui ad Imperatorem & principes singulos mitigandos mittebantur, promisso ante Aprilis exitum decessurum militem. Fœderati ordines sæpe frustra expertis legationibus in id tempus abstinuere, permittendum Hispano rati, ut quam liberrime fu-
Fœderati
Barbaris de-
fensionibus
se Germanis
purgant.

1599.

non ita dudum Emmerico nuper cederent, mirantibus multis testatam. Objici locum unum aut alterum hosti imminenti necessario antecaptum, quasi non & civium interfuisset servari contra non evitanda alias Hispanorum flagitia, a modesto milite, & cui nec stipendia, nec disciplina deficeret: addi pauca excursorum delicta, quæ, ut fit, notitiam & ultionem effugerint. At non publico ductu importatum alienos in fines exercitum, non seditiones lucro deputatas, non populorum, nihil ad se pertinentium religioni morem impositum. Pollicitum & curaturos se de Gravewarta, ne Geldri arbitros recusarent. Accessere quæ aut causam ipsorum plausibilem, aut Hispanum avaritiæ, falso pietatis nomine velatæ, suspectum facerent; dicta alibi, neque hic repetenda. Finis erat: ne genus hominum servile liberis nationibus insultare diutius paterentur. Deliberantibus ad Rheni & Mosellæ confluentes quinque pagis, tarde belli consilia procedebant; nec deerant qui cum Batavis gnaris armorum sociandas vires jam tum judicarent. Sed plures sua recipere satis habentes, longiori bello aperire Germaniam recusabant; partim invidiam & offensas Imperatoris, vimque potentiorum adeo nonnullis expavescentibus, ut, cum de acceptis injuriis loquendum esset, Regis & gentis Hispanicæ nomen anxie vitarent. Sed & nec Ordines ipsi multum laborabant miscere sibi socios, quorum ex dissidiis adversa, aut ex secundis pacis legem acciperent. Præcipui maturandæ expeditionis auctores erant, Palatinus Septemvir, Hessus, & Brunovix; suis auspiciis & copiis, quas satis magnas tota hyeme conscripserant, rem aggressuri, ni inter ipsos ortum certamen, Hesso & Brunovice de summo belli imperio contendentibus; cum Palatinus quietis patiens interiorum tutelam & publicorum conventuum curam sibi depolceret. Vbi ea dissensione e Westfalico pago Romanenses plerique, & quibus nihil æque invisum atque arma Protestantium principum, tributum trimestre, æquale ei quod in Turcam datur, offerendo, ut præses suus dux belli renuntiaretur, effecere; æquum dictantes, & moribus Germanicis consonum, qui vim passi, quorumque in solo bellum administraretur, ipsis in auxilia regimen concedi. Hyemem hanc, bis gelatis annibus, sollicitam Foederati, attamen innoxiam egere; dum divisus Mauritius & Wilhelmus copiis, ille Cissalana ex Arnheмо curat, hic ulterioribus custodiendis ad Meppelam confidet, intercurrentibus nunciis. Detectæ in Bre-

*Belli in
Hispanos
consilia
tarde apud
Germanos
procedunt.*

*Palatinus,
Hessus,
Brunovix
maturandæ
expeditionis
auctores.*

*Hessus &
Brunovix
de summo
belli impe-
rio contende-
runt.*

*VWestfalici
pagi præses
dux belli
renuntiavit.*

Bredam, Noviomagum, Daventriam insidiæ, curam cuncta tuendi & impendia auxere. Mauritianus miles plus semel in hostem victor, etiam suspendio necatos a Iuliacensibus milites præsidii cuiusdam cæde & rapinis pensavit; pessimo militiæ more, qui juris publici neglectu privatam centurionibus ultionem permittit. Emmericum, quod oppidum a Mauritio liberatum diximus, rursùm Hispanis, qui sub exitum Februarii machinas advexerant, pavore magistratuum deditur, cum civi militique non deesset animus; insuper tam difficili per aquarum incrementa aditu, ut scaphis indurcti intraverint. Ibidem mox, sublapsam columna fatiscente Iesuitarum ædem, erant qui ad prodigia referrent. Sed & Buquoius comes præsidium illic regens capitur ipse, dum prædabundam manum calidius persequitur insidias illapsus, quas Ludovicus Nassavius paraverat: ut ferme per id tempus crebrioribus quam gravibus damnis res regiæ deterebantur. Nam vere appetente divesis locis fusus eques: venit in potestatem Paulus Æmilius Martinengus; captis comitibus Fridericus Herenbergensis vix periculum evasit: portus Antverpiensis perruptum præsidium, avecta præda: & in oceano deprehensa navis Hamburgo arma in Hispaniam ferens. Pecunia nondum supererat. Trecenta ducatorum millia gravibus sub usuris a mercatoribus accepta, quo maxime urgentibus succurreretur. Ita Antverpia & Lira mutatis præsidii metu exemptæ: inde metu dilapsi, &, qui restiterant, protrusi edicto, e finibus in Germanorum manus passim inciderunt, ubi quicquid aliis peccatum erat, ipsi luere, publici odii victimæ: Gandavi, quia modestius egerat miles, mansit. Sed Bercam transiit seditio, eadem ex causa, totoque anno exagitavit. Delectibus quoque per Italiam Germaniamque audita penuria moram objecit: quin & crebra ad Batavos transfugia, qui stipendium recens auxerant. His ut malis occurrerent Andreas & Mendosa, simulque parte promissi Germanos lenirent, principio Aprilis ver nacti siccum & maturius quam isti cœlo solitum, ita ut jam pecudes pastum agerentur, jubent abductum hybernis exercitum, erat is millium quindecim, utraque ripa descendere. Emmerici tamen & Resæ præsidium relinquere locorum commoditas suavit, ut & Gennepæ ad Mosam; cæteræ civitates coactæ militi testimonium probe ac modeste actæ hyemis præbere, non negligente interim Mendosa pro tam longi

1599.

Mauritianus miles necatos facios cæde & rapinis pensavit.

Emmericum iterum Hispanis deditur.

Ludovicus Nassavius Buquoium capis; aliaque haud magni momenti Foderatis profusa cadunt.

Exercitus regius utraque Rheni ripa descendit.

1599. hospitii gratuito usu partem de stipendio militi deducere. Inter eundem ferme consumpto mense, medio flumine contra Gravewartam utrinque consedit exercitus. Non sine spe expugnandi Mendosa suaserat, maximo haud dubie fructu, si evenisset: sed contra nitente Ricardoto, quasi fieri non posset, quod Parmensis frustra tentasset, Andreas Bommelianæ insulæ irruptionem prætulera, ejusque consilii occultandi ac retinendi hostis hic labor simulabatur. At Mauritius vix alias magis inquietos dies, noctes quoque insomnes habuit, cum & notis armorum sociis & justis viribus destitutum curæ innumeræ distraherent: nam primi dum Wilhelmus apud Frisios suspectis Emdæ rebus, Verius in Anglia detinebatur, alii per Germaniam, concitores belli illic & ministri, aberant. Necdum advenerant cohortes externæ, quas adversus vim hostilem gravius incubituram Ordines diversis partibus conscribi imperaverant. Quatuor penes se millia habebat, quibus Isalæ transitum, quibus Rheni læva ac dextra, supera atque infera defenderet. Igitur recepta Lobecensi arce locisque aliis, quæ nuper Cliviis reddiderat, Geldrica rursus insula sedit, manentibus prioris anni munimentis & hosti intactis: pars copiarum ipsam Batavorum insulam tenebat, eo consilio, ut quamcunque urbem aut castellum Mendosa impeteret, ipse aversum latus & opere minus firmum armis prætexeret; quamobrem speculæ ripis, pontes omnibus impositi, quo facilius indicia atque auxilia commearent. Mox Gravewartam autem prius præsidio, quod tenue fuerat, adversus hostium utrinque tela, lorica instruit: inque amnem palorum duo cornua protendit, sistendis ratibus, quæ jussu Mendosæ apud Coloniam paratæ dicebantur. Machinarum ictus, explorato situ e tumulo, trans flumen ea arte directi, ut, plurimis suorum discerptis, cogeretur hostis partem castrorum subinde transponere: cum interim & equestres e Noviomago excursus fatigare: neque deesse in divisi exercitus partem alteram justæ victoriæ occasionem, sed paucos secum qui exsequi possent, Mauritius fatebatur, non sine acri doloris sensu. Monebatur ut Bommelæ caveret per exploratores & captivos; sed metuebat, ne, se digresso, alia penetraret hostis, qui falsis variisque conatibus incerta fecerat omnia, etiam speculares ignes suos ad usus trahens. Inter tot ambigua nihil visum tutius quam manere, cunctaque itineri expedita habere,

Gravewartam expugnacioni insula

Bommelia Andrea præfatur irruptione.

Mauritii inquietudo. Ejus causa.

Cæpius hostilibus obviæ iturum cum exercitu Geldrica insula sedet.

Gravewartam munit.

Machinarum ictibus hostium plurimi discerptantur.

Mauritius motus ut Bommela caveret, suis judicatis manere ubi erat.

bere, onerare currus, equos curules neque nocte ullos, neque de die cunctos sejungere. Multas maximasque non immerito oportunitates ex Bommelia insula Hispani sperabant, primorum illic amnium claustris, & in hostilis agri intima non uno transitu. Rhenum qua Vahalis dicitur olim quoque Mosæ admixtum in Oceanum fluxisse, Romanis scriptoribus abunde demonstratur. Sed media tempora crebris diluviis, nondum ea quæ nunc est aggerum cura, quantas mutationes attulerint, dici non potest, cum nec ita dudum alia fluxisse Mosam patrum monumenta, & trans-Heusdam veteris alvei nomen testetur. Nunc quidem ita se res habet. Quæ pars Geldriæ subter Clivos inter utrumque flumen procurrit, Mosivahalia incolis ex re appellata, sensim tenuatur, & ad confluentes finit, qui Vorenam insulam brevi intervallo bis aquis permixtus constituunt: unde discreti rursus amnes, cursum quisque suum persequitur, servato vocabulo, donec iterum coeunt, amplexi justam insulam, Geldrici nunc juris, cujus caput Harvarda vicus, finis arx Lovestenum. Nomen oppidi ab insula Bommela, quam medio ferme sui Vahalis allabitur: ea civitas Albanicis temporibus inter primas exuerat servitutem; inde cum Hollandis arcta ipsis societas, quod invicem munimento essent. Non longe Harvarda proxima amnium flexus, rursusque aperitur insula Rossemum in vicum, Martini Rossemienſis ortu nobilem, qui imperante Carolo populabunda manu Belgicam, & mutatis partibus Galliam penetravit; hinc longe diversi fluunt. Sed ambitiosior Mola & Brabantorum agris largius indulgens in austros abit, qua Sylvauducis aspicit correcto cursu, ubi Crepicordium inter munimentum arcemque intra insulam, quam Helium vocant, medius transiit, Hollandico deinceps solo excipitur, ac modico sui divortio Hemertam insulam circumductus, Heusdæque mœnia attingens, cætera integer conficit. Spem invadendi hæc loca Hispanis auxerant diversi indices missi Alpina ad juga, qui nives solito minores modica amnium incrementa promittere, consensu renuntiabant: partibus, non agmine ire visum, ut quam diutissime ad Gravewartam castrorum imago hostem moraretur. Sapenæ igitur, qui Gennepe, velut tutandos ad commeatus, hæserat hætenus, additi subito Barlotta & Stanleius, cum suis cohortibus Hispanica, Walonica, Hiberna, & Henrico Herenbergensi ductore equites quadrin-

1599.

*Mosivahalia finis.**Urbis insulaeque Bommelia descriptio.**Vahalis. Mosæque variis excursus.*

1599. dringenti primi descendunt; Vorenam, si indulgentius custodiretur, subito aggressuri. Sed viso id frustra fore, propter subfiterunt, donec Sylvaducis adjutæ curribus lintres adventarent. Iam pulsa machinis (nam attraxerant aliquas) Batavorum hæc quæ flumen illic servabat, non procul Rossemo Mosam transgressi, fuso hoste qui per aggeres obequitabat, & quod juxta peditis non auso obsistere, Bommeliensem insulam penetrant, modo hac, modo illac palabundi, dum mandata, aut copias majores opperiantur, ipsique duces æquali potestate, dum offensas metuit Andreas magis, quam bello expediebat, inter se dissident, in pulcherrima occasione agendorum incerti. Et alias & tum raro Dei in Batavos beneficio constitit, plerumque circa spes ingentes & propinquas consilia hominum deficere. Namque urbs Bommela, maximum belli momentum, ad imperum nuda ferme jacebat, veteribus munimentis arctis atque invalidis, & novis, quæ triennio cœpta nondum perfectis, dum Ordines in multa operum distracti erogationibus parant, & partem imprimis hosti adversam aqua stagnans & uligo soli moratur. His Princeps auditis,

Barlota & Scenleius in Bommeliensem insulam penetrant.

Princeps Bommeliensem ingressus civibus animos restituit.

Egregia eo tempore tuendi urbem contra obsessores inventa ratio.

Crepidiorum Hispani in potestatem accipiunt.

citato quanquam itinere, non ante secundum ab hostium transitu diem, sed antequam illi Vahalæ ripam occupassent, in urbem pervenit, percussisque periculo civibus & fugam parantibus animos restituit. Nam quanquam & Hemertam insulam & siquid alibi suspectum, cura sua & milite firmabat, Bommeliæ tamen præcipue intentus, plurimum ipse adesse, augere præsidia, opera urgere. Monstrataque est eo tempore egregia tuendi urbes ratio, Principi sæpe postea, nec minus hosti repetita, & mansuri perpetuo usus, quoties obsidium metuentibus miles suppetit, obviam hosti eundo promotis longe munitionibus, quæ & spatium amplius præbeant defensuris, & intima diutius periculo seponant. Propugnaculis enim quæ vallo continua, objectæ moles aliæ atque aliæ, quæ aquis & ipsæ includerentur, quicquid defensioni idoneum extremo ambitu amplectente lorica. Quæ dum properantur, Hispanicæ copiæ, & qui Emmerico tum primum relicto exierant, sociis, qui tum forte Crepidicordium castellum obsidere cœperant, supervenere. Dedito facile castello, & quæ contra castellum est arce Helio, pontem illic e navibus Mendosa Mosæ instruit, transponendo militi & comitatibus, qui abunde Sylvaducis afferebantur. Læta civitate ob hostem de vicinia pulsum, & cætera diligentius curante, quo minore offensa præ-

præsidium abnueret, etiam Andream, qui eo venerat, non nisi præfinito comitatu moenibus excipiens. Validi hostium conatus adeo Batavos non terruerant, ut maioribus, quam ante, animis opes viresque intenderent. Instituenda enim augendo ærario venditionum, litium & hæreditatum vectigalia, haud ægre tolerata. Difficilior e censu ducentesima, eoque minus duravit, quanquam mos ipse liberis populis æqualitate olim laudatus. Sed multorum opes incognitæ, aut per mercaturam incertæ, & suspecta profitentium fides obstitere. Plebem & hoc offendit, quod etiam opulentissimi, si bis mille florenos pro ducentesima darent, ulteriori professionis onere levabantur: quod partim vitandæ invidiæ datum, partim in solatium nobilitatis, arguebant pauperiores, tanquam in paucorum gratiam exuta æqualitate. Supra classem, quam in Hispaniam missam suo loco memorabimus, novi e Germania delectus & Helvetius pedes tum primum usurpari coeptus. Scriptæ & leges de armaturis. Gallorum quoque cohortem bis millenariam e regno pacis impatiente Lanovius conscripserat; querente Hispano violari fœdera: cui rex Henricus responderat, nihil suo jussu fieri; nec intercedere tamen quo minus bellantium utrique bella cupientes Gallia deducerent, quo citius vetera partium nomina exhaurirentur. Ita placere Ordinibus copiæ suæ, ut e consultoribus pars animosi juvenia, cæteri longorum sumtuum pertæsi prælium poscerent. Sed monstrabat Mauritius posse hostem tutius eludi, & re in discrimen data leve Hispano militis damnum, apud populum etiam minora vulnerum formidolosa: & aderat jam Wilhelmus prudentiæ laudator, & calentibus consiliis semper averfus. Postquam ergo tota vi belli Mendosa ipse ad oppidum Bommelam venit, operibus & machinarum jactu certatum, nullo in rem summam malo, singulorum vaga pernitie: at in Hispanicis castris duo millia hominum breve intra tempus absunta: inter hos duo fratres, diu divisi & ignari, quia nomen alter maternum assumerat, cum forte coiissent & inter sermones agniti inter se amplexus necerent, capitibus utrique abreptis, consecuti sunt, nequid post id gaudii dolerent. Similis casus in Mauritiæ castris marito & uxori simul cubantibus mortem somno continuavit. Equestres interdum pugnæ & excursus, & omnia non obsidio quam adversis castris similiora. Tandem retrogresso ad Rossem Mendosa, Mauritius quoque, firmato quantum satis oppido, cui supra infraque pontes addiderat

1599.

*Batavi
contra va-
lidos ho-
stium comi-
tus opes vi-
resque in-
tendunt.
Ducesas-
mam ex
censu colli-
gendi diffi-
cultas.*

*Lanovius
frustra in-
tercedens
Philippo
Fœderatis
in Gallia
militem
conscribit.*

*Mauritiæ
prudensia.*

1599.

*Ernestus
in Tilanum a-
grum Men-
dosa trans-
itum pro-
hibet.*

*Mauritius
Vorenam
incautum
obveniente
Sapena ca-
stello mun-
it.*

derat duos Vahali transeundo, copias per insulam Vorenam, quam novis operibus in exemplum pulcherrimæ munitiois erigebat, totaque Vahalis ripa exteriori disponit. Assiduo pulsu, quanto moenia incuti solent, transitum illac in Tilanum, qui trans Vahalim, agrum urgebat Hispanus, reniteſte Ernesto, cui ea regio obvenerat, atque in parva Vahalis insula, quæ prope Rossemum, pertinaciter hærente. Nec Princeps sua tutari satis habens, partes oppugnandi ultro suscipit, primumque trans Mosam, quod ripæ Brabantia proximum, Vorenam respicit, subito levique opere insideri jubet, ut agentem illic hostium equitatum, qui comœatibus ac pabulis præsidebat, excursibus laceſſeret. Mox ex eventu ausus majora, summo mane gnaros talium cum trecentis militibus jubet penetrare insulam Bommeliam, eo in loco, quo Harvardam esse diximus, Lunæque in speciem defigere palos, inde quantum maxime properari poterat, integere humo. Spatium id erat quod sex millia hominum caperet. Simulque opus & copiæ ignaro primum hoste crescebant: tantumque fiducia superſuit, ut coram Princeps ipse inspectatum adveniret. Temporis mora, dum consultitur Mendosa, dum alternant consilia, favit audaci cœpto. Certe jam humani corporis altitudinem bis vallo æquaverant, cum inumbrante vespere, duce Sapena, lectus miles Hispanus Italusque, ad bis mille, acrem impetum facit, ira simul & religione incensus: quippe monachi crucis insignia præferebant, cæsi captique inter primos. Erant quos animi ardor vallum ultra erectos impulerat coram manus miscere; propugnantium pares spiritus, sed consilio regebantur, status integer, certi ictus, jactusque. Lanovius Gallos, Anglos Horatius Verius, Scotos Edmundus voce exemploque incitabant. Sed præcipue hostem fatigabant Mauricii machinæ ex insula Vorena ipsaque Vahalis ripa in omne latus directæ; tandemque cessit, multa suorum cadavera trahens. Sunt qui septingentis non minus cæſos tradiderunt, inæquali certamine, cum circiter decem e defensoribus desiderarentur. Inter peremptos centuriones Paciottus fuit, captivus nuper & reparandæ ad gloriæ occasionem intrepidus. Processit munitio: itemque trans Mosam minores aliæ: frustra tentato impetu in eam, quam hostis juxta ad Littam fecerat. Insigne sane castrorum specimen, per tot insulas ripasque divisus exercitus, qui navigiis amnem tenentibus & quinque pontium mobili quocunque vertere libuisset opere, alternis usibus miscebatur. Nec quicquam

quam ausus in opera Mauricii Mendosa : sed perfuga monstrante locum acceperat Rossemum supra , ubi proxime coire fluminum flexus ante relatum est : ibi consilium secutus, quod jam olim ceperat Carolus Mansfeldius , tunc vero reperierat Carolus Colonna Tribunus , idem qui has res summo cum iudicio ac fide posteritati tradidit , pars ipse earum haud minima , iustum ex humo castellum moliebatur , quod ab Andrea nomine vocitatum , hinc Mosæ inde Vahali incumbens , aqua terraque iter præcluderet. Ita insumta æstas , relictoque præsidio is unus tanto labori fructus superfuit : reliquus miles per Brabantiam sparsus ad licentiam rediit. Worchemum Hollandiæ oppidum Barlota nocturno astu quin caperet haud longe absuit : sed cum in ipso agendi loco consilium traxisset , excitus a speculatore civis minimo antevertit ad portam procurrere. Quæ dum acribus studiis apud Batavos geruntur , Germani interim Hispanique, hinc ignavia, inde ludibrio certabant : nec Hispanis sua virtus , quippe alios apud hostes irrita , sed Germanorum discordia tantum securitatis addiderat , ut gentem diu invictam & undique formidatam palam atque impune contemnerent. Quippe Imperatori , episcopis , & Romanæ religionis aliis bellum nolentibus erat. Scorsim principes Brunovix , Hessus & Brandoburgicus (nam Palatinus se armis subduxerat , Maguntini & Treviri exemplum obtendens) inutilem diu militem habuere : donec ætate media circa Bercam coiere ad duo equitum , duodecim peditum millia , summa Simoni Lippio concredita , rogatu , ut diximus , Westfalorum , qui cum id impetrassent , adeo promissa auxilia non misere , ut contra ab ipsa urbe Colonia petitus Hispano miles sit , & alia belli instrumenta. Dux , belli se inexpertum haud dissimulans , Hohenloio Saxonum inferiorum , Solmensi Rhenanorum , quos vocant , præfecto , qui in speciem Ordinum foederatorum sacramento exierant , regimen omne permittebat : nec his duobus audentia aberat , laboris quoque indefessi agitabant ; sed uterque armis quam consiliis melior perpetuo certamine rem distrahebant. Miles ignarus obsequii vino atque ignaviæ deditus , & , ubi pecunia non ad diem parata , promptus seditioni. Castellum quidem Hispanorum ad Bercam irrupere ; multaque cæde in causam descenderant : simul Orsæum , Emmericum , inessæ præsidii. Sed ubi ad Bercam ventum ; nulli ad obsidium aut oppugnationem paratus , extra machinas aliaque a foederatis Ordinibus sub-

*Castellum
Andrea-
num moli-
tur Hispani.*

Worchemum Barlota frustra tentat.

*Comite
Lippio dux
Germani
in Hispanum exercitum ducunt.*

*Castellum
ad Bercam
irrupunt.*

1599. missa velut clanculum, ne agnoscere partes viderentur, quod imperator destitute vetuerat: quin nec commeatus exercitui suppeditabantur, detrectante vicinia, quam sponte in se inclinantem Hispani legationibus crebris adibant, excusando antea, & meliora pollicendo, tantumque in eo fiducia fuit, ut, circumfessa cum maxime Berca, augere praesidium Mendoza, aut militi intus tumultuanti stipendium persolvere, contemserit. Visum itaque Germanis Resam potius ducere, quo propius a Batavis alimenta, & siquid ultra usui, sperarentur. Illuc Hermannus Herenbergensis cum Andreae mandatis advenit, qui, culpam suorum cum Batavis permiscens, spe quaedam loca restituendi tempus extraheret. Responsum fortiter, Ordines jam oppida ac castella complura nullis conditionibus tradidisse, nec esse quod sua facinora inæquali comparatione velarent: quaesitumque an pecuniam afferret, qua de illato damno tot populis satisfaceret: & quo pignore caveretur non eadem mala paulo post reditura, quando fides signumque Regis infirma credentibus subsidia, tot oppida capta, tot agri eversti, ostenderent. Sed verbis facta discrepabant: quippe & duces dissertando tempus terere, & miles otio magis magisque lascivians in praedas stupraque verti, & in hostem nihil, in alios omnia audere quibus ulciscendis advenerat. Ab ipso Resæ praesidio nihil hostile: quin per ludibrium Germani ad pocula invitabantur: & erant qui irent, jungerent dextras, redirentque illæsi, donec privata militum collusio in publicas aliquot dierum inducias mutata est. Non dubie multa magna- que Ordines foederati e motu Germanico speraverant: qui nulli ipsis usui: nisi quod dum tantus exercitus ignavia stupet, missus a Bommela cum turmis septem, centuriis quinquaginta Wilhelmus Dorocomum, Mendozae captum anno prio- re, fossis machinisque intra diem tertium, pluvio quanquam coelo & contra jaculantibus obsessis, in potestatem redigit. Sub idem tempus Ludovicus Nassavius cum turmis circa Graviam dimissus, insecutis hostium copiis ipse impar, ductu provido per arcta itinerum, Mosamque flumen, praedam re- vexit. Finitis ad Resam induciis, nihil tamen promoveri obsidio: nec enim duces periti earum artium. Aderant sa- ne e Batavis fossores, sed & illi longas mercedes lentaque opera, quam brevia cum periculo malle. Vigiliarum in ca- stris vix ulla species: ter novus in oppidum miles penetravit. Inibat autumnus, cum praemature facta denuntiatio more militari

*Resam ten-
dunt irrita
evenit.*

*Vilhelmus
Nassavius
Doroco-
mum in po-
testatem
redigit.*

militari obsessi retento caduceatore subito in improvidos palantesque erumpunt; cædunt ferme ducentos: quia & machinas trahunt, tantoque id terrori fuit apud imbelles animos, ut non tam solveretur obsidio, quam castra turpi & vix alias audita fuga defererentur. Relictos commeatus rotasque naves, tum Hispani, tum ipsi Germani diripuerunt, brevique diffudit exercitus, dum partim poscunt stipendia, partim in trimestrem se militiam nec ultra auctoratos jactitant. Brunovix in multos suorum, compertis flagitiis, capitali supplicio animadvertit. Profugit & propter Bercam castello miles, & qui Gennepam tenebant ab Hohenloio nuper inessam, cum Hispani ultro juvandam ad Resam præsidium deduxissent. Vix Orsæum & Emmericum mediocri milite servabantur. Ante hanc pudendam Germaniæ labem, actum erat sæpius, ut projecta dissimulatione foedus palam iniretur, acciperenturque Ordinum auxilia, aut etiam Mauritio bellorum experto summa tradere-tur. Sed non mittere Ordinibus promptum, quos suorum finium tutela distinebat, præterea terror classis Hispanicæ maritima firmare compulerat, eodemque metu Angla reposcebat militem. Nec Princeps comperto per Wilhelmum, qui coram viserat, rerum Germanicarum statu, avidus intervenire periculis, & accipere militem obsequii bonarumque artium indocilem. Quamdiu campis circa Bommelam hostis hærebat, non ausus in hyberna ducere, quanquam graves impensæ Ordines fatigabant, refotos nonnihil pecunia, quam rex Galliæ submiserat. Sed ubi Mendosa, jam crescente autumno, nulla re magis, quam fame morbisque suorum coactus, dimisso milite varias in partes, quo minus seditio coalesceret, ipse in Germanicos fines recessit, solvit & ille copias, positis primum secundum flumen munimentis, quibus eruptiones ex Andreano castello cohiberentur. Emmericum quoque adversus imminentem Mendosam, & oppidanos præsidio infensos, immisso per noctem milite, communiuit. Hæc ter-ris gesta non interrupto ordine continuavimus. ad res maris nunc præverti tempus monet. Alibi diximus Philippum regnandi veterem Batavis inter bella commercium Hispaniæ permisisse, sub aliarum quidem gentium nominibus, sed ita, ut appareret partem prudentiæ fuisse velle decipi: live spes redituri obsequii vetuit in gentes exteras id commodum transcribere, seu, quod eventu comprobatum est, metuis populis mari valentibus, si Hispaniam clauderet, alium or-

*Resa obsi-
dium tur-
piter Ger-
mani desol-
runt.*

*Mauritius
Andreano
castello mu-
nimenta
opponit.*

1599.

bem aperire. Sed ut plerunque successoribus tædio sunt consilia, quæ non ipsi reperere, novæ rationes filium, ut pace desperata, in asperiora verterant. Constabat satis omnes Batavorum opes ex mari esse & mercatura, & maximos ex Hispania proventus, ut quo non suas tantum merces, sed & Sarmaticas fruges aliaque deferrent, aurum præcipue aut argentum relaturi, cujus ut copia apud Indiarum dominos, ita usus ingens commercia celebrantibus: quare sublata bellandi facultate bellum sua sponte casurum sperabatur. Conquisiti compre-

*Commercium
Hispania
Flandria-
que Fœde-
ratis inter-
dicuntur.*

hensique per Hispaniam nautæ, pars per supplicia excruciatæ, pars dati in carcerem, aut remos. Per Belgicam quoque novæ principis Isabellæ nomine proponitur edictum, multa cum infectatione Batavos regentium, qui, ut semper ante, ita nunc, mutato principatu & ab Hispania semoto, oblatam pacem repudiarent, aliosque in bella concirent, non aliunde quam ex commerciis tanta superbia, quæ parentis sui nimia indulgentia mansissent hætenus. Obstiterant multi e Brabantis Flandrisque, ne per Belgicam travectiones tollerentur, majore sibi Batavicarum mercium inopia. Sed prævaluerat ira, & spes sublevandæ ex Gallia necessitatis: quin & piscantibus, quibus arma ante pepercerant, sublata securitas. Non mediocriter ea res Fœderatos commovit: quippe patebat eripi duo plebi alimenta: unde nautarum seditio, mercatorum diffugia metuebant. Nec tamen a pristinis consiliis degeneravere. Societate Anglorum didicerant nihil esse per omne Hispani imperium minus timendum ipsa Hispania, ut cujus omne munimentum in eo Reges ponerent, si nulli aliarum gentium domi otium relinqueretur: & sibi vel ad continendos nautas maritimo bello opus: planeque gloriosum, si Hispaniæ commercia abrum-

*Fœderati
contra ve-
tant ne
quis ullas
merces ad
hostes fe-
ret.*

penti penuriam, quam sibi minaretur, reponerent. Ergo contrarium per edictum regestis facinoribus, quæ olim in Belgis ac per Germaniam nuper patrata, & quæ alia concitandæ invidiæ videbantur, vetant populos quoscunque ullos commeatus resve alias in Hispaniam ferre: si qui secus faxint, ut hostibus faventes vice hostium futuros: piscatores quoque emere impunitatem ab hoste prohibiti, addito sibi curæ fore tutum maris usum, & si quis damnum pateretur, de agrorum hostilium præda se cuique satisfacturos. Missum ad reges gentesque edicti exemplum, ne quis inscitiam excusaret. Paruit rex Galliæ, ac si quis suorum sex intra menses in Hispaniam navigaret, professus est, privatum periculum fore: cæteri silentio trans-

misere.

misere. Hoc facto classem parant, contracto quicquid publicæ pecuniæ aut per tributa corradî poterat : ausi rem ingentem atque ancipitem, & vix unquam mediocri successu : quippe cum diversâ vetustatis exempla exstarent, tracto ex Italia Annibale victor Carthaginis Scipio, & diu Africam populus Agathocles ; contra Athenarum opes Siculis sub armis everfæ. Erat & recens documentum undecimo ante anno gravis Philippi classis, plane quasi in fatis foret, experiri per vices Batavos Hispanosque quam incertæ spei sint, quæ fluctibus & ventis traduntur. Appetebat æstas, cum duce Petro Doufa viro nobili, sed velut nullo generis patrocínio per longos stipendiorum gradus ad id imperii evecto, LXXIII naves altum tenere, ferentes hominum octo millia, nautas militesque. Mandata acceperant eruere classem, quem rex Hispaniæ arborum, funium, nautarum inopia tarde moliebatur : idque inter causas festinandi Ordinibus fuerat : ad hoc Americana navigia diripere, hostilisque imperii oras populari. Magnum præ se terrorem agebat inausum ante facinus, & fugis littora desolabantur, præmissis jampridem & ex Hollandia literis, quæ venturam classem nuntiabant, ut ex captivis cognitum. Ad Corunnam hærebat cœpta Philippo classis : assedere primo Batavi : sed illa non ausa se nudam dare, sub arcis haud invalidæ tutelam confugerat : pariterque ex arce, navibus, castello, quod propter jacet, machinæ detonantes, spem oppugnandi eminus, cominus adimebant. Satis in eo visum, quod gens Oceani se dominam ferens in suis navalibus quæsitâ latebram, quam prælium, maluisset. Vbi ad ostia Tagi ventum, non desuere, qui Vlyssiponis capiendæ avidi, ob gloriam prædamve, antiqua vicinorum dissidia, invisam Castellanorum dominationem, ipsam denique urbem, quod Anglorum Antoniana expeditione cognitum, ut vastam ita infirmam, & si tunc ea gens fuisset, quæ in bellum, non in prædam proficisceretur, cessuram non dubie asserebant. Contra alii tam longa pace Regi satis adversus defectiones consultum, nec expectatæ jam dudum classi spem ullam contra maximas urbes, in quas regentium curæ metusque vergerent. Tutius insulas aggredi Atlantico in Oceano-Mauritanix aditas, quas veteres ob soli fœcunditatem, sive quod omne incognitum ita appellarent, fortunatas dixere. Unde ortæ gentes, quæ primæ incoluerunt, ut pleraque antiqua & longinqua, incertum. Iam olim cum

*Paratam
animose
classem
Duce Petro
Doufa mari
imittunt.*

*Classis Hispanica ad
Corunnam
prælium
detrectat.*

*Fœderatorum
classis
insulas fortunatas
aggreditur.
Illarum descriptio.*

1599.

nondum Europæ noscerentur, sermo non unus: Teneriffæ ad Afrum accedebat. Ipsi se Guanchas vocabant. Morum multa, alia Barbaris communia, ut cum Scythis utendas dare uxores: cum Indis sororum filios habere hæredes, tanquam ex certiori sanguinis parte conjunctos; stupris vi oblati mors poena, divortii infamia. Sorores uxores ducere jus regibus tantum, ut apud Inchas Peruanos: plures una, etiam privatis. Et hoc Scythicum, quod novæ maritæ virginitatem rex, aut dynasta delibabat. Dii qui passim, Sol, Luna, astra: quos super unus bene ac secus actorum iudex, & ideo alia post mortem vita. Infantes solemni ritu aqua lustrabantur. Christianismi aut Mahometismi nulla indicia. Vita tamen simplex, concors, innocens, antequam eo, qui Christiani dicuntur, vim, fraudes & alia non religionis, sed sæculi vitia portarent. Primi Genuenses anno Christi post mille trecentesimo adire tantum: centum ferme annis serius Bethincurtius e Picardia nobilis etiam insedit, moresque ac pietatem intulit, etiam regem se dicere ausus. Sed cum fortuna tanto nomini non responderet, in Castellæ reges jus hoc transcriptum est. Horum potentia veteres ritus, linguam, instituta excidit, & ex his insulis ad majora sibi gradum fecit. Vna harum Canaria, quod nunc quidem commune omnium nomen, sed ad hanc aliarum caput privatim quoque pertinet. Arcem illic, egregio situ, subiit Batava classis, acrique globorum certamine Hispana navis una mersa, duæ in manus venerunt. Exscensum sua sponte difficilem insulani, eques pedesque parvis cum machinis in littus coacti prohibere sperabant. Sed Doula explodi tormenta, simul scaphas expediri jubet, & ipse in primis evectus, cum propius adiri vada non sinerent, in aquam desiluit, ausoque hoste obviam progredi, tria dux vulnera, multa & alii tuborum telis simul & jaculis, veteri novoque armorum genere impetiti, accipere. Fugatis in oppidum Allagorenæ barbaris, arx statim dedita cum machinis ipsoque præsidio: mirantibus qui intravere, ut signa Mauritiana tam longinquo loco figerent, clara loci munimenta, cunctaque ad defensionem necessaria, nisi quod toto sæculo nulla illic arma perpeffis mali novitas in metum verterat. Ducto ad oppidum exercitu, dies obsessio-ribus pauci trahendis machinis consumti: quo tempore obsessi carissima quæque, mox sese, in rupes invias aut arcta aditu propugnantibus faciles, contulere: plerique adeo quia hostis esset ignari, ut perfuga Æthiops Baravis ejuratione

Chri-

*Canaria
arce Ba-
tava classis
subiit.*

*Exscensum
Batavo-
rum frustra
impedire
conantur
insulani.
Doula
vulnera-
tur.*

*Arx dedi-
ta.*

Christianæ religionis se vendicaret : desertæ & arces minores
 duæ. Missi, qui latebras tentarent terroremque incuterent,
 iusto longius progressi, notis hosti locis, sibi nesciis, fessi
 præterea laboris æstusque, circumfusus barbaris opprimun-
 tur. Quo cum lætiores insulani redimere se suaque defuge-
 rent, excusantes inopiam, incenso oppido arcibusque disces-
 sum : ultio pro præda fuit. Gomeræ haud dispar eventus.
 Patuit inane oppidum, machinis, & quæ profugi avehere
 non potuerant, sub humum defossis : & qui spe prædæ juga
 montium penetraverant, ad octoginta trucidati, imbelli
 vulgo magna victoria & more barbarorum etiam in victos
 mortuosque crudeliter exercita. Batavi ereptis corporibus
 in tecta flammis sæviere. Videns Doula, quando spes pri-
 mæ fefellerant, nihil vastanda ad littora opus tanto exerci-
 tu, partem alteram navium cum præda domum remittit :
 quæ feliciter vitata hostium classe (nam sub idem tempus
 Corinna vela fecerat) mox coeli inclementia segreges me-
 dium sub autumnum portus tenuerunt. Ipse cum cætero vi-
 rium Brasiliam petere instituit, nobilem Americæ portio-
 nem, Lusitanicæ possessionis, nobili ligno & saccharo opu-
 lentam. Sed Hesperidum insulas omnemque Africam Ocea-
 no objacentem innoxius legens, ubi cum nova multa, tum
 e conchis pecuniam mirabundus inspexit, auctus inde captis
 mercatorum ex Hispania navibus, Thomæ insulam, Lusi-
 tanorum coloniam, fatali consilio reficiendis copiis deligit.
 Invitabant & aquæ dulces, & testudines, haud ingratus ci-
 bus, ad hoc ovorum foecundæ, quæ duro cortice haud te-
 mere perfringas : pisces juxta innumeri, belluarum metu,
 aut ignorantia humanæ aviditatis, quia piscatores non com-
 mēant, adhærent navibus. Sunt & alati, qui volatu fessi
 uitro adsident. Insula hæc Æthiopiz, quæ Guinea dicitur
 objecta eo coelo despicitur, quod noctium spatia diebus exæ-
 quat, imminentemque semper solem nec deflectentem alio
 nulla hyeme temperat : quam mundi pervasti plagam nec in-
 fruges sufficere, nec homines ferre, rudis navigationum
 asseruit antiquitas. Verum, ut docuit experientia, nulla
 naturæ pars usibus vacat, nec ea est hominum modestia,
 quæ vel infelicissimum solum quæstu suo vacare patiatur. Pe-
 ne rotundus insulæ ambitus : qua latissima est in duodecim
 leucas patet, media in montem surgunt, cui nubes impen-
 dens rore suo arundines nutrit, quibus saccharum eximitur :

1599.

*Parvitas
 verum Bar-
 barorum
 insidiis op-
 primitur.
 Incenso op-
 pido arci-
 busque dis-
 cedunt.*

*Parte na-
 vium do-
 mum re-
 missa Dou-
 la cum ca-
 teris Brasi-
 liam petiit.*

*Insula Tho-
 mæ refi-
 ciendis
 Doula co-
 piis delecta
 describitur.*

1599.

*Pavoasa
Oppidum
ejusque arx
Doufa de-
duntur.*

*Insulani op-
pidum in-
cendunt.*

*Pestilenti
morbo Ba-
tavi corri-
piuntur.*

is maximus proventus Lusitanos & centena, aut plura singulis servitia exercet. Nascitur & zinziber: & arbores, quarum succus vini præstat usum ad sitim ac voluptatem. Egre-
dientibus classe nemo obstitit, Oppidum Pavoasa post levem
pugnam direptum. Arcem tenenti Francisco Menezio signi-
ficavit Doufa, non sibi prædonis in morem intratum mare,
sed iusta classe missum ab Ordinibus & clarissimo ducum
Mauritio, veteres novasque injurias bello publico persequi,
ne se majora agitantem uno in præsidio hædere cogeret; pa-
ratam deditibus clementiam & poenas contumacibus. Ad-
motis machinis secuta deditio. At insulani qui profugerant,
facta eruptione incendunt oppidum, cujus flammæ subji-
cientibus aliis fuerant restincturi, nec impune: nam Batavi,
moti damno velut suo, per agros villasque ignem spargere.
Sed acrius pro indigenis cœlum pugnabat, unde coorta vis
morbi ingens insanabili pernitie Batavorum castra infederat.
Nec sane excusaverim adeo rerum naturæ imperitos, qui non
vitaverint locos sub ictum solis jacentes, pestilentemque æ-
rem, qui ut paria inveniat illic genitorum corpora, non fe-
rendus certe insueto populo & ab aquilonibus suis venienti.
Quippe ne ventis quidem recreatus, intemperie squallidus
& atro vapore putris aer tellurem premit. Lusitanorum
quoque incolentium luridi vultus, & febrium continui re-
cursus, satis arguunt etiam cœlo calidiore natis gravem trahi
spiritum. Olim in eas terras damnatos e Lusitania iudex
mittebat, nunc avaritia relegat: quanquam comperto vix
quenquam Europa genitum ad mediam ætatem illic pertin-
gere. At nautæ super cœli æstus laboribus fatigati in paria
malis remedia agebantur: nam & frigus captantibus sopor
ad Lunæ fulgorem noxius; & saccharum nucesque Indæ &
alia profluvium citantia immodice sumebantur. Iam vero
aqua avidius hausta pernitiam tulerit, an & hominum frau-
de corruptior, merito ambigam; cum & hoc a gentis mali-
tia, & illud a ratione non discrepet. Venerem quoque non-
nullis cum indigenis mulieribus (& sunt ita pronæ pleræque
ut viros ambiant) exitio fuisse constat, in tanta diversitate
commerciorum corporum non recipiente natura: ita undique
causæ in mortes accersebantur. Insignivit cladem dux ipse
additus, cui vastum obesumque corpus, & suo quoque cœ-
lo prope motus omnis impatiens, per biduum languenti
quam ægrotanti similis, nulla vi morbi, sed liquata, ut cre-
ditur,

ditur, pinguedine extinctum est. Cujus abscessu turbatum vulgus, spes concidere: vox omnium, relinquendam functionem regionem: consultum ultioni; satis se hostium mortes cum suis periculis miscuisse. Douſæ corpus, ne mox ludibrio foret, alte sub humo defossum & superjectæ totius oppidi ruinæ: auctæ machinæ & mercium aliquanta copia. Iam mari ferebantur, nec tamen cum loco virus loci evalerant: nam & coelum tarde mutabat, & hausta semel vis mali infectos sequebatur: magisque in arcto navium pestilens ægrorum odor & contagia morbos vulgabant; amissi supra mille intra quindécim dies. Mox e Brasilia parum prædæ, & reditus festinabatur, decreſcente indies turba, nec una mortis facie: quibus id malum in præcordia inciderat, ante morbi sensum pene rapiabantur: alios urebant perpetuæ febres, quæ ubi caput invaserant, mox furore præcipites in mare agebantur. Cum jam mitius coelum, & ægris fractisque spes melior exorta, priorem necdum sanatam altera lues nihilo mitior excepit: qua solutæ dentium genuumque compages, vitium longis navigationibus frequens: ac tum plerisque mortiferum fuit, quod fluidi adhuc artus in loca maris algidiora, & per anni tempestatem hybernantia provecti, ex contrario nimium afficiebantur. Nec certe a multis jam temporibus tam intensum frigus fuisse, docent flumina apud nos, etiam quo maris æstus pertingit, concreta, & homines enecti gelu. Afflixere & tempeſtates, unde plus solito periculi, non sufficientibus qui regerent aut administrarent. Ex omni centurionum numero duo superstites; & naves exſistere, quæ non plures sex homines valentes reveherent. Ægrotabant non ita multi, cæteri absumti morbo & expulsi fluctibus jactabantur: pars navium vires in Anglia recollegit, aliæ disjectæ, ut quæque velis aut nautarum copia pollebat, ferme sub exitum hyemis domum advenere. Navis una penuria hominum deserta, altera Clusam delata hostibus cessit. Eum exitum classis Batava habuit, Reipublicæ per sumtum diu gravis, & domibus multis luctuosa. At suam classem Philippus primo Fortunatas ad insulas miserat, accepta earum clade, ne possessioni Batavus insisteret: sed ubi sponte relictas cognitum, ire Terceram, atque ibi venturis America navibus præsidio esse iussa; eo postquam venerat, sævitia ventorum, nec sine damno dispulsa est. Mari nostro Dunkerkani audacius prædantes querelas excitavere, aliis imperitiam res maritimas

1599.
Douſa moritur.

Abenties Batavos loci virus persequitur.

Reditus properant.

Plurimis extinctis domum veniunt.

Philippi classis vis ventorum cum damno Tercera depellitur.

1599. ritimas regentium, aliis ducum socordiam, & titulo purgandi maris inutile vectigal accusantibus: donec quinque naves captæ, ætque in supplicium prædones solatio fuere. Ex Hispania vero & America multi per virtutem aut astum, iræ hostilis incolumes, domum cum venissent, terrore & odio Hispanici nominis omnia implebant. India alii feliciter reversi majore quam antea lucro: famaue rerum & spæ augescente, jactura Hispaniensis commercii mitigata est. Cœptum & sal quæri insulis queis America prætextitur. Novum sub hoc tempus auxilium Philippo Fridericus Spinola adduxit, naves longas sex, quibus in Batavos uteretur, pactus sibi prædam, claram inter Geauenses & opulentam domum popularibus suis Aurianis, qui per arma increverant, bellica gloria adæquare cupidus. Pars hæc classis Hispanæ in Batavos futura fuerat, ni graves minas multumque Britanniz formidatas, propior cura alio vertisset. Igitur seorsim venire, post modicam in Brevate Galliz portu moram, rara semper cœli felicitate. Præscierant Batavi, & in fretum Morinum miserant, qui interciperent. Sed oram legentes, eoque tutas naves Flandriam usque venti ferentes, & fortuna proscuta est. Dunkerkam tamen intrare veritæ, Clusam se receperunt, armatæ hominibus mille sexcentis: inde mercatoribus & littori Zelandico minabantur. Et nocuit non parum incognita huic cœlo navium facies, sumtu primum, circa obsidendos exitus, deinde levibus ex damnis sparso in longum terrore, adeo ut multi ex Zelandia profugi alias sibi sedes quærent; terrorem eventus minuit: nam mox quanquam Spinolanæ naves cœlo usæ silente & suo, Zelandorum bellicam deprehenderant, instructæ & proprio & assumpto milite, illa, vix sexaginta nautas ferens, eo se impetu omnem in partem duas per horas circumtulit, ut cæsis aut vulneratis hinc circiter viginti, inde ducenti quinquaginta peremti metum in ipsos verterent. Iterumque adortæ bellicas, quas mercatorum esse per errorem crediderant, continuis sex horarum cædibus perfodiuntur, egregium Flissingæ oculis (adeo prope res gerebatur) spectaculum. At Albertus Archidux peractis in Hispania nuptiis, cum per Italiam regrederetur, a Pontifice sacrato auctus ense, quo fidentior in hostem utriusque prodiret, mox per Alpes & Burgundiam cum Isabella conjugæ dotale imperium ingressus, bello adhuc strepenti arctisque rebus, primo autumno intervenit: reperitque Andream & Men-

Fridericus Spinola sex naves longas Philippo in Belgicam adducit:

Clusam se recipiunt,

Longo terrorem spargunt.

Fridericum naves bellicas adortæ perfodiuntur.

Albertus sacrato ense a Pontifice auctus cum Isabella in Belgicam rediit.

& Mendosam discordes, & certatim ejus anni prospera sibi, 1599.
 culpas alterum alteri tribuentes; quorum, Andream ad sacra sua
 remisso, retentus Mendosa: præterea infensam Germaniam, *Omnia con-*
 pronum seditioni militem stipendiis non datis, nec prompto *fusa inve-*
 unde daretur: quippe Belgæ inopes, & Philippum gravis in *nit.*
 Batavos Germanosque exercitus, structa classis, & metu ho-
 stium incerto per Hispaniam insulasque diffusa præsidia ex-
 hauserant. Antverpiam ex arce miles pecunias exigebat. Ham-
 montii (id agri Leodicensis municipium est) & locis circum,
 turmæ ac cohortes agrum & oppida incendiis & populationis
 terrore vestigalia fecerant. Andreani castelli præsidium tacitis
 cum Ernesto Nassavio, qui adversam ripam servabar, induciis,
 minas in Sylvamducis & juxta sita, verterat, ni de stipendio
 complurium annorum sibi satisfaceret. Principum adventus
 nec his malis medebatur, & nova intulerat; infensa nobilitate
 quod Hispanici ipsis mores vultusque & habitus, & Belgis in- *Belge Ar-*
 solens flexo genu salutabantur. Iam vero aula imperatorio *chiducum*
 luxu & vel in pace gravis, ita impensæ inopiam contra cresce- *moribus &*
 bant: semperque ingratum, tum vero odiosum imprimis, *habitu of-*
 magna tributa cujusque nationis ordines poscebantur: addito *fenduntur.*
 iniquum esse minora ipsis onera pro fide ac reverentia princi-
 pum quam rebellibus pro injuria tolerari. Nec dum principa-
 tus solennia inierant: urgentibus Brabantis, dirui arces, abdu-
 ci externum militem aliaque Alberto promissa. Sed Isabella,
 nihil tale se conscia pactum affirmans, ultro etiam indigna-
 batur; velut ipsis postulatis in se licentia quæreretur. Walo-
 nes insuper orabant tolli edicta, quæis Batavorum merces, ip-
 sis necessariæ, excluderentur. Sed hæc dicta tantum omittan-
 que, sensu impositæ servitutis, & peracti ritus, quæis mariti
 duo in nomen ducum comitumque accipiebantur: & forte
 dum extra Lovanii mœnia, more avito, Brantiæ sacramen-
 tum dicitur, vici in conspectu duo ab equite Batavo incensi
 malum fecere omen, inchoato inter clades imperio. Sed &
 Foederati non magis hostium adversis læti, quam rebus suis
 angebantur, ademta commerciis per edicta pacemque Gallo-
 rum Hispania, & quod hostile Belgarum, & inde opificum fu-
 ga terræ marisque redditus acciderant; nec, gravia quanquam,
 ejus anni tributa impendiis suffecerant. Hinc pecuniæ sumptus
 sub fœnore aliquando sortem æquaturus; neque vero minora
 quæ instarent onera, ex quo vis tota belli in ipsos verterat.
 Britannia quin etiam juvare solita, revocato milite, naves in-
 dixerat,

*In nomen
 ducum &
 comitum
 solemniter
 accipiuntur.
 Foederato-
 rum res ar-
 bit.*

1599. dixerat; &, mox sublato metu, egerat gratias, nec ultra quicquam: dum potens exercitus, duce Essexio, Hiberniæ sylvas ac paludes & ultima libertatis suffugia discutit, conatu qua publice, qua privatim minus felici: quippe ferox, quam prudens juvenis, & in difficilem provinciam inimicorum altu missus, per ignara locorum multis cladibus acceptis, pactis cum Tirono induciis, injussus cum domum rediret, Reginam, a qua ante abitum inter disceptandum palma verberatus, injuriam hanc impatientius, quam ut in regno, tulerat, se absente per æmulantium sermones & improvidas amicorum laudes duratam adversum se in suspensiones & metum invenit, statimque reus fit, & custodibus traditur. Afflicto juveni, cui e bello decus, pacis auctores prævalere. Indicium eo inclinantis regiæ fuit, illaceffitus mari Hispanus, vetitæque aliarum gentium eo commeantium prædæ. Sed pressit consilium Regina, dum ab hostili classe metus, quanquam missus Bruxella legatus securam esse jusserat, frustra apud suspicacem & talium incredulam. Nec tamen hoc minus palam mox Ordinibus significat, & Anglis ad mercaturam pace opus, & sibi, ut adversus spes improbas & senectæ suæ insidiantes regnum stabiliret: nec tamen ipsi deficerent animo, sed Austriacum & Gallicum imperium ex æquo vitantes, si amicam se vellent, retinerent libertatem, aut domestico principe Rempublicam regerent: otio se fruentem multa quæ nunc poscere cogeretur ex facili suppeditaturam. Altera jam societas labascens quantum plerosque animos permoverit, conjectu haud difficile: & accedebant tentamenta ab Imperatore, qui pacis suasores iterum destinabat. Forti tamen consilio, priusquam fines legati adissent, scriptæ literæ, queis monebantur parcere inutili operæ: quare pacem fidam sperare non possent, ostensum sæpe: nec nunc esse cur prioribus consultis decederent, nisi forte per Germaniam scelera, & abruptum per fraudes jus commerciorum, & falso Archiducum nomine Hispani Belgicam tenentes, pro pacis hortamentis acciperentur. Ita sapienter sermones quoque vitati, præcipuis audendi auctoribus Hollandis: qui & duplicata in annum sequentem ex censu capitatione prævivere sociis, renitentibus, aut ad sequendum tardis. Zelandi maxime defugiebant, nova damna, proprios sumtus attollendo; & apud Transrhenanos longæ ambages, dum pars gratiæ populari quam publico student, aut onera laudant, sibi quisque levia & in vicinos casura. Erant qui nec tacerent, se quiescentibus aliis tamen

Essexius, re in Hibernia infeliciter admini- strata, injussus in Angliam rediens custodia traditur.

Anglis pace opus esse Elisabetha Fœderatis significat.

Pacis ab Imperatore missos suasores non admittunt.

Hollandos capi- tionem ex censu duplicantes socii tarde sequuntur.

tamen cordi Rempublicam fore, quanquam innuebant Hol-
landi, ni serio in commune confuleretur, relicta se terrarum
abjacentium cura, propioribus necessitatibus & maris posses-
sioni institutos. Solatii nonnihil a Germanis principibus, qui,
suspecto adhuc Hispano, altera auxilia aut pecuniam offere-
bant. Palatinus ceteros religionis consortes exemplo & ver-
bis excitabat: monstrans singulis; quid olim Albano, nuper
Mendosæ agitatum: nec posse Batavos sine vicinorum per-
nitie vinci: at florentes, multis subsidio fore, huic, tuendam
ad Borussiam, illis ad Clivicam possessionem, cunctis adversus
Romanum pontificem ejusque asseclas, quorum immani odio
& factione omnes premerentur. Sed parum auditus, Bruno-
vice in urbem invisæ libertatis arma sua convertente, aliis im-
pares se alendo bello fatentibus. At Carolus Sudermannix
dux, Sigismundi in Polonia regnantis patruus, cum illi avitos
Sueonas minus curanti, & ob ardens studium in Romanam re-
ligionem novandi suspecto, arma primum opposita, deinde &
conventu publico ablatum regnum foret, regium diu nomen
evitans, & aliis tamen nominibus vim usurpans, cum societa-
tem Ordinum ultro ambiret, dilatus; quia opem in præsens
implorabat, spes ipsi incertæ, regnum pauper & longe positæ
vires. Amicitia tamen oblata, ut pro religione pugnanti, ex-
cusato, quod naves quædam Batavæ injussu publico Sigismun-
do sui usum præbuisent.

1599.

*Germani
principes
auxilia of-
ferunt.*

*Suetia re-
gi, socia-
tem Ordi-
num am-
bienti, offer-
tur amici-
tia.*



HUGO.

HUGONIS GROTHII HISTORIARVM

DE REBVS BELGICIS

LIBER NONVS.

SVMMARIVM.

Ludovicus Nassavius VVachtendoncam irrumpit. Pugna inter Breuentum & Grobbendenchianos. Mauritius capto Crepiscordio arcem Andreanam in potestatem accipit; obsessi in Fœderatorum partes transgrediuntur. Groningensium ac Frisorum turbas VVilhelmus componit. Bononia inter Albertum & Anglam frustra de pace agitur. Legati a Cesare damna Germanici soli ab Ordinibus resarciri petunt. Fœderatorum ad alterius partis Ordines litera. Expeditionis Flanarica relatio. Prælium Flandricum. Mauritijs victoria potitur. Mendosa capiunt. Mauritius tentato Neoperto & castello Isabella exercitum abducit. Albertus Bruxella Ordinum consensum habet; Belgis ad Zomam per Legatos cum Fœderatis de pace irritis eventus agit. Ordines Belgici nova vœtigalia reperiunt. Regis literis offenduntur. Danterkam in Fœderatorum piscatores facientes pœnas dant. Bænavi sub ipsis Antverpiæ moenibus hostium naves rapiunt. Orsum inter Gallum & Sabaudum bellum cito in pacem desinit. Henricus Mariam Medicam uxorem ducit.

1600.

*Veriusque
Belgica sta-
tus.*



Ovus annus, qui vetus sæculum clausit, ut eventus statim insignes habuit, ita magnas rerum vices in longum portendere videbatur. Belgarum, qui sub domino, res inopes, &c, quantum vix alias, turbidæ atque attritæ. Sed principum, qua novorum gratia, qua præsentium auctoritas, & ipsa morborum magnitudo propius remedia admovent. Fœderati, quibus olim a servitiq; recentibus amplum ducis imperium, & ipsa pericula pro nexu fuerant, armis mox prosperioribus laxati, quanquam non levis necessitas redierat, ex vetere disciplina animos adhuc in hostem, at concordiam modestiamque non æque retinebant. Vtrisque partibus non nisi grandes conatus, certantibus triginta aut supra annorum labori finem imponere: qua spe extrema virium profusa, velut ante oculos starec

staret victoria præmium longius duraturo. Ac primum statim gelante hyeme magnum perviis undique amnibus periculum vitare Batavi, per hostium seditiones, quas in suam utilitatem vertere. Nam cum turmis & peditibus Ludovicus Nassavius furtim profectus Wachtendoncam irrupit, Clivios circa fines oppidum, bimestri olim obsidione Mansfeldio expugnatum, cum vires Fœderatorum Parmensis alio traxisset. Eques, qui servando loco additis, forte tum per Agrippinensium fines populabundus aberat: in præsidio milites octoginta, nec fossarum perrupta glacies: positus oppidi procul hoste, & socias inter urbes plus justo securitatis addiderat: itaque pauci in vallum enisi modica cæde portas cæteris recludunt. Tum Gelenus (is dominus rectorque oppidi) cum paucis in arcem abditus, spe auxiliorum quæ oratum miserat, sustinebat ingruentes tuborum globos glandesque: donec Ludovici totum agmen advenit, & quæsitæ undique scalæ aggeri admoventur. Sed & tum resistere quidam, & hos inter jam natu grandis foemina, non sine pernitie ac vulneribus contra nitentium. Victi multitudine dedunt locum, non spernendo inter paludes situ, & tum uberem prædæ, quia agrestium multi, circum flagrante bello, huc sese opesque receperant. Paucos post dies quæ victui aut tutelæ opus equites intulere. Inter Gallos, qui Batavis militabant, Breautæus erat, claro apud Normannos sanguine, is juvena jactantior, in pugnam provocaverat e Grobbendonci turma equites viginti, quorum præcipui traditione Gertrudisbergæ infames erant, indecorum homini nobili certamen. Prodiere pari numero in campum Fuchtensem haud longe Sylvaducis. Grobbendonkiani armis validioribus, Breautæus loco potior. Primo statim impetu Breautæus ductorem hostium trucidat, is Abrahamus, cognomento castrensis, Cupedarius vocabatur, & adeo acre directis e propinquo tuborum ictibus certamen fuit, ut primos inter confictus utrinque pars altera pugnantium conciderent. Sed fuga Gallorum, quorum impetus manente periculo clanguerant, nudatus Breautæus, equo aliquoties mutato, mox pedibus dimicans, tandem pressus hostium turba dedit sese. Pepigisse vitam Galli asseverant: contra Brabanti prædictum, ne victi aliud quam mortem expectarent. Certe jam multum captivus processerat, cum missi ex urbe, orantem ut saltem armato & tanquam viro occumbere liceret, tringinta

Pugna inter Breautæum & Grobbendonkianos.

Breautæus a suis derelictus facto trucidatur.

1600. triginta vulneribus conficiunt : digno probrosis hominibus facinore ; & documento tamen apud magnanimam juventutem , ne falsa virtutis imagine id genus certamina affectent , unde nec victoria in publicum utilis , & mors apud sapientes nihil majus venia meretur. Hyemante adhuc cœlo , ne occasio efflueret , quam turbamenta hostium dabant , improvisa classe Mauritius & alio sparsis belli rumoribus , Crepicondium , castellum Disæ Mosæque adjacens , triduo in deditiōnem cogit. Equites hostium , qui firmandum ad præsidium fero venerant , nec Sylvaducis , metuente semper militis civitate , recipiebantur , cæsi ferme ad quingentos. Opera castelli Mendosæ aucta , Mauritius perfici jubet. Inde Andrea-num petitur , ubi miles Germanus & Walo exactis ducibus palam quidem seditionem fatebatur , & misso Barlota , qui specie expeditionis eliceret , vitaverat fraudem : sed non sine spe veniæ tenebat validam munitionem , ut pignus in debita trium annorum stipendia : hoc pertinacior in hostem , quia minus pro transitione pretium offerebatur , quam salvo sacramento & fama secundiore consequi posse sperabat. Ad resistendum machinæ aliquæ supererant : vallum ipsum arcis in speciem : bina propugnacula in Mosam , bina in Vahallim , quintum in Harvardam prominens : circum fossa , & ultra hanc perpetua lorica , iterumque fossa , qua amnes committebantur. Tanta operum fiducia , ut Albertus , tenere se claustra fluminum arcemque cervicibus Hollandorum impositam , literis famaue celebraverit. Quamdiu undans hybernis amnibus solum fossiones recusabat , ad pacta invitati ; ferociter respondere : quin & captivus miles a Mauritio dimissus ut deditiōnem suaderet , in detestationem perfidiæ interimitur , nec satis visum , ni peremti corpus in castra mitterent. Versis ad vim consiliis , nihil prius Mauritio quam castris obsessos cingere , & semet tueri contra vim externam. Equitatu dimisso , cujus nulli usus humentibus terris , partem copiarum navibus , pontibus , partem Tilano ac Bommeleni agro & parvis in Vahali insulis locat ; ipsum robur spargit Brabantica ripa , & rupto aggere Mosam illa diffundit , ut & liberius spatium ad molienda opera ipse haberet , & inde venturo hosti auferret viam. Sed & sex locis castella disposuit , interpositis minoribus munimentis , quibus omnes ad se aditus clauderentur , augendoque terrori arx Batavoburgum , Mosæ adlita & veteris Batavorum nominis in ora olim

*Mauritius
Crepicon-
dium ex-
pugnat ,
equites ho-
stium quin-
gentos ca-
dit.*

*Andrea-
num obsi-
det.*

olim Gallica vestigium præferens, machinis, quarum so-
 num obsessi audirent, sub imperium agebatur. Et ipsi gra-
 viter telis sauciabantur, non æque certis jactibus quos rege-
 rebant, multisque consumtis, coacti latebras sub vallo quæ-
 rere. Sed & lignorum egestas & medicaminum fatigabat,
 noxio corporibus humi stagnantis madore. Spem fovere Sil-
 viduenses crebris ignium signis, conati & naves invehere,
 sed frustra. Venit & duce Velasco exercitus, magna mina-
 tus: sed nullum ad socios iter invenit, merfis undique cam-
 pis, aut castellis obstantibus. Consumtis multo jam vere
 montium nivibus, postquam redditus fluviis modus, pro-
 moveri fossorum opera cœpere, nocturnis maxime tenebris
 & Luna senescente. Ventum erat ad loricam, quam castel-
 lo circumductam diximus: cum miles, ut non extrema per-
 pessus, ita spe certè auxiliorum nulla, Mauritius redimendi
 temporis properus ad conditiones veniunt. CXXV floreno-
 rum millia ipsis persoluta, pars debiti ab hoste stipendii,
 quam viritim divisere. Hoc pretio emtum castellum insigni
 structura, positu ad Hollandiæ tutelam aptissimo, tum ma-
 chinæ & quæ inerant alia, & mille ducenti milites, trans-
 gressi in partes, qui peractis lætitiæ signis, ut mos habet,
 ipsi quoque de se triumpharunt: egregio mox usui, post-
 quam desueta licentia in disciplinam rediere; proscriptique
 hostibus traditorum nomine, odio & pœnarum metu acrius
 instigabantur: si non probandi apud rigidos iudices, Ger-
 trudisberganis certe excusatiores, cum hi longa mercede
 fraudati adversa tamen castra & vim bimestrem pertulerint,
 illi non justis conquerendi causis mutatam fidem habuerint in
 lucro. Nequis novo militi transitionem exprobraret Ordine-
 nes edixere, gnari levioribus etiam de causis intestina in præ-
 lia verti exercitum: quippe cum nuper, durante isthoc ob-
 sidio, milites duo Germanus Gallusque, ex alcæ rixa in pu-
 gnam prolapsi, populares quisque suos in cædes & vulnera
 miscuisset, vix procerum interventu diremto certamine. Sub
 hoc tempus longa Groningæ civitatis pertinacia, iram non
 injustam accendentibus æmulis, cæteros Fœderatorum impu-
 lit in acre consilium, liberisque gentibus vix usitatum. Plebs
 suopte ingenio ferox, & rectores nacta, qui Hispano domi-
 nante exsules, eoque nunc fidentius populo se jactabant, in-
 dignabantur duriores leges quam sub Rege toleraverant,
 quo annuente domos immunes impetrarant, aliaque sibi læta,
 adversa

*Obsessi
 acceptis
 CXXV
 florenorum
 millibus
 arcem do-
 dunt, & in
 Fœderato-
 rum partes
 transgre-
 diuntur.*

*Groninga
 civitatis re-
 belis per-
 tinacia jussu
 Fœderato-
 rum a
 VVilhelmo
 in ordinem
 redigitur.*

1600.

adversa accolis : horum memores , decreto Ordinum fœderatorum , cui se subjecerant , non paruere , quod multa privilegiorum nomine ipsis usurpata rescinderentur. Tributa insuper inferre ærario per triennium ferme cessaverant. Cum & judicia contemni , & suscepta onera detrectari sine pernitiosissimo exemplo non possent , Wilhelmus , quanquam ad mitia pronior , jubetur manu militari oppidanos in officium cogere , ipse mandati acerbitatem prudentia temperavit , cohibito ab injuriis milite , nec irati vulgi verba infecutus. Exarmatis mox civibus , ne infensi , ut olim , hostilia cœptarent , aut grande præsidium copias exhauriret , arx imponitur. Tum vero fracti animis , deprecari a civitate semper libera extremæ servitutis notam : solita hæc per vim regnantibus , nec aliud hostibus magis objici : ponerent sane arma contra arces sumta , si libertatis auctores imitari mallent talia quam ulcisci. Simul & reliquorum partem remitti sibi orabant. Sed apertam diu clementiam spretum nuper obsequium & veterum recordatio occluserat. Tamen facti invidiam lenivit eventus ; postquam aucti Hagam barbarum concitores , nec ultra puniti : & translatis ad quietiora ingenia magistratibus , redditum in consilio jus suffragii , & cuncta deinceps ex æquo transacta. In Frisiis quoque de tributo in armenta & pascua certamen , urgentibus oppidanis , contraque nitentibus qui agros per Ostergoam & Westergoam colebant , mox insignium munus ambitu , ut ferme accidit , alente discordias , eousque exarserat , ut pars Leovardiæ manentes , pars Franckeram digressi , publici confessus utrique specie , rempublicam ærariumque distraherent. Quibus studiis dum se interponit Wilhelmus , & in eos qui secesserant judicum primum auctoritatem , deinde arma advocata , affectati supra leges imperii invidiam non effugit. Tandem cum & sociæ nationes se interponerent , per arbitros res ad quietem veteremque formam rediit. Accessit ad hæc mala tristis nuntius ; Archiducem inter , cui id negotium Hispanus dederat , & Anglam de pace colloquia fervere , & jam Bononiam Morinorum convenisse legatos. Erant sane causæ utrisque cur pacem cuperent. Philippum terrebant , quæ in Hispaniam Americamque Anglis ausa , præcipue sumtum tædebat quibus tuenda navigatio : & demto Britannorum subsidio , facilius ad pacta Batavus spectabatur. At Anglos periculis admonuerat Tironi successibus

Turbas super tributo inter Frisios ortas idem componis.

Bononia inter Anglam & Archiducem de pace acturi utrinque legati res infecta discidunt.

bus & novo Pontificis edicto stimolata Hibernia, & multo labore ægre recepta Ultoniæ Momoniæque munimenta, manentibus latebris, quæ defectores receptarent. Tertio post mense intellectum cogi in unum legatos nequuisse, dum Angli quidem præcedi reculant, Hispani vero etiam æquari fastidiunt: nec magis per internuntios processisse, dum inducias, quam hi expetunt, tam illi formidant. Ita tunc discesum, & res scribendo tracta, donec ei, ut suo loco dicemus, mors & successor Elisabethæ finem imponent. Interim ad Batavos legati a Cæsare veniunt, quia de pace Ordines per litteras occurrerant, alia mandata simulantes, Hermannus Mansfeldii comes, & Carolus Nutzelius. Verba erant magis ex dignitate Imperii veteris, quam pro anni prioris fortuna. Redderent loca Germanici soli, & damna per militem illata: nec se exemplo hostium tuerentur: alioqui pari culpæ parem & poenam fore. De pace nihil se acturos: scirent tamen detrectari colloquia sine gravi suspitione non posse: & se onera commerciorum, quæ per belli speciem continuarentur, haud ultra toleraturos. Responsum est, merito hosti & damna imputari & occupata defensionis loca, qui prior solo pacato intulisset exercitum; id si Hispano condonaretur, at certe sibi noxium esse non debere, quod suasisset necessitas. De pace & Gravewarta insula eadem, quæ ante sæpius. Sed quia Resam Hispanus reliquerat, ex usu visum & Emmericum reddi: quo iustius hosti Bercam adhuc retentam exprobrarent. Actum & de minoribus nonnullis, & induciarum injecta mentio, quam Ordines, ut temporibus alienam, molliter discutere. Et tubicen iter legatis postulans, quos Belgarum Alberto parentum Ordines super pace missuri erant, aliquot per dies retentus, ne ingentes belli paratus, qui tum struebantur, dispalescerent; iussus mox litteras referre, quæ illi, priusquam poscerent pacem, vi externa liberare patriam monebantur. Nam postquam Andreano cum milite decisum, ut cæteri earum partium pari rabie agitabant haud multo saniora, utendum hostili discordia rati Ordines fœderatarum nationum, in maiora ausa animam adverterant. Placuit bello in Flandriam transmissio instare inopiæ, quæ seditionibus causam & alimentum dabat: nec enim certius accidi ærarium, resque turbulentæ impelli poterant, quam occupata regione, obventu agri ditissima & hostium prope tota: portuola etiam, unde infestum mare, nec tuta commercia,

1600.

*Legati a
Cæsare loca
& damna
Germanici
soli ab Or-
dinibus
reddi po-
tuit.*

*Horum
responsio.*

*Fœderato-
rum ad
Ordines
Alberto pa-
rentes lisse-
ra.*

*Expeditionis
Flan-
drice rela-
tio.*

1600.

affidui sumtus. Zelandi ante cæteros postulabant, ne, postquam Transrhenanis & Hollandiæ prospectum, ipsi hostium viciniori relinquerentur: posse liberari Ostendam, capi Neoportum, Dunkerkam, Clusam, prædonum sedes. Si vel oppidum unum raperetur, dum hostis copias colligeret, dum ambiret suos, facile se hoc consecuturos, ut in posterum alieno in solo bellum ducerent; haud vana spe, si ventus adfuisset, properantibus: quo adverso, dum perpetui flant septentriones, copiarum undique & commeatus tarde annavigare, indicto conventu sub Zeburgum Walachriæ castellum. Erant peditum centuriæ viginti & septem supra centum: turma equitum viginti quinque duntaxat, cum machinis omnique bellorum apparatu, multitudo navium ad octingentas. Hic inter Principem & nationum legatos, qui expeditionis auctores socios se consiliis & periculis offerebant, dubitatum, expectarent dum secunda navigatio, an imparato hoste quamvis occasionem invaderent, quod prævaluit. Sed commeatus & impedimenta mari: solum militem cum tormentis quatuor trans Hontam Scaldis extimam partem, inde terrestri itinere Ostendam visum transducere, quod oppidum, maritimo situ, in Foederatorum potestate, sed hostium septem castellis circumdatum tenebatur, contra excursus, qui magnam Flandriæ partem ad tributa adegerant, ne tum quidem ita clauso milite, ut non interdum erumperet. Tuto ut appellerent, præmissus Ernestus Nassavius, cum navium parte, qui Philippinam, quod oræ ejus munimentum, expugnaret. Præliariis in deditionem compulsi, factoque excensu, cum & Asseneda cessisset, exercitum Princeps ita ordinavit, ut distinctas copias Comes Georgius Solmenis, Ernestus Nassavius, cum navium parte, & Verius Anglorum ductor, tripartito regerent; equitatu in septem manus distributo, in quas præcipuum imperium Ludovico Nassavio permittit, ipse summæ rei intentus curam non partiebatur. At agrestes, perculsi adventantis exercitus fama, vias passim omnes fuga desolaverant, eousque veterum partium & libertatis obliti, ut per insidias deprehensos milites caperent, in captos sævirent. Quo accensa exercitus odia, imperato longius in villarum incendia processere. Recta Brugas institutum iter, per Ecloam, Maldegemum, Malam, non obscuri nominis vias. Missæ erant Brugas, nec minus Gandavum ab Ordinibus litteræ, ut illius olim

olim foederis reminiscerentur, quo pariter adversus exter-
nam dominationem conjurassent. Si non volentibus esset
servitus, ne dubitarent manus opesque conferre. Quæ adeo
nihil valuerunt, duratis in odium animis, ut recusatum ha-
stenus præsidium Brugeses tum primum ab Alberto acce-
perint, prætergressumque exercitum laceessere cominus non
ausi tormentis infestarent, quanquam levi noxa. Profecto
inde Iabecam Mauritio affertur desertum ab Albertinis Al-
denburgi castellum, paria de Plassendalo, Snaskerka, & Bre-
deneda nuntiabantur. His in locis, tum si qua alia ob trans-
itum oportuna, præsidia reliquit, quanta modicas hostium
copias propulsare sufficerent, magisque ut hostium consilia
specularentur, & explorata perferrent, incerto quid para-
rent, cum justum exercitum nemo exspectaret a discordibus
& turbidis. Solmenis cum tertia exercitus parte Ostendam
præire jussus, deductis in oppidum Ordinum legatis, ubi tu-
tius de ulteriore belli ratione consultarent, obsidet muni-
mentum quod milites Alberti ex ducis nomine appellave-
rant. Id Ostenda horæ itinere abest, Neoportum versus in-
ter arenosos littoris colles. Hinc Neoportum profectus, cun-
cta obsidioni parat, occupatis ad portum munimentis, qui
longo tractu proculque oppido mari advolvitur. Brevi cum
cætero copiarum Princeps adfuit, cincturus oppidum, quan-
tum loci ingenium ferebat. Omni hoc itinere militibus quod
essent satis, potus inopia fuit: nam armenta passim rapî ob-
via, vinum, cervisia parce sequebantur, nec semper aqua
aderat, quam cœnulentam & limo sordidam fuere qui con-
quirerent, avideque haurirent. Prorogavit penuriam lixa-
rum malum, quorum viginti navigia Spinolanæ naves in
mari corripuerant, ipsorum vecordia, dum classem præsi-
dio datam exspectare insuper habent, quo lucrum aliis præ-
verterent; levi in publicum damno, nec longa penes ho-
stem gloria: quippe classis post congressa Warmondo duce,
coorto repente vento, naves nisi torpente cœlo inutiles mul-
ta cæde cruentavit. Quo tempore res evenit nova, ut re-
migum unus, gente Turca, globi jactu, illæsus ipse, vin-
culis eximeretur, marique ad Batavos tranatans perpetuam
ærumnam felici temeritate evaderet. Inter hæc Albertus
comperto, non tumultuariam manum in prædam exiisse:
sed ducis regimen, omne belli robur esse quod Flandriam
peteret, ipsa imperii viscera, omnia omni spe alia, copias

1600. undique contrahit, totis viribus tanti belli discrimen aditu-
 rus. Nec quicquam ad celeritatem reliquum facit, revoca-
 tis cohortibus, quas in Geldriam miserat; raptæ omnes cito
 agmine Antverpiam, cui Scaldis Flandriæ Brabantiaque
 medius allabitur. Navata simul cura placandis, qui Hispa-
 norum Hamontii nuper egerant, inde Dieftam translati ali-
 mentis & spe solvendi æris ad modestiam paulatim redibant:
 nam ni sociarentur, hinc copiarum vis exigua, inde metus
 ab ipsis urgebat. Perducti precibus ac pollicitis (idque hoc
 bello sæpius evenerat) ut communi periculo manus commo-
 darent, manente discordia, sed ne ejus præmia hostis eri-
 peret. At Itali, qui in Hamontium & in seditionis atrocita-
 tem Hispanis successerant, loco mansere, veriti victoriam
 sibi infructuosam, mortes in Principum quæstu fore. Nume-
 rum omnium, qui contrahi potuerunt, decem millia ferunt
 qui pedibus militarent; equites mille sexcentos. Cum his
 quanta maxime celeritate impelli tam grave agmen poterat,
 Archidux ipse contendit, aliorum curæ aut fortunæ non sa-
 tis fîsus. Constat Gandavi, ubi eo ventum, Isabellam, ni-
 hil arma exterritam, orasse universos ne in extremo discrimi-
 ne aut spe maxima frustrarentur. Ad Dieftanos autem ver-
 sam multa dixisse pro re ac tempore, & quo magis fidem ad-
 strueret, tactis inauribus, testatam prius sibi omnem fortu-
 næ principalis ornatum, quam bene merito militi præmium,
 nedum stipendia, defutura. Mauritanis simul & adven-
 tare hostem, & jam jugulo imminere proximis e munimen-
 tis nuntiatum, unde fuga dilapsi, quos tam repentini super-
 ventus vis terrorve perculerant. Nam quibus Plassedalum &
 Bredeneda tutanda obvenerant, pauci admodum, hostem nec
 videre voluerant: Aldenburgum, parte sui in prædam pro-
 secta, eoque infirmior, dediderat miles; idem fecerant qui
 Snaskerkæ præsidio relictî, & vitam pepigerant. Sed ira gen-
 tis hostili sanguine imbui festinantis, contempto armorum jure
 & ducis religione, qui pactiones signaverat, in cædes pro-
 rupit. Ejus sceleris culpam ipse in seditiosos rejecit, sive id
 obtenditur dedecori, seu revera turbidus miles fidem suam
 principi dubiam perfidia in hostem venditaverat. Nox erat,
 cum fama rei ad Mauritium, ad cæteros, quibus id minus
 provisum, terror prælatus est: nec falsos puto, qui credide-
 re multis ab annis par periculum non adiisse res Batavas. E-
 rant ibi copiæ, vires non dubie partis, & major copiis dux
 ipse:

*Albertus
intellecto
Principis
in Flandri-
am adven-
tu copias
mundique
contrahit.*

*Isabella se-
ditiosos mi-
lites ne se
deserant
precibus ac
promissis
obtestatur.*

*Adventus
Archiducis
Mauritiani
nos terrore
percellit.*

*Snaskerka
præsidium
ab Hispanis
trucidatur.*

*Magnam
exercitus
Batavo-
rum discrimen.*

ipse : hostilia circum omnia : castra munire serum propinquo jam hoste , & fame laboraturis inutile. Nec Ostenda expectandi commeatus , cum hostis intercederet : in Galliam fuga non foeda magis quam anceps : quod si illum jam jamque adventantem opperirentur , sparso per obsidium milite , ita ut portus quoque divideret , cædes magis futura , quam prælium. Spem amplexus Princeps , quæ restabat una , exquisita ducum præfectorumque sententia , nondum illustri die , Ernestum cum novemdecim centuriis & turmis quatuor tormentisque duobus præmittit , ut ponte ad Lessingam antecapto , quod unum iter patebat , transitum ad se hosti præcluderet : sin minus , adventum moraretur , donec ipse consilia & aciem expediret. Sed Ernestus , quanquam appropinquans , transgressum angustias hostem invenit , solaque spe extrahendi temporis , duobus tormentis , nec enim plura advexerat , aggere locatis , non procul Alberti castello , quod fugato receptui foret , lacessit hostem. Qui dubius primum , an omnis Mauritiæ exercitus in prælium procederet , ubi secus comperit , collecto gradu , ferox semper ardensque in pugnam comparatione insuper virium accendebatur. Nec illis contra animus aberat. Sed impari manu pugnandi consilium magis , quam spes victoriæ. Nec sine claræ virtutis experimentis cedere primum , mox fugere coacti ad octingentos perierunt , pars pugnando , pars jam capti , ferociore victoria , quam ut ulli parceret. Ea clades (ut sæpe olim) cæteris salutis fuit. Nam dum cædes hostem occupat , tempus Mauritio datum equites primum , inde vehicula transponendi eam in litoris partem quæ Ostendam respicit. Quod si vel tum transeuntibus hostis supervenisset , ingens strages accipi potuit. Sed ille securitate segnior , cum omnem eventum priori prælio metiretur , nuntios dimittere in proximas urbes , magnam Mauritanici exercitus partem cecidisse prælio , ipsum teneri inclusum : quibus lectis , pleræque civitates orationem , & quæ solita lætitiæ signa properantes , fortunam præcoci gaudio irritavere. Interea pedites , & quod equitis reliquum , vadum non procul mari monstrantibus cymbis ; duo agmina propius oppidum , qua portus angustior , facto ponte transierunt. Princeps , ut quosque traduxerat , ita in acie locavit , dissimulato apud militem prioris prælii damno. In primori acie Anglos Frisiosque Verius tuebatur , duplici utroque agmine , cum duobus

*Ernestus ;
ad hosti iter
præcluden-
dum mis-
sus , octin-
gentis amif-
lis fugam
cognovit.*

*Mauritiani
exercitus
ordinatio.*

1600. vexillis prætoriiis, altero Principis, altero Hohenloii, qui Hollandiæ custodiendæ relictus aberat. Mediam Galli obtinebant, hos Helvetii sequebantur, & ex Andreano novus miles: Solmensis hanc aciem rexit. Tergum servabat Gistellæ manus Hollandica, posthanc Germanorum agmen, quod unum ex copiis Ernesto datis exfors periculi fuerat, pariterque Trajectinum Vchtembroucio duce. Equitatus partim in fronte erat, partim mediam tegebat aciem, partim omnes sequebatur. Sic ordinato exercitu Princeps, vetere ducum solertia, solvere naves, quæ jam multæ advenierant, & Ostendam vela facere jubet, ut aucto in omnes periculo spem fugæ abscinderet. Sed quæ portu conlederant, ante imperio parere non potuerant, quam æstu levarentur. Relictæ centuriæ aliquot, quæ Neoportanos prohiberent in prælio distentos erumpere. Nondum meridies erat, cum hostium equitatus longe aciem suam antevectus occurrat, sed post leves tuborum conflictus, pulsus littore, in colles recedit, ibi peditum agmen opperitur, queis juxta mare tarde iter molientibus, tormenta graviter utrinque certarunt. Erant apud Mauritium, qui obviam eundum hosti censerent: id enim fortius, & accendendæ militum alacritati. Sapientius alii manendum in loco, quo longius iter per difficilia arenarum hostilem impetum retunderet. Quod cum placuisset, adventantem jam propius hostem, disjecto equitatu, qui prospectum ademerat, ad hunc modum instructum, Mauritius e summis collibus, quos in usum prælii occupaverat, animadvertit. Tres de more acies, quarum media duplex totum littus impleverat: ita quatuor agmina hastatorum erant, singulis adjecti cornuum in speciem jaculatores majores ac minores, quos arcubalistarios & musketiferos vocamus. Primam aciem Dieftani pepigerant, nullis centurionibus, uno sub vexillo, quos inter agebat Mendosa. Dexteram secundæ aciei partem, quæ integra Hispanorum erat, Montiregius & Villarsa, lævam, quæ partim Italica, regebant Sapena & Avilos. Inter utrumque hoc agmen statum Archiducem equitum manus assueta corporis custodiæ cingebat. Extremo loco Belgæ Buquoio & Barlota rectoribus, cum auxiliis ex Hibernia Bastucio duce. Equitibus imperabat Petrus Galenus per morbum Landriani: nisi quod Dieftanis sui aderant, in quos potestas tantum præcaria. Ut distincta ipsis vocabula a lancea, thorace, tuborum

Solvere naves Princeps jubet.

Hostium exercitus instructio.

rum armatura, ita in turmas dispositi vehebantur. Flexo die, ubi propius constiterant acies, Hispanorum prudentiores rem in consilium mittere, afferre communem Martem & dubiam belli aleam: non enim, ut creditum, hostem in naves moliri fugam, non terga dare impune cædenda: ita instructa acie, ita animatis ad pugnam omnibus, etiam vicisse non incruentum fore. Videndum, ne eum sperare cogerent, qui inter tot pericula deprehensus prælium jam timere non posset. Obsidendum potius, cum sua circum omnia, hosti nihil præsidio foret. Interea quiesceret miles magnis itineribus & uno sat prælio fatigatus. Erant sententiæ quæ primam esse curam volebant, recuperandi castellum quod ab Alberto nominatum diximus. Sed & priore prælii successu ita elati erant militum animi, ut non prælium sibi, sed prædam, eripi crederent; celebrato multorum vocibus vetere Hispanorum dicto, Quo plures Mauri, hoc clarior victoria: & fere eo ventum erat, unde sine certamine invito hoste discedi non posset. Ducum etiam plerique rapiendam putabant illam animorum incitationem & alacritatem exercitus. Spreta cunctatione salutari magis quam speciosa, quamvis accensis, hortamenta placuit admoveri, ut perficerent victoriam, auferrent spolia, trucidarent non aciem, sed reliquias cæsi a se exercitus. Illos expertes præliorum & hæcenus in Deum principemque rebelles, receptus tantum fiducia, ut semel collata signa, prostratos subita clade, nunc quoque pugnatos, quia fugere non possent. Non hic fossam, non vallum & quæ alia illis munimenta ignaviæ: venire ex latebris suis erutos, nec quicquam habere præter arma, quæ detrectata hæcenus imbelli conscientia. Ipsos in dextris gerere quantum esse ducem suum vellent: hunc enim diem, siquidem vincere auderent, redditurum ipsi imperium: neque bellum ultra: primum hoc & ultimum prælium: nam ad Turnholtam quidem merito cæsos qui fugere maluissent, quam hosti occurrere: nec ibi aut prælium aut exercitum aut imperatorem fuisse. Nunc coram ipsum cui bellum gereretur, testem cuique virtutis. Ejus ingentes victorias, Caletum, Hultum, Ambianum, robur, constantiam, industriam a singulis exemplo suo flagitare. Hæc proceres, ut quemque accesserant, plura ad Hispanos veterum recentiumque admonentes: per decora majorum, qui non contenti tantum Europæ continuasse vincendo incognitos orbes,

Duces Hispani militem ad pugnam hortantur.

1600.

& alteram rerum naturam armis suam fecissent, unde ingens illud & infinitum maneat imperium: per illum latissime regem, quem adesse ipsum & milites suos obtestari crederent, ne sororem, ne affinem relinquerent egenos & indecores, irent alacres & spe pleni, ut palam fieret, quod tam diu bellum adversus unam gentem traheretur, non animos sibi, sed hostes defuisse. Fuere qui conjurarent, nulli se hostium vitam servaturos, extra Mauritium, fratremque, ut dignos, qui triumpho servarentur. Nec minus Mauritiani duces varia oratione, ut cujusque animis aptum, milites alloquebantur. Britanni religionis & belli societate ac communi periculo, Galli proprio atque insito in Hispanos odio, & recenti bellorum memoria accenduntur: Helvetiis Germanisque nomen & gloria gentis ostentatur, ut quam ipsi virtutis nobilitatem a majoribus accepissent, transmitterent posteris, ac meminissent alienam tuendo libertatem suæ munimentum circumdare. Andreani hinc ad fidei experimentum vocabantur, inde stimulabantur injuria, quod Hispanus, ut transfugas, nullo hostium jure dignaretur. Princeps quoque non tenuit vocem: & te quidem, inquit, frater (nam is individuus semper aderat, nulla prece inductus ut se in naves reciperet) doleo, miserorque, quando incertus belli eventus est, & tua hæc ætas non per se magis, quam patriæ causa tuta esse debuit, nescio quo fato, in hoc mecum discrimine constitutum, ubi Respublica, quam pariter armis tuemur, uno in loco omni spe sua periclitaretur. At quia eo ventum, unde pulsus ne fugæ quidem locus, & ecce istorum omnium oculi in nos conversi exemplum virtutis expectant, eo animo prælium capessendum est, victoriam ut speremus, mortem non recusemus: hoc teque meque & inclyto Nassavorum genere dignum est, cujus jam nunc argumenta abs te posci vides. Agnosco ego hunc animum, agnoscat patria, cujus te fortunæ manibusque tuis, quam classi credere maluisti. Inde proximum quemque interequitans, mollique vocabulo filios appellans, testatur adesse justæ vindictæ Deum, cujus majestatem contemptam sæpe perjurio: hunc belli auctorem eosdem secum habere hostes, quos subruat, eandem causam, sacra, jus, fidem, quæ tueatur. Stare a se, quod hostilium copiarum validum atque exercitum fuerat: inde bellorum rudes, aut suis non minus quam hostibus infensos, discordes & mutuo suspectos invicem vereri, ne al-

Idem faciunt Fœderati.

Principis aut Henricum fratrem & ceteros hortamentum.

ter alteri vincant. Nec quicquam præter temeritatis impetum ad prælium ferre : quem semel effusum repressumque continuo languescere. Sic eandem gentem , ambiguis rebus instabilem , adversis pavidam ; prosperis nec fas , nec jus retinere. Cæterum etiam si ultionis spes non incitaret , necessitatem esse , quæ cogeret. Hinc oceanum , qui nulli gratiam facturus sit ; inde hostem imminere , crudelem & perfidum. Vincendum illa acie , vel cadendum esse. Frisios aut Batavos advectus , Reipublicæ admonebat , quam patris patruorumque sanguine constitutam , tot nuper illustribus victoriis auctam meminissent. Superba Hispanorum dominatio ut oculis occurreret , & quanto nunc intolerabilior victis quam olim integris servitus. Non tam de sua aut ipsorum gloria (quantum cur hanc quoque viris fortibus vilem ?) sed de salute , & quod salute prius , de libertate contendit : conjugum , parentum , liberorum , patriæ rem agi : ad ea omnia iter manu faciendum. His passim milites affatus ultro ordiri prælium statuit , & tormentorum duo (sex omnino erant) celsa in loca subduci imperat , quæ nautæ confestim , sucta laboribus turba , magna vi pertracta moliuntur , obnixi ponderi & detinentibus arenis & clivi arduo , cratesque & asseres substernunt. Nec minus sua , quæ octo erant , sed in littore , hostes expediunt. Displosis utrinque , horrendus fragor fluctus maris & circumjectum littus impleverat. Globi nusquam in vacuum cadentes uberi strage grassabantur , in Mauritianos tamen minus noxii : quod hostium tormenta in plano sita , nec fulcimentis nitebantur. Classis quoque ex oceano hostem telis urgebat : quod ille expertus , simul minus patente littore , quia maris æstus statuta vice increverat , interius traducit aciem. Littori & campis tumuli interjacent longo tractu & inæquali , utcunque ejectas salo arenas venti converrunt cumulantque. Huc transfertur prælium , atrox diu & incertum , faventibus locis , vel adversis. Postquam partium duces explicuere aciem , quantum loca ferebant , convalles & juga collium pedites tenuere , ulteriori planitie equites vehebantur. Sed Albertus , ut extenderet copias , media acie progredi iussa , quæ frontis , in dextram , quæ tergi , in lævam rejecerat. Nam Hispanis optime fesus , proxime Italiam , gemini agminis impetum sperabat sustineri non posse. At Princeps mare versus Verianum militem , proxime campos Gallum hosti obtendit : cætera subsidio pone sequebantur.

Et

1600. Et jam utroque pariter agmine jaculatores hostis emiserat, quod ubi visum, e Gallis similiter armati quatuor in manus sparguntur, quarum tres in lævam hostium partem impetum facerent. Nam adversus dextram cum dilectis suorum Verius processerat, testatus Principem illa die aut vivo sibi, aut mortuo gratias habiturum, nec fefellerat. Ipse enim inter primos dimicans, & repulsis propugnantibus, qui tubos ferebant, hastatum aggressus agmen, duo accepit vulnera, equum perdidit & alii impositus, non ante quam frater Horatius cum recentibus copiis succederet, reduxit militem. Simul hostium turmæ (nam id illis consilium peditum alis firmare) acriter in latus invec̃tæ non modicam stragem edidere. Quo facto & illorum augescere animos, & Nassavianos labefactari contigit: & vehementius hoste adorto, ingens repente pavor & fuga plerosque ab eo latere abstulerat: tam inconsulta quorundam trepidatione, ut maris illati fluctibus armorum metu turpem certamque mortem incurrerent. Sed constantia cæterorum, & cunctis providus Princeps rem propere restituit. Laborantibus Galli subvenerunt, binas in partes distributo agmine, cura Solmenis, ducibusque Ommervilla & Saulio. Et hi protentis hastis congressi, primum prospera fortuna utebantur, jaculatorum auxilio, qui superiores locis, hastatos hostium desuper glandibus vulnerabant. Sed ubi integrum agmen Belgæ & Hiberni militis adversum processit, Helvetios cum Andreanis Solmenis hortatur hostem invaderent. His strenue pugnantibus, utramque Batavorum submittit cohortem, Trajectinam hanc, istam Hollandicam. Postremi omnium Germani manus miscuere. Nam per globos hostem incurfare, & quamplurimis catervis prælium committere Mauritio visum, ita ut fessis belli receptus, & recentes manus prælium exciperent, quod & hostem fregit, & ipsum invictum præstitit, quia & spatium suis reparandas ad vires dabat, & hostis incidebat in integros, quoties ut fugientes incautius persequeretur. Cæterum inter colles continuo pugnatum, qua detument, & ulterius, per intervalla resumto impetu. Cum primum pedites concurrere, Ludovicus sex turmis, quas tres alteræ sequebantur, hostilem equitatum invec̃tus disjecit. Quo tempore Gentius (is turmam prætoriam tuebatur) turbatos infecutus, trans hostium copias pervaserat. Tres inde equitum ductores suam quisque manum in Hispanos pedites dirigere. Nec Ludovicus neglexit, accer

acer in omnem rei gerendæ occasionem , sex loricatorum turmas eodem rapere , quibus hostem urgeret. Insignis eo die per multa certamina hujus præcipue virtus fuit , donec coorti Hispanorum equites , & undique affusi , vix decem hominum comitatu suos prævectum includere , sed sua constantia & præfectus turmæ , Cloetio nomen , subueniens periculo exemit. Interea qui prælio excefferant colligi reficique , instaurare pugnam , cujus diversis in locis ut non una facies , ita dispar fortuna. Horatius propter plana , collium fine , cum sex centuriis , alibi alius , ut cuique commodum , dimicabant. Undique pugna se moverat , ceu integræ vires & novus utrinque hostis concurreret , modo huc , modo illuc inclinante victoria. Inter equitatus non ita diu armis quæsitum. Facile constitit Mauritianum præpollere , etiam ducum virtute : nam hostibus qui peritissimi aberant , Contrera per Hispaniam , Landrianus morbo : & jam Hispanorum lancearii concitato cursu Neoportum fugam intenderant , illi sequebantur. Sed restabat pedes , pugnabantque adhuc feliciter , inter tumulos certe , quorum fastigiis detrudebatur Mauritianum militem , tormentis etiam , quæ in edito locata , ex propinquo imminens. Tres horas continuatum est prælium paribus animis : interea horrendæ strages : multum sanguinis fusum , eminus , cominus vulnera & mortes. Iamque remiserat ardor , corporibus quoque per labores , & quia jejuni plerique , languentibus , ni suos Princeps accenderet. Hic turbatos recomponere , & hosti , siqua instaret , objicere instructas iterum manus , hic excitare singulos , ut ingenti animo capefferent pugnam. Tandem sub vesperam equestri prælio rem conficere statuit , hac parte virium invictus turmas duas mittit , quæ juxta tormenta in littore consisterent , altera Verrii erat , alteri præerat Balius. His imperat hostem laceessere , nec spes decepit , fore ut initium victoriæ ea ex parte nasceretur. Nam hostes , ipsi quoque finem prælio ardentes imponere , recta in eos vehebantur. Sed tanta in eos tormentorum vis detonuit , ut multa clade accepta equorum militumque , deflexerint iter. Per gyros tamen proximis collium interequitantes , & ulterius refugi , in littus redibant , donec proxime machinas iterum evectos Mauritiani maximo impetu fundunt. Submotisque hostium turmis statim cohortes impellunt , quorum duces Sapena & Villarsa vivi in potestatem venire. Parte ex altera Principis indefessa virtus , præsens

1600.

præfens confilium, ipfe denique afpectus, fuos, dum vinci non patitur, victores facit. Quod ubi videre Hispani, qui adverfus medios dimicabant, quanquam pares aut adhuc validiores, fortuna partium territi, timide inflabant: nec illos communia præliorum modo, fed plura Mauritii provifu fatigabant, quorum acrior fensus, ubi iris refrigeribus pavor irrepfuit. Nam & Sole adverfo ufi fuerant, & ventus major æftivo fumos fabulumque in ora volvendo profpectum ademerat: laboraverant quidem id cœli beneficium intervertere, fed imminens undique Mauritius verfare aciem non permiferat. Tormentorum quoque difpar ufus; Mauritanii adeo nullum tempus omiferant, ut durante prælio tricies difploferint fingula: tum quæ in edito erant afseribus fubftratis certius, ut ex folido, vulnerabant. Hofti non eadem ratio, machinæque nullo munimine fuffultæ, impetu & mole refidebant, ad ultimum cedentibus arenis hauriebantur. Præter confilium fors quoque Naffavianos adjuverat, correpto flammis hoftili pulvere, quo tormenta incitantur, & clamata ante tempus victoria veram dedit. Dux Albertus, dum fpecs superfuit, totam per aciem obequitans ferebatur, cum Dieltanis & in hoftem procefferat, intecto vultu, quo notius exemplum foret, atque ita factum, ut haftæ cuspide a Germano milite auris perfringeretur. Fuit & qui frænum ipfius arriperet, fed perfoffus itatim, egregia defenfantium fide. Tandem, fufpecta jam prælii fortuna, exceffit acie. Credibile eft capi potuiſſe, fi qui tum Oftendæ erat miles ex oppido in fugientem erupiffet; aut qui ad Leffingam ponti fervando miſſi, auſi fuiſſent ſubſiſtere: fed pars ex matutina clade profuga, præteriti memor, futuri anxia torpebat. Equus tamen confpicio candore, quo veſtus Archidux (fed feſſum mutaverat) præda factus. Dilapſo duce, qui æquo hætenus Marte pugnaverant, pedem omnes referre, urgentibus præbere terga, tum inde effuſi fugere; præter Germanos quater mille, qui ſervatis ordinibus cedebant. Nec cunctati victores per itagnantia & locorum invia diſperſos ſequi. Sed Princeps poſt actas Deo gratias, jam ſero diei lætas ex acie cohortes & turmas ſubduxit, præſidium in omnes belli caſus: ipſe in loco prælii cum primoribus captivorum, coenam noctemque ſumpſit, ſolo victoriæ munimento. Iacebant diſjecta circum arma, laceri artus, cruentum litus & colles, novique corporum tumuli. Sunt qui peccatum in

*Albertus
acie exce-
dit.*

*Mauritius
victoria
potitur.*

co

eo velint, quod non statim reliquias hostium profecutus sit 1600.
calente victoria. Sed clades ante accepta, miles post longum
prælium etiam inedia fatiscens, pars magna faucii, captivo-
rum turba, nox atra imminens, incertæ per fossas ac voragi-
nes viæ, & castella interjacentia, deterruere. Clara tamen
laus parta, nec facile multis retro annis parem inveneris.
Veterum curiosi annotabant, ferme tribus ante sæculis Al-
bertum Austriacum Adolpho Nassavio congressum vitam
imperiumque rapuisse, eademque nunc die, quæ est postri-
die sextiles Calendas, mutata domuum fata. Cecidere in
ipsa acie hostium tria ferme millia, latissima Diesthanorum
strage, & qua fugerant, obductæ cadaveribus viæ ac palu-
des. Sed & e victore exercitu mille ferme desiderati, præter
quos Ernestus amiserat: maxima pars Angli, quorum prom-
tissima fuerat virtus, cujus gentis centuriones octo in pugna
occubuerant, cæteri omnes vulnerati extra duos. Venere
in potestatem machinæ, & signa amplius centum, captivi
multi & insignes: ipse Mendosa dubio adhuc prælio, cum
dejectus equo jaceret captus & sepositus: magna pro eo
Mauritii cura, per miserationem communis sortis & memo-
riam affinitatis. Nam Henricus Nassavius per Hispaniam
olim præpotens ex ea domo conjugem sibi sumserat. Sape-
na ex vulnere occidit, laudata multum Mauricii providentia.
Pueri nobiles e domo Archiducis statim & sine pretio re-
missi. At legati Ordinum Ostendæ clausi non alium unquam
diem tam sollicitum egere: primum qui ex deditis Alberto
castellis, tum qui ex clade mane accepta profugerant, mul-
tum intulerant terrorem: postquam in conspectu utraque
acies, ut huc aut illuc fortuna inclinaverat, ita nutantem sibi
Rempublicam aspicere videbantur. Versi nunc ad preces,
nunc ad reputandas bellorum vices, & ut quisque audacium
consiliorum impulsor fuerat, ita maxime periculo commo-
verit. At postquam eos exitus absolvit, & insequentem luce co-
ram ipse Princeps incessit cum captivis & omni victoriæ ap-
paratu, tum vero læti vultus, festa gratulatio. Viderant il-
lum sæpe victorem, sæpe magna meritum: sed ejus præcipue
temporis augusta species erat, qua tot capitum & patriæ sal-
lus, tantique triumphus decora ipsi secundum Deum immor-
talem accepta ferebantur. At aulici, serendis odiis callidum
genus, ab hoc maxime tempore cœpere procerum auctori-
tate potissimos Principis iræ, vulgi sermonibus objicere, tan-

*Caesarem
murmurans.*

*Mendosa
captivus.*

*Sapena ex
vulnere oc-
cidit.*

*Legatorum
Ordinum
durante
prælio solli-
citus.*

*Aulici in-
ter Proce-
res, Princi-
pem, ac ple-
bem odia
serunt.*

1600. tanquam qui tuta inter consilia fortes, sua causa tot armatos & ipsum ducem in tanta pericula induissent. Tres primi post praelium dies, magnum utrinque ad res momentum, deliberando infumti, dum pars Aldenburgum recipere monet, qua iter in Flandriae intima patebat, pars Neoporti ad obsidium redire. Simul saevum ventis ac imbribus coelum & ad quaevis agenda incommodum morabatur, milites quoque vix parati obsequio, cognitis tum demum quae subierant periculis pavidum, aut victoria efferati. Inter ipsos rixae & vulnera ob captivos, quos alii juris reverentia, aut, ne pretium sibi periret, servatos student, alii insensim ob amissos socios, praecipue Scoti, & similia hostium facinora obtendentes, nullo respectu rectorum prohibentium, palam trucidant. At Albertus interim, recollecto contra cladem animo, Aldenburgum aliaque castella firmare praesidiis, nec procul Brugis novum parare exercitum, ex his qui praelio superfuerant, aut ex finibus undique accibantur. Neoportum quoque nonnulli profugerant, & postquam huc venerat Mauritius, perficere obsidium durante coeli inclementia vetabatur. Quo tempore quingenti primum, inde bis mille alii Barlota duce penetrarunt, adeo defendendis moenibus pares, ut saepius, nec improspere, erumperent. Quae Mauritius visis, duodecimo postquam accesserat die abducit exercitum, & unum e castellis Ostendae imminentibus, inter praeta se efferens, cui ab Isabella nomen, cingere aggreditur, pari difficultate. Huc quoque se Claudius Barlota transtulerat, bonamque & extremam navavit operam, trajectus globo vir nobilis audaciae, Lotharingus ortu, curandis olim vulneribus vitam toleraverat: mox per facinus haud honestum conciliatus Mansfeldio ferebatur, dictus uxorem ejus sustulisse: sed nactus honores, ita se gesserat, ut mereri majora semper judicaretur, quo mors ejus nec luctu apud ducem, nec apud ipsius novitati invidentes gaudio caruit. Mauritius, spe in Flandria bellandi per locorum difficultates, & reparatas hosti copias praecisa, tandem Ostenda vela facit, gravi ex praelio fructum nullum praeter gloriam deportans. Ante abitum, Alberti castellum iussu dirui; sed mox hostis reparavit. Provectae jam classis postrema Spinolanae naves silente forte caelo ausae laceessere: sed, coortis subito ventis, vix se remigio eripuerunt, insequente classe, donec vada dirimerent. Ludovici per Brabantiam conatus aliquot evanuerunt: & quod

*Princeps
ad Neopor-
ti obsidium
reversus
abducit ex-
ercitum.*

*Frustra
quoque Isa-
bella castel-
lum tentat.
Barlota oc-
ciditur.*

*Mauritius
Ostenda
vela facit.*

& quod reliquum anni, ferme adhuc medii, per otium transiit, 1600.
 partitis inter se hostibus, his felicis prælii, illis servatæ Flandriæ
 non spernendum decus. Dum Flandria bello fervet, Bruxellæ
 conventus agebatur, quem jam ante Albertus, more veteri, sed
 pridem omisso, e cunctis suarum nationum ordinibus advo-
 caverat: persuasus ab his, queis nota Belgarum ingenia, mó-
 res & verba civilia induere, & specie poscendi consilium pecu-
 nias impetrare. Dixerat miserari se mala quibus populi preme-
 rentur, nec velle aucta dissimulando, & si pace remedium quæ-
 reretur, obvium sese, sin hostium pertinacia obliteret, non
 tamen desperandum in causa meliore. Pro se Hispaniæ opes,
 unde ducenta quinquaginta scutatorum millia quot mensibus
 in bellum sponderentur. Sed ut restitueretur disciplina, miles
 sine injuria ageret, æquum Belgas ipsos anniti, repertis sti-
 pendiiis, queis præsidia alerentur. Et quando principalis pa-
 trimonii redditus jam olim bellis Gallicis oppignorati, dandum
 sibi-regiæque conjugii, unde generis, unde imperii dignita-
 tem sustinerent. Dum cætera consultantur, prærogata interim
 pecunia, qua occurreretur seditioni latius indies serpenti, &
 Dieftanis plerisque mox prælio absumtis, cum Hamontiano
 coeptum transigi. Sed Belgici Ordines per hanc occasionem
 altius se Reipublicæ immiscentes, quæ Hispani auxilii fides,
 quid præsidia, quid bellum terra marique deposceret, scru-
 tari: præcipue paci insistere: multa Batavis haud immerito
 suspecta, arces Belgicas & munera prima penes exter-
 nos, contra leges; jam quod iis ipsis tabulis, quibus Belgi-
 ca transcriberetur, necessitas imposita religioni; clausæ In-
 diæ, & principes ipsi clientium in morem addicti regno Hispa-
 niæ; partim ut gravia, partim ut iniqua incusari. Hæc si rex
 Philippus demeret, veniaque Principum sibi liceret cum Ba-
 tavis inire foedus, quo major accederet pactis fiducia, spera-
 re se brevi gentes sub unum imperium coalituras. Consentit
 Archidux ut Ordinum suorum nomine legati ad Fœderatos
 mitterentur, qui animos prætentarent. Venere Gerardus
 Hornanus Comes Bassiniaci, Philippus Bentingius, Henricus
 Codus adfessor Iprensis, post Neoportanam pugnam, quo tem-
 pore legati Fœderatorum Flandria egressi Bergis ad Zomam
 substituerant, rogabant institui conventum, in quo inirentur
 rationes concordia, multa utrinque dicta in odium belli, pro
 pace & communi Belgarum salute. Ex Fœderatorum parte
 dictum, nihil sibi gratius quam externa colluvie purgari Bel-
 gicam,

*Albertus
præsentium
sibi Belgarum con-
ventionum agit.*

*Ejus ad
impetran-
das pecu-
nias verba.*

*Ordinum
responsio.*

*Legati
Archiducis
Bergis ad
Zomam
cum Fœde-
ratibus de pa-
ce agunt.*

1600. gicam, in hanc rem auxilium se polliceri. Si resumerent libertatem, de religione nullum certamen fore. Cæterum non videre, quis exitus colloquio proponeretur: nam cum Hispanis quam pacem haberi posse, qui etiam bello abstinentibus pacem non servarent? At Hispano Archiduces, pudendis Belgico nomini conditionibus, innexos: ipsis Brabantos, Flandros, aliosque Ordines: quam ergo vim habitura pacta cum illis inita, qui sub dominis, sub arcibus, sub infenso milite ducerent alieni juris animam? Illi rursus, pacem quidem se, non defectionem moliri, nec æquum alteros arma retinere, exarmari alteros: sed ratum Principibus fore quicquid inter se Ordines pepigissent. His dictis auditisque Archiducum populi, seponendam rati spem pacis cum Batavo recenter victore, belli onera examinant: & diu certato quantum gens quæque penderet, quia vetus forma Gallicis bellis instituta, ob mutatas provinciarum vires & arma aliis finibus illata, servari non poterat, ubi tandem convenit, in focos aliaque repertis vestigalibus, tricies mille florenos quoque mense pollicentur, velut in annum futurum, sed mansit & in sequentes. Ut præsidiorum quisque apud se stipendia deduceret, ne quicquam cives præbere militi cogerentur, ut pars altera virium & locorum custodes e Belgis essent, quæstura Ordinum arbitrii foret: partim negavit Archidux; partim, spe facta, non præstitit. Offendit multos & Henricus Gulsmanus ex Hispania missus cum litteris, quibus Rex Ordines illos adhuc ut suos compellabat. Idem exemplo Hispaniæ inquirens in tabulas mercatorum, si cui connexa cum Batavis ratio, aut ad Indicas societates pecunia submitteretur, oblectante Antverpiæ frustra fuit. Dunkerkani non alias sævius egere. Mandaverat Albertus ipse Batavos ut commercio, ita piscatu arceri, unde inopia aut seditio sequeretur. Ipsi multis suorum suppliciis asperati, proprias iras addiderant. Ergo imbellis hominum genus (& est plerisque piscatorum ea religio, quæ nefas ducit vim armis propellere) perforata navium alvo, aut ignibus immisissis, alios clavis transfixos longo metu sensuque mortis excruciant, tantaque vi mare incesseant, ut naves piscantibus præsidio datas interdum assilirent traherentque. Sed ubi omne Batavorum robur emotum est, capti alii inhumana facinora supplicio expiarunt; aliis notas in latebras suffugium fuit. Ductor ipse Wakenæus, aliquot cum navibus hostem insequentem per Morinum fretum elapsus, Cantabriam attigit, & post

Federati pacem, nisi Hispani omni abrogata auxiliorum, ejusque externis militibus, fieri posse negant.

Ordines Belgici, desperans cum Federatis pacem, nova vestigalia repetunt.

Regis litteris offenduntur.

Dunkerkani in Federatorum piscatores serviant.

Capti pænas dant.

& post actas e littore Armorico prædas, multis mox nauta- 1600.

rum penuria absumentis, & ipse interiit morbo, an quia Hispanis fastiditus. Contra Spinolanos remiges, ut omni cœlo certaretur, navis longa, ignotum ante Batavis, Dordrechtii struitur, ornata machinis virisque: primum mercede conductis, inde ob facinora damnatis utebatur; quia bello captos eo servitii adigere mos Christianæ pietatis non sinebat. Probatum egregiis successibus consilium: nam strato mari una plures hostium in vecta in fugam egit, recepto navigio quod succinctum ferebatur. Brevisque eo crevit audacia, ut, paucis lintribus asumptis, & lecta nocte, Batavi remiges inter Brabantia Flandriaque castella Scaldim silentio subvecti, ubi sub Antverpiæ moenia penetrarant, navem tribus surgentem machinarum ordinibus, & minores septem, primum ignoti, inde per vim & propugnantium cædes rapuerint. Excita clamore civitas, in moenia procurrens, spectavit damnum suum ac dedecus inulta: nam victores securi prædaque onusti abiere, postquam notum carmen, in laudem Wilhelmi Arausionensium principis, non sine affectu civium vetera recordantium tuba occinuerant. Magna spes belli Gallici Batavos sub anni hujus finem impleverat, Henrico in Sabaudum ducente, qui, Hispano susceptis ex sorore ipsius liberis illigatus, nihil nisi illo consilio ausurus credebatur. Causa armorum Salucia in Alpibus regio, Marchionatus titulo, quam ægræ per internos tumultus Gallia Sabaudus ademerat. Pontifex Romanus pace Verbiniana lectus arbiter trahebat iudicium, donec instante Gallo Sabaudus ipse Parisios ad Regem venit, & præcipuis ministrorum clam pretio corruptis, ipsum obsequiis ac promissis mitigabat: quæ ubi ad dictum diem non evenere, Henricus indicit bellum, urbesque & castella Allobrogum vi expugnat: Fontano interim (is dux quondam in Belgica, tunc Mediolanum regebat) magnas cogente copias, quibus bellum Hispano agitari Italia, & omnes circum populi suspicabantur: quippe & insidiæ hinc in Venetorum arces, inde in urbem Mediomatricum erumpebant. Sed arma Alpina pax cita excepit, convento, ut pro Salucia Bressia comitatus in Segusianorum finibus, in quo pons Rhodani, Gallo traderetur, addita exceptione, ut Hispano copias in Sequanos Belgicamque trans eum pontem ducere liceret. Rex Henricus, ut regnum, post pacem externam, & intus religionum diffidia æquis legibus coercita, certo hærede stabiliret, a Pontifice

Navis longa Dordrechtii struitur.

Batavi sub ipsis Antverpiæ moenibus hostium navem rapiunt.

Bellum inter Gallum & Sabaudum.

Cito in pacem desinit.

1600.
*Henricus
 repudiata
 Margarita
 Valeſia
 Mariam
 Medicæm
 ducis con-
 jugem.*

divortium ab Margarita Valeſia, inviſa olim, nec bono ru-
 more, & jam annis infœcunda exorat, conjugemque ducit
 Mariam Franciſci filiam Ethruſiæ nuper principis, claram mo-
 rum, & quæ recentem apud Gallos Medicæi nominis invidiam
 quietiore ingenio elueret. Idem cum Anglia amicitiam firma-
 verat novis pactionibus, queis per mare prædonum licentia
 prædibus datis, & æquis judiciis coerceretur.



HUGO-

HUGONIS GROTII
HISTORIARVM
DE REBVS
BELGICIS
LIBER DECIMVS.

SVMMARIVM.

Cloetius Cracoviam expugnat. Fœderati in Dunkerkanos animadvertunt. Frustra tentatur Flissinga. Alberti militis seditio. Mauritius Bertam & Musam in potestatem redigit. Albertus Ostendam obsidet; Fœderati Sybendamducis. Effœxi miserabilis exitus. Hibernis rebellantibus frustra auxilium mittit Hispanus. Oliverii Nortii navigatio.



Eparatæ auctæque vires in annum novi sæculi 1601.
primum gravia ac tarda minabantur : quippe
speculabundi duces & alter in alterius consilia
defixi diu subistere. Hyems & ver omne inter
dolos & prædas exercita, antequam retenta vis
belli impetu majore erumperet. Initio statim miles, Brabantus
ortu, Iesuitarum vocibus & pecunia emtus, ut Gertrudisber-
gam falsa captivorum specie hostibus aperiret, ante facinoris
exitum deprehenditur. Mox equites Mauritiiani haud ita mul-
ti agro Limburgico, perrupta arce quadam, prædam & capti-
vos devexere. Ad arcem Cracoviam (quæ in Musica ditione
est, cumque urbe agroque dono ultimæ comitis ad Mauritium
pervenerat, sed a Salentino comite Isenborgi ex Parmensis
concessione ad id tempus tenebatur) occupandam mittitur
Cloetius turmæ præfectus, equitesque trecentos & modicum
peditem trans Wachtendoncam rapit. Quo comperto Dul-
kius, qui Stralam propinquum oppidum jussu Archiducis cu-
rabat, pedites plus quadringentos, equites paucos silentio du-
cens, incautos hostes per tenebras invadit. Iamque ceperat tri-
ginta, quosdam trucidaverat, antequam cæteri strepitu exciti
se explicuere. Sed per arcta viarum retrogressum, qua cam-
pi patecebant, prævectus alia Cloetius incurSAT; ille, equi-
tatu minor, villa occupata ad deditionem cogitur. Victor,

*Cloetius
arcem Cra-
coviam ex-
pugnat.*

1601. ad quæ missus, properans, fossam arcis, ut indices retulerant, glacie non interrupta perviam invenit, portam vitratam pulveris disjicit, præsidium expellit. Cum Hamontiano milite hæcenus Albertus pepigerat, ut, relicta interiori sede, Wartam oppidum arcemque acciperent, unde Leodicum ac Iuliacenſis ager ad prædam exponerentur, graviter sane expostulantibus vicinis. Sed crebræ legationes & questus leviter transmissa, quia cognitum jam olim lucri genus, seditionis per speciem summi alieno bellum alere. Sic Berce quoque & Geldræ præsidii Clivii vexabantur, accedebatque oneri immerentium populorum, quod Batavi tantundem ipsis pecuniæ indicebat, quantum alii abstulerant, nihil referre dictans, sponte an viribus diffusi juvarent hostium opes. Audito parari in Hispania classem, & quia Dunkerkani mare liberius usurpabant, major solito vis navium Oceano immissa, nec tamen defuere prædones, qui in conspectu Sceverinæ (is proxime Hagam littoris Hollandici vicus est) exponerent captos, pretiumque acciperent. Sed mox circumventi a navigiis piscatoriis, quæ armati homines occultabantur, solito supplicio audaciam piavere. Immissæ & portui Dunkerkanos naves, saxis oppletæ, claudendos ad exitus. Sed, quoties mare abscesserat, scissa oppidanorum securibus ligna rursumque æstu impacti fluctus, cuncta disjicere. At missæ in Angliam mercatorum naves longis Spinolanis præda factæ, postquam bellica, præsidium aliis, diu non sine hostium clade certato, mox igne injecto conflagraverat. Speraverant eadem Flissingam aggredi, intus corruptis, qui urbem incenderent. Sed unius conjuratorum, quem ægrotum forte mors imminens in poenitentiam verterat, edita apud sacræ rei ministrum confessione, fraus detecta punitaque. Novæ interim in Alberti partibus seditiones: classiarium infesso Scalde tumultuantem Antverpienses parte stipendii mitigavere. Walonibus, qui circa Ostendam castellis impositi ad eadem usque aut vulnera præfectorum sævierant, largius indultum, quia Batavorum promissis mutandam ad fidem trahebantur. Persuasi migrare præsidio Montem Guinoci transiere. Post ista fœderati Ordines instituta in caminos pensione, & ex Anglia milite, e Gallia insuper pecuniis adjuti, Flandricam rursum expeditionem animo agitabant. Sed cum in celeritate spes esset omnis, ideoque prius necesse hostem inde avertere, placuit ultimis finibus

Hispani pariter ac Batavi vicinis pecuniam extorquebant.

In Dunkerkanos fœderati animadvertunt.

Flissinga frustra infestis struitur.

Militis Alberti seditione.

Fœderati Flandricam expeditionem iterum agitant.

osten-

ostentare bellum. Præmissis igitur milite Mauritius, obtentu nuptiarum, quas Ludovicus Nassavius cum vidua comitis Broakii faciebat, Arnhemum venit: nec moratus, centuriis ultra centum, turmis triginta Bercam properat, quam tenebat Archiducis jussu Hieronymus Lopes. Milites illi Walones, Itali, Germani, nautici ad tria ferme millia: victus satis, machinæ sex & triginta, munimenta mediocriter aucta, ex quo Mendosa peste adjutus oppidum cepit. Dumque Mauritius sueta prudentia adversus vim externam se præmunit, Ludovicus Bernardus Avila non imperitus alias, *Mauritius Bercam obsidet.* tum Bommeliano nuper exemplo doctior, extra fossam opera excitat; locumque pascuis comprehendit, queis pecora pascere, quia sale servandas ad carnes destituebatur; naves suas corrumpit ipse, ne hosti cederent. At Princeps classem, quam adduxerat, partim Rheno Coloniam usque disponit, partim juxta se confidere imperat. Insulam, quæ propter oppidum amne circumluitur, castello modico instructam, primos ad ictus machinarum desertam & opere amplius firmat, & cum ripa utraque pontibus jungit. Tum dispositis, quacunque spes adeundi erat, stationibus, castra tribus partibus locat: uni ipse præsidens locis editionibus secundum oppidum, superiora ripæ Ernesto Nassavio, media Tribuno Gistello attribuit; ac duobus maxime locis fossiones contramunimenta extra oppidum prominentia intendi imperat, validis circumcustodiis, quia crebris eruptionibus opera turbabantur. Primus impetus ad Casseliensem viam mille aut ultra hominum fuit, hunc Galli retudere, quorum ductor Castilionæus juvenis fortiter dimicans honestum vulnus retulit. Nec territi tamem obsessi quo minus & ex eadem parte, & qua Xantemum itur, sæpius irruerent, non sine aliqua clade ut improvisi proruperant, sed repressi statim accurrentibus e propinquo subsidiis. Quæ dum fiunt, perlatus nuntius Ostendam ab Alberto obsideri, non parum attulit difficultatis: nam cœpto cedere indecorum, at perduci contra opera tam valido intus præsidio, & servari aditus, palustribus circum ac fallacibus campis, sine magnis copiis non poterant. Rursum Verius, quem Ostendæ imperio destinaverant, abnuebat onus, ni viginti Anglorum centurias, magnum robur exercitus, secum abduceret, quod concessum; & expectans supplementa Princeps instabat operi. Interim obsessi victus sibi modum præscribere: nuntiis & sublatiis e specula ignibus

1601.

auxilia implorare : nuntii intercepti. Geldræ ex oppido significacione ignium spes monstrabatur. Miserat sane Archidux solvendo Herenbergensem obsidio, non modicis cum copiis ; & carri vicinorum in hoc retenti. Sed mutatum consilium , seu quia castra impervia, eximia ducis arte ; seu quia ex usu attinere illic hostilem exercitum, quo segnius Ostendæ subveniretur. Vbi inferni meatus sub valli extra jacentes partem successerant , jactu globorum & ostentata acie, velut facturus impetum , Mauritius obsessos prolicuit , quos frequentes coactos defossi pulveris violentia diripuit : parati , qui ruinas occuparent , locum tenere , quamvis hostis non multo post regressus acriter incumberet. Brevi cætera circum munimenta simili arte , aut per vim capta , pars metu deserta , statimque ad Casseliensem portam directæ trans fossam vineæ sub ipsum oppidi aggerem perreperant , quod timentes obsessi , & quia sauciis compluribus medicamina non suppetebant , ad conditiones venere , eo maturius , ut perfugis , qui multi inerant , salutem & honestum cæteris exitum paciscerentur. Læta imprimis populo Transisalano ista accessio, qui tributa , hosti hæcenus pensitata excursionum metu, statim abnuere , jussis armari , & ad signa concurrere , agrestibus. Medio mense Junio coepta obsidio Iulii sine exitum habuit , cum jam Ostendæ vicesimo & quinto die Hispanorum viribus tentaretur. Sed antequam omni cum exercitu descenderet Princeps , Mursam oppidum , donatum sibi , ut ante diximus , in potestatem redegit , dejecto imbelli milite , quem Clivæ dux imposuerat , feudi per hæredum internecionem ad se reversi nomine , ditionem vindicans. Sed ipse contra multis facinoribus patroni jura violasse arguebatur. Ostendæ , cujus nunc oblidium multis a sæculis clarissimum ac proprium velut bellum memorabo , inter Clusam & Neoportum piscatoribus lecta sedes , jam olim Flandrici littoris partem exiguam occupavit. Porta palisque vallari coepta, quo primum tempore civilis belli initia , & multus mari prædo cuncta terrore oppleverant. Postquam Gandavenis pace opes Ordinum invaluere , accessit fœderi , constanterque adhæsit , & mox Parmensis, capto Neoporto ac Dunkerka, terribilis illic obsidii irritus, dein Lamota irrupta jam parte oppidi pulsus , famam addidere , & curam muniendi , quæ aucta ex quo Clusa amissa , & præter Ostendam nihil oræ Flandricæ reliquum. Frons oppidi in Septentrionem prominens aperto Oceano pulsatur. Lævo, quod

Beræ dedisti.

Et Mursæ.

*Ostendæ
descriptio.*

in

in occidentem vergit, latere rivus Ipperleda, mari quondam illabens, portum efficiebat: sed qui, ut Flandriæ cæteri, recedente æstu navium esset impatiens; nunc rivum opera abscidere, portus manet. Quæ pars orientem aspicit, arenosis quondam collibus inæqualis, mox in planum deducta est, ne propinqua fastigia hostem attollerent. Ita remoris quæ obstiterant, proximam mœnibus planitiem irrupit mare, patente in centum pedes æstuario, cui cedentibus semper arenis aucta profunditas: ubi æstus adjuvit, immensus gurgis; ubi destituit, duarum hastarum longitudine aquæ superant: vadosiore tantum in ipsius faucibus limine. Quicquid retro terrarum in austrum porrigitur, crebris fossis intercissum, mare inundat, quo æstuante mille passuum spatio & ultra sæpe mergitur solum. Tantis naturæ præsiidiis accessere munimenta, rudia quondam, sed in artis modum, quantum locus ferebat, jam tum cœpta excoli, cum Caleto Hulstaque victor rediens Albertus obsidium minabatur in hæc usque tempora dilatum. Vetus oppidum quod dicitur, nunc nihil nisi inane aquarum terræque spatium, mare aspiciens, extra Ostendæ vallum propriis quinque molibus littus impleverat. Hinc fossa novum oppidum circumluens, septis aquarum modum dispensantibus, bina & hic mœnia dividit, interiora octo propugnaculis excurrunt, quibus exteriora totidem aliis respondent; qua flumina prælabebantur, levior structura, a tergo solidum opus, & nova fossa intercedente velut triplex vallum. Hic oppidi ambitus, horæ circiter dimidiæ iter. Ultra, propriæ sejunctæque munitiones, & quæ, si necessitas urgeret, defererentur sine labe oppidi: una palis præsepta trans æstuarium sine dextri lateris: aliæ per campos tergo mœnium adhærentes, aut modico spatio & voraginum interventu avulsos. Flandri pertæsi excursuum, quæ omnis late ager exhauriebatur, & experti septendecim castellorum, quibus tum clausa Ostenda, sumtus sine fine, licentiam militis gravem, & parem prope hostili, & nuper cœpta seditione suspectam fidem, urgent Archiducem, ne diutius clarissimam imperii sui provinciam unica parte inutilem pateretur. Nec deerant dissuasores, qui tantis oppidi munimentis, & patente Oceano, non obsidium, sed inutilem exercitus moram ominarentur. Sed vicit spes, & promissa a Flandris vis ingens pecuniæ, & hærente ad Bericam hoste non spernenda occasio: præsertim cum & ex Italia Hispaniaque novæ cohortes advenissent, Trivultio Bracca-

1601.

*Albertus
Ostendum
obsides.*

*Verius op-
pido prae-
statur.
Obsidii hi-
storia.*

montioque ducentibus. Quinta igitur Iulii die Fridericus Herenbergensis dextra oppidi, mox Hieronymus Montiregius læva assidet, e propinquo primum, sed ictus tormentorum coegit longius metari. Carolus Notius oppidum tum curabat, sufficiente victu & omni belli paratu, centuriisque viginti & una: quibus accessit primum ad obsidii nuntium missa cum Vchtenbroukio cohors, statimque virtus praesidii apparuit, valida eruptione, qua caesi primores, quos inter Montiregius, & e vulgo supra quingentos. Postquam Franciscus Verius summo cum imperio in oppidum venit, cum suae gentis milite, cujus numerum novi ex Anglia delectus augebant, statim e re visum, quicquid extra oppidum munitio occupaverat, firmare custodiis & longius proferre castella, quorum unum recens adhuc, & quadraginta militibus servatum hostis irrupit. Cæterum a posteris oppidi partibus repulsus obsessor lævo maxime lateri imminebat. Stagnantibus locis aggerem struxit nova arte, cujus laus ipsi debita, cum pleraque alia nuper reperta Mauricii Batavorumque ingenio inceperint. Fasces longos in pedes viginti ambitu paulo majore, quo firmius ipso pondere aquis obsisterent, insertosque his lateres religabant. Farcimina dicebantur: his sensim promotis, & vi machinarum superposita portus veteris usum navibus eripuit. Sed ex æstuario, quod altera parte fluere diximus, per fossa littore diductus alveus, statimque moenium sinu exceptus, melior ac certior deinde portus fuit. Huc ingredi, hinc exire centenæ sæpe naves, efferre saucios, portare tormenta, ligna, victum, & quæ contra coeli injurias aut metum morborum desiderabantur. Nec contra hostium, quanquam editoribus e locis, jactus longinqui & incerti quicquam valere, tam raro periculo, ut ingens hominum multitudo sola spectandi cupidine advektaretur. Externorum procerum dux Holsatiæ, Dani regis frater, & ex Anglia Northumbriæ comes, omnibus belli artibus strepentem locum mirabundi inspexere. Igitur omissis globorum minis; arenarum sacci ac lapides opplendo gurgiti immittebantur, frustra, prævalente aquarum rapacitate. Vbi præcludendi commeatus spes nulla, versas in occidentem urbis munitiones Catricius illa ex parte imperans admotu operum telorumque impetebat. Harum munitionum tres contiguæ Histrix, Orcisauces & Sabuletum castrenlibus vocabulis dicebantur. Sabuletum oppido in vetere pars quondam collium, quos mari arena accumulat,

lat, æquatis cæteris, unus tumultus eminebat, quem propugnacula duo, alterum alteri superadditum, coronabant: aliaque operum circa, quia oppidi quod minus firmum inde propugnabatur. Huc tot adacti ab hostibus globi, ut collis totus terro rigeret, nec tamen immenso sumtui par fructus fuit: nam dejecta facile reparabantur, & mortuis aut vulneratis succedebant recentes. Inter eos, quos jactus absumserat, juvenis Castilionæus fuit, Gallorum tribunus, egregii ducis Coloniaci nepos, nec ipse ab avita virtute degenerans. Ipsum quoque Verium, curando vulnere egressum oppido, Zelandia refovit & remisit. Nec talium malorum immunis obsessor: sed paucos intra dies Catricius & Bracomontius tribuni cecidere. Per oppidum, quo minus globi & ignita jacula timerentur, aggesta parietum in morem densa passim humus. Sed ne maritimum vallum hostis oppugnaret, propinquis jam fossionibus, major metus. Itaque agger arcendo structus mari disjicitur, ancipiti consilio; sed eventus contra Hispanos fuit, quorum fossiones vimineæque turres, ubi venti fluctus impulerant, longe mersabantur, coactis custodibus in tribunalia refugere, quæ ferendis machinis juxta extulerant. Sic admissum mare Ostendam insulæ in speciem circumdabat: oppido quoque interdum nocens, sed palis, faxis, & omni maritimarum gentium ingenio vis summa undarum in hostem dispellebatur. Quatuor menses abiire inter prosperas eruptiones, & contra mœnibus assultantium inanes impetus, crebraque transfugia, & captivos qui vanis rumoribus partes utrasque implebant. Detectus & proditor, qui bellici pulveris incendium hosti promiserat. Ipse Albertus interdum & Isabella, tardi laboris inspectores aderant, alacri milite ducibusque in principum conspectu, alii farcimina plura vasum in morem orbibus connectere, & his quo liberet provolutis solidare humentia, nova castella veteribus addere: pars longe dissidentia operum aut viarum connexu jungere: fossam moliri quo cuncta facilius Brugis adventarent. At fœderati Ordines spe invadendæ Flandriæ amissa, post Bercam captam, pertæsi erogationum & Ostendæ primum intenti, ætatem multumque autumnus nihil ipsi molientes transmissere. Vbi trahi oblidium, nec tam periculum Ostendæ quam sumtus immanes verebantur, propositum hostem detrahere, aut si perstaret, neglectas in partes incumbere. Diuque dubitato, quis locus facilem victoriam, nec sine magno usu, daret,

Silva-

1601. Silvadicis placuit, post discidium a foedere nunquam aperto bello tentata. Nec praesidium tunc aliud, quam centuriae duae; turmae totidem, quibus Antonius Grobbendonkius imperabat; sollicita semper civitate, ne miles praevalesceret. At cives ipsos haud sane intrepidus magistratus ac sacerdotes, quorum ingens copia est, certatim inflammabant, hi ne sueta sacra arasque & simulachra & Divos faventes desererent, ac pollui paterentur: illi majorum facta recitando, quorum virtus Geldros toties a Brabantico limite repulisset, addebantque suum ipsi exemplum. Nam & per noctem lumina disposuere, & edicto cavere ne eorum, quibus vivitur, pretia crescerent, & ne suetis ante fores indicibus mortes noscerentur. Aggerem quoque excitarunt, qui Fuchtensem nomine portam praetergeret. Hac parte Mauritius castra fixerat, adversa Wilhelmus & Ernestus confederat, utrinque via depressioribus campis eminens facile ad oppidum fossiles perducebat. Ea commoditas & urbis non alia quam sueta olim munimenta, spem brevis accessus dabant, cum alioqui mense Novembri tam propinqua hyeme coeptus labos terrere posset, & in ampla urbis spatia non pares obsidentium copiae, centuriae tres supra septuaginta, turmae triginta circiter: quippe Ostenda iustos poscente exercitus. Sed nec eruptionum metus a cive, sua tueri satis habente, nec sueto talium, & circumfusa planities late madens, positis castellis claudbatur. Repertum & amnes rivosque juxta fluentes objectum molium supra ripas attollere, quo magis stagnarent adjacentia. Sed non ita id maturatum, quin bis in oppidum miles penetraret. Quippe ab Alberto missus, ad Brabantorum preces, in loca proxima Fridericus Herenbergensis cum peditibus & non invalida equitum manu, sparso rumore, paratisque omnibus velut Helmundum vicum muniret, primum trecentos ferme, mox ad mille oppido inserit, ignaro diu obsessore, & ubi sero cognoverat, paucis postremo ex agmine captis caelisque. Adversus incendia, quae a globis ignitis timebantur, vulgi rectorumque oppidi magna sedulitas: tabulata arena sternere, alieno tela excipere, cunctaque restinguendae flammae parata habere. Accesserat Archiducum nomine pollicitatio, privata damna ex publico reparatum iri. Urgebat interim opera Mauritius, quibus ad fossam moenium perductis, vineae tantum & quae urbibus ultima restabant. Spem non longinquam gelu intersecebat, expectato maturius intensiusque,

susque, concreto quicquid aquarum campis incubuerat, ri-
 gentibus quoque fluminibus, nec commeatus æque faciles,
 & laxior hosti in oppidum via: tantumque frigus, ut excu-
 biæ non sine pernitie militum agitentur. Vigesimo septi-
 mo die solvitur obsidio, dolente Mauritio ac respectante sæ-
 pius an cælum mitekeret. Sed impellebant abitum maxime
 Herenbergensis copiarum, quibus & ille se junxerat miles, quem
 post secessionem Wartam in oppidum translatum memora-
 vi, pariterque tum Diestæ confiterant. Neque tam castris
 metuebatur egregio opere vallatis, quam ne gelatis amni-
 bus nudum Hollandiæ latus incurfaretur. Impedimenta, na-
 vium sublato usu, quatenus potuere Heusdam præmissa cur-
 ribus, incensa cætera. Munitiones, ut fuerant, relictæ, periti
 ducis ac gnavi militis egregium specimen. Cætero autumnii
 hyemisque leviter excursum. Batavis Transrhenanam ripam,
 quæ contra Coloniam est, obtentu eorum, quæ mortuæ
 nuper comiti Mursensi debebantur, raptantibus: & Belli-
 jocosum Archiducum jussu populante quod Brabantia sub
 Fœderatis positum tributa defugiebat. Stabat adhuc circa
 Ostendam bellum: & alter obsidentibus atque obsessis la-
 bor, hybernæ mare, nunc hæc, nunc illa opera quatiens.
 Accedebant morbi cælo soloque juxta humentibus, quorum
 intolerans imprimis natio Angli deficere indies, aut disces-
 sum in patriam Verium orare, per quæ imminutus defensorum
 numerus, ita ut septem millium vix tria restarent, Archi-
 ducem non latuit, qui cum nec immeritis navibus, nec ullo
 lignorum lapidumque aggestu æstuarium videret præcludi
 posse, nec eo continuari opera, simul & mari & machi-
 nis hostium prementibus, ad manus rem perducere statuit.
 Primumque, tentandis viribus, delectos militum octingen-
 tos, prætexta littore mœnia assilire noctu jubet, quod ex-
 secuti fortiter; palosque & mari objecta late incendio de-
 pascebant. Sed mox æstus recurrens coegit abscedere, re-
 lictis suorum haud paucis, quos e proximo machinæ lacera-
 verant. Placuit tamen, acceptis in castra supplementis, op-
 pidum, tum qua retro in campos exit, tum qua mare pro-
 spectat, gemino ex latere adoriri; Histricique & Sabuleto,
 præcipuis illic munimentis, vi tota incumbere. Gnarum id
 Verio, captivi indicio, qui suorum paucitati metuens, nullo
 ducum aliorum, sed unius suo usus consilio, plerisque ne-
 scientibus, breves cum hoste inducias facit, & injecta spe
 dedi-

1601.

deditionis, obsides dat atque accipit. Sed orto hinc militum tumultu, Rossemianorum maxime, qui ne hosti infenso producerentur imprimis metuebant, coactus Verius obsides Archiducis dimittere, causamque aperire centurionibus. Ea fuit, ut, colloquii specie in spem auxiliorum adventantium, periculi tempora extraheret. Quo intellecto, visum omnibus, quo oblidum ad hostes missorum saluti consuleretur, clarissimos hostium in oppidum allicere, cum quibus actum lente, insuetis & iniquis postulationibus, inter quas fuit, ut ex-eunti militi Archidux magnam vim pecuniæ numeraret. Interim e Zelandia quinque centurias ventus secundus in oppidum detulit, edixitque legatis & Archiduci Verius, pressum se necessitate, venisse ad pactiones: nunc cum auxilia advenissent, salva sacramenti fide non esse ut ultra procederet. Sperare se tamen, si quando Archiducis viribus ad extrema urgeretur, clementiam magnanimi principis sibi non defuturam. Commovit Archiducem ea contumelia, quippe Flandria omnis velut ad certum spectaculum potiundæ urbis concurrerat, & jam didita fama propinquis regnis vagabatur. Nec Ordinibus satis excusata fraus per se indecora, ad hoc periculosa magis quam necessaria. Externi hoc anno casus non leve momentum ad res Batavas attulere, quippe in Anglia Essexius, pacis cum Hispano maximus adversator, cum custodiæ exemptus, regia arceretur, & ille quondam gratio-sus, suffultus clientelis, armatus legionibus, nunc sine decore, sine imperio vitam aulamve pati non posset, varia versans consilia, invaderet, an e longinquo bellum minaretur, inimicis cuncta rimantibus, a Regina, cujus animum super veteres offensas forma quoque ipsius spreta in iram accenderrat, dicendam ad causam vocatur. Intellecto periculo, quod e præsentibus pessimum erat secutus, nec de modestia nec de audacia satis sumsit. Sed domi suæ detentis senatoribus, Regina quos miserat, ipse cum modica manu Londinum properans, dum amicos illic plebemque sollicitat, a feciali publico prævenitur, qui Reginæ jussu, ni confectum pateat, perduellionis crimen ipsi denuntiat; qua voce perculsa plebs, sibi timens, alieni curam facile exiit. Portæ clausæ, domus obsessa, ipse consilii inops dedit sese, & in carcerem ducitur, comite Suthamtono. Datis iudicibus, auditus publicè, multa in inimicos dixit, præcipue in Cæcili-um, quem hoc inter cætera crimine premebat, quod pa-
cem

*Essexii mi-
serabilis in
Anglia exi-
tus.*

cem cum Hispano promoveret : illos se ultum esse, nunquam mutata in Reginam fide. Suspensa diu omnium expectatione, ecquid Reginae clementia & veteres affectus possent, an facinoris magnitudo, & suspecta dudum popularitas, validique inimici veniam præcluderent? Damnatius tandem securi feritur, magnis circa suprema & pietatis & poenitentiae indicis : capite prostrato, ~~lectatores supplicio~~ additi. At in Hispania structa classis late terrorem sparserat : pars in hostilem Africae oram directa & tempestatibus repulsa est : pars Hibernis rebellantibus egregium auxilium milites sex mille, duce Iohanne Aquila tulit, is superbo edicto præferens, venisse se ad Hiberniam e dæmonis faucibus liberandam, in austrinam insulae regionem, ubi Quinsala oppidum, appulit : magnasque Hibernorum copias frustra expectans, a Montijocio Anglorum nomine provinciam regente obsidio clauditur. Tentavit quidem perrumpere Tironus rebellium Princeps, per gelatas paludes iustum agmen trahens. Sed cladē accepta in latebras rediit. Aquila cum hoste pactus dedito oppido, & quicquid Hiberniae Hispani tenebant, Anglorum navibus militem in Hispaniam reportavit. Neque multo post infelix Hispanorum in Cæsaream Mauritaniae urbem, (Algeriam nunc vulgo vocant, Arabica, sed ea quoque corrupta voce) expeditio ad exhauriendae pecuniae causas accessit. Longinquas ad navigationes crescebat Batavis audacia : quippe & fretum, quod Magellanicum a repertore dicitur, Draconi & Canvendisso Anglis emensum postea, quartus eorum, quos fama exceperat, Oliverius Nortius Roterodamensis penetraverat : nec sine magnis difficultatibus, inter Americæ fines & ignotum adhuc orbem, longis anfractibus arctatum mare vix eluctatus, Australem qui dicitur Oceanum, eique obtentum Chiliorum littus magnitudinis incognitæ ferens corpora, inventis ibi quoque Hispanorum hostibus, inde reflexo cursu Borneonem insulam devenerat. Bonæque spei promontorium prævectus, circumnavigato omni terrarum ambitu, non quidem opes ulla, sed clarum patriæ decus, & non audita ante locorum nomina domum retulit. Alias vero naves idem iter aggressas, cum nec hominum nec victus haberent satis, disiectas partim Hispani, partim barbari rapuere. Capti foede cruciati, atque enecti ; quæ ut in barbaris inscitia, ita in Hispanis barbaries erat. Sub hoc tempus Batavos, dum cuncta rumorū adversus

*Hispanus
Aquila in-
cassum Hi-
bernias re-
belli milibus
auxilium
fert.*

*Oliverii
Nortii na-
vigatio.*

Phi-

1601.

Philippum colligunt, in spem aliquam erexerat dictus vivere Sebastianus Lusitanæ quondam rex, reperto homine qui similes corpore notas præferens, & multa haud publicæ notitiæ edoctus a Lusitanorum callidissimis, cæterorum ejusdem gentis credulitati illudit, donec ab Etrusco duce Hispano traditus, audaciam & pessimi exempli astum, traductus per populos, dein navali servitio addictus, morte postremam expiavit.



HVG O.

HUGONIS GROTII HISTORIARVM

DE REBVS BELGICIS LIBER VNDECIMVS.

SVMMARIVM.

Ostendani obsidii continuatio. Mauritius in hostem ducit; Mendoza & Spinola ei obviam eunt. Graviam obsidet & expugnat. Hispani militis seditio. Mendoza in Hispaniam abit. Batavi octo turmas hostiles circumveniunt. Longa Spinola naues comburantur. Batavi in India Hispanorum classem fugant. Lusitani Achemi regem in Batavorum necem impellunt. Indorum ad Batavos legati. Rex Ternata aliquo Indorum reges in partes Federatarum transcutit. Societatis India Orientalis apud Batavos initium. Bironii supplicium. Novi in Frisia Orientali motus.



AD Ostendam, longe adhuc spes obsidenti. Sed accensus Verii factio Archidux, siquid contra spem posset virtus suorum statuit experiri, gravi-
que machinarum impetu, ex tumultu in id excitato, percussis diu munimentis, qua vetus oppidum, portusque vetus, ubi non parvam operum labem factam intelligit, nono Ianuarii sub vesperam refluio mari affiliri urbem undique, illic præcipue oppugnare jubet. Ducenti duobus sub centurionibus milites propugnaculum, cui Sabuletum nomen, recta impetere iussi: totidem alii parati qui lævum molis latus, atque iterum alii, qui præductam loricam incurrerent. Hos sequebatur cum quadringentis Durangus Hispanorum tribunus, cui mandatum locis occupatis præsidium statim imponere, victu in hoc instructus, nitratoque pulvere, & quæ struendis munitionibus solita. Contra Histricem ducenti destinabantur, qui invaderent, qui munirent totidem, sub Gambalora Italorum duce pene trecenti; & sub Augustino Mexia quadringenti, laborantibus suis commune subsidium. Deinde in cuneos divisus omnis exercitus, non defuturus qua vocaret

1602.

*Obsidii
Ostendani
continuatio.*

D d

occa-

1602.

occasio. Buquoio suum latus obtigerat, qua frons oppidi in orientem flectitur. Ad Sabuletum crudele prælium, quia monitus a transfuga Verius tormenta, & cuncta in perniciem hostium reperta, illac maxime intenderat, accensis passim ignibus, quo oppugnantium facta clare noscerentur. Relscissa palorum sepe jam scilæ admovebantur; infraque hastis Hispanorum & prævalentibus Anglorum gladiis pugna incaluerat, cum Verius, septa aquarum duo aperit, portumque veterem, cujus per vada transeundum erat hostibus, late inundat: qua vi non modo nitratus pulvis corrumpit, quem miles ferebat, sed multos in mare propullos fluctus sorbere: nec sequentibus auxiliis, ipsi, qui jam manus miscuerant, coacti retro cedere, duplici clade, quem tela hostium & aquarum impetus inferebant. Buquoio sibi iussa serius exsecutus est, minusque perstitit, quia inter moras crescens iterum mare æstuarium, qua ipsi via, impleverat. Tergo oppidi projecta, atque alibi levia operum, assultante hoste neglexit Verius, gnarus diducendis defensoribus spargi minas, cæterum nulli usui ista, & quæ brevi reciperentur, quod eventus probavit. Iacebant passim in vallo fossisque, prout sua quemque audacia longius extulerat, milites ac duces peremti: multi Oceano ferebantur. Ostingentos ferme Archidux desideravit, acceptis inquirenda ad corpora quatuor horarum induciis. Intus quadraginta ferme cæli, vulnerati plures, quos inter Verii frater Horatius, egregie functus omni militis ducisque officio. Reperta inter Hispanorum corpora & mulier, quæ militari habitu animoque sexum dissimulaverat, velut exprobrans naturæ, quod se virum non genuisset. Infelix oppugnationis exitus, neque speranda ostendæ fames, & gravis hyems castris madentibus, multos ducum permoverant suadere Alberto, infaustos conatus in tempore & ante majora damna defereret. Sed ille, pro sua Regisque gloria anxius, in longo & difficili labore pendere, quam se uni oppido imparem fateri. Igitur læva castrorum parte aggestus ingens tumulus, unde machinæ detonarent: ad dextram contra æstuarium sensim agger promovebatur, defixis humo tigillis, transversisque insuper aliis, queis farcimina modo in struem colligata, modo decussata imponebantur, tabulatorum in morem, arena in summo congesta, quo pressior moles aquis obsisteret: tanta quidem firmitate, ut & instructa velut solo lorica defenderet militem, & machinæ in obsessos inde dirigerentur. Nec eo ta-

men

men minus continuo navigatum, raris aut levibus damnis. Aderant Alberto accita omni ex orbe ingenia, quæ certatim alia atque alia claudendo æstuario suggerebant: cumque obscura nocte quidam funem nauticum cum doliis demersisque anchoris utrumque ad marginem fixissent, obfessi captatis rursus tenebris facile vincula rescidere. Repertum Pompejo Targoni castellum, quod navibus impositum tormenta ferret, statim apparuit infirmius quam ut fluctuum quassationem toleraret, & quod subter in alveo erat soli, arenas ponderi cessuras. Factas eidem rates e laterum fasciumque compage, quæ cum æstu pariter levarentur, Batavorum oppositis tormentis tela non semel evertere. Provisum quoque, si istud iter hostium artibus deficeret, portum novum inter veterem & æstuarium perfollo littore veteri oppido inducere. Quippe & Fœderatos tuendi maris & gloriæ cupido acriter animabant, decretumque, velut in longum duraturo obsidio, sexto mense mutare præsidia. Verio in summum regimen Fridericus Dorpius successit. Reparata oppidi ruinæ, auctæque munitiones, parata singulos in dies pecunia quæ labori persolveretur; cum Alberti militibus ne stipendia quidem satis suppetere: unde inter ipsos semina seditionum, & obsequii detrectatio: ipsa imperia metus & odii plena, disposito equite qui peditem, pecorum ritu, in pericula propelleret, aut retraheret fugientem. Flandrorum largitio longe infra sumtus: Walones, quo minus multa conferrent, infidam Gallorum pacem prætendebant: Brabantis iusta excusatio ex seditione militum qui Wartam tenebant, parumque absuerat, quin conspirantibus aliis arcem nuper Antverpiæ & Hulstam occupassent. Injecta & spes Archiduci, posse subito Bredam irrumpi. Sed missum nocte Fridericum Herenbergensem, itineris errore devium, mox dies detexit. Fratrem ejus Adolphum haud multo post eques Mauritanus interceptit. Servabatur hactenus Hollandiæ per arces modo arctiore, modo laxiore custodia Franciscus Mendosa, prælio ad Neoportum captus, & quanquam vidua Brukkii comitis, Clivensiumque legati potestas gravium facinorum exposcerent, quæ ille partim ut necessaria, partim ut imperata defendebat, non visum Ordinibus in captivum, belli jure munitum, judicia exercere. Sed quia in duces, non item ut in milites, constitutum erat libertatis pretium, diu disceptatum, tandemque convenit, ut quicunque e fœderatis populis per Belgicam, Hispaniam, Indiam,

Verbo Dorpius successit.

1602.

*Mendosa
libertate
redimun-
tur omnes
Fœderatis
captivi.*

Americam, toto denique Philippi imperio capti tenebantur, eos Mendosa solvi curaret. Valuit in tantum apud Regem aut Mendosæ aut futurorum ducum respectus, ut pactis accesserit. Reversi toto ex orbe nautæ & mercatores, quos spe commerciorum advectos hostilis ira, aut ob diversam religionem sacerdotum odia oppresserant, pars exesos vinculis artus, squalloremque & tenebras, pars remorum durissimam servitutem sub crudelibus dominis memorabant. Magnumque in eo momentum fuit ad concitandam in Hispanos plebem veterum injuriarum vix memorem, & vulgi studia proceribus paranda, quorum clemens & populare factum, libertatem civium suorum ante pecunias habentium, lætissimis animis excipiebatur. Ita partim impletis pactionibus, partim sponso-ribus datis, exiit Mendosa, de Batavorum republica, quam propius didicerat, honeste sentiens: eoque pacis quam belli utrisque partibus suasor. Scriptæ tum & leges certiores super redimendis in posterum captivis. Toto hoc vere majorem, quam unquam antehac, exercitum Ordines conscribebant, auctis animis, prælii Flandrici memoria, & novis hostium seditionibus, unde sperabant, antequam expectatus ex Italia miles in Belgicam adventaret, aut hostium cæde renovare gloriam, aut terrestri itinere per Brabantiam in Flandriam, & soluto obsidio, Ostendam penetrare. Perstabat sane Mauritijs cauta consilia audacibus præferre: sed procerum sententiam regina Angliæ & rex Gallus comprobavere, majore suadendi auctoritate, quia militem ac pecuniam submittebant. Conducta & Germanorum equitum vis, magnoque paratu, indictis publice supplicationibus, mense Junio, serius quam oportuit, cum sub idem tempus Italicæ copiæ fines Belgicos attigissent, iter suscipitur. Simul missæ diversas in partes litteræ ad Atrebates, Brabantos, Flandros, aliosque earum partium Ordines. Scribebant Fœderati de suis rebus, de Regum auxiliis magnifica: de seditionibus militum adversa in parte, de urbium agrorumque vastitie non minus vera: quo tot miseriarum pretio, nisi quod in miseriis ultimum, servitute? Nec enim obscurum, quid Hispani jam dudum pararent: & ne quem falsa transcriptio falleret, aut inane nomen Archiducis, viderent ipsi penes quos belli statusque publici summum esset regimen. Si cordi majorum gloria, si posterorum libertas, darent se socios, aut saltem modicis tributis egregios conatus adjuvarent: irent Archiduces, & quietiora regna quære-

*Magnus
Fœderatis
scribitur
exercitus.*

quærent. Hispanos paucarum arcium præsidia, pelli faciles: tum ipsos Reipublicæ, tum sacris quem vellent morem imposituros. Non magnum intercedere laborem ad bona maxima, pacem & libertatem. Mauritius triplici agmine viatque duxit exercitum: erant equitum quinque, peditum octodecim millia, currus ferme bis mille: medium agmen Wilhelmus Nassavius, dextrum Verius, sinistrum Ernestus ducebat, intervallis ita temperatis ut coire facile possent, interim divisis itineribus celerius procederent. Lixarum turba, molæque & furni, & cuncta, alias navibus advehi solita, terrestri itinere minus commode sequebantur. Ad Noviomagum transito Mosa, inde in agrum Leodicum ducit, paterni quondam exercitus, non Albani armis, sed fame domiti, castra relegens: quod malum ut ipse vitaret, acribus minis propinqua oppida, sponte in Hispanum proniora, cogit commeatum in castra afferre, & æquo pretio vendere, ne sic quidem satis reperto, quod tantis copiis sufficeret. Decimoquinto die Centronum pago, non procul Tilemontio, subsedit omnis exercitus, cum jam Tilemontium Mendosa venisset. Hunc enim, audito Ordinum paratu, miserat Archidux, relicto ad Ostendam Iohanne Rivalio, qui servaret castra & circummuniret. Persuasi, qui Wartæ agebant, intermissa seditione, augere Mendosæ copias, ita ut haberet quinque peditum millia, equitum quatuor. His se jungere iussus Ambrosius Spinola, cum octo millibus Hispanis atque Italis, quos recens adduxerat, in spem gloriæ conatus fratris maritimos, & rem Hispanam lecto milite adiuturus. Pactus cum Philippo de restituendis sumptibus, ipse suis cohortibus stipendium præbebat, &, quanquam summam imperii obtinente Mendosa, jus reddens iisdem, tenebat cæterorum ut inopiæ, ita licentiæ impermixtos: quibus hoc consecutus est, ut nullus unquam miles quietius & severiore disciplina egerit, exemploque cognitum, vim militaris imperii pecunia maxime contineri. Propinquus castris eduxit Mauritius copias, in prælium hostem lacerans. Sed continuit suos vallo Mendosa, impar virium, an ex captivitate fractus, adhuc & sua funesta auspicia pavescens, semelque accepta clade in posterum cunctantior. Detrectato certamine ab his, qui sæpe ipsi præliorum formidinem objecerant, cæterum videbat Princeps ingentia cœpta in irritum cecidisse: quippe interiora penetrari tanto agmine, arctis viarum, inimica inter oppida, propinquo ad occasiones hoste, non poterant:

1602.

*Mauritius
in hostem
ducit.*

*Mendosa
& Spinola
ei obviam
eunt.*

*Oblatum
prælium
Hispani da-
rreant.*

1602.

rant : quo properius retro cederet & flumina quæreret , vi-
ctus quoque deficiens , immatura adhuc messe , admonebat.
Ne tamen , post tantos conatus , annus transiret inglorius , ad
spes minores versi animi , statimque Gravia succurrit , Cukiz
regionis oppidum , Mosæ adlitum , munitum satis operibus ,
& egregio intus milite , cunctisque ad tolerandum obsidium.

*Mauritius
Graviam
obsidet.*

Huc ubi die octavo perventum , gravi per æstus itinere , nec
sine morte novi & laborum insueti militis , terna castra Mau-
ritius locat : parte superna fluminis Verius , infra ipse , qua
campi palustri solo in Brabantiam abeunt Wilhelmus cura-
bat. Pontes duo structi in flumine , longi passus centum &
quindecim , quicquid castris interlitum , nec minus ripa al-
tera , quæ in Geldriam patet , perpetuo aggere , profundis
& late patentibus fossis , castellisque & machinis claudeba-
tur. Munimentum , quod ultra flumen oppidani tenebant ,
telorum vi derelictum , juvit obsessorem. Mendosa interim ,
quanquam flagrantissimi tribunorum suaserant abeuntem ho-
stem continuo insequi & conatibus intercedere , fortunam ,
& , si male succederet , offensas metuens , tum vero pecu-
niæ , & propterea rerum ferme omnium egenus , consulere
Archiducem maluit , insigni temporis dispendio. Nec Ar-
chidux certa respondit , tantum caveri monens , ne abducto
longe regio exercitu subito Batavi Flandriam classe occupa-

*Mendosa
infra Gra-
viam &
Mauri-
tium castra
metatur.*

rent. Quo metu Mendosa ex hostium consiliis sua suspendit ,
& ad Ruremondam utcunque paratis , quæ putabat necessa-
ria , tandem & ipse ad Mosam infra Graviam & Mauritium ca-
stra metatus est. Erratum multi putabant , & debuisse supe-
riora ripæ eligi , cui regioni Ravesteinæ nomen est , quo vi-
ctum Batavis auferrent , queis cuncta subter hostilia. Sed po-
sitis jam sedibus , castra Batavorum prætergredi periculosum ,
& tardum circuitus quærere , cum instans operi Mauritius in-
gentes vineas pluribus locis sub fossam oppidi duxisset , com-
moditate aggerum , qui utrinque fluminis ripæ muniendæ po-
siti , facilem viam fodientibus præbebant. Nec jam spes ulla
Hispanis , nisi ut Mauriti & Wilhelmi inter castra , late paten-
tibus spatiis neglectiora , irrumperent , inque oppidum pene-
trarent , paratis jam scalis , ligonibus , ad scandendas aux di-
ruendas munitiones , ducente Thoma Spina lectissimos pedi-
tum mille , quos alia subsidia sequebantur. Sed in omnes par-
tes intentæ custodiæ , & quanquam noctu profectis , inter lon-
gas paludum moras illucescens dies , audaciam frustra ha-
buere.

buere. Inde Mendosa irriti auxilii pudens, spectaculo capiunda urbis se & exercitum subduxit, tacitis signis Venloam concedens. Ordines pro Berca solliciti Ernestum cum praesidio eo miserant. At Antonius Gonzales, oppidi Graviae praefectus, cum quo mille quingenti diversi genus milites, dum focii in conspectu, crebris eruptionibus hostem fatigaverat: neque tunc, sublata quanquam spe liberandi obsidii, protrahere tempora documentis virtutum desinebat. Post bimestre obsidium, cum Angli septo, quod aquas fossis oppidi continebat, imminerent, Frisii alia ex parte intra fossam vineas agentibus, & e Mauritiis castris, paratis qui moenia ipsa subruerent, septingentis ferme suorum amissis, praesidarii decoris pactionibus armati cum sarcinis exiere. Graviam Geldricae quondam ditionis, post annexam Brabantiae, & Maximiliano comiti Burenfi acceptam pignori, gener Wilhelmus Arausionensium princeps emerat, belloque amissam, pace Gandavenfi, ejecto Germanorum praesidio, receperat. Sed ante annos octodecim nacto oppidum per praefecti ignaviam Parmensi, avitam nunc ditionem Mauritijs ingreditur, post Bredam, Lingam, Mursam, iterum sibi victor & patriae, cui non sine magno usu prolatum in Mosam imperium. Quae dum aguntur, milites aliquammulti irritati jam dudum nullis aut exiguis stipendiis, derelicto Mendosae exercitu, Hamontium se contulerant: ille, antequam impunitate cresceret numerus, vim properandam judicans, raptis eo machinis, paucos peditum in deditionem recipit, equites diffugere, nec minis aut precibus permori, cum alia loca frustra attentassent, arcem Hochstratanam, Breda non procul, volente praesidio invadunt, brevique aucti magna colluvie veterum militum, qui sibi debita, partim & novorum, qui nihil praeter facinorum licentiam petebant, lecto duce, senatum & comitia & leges constituunt, majore cura quam si vera civitas coisset. Ipsae rapinae non nisi jussu & in commune fiebant: seorsim si quis auderet, eadem, quae alibi, furibus poena. Quis commotus Archidux, & in magna inopia exemplum metuens, corrogato, quod haberi pecuniae poterat, eos, qui in fide manserant, puniendam ad perfidiam hortatur, paratque obsidium. Illi, ubi se non seditionis in morem, quae illis partibus minime nova, sed hostiliter haberi sentiunt; ausi vicissim insolita, victum, arma, machinas a Batavis orant impetrantque. Iuvabat quippe frui hostium turbis, & alios

Gravia designatur.

Hispani militum seditione.

1602.

*Alberti in
seditiones
edictum
spemittitur.*

aliis committere, egregio ærarii provisu, parium malorum securos. Captæ Graviæ nuntius, & a Mauritiæ exercitu metus, Albertum proposito avertit: nec tamen paruit Belgarum Ordinibus, qui sub id tempus parandis tributis convocati suadebant pecunia mitigari infensum militem. Sed Hispanorum primores novis potius cohortibus stipendia, illis supplicia destinare. Rerum minis in verba mutatis edictum prodiit, quo omnes qui in arce Hochstratana erant, ni certum intra diem veniam precarentur, proscripti, interfectores promissa merces, bona publicata, qui commeatu juvarent addicti supplicii, uxores & liberi in exsilium missi: addito super cætera crimina, quod spem Graviæ liberandæ ipsorum seditio corrupisset. Inania erant, adeoque spernebantur, ut publicatum sit responsum militaribus facetiis, quibus Alberto prælii metum, Graviam frustra adspectatam antequam ipsi secederent, præterea sumtus aulæ regios, esuriente exercitu, objectabant: positis ex adverso ducum laudibus, qui benigni comesque in militem fuissent. Et quid adeo mirum, si, post tot alios, quod deberet dominus id agròs deposcerent, aut ad ea auxilia decurrissent, quæ iusta fecisset ultima necessitas? Subdebant, contra pœnas horrendi carminis, partim se armis, partim inopia tutos fore. Laboravit Octavius Frangipanis, pontificis Romani legatus, pacare seditionem. Sed illi, nisi rescissa edicti ignominia, conditiones omnes aspernabantur. Grave-scence autumno, Germano equite dimisso, Mauritius reliquum copiarum in præsidia distribuit. Idem fecit Albertus, multum nudatus transfugis, & Italo milite, ut recente, per labores imminuto. Partem tamen exercitus in castra ad Ostendam & naves Spinolanas, partem in ea loca misit, quibus hostium, aut seditionum impetus timebantur. Venloæ quoque civibus, qui præsidia pertinaciter hætenus reculaverant, sæpe & expulerant, propinquo ob Graviam periculo, persuasit militem admittere. Mendosa in Hispaniam abiit, ubi minus benigne exceptus est, mortuo Philippo patre, & occupato ab aliis filio, qui bellum ipsi infelix, nec pacem satis curatam, tum ausa inausaque prælia exprobrabant. Discedentibus copiis evenit, ut turmæ Batavorum quatuordecim octo turmas Albertinorum sine ducibus, Trajecto ad Mosam non procul incuriosius agentes circumvenirent: multi equitum in ipsis cubilibus deprehensi, capta signa quinque, & suspensa in Hagienſi palatio, equorum ignens præda. Sub hyemem

*Mendosa in
Hispaniam
abiit.*

*Batavi octo
turmas ho-
stiles cir-
cumve-
niunt.*

hyemem cum alias in partes seditiosi incubuissent, missus cum turmis triginta tribus, juncto peditatu ad mille ducentos, Ludovicus Nassavius, ut extrema hostium tributum negantia popularetur, Viti sanum irrupit, totoque mensis spatio incendio vicorum & rapinis grassatus, agro Lucemburgico non modicam vastitatem intulit. Mari multa Batavis prospera. Audiebatur Fridericus Spinola longis octo navibus ex Hispania adventare. Simul Martinum Padiliam, accepto maris imperio, classem paratam habere, incertum Batavis Britanniae, aut Hiberniae minaretur. Missae a Regina naves, quae specularentur conatus, & qua daretur opprimerent. Longas Spinolae duas apud Sesimbriam Lusitaniae oppidum telis perfoctas mox combussere: data servis libertas, vita caeteris. Quominus plures corrumpere obstatat ingens Lusitanica navis, ejus generis, quas Caraccas vocant, pretiosis mercibus onusta, quam dum oppugnant & mox praedantur Angli, fuga caeteris patuit. Fridericus in Hispania diu retentus, dum pacta cum Rege firmaret, sex reliquis navibus (habebant milites nongentos, mille quingentos remiges) mense Octobri Flandriam petit: quo audito, Regina tres naves sub littus Britannicum & freto Morinorum locat. Batavi suarum quatuor addidere, praeter eas, quae oram Flandriae servabant. Angli, conspectis longis navibus, signum sociis dedere: illae usae nebuloso simul & silente coelo littus Anglicum legebant, tam prope, ut remiges quidam, delimitis compedibus, in vada profulierint. Sed Batavi tum a litore, tum e freto insecuti, non procul Gravelinga, duas tormentis lacerant, & bis terve inveci suarum navium mole dirumpunt: mali remique & totae puppes avulsae Oceano fluitabant, truncatae naves vi fluctuum sorbebantur. Servati hominum ferme ducenti: quo minus plures exciperentur misericordiam metu submovente, ne victi victoribus praepollerent. Vna praeterea ad Caletum naufragium fecit, inscitia regentium: duae aliae longarum navium telis pervulneratae, & in Flandrica breviter impaetae, Neoportum attigerant. Sexta, qua Spinola vehebatur, mari Zelandico vagata, non sine periculo jactuque rerum multarum, spe libertatis animatis servitiis, Dunkercam tenuit. Haec tres cum Fridericus caeteris navibus, quas Clusae habebat antea, junxisset, ex agri Walachrici populatione studens reparare rem & gloriam, hiberno ventorum flatu retentus est, & quia interno externoque bello vexatus Archi-

Spinola naves ab Anglis Batavisque comburuntur.

1602. dux armandis navibus nudare præsidia abnuebat. Cresce-
 bant per Indiam fama & commercia Batavorum, magno Lu-
 sitanorum damno, quibus olim repertoribus centum inde per
 annos possessa navigatio, & contra Castellanos aliasque Chri-
 stianas nationes reverentia Pontificiæ donationis, partim vi
 quoque & armis defensa jam primum extorquebatur. Philip-
 pum igitur adeunt, ut florentis regni unicum columnen, suos-
 que & populi reditus justa classe defendat: ex eo bellum, ha-
 denus Belgicæ pene conclusum, in alium quoque orbem tran-
 siit, cui gerendo Andreas Hurtado Mendosa deligitur, qui
 tum forte Cunalam, piratam Indorum Malabarum, quinquaginta
 annorum rapinis & jam regiis insignibus nobilem, magna
 cum laude expugnaverat. Hic quoque magnis navibus,
 Galeones vocant, minoribus supra viginti, Lusitanis militibus
 octingentis, Indis supra mille quingentos præter navalem tur-
 bam, jussus in reges populosque, qui Batavos ad mercatum ad-
 misissent, dura exempla statuere, Bantamum lavæ urbem pri-
 mariam exitio destinat. Forte evenit, ut eodem tempore, id erat
 hujus anni initium, quinque Hollandicæ naves, imperante
 Wolfardo Hermanni, ea in loca mercandi causa advehere-
 rentur: ferebant homines circiter trecentos, impar sane Lusita-
 nis certamen, quorum sola prætoria, & magnitudine sua &
 virorum copia, totam Batavorum classem superabat. Metus
 tamen amittendi in posterum commercii, & spes parandæ
 apud Orientis populos laudis & gratiæ, subegit non quidem
 manibus confertis, sed tormentis certamen aggredi, quibus
 egregie instructi Batavi non parum noxæ hostibus attulere:
 quippe ventis inveci, & cum liberet refugi, mobilitate sua im-
 petus Lusitanorum frustrabantur. Ita per dies aliquot pugna-
 tum. Captis suarum navium duabus, meris aliis, Hispani, ipsa
 inexpectati mali novitate percussi, abscessere, Ambonam pe-
 tentes, ubi Itonem pagum, & siquid præterea Batavas partes se-
 quebatur, cædibus & incendiis, arborumque odoriferarum ex-
 cidio, ultore nullo, impune vastarunt. At victores in urbe Ban-
 tamo, quam ultimo discrimini eximerant, festis plausibus ex-
 cepti, Bandam mox ivere, ubi nucis odoratæ optimus proven-
 tus est, & hujus insulæ suscepta tutela, cum populis (neque
 enim regnantur) foedus fecere: ne aromata aliis gentibus ven-
 derent, religionis ob causam molesti alii aliis ne essent, sed Deo
 judici rem permitterent: jus quisque in suos dicerent: perfu-
 gas ab aliis alii ne receptarent. Ad eam formulam, procedente

tem-

*Commercium
Batavorum per In-
diam cre-
scit.*

*Ad illa
impedenda
cum classe
mittitur
Hurtado.*

*Quam Ba-
tavi captis
duabus na-
vibus fu-
gunt.*

tempore, cum aliis quoque populis & regibus, Hispanicam vim formidantibus, amicitia, societasque contracta est. Sumatræ facile princeps urbium est Achemum: hujus regem, falsis in Batavos criminibus, & emtis, qui in aula plurimum poterant, quarto ante hunc anno, perpulerant Lusitani, partim ut in ipsis navibus, submissis qui per speciem amicitiae inviserent, partim in urbem evocatos trucidaret, multumque cædis factum fuerat, incautis ejus perfidiæ navibus; potu insuper earum regionum mentem exterrante lymphatis: vix naves servatæ.

*Lusitani
Achemum
in Ba-
tavorum
necem im-
pollunt.*

Præferente mox Rege facti inclementis poenitentiam, Hollandi, qui postea advenerant, pactis super emtione aromatum initis, rursum comperiunt fidem ipsius a Lusitanis tentatam: unde cum conventa non servarentur, Arabum navibus e portu egressis, in ultionem acceptæ ab Indis injuriæ, injiciunt manum, quæ res, gentium juri minus congruens, hostibus criminandi Batavos materiam dabat. Sed reversi postea Zelandi, alieniore jam a Lusitanis Rege, culpam hanc purgavere, ipsum orantes, ut legatos secum mitteret, visuros non piratarum colluviem, ut falso apud ignaros spargebatur, sed opibus & fide inclitam gentem, cui nulla nisi in Hispanos arma. Placuit Regi consilium, quo certior esset in posterum utras in partes tutius inclinaret. In itinere prope Helenæ insulam a Caracca Lusitanica, margaritas & pretiosa mercium ferente, la-cessiti ultro Zelandi litus inter & ipsam, medios se dedere, perossamque vi machinarum coegere ad deditionem. Hominum quod erat in Brasiliæ oram expositum. Princeps legatorum e Sumatra (nomen ei Abdulzamat) mortem in Zelandia obiit, honestisque exsequiis, & monumento culta memoria. Superstites alii Mauritium, tum castra ad Graviam habentem, salutatum ivere, dona a rege suo ferentes. Vbi vim pedum equitumque, & opera non barbaris modo incognita, sed apud nos quoque suetis majora, attoniti spectabant. Arabum nomine cum illis transactum. Harum rerum fama alium in orbem perlata, non modo vanas suspiciones discussit, sed plerisque persuasit plus in Batavorum amicitia, quam in servitute Hispanica esse præsidii. Rex Ternatæ (una Moluccarum est) palam in partes transit, ejusque oratu Neckius Lusitanos apud Tidorim proximam insulam adortus est. Sed cum paratos & arce tutos offenderet, jactis utrimque telis, ipse deæta manu mutilus, paucisque suorum amissis, prælium diremit. In Patania quoque & Cocinlinensi ora alibique gratus adventus: at in Ceilone

*Rex Ache-
mi legatos
ad Batavos
mittit.*

*Legatorum
princeps in
Zelandia
moriatur.*

*Rex Ternatæ
aliique
Indi in For-
deratorum
partes
transfugunt.*

1602. Ceilone majorum insularum una, ubi aroma Casiae optimum nascitur, regem Candiae Fimalam nomine Lusitanis, a quibus raptus olim eductusque fuerat, infensum, Spilbergius res Batavas edocuit, amicitiae & foederis percupidum invenit. Ioræ quoque rex (est id regnum in Malacensi regione) veteres in Lusitanos offensas promere ausus, Iacobum Hemskerkiū, duas tum naves ducentem Hollandicas, incitavit ad Caraccam immensae magnitudinis in freto, quod Malaccam inter, Lusitanorum coloniam, & Sumatram intercedit, opprimendam; auctor idem testisque victoriae. Batavi praeda, quanta non alias parta, contenti vitae hostium (septingenti ferme erant omnis sexus atque ætatis) pepercere, quanquam recentia multa exstabant Lusitanicæ crudelitatis exempla. Ipsa navis Macaunte venerat, quod oppidum Lusitani in imperio Sinenſi precario tenent, quo nuper Batavi aliquot cum appuissent, a Lusitanis in patibulum acti fuerant, persuasis Sinenſium magistratibus non nisi prædonum esse colluviem. Est autem Macaus apud Cantonem amnem, per quem unum exteris in Sinenſe Imperium aditus datur, sicut egredi ad externas oras ex eodem imperio nisi per Cinceonem, alia regione portum, haud licet. Partæ ex hostibus publicis opes, magnum Lusitanis & Regi damnum, Batavis & privatim, & in commune cum laude commoda afferebant. Reperti tamen in gente non minus simplice, quam quæstus studiosa, qui partem abnuerent, velut minus deceret, mercatores militare lucrum, & ut ferme accidit, multis immerentibus raptum. Movebat & vetus cum Lusitanis amicitia, coepisse credita quarto ante sæculo, cum Vlyſſiponem Saracenorum tum regiam, Syriam belli sacri causa petentes Belgæ expugnare: unde magna ipsis apud Lusitanos, nec his minora per Belgicam jura. Quin & post mota per Belgicam arma, subactamque Philippo Lusitaniam, invitati ab Ordinibus Lusitani & ut ipsorum sub imperium transirent, commerciis & omnium civium commodis usuri, venerantque non pauci, odio in Castellanos, ut olim finitimos, nunc dominos, aut ne flagrante illic inquisitorum potentia, Iudaicæ aut Arabicæ superstitionis rei peragerentur. Cæterum quin hi, qui sub regis Hispani ditione manentes, opes ipsius suis foverent, omni jure hostium loco haberentur, præsertim post tot apud Indos injurias, dubium non erat: ac ne quis ambigeret, palam Ordines edixere. Illud obscurius, an quæ captis in navibus Italorum bona inveniebantur, in prædam cederent.

Res

Batavi
Lusitano-
rum Carac-
cam ca-
piunt.

Res inter æquitatem & jus belli media transigendo decisa est. 1602.
 Hactenus multa mercatorum collegia Indiam frequentabant,
 quorum æmulationes cum illic rerum pretia accenderent, hic *Societas*
 contra imminuerent, neque possent diversi & infirmi conatus *India O-*
 Hispanicis viribus obniti, foederati Patres e multis corporibus *rientalis a-*
 unam societatem fecere, impositis diversas per urbes curato- *pud Fœde-*
 ribus, qui per legatos interdum convenirent, & lata lege, ne *ratos ini-*
 quis seorsim, viginti intra annos, ultra montem Bonæ Spei,
 aut Magellani fretum navigaret. Præfinita dies, intra quam
 nomina sua, qui onerum obventionumque participes esse vel-
 lent, profiterentur: ita ut decennio demum exacto nova fieret
 professio. Collata pecunia ad sexagies centena millia. Ex hoc
 tempore, velut novo bello per orientem exorto, societas Indi-
 cana magna pars Reipublicæ cœpit haberi, cum non modo
 pars prædæ ad ærarium perveniret, sed privato civium sum-
 tu hostis publicus per rapinas & impendia exhauriretur. At
 Philippi longæ inopiæ fine hujus anni, adventu Americanæ
 classis, in parte subventum. Eiusdem cum Gallo inimicitia, ne
 ante quidem satis pressæ, clarius erumpebant, sparsis per Bra-
 bantiam libris, qui superstitæ Margarita Valesia injustum cum
 Medicea conjugium, privatam sobolem, libidinesque Regis
 acerbe arguerent. Convictus & Gonthaldus dux Bironum,
 quo tempore Henricus in Alpibus bellabat, Sabaudi filiam sibi
 conjugem, & dotalem Burgundiam cum Hispano pepigisse,
 sub Regis liberumque pernitie. Accitus in aulam, cum Regi
 ad veniam prono crimen negaret, primus omnium fuit, qui il-
 lo regnante, nobili sanguine securitatem publicam firmavit.
 Vir animi immensi, honorum insatiabilis, cæterum belli arti-
 bus, & in patriam meritis nemini Gallorum cedens, antequam
 imperatorum sæpe decus tali exitu foedaret. Atque ita unum
 intra biennium viros duos, Angliæ Galliaque sub regibus suis
 principes, ambitio miserabili sine absumpsit: sed Essexii ut co-
 natus excusator, ita mors placida & quieta: Bironium con-
 ceptum animo scelus & cælestis vindicta eo usque persecuta
 est, ut suprema quoque mixtus impietati & furori exceperit.
 Emdani quoque motus recrudescabant. Edsardo in principa-
 tum Transamasiarum Enno filius successerat, & cum om-
 nium Ordinum querelis premeretur, seorsim agendum ratus,
 nobilitatem facile suam fecerat, ut quæ pari in subditos licen-
 tia principem imitaretur. Cum Emdana civitate pax facta fer-
 me in leges Delphizilianas, nisi quod obscura quædam &
 frau-

*Societas
India O-
rientalis a-
pud Fœde-
ratos ini-
tium.*

*Bironii
perduellio-
nis rei sup-
plicium.*

*Novi in
Frifia O-
rientali
motus.*

1602.

fraudem neſtentia implicabantur. His diductis, minora oppida & agreſtes contemnens, gravi tributo onerabat. Mox Nordam oppidum, minus parens imperiis, armatus irruit, nec contentus indicere multam, erectis palam furcis, cives ſub jugum mittit. Vnde cum Emdanis veteres offenſas exſcitans, alios Nordano exemplo territat: promiſſimos vulgi a magiſtratibus divellit, pollicens, excluſis Batavis, ad ipſos transferre Hiſpaniæ commercium: & verum erat, amice illic excipi, qui Ennonis literas attulerant. Formidoloſum id fœderatis Ordinibus, eoque magis, quia frater Ennonis Chriſtophorus Alberto militabat, alter fratrum Iohannes, a Pontifice impetrato cum Ennonis filia, cui patruus ipſe, conjugio, Paterborneſi pago Romana ſacra promotum ibat. Et undique indicia afferebantur, laborare Comitum, quo ampliſſimum Amaſii oſtium Hiſpanicis claſſibus pateſceret. Primo tamen occupatis alibi armis, quatuor tantum centuriæ, Emdanis auxilio miſſæ, iniere urbem ſub idem tempus, quo jam Enno copiis prope admotis a ſua ſactione admitti ſperaverat: unde reſectus ille vicos circum occupat, caſtellaque claudendæ urbi & flumini imponit. His compertis Ordines, quibus poſt captam Graviæ vacuum vicinorum rebus conſulere, rogante civitate, Warnerum Duboiſium equitum tribunum cum turmis aliquot, & centuriis ferme novemdecim, eo mittunt. Is paucos intra dies, rudibus belli deſenſoribus, invadit caſtella urbemque liberat. Enno, ut a conſpectu ſuo dedecus hoc removeret, interiora Germaniæ petens, uſurpata Batavis alieni imperii jura, quanta poterat verborum invidia differebat, quorum conſcii Ordines, cauſam facti, & ni præveniretur, ſuum & Germaniæ periculum ſcriptis vulgare.

H V G O.

HUGONIS GROTHII HISTORIARVM

DE REBVS BELGICIS

LIBER DVODECIMVS.

SVMMARIVM.

Elisabetha moritur: diversi de ipsa hominum sermones. Scotia rex Anglia possessionem init. Fœderatorum legati illi gratulantur. In pacem cum Hispania est proclivis. Turono veniam dat. Puritanorum ac Romanensium preces rejicit. Romanenses regii sanguinis Virginem in regnum evahere conantur. Fœderati Transasianorum lites componunt; expostulanti Imperatoris legato modeste respondent. VVachtendonck Hispanie capta iterum deseritur. Fridericus Spinola a Fœderatis navali prælio caditur. Herenbergensis in seditiosos mittitur. Mauritius illis succurrit. Herenbergensis recedere cogitur. Mauritius frustra iterum Sylvam ducis tentat: bis mille hostes cadit: Archiducis in captivos savissimam vindictam: munimentum ab ipso exstructum frustra aggreditur Archidux. Seditiosis Gravia hospitium tribuitur. Ambrosio Spinola summum jus in castra ad Ostendam traditur. Apertum in Hispania Fœderatis iterum commercium velligalia corrumpunt. Simulata clementia Archiduci haud feliciter cadit. Fœderatorum in Orientem & Occidentem classes.

PRESSOS pace Gallica Batavos secuta in hoc tempore mors Elisabethæ altius bello immergit, sublato, quod ut primum fuerat, ita postremum persistiterat, armorum auxilio. Postremus illi dies tertius Aprilis, diu vivendo ad vitæ tædium perductæ, ex quo senectam suam, quam prope ad septuagesimum annum perduxerat, sperni sentiebat, & spes ac consilia etiam eorum, quæ maxime confisa, ad successorem vertere. Longum foeminae, nec domi tantum, sed externis quoque rebus, celebre imperium multos sermones præbuit, aliis futura per spem metumque conjectantibus, aliis ex ante actorum memoria contententibus, quæ tanto vitæ spatio prospera atque adversa. Hinc afferebatur, capitis damnata mater, & quidem sub adulterii crimine, unde in ipsam, velut in-

1603.

*Elisabetha moritur.**Diversi de Elisabetha hominum sermones.*

certi

1603. certi genitoris, multa hostium convitia: mox dominante furore, ipsa carceri mancipata, nec leve excelso animo onus, quod Philippo Hispaniarum regi, cum quo longa mox ipsi bella, libertatem, si non & vitam, debebat. Cruentum quoque regnum tot procerum pro Romana religione tendentium cæde: tum illud non minus novum quam invisum regibus cunctis exemplum, & ne ipsa quidem necessitate satis excusatum, occisa foeminæ imperio foemina, & cognata, & supplex, & regina. Iam & divulsam Hiberniam, & in Batavis Angli militis seditiones, velut iussas, erant qui exprobrarent. Pars sane miseriarum fuit, tantum ævi sine conjugio, hinc incertus hæres: & rumorum materia multis multa, plerisque Licestii amores objectantibus, & post illum Essexii, cujus ferociorem juventam & formæ in ipsa senescentis fastidium cæde vindicata: mox animum ut ex amore in odium, ita ex odio in poenitentiam versum, nec aliam magis morbi mortisque causam. Dicebatur contra, gratam Deo & vitæ & imperii diuturnitate ostendi. Ipsa quoque primæ ætatis mala adjecisse prudentiam & usum utriusque fortunæ. Nec tam mirum, si aliquot rebellantium morte, si bellis quoque stabilita securitas, quam quod per annos quadraginta quatuor muliebregregnum, non tutam tantum, sed & florentem Angliam præstitisset: nec nulla arma, nisi iustissimis de causis, sumta. Purgatam religionem ad Eduardi regis exemplum, nec impetu tamen aut libidine, sed in concilio gentis legitimum in modum re disceptata, nec sævitum in sequius sentientes, nisi sero, postquam Iesuitis doctoribus amorem patriæ & una imperii reverentiam exuissent. Scotiam a Gallis, Condæi partes ab adversa factione, multum Belgicæ ab Hispanis ipsius ope vindicata: &, quamvis inter magna proferendi Imperii invitamenta, mansisse contentam suo, nec aliud ex victoria, quam religionis probatæ sibi libertatem, & suspectæ merito potentie modum concupivisse: ita possessa oppida Gallicæ reddita, Scotiam puero servatam, Bata-vorum, ut imperium acciperet orantium, rejectas preces: quin & recens per Hiberniam captis præsidis veteribus, novis imminutus, nunc hoc, nunc illo primorum abducto, debilitatam factionem, ipsamque partium vim ac speciem Tironum eoque infractum, ut in genua provolutus præfectum veniam commissorum exposceret: (is namque ei honorum cumulus paulo ante exitum evenerat.) Sollicitatam ad nuptias non ab Anglis tantum, sed a Carolo Austriaco Imperatoris, Henrico & Fran-

Francisco Galliarum regum fratribus : a regibus quoque , Hispaniarum Philippo , Erico Sueciarum : quod petita esset , felicitatis : prudentiarum , quod recusasset , quia & civi nubere magnitudini suarum impar , & externos maritos Anglia formidabat. Probra , quae in ipsam sparsa ortum ex sexu & formae elegantia , & sueta regnantibus licentia , sumfissent , virilibus curis refelli : nec tantum imperii artes , sed & linguarum veterum ac novarum adfuisse peritiam , rara etiam privatis mulieribus decora : unde ingens illi nomen , nec vicinis tantum merui aut miraculo , sed a Mauris usque & Sauromatis per legatos salutata. Dubitaverat haec nemo , quin mortem Reginae , quae certum successorem nunquam sibi destinaverat , ingentes per Angliam motus exciperent : quippe Scotiae regi Iacobo ut sanguine proximo , ita vetera accolarum odia , privatus quoque eorum metus , qui matris in caedem consenserant , obstitura credebantur , paratis in Anglia qui regium & ipsi genus ostentarent : tum vero & Romanensium vis timebatur , ne , quod ob adultam Reginae potentiam ausi non fuerant , per turbas facilius sperarent : instigante etiam Pontifice , qui vetuerat alienae religionis regem , quantumvis sanguine proximum , admitti. Nec tantum Hispano in omnes populorum motus intento ea spes , sed & Batavi , quanquam Iacobum , super religionis nexum , officiis jam ante occupaverant , suam ipsi societatem imputare , & belli partem in Britanniam transferre tacitis votis ominabantur. Insperato evenit , ut statim post Elisabethae excessum , vetus Reginae consilium , & quod antistitum & Londini magistratuum nobiliumque in promptu erat , regem Iacobum edicerent , non expectata publici conventus auctoritate , ob morae periculum , & quia plerumque interregna per novas leges & pactiones vim imperii in posterum imminuunt. Ita , repugnante nemine , Scotiae rex Angliae possessionem iniit , primusque intra omnem annalium memoriam Britanniae totam insulam uno imperio complexus est. Non omisere gratulari ei hanc magnitudinem foederati Ordines , per litteras primum , inde per legatos. Hi fuere Henricus Nassavius , Mauritii frater , pars tum Foederatorum senatus & equitum magister , Walravius Brederodius , Iohannes Oldenbarneveldius & Iacobus Valkius , qui in ea legatione diem suum obiit. Locuti sunt in hunc modum : Adsumus , Rex maxime , medii inter luctum & gaudium ; amisimus eam scilicet , cuius beneficia nec fando assequi possumus : sed , recepimus te , ut ejus

E e

regni,

*Scotia rex
Anglia pos-
sessionem
iniit.*

*Foederato-
rum legati
illi gratu-
lantur.*

1603. regni, ita virtutum omnium hæredem. Quod jam olim votis, quod nuper ad felicissimum inchoati imperii nuntium decretis publice supplicationibus, id nunc te coram voce ac mente Deum comprecamur, faustum ut hoc tibi, faustum posteris; faustum Britanniae, faustum nobis eveniat. Te vero rem obsecramus unam, ne patiaris in Belgarum cervicibus stantem Hispanum, inde in aliena imperia moliri gradum. Convenit religioni tuae, tot piorum coetus sanguinariae superstitionis regno eripere: convenit iustitiae, tueri causam probatam regibus: convenit prudentiae, longe dispellere regnorum subsecutores, Pontificis Romani satellites, quo iudice, hoc quidquid obtines præda est. Fecit hoc Elisabetha, perficies tu, tantoque facilius, quanto tibi valida ætas, virile robur, latior potentia, fundata liberis domus. Veniet in partem ministerii fides nostra, quorum prosperis atque adversis patuit, vinci posse Hispanum. Bonum sane Christianum pax est. Sed quod cum validis atque infidis haud aliter quam bello pares. Si omnium, quos causa jungit, opes conspirent, multatus ille Belgica, aut, si ne tum quidem sapiat, exutus Oceano & transmarinis imperiis, quod Batavis Anglisque promptum effectu, veniet ad veram concordiam, cujus optima custos virium æqualitas. Nunc Ostendæ tertium in annum protrahenti triste obsidium, succurras oramus: utarisque his navibus, quæ iussu Reginae armis victuque instructæ a nobis undecim numero, nihil præter imperium tamen tuum expectant. Ad hæc ille de amicitia benigne pollicitus, cæterum regni novitatem excusare, visurumque in tempore quid factu optimum, haud celens interim pacis se consilia qua posset prælaturum. Quippe ipsi cum Hispano nihil hæcenus hostile: quin ultro Philippus, si de regno certandum foret, auxilium illi suum obtulerat: ingenium quoque mite, & omne genus litterarum studia, in quæis ætatem egerat, quieti quam armis propiora. Archidux quoque cum Regina, non cum regno sibi bellum fuisse interpretatus, vetuerat edicto Anglis noceri, dimisso insuper quod inter captivos ejus gentis: mox legatum misit Carolum Arenbergiæ principem, simul Hispanus Iohannem Baptistam Taxisim, paci promovendæ, de qua anno sequente convenit. Hanc Batavorum legati, cum præcidere non possent, morari nitebantur, ac spem Regi facere, posse & sibi cum libertate pacem obtingere, si Rex cunctando maturefcere pateretur pendens adhuc e paucorum annorum eventu Hispani consilium.

*Jacobus in
pacem pro-
clivit.*

lium. Docebatque idipsum Oldenbarneveldius, arcana Fœderatorum tractare solitus, prolata ducis Brunovicis manu, quem Cæsar Rudolfus ejus rei conscium fecerat. Nec sic quidem refrigerata Iacobi in pacem festinatione, contendunt unice Batavi ut auxiliorum si speciem obtinere non possent, jus tamen ipsis ne negaretur. Adjutabat has preces Galliæ Rex, sustentandis sociis anxius: ideoque in Angliam miserat Maximilianum Rhœniacum, ærarii sui custodem, & consilii intimum. Ratio tandem hæc reperta, ut pecuniarum, quas Gallus in Batavos erogaret, pars tertia Britanno imputaretur, exsolvendis nominibus quæ Gallia suis contracta bellis Britannicæ deberet. His contenti Ordines, quanquam, per Rudolfum Winwodum, Regis Britannicæ oratorem, tentati, num & ipsi pactionibus comprehendere vellent, cum gratiarum actione secularunt. Reliquum anni capeffendis regni solennibus visendæque Angliæ Iacobus impendit, interim aliorum regum, sui quoque populi legationes audiens. Tironus ipse Hibernorum rebellium Dux, *Tironis rogantiam dat.* veniam petiit accepitque. De religione querelæ afferebantur diversæ e duplici hominum genere. Puritanos in Anglia vocant, qui Ecclesiæ statum haud dum satis illic integrum atque sincerum existimant, & puritatis amplius requirunt, unde origo odiosi nominis. Hi multa ex veteri usu retenta improbant, antistitum ordines, additas baptismo cæremonias, & alia rituum magis quam dogmatum: quæ cuncta mutari posse spes inde, quia jam pridem Scoti rejecerant. Contra Romanenses, multum laudata religionis suæ tum alibi tum per Britanniam antiquitate, & sua in Regem Regisque matrem fide, si non publice, quod tamen in Gallia rex dissentientibus permitteret, at privatim Deum colere patrio ritu impune ut possent orabant. Vtræque preces rejectæ: suspectis Romanensibus ob eam, quam Pontifex Romanus in reges sibi vindicat potestatem. Et Puritanis infenso Rege, quod ab ejus sectæ hominibus, per speciem Ecclesiasticæ auctoritatis, in Scotia minus reverenter habitus esset; unde eorum pertinaciam scriptis quoque editis accusabat: quippe liberos cuique genti ritus, quos divina lex non vetaret, & summa etiam in sacris regum imperia. Quædam tamen ex illorum voto constituta: ne sacrum baptisma fœminæ aut privati tractarent; ne plura in unum sacerdotia cumularentur; & in mores doctrinamque ministrorum ecclesiæ acriora judicia. Sed Puritanorum offensa intra voces stetit: aut siqui ministrorum

Puritanorum ac Romanensium preces rejectæ.

1603.

*Romanen-
ses irrita co-
nata regis
sanguinis
virginem
in regnum
evahere
student.*

*Fœderati
Transama-
sianorum
lites compo-
nunt.*

inobsequentes, missione, exilio, vinculis coerciti. At Romanenſium quidam, aſſumptis aliis, quibus rerum novarum cupidus erat, conſpiravere, Arbelam, regii ſanguinis virginem, ope Hiſpani in regnum evehere, diviſis jam inter ſe ſummis Britannię honoribus. Puniti capite auctores, conſciis & ſilentii tantum reis carcer, & admotæ mortis metus pro pœna fue-
re, prono rege ad parandam novo imperio clementiæ ſamam. Hæc dum apud Britannos aguntur, Enno Transamaſianorum comes reipſa edoctus, ab Imperatore verba ſe & in urbem mi-
nas facile impetrare, cæterum vim exſequendi abeſſe, eorum qui apud Batavos plurimum poterant gratiam tentare ſtatuit, atque ipſe Hagam proficiſcitur, multa pro ſe publice ac priva-
tim, multa in Emdanos jaſtans, ut regere regique neſcios, & fluxa fide. Simul aderant ab Emda legati, multa & ipſi contu-
macia, & conſpectiore irreverentia præſentem in principem. Ordines fœderati poſt longa jurgia, de fide civitatis in ſe ni-
hil dubitantes, ejus ad ſecuritatem arbitrium flexere: conve-
nitque ut Delphizyliana fœdera ſervarentur; nova hæc accē-
ſere: Vt eorum quæ poſt acta obduceretur memoria, nec pœ-
nas ex imperatoris decreto Comes expoſceret. Redderentur utrinque domus, agri, machinæ, percepti fructus, captivi. Daretque operam Enno, ut qui peregre eo nomine capti, ſol-
verentur: nec diplomata negaret ab urbe navigantibus. Tri-
buta tertio quintoque ante anno impoſita urbi, irrita habe-
rentur: de novis conſtituendis ageretur in Transamaſiano-
rum concilio. Comiti id jus indicere, ni faceret, ipſis per ſe convenire, deque re communi conſulere in medium. Si-
ne ejus concilii decreto bellum indicere, militem conſcri-
bere neſas: tantum quod arcibus ſuis ſervandis præſidii ſatis, retineret Comes: viciffim civitas militum ſeptingentorum
cuſtodia, & operibus queis vellet firmaret urbem: militem Transamaſiani alerent: operum ſumtus in oppidanos, quæ-
que intra oppidum bona, deſcriberentur: quicquid muni-
mentorum ambitus clauderet, ejusdem eſſet cum urbe juris. Magiſtratus Emdanos crearet urbis ſenatus: creatis auctori-
tatem ſuam Comes adjiceret. Cum in has condiciones Co-
mes & legati urbis aſſenſiſſent, reſtabat ut totus urbis ma-
giſtratus, & Transamaſianorum Ordines eaſdem compro-
barent: quod ſane futurum erat, pavida imprimis belli no-
bilitate, ut quæ agris timeret, & miſſi a Fœderatis qui cun-
ctantes impellerent, etiam majore præſidii parte abducta,
quo

quo pacatior esset rerum facies. Sed ab Imperatore novæ spes Ennonem immutavere : nec jam tacebatur nullam esse vim pat-
 1603.
 torum, quæ Imperatoris decreta tollerent, crimina condonarent, muniendi facerent potestatem, invito Imperatore, cujus in urbem jus summum. Mox a Rudolfo, irato haud parum quod res Emdanæ externo arbitrio agerentur, Maximilianus Cochiacus ad Foederatos mittitur, qui accusatis graviter Emdanis causas referebat, queis Imperator motus jam pridem & aliis & ipsis quoque foederatis Ordinibus edixisset, ne auxilio essent rebellantibus, & tamen ipsos urbem invasisse suo milite, bellum per agros coepit, egisse prædas, quas injurias demi, serio Imperatorem jubere : tum singulatim, quæ in postrema pactione iniqua videbantur, recenserebat. Ordines
Legati Imperatoris apud Ordines quædam.
 ad hæc, quanquam compellati superbius, modeste respondent, sponte ad se venisse Ennonem, pepigisse sponte : nec cuiquam
Horum modesta responsio.
 vitio verti solere, quod componendis vicinorum controversiis applicuisset animum : tum a pactionibus Delphizylianis, quæ & Imperatori placitæ, quam minimum potuisset recessum : militem quoque missum in urbem, non in Imperatoris injuriam, sed ne Hispanus, qui pace Verbiniana jus in regionem quæ trans Amasium sibi exceperat, opportunissimam infestandis Batavis urbem præriperet, simulque imperio Germanico subduceret. Ita Trajectum, ita Geldriam & alia trans Rhenum, ita Mediolanum, & ipsa ad Imperium pertinentia, occupata quondam, ac postremo Cameracum, contra eunte nemine. Nec immerito suspectos sibi nuntios & literas, qui ab Ennone ad Regem ducesque Hispanos commearent. Verbis mollibus addita in legatum dona ; at Emdæ plena adhuc odiiis, plena suspicionibus omnia. Oneravitque & hoc Ennonem apud Batavos, quod frater ejus Iohannes, ut ante diximus, impetrato a Pontifice cum Ennonis filia, cui patruus ipse, conjugio in Patelbornensi agro Romana sacra, & res antistitis promotum ibat, irrupta urbe, in eos, qui libertatis obtentu restiterant, exquisitis suppliciis sæviens, quos inter consul oppidi tortus, inde in partes sectus fuit. Ultima hyeme Wachtendoncam oppidum subito Hispanus cepit, amisitque. Emtus quippe piscator quindecim milites, duce Matthæo Dulkio, (Stralam is in proximo regebat) reectos stramine arce intulit, accurrentemque vigilem, ut manum scandenti porrigeret, transfodit : ibi exsilire milites, pontibusque clausis vectos trans amnem Niersam so-

1603:

cios admittere, qui haud procul delitescabant. At oppidi praesidium, quanquam arce praefectoque Rihovio captis, aggerem contra struere, expedire machinas. Et forte evenerat, ut turmae duae Batavorum praedae causa adequarentur, quae, audito tumultu, ingressae oppidum, statimque submissa a Berca & Mursa milite, cingunt arcem, oppugnatamque & victus egenam recuperat sexto die. Haud multum post Grobbendoncus, dispositis in Campania Brabantiae insidiis, quinque Mauritianorum turmas adortus, ipse equitatu minor, circa septuaginta occidit: capti multi viri equique, caeteri effugere. Equestre damnum insigniore multo navali victoria pensatum est. Nam Fridericus Spinola, otii inglorii pertaesus, magnoque animo in famam properans, & populandae Zelandiae intentus, octo naves longas, minores quatuor, praeter remigum turbam, e castris ad Ostendam lecto milite onerat, portuque Clusano egressus, vento leniter obsecundante, transvectus vada hostiumque conspectis navibus, patente aequore locum praelio legit; obsederant de more portum naves bellicae tres Zelandorum, in quas imperium habebat Iustus Maurus, praeterea naves longae duae, Hollandica altera, altera e Zelandia. Harum quatuor ultro obvias (quinta vento destituyente longius aberat, nec ullum nisi tormentis usum praebuit) prior ingenti cum clamore cominus Spinola invadit, nunc hanc magis, nunc illam, ut spes in quamque dabatur, circumveniens, urgensque tuborum iactibus, tam coelo, quam navium militumque numero valentior. Nam in Batavorum classe non plures triginta sex e Flissingano praesidio milites erant, quibus pro armis tubi: at nauticum vulgus, ingenio pugnax, nunc prope, modo longius machinis armisque niti, hastis ensibusque intendere vulnera, adempto per fumum conspectu, ac velut nocturna praelii facie: donec ipse Fridericus, dum puppi hostili audacius insultat, haud uno vulnere confectus, & cum illo alii super trecentos, multis faucibus, fracti quoque remi, spem primum victoriae Italibus ademerunt: inde & metus accessit, ne pluribus hostium navibus e Zelandia adventantibus clauderentur undique; itaque in tempore portum repetunt. Hac Zelandorum victoria, paucis suorum amissis, quippe densior ipsorum navigiis compages, minusque in glandium iactus patens, magnus ille initio haud satis cognitarum navium terror concidit totus, comperto jam vinci posse etiam silentibus ventis. Ad mediam usque aestatem

Quinque
cohortes
Mauritia-
norum
Grobben-
doncus fu-
git.

Fridericus
Spinola na-
vali praelio
a Frederico
sic caditur.

æstatem nullum nisi ad Ostendam bellum, quia Batavi, non acceptis, quæ ex Anglia Scotiaque speraverant, auxiliis, sua tueri satis habuere; & Archidux Bertram capere Rhenumque transire cogitans, novos ad conatus novas ex Hispania Italiaque copias, duce Ambrosio Spinola, præterea e Germania peditum, & Lotharingum equitem opperiebatur: qui, postquam advenere, Spinola ad Ostendam relicto, Frederico Herenbergensi peditum septem, tria equitum millia tradit. Sed prima illi mandata eos, qui Hochstratam con-
 cefferant, excutere. Iusserat id Philippus, tam in præsens securitatis, quam exempli in posterum causa; & ne, armis in alia versis, illi nudatas partes incurrerent: & nuper, Namurcensi provincia spoliata, captoque Iudonia oppido, & arcis Carpen-
 sis præfecto, redierant tuti atque opulenti. Severissima tum disciplina, iustoque militi imitanda, Hochstratani agebant: intentæ vigiliæ: extra vestem aut clauso cubili somnum cape-
 re impermissum: foeminæ extra arcem sepositæ: pugnare inter se, secreta habere colloquia aut literas, capitale. Leges si-
 ne venia poenis sanciebantur. Intellecto imminere obsidium, Ordines Mauritiumque adeunt, auxilium orant impetrant-
 que, data fide in hostem una pugnaturus; testati tamen, in captivos suos suo arbitrio uti velle, quia solita inter hostes ar-
 morum jura, ut transfugis, negabantur. Octingentos suorum arci includunt. Cæteri, mille quingenti pedites, equites super
 mille, Mauritium expectant. Is, comperto jam advenisse He-
 renbergensem, & coeptare in arcem hostilia, pedites paulo mi-
 nus decies mille, ter mille equites hybernis rapit, ac Gertru-
 disbergam properat. Qua in urbe triste evenit spectaculum,
 mutua ex rixa collisis inter se Gallis Anglisque, æmulis sem-
 per nationibus. Iamque totarum cohortium surgebat præ-
 lium, mortuis aliquot, faucibus pluribus; atque ipse Bethunius
 Gallorum tribunus prohibendæ pugnae medius incurrit, telo
 trajectus, quo occubuit, incenderat suorum animos. Vix
 Nassaviorum ducum & Principis conspectus & voces dire-
 mere impium multamque in cladem iturum certamen. Hinc
 junctis Mauritiis seditiosorumque copiis, processere una, novo
 exemplo, contrarii sacramenti milites. Inter camporum plana
 castraque hostium rivus intercedebat, humenti circum solo,
 quem Herenbergensis errore, an de adventu Mauritiis nihil
 suspicans, occupare neglexerat. Princeps, subitis pontibus
 traducto cum machinis milite, ostentat aciem. Sed Heren-

*Fridericus
 Herenbergensis
 Hochstratam in
 seditionem
 mittitur.*

*Mauritius
 ipsis succur-
 rit.*

1603. *bergenſis curruum poſitorum valli in ſpeciem, locorumque præſidio ſe tenuit, equite tantum jufſo procedere, unde leves pugnæ. Nec totum hoſtem aggredi Mauritio viſum, antequam cuncta ſibi aut hoſtibus oportuna explorafſet. Herenbergenſis, tum alia, tum ne commeatu intercluderetur, metuens, nocte obſcura tormenta primum, tum militem dimittit Herentaliam verſus, retentis interim contra hoſtem excubiis, quo diſcedens falleret. At ubi conſilium dies aperuit, qui arcem tenuerant, primi tergis inſtitere, ubi cæſus inter cæteros Roſnæus, clari per Galliam Belgicamque ducis filius, ipſe tum Lotharingo militi imperans. Mauritio & ipſi parato fugientes ſequi moram objecit rivus alius, & hic vado tranſiri difficilis, tum anguſta ſtagnansque multum via; cum equite tamen præcurrens hoſtem invenit jam ante emenſum anguſtias patentibus campis explicuiſſe aciem. Et quanquam flagrantibus in prælium Hochſtratanis, tam vindictæ, quam probandæ apud novos amicos virtutis ſtudio, non placuit recte compoſitum agmen ſine machinis ac pedite aggredi; quæ tardius ſequebantur, ſupra itineris uliginofi difficultates cœlo quoque per fulmina & continuos imbres gravi. Soluta obſidio, Mauritius medium ſe turbæ ſeditioſorum audacter immiſcuit, ut habita fide arctius fidem adſtringeret. Animus illi, dum penes ſe pars hoſtilium copiarum, Silvæducis obſidium, anno ante altero per hyemis ſævitiam intermiſſum, denuo experiri, ſpe ſola in celeritate, ſi nuda, ut erat, præſidii urbs ſubito ambiretur. Sed re ad concilium Ordinum perlata, inſtantibus Zelandis ut Flandriæ inferrentur arma, permiſſoque tandem Principi faceret quod e re publica videretur, abſumti interim dies octo: & quanquam paratæ jam Herenbergenſis copiæ, auctæque ad diſturbandos quoslibet conatus, manuſum tamen in ſententia, non tam potiundæ urbis fiducia, quam quia ex uſu attinere vano labore hoſtem, ac non alibi ſua ad tutanda incerto exitu cogi. Quidam ultra ſperavere, belli cædio oppidanos aut mutaturos fidem, aut id acturos, ut partium mediæ nec timerent, nec timerentur. Ergo adulta jam ætate ad Fuchtam vicum Princeps, ad Flimam, qua Heuſdam iter eſt, Hochſtratasi conſedere, longo ſatis inter caſtra utraque intervallo. Tertio ſtatim die Herenbergenſis adfuit, quaque urbs patebat, ſilveſtribus locis, vico Dalemo nomine communit ſeſe, projectis in Mauritium caſtellis. Ille contra, qua medium ſolum in colles tumefcit, opera*

Herenbergenſis prælium deſervit. Herentaliam recedit.

Mauritius Sylvanducis iterum tenet:

Herenbergenſis urbi ſuccurrit.

ac

ac machinas disponit. Multumque temporis actum segniter 1603.
inter tela, aut leves pugnas. Tandem captum Herenbergensi
consilium extra urbem præsidium ponere, viam propter,
quæ Fuchta Flimam protenditur, hac spe, ut præciso e Mau-
ritii castris ad Hochstratanos itinere, in sejunctos facilius esset
audendi occasio, aut alimentorum inopia, quæ Heusda in
castra vectabantur, obsidium abrumperet. Marchioni Bellæ
Italorum tribuno datur id curæ, militesque bis mille, flos
diversarum cohortium; queis circum urbem nocte traductis
aggesta humo fascibusque ad humanæ staturæ altitudinem
opus crescebat. Serius præcipiti jam nocte compertum id
Principi, qui suorum cum flagrantissimis advolans, excitat
singulos ad non minus difficile quam necessarium virtutis do-
cumentum. Primi Angli fortiter assilire, rejecti haud minus
fortiter: inde Gallis acriter instantibus cessere hostes, portis-
que oppidi clausis cum effugium non esset, nec ulla circum
auxilia, cæsi cum ductore, aut circumjectis paludibus mer-
si; captique centum & quinquaginta. Evenerat forte sub idem
tempus, ut ad Ostendam Archidux, studens exitus ingressus-
que militum acerbitate suppliciorum inhibere, nactus navem
quæ vado adhæserat, duodecim milites, ægros omnes, suspen-
dio addiceret, obtendens non terra, sed aqua captos, ubi
nulla forent belli fœdera. Quod ubi in castra perlatum, judi-
cans Mauritius facinus crudele, nec quicquam ad maritimum
bellum pertinens, ut fere amant jura inter hostes constitui, si-
mili sævitia æquandum, ex omni captivorum numero duode-
cim forte lectos strangulari jubet, uni horum ætatis miseratione
facta gratia; quanquam erant, qui pactorum violatorum san-
ctimoniam non parvis tantum, sed dupli numeri supplicio ex-
piendam censerent. Tristis sane imago & inter belli mala haud
tacenda, cum egregii juvenes nec quicquam tale commeriti,
trepido vultu, anxia manu, preces inter gemitusque, non
tam mortem quam fœdum mortis paventes genus, inclusa
chartis fata sua tractarent inspicereque, aut damnandi alie-
num ob crimen, aut absolvendi non innocentia, sed fortunæ
præsidio. Inventus tamen perditæ temeritatis, qui sua sorte li-
beratus, emtusque ab alio, vicarium se in discrimen iterum
mitteret. At oppidani solo se telorum jactu vindicabant, acci-
ditque, ut idem ictus Marchioni Malaspinæ, & Oliverio Tem-
pelio, a Mauritio ad Flimiana castra euntibus, crura utraque
defringeret. Malasпина Alberto ad belli consilia multus, ac

*Mauritius
bis mille ho-
stes cadis.*

*Archiducis
in captivorum
sævitiam
pari modo
vindictæ.*

1603.

*A Mauri-
vio fru-
ctum mu-
nimentum
frustra ex-
greditur
Albertum.*

nuper ab Hochstratanis captus, debili corpore supervixit. Oliverium abstulit vulnus, viginti per annos tutatum Ordinum partes, quorum tum militiæ judicem agebat, insuper Hochstratanis ad id tempus additus rector, qui eorum impetus ratione frænaret. Post hæc Albertus ipse in urbem venit, cunctaque explorans advertit, structum Mauritanis leviter munimentum, quadrato aggere, non procul eo loco quo Bella nuper ceciderat. Hoc cum sibi opus esse Archidux dixisset, (eratque non dubie futurum magno usui) sublecta vox, perlataque ad Principem transfugæ indicio. Interjectis diebus aliquot, prius paulo quam illucesceret, varias in partes simulato impetu, vera vis destinatum in locum incubuit: nec omisit Mauritius valida suorum atque Hochstratanorum manu eodem tendere, sublatis quoque ignibus, admonitus inde periculi. Detexit dies novum machinarum ordinem castello imminens, aliaque ex oppidi vallo & propugnaculo eodem dirigi, queis incussa undique munimenti hiscebant latera, ita ut miles cavata humo se abderet. Accessit tamen Princeps, severeque edixit, si quis præsidium defereret, capitis poenam fore. Simul fossæ ambitum tuborum corona ornat: ac tria tormenta e castris ferri imperat, quibus hostilium vis retusa, versique in fugam oppugnatores, desertis lintribus, quas tramittendis paludibus interjacentibus convexerant: machinæ vix abductæ: dolabras, fascēs, crates aliaque in excidium parata rapuere Mauritanii, reparandoque & augendo operi vertere. Archidux, quæ prima ipsi veniendi causa, varios in hostem conatus præferens, ter mille milites, velut oppido transmissurus, manere illic præsidio jubet, unde querelæ civium, pacta viginti per annos servata invocantium. Sed necessitas & poenæ metus silentium fecit, quin & excitatum proxime urbem munimentum, quod arcis, vitato nomine, usum præberet. Ingruentem sub hyemem, stagnantibus circum locis palustri humo, discessere exercitus. Seditiosus, quorum egregia hoc anno opera fuerat, aliud sibi pro Hochstrata hospitium præberi orantibus, turbæ capax, & ad prædas oportunius, re diu apud Ordines disceptata, Mauritius Graviam, sui juris oppidum, sponte attribuit, ut intra moenia, circumjectisque castris sine civium injuria agerent. Pacta quoque firmata propius, de præda partiunda, & ne Foederatorum aut imperii Germanici agros infestarent. Quamdiu cum Alberto conciliati non essent, for-

*Seditiosus
Gravia ho-
spitium tri-
buitur.*

fortem spondebant operam, ita tamen ut seorsim tenderent, 1603.
 fodiendi oppugnandique immunes, conciliati redderent
 Graviam, Hochstratam reciperent; in hac fidem & obsi-
 des dedere. Et hæc quidem istis in partibus gesta, cum inte-
 rim circa Ostendam immensum cresceret & belli artium &
 sumtuum certamen. Exacta quippe hyeme per graves pro-
 cellas, nunc his, nunc illis, ut ventus tulerat, infestiores,
 vere medio in omnes oppidi regiones e castris factus impe-
 tus, cumque in vim tam late fusam propugnatores non suffi-
 cerent, capta hostibus munimenta tria, custodita negli-
 gentius, quæ tergo oppidi in agros prominentia aquarum
 intercurfu, distingui memoravimus, paucosque post dies ea-
 dem in loca instituta ab obsessis eruptio successu caruit, au-
 cto illic hoste & valido. At alia non magna mole opera, quæ
 trans Æstuarium tenebantur; assultante Buquoio, defensa
 feliciter. Dorpius tum oppidum curabat, cui missus succes-
 sor Notius. Media ferme æstate ad Ostendam Ambrosius
 Spinola advenit, duro ac multis desperato labori finem pol-
 licitus, si summum jus in castra sibi traderetur. Nec vana
 temeritate, sed ita docentibus, quibus & locus & bellum
 gnara erant, postquam reperta per aquas via fascium strue,
 tempore tantum ac diligentia opus, ut hostium munimenta
 velut carptim vellerentur. Concessit Philippus eo facilis,
 quia præter claras celsi animi virtutes, quarum jam certa si-
 gna dederat, ex opibus etiam suis, affectis id tempus æra-
 rii rebus remedium offerebat. Invidiam, quam primo maxi-
 mam subierat, tot inter Belgas & Hispanos militi simul &
 pecuniæ imperans homo Italus & belli novus, paulatim evi-
 cit, intentus ipse cunctis, & prudentissimis obsequens. Sta-
 timque demotis queis lucro quæsturæ fuerant, parato ipsius
 provisu, quod opus esset pecuniæ, transfugiis & seditioni-
 bus occursum. Simul spes præmiorum clara ingenia attulerat,
 quibus egregia æmulatio, novas oppugnandi artes & machi-
 nas promere; & inventa exsequendum, certa mercede, pa-
 rabiliior opera. Ac nec obsessis minus aut virtutis aut indu-
 striæ: ne intenderetur annona, iussa alimenta palam prosta-
 re, vigiliæ indefessæ, interdum & erumpendi audacia: tum
 quæ vis hostium aut maris disjecerat, peritos per artifices
 reparabantur. Tanto copiarum in arcum compresso, tot
 vulneribus laborisque obnoxio, exortam haud mirum con-
 tagem sollicita medentium cura levabat, partim & evecta
 ægro.

*Obsidium
circa Osten-
dam ince-
ritum servat.*

*Dorpio præ-
festo Notius
succedit.
Ambrosio
Spinola
summum
jus in ca-
stra ad
Ostendam
trahitur.*

*Ejus in pro-
movendo
obsidio dili-
gentia.*

*Obsessorum
virtus.*

1603. ægrotantium turba. Sed & , præter ardentes globos & manu jaciendorum ignium nova commenta , hostium materiæ per æstum arenti haud parum mali dedere. Præcipuus oppugnantium labor circa rates quæ ferendis machinis struebantur , auctore eo , quem alibi diximus , Targone Romano , sollertis ingenii , sed bello inexperti. Hæc ad lævam quidem , qua minus violentum mare , propinquioribus machinis ; at dextro latere , qua Æstuarium est , telis quidem haud æque urgentibus , at plerumque ipso aquarum impetu disturbabantur : quippe involuti fascibus lapides disjici primum vinculis recedentibus : mox cætera , sublato quod retinuerat onere , fluitare. Nec ter-ritus tamen Spinola alias aliis sufficere rates atque adjungere , ipsa damnorum experientia monstrante novas muniendi vias. Sensimque promotu Buquonii aggere accidit , ut difficilior jam naves , invehendo militi , machinis , pulveri , victui , inirent aut excederent ; nonnullis subinde illisis in vada , aut , ubi vis telorum compagem solverat , pelago obrutis. Contra oppidanorum jactus oppugnatores partim noctem legebant , partim terrena opera aquis respuentibus , transversos palorum fasciumque ordines , ubi tutioribus locis extruxerant , mox doliis subter natantibus , admoliebantur. At in Hispania apud Regem , qui modico rerum usu pleraque alieno , quam suo , arbitrio faciebat , nova consilia veteribus , vetera rursus novis præferebantur , ut cuique suadendi auctoritas aut spes eventus retulerat. Erant qui dicerent erratum graviter , cum prohibiti Hispania Batavi , ut populus mari potens longinquas merces , novo prorsus , nec audito antehac Hispaniæ damno ab Indis peteret , aut armis quæreretur. Quanto patrem sapientius illa gentium inter se consuetudine attinuisse spem pacis , parata , quoties usus ferret , ab ipsis hostibus navium copia ? Si præsentibus futurisque malis remedium quæreretur , demendam Batavo necessitatem , quæ sola ipsi suas vires ostenderet. Consilium per se haud absurdum avaritia corrumpit : quippe aperto per edictum commercio , impositum vectigal ingens , ut præter vetera onerum , mercium pretii paulo minus quam tertia , in centenos scilicet triginta nummi , fisco cederent. Nec id in Batavos tantum , sed in gentes omnes , ne Batavi alieno nomine occultarentur , & privatis in illos odii causis , quorum auxilio duci bellum credebatur : tantum his , quæ in terras Archiducum , aut mari interno inferrentur , data immunitas. Proprium Batavis hoc additum , ne merces apud se factas importa-

re

*Apertum
in Hispania
Fœderatis
iterum
commer-
cium velli-
galis cor-
rumpunt.*

reliceret, neu quicquam eorum, quæ ferrent aut auferrent, nomine rectoribus suis persolverent: diplomata quoque Archiducum accipere jubebantur. Quæ gravia atque iniqua non modo adversum Fœderatos nihil valere, sed regem quoque Galliæ permoverant, primum ut par onus Hispanis imponeretur, deinde cum non satis id ultionis videretur, Gallis omnibus negotiationem Hispanicam, manente Philippi edicto, interdicere, proposito bonorum damno, mox & capitis. Sed nec Archiducis simulatæ clementiæ genus aliud felicius cessit, cum omnibus apud hostes agentibus nec alio crimine contactis, redditum permisit innoxium, simul redditum iri, quæ ipsis possessa quondam tum fisco tenebantur, adempto tamen alienandi jure. Edicti verba multis supposita fraudibus, punitaque illic omnis extra Romanam religio haud paucos, alios fundati jam lares, & certior apud Batavos quæstus, detinuit. A Dunkerkamis exigua damna: inter cætera abductis abusque Tamesi Batavorum navibus, quas sociæ præferentes insignia prædones deceperant. At contra ab Indicano collegio missæ in Orientem naves tredecim, Stephano Hagio imperante. Ab Ordinibus sub Paulo Cardeno sex aliæ, quæ Brasiliæ oram populerentur. Hyems aspera tempestatibus, quarum vi perlatus in Scaldim, repertusque Antverpia non procul cetus, ob rei novitatem fabulam vulgo, minima quoque in omen trahenti, præbuit. Quidam ad minas eam in eodem anno ab hoc altero non minus ingentes, quam irritas, post eventum retulere.

*Simulatam
clementiam
Archiduci
haud felici-
ter cessit.*

*Fœderati
in Orientem
& Occidentem
classes mit-
tunt.*



HUGONIS GROTII HISTORIARVM

DE REBVS

BELGICIS

LIBER TERTIVS DECIMVS.

SVMMARIVM.

Ad Imperatoris de pace literas Ordines respondent. Seditiosi militum in Germaniis licentia. Maurisius occupatis aliquot castellis munitione Ardenburgo Clusam obsides: Velasum in se egrassum fundit. Frustra subueniente Spinola Clusam in potestatem redigit. Ostenda Spinola deditur. Pacis inter Hispanum & Anglum leges. Iacobo liberum cum Antwerpensibus commercium Federati negant. Iesuita in Galliam redeunt. Interaquis filia res novas in Gallia molitur. Mansfeldii & Ludovici Nassavii obitus.

1604.

*Bassiniacus
jussu Al-
berti cum
Ordinibus
de pace a-
Eunus non
admissi-
tur.*



NON omiserat inter hæc pacis consilia Albertus, seu spe vera, seu ut recusatæ ividiam hostibus faceret. Comes Bassiniacus, Bortelii filius, jussu Archiducis iter tutum ab Ordinibus poposcerat: illi, si per literas agere vellet, responsuros; adventum sibi non placere. Vñs erat & hac & rerum Emdanarum occasione Archidux, ut apud conventum Germaniæ in urbe Ratispona, quem tum frater ipsius Mathias moderabatur, iucularet Batavos, ut suæ ac finitimorum tranquillitatis inimicos. Et erant, qui studio in domum Austriacam, aut ob religionis dissidium, acerbis sententias dicerent, clamantes statuendas paci leges, & qui abnuerent cogendos armis arma deponere: moderatiores impetum temperavere, factumque decretum de mittenda ad Ordines legatione, quæ dum cunctatur, missæ interim ab Imperatore litteræ mala vicinis principibus ac civitatibus tolerata memorantes, jubentesque rapta restitui: nec tantum quæ ipsorum militi patrata, sed & Hochstratanorum rapinæ ob susceptum patrociniū ipsis imputabantur. Ordines, quæ ad se pertinebant, excusantes, seditiosorum facinora illis adscribenda ajebant, qui, cum aliorum periculo militem sibi conductum

*Imperato-
ris de pace
ad Ordines
litera.*

*Ordinum
responsio.*

ductum stipendio fraudarent. Se nihil aliud quam suam securitatem quæsisse, & tamen, quantum fieri poterat, paciscendo Germaniæ quoque consultum. Sed verborum benignitate injuriæ adeo non tollebantur, ut anni hujus, quem nunc inchoamus, principio seditiosi nihil eorum, quæ in hostem licita, in Germanos reliquum fecerint, contemptis minis intra vocem manentibus. Namque ipsa hyeme postquam Endoviam in Brabantia, in Geldria Erkelenum, congesta multos per annos præda ab Alberti milite opimum, diripuerat, egressam Geldra ceciderant turmam, arcem insuper Carpam excursibus oportunam occupaverant, socio hæcenus Batavorum equite, mox illo omisso in Westfaliam incubuere. Coacta oppida agrique tributo metum redimere. In Coloniæ displosa tormenta. Patelbornensium occisi circiter quadringenti, ob milites duos, cum insolentius agerent, a rusticis trucidatos: incendiis quin etiam, & omni libidinis, aut sævitæ genere grassabantur: plane ut miserari subeat infelices populos, quos tot jam per annos alieni belli mala pene bellantibus ipsis gravius afflictabant. Ordines, propius periculum veniente Ostenda, statuerant hostem obsidio pel-
lere aut abducere, aut aliud aggredi, quo & gloria & in Flandriam aditus servaretur. Corrogata in tempore pecunia, & miles undique; Scotorum quoque nova cohors, Baclavio tribuno, & Anglorum supplementa, permissu Regis, non, ut ante, imperio. Medio vere, dum pars equitum cum seditiosis hostium Brabantiam quatit, & in omnem partem sparsa belli fama incertum hostem tenet, Princeps, Senatu Ordinumque legatis comitantibus, copias, duodecim circiter millia, e Walachria in Catsandam transvehit. Flandriæ regio est Catsanda, pulsata Oceano, cui latus in ortum vergens Atro, quod dicitur, flumine, alterum longo portu Clusano, tergum aliis aquis ambitur, insulæ in morem. Atro flumine exponitur exercitus, peccatumque in eo quod non Clusano portu invehctus est, quæ Fœderatorum concilii sententia fuerat. Quam, ni Princeps in itinere mutasset, aliorum suasu, an majora vero pericula fingens, impetu cepisset oppidum, præsidio antehac nullo, ad Ostendam quoque superventurus timidus aut incautis, & in multa spatia dispersis, seu prælii placeret fortuna, seu victu hostem intercludere. Interim Clusani portus ripam ulteriorem missus e castris ad Ostendam & aliunde miles impleverat, curante id

1604.

Seditiosum in Germanos insolentia.

Princeps in Flandriam exercitum transvehit.

Ejus error.

Spino:

1604. Spinola, qui & ante in speculis disposuerat adventum classis nuntiatiuros. Et quanquam bellicæ Batavorum naves longas hostium in oppidum retro cedere coegerant, metu ne fauces portus clauderentur, castellumque adversa ripa situm, haud ingens sane, tormentis verberabant, transponi miles haud potuit, bis frustra tentato, duobus cum millibus obistente Pompejo Iustiniano, inter Spinolæ consilia tribunorum præcipuo, & super militiæ laudem, harum quoque rerum egregio scriptore. Quærenti Mauritio qua via interiorem Flandriam peteret, forte rusticus, inde & exigua hostium manus illac fugiens, vadum monstravere, eo in alveo, qui retro Catsandam amplectitur: aggere illic, juxtaque castello, Coxida nomine, occupato, pons & præsidium ponitur, vacuo ab hostibus tempore, dum inter se consiliis dissident Trivultius & Iustinianus. Duo alia in propinquo munimenta, Catharinæ & Philippi vocabulis, spe citius & ipsa cessere. Nam Catharinam pulsatam globis, cum jam desperato opere abduci machinas Mauritius imperasset, deseruit Trivultius, & quæ sub illo mixta militi tumultuaria agrestium manus. Audito quippe strepitu, qui abeuntium erat hostium, ipsi contra, augeri copias, claudique exitus interpretati, Philippum in castellum profugerant, nec ibi substitere, sed Isendicum properant, relictis in Philippo suorum sexaginta, qui, conspecto hoste, deditionem haud ultra distulere. Isendicum ad expugnandum (id castellum ultima Flandriæ ora ad Hontam jacet) obsidio opus: namque hostes, cæteris pulsi locis, ad sexcentos hic constiterant. Die septimo facta deditio. Occupato illic Mauritio, adductus hostis in spem recuperandæ Catsandæ, nocte sumtis lintribus molitur transitum. Iam sexcenti inobservati fixerant pedem, sequentibus aliis: videre, qui illac curabant, Scoti, queis impellentibus hostium repente fuga & clades. Pone Clusam Ardenburgum jacet, haud ignobilis quondam oppidi nunc vestigia tantum præferens, id Princeps, comperto relictum custodiæ diffugisse militem, intrat, muniturque imperat. Penetratoque & Middelburgo (id quoque non longe municipium est) & in arce, quæ sola loci tutela, posito milite, jam Clusæ obsidium animo volvens, quia Ostendæ intercedentia loca hostis præceperat, tendebat duo ad fluenta, quæ Damma Brugisque Clusam navigantur, modico divisa limite, saporis diversi, unde dulci ac falso facta nomina: sed qua ferentem eo viam lacus arcebat

Mauritius aliquos castella occupat.

Ardenburgum munit.

Federati Clusam obsident.

Mor-

Morkercanus nomine, ut fere omnis ille ager aquis inciditur, 1604.
 jussu Alberti Ludovicus Velascus munierat sese; egressusque *Velascus in Mauri-*
 præsidiū, & cum primis, quos forte inciderat, hostium pu- *cium egres-*
 gnæ allubescēte fortuna, priusquam eques ipsi additus suc- *sus fundi-*
 curreret toto statim agmine pressus funditur: merſi ferme *tur.*
 quingenti: capti ad trecentos, ita ventum ad flumina, &
 quanquam hostis interfederat, alia parte simulatus, alias re-
 pertus transitus, vado primum, tum structis pontibus. Hinc
 orto terrore desertæ castella, quæ a portu Clusano in occiden-
 tem vergunt, unum præter, Georgii nomine, quod & ipsum
 adductis machinis metu magis quam necessitate deditum.
 Egresso præsidio reperta fraus mali moris. Iuxta vasa nitrato
 referta pulvere positus funis ignem illaturus & perniciem ad-
 stantibus. Tum litus inter & oppidum trina castra Principi
 posita, queis ipse Wilhelmus & Ernestus imperarent. Quod
 ultra flumina erat, stagnans undique, attributis navibus serva-
 re Notium jubet Ostendæ regressum; atque inde loricam per-
 texti Ardenburgum usque, crebris custodiis. Sed priusquam
 ingenti ambitu perfici opera potuere, bis Clusam palustribus
 locis miles penetraverat, magnoque numero, quod propugnando
 oppido creditum contra vertit, præfecti per insidiam:
 parvo quippe victu intus, aucti qui consumerent. Tentavit &
 Iustinianus valido satis agmine commeatum perducere in urbi
 proxima, quem obvii e præsidio exciperent. Sed re comper-
 ta Mauritius cum equite & machinis accelerans, hostem di-
 spulit: currus farina onustos & homines aliquot cepit. Re-
 migum Spinolanorum, qui cum aliis extra urbem processerant,
 quinquaginta transfugere, quorum indicio certior Mauritius
 cibum in oppido exiguum in tempus sufficere, multa quidem
 in speciem parare, suis pariter hostibusque fallendis: indicio
 per castra jejuniis, qui mos ardua & periculosa tentanti, ma-
 chinæ quoque expeditæ: mox & mole eximia pontem stru-
 xerat, velut quo trans portus latum simul & profundum gur-
 gitem in vallum ascenderet; cæterum reipsa desperatis aliis,
 obsessæ turbæ famem opperiebatur, eo intentior claudendos
 ad exitus, nec transfugas ultra accipiens, cum Flandriam in-
 terim eques raptaret. Multa simul incommoda premebant
 Archiducem: ac quo minus relicto uno apud Ostendam ex-
 exercitu alterum in hostem duceret, impediēbat maxime sedi-
 tiosorum metus, qui tum cum Batavis, prædæ partem alte-
 ram pacti, Brabantiam incurſabant; inde Hænoviam peti-
 turi.

1604.

*Albertus
seditiones
sibi reconci-
liat.*

*Spinola
Clusæ fru-
stra subven-
nit.*

turi. Necessarium igitur ratus hos, quamvis cum dignitatis & pecuniæ detrimento, sibi adsciscere, hoc magis, quia & alii similia minantes aucturi numerum timebantur, ostendere incipit pacis vias: & quanquam non repente convenit, quia actas hæcenus prædas in stipendium imputari sibi non patiebantur, molliti tamen colloquiis animi, eluendisque offensæ vim omnem in Leodicis agros verterant, aut ubi Archiducum terris confederant, sua exigebant tributa, cætera innoxii, frustra urgentibus promissa Mauritanis, qui, ut numero impares, spernebantur. Nec parvus Fœderatos metus incessetat, ne tradita Gravia malefida colluvies repararet amissam veterum partium gratiam, magno cum irrisu credulæ facilitatis. Seu pudor, seu, ablato refugio ab ipso Archiduce, ultionis metus prohibuit, reddidere oppidum, receptis Hochstrata & Carpa arcibus, quas Archiduci permiserunt: ipsis, dum stipendia expedirentur, Rurmunda pignori data & clari obsides. Fuere qui ad Principem transfugerent. Bis mille Alberti accitu venere in Flandriam, quo virium auctus, tutiusque jam imminutis aliarum regionum præsidiiis, urgebat Spinolam, Clusæ ut subveniret, famem haud ultra toleraturæ. Ille, invitus quanquam & satius iudicans Ostendæ vim ultimam admoveere, obsequitur imperio. Primum tentamentum fecit positis haud procul Morkercano lacu machinis, si forte telis præsidia pelleret. Sed contra eo vecta tormentorum vis major ipsum pepulit. Wilhelmi deinde castra assilit, lectis cohortibus turmisque, & omni paratu, quo vallum diruitur: dejectus hinc quoque non sine sanguine. Retrogressus inde, & irruptis Catharinæ & Philippi castellis, (modico milite tenebantur) illac Catsandam insulam nocte vadoque, dum refluus æstus, pugnabat ingredi: id quoque cognitum, misique alii post alios, qui ripam tuerentur. Dedit is dies non obscurum exemplum Hispanorum militum constantiæ, qui servatis Ordinibus densam contra globorum nubem arduumque aggerem intrepidi nitebantur. Defensorum non minor virtus, multorum imprimis e Gallica nobilitate. Princeps ipse aderat, recentes fessis subjiens. Ita, cum jam crevisset maris æstus & dies, represso impetu, cæsi nec pauci nec ignobiles; inter hos marchio Rentiacus, Montigniæ partium regiarum clari quondam inter Belgas ducis filius. Gravia oppido profecti hostilia tum primum resumerant, agniti-que inter mortuos recente commilitii memoria. Obsessi, postquam

quam auxiliorum spes nulla, nec foeda tantum animalia, sed
 siquid usquam corii seivique fames absumerat, tertii mensis
 exitu tradunt oppidum: milites ter mille egressi vix ultimas
 habebant vitæ reliquias, pars in itinere defecere. Septuagin-
 ta machinæ venerunt in potestatem: naves longæ decem.
 Servitiæ mille circiter quadringenti erant, donata libertate.
 Turcæ & Mauri plerique cum litteris remissi ad suos, quo
 gratia apud barbaros & tuta commercia pararentur. Aurelius
 Spinola, Ambrosii gentilis, dimissus hac lege, ut & nautæ
 Baravi, quos Archidux captos habebat, solverentur. Cat-
 sanda, Isendicum, Clusa portusque operibus firmata. Phi-
 lippi & Catharinæ castella hostis solo æquaverat. Flandriæ
 imperium ab Ordinibus foederatis Henricus Nassavius, &
 sub illo Carolus Notius accepit. Perstabat adhuc Ostenda
 duos inter labores ab hoste, morbis, mari exiguo spira-
 mento, dum in Flandriæ urbes tuendas hostium cura distra-
 hitur. Notio in præfecturam oppidi Gistella, huic mortuo
 Lonius, ei Daniel Marketta successerant, multis utrinque tri-
 bunorum & centurionum mortuis. Plurima obsessores re-
 perta, e quibus pons erat, Targonis structura, rotis æneis,
 quas vis equorum protraheret. Pars ejus una funibus compa-
 cta, quo minus tela transmitteret, erecta trabe in altum tol-
 lebatur, ita ut descendere laxatis retinaculis posset, hanc pla-
 cebat munimento super immittere, quod trans æstuarium lu-
 nata specie situm memoravimus. Sed vastum sumtuosumque
 opus ludibrio fuit, una rotarum globis dejecta; deinde ad
 fossam castelli defixis lignis mali in altitudinem, quibus mo-
 les impacta sisteretur. Igitur in occasum versa vis, ductique
 aggeres trans portum veterem, & qua tergum est oppidi.
 Exterius jam cesserat vallum; quod oppido cohærebat; cum
 pars suffosso pulvere dissilisset, oppugnatum frustra. Tum,
 quibus Histrici & Orcifaucibus nomen est, munimenta pau-
 latim diruta cessere. Horrendæ prorsus rerum vices, cum
 hostis intrando oppido, contra illi arcendis hostibus, cæcos
 subter humum meatus struentes inter se obscuri, atque im-
 provisè implicarentur: incertoque ignium eventu, sua sæpe
 opera auctoribus in exitium verterent. Fractis per longa pe-
 ricula Hispanis Italisque (nam discretus cuique labos, quo
 manifestius spectaretur, & æmulatio accenderet) allecti præ-
 mio Germani Sabuletum invadunt: & quanquam primos
 vis nitrati pulveris distulerat, impulit cæteros Barlaemontius,

1604.

*Mauritius
Clusa peti-
tur.*

*Marketta
interim
Ostendam
defendit.*

1604.

donec jugum tenuere. Hinc vetus in oppidum cuniculis ibatur. Obsessi erumpere interdum, inque amissarum munitio-
num vicem novas interius extulerant; quas vano duraturi in
longum obsidii omine Trojam dixere. Nam recens humus
fluxa per se non sat telis obstabat, & quamquam summa æsta-
te, quoties ab Oceano flarent venti, cuncta ruinis nudaban-
tur. Ipsi Ordines reputare sumtus immensos, & par maxi-
mis cladibus militis damnum, & nullum Ostendæ usum tot
castellis cingentibus. Seu decus, seu utilitas spectaretur,
præter Bercam Graviamque, majus in Clusa præmium tribus
mensibus parta; quam totidem per annos decertata Ostenda
Alberto daret. Iamque augescente autumnio elapsum hosti
tempus alia cœptandi, & hyemem venturam formidolosam
obsessis. Quod si contra iretur exercitu, primum iter aquis
interfluum, & in medio Damma ac Blancoberga præsiidiis
hostium tenebantur, tum firmata tanto temporis castra, jun-
ctæ copię, dux milesque promptus prælio, periculum osten-
tabant. Mandatum igitur Markettæ ut longum certamen
quam posset honesto fine abrumpere, quod factum. Er
emissæ primum naves, cum parte machinarum: tum missi le-
gati exitum omnibus cum armis ac tormentis quatuor impe-
travere, utque captivi permutarentur, facili Spinola, æsti-
matione spectatæ virtutis, an quia incerta temporis prævenire
festinabat. Ter mille, per media hostium castra transgressi,
Clusam venere ad Principem, nec ille ut victos excepit, sed
gratias egit, quasi victoribus. Archidux cum conjuge visurus
locum, pro quo tot ipsi suscepta vota, tantum impensum tem-
poris & pecuniæ & sanguinis (quingenta suorum millia
amissa ipsi prodidere, ex obsessis qui ceciderunt major nume-
rus) inveniunt nihil præter inanem aream, hinc exstantem in-
formibus tumulis, inde recedentem in obliquos specus, adeo
confusis operum vestigiis, ut quæ tuendo, quæ impetendo
oppido structa vix esset dignoscere. Oppidanorum quod ante
habitaverat Clusam transit: & quamquam multis immunita-
tibus ab Alberto propositis, diu haud reperti qui incoherent,
horrentibus cunctis tetram cruore & humanis ossibus sedem.
Super hos, quos ante retuli, legatos in Angliam plures Phi-
lippus & Albertus miserant; hic Iohannem Ricardotum, &
Ludovicum Verreikium; ille Ferdinandum Velasum comi-
tem stabuli Castellæ, & Alexandrum Rovedium senatorem
Mediolanensem: cupidi pacis uterque, nec tam Anglorum
metu,

*Ostenda
Spinola de-
ditur.*

*Philippus
& Alber-
tus legatos
in Angliam
mittunt.*

meru, quam ut sublatis fulcimentis Batavos sub iura retraherent. Nec deerant in gente pugnaci belli suasores, qui in publico Anglorum concilio (namque id tum convenerat) referrent veteres cum Batavis necessitudines, matrimoniaque & foedera, multo ante quam Iacobam Britanno nuptam Philippus Burgundus per nefas principatu excuteret: causam amicitiae, quod sine ea neutris tutum mare, & quoties conveniret opima commercia. Hispanis contra nihil opus, & bellum lucro fuisse: maxime vero providendum, ne Batavi rebus extremis suis, aut Gallis, veteribus Britanniae inimicis, aut Hispanis ob religionem & dominandi libidinem hostibus, accederent. Nimis multa exstare documenta, Britanniae esse dominos qui essent maris. Rex ad haec immotus, satisque in Britannis & Batavis virium ratus, illis ut pace, his ut bello subsisterent, armorum societatem ab Hispano oblata repudiens, in pacem consensit. Praeter leges, quae suetae foederibus, pleraeque erant de libera navigatione, qualis ante bellum fuerat, vectigalibus iisdem. De America & India silentium, quia & Anglus excludi impatiens, & Hispanus pertinax neminem admittere, relictaeque res arbitrio plus valituri. De religione convenit, ne in Hispania Angli adire templa cogerentur; panisacrato obvii exhiberent honorem, ni mallent via decedere: nautarum delicta exercitoribus fraudi ne forent. Ad Batavos haec pertinebant. Hostes rebellesque alterius alter ne juvaret, neu juvari a suis pateretur: attamen privatorum facta in ipsis vindicarentur, pace publica incolumi. Flissingam & Brilam per pactorum fidem negabat se Britannus Hispano posse tradere: interim milites, qui ista oppida servarent, impermixtos bello fore. Pacandis Batavis una operam darent. Siquid esset morae, saltem ut commeaturis inter se Belgis Anglisque iter patresceret. Navis bellicae supra sex aut octo alterius portubus ne confiderent. Britannis Batavicas merces in Hispaniam, Hispanicas in Bataviam vectare interdictum. Sublato hunc in modum bello, rex Iacobus, ut domestica quoque certamina evelleret, Scotorum Anglorumque oblitteratis nominibus utrosque voluit communicatis legibus unum in regnum, Britanniaeque nomen coalescere, rem aggressus difficilem magnisque contentionibus agitatum, dum recens discrimen & aemulatio, caeterum haud dubie solido in posteros bono. Mox, secundum ea quae cum Alberto convenerant, postulat a Batavis ne

*Pax inter
Philippum
& Angliam
regem:
Ejus leges.*

1604. prohiberent Britannos e mari intratō Scalde Antverpiam sub-
Iacobo Bri- vehi, solutis vectigalibus quanta cives penderent. Illi vero
tanno Scal- excusare, ostēdo haud injuria institutum sibi, nequis ad
de Antver- hostes, nisi mutatis navibus, pervaderet; quo certius cuncta
piam sub- explorarentur: nec ægre ferendum, si possessio a se flumini
vahi non legem imponerent, cum Hispani etiam maris vias amicis au-
permittunt derent præcludere. Inde vero ut Anglos rapinarum infamia
Fœderati. laborantes ad innocuos quæstus verteret, vetuit ne quis exter-
 no sub imperio mari militaret: terrestre ad bellum siquis huc
 aut illuc iret, dissimulans. Alio edicto Iesuitæ, & non regni
 more lecti sacerdotes Britannia proturbabantur; adjunctaque
 causa, quod id genus hominum docerent pontifici Romano
 jus esse populōs in alterius sectæ reges obsequio solvere, qua
 nullam exortam esse pestilentiorē imperiis sententiam. At
 iisdem diebus, Iesuitæ iidem, certis sub legibus, in Galliam
Iesuita in reducti, unde olim exciderant, cum ex ipsorum disciplina
Galliam juvenis Regis vitam perisset: dirutum & monumentum,
educum- quod ejus rei memoriam cum Iesuitarum infamia præferebat.
tur. Haud silente Parisiorum senatu, una opera & auctoritatem am-
 plissimi ordinis & securitatem Galliæ subverti. Sed Rex, suo
 quoque periculo, quod plerique ominabantur, imperterritus,
 Pontificis in gratiam ornabat acerrimos potentiae ejus defen-
 sores. Ipsum inter & Hispanum super antiquas novæ odiorum
 causæ aggregabantur. Villiregio, cui plurima apud Henricum
 fides, minister erat Hostius, cujus opera, multus in negotiis
 ipse, ad literas exarandas, & notarum arcana utebatur: hic
 pretio inductus, maxima quæque ad Rassium Gallum, exsu-
 lem agentem in Hispania, ille ad Philippi senatores refere-
 bat: queis promptum introspectis Galliæ consiliis certius
 cuncta decernere. Et quædam Britanno monstrata simula-
 tes severant. Detecto per Rassium dolo, Hostius fuga pri-
 mum, tum subita morte ulteriorem inquisitionem prævenit.
Interaquii Etiam foemina res movit, Henrica Interaquii filia, forma at-
filie res no- que ingenii venustate inter primas: utroque plectus Rex,
vas in Gal- cui haud aliud facile vitium extra amores objeceris, libita ut
lia molita expleret, nuptias suas promiserat, si marem pareret, scripto-
ab Henrico que firmarat fidem. Post prælatam in conjugio Medicæam,
ignoscitur. illa coacta ad placandam Reginam chirographum Regis red-
 dere, solitudinis & religionis obtentu altiora consilia dissimu-
 lans, externas opes ambiebat queis filio sibi genito perfu-
 gium adversus Reginæ iram, ut ipsa mox edixit, ut alii in-
 terpre-

interpretabantur, jus in regnum assereret. Aditus Britannus 1604.
 alienum imperium turbare recusaverat : at Hispanus causam
 probare, largiter polliceri. Vbi & hæc eruperant, capta mu-
 lier paterque & frater Arvernorum comes. Sed veniam
 Henricus dedit, istorum in crimine suum agnoscens. At Phi-
 lippus metuens, ne his succensus ille causam bello faceret, or-
 tum super vectigali certamen, quæ nuper decreverat, rescidit :
 versaque in Batavos ira, omnes ejus gentis finibus suis
 jubet excedere, mercesque posthac illatas publicari. Habuit
 hic annus clarum in Belgica funus Petri Mansfeldii, qui per
 annos quadraginta fidus Hispano, maximis functus imperiis,
 Lucemburgi tum præses, actam inter bella vitam rara sorte
 extremum ad senium perduxerat. At apud Batavos Ludovicus
 Nassavius occubuit, æmulus juvenis majorum gloriæ, &
 in quo multa spes celsæ, nec improvidæ virtutis.

Mansfeldius moritur.

Ludovicus Nassavius occumbit.



HUGONIS GROTII HISTORIARVM

DE REBVS BELGICIS LIBER QVARTVS & DECIMVS.

S V M M A R I V M.

De pace inter Federatos & Archiducem variis sermones. Pacem argenti Imperatoris legato generefo Ordines respondens. Bellum utrinque preperatur. Federati irritis eventis Antverpiam obsident. Mauritius VVondam capis. Exercitum in Flandriam infert. Militem mari ex Hispania adventantem Federati capiunt merguntque. Spinola de bello propere finiendū consilium. Buquoius ad Casaristortum castra ponit. Spinola Oldensaliam & Lingam expugnat. Berge ad Zomam bis frustra Archiduci tentantur. Grobbendonck irritis conatibz Gravikū aggreditur. Buquoius in VVachtendonck obsidium mittitur. Maurisiani Spinola castra adoriuntur. Omervilla & Trivulcius occiduntur. VVachtendonck deditur. Geldram frustra tenet Princeps. Cracoviam Buquoius capis. Grobbendonck sursum caditur. VVartius Candia regis dolo in India occiditur. Matelifus cum duodecim navibus Indiam petit. Reformatorum Aquarumgrani persecutio. Henrici in legatum Philippi sibi dolos firmanum indignatio. Anglicana conjuratio.

1605.



Enescantis jam belli sumtus in annos crescentes, & ingens æquatarum virium specimen Ostenda, spem multis diu intermissam reddiderant, extremos armorum impetus in pacem desituros: hinc sermonibus aut libellis ex spe aut cupidine quisque differere. Quibus Belgarum Austriacum cordi imperium, æmulas Batavorum civitates, infensa studia, divulsamque molem in se ruituram, aut prædam externis regibus fore, ni redirent in principatum veterem, & tot sæculis expertum: addenda priscis legibus, ne in Hispanum Belgæ revolverentur, indefinitum jus commercii, religionum impunitatem in spem propioris concordiae: iret miles peregrinus, & pestis altera Iesuitarum factio: honorum decora penes cives: tum, quæ maxima, in nationum concilio tractarentur, veriore hanc cum

Variis de pace inter Archiducem & Federatos sermones.

cum modo libertatem. Contra in Gallia alii ab Austriaca domo discidium Belgis etiam suadebant : vanum nomen Archiduces , sine viribus , sine imperio : vires hosti ; imperium Hispano obteri , & quæ , Belgica exhausta , paupere Hispania , spes belli trahendi una , Indorum divitias jam ad illos deficere , qui mari prævalerent : vicesima jam militum seditione infamem Alberti principatum : quod si , augescentibus subinde odiis , Gallus expurgaret , depastis utrinque agris incubituram egestatem ac solitudinem. Sponte igitur potius , quam vi subacti , redirent in Galliæ corpus , avitæque sacra in sede sua sisterent , Batavo victore peritura. Novem arces aut castella obtare , quantum moræ undique coeuntibus , quibus extracta gens , crudelior an superbior incertum , Pirenæis posthac jugis & remoto Oceani sui litoris clauderetur. Sparsa late imperia levius subditis incumbere : & pacem in posterum , certis lege Salica hæredibus : nulla sui jactura , Galliæ bonis in commune uterentur. Erant per Germaniam qui hinc magnitudinem Hispanicam , inde Batavorum abstrusos recessus , & lætorem bello fortunam expenderent : nec posse vincendo transigi : facilius honestiusque illis armis Hispanus Turcam retunderet , aut exiguum imperii damnum propagatis alibi finibus compensaret. Batavis libertas pretio daretur. Esse imperiis suos orbes , & , cum in summum excreverint , minui. Iam dudum nec Tunetem nec Guletam Hispanis , nec Austriaca domo Helvetios repeti : sic & hos populos projici debere , ut maxime cederent , suspectos semper belli mæthoria , & per religionis discordiam exemplo quoque nocituros : quin partem horum ipsis Burgundionibus pretio partem , quo justius , quæ emerant , vendituros. Hæc ferme externi. At domi , extra paucos , quorum respublica in manu & præstructa consilia , cæteri , quis factus Hispanorum , quam fixum Batavis dissidere , reputantes , spes omnes improbabant , tanti adhuc belli finem in obscuro molientibus fati. At Maximilano Co-

*Imperator's
legato pa-
cem urgenti
generose re-
spondent
Fœderati.*

chiaco Imperatoris urgenti mandata , & magni nominis legatis Mogontiacensi , Saxoni , aliisque iter & comiteum tempusque agendi & locum postulanti , quæ apta ostentui & movendæ plebi omnia , respondere Ordines : haud immemores se quæ mala veteribus colloquiis accepta : nec Imperatorem & Germaniam , sacra quanquam sibi nomina , contra hostiles insidias profuisse : nihil Batavis optatius , quam quæ multis periculis , longa industria pararent , mo-

F f s

tum

1605. tum belli extra ponere : ideo tam diu oratos vicinos , ut æqua pace imminetia arma præverterent , quæ postquam necessitate edita solidam genuissent libertatem , regibus quoque & principibus probatam , hanc se neutiquam falsâ pace mutaturos : cum Belgarum primoribus pacisci se antehac , nunc etiam , paratos. Archiducum quam nulla vis esset , Spinolam monstrare , hominem externum , accepto ex Hispania in Belgas imperio. Salva se religione , salva Republica , veram securamque pacem nunquam abnuturos. Sin id sederet , ut divinis rebus unum Pontificem , ita humanis unum regem Hispanum imponere , videret Germania , Batavos nec suæ , nec publicæ salutis defuturos. Cæterum quod de illatis damnis referret , daturos se operam , ne æquitas sua desideraretur : munimenta ulla ut redderent , Spinola cum maxime Rheno imminente , inconsultum. Scituros ipsi Germaniæ sic prospici , si Mendosæ agmen & contumelias cogitarent. Prodiit per eosdem dies & Francisci Rhedani , viri doctissimi , & in Republica cum honore versati , deque eadem etiam res gestas patrio sermone scribendo bene meriti , liber , sed scriptore mortuo ab amicis vulgatus , qui vetera novaque , & Austriacæ domus , & Hispanorum malefacta referens , & quam infida principum in populos foedera , præsertim quos Pontifex perjurii religione exsolveret , par periculum Reformatis & Romanensibus ostentabat : nec alium quam vincendo exitum : desperatas hominibus vias Deo patefcere. Quæ dum verbis aguntur , re interim bellum properari. Accesserat Batavis id virium , quod Ostendæ impenderant , & e Gallia copiæ adventabant , monente Rege , priores in apertum egressi , trahere hostem quam trahi mallent. At per Germaniam Britanniamque delectus utrisque partibus agebantur , venali fide , aut ut quemque religio huc aut illuc impulerat. Expedivere & pecunias Batavi promptius : cunctantius sub jure Archiducum Belgæ , ut quibus nolentibus bellum & suspecta ærarii tractatio , tum Fœderati offensas auxerant , scriptando ad proceres super communibus commodis ; quæ terruere Albertum , quo minus , & ante sæpe , & tunc maxime , flagitatum Belgicarum sub se nationum conventum haberi pateretur : veritus , ne , multa negando , invidiæ impar foret ; aut spreta Ordinum auctoritas vicino exemplo in vim verteret : prodentibus hunc metum ad amicos literis , quas Batavi interceptas ad Belgarum primores transmissere. Itaque Albertus ,

*Bellum
interim
utrinque
properatur.*

tus, discutiendo consensui, singulas nationes coire permisit, 1605.
 ægros animi spe fovens Indicanæ pecuniæ, quam prospera
 & opulenta Hispaniam classis advexerat, pronæque pacis, si
 bello modicum in tempus acrius insisterent. Initium illic ani-
 ni actum otio inter gaudii imitamenta, dum Ambrosius Spi-
 nola, toti jam bello impositus, (is Hispania recens aderat,
 expensis apud Regem ejus gerendi rationibus) aurei velleris
 honorem induit, &, Britannicæ legato coram, pax Alberto
 juratur: virilique sobole firmatum Hispaniæ regnum sacris
 ludisque celebrant. Summo jam vere, nec ante copias acce-
 perat, Ordinum consulto Mauritius magnum opus aggredi-
 tur; Antverpia petebatur, urbium quondam Belgicarum flo-
 rentissima, nunc, abductis in Batavos commerciis, partas
 olim opes famamque retinens, incitabat ingens spes gloriæ:
 quippe viginti ante annos Parmensi duce longa ac difficilis
 obsidio, incompositis fociorum rebus, vix sero adepta suc-
 cessum, jactantia victoris, fidem mundo fecerat, in una urbe
 possessionem Belgicæ verti. Consilium haud absurdum, spa-
 tiorum urbem haud magnis copiis claudendi, planis agro-
 rum adjacentibus Scaldim superfundere, lessuris in edito ca-
 stris, sed oppositam fluminis ripam, quæ Elandrica est, oc-
 cupandi haud expedita ratio. Erant, qui ex Catsanda no-
 æurnis itineribus mitti per agros militem suaderent. Mauri-
 tio magis placebat classe iri; quæ, dum paratur, magno, ut
 fit, molimine, suspicio injecta hosti, statimque Antverpiam
 peti rumor percrebuit; variis exceptus oppidanorum animis,
 dum pars læta, velut propinqua libertate, alii suspecta fame
 intendere rerum pretia, multi collectis sarcinis moliri fugam.
 At Spinola trepidantes firmat addito equite, qui modelle ac
 sine injuria civium habitus, tum oram Flandricam, quæ con-
 tra Antverpiam sita Wasæ nomine appellatur, invisens, &
 ter mille pedites custodiæ relinquit, versuros se qua hostis
 incumberet: quippe haud ignarus, potiri hostem fluminis
 non posse, ni & istam ripam meris agris positisque statio-
 nibus suam faceret. Lecto igitur die pariter Mauritius Ber-
 gis ad Zomam justo agmine processit, & Ernestus Nassav-
 ius quod reliquum militis classe vehens e Zelandia Scaldim
 subiit: primumque Batavorum munimenta prospere per-
 lapsus, ubi propius Antverpiam, & hostium castella venit,
 nocte quanquam, haud ininspectus, tela inter penetrabat,
 Flandricos aggeres invasurus: sed exciti globorum stridore,
 qui

*Spinola
aureo vel-
lere dona-
tur.*

*Fœderati
irrito even-
tu Antver-
piæ obsi-
dium ag-
gredium-
tur.*

1605. qui præsidium illic agitabant, recti æggerum interposito vela sequebantur. Ernestus vento in Brabantiam rejectante naves, qua jussu, appellere, & jungere copias vetabatur, dubium alioqui prælium etiam providis facturum. Tentandæ tamen fortunæ, lintribus transponit ferme quadringentos, qui coortis hostibus facile fusi, pars & in potestatem venire. Tribunus Dorpius premente victore armatus in flumen desiliens, periculum periculo evasit. Ernesto Brabanticam in ripam relato, irritus consilii Mauritius Woudam, castellum haud procul Bergis situm, quintum intra diem in dedicationem cogit, haud dignum quidem, quod exercitus peteret tantus, & a tanta spe veniens: nec nullo tamen pretio, nam prædo hostilis inde flumina infestarat. Cæterum ingentes minæ, non in vanum modo, sed contra cecidere, anno haud alio Batavis infauftiore. Wouda tenente Mauritium, Spinola, quanquam tum maxime circa legatum Britannicum strepente aula, haud segnis seria inanibus prævertere, Scaldi pontem superjecerat, quamcunque in partem hostis duceret, promptior sequi, eoque immitior his qui Woudam dederant, tanquam præproperi timores, adeo ut in quodam & capite animadverterit. Nec parum Foederati nutare, magnis adventantium Spinolæ copiarum rumoribus, quid potissimum aut peterent aut tuerentur; Rheum insidendi suadente Mauritio, ne hostis illac in nuda imperii pervaderet. Vicit sententia in Flandriam ire jubens, Clusæque consuli. Spes aderat castellum hostile, cui Saxo Gandaveni nomen, ubi aquæ ex Gandavo derivatæ in Hontam ac mare exeunt, obsidio premere: id si eveniret, minari urbibus, sin minus, tanti tamen in alia belli flagrantis Spinolæ retinere impetum. Haud procul Isendico Mauritius vicino Waterfleta illatum classe exercitum locarat, cum Spinola, præmissa copiarum parte, celer assequitur, ipsumque inter & Saxi castellum, Bucholta is locus dicitur, sedem legit speculandis reprimendisque hostium conatibus. Ita fixi diu egere, nullis, nisi levibus equitum præliis. Vrare litarum naves, quæ propius Mauritiæ castra advenerant, Pompejus Iustinianus, imperio Spinolæ paludes ingressus, speraverat: sed prævisus, depulsusque. Iacet ea in regione Walachriam contra Patientia castellum, cujus oppugnatione Mauritius otium pellere agitabat: sed structum viæ medio leve munimentum eripuit Spinola, suisque castris perpetua lorica

*Mauritius
Woudam
capit.*

*Mauritium in
Flandria
locantem
castra assequitur
Spinola.*

lorica attexuit, madidoque & insalubri solo sita Mauritiï castra morbis & transfugiis desolabantur. At ignavum hætenus terra bellum maris pensavit fortuna. Ex quo primum in Batavis res motæ hæc adusque tempora, inter onera Hispani vel maximum fuit, quod potissimus & suus miles longe ex Italia difficili itinere in Belgas duceretur, nullo interim usu & gravibus impendiis. Ei rei Spinola levamentum repererat, Oceano ex ipsa Hispania Flandriæ portubus inferre copias. Mille ducenti milites Hibernicis bellis exerciti Petro Sarmiento tribuno Vlyssipone imponuntur octo navibus, ac celocibus aliquot, quarum omnium curam Petrus Cubiara acceperat, hoc inter cætera mandato, ut, si Flandria negaretur, vitato Galliæ littore, Britannæ oram adiret, tutum ibi hospitium, ope legati Hispanici, & quos ille Britannorum donis emerat, habiturus. Ordines fœderati, ut terrorem in posterum audaciam arcerent, Wilhelmum Hautæniûm Zelandici maris præfectum jubent Hispanis in freto Morinorum occurrere, captosque sine venia mari mergere. Non classe bellica Hispani, sed onerariis adventabant, & quidem, quo laterent facilius, Germanicis aut Britannicis. Hautænius parte datæ sibi classis Flandriam, parte Britanniam prælegens, quicquid medio mari navium explorat. Reperti hostes Doberniam juxta, cum nec vela submitterent, & ultro se glandium jactu tuerentur, pars occisi; cæteris nando, aut scaphis Anglorum excipientibus effugium fuit. Aliam navem jam portu propinquantem Zelandicæ duæ cum premerent, pariter vadis adhælere. Sed Zelandicæ ut mole, ita periculo levior, hostilem oppugnant capiuntque. Vectores, uti jussu, in mare præcipitantur, multum ante questu de fortuna, non quod vitam eriperet, quam nec perpetuam homines, nec longam sperassent & milites & veterani; sed quod in gladios jurata manus inter undas fluctusque morte non sua caderet. Die postera captæ naves aliæ, una incensa, eodem militum fato. Bini ferme inter se colligati signo simul cunctis e navibus dato jactabantur: unus nihil hostili manu opus dictitans sponte desiliit, ignotus inter ignotos, gloriæ tamen circa suprema avidus. Ea clades virum naviumque partem ferme alteram absumpsit: nam naves quatuor vento ferente portum tenere, ibi quoque multis per hostium tela peremtis aut sauciis. At Dobernienfes, dum mari pugnabatur, spectatores, mox irati bellum

1605.

Fœderatorum castra desolantur.

Militum ex Hispania mari adventantium partem alteram Fœderati capiunt merguntque.

Dobernienfes in Batavos inquiri.

solo

1605. solo suo importari, globos ex arce jaciebant pro nuper hostibus in amicos veteres. Batavos ob hæc aula criminantibus postea Britannis responsum, non quæsitâ a se Britannia in fluminibus naves, quod tamen impune Dunkerkani fecissent; sed calentem victoriæ impetum hostem magis suum, quam terræ marisque confinium respexisse. At ipsi haud æque facile purgabant, quod specie scrutandi Anglos, qui contra Regis edictum mari militarent, haud ita dudum naves Hispanicas, partam Batavis prædam, suum in littus pertraxerant, datisque pro legato Philippi vindiciis, vim belli eluserant per juris imaginem. Cæterum qui recens apulerant Hispani, Oceani ante hyemem trajectu desperato, mansere illic magnos per sumtus domino graves, atque interim miserrima a facie, dum nudo littore positis tuguriis vivunt inopes, aut ægri pereunt: nam tæbe, vulneribus consumpti haud pauci, & ipse Cubiara. Iam ex Italia sex validæ cohortes sueto per terras itinere adventabant, præter novos Archiducis per vicina regna delectus: haud alias tanta partium vi: quippe Spinola, in Hispania apud Regem cum esset, captæ Ostendæ gratiam auctoritatemque præferens, facile persuaserat, lentum bellum pro hostibus, cui finem imponi posse si Rex in longum danda contraheret, passim pro dicto usurpans, signisque inscribens, Iam aut Nunquam. Seditio-num igitur mala commemorans pecuniam & binos poscebat exercitus, quorum altero sua tueretur, altero Frisiam quateret, magno statim fructu, quia Transrhenana tributa damno hostium sibi accessura: tam hosti plurimas urbes, quas nunc amnis defenderet, limitem fore, iustoque exercitu opus spargenda ad præsidia, spe mox majore, quando inde ipsa Batavorum viscera terra marique patecerent. Sapiens consilium ut primi successus juverint, cæteris haud pro spe secutis, pergam memorare. Sedentibus adhuc in Flandria ducibus, dum Princeps Clusæ providus Isendicum munit, & Spinola illum falso metu retentat, Buquioius iusta cum manu haud procul Agrippinensi Colonia, pulsus ante Batavorum navibus (machinas enim secum traxerat) Rhenum transit, magno circum Germanicarum urbium terrore, quibus Mendosæ facinora & multa ludibria necdum exciderant. Lustrandis copiis Pontificis legatus adstitit, solemniter precatus victicia ipsis arma. Irent alacres, liberatores recta sentientibus, ultores in cæteros: non principum magis quam

*Spinola ad
finem cele-
rius bello
imponen-
dum consi-
lium.*

quam Divum causam agi, quos aris templisque exutos ipsorum manu velle restitui. Vbi ventum ad oppidum, cui Cæsariswerta nomen (coloniam Trojanam olim inibi fuisse sunt qui putent) castellum ponere incipiunt utraque ripa, queis transitus muniretur. Pons, quo Rhenum sterneret, structus Colonia Agrippinensi, & magna inde alimentorum copia, haud obscuro studiorum civitatis ejus Senatu, quoties res Hispanorum invaluer. Quibus auditis Mauritius, ex suis Mendosæque consiliis conjectans haud iturum quenquam infestas in gentes Berca a ~~ergo~~ relicta, Henricum fratrem, Ernestumque mittit, & pedites quater mille, bis mille equites, queis Ordines suo e conventu legatos addidere. Nec hi dubitarunt primam Bercæ muniendæ curam, validis operibus multum extra oppidum spatii amplectentes, queis mora hosti, sedes præsidio augeretur. His militem detinebant, quanquam Transisalanæ Frisiæque urbes, & Linga præcipue subsidia militum, & quæ bello usui, certatim orabant, privatum per metum omissa publici cura. Lingam missæ quinque centuriæ. Eques interim, qui cum Nassaviis, obijum hostem bis fudit. Media nondum æstate marchio Spinola, relicto ad Flandriam Friderico Herenbergensi, (is sex mille pedites, quingentos equites regebat) ipse Buquonii copias, & quos inde sibi præmiserat, subitus petit. Rurordamque locum, Rura ubi amnis Rhenum illabitur, munitioni opportunum tacitus notat. Dein convocatis castrorum primoribus, cunctis hætenus quid pararet nesciis, mentem aperit: Lingam peti, præcipuum illarum partium munimentum, si properaretur capi facilem, inesse paucos & belli rudes: sed cuncta in eo, ut hostium subsidia præverterent, quæ Lingam conventura, si Bercam ipsi & Grollam & ignota oppidorum nomina confectarentur: nec ignarum sibi, quam adversum priscis ducum institutis, cunctis pone hostilibus in ulteriora semet immergere: sed prout res tulerint vertenda consilia, nec ulla præcepta semper valere, & sæpe audendo plus quam cavendo profici. Lectum sibi quod optimum temporis, maturis frugibus, necdum deportatis: & ad latus Westfaliz oppida, victum sponte allatura si pretium daretur. Id quoque sibi provisum, adfuturum quidem Mauritium, sed tarde, imparatum terrestri itineri, quo non classis illum, non sucti amnes sequerentur; & ut venisset, data plana camporum prælio locum, quod suis tam acriter

1605.

*Buquonius
ad Cæsaris-
werta
castellum
ponit.*

*Henricus
Arausio-
nensis in
Buquonium
cum Er-
nesto missus
Bercam
munis.*

*Spinola Bu-
quonii copias
petit.*

peti-

1605. petitum, quam hosti anxie vitaretur. De castellis quæ coepta Buquoio, dubitatum, dirui, in reditu instauranda, an defendi placeret: plerisque monentibus, noxium alienos in fines eunti, divisus copiis robur famamque infringere. Paucioribus Spinola assentit, & Buquoium ripa Rheni Germanica ponere æstiva jussit, augendisque & servandis operibus attribuit sex millia, novum maxime militem & gravi itineri haud suffecturum. Simul, ista exercitus specie, inanis pro Berca sollicitudo Batavis intendebatur, vetabatque ad vera pericula dimitti copias, metu, ne simulatum in Frisios iter, & abducto milite illuc potius Spinola incumberet. Ipse novem peditum, equitum duo circiter millia ducere satis credidit, gnarus attritas Mauritiï copias, partemque in Flandria mansuram, quæ Herenbergensi obliteret. Ibar terno agmine divisus pedes, additis cuique machinis, undecim simul numero. Latera carri tegebant, victum scaphasque & pontes transeundis amnibus ac paludibus ferentes, quæ circumjecti custodes: at frontem tergumque eques clauserat. Spinola ipse prima in acie, præmissis qui vias explorarent æquarentque. Vbi latius patuerant campi, festinandoq; itineri, prima mediaque acies pariter incessere, duplicata & curruum serie. Pro vallo nocturna quies machinis & turmis defendebatur: de die, mediï primis, ultimi mediis certa vice succedebant. Magno tunc experimento compertum, adulta quamvis vitia quam brevi correxeris, si curæ constantia accedat. Corruptam namque jamdiu seditionibus & licentia disciplinam restituit illico dux, ut stipendiis fidus, largusque præmiis, ita adversum delicta inexorabilis, nullique gratiæ obnoxius: nec furta tantum & rapinæ, sed agmine excessisse, capital. Latrunculator obequitans, & cum laqueo carnifex, paucique, spectante exercitu, leves ob culpas suffixi cunctos sanavere. Ad proximas Germaniæ civitates Philippus Croiacus mittitur Solræ comes, qui, dempto metu, favorem proliceret: non enim, ut olim, turbidos & inobsequentes impetu ruere, adesse paratos regere, suetos regi, & qui pacem bello discernere: non se oppidis, non agris graves: alimenta tantum venalia & innoxium per agros transitum posci. Verbis facta haud discrepabant: unde parabilis annona & a vicinis laudes gratesque, veteres injurias cum præsentī securitate comparantibus. Trans Ruram Luppiamque amnes (quanquam ad excindendum Luppiæ pon-

*In Lingam
ductis.*

pontem missi Batavorum equites, sed tardius processerant) 1605.
 quarto die ad Oldensaliam ventum, Transisalani juris oppidum, veteris adhuc sæculi munimenta præferens, nec mutatum, ex quo Mauritius anno ante septimo ceperat. Visum, quantumvis properantibus, in transcurso posse rapi, quando mox, aucto præsidio, crebri inde excursus & commeatuum pericula formidabantur. Intus ferme quadringenti: quorum eques primum, inde pedes erupere, non sine clade eorum qui primi accesserant. Sed impares repressit insequens exercitus: contemptisque missilibus nocte una tribus partibus fossam usque oppidi penetravit: neutiquam ambigente Spinola, quin paucorum morte ac vulneribus, quod belli potissimum, tempus redimeret, contra quam Mauritio probatum, cui mos sequi tuta eoque tardiora. Mane, expulso quod advexerat machinarum, deditur oppidum: cognitoque per captivos Lingæ statu, & plus militis exspectari, anteire equitem jubet, ipse altero die figit castra. Lingam claudendis finibus utilem, proprio quoque affectu ut sibi concessam, Mauritius percolens suo sumtu suæque arte munire cœperat, profunda satis ac patente fossa & sex propugnaculis oppidum arcemque amplexus. Sed recens & parte sui imperfectum opus, necdum solidatus agger, oppugnantibus proniora: accedebant miles modicus, (sexcenti erant, nec excursus, nec pro vallo pugnam ausuri) duces quanto inexperti tanto pavidiore, nec cuiquam ponendarum machinarum peritia. Dum trahuntur tormenta, dum locus dispicitur, sine noxa hostis, adjutus hortorum anfractibus, credito citius, fossæ marginem tenuit. Quatuor nationes toridem e locis transitum festinabant, accedente æmulatu: pars ductis rivis in veterem exigui amnis alveum aquam abducere, pontem alii doliis imponere, aut fasces & virgulta colligare, reperto ad Ostendam more, adeo securi, ut nudi quidam intra fossam agentes opus promoverint. Notus erat obsidii dies, & Walones propugnaculum sibi adversum subierant. Itali, Hispani, Germani partim fossa media, partim propius versabantur. Præfectus oppidi Martinus Cobbius, senio fractus & gressu debilis, centuriones in consilium vocat, & super cætera incommoda globorum penuriam ostendens, quid usus facto rogat: nec cuiquam animus periclitantibus munimentis novæ præducere, corpora opponere, arcem saltem defensari: mirari magis, quod non deditionem hostis exposceret: alii vetus id, nec ad Ostendam aut Clusam fa-

*Oldensa:
liam in po-
testatem
accipit:
Lingam
obsidet.*

1605.

*qua dedi-
tur.*

*Mauritius
fero in sol-
vendum
obsidum
accingitur.
Cobbius
Præfectus
festina de-
ditionis
reus in car-
cerem com-
pingitur.*

*Spinola no-
vis operibus
Lingam
munit.*

Ætatum. Præfectus, velut forti consilio, monebat in vespere, sin id nimium, in meridiem pacta differri: turbare ceteri: non illis in horis momenti quicquam: cito postulata cito accipi. Exsequuntur haud minus festine quam decreverant. Læto Spinola, cujus vota, quantumvis properantia, hostium tamen pavor prævenerat. Interea Mauritius ad famam Transrhenanæ expeditionis quantum poterat accelerans, Flandriæ castella Clusamque tutandam Notio tradit, &, raptis inde viginti quinque centuriis, Daventriam petiit. Decem alia Rheno accitæ, & e præsidiis contractæ totidem: octo insuper, novus e Britannia delectus: machinas venti morabantur. Altero tertioque post deditam Lingam die, solvendum in obsidium accingebatur, in eam spem nudatis milite urbibus, cum amissi oppidi nuntius occurrit, tristis non minus quam improvisus. Præfectus Cobbius, centurionesque alii longo carcere detenti, inter sævas populi voces & cognatorum gratiam fluctuante sententia. Defensionis capita, quod missis ad duces Nassavios & vicina oppida litteris, haud satis missum militis, & quæ liberando oppido: quodque plebs oppidana numero validior, excubias abnuens, precibus minisque impulerat, in tempore paciscendo imminens exitium antevertere. Tandem, cum facti invidiam dies mitigasset, placuit, motos ordine, haud ultra puniri. Manente obsidio Thomas Fillerius, eorum unus qui ex Hochstratana seditione penes Batavos hæserant, animosus prædæ quæsitore, comitem Solræ incidit, centumque equites præsidio datos; cepit horum triginta, occidit inter alios baronem Ciaccium, Ricardoti generum. Comes retardatus vulnere vix effugit. At foederati Ordines, si forte inedia Spinolam affligerent, palam edixere, qui vitum in castra ferrent, se pro hostibus habituros. Nec tamen commeatus cessare, spe lucri, mox & terrore victoriæ: adeoque nihil defuit, ut quidam venalia e castris domum retulerint. Stetit in Linga Spinolæ cursus: atque ipse velut attonitus tam addicta fortuna, mirari operum vim artemque, & tamen tuendis alia extra fossam objicere, quod Mauritio nuper destinatum intelligens, ipse exsequebatur, velut imminente obsidio. At si plura quærere quam quæsitis timere maluisset, idem ille impetus & recens fama pleraque perculebat: ad Covordiam & Bortaniana castra, queis Frisia premitur, rarus miles: trepida imprimis Groninga: nec Emda procul ignara belli, fessa discordiis; quas augebat Enno comes, ut ad-

ut adversus Ordinum rebus ferocior. Cessante hoste vacuum 1883.
tempus Mauritio datum. Laborantia Frisiæ ac Transrhenanæ *Mauritius*
firmare præsiidiis: ipse cum Wilhelmo Nassavio, novem con- *laborantia*
tractis millibus, Covordiam incedit, tegendis interioribus, *loca præsi-*
& quo hostium vestigia propius insisteret, additque loco nō- *diis munda*
va propugnacula. Inter manifesta nec subitis & incautis ab-
stinebatur, repertote talium Terralia, qui Gallia profugus, re-
pudiatam a Batavis operam, quod honorum præmiorumque
nimia poscere videretur, ad Hispanos transfulerat, fidens
animi, & nitrati pulveris artium egregius. Huic Archidux *Archidux*
(nam miles supererat) rectore Torricurtio Hulsæ præfecto *Torricurtio*
mille quingentos pedites, trecentos equites assignat, spe Ber- *et Terra-*
gas capiendi ad Zomam. Hi nocte, refluxu maris camporum *lia vestigia*
per stagnantia portumque ingressi, munimenta occupant duo, *bus, irritis*
majus alterum quo portus, minor quo porta tegebatur, refu- *eventu bis*
gis custodibus. Quod si portu perrexissent irrumpere, pericu- *Bergas ad*
lum erat urbi, milite ac plebe juxta improvidis eoque tur- *Zomam*
batis. Portam, cui Fluminæ nomen, petunt: admotisque *tenent*
instrumentis septa duo, quæ intercedebant, disjecta; quod
portæ appensum humore per iter concepto in vanum crepuit;
nec alia ad manum: nam coeno attinebantur. Ita irriti, instan-
te æstu, reditum festinavere, derelictis quæ invaserant, cum
jam conglobata propugnantium multitudo, non glandes mo-
do, sed laxa desuper moliebantur, quæis proruti triginta, de-
bilitati plures. Nec terruit infelix exitus, quo minus intera-
jecto mensis spatio idem majoribus copiis animisque tenta-
rent. Sæviussque certatum, quia adventu per exploratores
præcognito cuncta intus parata. Sed ne hoc quidem visio illi
demovebantur. Noctē plus mēdia, pluvio cœlo eoque ob-
scuriore, signo undique dato tribus locis fit impetus. Duobus,
aqua intercedente, pontes admoti, & quamquam haud suffi-
ciebant, pedibus manibusque non pauci in vallum enisi, ubi
ad summum pervenerant proturbabantur. Nam præfectus
oppidi Paulus Baxius, permista militi plebe, cinxerat oppi-
dum; ipse cunctos obequitans, medioque foro centurias
duas ad subita retinens. At qua Steenbergam iter est, non
doli nocturni species, sed aperta vis: quippe oppidani stramine
incenso, piceisque orbibus lucem fecerant, quo cuncta
hostium introspicere. Portas illic duas, pontemque pen-
silem vis nitrati distulerat; jamque intra oppidi moenia stre-
pebat hostile tympanum: simul equites occanebant tubis;

1605.

velut jam jamque irrupturi. Septum adhuc unum morabatur, quod curruum trabumque objectu oppidani obstruere, illi, quando ex Terralianis operis plerosque priora absumserant, securibus gladiisque diffringere certabant. Oppidani propinquum hostem ex mœnibus despectantes flammæ, & tormentis tuborumque vi certa vulnera, quin & convitia ingerere: invisum ducibus militem ad lanienam trahi, longeque Hallensis Divæ & Aspricollis numina. Nihil in urbe ignavum: magistratus, quin & sacrorum ministri, cincti & ipsi armis, hortatores & exemplum cæteris adferant. Romanæ quoque religionis, siqui erant, cives, gnari victoriam nocti iræque commissam, ista non discernere, intentius agebant, ne causam diffociare viderentur. Sed & scæminarum spectatum robur & labos: ferre murices, glandes, picem; & emotis quædam infantibus cunas lapide implere, molliores flexis per vias genibus, oculos manusque tendentes cœlo, Deum precabantur, adesset propugnandis, cruentaque consilia in auctores verteret. Die illucescente Antverpiam minores redierunt. Intra oppidum uno haud plures desiderati, & perquam pauci vulnera acceperant, ex edito tutiores. Similiter & Grobbendoncus Graviæ per noctem pontibus scalisque aggredi conatus, cognito oppidanis quid pararet, haud perstitit. Iam Lingam Spinola permunierat, dubius quid cætero anni ageret, incipiente primum autumno. Germaniæ agris refovere militem infame & ignavum. Bercam missi inspectores retulerant magna opera & lenta vinci: nec major in Mursam spes. Tandem relicto ad Lingam Oldensaliamque præsidio, mutatis castris aliquoties, ad Rurordam sedet, & ponte ibi facto Rhæni utraque ripa castellum locat, quæ ad Cæsariswartam structa dirui Germanis postulantibus; at Rurorda Mursæ juris, solum hostile, situsque melior, & consulto factum pro beneficio imputabatur. Sub hoc tempus nova cohors Italica in Belgicam advenerat: aliaque Anglorum simul & Scotorum, pars & Hiberni Romana sacra sectantes, qui Batavis inobservati mare trajecerant, Hispano auxilium, Britannicæ levamentum. Hac cum manu & quos suis e copiis Spinola addiderat, Buquoijus mittitur Wachtendoncæ in obsidium. At Mauritius astus metuens hostem sequebatur, Isalæ propior, ne illac bellum longius penetraret. Vbi fixum Spinolam videt, ipse quoque inferius castra locat sub oppidum Vesaliam: nec unquam ratus majorem audendi occasionem, quam dum par-

Frustra quoque Grobbendoncus Graviæ aggreditur.

Spinola utraque Rhæni ripa castellum locat.

Auxiliis autem Buquoijus in Wachtendoncæ obsidium mittit.

tem hostium Flandria, partem Wachtendonca retinet, equitatum Spinolæ, & cohortes aliquot vico Mullemo positas; tum id si evenisset, reliqua exercitus invadere statuit, laudabili consilio & magnam illo die victoriam daturus, ni Deo visum longa Batavorum prospera & belli gloriam adversis retundere: namque haud alii rectius causæ tam fatalem pavorem adscripserim. Vicus Mullemum Ruræ amni adjacet, qui utcunque late patens pluribus tamen vadis transitur: equiti tantum haud passim pervius, quippe stantibus ripis, nisi ubi eas manus planavere: contraria ripa arcem Brukiam habet, & circum camporum eminentia. Princeps equite omni, & cohortes aliquot curribus vehens, properat: cum partē turmarum prægredi fratrem jubet, cum altera Marcellum Baxium, divisīs viis: hic Ruram ultra, Brukiam versus arcem, ut effugium circumventis clauderet, ille arcta inter hostes semita, cujus claustra forte patebant hosti incustodita per neglectum militis id curare iussit: isque postea hanc culpam capite expiavit. Erratum in eo, quod non confestim Mullemum perrexit Henrici Nassavi eques, sed opperiendo pediti substitit, sparsos alioqu岸 adversis locis hostes reperturus: qui interim conglobati ad amnem & quæ ultra erant edita ac patentia vertebantur. Idque solum Batavos perterritum, quod non, ut spes fuerat, imparatum hostem offenderant, cæterum haud dubie validiores: hinc, velut captis animis, foeda fuga nullo instante. Vix Mauritiū cohortiumque aspectus inhibuit, quo minus per socios, per ducem attoniti ruerent. Interim Baxius extrema arcis Brukiæ irrumpens (interiora vix decem milites tuebantur) occurrit hostium turmis, quæ forte com meatui agendo processerant. Nec tamen exterritus, atque ultro urgens impulerat: cedebantque, ni pedes & Mullemo adveniēns eques sustentassent. Ita pressum numero, longoque prælio fessum erexit conspectus Henrici principis, quem fuga integri pauci sequebantur, quosdam pudor reddiderat. Ergo utrinque invadunt equites equosque flumini implicitos: sed Ludovicus Velascus audito suorum discrimine, cum turmis aliquot e Spinolæ castris advolans iterum pavorem intulit, priorem adhuc fugam animo vultuque gestantibus. Turbati dare terga, habenas fundere: nec jam Mauritius, stans in aperto ripa altera, cum machinis copiisque retinebat, hortamenta quanquam & opprobria ingerens: modo parta ipsis decora memorabat, ne ad Turnholtum & in Flandria

1605.

Spinola castra adorsi Mauritiū in pavore proprio impediant: ut quominus ingenti possintur victoria.

1607,

*Omarvilla
occiditur:*

*Cadit &
Trivultius.*

primi semper victoriæ, tot signis ab hoste raptis, tot pugnis incliti, mansuras laudes tali flagitio macularent: fratrem suum, ipsorum ducem mediis in hostibus relinqui: modo pavidum gregem appellans, equorum pedibus quam manibus suis fidentem, at rapinis impigrum, & inermibus gravem: inde ad preces flectebat, ubi illa ora, ubi voces prælia toties poscentium? hoc unum dedecus patriæ mihi que remittite; absens rectius vincar: quin potius purgate noxam egregio facinore, ut mox vos alios alius videam. Nequicquam omnia, immotis in pavorem animis. Nassavius juvenis, paucis etiam domesticæ turbæ comitantibus, cum se ad Baxium retulisset, armis, habitu conspicuus undique premebatur. Præfectusque turmæ hostilis juxta equitans, quo minus tubum exploderet, directo contra tubo exterritus, mox humerali fascia apprehendit, quam insignes equitum ostentui ferunt, usu periculosam, exemit tamen instanti: cujus id meritum fuerit, etiam recente facto dubitatum. At Mauritius non jam victoriæ, sed exercitus incolumitati sollicitus, ne cœpta trepidatio cunctos prosterneret, partem cohortium trans amnem mittit. Primus cum Britannis Horatius Verius pedes equitem repressit, hastis protentis in cuneum coactus. Successit tribunus Gallorum Omarvilla, mortem isthuc adeptus: nec tantum sustinuerunt equestrem impetum cohortes, sed, equitum nonnullis exemplum sequentibus, repulere hostium haud paucos, quibus, aditu recepto, in arcem Brukiam effugium fuit. Vertebatur fortuna. Sed elusit Spinola nobili astu crebra in proximo tympana quatiens, velut omnis cohortium vis immineret, quas longo satis itinere distinebatur. Tum metuens Princeps, ne falsi metus in verum caderent, & quanto equestri robori filius olim, hoc nunc belli incerta altius reputans, canit receptui: quem tutum habuit, ripa interiore dispositis peditum telis. Hostium Trivultius occubuit, dux, miles juxta egregius: & cædes, vulnera, signa, hominesque capti utrinque, & æquato damno plus penes aggressores infamiæ. Vitatum periculum Spinola in prudentiam vertit, & contractiore spacio copias locat. Tum ipse visum it quæ Buquoio agebantur, cunctisque ex sententia repertis, Rurordam redit. Favebat Buquoio siccus imbrium autumnus, humenti alias solo. At obfessi, quanquam mille ducenti præsidio erant, rectore Rihovio, manibusque nec levibus munimentis fisci fortia promiserant, non extra opera struendo, non eruptionibus morati

morati hostem, quin amne Niersa ponte transmissio, fossam oppidi octavo attingens die, aquas, discusso quo cohibebantur septo, deduceret. Vento ad propugnacula, primum cuniculis, tum facto impetu, territi vicesimo die Wachendoncam dedidere. Geldra interim tentata Principi, ut cætera improspere: quatuor leucis castris aberat oppidum, quo nocte profectus equitem p[er] omque cohortium trahebat. Præmissi qui viam nitrato parauerunt: sed ubi ad pontem ductilem venerant instrumenti vis evanuit: admotum alterum in fossam procidit, deditque oppidanis coeundi spatium, qui proximos astantium telis stravere, quos inter Philippus Philippi Mornæi Pleffiaci filius, discendi per cupidinem periculi incuriosus, haud indecora patri soboles, quem literis actumque rerum illustrem magno gradu eadem per vestigia sectabatur. Nec omisit Spinola felicem annum ultra fatigare, missoque Buquoio Cracoviam Mursici juris arcem facile capit: nam quod munimenti præcipuum, solum palustre coelo diu sicco defecerat. At in Flandria Fridericus Herenbergensis castrum struxit Clusæ imminens, qua flumina Dulcis ac Salsi cognomento portum influunt, modica illis partibus hostium vi, & dolo adjutus; quia Brugeses jus struendi aggeris, velut recuperando solo, quod per illuviem ereptum humanis usibus jacebat, a Clusanis impetraverant. Sub exitum autumnii pluviis madentem Spinola, perfectas ad Rurordam munitiones conspiciens, prior solvit exercitum. Idem Mauritius fecit, eq[ui]esque ad hyberna rediens obviam in itinere Grobbendonci turmam cecidit, magnamque partem abduxit captivos, intentus occasionibus, quæ Mullemianæ pugnæ memoriam aboleret. Nec terra aliud gestum: at mari Sarmientanæ cohortis reliquæ furtim hyberno pelago, dum ventus Batavas naves alio dispulerat, in Flandriam transmissæ: mox Dunkerkanarum navium potissimam, centumque & viginti armatam viris centurio navalis Roterodamensis Lambertus nomine, cominus aggrediens, omni telorum genere velut in solido certabat, numero minor, par animis, nec pro vita pugnantibus cedebat; ipse pro gloria dimicans. Sed ubi Enchulano præfectus Iohannes Gerbrandi suam quoque navem hostili applicuit, Dunkercani amisso inter cæteros duce (Adrianus Theodori vocabatur, prædis nobilitatus) simul spe veniæ infracti dedunt sese. Navis capta exinde bellorum usibus destinatur, hominum sexaginta circiter patibulo suffixi:

*Buquoio
VVachendonca
dedi-
tur.*

*Geldram
irrito even-
tu Princeps
tenet.*

*Cracovianum
Buquoio
capit.
Herenbergensis
Clusæ
imminens
struit castrum.*

*Grobbendonci tur-
ma cadi-
tur.*

*Dunkerkana-
rum præ-
cipua a For-
deratis oc-
pugnatur.*

1605.

paucis ætas veniam meruit, quidam ad supplicia ducti an-
 gere, retinente nemine, quia longa poenarum series animos
 ad misericordiam flexerat. Inter eos qui India hoc anno re-
 diere, erant, quos Hemsckerkius rimis ægra navi ulterius Bo-
 næ spei montibus reliquerat. Illa vento delata in Madagafca-
 ris littus hæsit octo per menses, egena rerum omnium; &
 nautæ morbis, bello in barbaros, postremo animi tædio ab-
 sumebantur, magno ex numero octodecim superantibus. For-
 te alias Batavorum naves Cygneam insulam petentes, simile
 fatum easdem in oras appulit. Ibi illi inter se gaudio, lachry-
 mis, confusi, narrare pericula, Dei benignitatem agnoscere.
 Laceræque navis fragmentis alias reparare, & merces trans-
 ponere. Ipsi patriam, exercitores quæstum, diu desperata re-
 cuperant. E Ceilone insuper duæ naves tristem ferentes nun-
 tium, cæsi præfecti (Sebaldus Wartius vocabatur) dolo Fi-
 malæ, quem Candia regem prono in Batavos affectu alibi
 memoravimus. Sed irritaverat suspicax ingenium, ut ferme est
 barbaris, Sebaldus, concessa Lusitanis, quos bello ceperat,
 libertate, quod ille barbarorum moribus alienum, ut collu-
 dentium inter se argumentum interpretabatur: magisque
 etiam accendit, dum, inter colloquia de bello Lusitanis in-
 ferendo, hortatur ipsum naves ut suas introspeciat, vimque
 inde æstimet, urgens acrius quam in reges concessum: ille
 officii per speciem cædem suam quæri ratus, creditum soelus
 prævenit. Et focii, ne commercio exciderent, ulcisci ducis
 mortem omisere. At rex Hispaniæ, metuens ne longinqua
 minusque firma imperii cunctis notescerent, severo edicto ve-
 nuit, nequis externus ad Indos aut alia Lusitanici juris navi-
 garet, quamvis accepto civitatis jure: &, qui nunc essent
 illo in orbe, certum intra diem remeare iussi. Quod Batavo-
 rum conatibus adeo non obfuit, ut hoc anno duodecim naves
 Indiam peterent, queis rector datus Matelissius, unus rei In-
 dicæ curatorum. Interim & Cardenus, quem in Brasiliam
 missum narravimus, rediit, haud inops prædæ. Apud vici-
 nos, quanquam manente pacis nomine, sævi motus in bellum
 ducere frustra crediti. Aquisgrani enim, Brabantis semper du-
 cibis cupita civitate, rectores novi, imperatorii decreti, &
 quod tunc silentio conditum postea patuit, arcani cum Alber-
 to foederis fiducia, reformatæ religionis ritibus publice pri-
 vatimque oppressis, eos qui magistratum ante gesserant, ut
 seditionis modo, non rite lectos, contumeliis damnisque
 afflicta-

*Varinus
dolo regis
Candiam
India tri-
cidatur.*

*Philippus
vesat ne-
quitia exter-
nis ad In-
dos navi-
get.*

*Nitelissius
cum duode-
cim navi-
bus Indiam
petit.*

*Reformato-
rum in ur-
be Aqua-
rumgrani
persecutio.*

afflictabant, conquisiti qui accusarent, & qui patrocinium præstabant poenis jungebantur. Legati Colonienſis epiſcopi, cui id curæ Imperator mandaverat, per conciliationis ſpeciem publicam culpæ profeſſionem flexis genibus, deinde & pecuniam reis indixerant, ſumtum in litem factorum nomine, plerisque ſupra virium modum, & cum non ſolveretur, pars acti in carcerem; alii ſolum mutavere: quibus in- quies exilium, & plebis in potentes odium, in miſeros fa- vor, quanto in præſens preſſa, olim altius eruptura. In Gal- lia, præter cæteras Hiſpani fraudes, patuit Merargium, miſ- ſum a Narbonenſibus, qui provinciæ preces ad Regem per- ferret, clam de tradenda Maſſilia cum Balthazare Zunica Phi- lippi legato pepigiſſe: captusque ipſe & una Brunellus Belga Balthazaris ſcriba, apud quem indicia proditiſionis deprehen- debantur. Cum legatus miniſtrum ſuum gentium jure repo- ſceret, Rex contra facti indignitatem oſtenderet, & jus lega- tionis ab ipſo violatum, inſtat ille, ſiquid minus amice factum foret, haud id ipſum exſequi debere, qui, contra pacem Ver- binianam, palam rebellibus & quidem religionis veræ hoſti- bus ferret ſuppetias, nec Herenbergenſes tantum comites aliosque in Belgica tentaret corrumpere, ſed & Mauros in exitium Hiſpaniæ concitaſſet. Quibus Rex commotior, re- ligionem Romanam plus ſemper majoribus ſuis ſibiſque quam Hiſpanis debituram: at Belgicis armis eam cauſam falſo præ- ſcribi, cum de dominatu certaretur: quod ſi aut ipſe pecu- niam Batavis debitam perſolveret, aut Galli, impatiens quie- tis natio, ut in ultima Pannonia, ut apud Archiducem, ita illis in partibus egregio ſub magiſtro militiam diſcerent, quid hoc ſimile tot in urbes ſtructis inſidiis, tentatæque tot proce- rum fidei? (tum ſingulos memorabat) & laborato undique, ut propria regni mole ipſum ſe obruerent? Falſa quæ de Mau- ris dicerentur, & confeſſiones per vim extortas. Quod ſi He- renbergenſes, non Belgas ſed Germanos comites, haud tur- pes ad operas pellexiſſe illicitum, quid meritos qui Terraliam non ſubditum modo, ſed domus ſuæ partem, licitando ad ſe traduxiſſent? Sed hæc minora, aut ſi quis forte legatus arca- na per artes rimaretur, diſſimulari mutuo & ignoſci: cruen- ta conſilia & jugulum petentia a ſe reſelli. Zunica Britannię regem laudante, cui religionis diverſo pacem tamen ſanctius ſervari, reſpondit Rex, nova illi Hiſpanorum hoſpitia, & quo tenderent brevi experturum. Iam ad minas prolabentem

*Hiſpanus
per legatum
Henrico in
Gallia do-
los ſtruit:*

*Henrici
in legatum
indignatio.*

1605.

*Anglicana
conjuratio-
nis relatio.*

Regis iram lenivit legatus, nihil opus dictitans; Henrici Quarti tam virtutem quam sapientiam ignota nemini. Tandem Merargio ad supplicium raptō scriba legato redditus, probatumque Regi dolos dolis, quam bello ulcisci. Apud Britannos horrenda erupit conjuratio quorundam salutem suam & fidem, divinaque & hominum jura post studium Romanæ religionis habentium. Nam quia precibus rituum libertatem non impetraverant, defossa subter curiam nitrati pulveris copia, Regem filiumque & regni proceres publico gentis conventu interimere decreverant. Iesuitarum in Britannia principes, consulti ab his, qui id facinoris destabant, an fas esset magnæ fontium turbæ paucorum infontium exitium miscere, responderunt egregio in Ecclesiam bono etiam non merentes aliquos recte impendi, hoc ipsum urbium obfessorum argumento firmantes. Vnus consciōrum amicū monens, ut ne præstituto die in conciliū veniret, advertit animos, excussoque loco scelus scelerisque minister apparuit. Hoc audito participes conjurationis apertam rebellionem in remotis Britanniae moliuntur, animante pavidos Iesuita Oldecornio, ne ex uno eventu de causa judicarent: sæpe Deum coeptis sibi probatis successum denegare, quo constantia probaretur adversis: sed in ipso conatu oppressi ad iudices trahuntur. Etiam Garnetus multa olim & in Elisabetham ausus, jus Pontificis in reges ac regna in tantum extollere solitus, ut principi diris devoto non modo fidem obsequiumque non deberi, sed si juberetur, opponenda arma vel cum vitæ periculo dictitaret. Vnde intelligant potestates, quibus non Romana religio, haud classes, haud exercitus æque formidanda, atque istos auctoritate sacrorum violentissimos vulgi concitores. Accedit alterum pestilens placitum, quo magistratuum interrogata docent ambiguis vocibus, & alio quam verba innuunt mentis proposito eludere, editis eam in rem libris, quos contra mendacium mendaci titulo inscribere. Et quicquid in peccatorum confessione audierint, id arcanum atque aperiri nefas, quamvis in principis populorumque perniciem tenderet: tum quæcunque voluere colloquia confessiones vocant. Non dubitabatur has spes Hispaniæ opibus niti, ubi jamdudum Iesuitarum Anglorum sodalitia turbandæ paci alobantur. Sed conscii prodidere, haud apertam cuiquam externo consilii formam, ne dispalesceret: at qui Romæ quique in Hispania agebant fidem fecisse, auxilia illinc occasio-
nibus

nibus non defutura. Et Comitistabuli Castellano, in Britannia 1605.
cum ageret, haecenus dictum, ni Rex novus religionem Romanam
permitteret, paratos qui vim auderent; fovitque suspiciones
Archidux, Britannos apud se agentes, quibuscum captivi
participasse consilia fatebantur, poscenti Iacobo dedere
abnuens, eorumdem praecipuo in Hispaniam ablegato.
Nec tamen aut Iacobus injuriam praetulit, edicto vulgans
compertam sibi externorum principum innocentiam; aut
omisit Philippus per Iohannem Mendosam vitatum ipsi exitum
vultu verbisque seriis gratulari.



HUGO:

HUGONIS GROTHII
HISTORIARVM
DE REBVS
BELGICIS
LIBER QVINTVS DECIMVS.
SVMMARIVM.

Milites suo egre a Philippo Spinola stipendia obtinent. Bellum inter Henricum & Bullonium suscipitur. Turba inter Brunovicenses eorumque ducem componitur. Iacobus novum a suis sacramentum exigit. Magna inter Pontificem & Venetos turba; hi lapsus ejiciunt. Batavi classem in Hispaniam mittunt. Captum a Terralio Bressurum Henricus princeps iterum ad deditionem cogit. Clusam conatu irrito Terralio censuit. Buquoinis in agrum Batavum transire cum exercitu jubetur. Maximus contra Spinolam sua munis: hinc se Lochemum dedit. Grollam & Berchem obsidio Spinola expugnat. Venloa Henrico principi frustra tentatur. Spinolani militis seditis. Ernestus Nassavius Lochemum expugnat. Spinola ad ventu Mauritiu Grolla omittit obsidium. Hansani infelix maritima expeditio. Res Federatorum per Indiam Orientalem feliciores. Rerum ibi a Batavis gestarum relatio. Hobenleius & Iohannes Nassavius obaunt. Borbonia nobis Philippo Aransimensi. Lusitanorum pro Batavorum pace ad Philippum preces. Federati eam suspectam habent. Cum legatis Archiducum de ea agere differant.

1606.



Gregium Spinolæ decus addiderant, defensa princeps urbium Antverpia, capta oppida præcipua munimentis, & illatum hostico bellum, ubi minore periculo, & spe maiore certaret; primusque fortunam simul & disciplinam partium, quindecim per annos labefactata, refovisse videbatur. Igitur quaquā iret per Belgas festæ voces plaususque, & ubi in Hispaniam venit, ut mos ipsi quotannis, clam procerum invidia, palam Regis favor. Sed consilia belli morabatur attritum valido prioris anni nisu ærarium, ægreque obtinuit stipendium ad geminos exercitus, belli curam aliter abnuens; &, si daretur, paratam ostentans victoriam: ut ante Rheno, ita nunc Vahali atque Isala trajectis staturum se in ipsis Batavorum

Spinola a Philippo egre militibus suis stipendia obtinet.

vorum penetralibus. Ergo convenit, ut afflictam fidem regiam ipse suis atque amicorum opibus præjuvaret, quanto cum ipsius discrimine, anni exitu memorabitur. Contra foederati Ordines, provisus longe malis, quæ trahere secum solent copiarum vires ultra adauctæ, (& magnis præsidiorum impensis fatigabantur) in annum instantem cedere statuunt violentiæ haud sane duraturæ, contenti fines tueri, donec impetus desævisset. Quin & novi delectus per Galliam Sedanensi, per Germaniam Brunovicensi bello impediabantur. Sedanum Mosæ adjacet in ipso imperii Francici Belgicique confinio, si quando res ad bellum vergerent, momentum haud leve. Marcia domus tenuerat antiquitus. Sed Henricus Turrius vicecomes ante Turenæ, ducta in matrimonium Bulionis gentis hærede, Bulionium nomen & jus oppidi acceperat, ac mortua quamvis uxore, per speciem testamenti, cæterum vi Gallica subnixus, retinebat, privatis adhuc Borbonii rebus, & mox ambiguo regno ducum inter primos. At postquam Rex sacra verterat, & tutando regno nova reperta onera materiam querelis dabant, reformatæque religionis haud spernenda multitudo Bulionium maxime spectabat, clarum bello & fortium sæpe consiliorum auctorem, creditus res movisse, cum dicendam ad causam vocaretur, quo tempore Bironius procuravit, causatus validas inimicitias & suspectos judices, in Germaniam abscesserat: rogatusque Elector Palatinus, ut affinitatis meminisset (nam sorores principis Mauritiæ uterque duxerant) missis ad Regem legatis qui iram mitigarent, haud multum promovit, invito semper regibus externas potestates suis offensionibus interponi. Inde per viduam Wilhelmi principis Arausionensis res coepta agi, graviorque foemina sollicitudo: sed Rex pignus fidei poscebat Sedani custodiam, Bulionius oppidum arcemque in tutelam regni Gallici dare, in id foedus sacramentum præfecti ac militum offerebat, aliaque dum ne possessione dimoveretur; interim cuncta parans tolerando bello, necessitas si ingrueret. Id audaciæ, simulque potentes inimici, quos dudum in se irritaverat vir honorum cupidus & prævalentium impatiens, Regem impulere, ut magno cum exercitu isto vere progressus ipse castra ad Mosam poneret: Rex maximus non Hispanum non Burgundum saltem, ut olim, sed amicum veterem, unius oppidi dominum, tanta belli mole impetiturus. Sed reperta pacis ratio Bulionium periculo, Regem inglorio certamine exemit.

1606.

*Foederati
conventi
fines tuentur.*

*Ortum in-
ter Henri-
cum &
Bulionium
bellum so-
puitur.*

1606. exemit. Rex præfectum Sedano quatuor in annos imposuit, elapso tempore Bulionio custodiam redditurus : in ante facta ipsius inquiri vetitum, si in posterum fidem mutaret, juravere oppidani alium se principem facturos. Pace facta, vetus ipsi gratia apud Regem, ut irasci facilem, ita fidum veniæ; mirantibus cunctis hostem modo, rursus lateri proximum, curisque & remissionibus Individuum, arx ipsa intra mensem alterum Bulionio reddita. Vtrisque in Belgica bellantibus gratus is exitus fuit. Nam & Batavis triste, religionis socium, domus Nassavicæ partem affligi : & longus Archiduci metus, ne simulata in Bulionium arma ipsi incumberent. Quin & Ludovicus Velascus, tutando limiti missus, Sedanensibus auxilium obtulerat. At Brunovicensis motus jam priore anno coeperat, infenso urbi Duce, quod jura a majoribus suis partim emta, partim extorta contumacius defenderet, innixa Ansiatico foederi. Ille spe plenus posse sua virtute restitui imperium, quod progenitorum ignavia amisisset, collectis copiis, velut Spinolam Rhenum transeuntem metueret, primum per insidias immisso milite, binorum, quæ urbem cingunt, mœnium exteriora invaserat. Sed repulsis infessoribus ad apertam vim & obsidium transgressum, quanquam Daniæ rex, cujus soror nupta duci, in auxilium egregia cum manu venerat, hyems diremit. Rogati a Duce Ordines foederati ut Ernestum Nassavium bello ducem copiasque ipsi transmitterent, haud parum dubitavere, quia & grave alienam opprimere libertatem pro sua certantibus : & tamen potior Brunovicis ac Dani gratia, quam Ansiaticarum urbium, quæ nec ope nec beneficio ullo rem Batavam juvissent. Igitur ita temperatum, non ut mitteretur, sed ut copia juveni, si vellet, cundi fieret : cui se comites aliquot tribunorum Centurionumque e Batavis addidere, impetrato ut ad tempus sacramento solverentur, avidi præmiorum, quæ novis bellis promptius oriuntur. Sed brevi impetu transactum. Nam vere novo, positis iterum castris, rupta moles, quæ Dux coercitum amnem urbi superfundere speraverat, ut obsidium omitteret, mox coortæ Ansiaticorum copię ut & bello desisteret evicere. Partibus utrisque sumtuum intolerantibus, Imperatoris auctoritas subvenit, ut sponte & legum reverentia, quam coacti arma ponere viderentur, jussi judicio contendere. Præter has causas Batavis hostibusque communes, propriæ causæ hostiles delectus per Britanniam Italianamque

*Turba in-
ter Bruno-
vicenses &
illorum du-
ces compe-
scuntur.*

liamque morabantur. Nam in Britannia Rex maximo suo periculo admonitus quam formidolosi essent subditi, qui regia potentia maiorem aliam agnoscerent, in verba concepta adigi cunctos iusserat, fateri sese verum ipsum Britanniae regem, nec aut Pontificis aut ecclesiae Romanae imperio posse destitui: & si id tentaretur, sibi tamen sanctam obsequii fidem, & quae Regi noxia prodituros: nec aliam jurantibus mentem quam verborum communis usus exprimeret, nec se ejus juramenti gratiam sperare. Hinc orta gravis ipsorum inter se Romanensium discordia, dum pars Georgio Blacuello Angliae archipresbytero (id nomen ipsi Pontifex indiderat) auctore intrepidi dicunt sacramentum, profana sacris discreta rati, & religionem Deo, cætera principibus parere Dei ipsius instituto: contra alii Iesuitis accedunt, humana divinis subjacere, ac proinde religionis arbitrum, si id usus exigit, posse transferre regna, eumque ordinem pulcherrimum cuncta ut uni obediant. Interim qui eum in modum jurare cunctabantur, vetiti externas ad militias abscedere. At per Italiam eadem Pontificis potestas alias turbas conciverat. Nam Veneti, sacerdotum potentiam opesque veriti, & sua olim & aliarum gentium scita imitantes, edixerant ne templa condere, neu sacris collegiis dare prædica, nisi ex Senatusconsulto, liceret; utque vectigales ecclesiarum agri nullo tempore ad ipsas reverterentur. Quosdam insuper sacerdotes, ob veneficia, parricidia, incestus, falsimonias & vim publicam accusatos, in vincula duci iusserant. Hæc Pontifex (Paulus erat quintus nomine) ante alios incitantibus Bellarmino & Baronio, in se contumeliosa interpretatus, cum non demerentur, sacris civitatem interdixerat. Baronius, missis ad Venetos literis, monebat inter cætera viderent, ne Deus, ut quondam Hebræo populo, ita ipsis iratus erepta libertate dominum imponeret. Diu libellis disceptatum, quæ legum, quæ judiciorum potestas in sacris mancipatos: & an Pontificum iniqua jussa animos obstringerent. Major pars sacerdotum sub imperio Veneto sacris faciendis haud abstinuere: Iesuitæ, idem cum facere abnuerent, finibus ejecti. Dum res ad arma ventura sperabatur, Hispanus, cui avitum Italiae motibus increfcere, retinebat illic militem, propugnatorem se ostentans Pontificiæ majestatis. Vicissim Batavi & Pontificis odio & amore liberæ civitatis, maritima auxilia Venetis, si periclitarentur,

Iacobus novum a suis sacramentum coegit.

Magna inter Pontificem & Venetos turba.

Veneti Iesuitas ejcunt.

1606. tur, promittere, pro quo actæ per literas gratiæ multa verborum comitate. Cæterum prudens Senatus, ut jura imperii fortiter tuebatur, ita quæ paci aut majorum cæremoniis turbandis erant, anxie vitabat. Id interim principium amicitiae fuit inter duos validissimos omnium, qui non regnantur, populorum. Quæ dum apud externos aguntur, initio hujus anni Batavi classem in Hispaniam mittunt, augendæ, quæ illic esse ferebatur, inopiæ, simulque vindicandis quæ modica damna acceperant, irruptis a Ludovico Faizardo navibus, quæ sali quærendo Americæ apud insulas incustoditæ atque inermes palabantur: quarum nautæ merſi, ſuſpenſi, exulti. Sed prius edixere Ordines, ne quis civium, aut gentis alterius frumentum aliave in Hispaniam ferrent, & olim & nuper comperto allectas in ſpem commercii naves bellicis uſibus attineri: ire ſe obſeſſum hoſtiles portus, eo quiſquis tenderet, prædam fore. Miſſæ viginti quatuor naves publicæ, Wilhelmo Hautænio imperante: tum quas privati in ſpem prædæ armaverant, magno numero, ſed regi indociles. Inſſa acceperant venientem ex America classem intercipere, & Luſitanicis navibus in Indiam ituris præcludere exitum, quam in rem ſocietas Indicana pecuniæ haud parum ærario intulerat, quo & armis hoſtium & contra licitantibus liberi, tuta ac lucroſa commercia agitent. Hautænio tardum iter ventis obluſtantibus, ſed prædarum haud egenum, cum & mercatores obvios & littora popularetur. Luſitanicæ naves retentæ, donec deſperato exitu acceptum jam onus in terram reponerent. De Americanis allati nuntii, unam argento regio onuſtam, Batavæ navi implicitam pariter aſſiſſe, tres tempeſtatibus abſumptas, quatuor Havanæ portu inanes, id enim addebatur, opperiri navigandi tempora. At Hautænium jam victus deſecerat, & miſſas e Batavis recentes navium, quæ alimenta ferrent, venti morabantur. His de cauſis cœpta æſtate domum revenit, exſpectato celerius. At quanquam tarde exercitus prodire, non ceſſatum a belli curis, inquieto præcipue Terralia, ex quo irritos ad Bergas conatus non ſibi, ſed militi imputabat. Et forte in Batavos equites illapſus, acceptoque vulnere vix fuga incolumis, ut revaluerat, flagrantior in ultionem ferebatur. Hoc incitante quingenti Hiſpanorum equites Rhenum tranſiere, præmiſſo rumore Batavum a ſe equitem peti; qui perducto ad Brunovicum fines Ernēſto Naſſavio redibat acta per agrum Parel-

*Batavi
classem in
Hispaniam
mittunt,*

*imperante
Hautænio.*

*Classis do-
mum præ-
dictam
haud ego-
na rediit.*

*Captum a
Terraliis
Breſiortum
Henricus
princeps,
iterum ad
deditionem
cogit.*

Patelbornensem præda gravis. Sed Mauritius cognito per exploratores adesse ipsis Terraliam, monuerat Transrhœnana præsidia, ne quid securitate peccarent. At ille ex Oldensalia assumptis peditum mille ducentis, vitata in itinere Grola, longo ambitu Brefurtum nocte advenit. Hilaria tum forte agebantur, quæ & paganum & militem in conviviorum licentiam solverant. Excubitores decepti primum, clamantibus ultro, qui cum Terralia erant, Mauritianos sese cum hostis premeret amica sub moenia refugisse. Vix dolum suspexerant, cum appensis machinis, portæ duæ, tum porta intima diffiliunt, tam modico inter hæc tempore, ut pauci in vallum procurrere, mox oppidum tutari frustra tentaverint, cæteris in arcem refugis, quæ propriis munimentis, & jam rescisso ponte oppido sequebatur. Quod virorum remiserat trucidatum; quædam & foeminae expleta libidine intererant. Quatuor in arce tormenta, in oppido totidem, sed nitratum hic deerat. Nec omisit præfectus arci Lavicus proxima in oppida nuntios dimittere, rogans succurrerent parato ultima pati, quam loco cedere. Coortæ statim Transisalanorum turmæ duce Warmeloo, assumptos equis pedites palustri solo arci intulere, perrupto munimento, quo claudere aditus Hispani paraverant. Miserant & qui oppidum tenebant ad Ludovicum Velascum auxilia orantes: Rurisdam is valido præsidio infidebat, isque ire iussit pedites quadringentos nitrato onustos: sed audito circumfusum oppido Batavum haud ausi penetrare, quanquam locorum stagnantia & tenebræ, necdum multus hostis, ad fallendum opportuna. In reditu a Filleri equite profligati, pars cæsa, pars in potestatem venire. Atque interea profectus Haga Henricus. Nassavius, contracto quantum poterat cohortium, & equite, quem Patelbornensi ex agro regredi memoravimus, perficit obsidium: quod haud diu pertulere graviter ex arce telis obruti, ita ut octavum intra diem centum suorum desiderarent, reliqui fossis sub terram scrobibus vitam tutarentur. Pactum fuit, ut exirent incolumes, reddita præda, etiam captivis, quos oppido potiti Oldensalam ablegaverant. Propterare scilicet obsidentibus visum, consurgentibus undique Hispanorum copiis: quod si perstitum foret, potius captus Terralia gratum regi Gallia munus dari, exemplumque statui, quo & crudeliter usi victoria punirentur, & alios infeliciū insidiarum terror impelleret, iustis potius armis, quam dolo

1606.

*Successus
haud felici-
ori Clusa
Terralia
sentitur.*

grassari. Nihil his fractus Terralia majora aggreditur, parumque absuit, quin dignum totius anni labore opus nocte una conficeret. Acceperat ex perfugis, qua Clusa orientem aspicit, nullas extra oppidum excubias, deustis neque dum repositis stationibus. Igitur Cadfantæ madentibus campis mille ducentos Walones & Hibernos secum trahens, castello hostium, quod itineri interjacet, haud observatus, quo destinaverat, pervenit. Convenerat ut Fridericus Herenbergensis alias majores copias Damma duceret, capto oppido arcem oppugnaturus. Primis supra spem prosperis extrema contra evenere. Pontes duo peniles, portaque una disrupta adhærentibus machinis: interior, quæ supererat, hætenus crepuit, ut binos transmitteret: nec quicquam obstabat, quo minus & in vallum haud sane editum eniterentur, cunctis intus securis. Audierat Notius hosti aliquid parari, monueratque vicinos præfectos, castellis metuens, nec unquam suspicatus id ipsi audaciæ, ut abstrusum intimo recessu oppidum invaderet, tot circum custodiis cingentibus. Itaque in quietem se & ipsius exemplo alii dederant. Primum ingressos id ipsum terruit, quod tantum in oppido silentii, prævisos se, dolumque subesse falso credere. Accessit quod pars militum, præfinitum ad tempus jussi alia oppidi regione movere arma, defuerant imperatis, quia æra forte oppidi horam significantia id noctis haud sonuerant. Dum cunctantur illi, qua patebat, irrumpere, pauci & crepitu portarum, & armorum sono excitati, semermes, seminudi, ut stratis exsiliant, portam intimam obstruxere; peccatumque ab oppugnantoribus fuerat, quod non tubos, sed hastas in fronte locaverant, quibus haud æque promptum contra tela ingredi. Primis dejectis, auctus in cæteros pavor, captaque fuga, confusis ordinibus proturbabantur, qui densi ponte steterant. Iamque Notius prolatis tormentis conglobatos in arcum late sternit. Quingenti ferme confossi telis, aut aquis cænoque obruti: nec reditus sine sanguine, cædentibus terga, qui manifesto jam hoste castellis undique proruperant. Vitato ingenti discrimine curatum, quod ante oportuit, ut munimentum portæ prætenderetur. At Archiducum jussu militum rectores aliquot, quorum ante alios ignavia accusabatur, supplicio affecti, documentum in alios fuere, honesta pericula mallent, quam detrectatis imperiis certum ac turpe exitium. Iam dilata spe belli Veneti ob gravem Italiciæ annonam,

nam, Hispanorum cohortes Belgium intraverant : venit & 1606.
 Spinola febris quaquam tardatus, vulgataque morte securitas Batavis creverat, haud minus falso gaudio, quam quo per arma externa quietem sibi speraverant. Soluto Galliarum exercitu, nonnulli ad Foederatos : e Brunovicensibus copiis plures ad Spinolam transiere, partemque ejus equitis ducens Iohannes comes Ridbergius, Transsylvanici comitis frater, damnum passus est incursum hostium. Pars quoque pecuniarum ad Marchionem quae ferebatur intercepta : & per Machliniensium agros tributum negantes exercita a Batavis populatio. Spinola ubi crescente primum aestate progredi statuit, quippe incessurus locis ingenio suo madentibus, cum Buquoio curas copiasque partitur. Illi decem peditum millia, mille ducentos equites, tormenta duodecim ascribit, cum mandato, ut in agrum Batavum transfret, quem Rhenus in Vahalim sui que nominis alveum divisus amplectitur. Ipse undecim peditum millia sibi sumit, equites bis mille, machinas octo haud amplius, plura simul agitans, Frisiaeque, sed magis Velaviae intentus : ita pars Geldriae dicitur, quam Rhenus idem & commissus Rheno Isala ambiunt, Trajectum Batavorum mox animo agitans, magnam urbem quam validam, & vulgo mobili promptam seditionibus. Quo expeditior pergeret, remoto castris mulierum comitatu, victum curribus, tum scaphas, pontes, etiam molas attraxerat. Quod si destinata provenissent, & utroque ex latere coissent exercitus, Foederatorum intima minusque firma ad vim patebant, extrema eademque munitiora auxiliis & comaeatu avellebantur. Sed Tubantum finibus euntem Spinolam tenuit foedum assiduis imbris coelum : unde aeger miles viisque fluentibus lentum adeo iter, ut quo primi pervenerant, postremi vix altero die sequerentur. Ita in Frisiam aditum quae intercedunt palustria plus solito humentia abstulerant. Simul Isala, alias quoque haud spernendum flumen, aquis pluviis ita intumuerat, ut vado transitum non daret. Nactusque inter has moras Mauritius tempora subvehendi militem (decies mille pedites, bis mille quingenti equites erant) adfidere anni, Daventriam, Zutfaniam, Dussoburgum, praecipua oppidorum praesidio atque opere firmare, caetera permittere eventui. At Marchio alia atque alia consilia versans, dum cuncta explorat, dum coelum commodius opperitur, insensus otio, mittit interim qui Lochemum Zutphanienfis

Buquoio cum exercitu in agrum Batavum transfret jubetur.

Ipse Spinola Frisia Velaviae intendit.

Mauritius praecipua urbium contra Spinolam munis.

1606.

*Hinc se de-
dit Loches-
tum.*

*Iustinianus
militem
Vahali tra-
ducere a
Dubosio
prohibetur.*

*Mauritius
contra im-
minentem
hostem in-
gentis sta-
tia mun-
imentis ob-
ducit.*

pitionis oppidum, levibus munimentis, sed illis in locis moranti haud incommodum, obsidio premant. Trecenti tantum servabant, imminuto praesidio, dum majoribus urbium consulitur; praecipue simulata petri Daventria Mauritium in se traxerat: itaque postero die, perductis jam ad fossam operibus, oppidum dedunt: visum Hispanis & collem in proximo immunire. Sub idem tempus Buquoii jussu Pompejus Iustinianus quatuor mille pedites ducens, quingentos equites, machinas duas, mane primo vicum advenit, cui Spardorpo nomen est, ripa Vahalis sinistra, promptissimosque militum imponit lintribus, quas triginta advexerat, ipse mox caeteros traducturus, egregio ordine, simul solvere jussi, simul exscendere lecto ad id loco: neque enim ubique appulsus facilis. Sed Warnerus Dubosius, cui latus istud imperii tuendum Princeps dederat, repentibus nuntiis Noviomago excitus ripam interiorem oppleverat. Isque conspectus terruit nautas, qui simulantes impetu se fluminis abripi, quo minus destinatum ad locum pertingerent, mox retro cedere. Parabat Iustinianus iterum Vahali militem immittere, sed agglomerantibus copiis valescentes Batavi, dejectaeque Gravewarta bellicae naves vetuere. Tum sollicitus, si unquam alias, Mauritius, ne tot simul locis, tantisque copiis imminente hoste improvisum vulnus acciperet, quicquid a primo Rheni divortio Bommelianos usque confluentes Vahali praetextitur, tum quicquid latere altero Arnhemio atque inde Hattermo. tenus Rhenum intra atque Isalam jacet ingens spatium subitis munimentis obducit; intervallis haud majoribus quam ut signa commodè oculis auxibusque transmitterent. Naves quoque crebras annibus jussit discurrere, spectandis hostium conatibus, ferendisque nuntiis. Infra Hattermo. Isala quatuor horarum itinere haud longius Frisicum maris suum illabitur. Iuxtaque Vidrus, quem nunc Vectim vocant, Westfalorum finibus veniens, acceptis mox aquis, quae Tarantiorum solo bituminoso colorem ducunt nomenque Atri fluminis, flexus suos Isalae proximat, donec eodem condatur ingenti sinu. Agri quod amnes ac mare inter patescit, Matterbrukia dicitur, haud absurda ex antiquo conjectura, Mattiacorum paludes ea voce indicari: peninsula fuit, nunc insulae in modum redegit ducta inter amnes fossa atque opera alia, qua parte Suolla est, Transisalani juris oppidum. Postquam adempta caetera, haec per loca jungi pe-

lago,

lago, aut certe Suollam claudere, spes Spinolam invaserat. Et quo falleret, ipse legens Zutphanix propiora, atque illac missis libratoribus Isalam pertentans, cum parte exercitus Solrium mittit. Sed & hujus conatus celeritatem imbres distinuerunt, donec Suollam perlatus adventantium rumor: & qui ibi tum curabat Warmelous, adjuvantibus bellicis navigiis duobus, hosti Vidrum transire paranti restitit. Tormenta Solrius attulerat duo, sed & globis justo majoribus & tabulatis, queis sustinerentur, per errorem inspectorum haud respondentibus, nulli usui fuere. Vbi nec hoc successit, & tota illa spes amnes transeundi in vanum abiit, versa ad obsidia curæ: & ipse Spinola Grollam, Zutphanien-
Spinola tentato frustra Suolla obsidio sibi Grollam. Buquoio Norioma-gum expugnandam iungit.
in comitatu, castris circumvenit: Buquoio mandat Noviomagum aggredi, ut, si nihil aliud, hostem Isalæ tutela averteret. Buquoius primum Archiducis iussa scitari, postquam idem & ipsi placitum, alias Vahalis transeundi vias novosque conatus obtendens diem ducere, veritus ne irrito labore famam corrumpere. Grolla, nisi qua Slinga amnis præfuit, vallo duplici ambitur. Præsidium mille trecenti milites Dortio regebantur, juveni claris majoribus nec ultra noto. Primum erumpere ausi, mox haud ultra tela certavere, quæ spreta hosti, cui gravior temporis quam militis jactura. Exteriora mœnium non expectato impetu deserta, duobus locis Itali Hispanique septimum intra diem capiunt, adjuti pontibus, quos imposito doliis panno exstruxerant. Germani, queis tertia regio obvenerat, segnius irrepsere. Mox primi obruta fossa Itali propugnaculum lubeunt, cæteri repulsi, aut longius aberant. Tum oppidani suffossiones, & propiora prælia metuentes, præfectum adeunt, orantque præveniat ultima, nec irritet ducem suorum quoque sanguinis, nedum hostilis prodigum. His ille victus, quantum acceptis literis, quæ auxilium biduum intra promittent. Nam Mauritius Vahali quoque & Transifalannis urbibus præsidia abduxerat, tentaturus si qua obsidium perumperet. Gnarum id Spinolæ, ideoque addiderat minas in pertinaces, & cedentibus benignas pactiones. Haud tacendum reor, adeo nullam plerisque partium curam, ut Grolla aliisque ante oppidis captis, cum per pacta egredi liceret, manserint oppidani prope omnes contenti qualibuscumque facris, qualicumque republica. Capta Grolla Marchio, cum
Capta Grolla Marchio capta obsides.
imbres & per victus inopiam & humentibus campis fatiga-

1606. rent, Bercam obsidere statuit, sitam eminentiori solo, & propinquo ad castra comiteatu: postquam majora consilia haud evenerant, non aliam urbem digniorem ratus, de qua totis viribus certaretur, seu commoda loci seu famam spectaret. Nam Berca, prioris ævi in morem, lapideos quondam muros nulla arte sinuatos fossamque habuit: hoc bello, mutata sæpius possessione, aggerem leviter structum fossamque aliam partim Hispani, partim Batavi circumjecerant. At anno proxime elapso Ernestus, in id ipsum missus, novum ambitum lunatis operibus & alibi propugnaculorum in modum excurrentibus continuaverat; & his sua fossa, modico præducta aggere: tum, quo largius præsidio spatium foret, cunei in morem lorice addebantur: sparsimque per campos, qua oportunitum, quadrato opere militum stationes. Et quæ oppido præjacet insula castello similesque per loricas ac stationes tenebatur. Pons inde impositus Rheno Germanicam ducit in ripam, inque ipsa ripa justa castelli moles, minor altera, iterumque lorice. Prior relicta Geldria Buquoiius Agrippinensium per agros ad oppidum venit, capta in itinere Batavorum nave, quæ Rheno ferebatur, & aliis exustis, quarum nautæ profugerant. Sed priusquam aditus clauderet, profectus Mauritiæ castris (ea ad Dufoburgum hætenus fuerant) frater Henricus, multo equitum comitatu, centurias peditum quatuordecim oppido intulit: quibus increvit magnum & ante præsidium, ut essent jam equites prope ducenti, pedites supra ter mille. Reliquum equitis in castra reduxit Henricus, nec laceffens hostem prælio nec laceffitus. Sed claufere se oppido clari sanguine atque opibus Gallorum juvenes, quos inter Subisius ducis Rohanii frater, ostentandæ virtuti, parandisque artibus, quibus urbes impetere, aut tueri longus bellorum usus invenerat. Paucis post diebus, vergente in autumnum anno, per Clivios & Spinola incessit, sibi que summis Transrhenana munimenta infringere, illaque arcere Mauritium, si forte sequi auderet. Obfessus eques primum illac prorupit, parumque absuit, quin ducem ipsum cum paucis progressum caperet. Proximus in Buquoii castra impetus, ubi Baro Flessius e Gallica nobilitate, dum promptius se quam cautius hosti infert, in manus venit. Dum Spinola castris jam ponte junctis, quod trans flumen erat castellum, aliaque operum telis fatigat, Edmundus Scotorum tribunus, isti curæ præpositus, vulnere

*Princeps
Henricus
auxilia op-
pido infert.*

*Subisius
aliique
Gallorum
mobiles ju-
venes se
sponte sua
oppido
claudunt.*

occu-

occubuit; tantumque valuit mors & fortis viri & periti re-
 storis, ut qui præsidio erant omiſſa ripa retro in inſulam ce-
 derent: tuta hæc adverſus hoſtem, Rheno tuente. At Agrip-
 pinenſi ora ipſa oppidi munimenta, tormentis, ſoſſioni-
 bus, poſtremo manu oppugnabantur. At Mauritius primum
 per literas tentare proceres quid faciendum cenſerent: cum
 hi cuncta ipſius arbitrio permiſiſſent, etiam ut ſi vellet præ-
 lio certaret, palam multa velut ſoluturus obſidium moliri,
 quo ſuis animum, hoſti moram adderet, clam fixerat ani-
 mo, Bercæ damno annum extrahere, ut adverſus rumores
 pervicax, ita fortuitorum timens; nec aberat metus, ne, ſi
 media, abducto exercitu, paterent, Spinola relicto obſidio
 Iſalam Vahalimque repeteret: tum vero recepto intra viſce-
 ra hoſte, damnaturos jaſtantiam, qui ſpecioſa tutis prætu-
 liſſent. Igitur nec contra tendere: nec alia ipſe oppida aggredi:
 ſed Veſaliam propter ſedere ſpeculabundus: & modo cau-
 ſari quod pontes tardius adventarent, modo propius hoſtem
 progredi, ſed ardentem in pugnam militem in caſtra redu-
 cere. Caſtellum hoſti inchoatum qua Rheno Luppia miſce-
 tur, accepit in deditioem perfecitque, pellendo otio, &
 ne quid obſtaret quocumque uſus uſiſſet iter vertere. Multis-
 que audendi imitamentiſ movit hætenus Spinolam, ut aper-
 ta prius caſtra muniret, occupatis, qui in proximo, collibus.
 Proruptum ab obſeſſis iterum ſæpiusque, majore ubique nu-
 mero, nec infeliciter, & clara ubique Gallorum audacia.
 At ubi propius viſ hoſtium urgebat, haud parum noxæ cu-
 nicultis dederunt. Sed elanguit animus, poſtquam auxiliorum
 ſpes nulla, & hoſtes cladium ſecurus, opera, tela, pugnas
 urgebat. Nitrati copia in longum ſuperfuerat: ſed prodige-
 uſi effecerant, ut hujus quoque penuria deditioem feſtinan-
 dæ cauſis accederet. Volebat videri Vtenhovius (is Bercæ
 præerat) & Galliæ dediffe, ne florem juventutis & magna-
 rum domuum pignora in exitium projiceret, patriæ haud pro-
 futurum. Ereptis in partem propugnaculis, nec ſane validis
 interioribus, deduntur oppidum, inſula, & quod intus na-
 vium. Quingentos e caſtris, intus haud æque multos, ſed
 hōs inter Sanctangelium Gallum claris natalibus, globi aut
 prælia abſumſerant. Movit Batavos famoſi oppidi jaſtura,
 quæ poſthac belli fortuna reputantes, ſi nec exercitu contra
 iretur, nec munimenta niſi breve in tempus ſubiſſerent: id
 partum immenſo muniendi labore, ut in paucos ultra men-
 ſem

*Mauritius
 Bercæ dam-
 no annum
 extrahere
 ſtatuit.*

*Bercæ dedi-
 tur.*

1606. sem dies exiret obsidium. At veterem rudemque operum

*Venloa frustra
Henrici
Principi
sensu.*

Bercam, sexto ante anno, arma sua diutius contemisse. Pridie quam Berca traderetur, Henricus Nassavius accepta parte copiarum, nocte Venloam conabatur irrumpere, discussa porta vi machinæ, quam appenderat, & quidam militum per propugnaculum, quod amni Mosæ imminet, enisi. Sed porta alia obstabat, & priusquam frangeretur, oppidani & qui sub præsidio erant equites peditesque impetum retudere. Parte alia maritimis Flandriæ oppidis per natatores navesque e Zelandia structas insidias eventus destituit. Nutantem multo scœnore Spinolæ fidem infausti ex America nuntii graviter afflixerant, quibusdam mercatorum, quorum implicitæ cum ipso rationes, coactis conturbare. Vnde pecunia deficiebat, & solitus solari militem parte stipendii re-præsentata, jam ne id quidem poterat. Ac nuper Wachendonck ortas discidii voces unius militis cæde, & poena insuper duorum, præfectus oppresserat. Mox continua itinera & in castris labores retinuerant disciplinam. Postquam Ber-

*Spinolam
militis se-
ditio,*

ca cesserat, nec aliud hostile in proximo nisi Mursæ, quam præsidio gravem aggredi Spinola autumnio augescente verebatur, accensi otio questus: nec tantum paupertas, sed morbi, lassitudo alios omnes, equitem præcipue pabuli egestas irritabat. Multi ad Mauritium, pars alio fugere: quibus plus animi, ignava habere, quæ singulis fierent, ipsi per globos palari campis, mox eligere rectorem, aliaque ordinare quæ seditiones indicant validas ac duraturas. Dum paucitas contemnitur, Spinola primum proscribere nomina, ac velut legibus reos agere: ubi invaluerant, per legatos blandiri: sed illis sine viribus minæ, & sine rebus promissa perinde curabantur. Sexcenti ferme, pars major equites, Hochstratam concessere, notam talia cœptantibus sedem. Sed nulla loco jam munimenta, quia Archiduci Batavisque nuper convenerat, ut ipse hanc arcem, illi Woudam vicissim, nudata belloque excepta dominis permitterent. Et consurgere Alberti iussu in ultionem copiarum audiebantur. Igitur Bredam propius confident, mittuntque ad præfectum Iustinum Nassavium, qui dicant aliorum se exemplo Mauritiæ ad opem confugere, quem norint æquum viris fortibus: non adeo leve in ipsum pugnare, ut sine pretio haberi debeat. Data postulantibus alimenta, arma, quinetiam, et si periclitarentur, spes suppetiarum. His motus Spinola, ne longius

*Dantur il-
li a Iustino
Nassavio
alimenta;
sicque sup-
petiarum
spes.*

gius malum serperet, fidissima cohortium propinqua in op-
pida dimittit, reliquum exercitus Agrippinensium per agros
spargit, ut quondam Mendosa, quibuldam & a civitatibus
pecuniam accipit, quo finibus ipsarum militem abstineret;
honestorum retinens dum necessitas abfuit. Turbatæ res ho-
stium spem foederatis Ordinibus fecere recuperandi quæ hoc
anno trans Rhenum perdita, valido satis exercitu postquam
Berca egressi accesserant. Erant peditum millia non minus
quindecim, equitum tria. Haud nimis properatum, velut af-
fluente tempore, nec cuiquam suspecto futurum, ut hostium
copiæ stipendio obsequioque exhaustis revalerent. Loch-
mum Ernestus Nassavius cum parte militum missus quartum
intra diem subegit, iisdem quibus nuper Spinola conditioni-
bus. Nec ante Grollam impetiit Princeps, præcipitante jam
autumno. Henricus Herenbergensis sexcentis peditibus,
turmaque sua, ac multa machinarum vi, oppidum tuebatur.
Ac forte fusi uberius imbres, haud acceptante humo fodien-
tium opera, moram obsidio, simul morbos intulere. Par-
cebaturque militi in spem cœli mitioris, cum nuntii adsunt
præsidii agrisque sparsas cohortes Spinolæ colligi. Tum ve-
ro avido Principe & obsidium impellere, & castra munire
adversus vim externam, duplicatus militi labor: tardum id
fuit propinquo jam hoste. Nam Spinola ipse & per duces,
quorum præcipua apud milites auctoritas, promissa precibus
cumulans permoverat, ne abnuerent brevem operam ma-
gno usui famæque. Septem millia peditum contraxit, equites
mille ducentos, Mauritio multo impar; attamen prælio in-
cessit, virtuti suorum filius, an expertus hosti aciem vitari,
quæ conjectura haud fefellit. Ipsi mille ducenti in fron-
te, lectus toto exercitu miles: tum pariter duo Hispanorum
Italarumque agmina: postremo novus ex Germania miles:
decem omnibus machinæ: eques latera circumfundebatur,
munitus vehiculis ne obrueretur Mauritiæ turmis: namque
eam partem hostilium copiarum maxime formidabant. Co-
gnito per exploratores quæ pars castrorum leviter nec nisi
palis firmata, illac, longiore quamvis & per palustria im-
pedito itinere, ostentat aciem. Mauritius, quanquam Ord-
ines potestatem pugnandi fecerant, militesque in pugnam ar-
dentes, Galli præcipue, clamabant, quærendas perpetuo late-
bras cedendumque hostibus, si nunc in paucos, madribus,
frigore, eundo fatigatos certamen defugerent, in ruta ca-

*Lochemum
Ernestus
Nassavius
subegit.*

*Advenit
Spinola
Princeps
Grolla obsi-
dium com-
tit.*

1606. strorum retraxit copias; multos suorum morbosos confectus, & facilem inde in ceteros pavorem. Spinola soluisse obsidium, suis auxisse animum, hosti imminuisse gloriam pro magna victoria habuit. Mox itum utrinque in hiberna. Ordines Foxii Germanicam cohortem conscriptam hoc anno dimisere, majora quam ceteri stipendia merentem, eoque exemplo gravem. Et terra quidem bellum hac stetit. Mari Hispanico, postquam publica arma abcesserant, privati haud parum damni dedere: magnæque naves Hispanorum Batavas inscutæ singulas & minores, ultro oppressæ. E-

*Hautænius
infelix ma-
ritima ex-
pectatio.*

statim exitu missus iterum Hautænius America Indiaque adventantes classes excipere, viginti quatuor cum navigiis; sed horum sex dispulsæ tempestatibus. Mox improvidis imparatisque Fasciardus supervenit, cujus octo magnæ naves, Galeones vocant, vento secundo ferebantur: aderant & longæ naves, sed hæ vim venti haud ferentes littori succedere. Ut moles Galeonum, ita terror ad id usque temporis ingens erat: & quasdam olim procellis disruptas aut impactas scopulis, ut meminerant Batavi, ita victarum prælio nondum exemplum exstabat. Vnam harum, Zelandicæ navi a prætoria secundæ, cui Reinerus Nicolai præerat, implicitam, ita exhorruere ceteri, ut primum aspectarent, inde, suborta nocte, retro cederent. Ille a sociis relictus, vir magni animi, non tamen destitit duos totos per dies, plerisque suorum amissis, malo disiecto, lacera nave morari victoriam. At postquam nulla usquam auxilia, & fluctus ingruiebant, ne quis vivus in potestatem hostium veniret, una omnes consensere in facinus acre & patriæ profuturum. Flexis genibus Deum precati, veniam ut daret, quod brevi exitio ludibria hostium effugerent, nitrato pulveri flammam injiciunt: ea vis sexaginta homines abripuit: duo semiusti paulum provixera, ab Hispanis excepti, cum miraculo spectantibus horridos vultus vocesque, & in ipsa morte contumaciam. Sparsis hæc illuc Batavis, ex India naves Vlyssiponem, ex America Fanum Luciferi subeunt. Sed India adventantes, ut ab hostibus tutos, ita tempestates affligerant. Naves duæ haud procul Bonæ Spei montibus jactu facto inanes Mosambicæ littoribus mare vitaverant. Duas itidem sub ipsa Tagi ostia fluctus hauserat, servatis vectoribus, sed merces humore corruperant. Americanæ naves numero quinquaginta fausto navigatu argentum met-

*Reineri Nicolai acre
facinus:*

cium-

ciumque pretiosa, duorum annorum proventum Regi ac mercatoribus tulere : eo sublevata jam manifesta Hispania paupertas, fidesque subito resecta. Batavis impensa periit. At eorundem per Indiam res fato meliore administrabantur. Rediit quippe Stephani Verhagii classis, quam tertio ante anno egressam memoravimus, claras toto orbe victorias & foedera regum ferens. Primum namque obviam Molambica haud procul Lusitanorum Caraccam ceperant, incendrantque, ne oneri foret. Aliaque navis easdem sub oras, atque alia Calicuto veniens oppressa. Ibi Samorinus Malabarum late rex Lusitano nomini per data acceptaque damna infensus, societatem belli cum Batavis ultro oravit, firmavitque sacramento; terrestribus copiis ipse validus, navium egens. Literæ, quas ad Mauritium misit, indicabant, placere ipsi, ut Batavis castellum suo in solo strueretur, tum pertracto idem in foedus Hidalcano vicinorum regum potentissimo (Mahumetistæ sunt ambo) Cochino Goæque, præcipiis Lusitanorum coloniis, imminerent. At legati, quos rex Achiemensium ad Ordines Principemque miserat, in patriam reportati, inclitarum regionum & gentis domi quoque belatricis fama Sumatram vicinosque populos implevere. Mox obviam navis, Moluccarum præfectum Hispanicum ferens, in manus venit. Moluccis haud procul nobilis est Ambonæ insula, quam, ut multa ejus orbis, colonia arceque Lusitani infederant. At indigena populus odio impotenter dominantium amicitiam Batavorum, ut primum eo venerant, avide acceperat, & ob id gravia passus, in hos fidem, iram in illos obduraverat. Arcis præfectus, cum sub ipsa munimenta subire classem prospiceret, misit ferociter qui interrogarent, qui essent, quid illis rei apud præsidium sibi creditum. Respondere illi, Ordinum foederatorum ac principis Mauritiæ imperio venire, se regis gentisque Hispanorum atque ipsius publicos hostes, cæterum qui forent brevi sensurum. Simul oppugnandæ arci expediebantur. At ille, ut atrox in imbelles, ita adversum armatos pavidus, haud expectato impetu, deditit arcem triginta instructam machinis. Sexcenti cum ipso datis navibus proxima in littora devecti. At quadraginta sex Lusitanis cum sua cuique familia manere suetis locis, inque Ordinum & Mauritiæ verba adigi volentibus fuit. Cum indigenarum primoribus (namque hi insulam regunt) foedus factum quale cum Bandanis ante

*Paupertas
Hispanica
Americana
navibus
sublevatur.*

*Res Foederatorum
per Indiam
Orientalem
feliciores.*

memo-

1606. memoravimus. Additum, ut fidem Batavis juramento singuli firmarent. Relicto hic præsidio, divisa classis, & Bandam alii, quinque naves, Cornelio Sebastiano ducente, in Moluccas ferebantur. Sed, ut intelligatur quanta tum de re certatum fuerit, inter duos populos mari potentes, res altius repetenda est. Insulas inter, quas tot millia Oceanus Indicus complectitur, ut numerari hæcenus nequiverint, eminent quinque, vel hoc uno, quod aroma clavi specie, quod caryophyllum dicimus, suavissimi odoris, nec minoris usus condendos ad cibos, prope solæ ferant. Nomina illis nunc nota sunt Ternata, Tidoris, Motiel, Makiam, Bacian: olim alia fuisse, Cupe, Duco, Moutil, Mara, Seke. Magnitudo singulis fere, quæ Walachriæ apud nos: cælum ut percoquendis aptum frugibus, ita corporibus humanis grave, ob vapores, quos sol adeo imminens haurit; quippe positis sub Æquatore terris, quarum & visceribus incensis flammant juga. Sinenſes circa annum, qui Christianis numeratur a millesimo tertius & decimus, late per Indiam effusi has quoque insulas tenere, non sine sumtu & sanguine; quorum tandem pertæsi introrsum se recepere, derelictis quæ sexaginta per annos possederant. Post hos profecti Malaccensi regione infedere, & his pulsis, Persis mixti Arabes, qui & Mahummetismum intulere, mixtum diu inolitis superstitionibus & paulatim quoque ab his secretum. Nec aliunde ipsum nomen, nam regna Moluccas Arabes vocant: ab iisdem regum nomen Sultanos, & alia vocabulo usurpant. Græcis veteribus ac Romanis ignoratæ hæc insulæ, nisi quod videri possunt latuisse sub communi Sinarum nomine, aut inter insulas Iambulo visas, quas Diodorus Siculus memorat. Ipsum tamen caryophyllum habuere per Orientis populos: & quia Ægypto transibat auctum hinc Ptolomejs regibus, & qui in eorum potentiam succedere Romanis vectigal. Labefcente re Romana, Genuenses & secuti hos Veneri per Theodosiam petiere, quæ Caffa post appellata est. Ex quo Constantinopolis in Latinos cesserat, & Græca invidia alias imperii sedes, inter has Trapezuntem legerat, tractum huc per Caspium mare mercimonium; itinere olim quoque Romanis non tam usitato, quam cognito, ut ex Varrone Plinius docet, & postquam ibidem Turcæ invaluerant per camelos ac dromadas Aleppum ivit: sed Cairum qui tenuere Sultani rubro iterum mari & Alexandriæ reddiderunt. Lusitani postquam multi Afri-

cæ

*Rerum in
India a
Batavis
gestarum
altius repe-
tita descri-
ptio.*

cæ Asiæque cognoverant, coloniisque infederant, anno primum exacti modo sæculi duodecimo in has insulas venire, armatique regum ibi diffidiis & sua classe facile caryophylli se dominos fecere, corruptis etiam navibus, si quæ ab Arabum aut Persarum oris venirent, & omni in Ægyptum itinere præcluso: ita Sultani non minus octuagesies mille ducatis annum periiit. Reges erant ea tempestate Ternatæ Bolcificus Borgei filius, vaticinari etiam inter suos ausus; Tidoris Almanfor, infesti inter se veteri certamine & dominationis augendæ avidi, quod servitutis utrisque initium fuit. Lusitani Ternatensis, ut qui latius regnaret, societatem prætulere, & ut nihil illicitum crederent in homines Mahumeticæ religionis, Almanforem iussa sua detrectantem veneno necant, quam ob causam filius ac hæres ejus Raxamira fidei se permisit Castellanorum, qui octavo post anno in eas partes palam, ac velut possessuri, venire, quas tamen e suis Magallano priusquam Lusitanis visitatas aiebant, & divisi orbis parta locorumque positum, multo adhuc dimensionum incerto, sic interpretabantur, ut suis finibus hæc includerent. Hinc cum barbarorum odiis Hispaniæ duo populi implicarentur, pugnatum acriter, nec diu tamen, quia in Castella regnans Carolus quintus Imperator pecuniæ egens, necdum satis intellecto quanta res ageretur, acceptis a Iohanne tertio Lusitanæ rege ter centum & quinquaginta ducatorum millibus, jus illi suum in Moluccas pignori tradidit. Ex eo Lusitani prohibitu illic agere. Caryophyllum omne Goam mittere, unde Persæ, Turcæ, Sinenfes, Afri petebant, vix tertia parte remanente; quæ Europæis gentibus venderetur. Itaque haud mirum ex Moluccis insulis & Ambona, quæ haud longe eandem fert frugem, & Banda, ubi nux odorata optime nascitur, cujus est flos, quem macin vocant, venisse quotannis Lusitanæ regibus ducenta millia ducatorum. Nihil ad hæc piper & zinziber, passim nascendo vilia, nihil aroma casuæ, maris ægre tolerans. Cum opibus & in barbaros régēs injuriæ crescebant. Versa palam in dominationem societas, & quæ olim fidei vincula, fallendi nunc artes erant. Bolcifo mortuo, qui in regnum successerat filius Bajanus pro captivo habetur, & post eum frater idemque & rex Dajalus. His quocunque modo mortuis, regnum accepit Airias, qui & ipse victus primum & post trucidatus, nullam sane ob culpam, integer obsequii, sed invidia potentia. Nam multæ insulæ circum quæ

1606. quæ primoribus ante hac regebantur, admiratione virtutum ejus in regnum ipsius concesserant, ita ut supra septuaginta imperio teneret, & Celebum, Mindanai, Giloli haud exiguas partes. Filii majores duo tam tristi exemplo territi, regium nomen ac periculum defugere. Tertius, Babus nomine, ausus accipere diadema, & promittere ultionem, mirum quanta pro se subditorum & vicinorum studia repererit: hoc imperante primi ab Europa Angli Draconis ductu possessionem Lusitanis turbavere, anno sæculi septuagesimo nono. Ab his Babus auxilia expectare jussus diu spei irritus, barbarorum quoque, ut solent, paulatim languescentibus animis, audito coisse in Philippum Castellæ ac Lusitaniæ opes, misit ad eum qui paternæ cædis ultionem excusarent, & fidem in posterum pollicerentur. Sed ambiguus responsus elusus, & mox mortuus ad fratrem Zaidam cum regno pro spe veniæ odium in Hispanos transmisit, data occasione erupturum. Nec deerat Molæus, qui post Raxamiram Gunæ patri, quem Zaida interfecerat, & Gnapabagunæ fratri, incertum cujus per venenum sublato, in Tidoris regiam successerat, Lusitanos officiis sibi illigare, in æmulum accendere. Tales eos Batavi invenere cum primum, ut suo loco memoravimus, in eum orbem delati sunt. Anno sæculi ultimo prima, quæ Lusitanorum potentia æquari possent, arma Batavorum Zaida lætus vidit, descenditque in partes tanto animo, ut non Hispanos tantum hostes, sed & Anglos commercia orantes contemneret, Batavos vere socios ac suos marisque liberatores vocans. Contra Tidoris rex etiam arcem in suo struere Lusitanis permiserat. Antequam Cornelius Sebastianus pervectus huc esset, Angli rursus navibus aliquot advenerant, late jactantes Britannia Hispaniaque pacem apud Lusitanos, quibus externa cuncta illic hostilia, sed tunc amicitia in Anglos simulabatur, prægravante Batavorum metu. Nec tantum quæstus his imminutus, mercantium copia, sed bellum in Tidorim parantibus, hætenus Angli obstitere, ut nitratum, cujus maxime penuria laborabatur, Lusitanis venderent. Perstitum tamen in consilio: interque Zaidam & Batavos ita comparatum est, ut ipse, traducto in insulam Tidorim suorum exercitu, bellum ostentaret tantum, Batavi arcis oppugnationem soli peragerent, quia barbari ira quam consilio feruntur, & retuli propere languescunt. Nautæ igitur Caraccas primum duas, stationem propter

pter habentes, scandunt expugnantque: tum vici aliquot incensi, terraque simul & navibus directæ in arcem tormenta. Ac postquam centurio Mollius, re propius inspecta, ruinis patere aditum retulit, faciunt impetum, telisque & immissis ignibus rejecti repetunt. Ibi Torrim Hispanum infecta in se hasta ruentem Mollius, vitato leviter ictu, amplexu premit, atque una humo decedit; proximumque e sociis monet, dum ipse luctantem tenet, ille Hispano caput tubi ictu diverberet, quod factum. Sed enisi in arcem numero haud plures septem recedere cogeantur. In recessu fracto crure procumbentem Mollium comites humeris deportant, renitentem diu, clamantemque iterum hostibus ac validius consilirent, vilem sui curam, & ubi arcem cepissent, socium recepturos. Forte turris, & in ea vis nitrati, globo percussa ignem concipit, quo sexaginta Lusitani conflagraverunt. Eo in pavore oppugnatores arcem invadunt, capiuntque. Fœminæ & imbellis ætas in rupes confugerunt, armis impervias, sed victu aquisque præcis ad deditionem coactæ, simulque virorum, quod arci captæ superfuerat, in Philippinas tractum: pulsumque Moluccis Lusitanorum imperium, nisi quod modicum castellum Timosa insula restabat. Regi Tidoris non vitam modo, sed & potentiam Batavi servavere, dum famæ quam securitati consulitur. Ille, spe nulla alia, amicitiam cum Ternatensi, cum Batavis fœdus simulans, premebat dolos in tempore erupturos; exoravitque, velut quo certior insulæ libertas foret, ut arx dirueretur, quam custodiri augerique rectius fuerat. Aliæ quoque naves India rediere, missæ a mercatoribus antequam unam in societatem coiretur; nec hæ sine præda: nam Caraccam Machaunte venientem interceperant, Pataniam apud insulam, cui tum fœmina imperabat. Ea, cum suo in regno parta spolia ad se pertinere contenderet, movit Batavos, ut prædam partirentur, partitamque ab ipsa redimerent. Pars Indicanarum mercium præcipua sericum e Sinis petitur, valido florentique imperio. Sed advenis aditum præcludere pars prudentiæ habetur: & extrema ora morantes Lusitani gentem suspicacem multis artibus territabant, ne Batavos pugnaces, ac mari potentes finibus admitterent. Sed dum vicinorum regum per gratiam ambitur iter innoxium, interim per Sinenses mercatores, qui lavam aliaque loca frequentant, eadem commercia celebrabantur. Vicissim e Batavis ad Indos mittitur

1606. titur Paulus Cardenus octo navibus : nona priusquam exiret
 fortuito igne perit. Ac ne vicini tanto labore quæsitæ de-
 fensaque ultimæ Asiæ commercia suos in ulus verterent , Fœ-
 derati edicto cavere , ne quis indigena aut incola domo aut
 aliis e terris eas in oras proficisceretur , extra imperium so-
 cietatis quæ in Batavis coierat : quod contra obtreptantes
 necessitate & paribus exemplis excusatum , auctumque se-
 cutis temporibus per novas cautiones & severiora supplicia ,
 prout fraudes admonuerant. Clara & funera hic annus ha-
 buit. Virorum principum Philippus Hohenloius in Batavis ,
 in Germania Iohannes Nassavius obiit. Hohenloius mili-
 tia acer atque intrepidus , dux haud æque providus , Mauri-
 tii olim per juventam ductare copias solitus , mox ubi nullum
 sui usum videt , tædio ac moerore tandem & per crebra con-
 vivia solutis artubus , exitum habuit lentum viroque forti
 gravem. Nassavium senecta extinxerat , Wilhelmi Arausio-
 nensis fratrem , cumque ipso avitas possessiones ita sortitum ,
 ut Gallicas & Belgicas ille , ipse Germanicas retineret. Res
 fratris inopes pecunia , turbidas consilio juverat , suscepto &
 Geldriz regimine , Trajectini fœderis , illis temporibus per
 quam necessarii , præcipuus auctor. Post in sua regressus fi-
 liorum armis partes adjuvit : quorum Wilhelmus , Frisios re-
 gens , & Ernestus , ducta sub id tempus ducis Brunovicensis
 filia , supererant : Philippum & Ludovicum bella absumse-
 rant : nec minus domi ampla sexus utriusque soboles. Inter
 clara literis ingenia celeberrimum nomen Iustus Lipsius oc-
 cidit , postquam famam & sapientiæ præceptis & Romana
 vetustate , tum novo atque conciso scribendi genere partem
 diuque servatam editis de Hallensi & Aspricolli narratio-
 nibus apud multos imminuerat. Vulgaris contra libellis re-
 spondere distulerit , an contemserit , mors brevi secuta dubium
 reliquit. Nec tamen omiserant Batavi ac Belgæ certatim
 insignem viri memoriam versibus atque orationibus cele-
 brare. Conjugium quoque illustre Nassaviæ domui conti-
 git : Borbonia virgine Condæi filia nupta Philippo principi ,
 qua affinitate Rex ipsi illigatus possessionem Arausionensis
 oppidi terræque liberam restituit , quamvis Delphinus Sena-
 tus conventus sui partem regnoque subjectam diceret. Prius-
 quam opus prioribus dispar , res Batavas ex bello tam gravi
 ac diuturno hunc circa annum ad pacis consilia varias aggre-
 dior , quid tota Europa quietum , aut in armis , qui apud ipsos
 vici-

*Hohenloius
& Iohan-
nes Nassa-
vius ob-
iit.*

*Lipsius
morsur.*

*Borbonia
nupta Phi-
lippo Arau-
sionensi.
Rerum in-
terim per
Europam
gestarum
relatio.*

vicinosque animorum motus privatim aut publice breviter aperire haud incongruum putem ; quando magnis ubique mutationibus velut fatale id temporis , externaque nostris , nec minus nostra externis , momentum tulere . Totus Septentrio , regnis antiquitus libertate permixtis , in arma exarserat , prope iisdem , queis olim Batavi caussis . Sigismundus , dum Iesuitarum jussis obtemperat , amissa Suedia , ægre Poloniam retinebat . Nam in Suedia Carolus posito ducis nomine , decreto Ordinum suorum regem se nuncupans , post acceptam Rigæ obsidio cladem vires reparans , imminebat Livonum finibus . In Polonia Samoscius , regni Cancellarius , dum vixit , sapientibus consiliis & reverentia sui Regem proceresque flexerat ut leges & pax servarentur . Ejus morte odia primum , mox vis aperta : & erant qui supremis propinquo monitos primores dicerent , multis artibus attentari libertatem , & se quidem , quam accepisset rempublicam , relinquere superstitibus , viderent nunc ipsi , nequid inscitia aut ignavia peccaretur . Sane haud multo post procerum primi , Palatinos vocant , in arma prorupere , accusantes Regem , quod amisso priore matrimonio , inconsultis Poloniæ Ordinibus , ducta mortuæ sorore , simul regnum incestu polluisset , & arcano foedere Austriacæ se domui obstrinxisset : quodque in honoribus exuta æqualitate , Protestantes Romanensibus posthaberentur . Postulabant & Iesuitas pelli Cracoviæ præfectura : litesque etiam sacerdotibus ortas , non Romanæ longinqua per itinera & sumtus , sed domesticis judiciis disceptari . Indictoquo gentis concilio Regem vocabant diluenda ad crimina ; ni veniret , additis minis , sceptrum se ac coronam , imperii insignia , quæ more patrio ipsi custodiunt , in alium translaturus . At Rex , collecto exercitu , & multis per dona conciliatis , quanquam primis successibus prosperum ipsi bellum , pacem prætulit , factumque foedus Sendomirianum , quo vetera jura novis muniebantur . Sed armis magis quam offensis cessantibus , dum ille ut victos spernit , illis impunitas suadet iterum audere , quies infida nec duratura . Super , quæ diximus , crimina , & hoc Sigismundo obiectum , quod injussu publico auxiliis Demetrio missis Poloniam bello implicuisset . Is Demetrius , Basilidæ crudelitate notissimi filium , & , qui post illum Moscoviæ potitus est , Theodori se fratrem , postquam Boris imperium invaserat , quæsitum ad mortem , & supposito qui occideretur alio , in

1606.

Poloniam avectum, claritatem generis diu dissimulasse memorabat: & plerisque persuaserat, similes corpore notas præferens. Sed adversus Borim regnandi bellandique veterem, infelicia ipsi arma. Vbi is mortuus filium reliquit Theodorum quem diximus, tenera ætate matri obnoxium, pars magna Russorum, quæ æque insolita puerorum ac mulierum imperia, ad Demetrium descivere. Statimque præcipuam urbium Moscoam plebs ipsi aperuit, trucidatis in gratiam novi domini vidua Boris filioque. Sed brevis regni fortuna: nam sacerdotes offenderat Iesuitarum auctoritas, quibus ille suasoribus misisse ad pontificem Romanam, Græcasque cæremonias Latinis mutaturus ferebatur. Nec minus procures indignabantur, quod externos corporis custodes, inque aula & interioribus consiliis Polonos haberet. At plebs amorem atque odium, non sponte, sed qua duceretur, rapiens, excitatur vulgata fama, non Demetrium, qui putaretur, sed monachum esse fugitivum, magicis instructum artibus, immissumque a Polonis mancipium, quo res Russicas perverterent. Iplis in nuptiis, quas Polona cum virgine, Palatini Sendomerii filia, celebrabar, orto tumultu Demetrius, seu quisquis ille fuit, (nam post mortem quoque ambigitur) cum saltu e sublimi vitare perniciem frustra certasset, casu debilitatus, statimque confectus est. Addita ingens Polonorum strages: & concitor aliorum Scutskius imperium occupavit, initio instabile, dum externati feritate animi, tardeque in novum principem consentitur: mox, ut barbaris solitum, metu suppliciiisque firmatum est. Transilvaniam quoque & proxima Hungariæ magnis motibus involverat seditio imperatorii militis, præfectorum rapinæ, & Protestantibus jus religionis ereptum: incumbente & hic in Iesuitas belli invidia, ut talium auctores. Erumpabant simul oppressæ diu querelæ, contemni se plane, nec, ut majoribus servatum, adesse conventibus principem, audire populi preces: sed clauso intra aulam Rudolfo, armorum consiliorumque summam penes externos, quæ servituti quoque suctis gravia, sibi hoc magis intoleranda, quæ regum jramento sacratæ leges, pactumque, ne fraudi neu dedecori foret violentibus obsistere. Igitur in prælia & oppugnationes urbium itum, gaudente Turca, a quo missum sibi Hungariæ sceptrum ac coronam Stephanus Botscajus, dux lectus dissidentibus, & supra publicas privatis accensus injuriis, perstitit recusare, Transilvania & principis contentus vocabulo. Sed

breve

breve bellum , cui tertius hic annus erat , pax excipit : Turca Perfarum victoriis & nova per Asiam rebellione infracto ; nec ultra nitente Botscajo , quam ne libertas amitteretur . Imperator Rudolfus duobus hostibus impar , Botscajo Transilvaniam , Hungaris indigenas rectores , præsidem fratrem Mathiam Belgicis olim rebus immixtum , & jura queis Iesuitarum opes cœrcerentur , Turcæ possessa retinere concessit . Ita positis armis haud multo post domestico veneno Botscajus intercipitur , publico providus etiam cum de vita desperasset . Quippe morti imminens Transilvanis Hungarisque arctam concordiam , crebra concilia , & dum leges manerent , pacem cum Cæsare commendabat . Sed illo sine prole extincto , cum ex patris principatus ad Imperatorem rediret , turbata iterum Transilvania , e longinquo regi impatiens . Germania adhuc religionum studiis discors : & apud Brunovicum , Patelbornam , Emdam , ut non jam bellum , ita proxime bellum discordiæ erant principes inter ac civitates , dominandi nimios , aut parere indociles . Veneti adhuc intra libellos se tuebantur , quorum auctores , dicta die , Romam haud sane ivere , causantes itineris fortuita , & infestos judices ; interim duces utrinque , exercitus , classes expediebantur . Nec dissimulabat Hispanus Pontifici se auxilio futurum , quò Gallus comperto , significavit Romam , ita meritos majores suos , ut ecclesiæ pericula non alias magis quam Francicas manus respicere deberent : sin Pontifex Hispanum prolatandæ dominationis avidum sibi assumeret , haud immerito suspectum id sibi , & vel coactum contrariis in partibus fore His minis exterrita Italia , nunquam impune externis armis adita , quippe scisso minutas in potestates corpore facilis præda victori . Sed Gallus , ut bellum haud nimium formidare , ita pacem malle : quare nunc Venetos , nunc Pontificem hortabatur , ponerent iras publicum in exitum erupturas . Ipse domesticam quietem legibus , pecunia , foederibus muniebat . Britannia post detectas nefandæ conspirationis insidias horrida suspicionibus : quas auxit Pontifex , suis edicendo , ne præscriptum a Rege sacramentum dicerent , adversum id religioni prædicans : quia eo fides & obsequium in Regem etiam si Pontifex vetaret , mansura jurabantur ; quod ipsis Romanensibus tarde creditum , variis mox animis excipitur , ut apud quemque partiæ charitas , aut præcepta de sacris opinio prævaluerant . Multæ & Anglorum querelæ , quod jus mercatoribus per Hispaniam

1606. haud æqualiter redderetur. At in Hispania sævitum in Belgas illic morantes, quorum commercia cum Batavis ac præcipue Indicano collegio innexa: ærarium quoque diligentius curatum, captis quorum in pecuniis tractandis fides arguebatur. Sed minora malis remedia, quotidianis ad Regem precibus Lusitanorum, ecquem miseræ finem poneret? dum bellaretur in Batavos longe remotos, atteri atque exhauriri propiora: uri capique tot naves, solas regni quondam florentis divitias: obsessos nuper portus Hispaniæ, nunc & Moluccas eripi: quin & Castellorum prægrave jam bellum, quod proxima per tempora haud minus trecentis scutatorum millibus menstruis Hispaniæ constitisset, spe nulla exitus, ac præcipue quia navium America venientium pericula ingravescebant. Sumtus quoque in annos aucti adeo supra reditus, ut vitari seditio militaris, etiam tam exacta Spinolæ cura, nequisset, & quæ bello parta neutiquam tanti, & contra experimento cognitum, quam firma hosti annium arque operum munimenta, quam clausum sibi mare, & per alienos fines incerti militum transitus; tum si manente Batavico Veneticum ingrueret bellum, non paupertas ultra, sed egestas aderat. Rex ipse juvenis, armorum inexpertus, & qui regiam fortunam voluptatum, quam finium modo metiretur, ni consiliis cederet, sponte in bella non ferebatur. Accessere metus, veri falsi adacti, non sine arte primorum, quibus res Batava in manu, quo cunctantem Hispaniam in vera pacis consilia impellerent. Sparsus quippe rumor, laborare Gallum, ut Batavos definitis sub legibus, regno suo adscisceret, petruptaque Flandria proferret limitem. At tolerabilius Hispanis, liberos relinquere Batavos, quam sui imperii damno alienum ac maxime æmulum augere; & in vacantes quidem spes manebat, per offensarum obliviam, per discordiam inter ipsos, aut cum regibus, quorum opæ florebant; occupati in perpetuum amittebantur. Præterea allubescente Indiæ fortuna, nova apud Hollandos Zelandosque societas parabatur, quæ valida classe vim simul mercesque in Americam ferret, & hostem terra marique pelleret, spe magna prædæ quanta belli sumtibus sufficeret. Mox alia fama, ut quondam Genuensium ministerio Turca Hellesponti fauces trajecisset, ita nunc Batavorum navibus Mauros Granatam & majoribus possessa repetituros. Alberto quoque & Isabellæ, huic ut foeminæ, illi ut religiosa ad studia educato, jam & annis gravi alienum a bello ingenium:

inopia

inopia quoque, & toties renata militum seditione, populi gemitus fletusque movebant, ut certum ac placidum principatum, quam spem cum metu mallent. Sed ante alios Spinola consilii ejus auctor, quia paucis annis multum gloriæ partum, ne retro fortuna ferret verebatur: simul fracta nuper & sua & regia fide, si manerent onera, & Americanos redditus fors aliqua interverteret, nulla spe recuperandi quæ erogasset, meritis ære alieno, e clara fortuna dedecus atque inopiam prospexit. At Foederatas apud gentes pauci sperare otium audebant, metuebant quin id ipsum plerique, ita a parentibus eruditi, repudianda infido cum hoste colloquia, & qualicumque pactione tutius bellum, & magnæ hominum multitudini, haud militum modo, sed & reliquæ plebis, arma, machinæ, exercitus, classes quæstui erant. Nec paucis formidatum, ne ut olim immota, ita nunc reddita pace, Antverpiæ commodissimam sedem mercatura deligeret: etiam, amoto ab hoste metu, civitatum dissidia ac turbamenta Reipublicæ timebantur. Nec tamen deerant, illis præcipue in populis, quibus hostis & pericula propiora, qui jampridem, dum rapi velut impetu urbes, nec usquam contra iri, & per prudentiæ speciem fines imminui vident, eosdem mox sibi casus & fera remedia fingentes, ad pacem animos nimium quoque deflexerant. Æquiores, ut vitandas insidias, ita tentandum putabant, possentne arma poni æquis legibus, incolumi Republica, salvis sacris: nec omittendum hoc tempus, dum res hostium inclinatæ, coalita longo obsequio Ordinum auctoritas, & velut ad latus validi duo principes, alter Hispano, alter Pontifici justis de causis infensi, eoque Batavis fidiore. Hoc intus atque extra rerum statu Hermannus Wittenhorstius, jussus Archiducum, Hagam advenit, anni exitu. Idem & antequam prodirent exercitus, vere ipso, Geldriam Hollandiamque obierat, sed privata tantum colloquia ferere jussus, quorum multa ipsi occasio per majores aut connubia devincto Batavis nobilitatibus. At nunc, comite Iohanne Gervardo scriba Turnboltano (uterque id solum habitans, quod tributa partibus penderet, faciliores habebat aditus) potissimis procerum mandata Alberti & Isabellæ ostendit in hanc ferme sententiam: Nihil ipsis optatius, quam quietem populis, finem cruentis laboribus dare: nec ignota Ordinibus Archiducum jura, haud aliena poscentium: ipsi contra promerent, quæ firmandæ securitati arbitrarentur, pacem seu inducias,

1605.

*Eam quæ
que Spinola
suadet.*

*Muli Foederatorum
pacem sus-
pectam ha-
bent.*

Wittenhorstius jussu Archiducum de pace acturus Hagam advenit. Illi comes accedit Gervardus.

1604.

*Federati
nullis ab
Archiduci-
bus acceptis
lucris rem
differunt,*

cias, & colloquia palam an secreta mallent, ipsis permitti;
iniqua omnia & insidiosa longe fore. Sed quia literas ad Ordi-
nes nullas Archiducum ferebant, res dilata. Quos gradus,
quæ augmenta ceperit, quibus sit studiis agitata, cum cura
memorabimus: quia & civium id magis scire interest, quam
aut fodientium artes, aut equitum excursus: & externæ
gentes fama non ante majore Batavos acceperunt.



HUGO.

HUGONIS GROTHII
 HISTORIARVM
 DE REBUS
 BELGICIS
 LIBER SEXTVS DECIMVS.
 SVMMARIVM.

*Artem Groninga impositam Ordines diruunt. Hispanus comitem Bruckium in-
 fidis circumuentum occidit. Henricus princeps expugnato Erkelano Heven-
 bergensem capit. Angli Batavique naues in Indiam mittunt. Angli de
 occupanda Virginia consilia agitant. Societatis India Occidentalis apud Fœ-
 deratos initium & leges: Libellis defenditur & oppugnatur. Colloquiorum
 de pace initium apud Fœderatos arduum: Princeps Oldenbarneveldii suasu
 ea admittit. Legatis Archiducum pacem urgentibus a Fœderatis responde-
 tur. Franciscus Naia pacis promotor literas Archiducum Ordinibus offert;
 horum responsa & postulata. Ordinum super hac re ad singulas fœderatas
 nationes litera. Suppliciorum indicunt diem. Albertus omnia in Fœderatos
 vetat hostilia: Fœderatorum nonnulli a pace alieni. Gloriosa Hemsherkii in
 Hispanos maritima expeditio. Naia Haga pacem urgens classem ex Hispania
 revocari petit: de quo inter Fœderatos dubitatur. Henricus per Ianinum
 aliisque legatos operam suam illis offert. Hi alios quoque principes in con-
 siliū adhibent. Naia Arsenium donis sibi conciliare conatur: hanc rem Or-
 dinibus pandit. Fœderati & Iacobus legatos mittunt ad se invicem. Artes
 Hispanica deteguntur. Fœderatorum indignatio. Allata ex Hispania char-
 ta Ordinibus displicent. Oldenbarneveldii in Verreickium exprobratio.
 Aliud scriptum Ordinibus offertur. Diversa inter Fœderatos studia. Nihil
 cum Hispano agere volunt nisi clavis verbis stabilita libertate. Archiduci-
 bus longiorem armorum vacationem offerunt. Extra indigenas unum alie-
 rumve legationi adhiberi permittunt. Dani aliorumque principum ad illos
 legati. Illorum ad Imperatoris literas responsum. Alberti equites stipendio
 onustos deprehendunt Batavi. Albertus Fœderati que partem externi militis
 dimittunt. Dieftiani seditiosi contra fidem Archiducum fines excedere ju-
 bentur. Bamestra lacus siccatur. Navas Fœderatorum ex India reduces.
 Orta iterum lites inter Emdam ejusque principem componuntur. Sueconum
 regis legatio. Brevis rerum per Europam gestarum relatio.*



Iems remisso frigore, ventis inhorrescens ut ab hostium incurſu ſecuros Batavos præſtitit, nihil impedito annium fluxu, tanquam ad pacis conſilia cœlum quoque accederet, ita damnum alia parte intulit fractis navibus, quæ Texeliam propter,

1607.

*Arcem
Groningæ
impositam
Ordines di-
runt.*

*Hispanus
Bommeliensis in-
sulæ munimen-
tum ir-
rumpit.*

*Comitem
Brukium
insidiis cir-
cumven-
tum occidit.*

*Henricus
Nassavius
Erkelenu
impetu ra-
pto Henri-
cum Heren-
bergensem
capit.*

*Friderici
Herenber-
gensis in
Ardenbur-
gum irrita
spes.*

pter, infidam hibernis stationibus insulam, diversas terrarum in oras exitus tempora morabantur. At fœderati Ordines, quo domesticæ quieti, famæque rectius consulere, postquam ortos olim Groningæ motus imperia fortia, animos quoque in partem dies ipsa sanaverat, arcem urbi impositam dirui iussere, ut quondam necessariam, ita, si maneret, haud decoram æquali omnium libertati. Præcipua securitatis tantæ causa, dati illis magistratus, quorum cognita in partes & publicam religionem fides, ingens sine sumptu, sine odio præsidium. Nec militibus iners tempus abiit. Bommeliensis insulæ munimentum haud sane magnum irrupit Hispanus, incenditque, silentio excubitoris quem pretio occupaverat. Qui loco præerat centurio trucidatus: cujus hæc arguebatur culpa, quod vigilias haud mutando spem fecerat prodicioni. Comes quoque Brukius, fratrum natu minor, Batavis militans, cum patrios ad lares equitaret modico comitatu, in hostiles insidias incidit. Prægressus forte scriba, tormentis coactus, sequentis heri indicium fecerat. Ipse manus conferere ausus; spe nulla, sed quia capi pudebat. Illata & mortuo vulnera, sequente filium patris odio fortunaque. Nam hunc quoque sævitia simili, scelere majore, Mendosæ miles trucidarat. At Henricus Nassavius, multo cum equite cædendas ad Spinolæ cohortes profectus, quæ Limburgico agro neglectius hibernabant, cum illi se, audito periculo, in urbes recepissent, Erkelenum, itineri adsitum impetu rapit, postquam porta in machina pensili discusserat. Modicum id Geldriæ oppidum infirmitatis quondam conscientia, tributum utrisque partibus pependerat. Sed tum forte in Batavos hostilia induerat; recepto Henrico Herenbergensi, qui prædis agendis eam legerat sedem. Quinquaginta intus equites concisi; reliquum præsidii aberat: captus Herenbergensis, quæ avehi poterant rapta; cætera permixta flammis: acriori militum ira, quam ut ducis imperio retineretur, quod quosdam illic suorum durius habitos meminissent. Sed fratris iniquiorem fortunam ut egregio facinore compensaret, Fridericus Herenbergensis in Flandria Ardenburgum, munitum a Batavis oppidum, parabat invadere, quibusdam intus militum consociis. Verum pars horum ob flagitia vincti in quæstione fatentur incognitum scelus, cujus jam exitus imminebat: quippe cum in proximo Fridericus valida cum manu signum a proditoribus expectaret. Longinqua navium itinera certatim Batavis & Anglis festi.

festinabantur. Namque Indiam versus hoc vere duas Batavi, tres Angli naves misere. Anglorum major in præsens quæstus : sed fama laborabat. Nuper enim reversus ex eo orbe Eduardus Michelbornus, cæde barbarorum ac rapinis maculasse commercia ferebatur. Ipse culpam Indis delegabat, contra causam dicente nemine. Nec deerant qui similem audaciam accenderent, ita majorum legibus cautum ferentes, commissa in externos, quibuscum publica foedera non essent, in Britannia non vindicari. Simul agitatum ne Hispano soli America permitteretur. Partem ejus Virginiam nomine tricesimo quarto cis Æquinoctialem gradu, jamdudum Angli sibi vindicant, quod primi eam oram interius penetrarint, indito in honorem reginæ Elisabethæ, quod nunc quoque apud illos servat, vocabulo. Coacti, quibus iners domi pecunia lucrum peregre sperabat, collegia duo fecerant, a quæ singulæ coloniz eas in terras deducerentur. Addiderat rex Jacobus leges & præmia, augendæ Britannorum gloriæ : auri quoque & argenti venas humo condi, audacter affirmatum, facile, ut a cupidis, creditum. Initium magno molimini fecit navis una, structo leviter castello reperti amnis in ripa, cujus piscibus atque agri proximi fruge vitam tolerarent qui præsidio relinquebantur; coactis indigenis introrsum recedere. At alia navis Hispanorum venit in manus, nec illi vectoribus pepercere : quippe qui pace ac jure domi relictis immensam novi orbis possessionem solo terrore custodiunt. Nuper & Guianam Britanni repetiverant : sed in itinere orta seditione pars omissa navi in insula manserat, atque ibi læcessitis per injuriam barbaris, petiti bello, victus inopes, cavata arbore Oceano se commisere : ita decem continuos dies jactati tempestatibus, expulsi in scopulos, vix terram tenuerunt. Nec minus illic periculi. Nam capti ab Hispano, qui tamen veniam, velut non sponte illas in oras delatis, dedit. Altiora longe in Batavis consilia, &, qui mos magnis conatibus, tarde struebantur. Iampridem ingens mercatorum, ingens nautarum copia, tum pecuniæ, quantæ credi non possent, penes privatos vacuæ, adempto Hispaniæ commercio, nec sufficiente India, sola America satiari posse videbantur, quæ præter sal & saccarum, ac pretiosa ligna & medicamenta metallis insuper scateret. Sed spem mercandi præcidebat insidens præcipua littorum Hispanus. Quare ad privatas opes accedere debebat ex publico vis & auctoritas.

1607.

Angli Batavique naves in Indiam mittunt.

Angli de occupanda Virginia consilia agitant.

1607. Iamque ditissimi mercatorum, simul alii, quibus e libris ac nau-
Societas
India Oc-
cidentalis
apud Fœ-
deratos ini-
tium, & le-
ges.
 tarum relatu cuncta ejus orbis juvandæ patriæ studio indagata,
 novæ societatis regimen ac jura descripserant, triginta lex in
 annos duraturæ. Hanc extra nemini civium liceret adire oras,
 quæ a Terranova, Gallorum piscatibus cognita, ingenti tractu
 freto tenus Magellanico ad utrumque Oceanum porriguntur,
 & quicquid contra Africæ littorum Æstivum inter circulum
 ac Bonæ Spei montes jacet. Quinque menses inferendis pecu-
 niis præstituti. Adderent fœderati Ordines bis centena flore-
 norum millia annua, sex annis primis, mox tanto amplius quan-
 tum publicæ rei status permetteret. Belli ac mercaturæ scot-
 sim rationes haberentur: bellum administrarent naves priva-
 torum sedecim bellicæ, celoces quatuor, totidemque bellicæ
 ac celoces publicæ, sed quas societas suo milite instrueret,
 uno cunctæ sub imperio. Curatores societatis Amstelodami
 quidem triginta dimidium fortis totius tractarent, octodecim
 in Zelandia quadrantem obtinerent, per Westfrisiam & ad
 Mosæ ostia quindecim residuo imponerentur: nec perpetua
 potestate, sed ut sexto quoque anno parti curatorum tertiæ
 succederetur: non aliis ei officio deligendis, quam qui pluri-
 mum pecuniæ intulissent. Penes hos mercium, armorumque
 arbitrium: & præmium laboris evektorum invektorumque
 centesima; lucrum divideretur quoties fortis decimam æqual-
 set. De præda maritimi judices cognoscerent. Ea omnis se-
 xennio primo maneret indivisa, ut belli ex fructibus belli on-
 era sustentarentur. Deinceps fœderatorum Ordinum fiscus de-
 cimam, Princeps Mauritius tricesimam, reliquum mercato-
 res haberent. Quatuor e curatorum collegiis lecti septende-
 cim pariter de re summa consulerent. Præfecti ducesque ab
 his missi, jurati in Ordinum verba, jus redderent, castella
 struerent, fœdera facerent, prout usus ferret. Domum re-
 versæ Ordinibus fœderatis exhiberent rerum a se gestarum
 commentarios. Merces immunes vectigalium forent, vete-
 rum perpetuo, aliorum, quæ bella repererant, in annos vigin-
 ti. Egregii sane operis auctores impulsoresque, ut sua cuique
 blandiuntur commenta, & semel laxatæ spes in immensum
 procurrunt, verbis libellisque diserebant, quod hæctenus
 hostilis potentiæ validissimum, idem infirmissimum fore, si
 armis peteretur. Ita verti in mare bellum, quo genere certa-
 minis, ne multo quidem majoribus hostium copiis victos
 unquam Batavos, quantoque longius id iter foret, tanto illis
 diffici-

*Libellus pro
 instituta
 societate
 apud Fœ-
 deratos dis-
 scribitur.*

difficilius, quæ molles artus calore diffuerent, præ quos suos 1607.
 Septentrio, & infusa Oceano patria in omnis incommodi patientiam durassent. Americæ extima, qua, in utrumque mundi cardinem procurrit, adeo non usurpata vix dum nosci. Trinitatis ab insula Æquinoctialem usque nudum & sine domino litus. Cæteris terris sparsa Hispanorum præsidia, sed tantis intervallis, ut nec mutuo sibi auxilio esse possint, nec interjecta defendere. Iam si arma darentur, magistri & usus accederent, quot essent illius plagæ populi, totidem in Hispanum exercitus fore, fideliores, quam si stipendiis emerentur, per pristinae crudelitatis memoriam, tædiumque durissimæ servitutis. Iam illam magnitudinem, quæ terribilem Hispanum faceret, sibi spondere audebant, gloriam certe illius militiæ perpetuam fore, quod, ab seremoto periculo, hostem in sui imperii discrimen, raro exemplo, ausi essent adducere: nec illud in humanum genus leve meritum, Christianam religionem apud gentes ignaras, aut uno ex errore in alium traductas, purius atque sincerius propagasse. Contra alii, multos casus bellum, multos *Alii illam oppugnant.* mare recipere, nec quicquam Marte maritimo incertius. Si Atheniensium pigeret meminisse, quorum florentissima civitas hac una temeritate concidisset, missæ haud ita dudum sub Petro Doula classis improspera cogitarent. Superatos sane aliquot præliis navalibus Hispanos: sed nec Batavos circa belli initia terrestribus militiæ fuisse egregios: qui si tempore & cura disciplinam acceperant, cur minus idem ab hostibus metui? Sæpe victos eo proficere cladibus, ut tandem & vincere incipiant. Et ut maxime maritimi Hispaniæ populi classium visibus haud sufficerent, tamen & Anglos & Brittonas, Armæricos & Saxonas conduci faciles. Nec justam in Batavorum corporibus fiduciam, quæ ut tolerantia frigorum, ita perpetua Æquinoctialium calorum intemperie liquefcere experimentis indubitatum. Quadragintane navium id opus, obsidere immensum illud Oceani spatium, ubi insulæ, portus, stationes, sibi clausa, aperta hostibus omnia, nulla ex propinquo commeatum, ne quidem aquæ copia? Sane non omnem Americam continuis septem arcibus: sed ubi divitiæ laterent, ubi commodi appulsus, nusquam omittas munitiones. Ut facilis sit exscensus tot inter adversa, ubi jam pedestrem exercitum, qui Hispanicis cohortes illa totum prope per sæculum coalita possessione depelleret? Quod si & hunc mitti placeret, simulque (nam id profecto necessaria

1607. cessarium) alia classe Hispaniam claudi, ne qua in Americam auxilia penetrarent, munus id mercatorum viribus, ne Reipublicæ quidem tolerabile, quæ cum eo quod nunc est domi copiarum fines suos defensare non possit, aut alieno se æri penitus sit immerfura, aut ipsa nudata præsiidiis, prius exiguum hanc amissura soli patrii sedem, quam justam alterius orbis partem armis quæliisse. Nam omnem sperare insanum; quem captum quoque contineri vix posse, tam grave coelum plærisque in locis, tantam morborum vim, acrius in Batavos quam Hispanos sævituram, quod hi cibum potumque magis cum modo habere didicissent. Barbarorum societati adeo nihil tuto credi, ut adversum hos quoque non minus quam in Hispanos paranda sint munimenta. Ignoram illis fidem, & quæ alia virtutum nomina: externa omnia invisa; nunc Hispanum odisse, mox quicumque Hispano in potentiam succederet ejusdem odii hæredem fore: indigna libertate ingenia, & quæ tamen servitium asperum indignarentur, molle contemnerent. Nunquid enim ignotum, fuisse illis in populis, atque esse etiamnum, qui humanis vescantur carnibus, eum optimum arbitantes cibum, ignotosque passim trucidant, non aliis odii causis, nisi quod homines sint? Indis certe & Asiæ populis multo cultius ingenium, & tamen ibi quoque multis perfidiæ exemplis coactos Batavos amicitiam in speciem dominationis convertere. Nedum illo in orbe pax aut foedera sperarentur, quem a meliore sui parte non situ magis quam moribus avulsum, & Oceano suo seclusum undique ultimæ feritati natura damnasset. Hi tum de America sermones erant. Certe bellum finire cupientium intererat ne spes istæ nimium in animos penetrarent. Nec difficile coepto moram injicere urbium æmulatu, certatim navium instructionem ad se trahentium, quibusdam & intercedentibus ne salis ex America petendi libertas ulla lege includeretur. Semota igitur hac deliberatione, non eo minus tamen pacem volentibus difficultates aliæ obversabantur. Nam ut certa esset maxime hostium voluntas, rectores tamen civitatum foederatarum haud pauci, accepta ab Arausionensis temporibus sententia, ipsum pacis nomen exhorrescebant. Multum huic persuasioni decessurum apparerat, si palam profiteretur hostis, contentum se ea pace, quam non recuperaret amissum bello imperium. Nam quod olim spem conciliationis abruptum pars habita esset prudentiæ, causam fuisse non aliam, quam quod pax sola speraretur, quæ

secum

*Societati
mora inji-
ciunt.*

secum dominum traheret. Contra & ad securitatem, & ad gloriam Reipublicæ pertinere, si libertatis suæ confessionem hosti exprimeret. Sed bello strepente, & novis quotidie irarum causis, seu victoria feroces, seu clades aliqua ultionis cupidos redderet, rationes quæ pro pace facerent expendere non posse occupatos affectibus animos. Sin aliqua armis remissio daretur, non defuturos paci fautores, quæ alias etiam per se grata Batavorum præcipue ingeniis ad mercaturam factis conveniret: tum qui proxime hostem essent populi haud facile passuros, gustatis semel otii bonis, retro se in arma ferri. Initium tantæ rei invenire arduum, ea in Republica, in qua magni nihil nisi consultis nationibus, atque etiam ad urbes singulas facta relatione geri consueisset: quem circuitum res ista magnis haud dubie dissensionibus implicanda non ferebat. Qui in confesso erant Ordinum foederatorum suscepturi in se non erant tam subitæ mutationis invidiam, ni Mauritijs & belli dux, & genere & meritis inclitus, temporariæ pactioni magnus auctor accederet. Ille vero, quantum vix ante quisquam nomen adeptus bello, nec spernens amplissimam gloriæ materiam, secum quoque sentiens, omnem cum Hispano pacem fraudibus misceri, ab Oldenbarneveldio tamen, cujus præcipue providentia, & triginta annorum fide suffulta auctoritas pacis consilia sustinebat, persuadetur, ne cum hoste colloquia incipi nollet. Quippe sedere Britannum tanti belli otiosum spectatorem: Gallum vero affectare societate majora; nec obscura ejus rei indicia. Si Ordines foederati ad pacem viam sibi quoque patere ostenderent, illos qui referre sua existimarent, ut bello Batavico vires Hispaniæ eliderentur, adduci posse ut auxilia certa, nec in nomen euntia, promitterent. Wittenhorstius igitur & Gevardus acceptis jam ab Alberto & Isabella litteris, quæ verbis fidem facerent, in conventum foederatorum Ordinum admissi, quæ privatim ante dixerant, publice commemorant, laudantes pacis commoda præ belli incertis. Sed quia legati juris Archiducum mentionem fecerant, visum est Ordinibus respondere, in aperto esse omnibus, queis notæ res Belgarum, ne specie quidem juris ulla Archiduces adversum Foederatos populos juvari, nisi si quod jus ex victoria speraretur. Enimvero, cum jam olim plurimæ nationes, post firmatam decreto inviolabili libertatem, unum in corpus coiissent, optimo jure sese abducta ab eo corpore membra armis repetere, cujus causæ æquitatem reges & principes maximos ictis secum foede-

Initium colloquii de pace apud Foederatos invenire arduum.

Princeps persuasus, Oldenbarneveldii illa admittit.

Legatis Archiducum in conventu Foederatorum pacem urgentibus respondetur.

1607. foederibus comprobasse. Quare perstare se omnes in ea, quam Imperatori nuper indicassent sententia, tutam, piam, honestamque pacem cum illis esse non posse, qui sanctissimi decreti auctoritatem vano abjudicati juris obtentu infringere. Belli mala utramcumque in partem caderent, imputanda his, qui aliena improbe impeterent, non qui sua fortiter tutarentur. Digressus hoc cum responso Wittenhorstius, scripsit deinde Ordinibus, compertum sibi Archiduces hoc esse animo ut paciscendo quicquam proficere non cuperent, mansura cuncta quo tunc essent loco. Sed aptior promovendo negotio visus inter Franciscani instituti monachos suae gentis princeps Franciscus Naia natus Antverpiæ, sed ortu Zelandus, patre genitus qui Arausionensem Principem sectatus quondam fuerat, ipse lingua promptus, & quanquam haud ignarus aulæ, nam & Hispaniam viderat, & Bruxellæ magnis negotiis immixtus vixerat, apertum quale Belgis ingenium præferens, ut dolum haud facile suspicaveris, vitæ etiam professione adversus pudorem munitus, nec repulsæ nec contumeliæ admodum metuens. Hic Bruxella missus, Riswici primum (proximus Hagæ vicus est) delituit, per conscios explorans, quæ maximæ difficultates cepto obstarent: inde perductus ad Principem convenientia Wittenhorstii literis exponit: edoctusque spem esse nullam inchoandi colloqui, nisi prius simpliciter Archiduces Foederatorum libertatem agnoscerent, Bruxellam reversus mox literas affert Alberto Isabellæque signatas tertio Eidus Martias in hanc sententiam: Pertæsos se cruenti Martis, paratosque cum Ordinibus foederatis, ut cum populis liberis, quos ipsi tales haberent, & in quos nihil juris arrogarent sibi, pacem facere tempiternam, aut, si ita mallent, in annos duodecim, quindecim, viginti inducias pacisci, aut arma suspendere, æquis legibus, quibus & fidens securitas & populorum commercia munirentur; hac quoque inter cæteras, uti tum possidebatur, ita deinceps possideretur, nisi permutare oppida aut regiones aliquas communis utilitas suavisset. Missuros se esse ad colloquium legatos, gente Belgas: totidem alii ab Ordinibus mitterentur: tempus se locumque conventus ipsorum arbitrio permittere. Hæc quo rectius procederent, placere sibi, si ipsis idem videretur, octo in menses terra marique tam apud Belgas, quam apud Hispanos, cunctis hostilibus abstineri. De colloquio sententiam suam Ordines ante Calendas Septembres explicarent. Non poterat Batavis displicere ductus iste literarum, quem paulo

*Franciscus Naia VVici-
senhorstio
ad promo-
vendam
pacem sus-
ficiunt.*

*Edoctrus a
Principe
paci obsta-
tes difficul-
tates, li-
teræ ab Ar-
chiducibus
Ordinibus
affert.
Literarum
sententia.*

paulo minus ipsi præscripserant, mutatis, quæ prior formula 1607.

ab eodem Naia oblata ingratoria continebat: qualia erant, ut induciis quidem retineret quisque possessa, pace autem ea de-

num quæ retineri convenisset. Item ut Indiæ navigatu abstineret Batavus. Sed quando mari omnino, terra autem eque-

stribus copiis valentiores se judicabant, non ultra ipsis placuit armorum usum octo in menses inhibere, quam ne obsidere aut capere urbes, aut regiones invadere, neu novas struere muni-

tiones interim liceret. Additum, ut rex Hispaniæ tertium intra mensem rata faceret Archiducum pacta, repetita eadem libertatis Bataviæ agnitione. Promisit Naia, ante diem octa-

vum Calendas Maji, effecturum se ut ista conventa Alberto atque Isabellæ signarentur, dum idem Ordines facerent. Rem

fane improvisam, quo favorabilius ipsam etiam vulgus acciperet, e re visum Ordinum conventui ad nationes singulas scri-

bere: quod bene verteret, de Principis Senatusque sententia, acceptam sibi conditionem, quam Albertus atque Isabella, de-

cessatione armorum tulissent, ut vacuum haberent cum Galliæ Britannique regibus ac principibus aliis, deinde apud sese

dispicendi quid de cætero opus factu foret. Superesse ut Deo immortalis cuncti gratias agerent, quod & bellum secundasset

hactenus, & nunc hostium animos flexisset ad veri confessionem. Sed dicta suppliciorum die, cum jam vulgato rumore

crescere studia inciperent, divinarum rerum interpretes, ut cuique animus, in laudem pacis, aut in odium adversarum parti-

tium orationem vertebant. Circiter octavum Calendas Maji Ordines, eorum, quæ nuper convenerant, signatas a se tabu-

las Antverpiam misere, ferente Diderico Verduzio. Naia primo scriptum, uti Hagæ exaratum fuerat, protulit; addita dun-

taxat Archiducum ratum hoc esse jubentium manu. Sed Verduzio instrumentum poscenti augustius, & par suo, paruit Naia, statimque tale Bruxella attulit, & Verduzio aureum torquem,

simul orans, quia in pactione illa dubiæ interpretationis nonnulla continerentur, se cum ipso una redire ad consulendos Ordines pateretur. Albertus sane adeo a se hostile nihil incipi volebat, ut plane extra conventa præfectis ediceret, præsidii militem continerent, nautasque & piscatores cunctos Dunker-

Fœderatorum responsa et postulata:

Illis plene satisfactum iri promissis Naia.

Ordinum super hac re ad singulas nationes litera.

Suppliciorum indicium diem.

Verduzio signatas ab illis tabulas Antverpiam ferens aureo donatur torques.

Albertus omnia in Fœderatos hostilia ratat, captos libertate donat.

Verduzio cum Naia Hagam redit.

cesse-

1607. cesserant, metuentes ne res fingi credita in verum abiret, pœnitere silentii sui coeperat : itaque alii rogare, quo decreto monachus hostili solo pedem inferret : alii Verduſum acculare, quod privato consilio rem tantam suscepisset : plane ut appareret non facile impetraturum fuisse Naiam, quod audendo sibi concesserat. Quæ dum his in partibus aguntur, clara interim Batavis parta mari victoria, cupidiorum pacis hostem, ipsos in bellum flagrantiores reddidit. Cum anno proxime præterito sequius ad Hispaniam bellatum foret, non sine aliqua labe veteris gloriæ navalis, classem aliam eodem mitti placuerat, tum recuperandæ famæ, tum Indicanæ societatis acri rogatu, metuentis ne suas in naves vis tota Hispaniæ irrueret. Eligitur dux, maris peritus, Iacobus Hemskerkius, Wilhelmo quondam Barentio ejus itineris comes, quo in Septentrionis secreta penitus inquiri asperrima fortuna vetuit ; his præterea ad Indos profectus, unde opulentissimam nuper navem bello captam adduxerat. Viginti & sex naves ei attributæ, bello paratæ, quatuor aliæ ferendis com meatibus ; cum mandato, faceret quod usu factò videretur. Nec dubitabat ipse promittere, futurum, ut mortuo seu superstiti gratias sibi patria ageret : quantaque fiducia plenus iverit, hinc quoque intelligi potest, quod stipendium aliud noluit, quam partem octavam ejus demum prædæ, quæ quingenta florenorum millia excederet. Erat omnino non tam pecuniæ, quæ ipsi supererat, quam gloriæ avidus ; hoc quoque studium nulla sui jactantia prodens, quippe civilem in vultum habitumque compositus alte absconderat animum militarem. Vere inchoato, paulo antequam prima inter Archiduces atque Ordines pactio fieret, in mare profectus, ubi ad Hispaniæ oras pervenit, Tagi ostia invehi constituit, ut nobilissimam urbium Vliſſiponem testem haberet suarum virtutum. Sed per exploratores, quos mercatorum specie miserat, perque obvias Gallorum ac Britannorum naves edoctus, quæ illic fuerant naves plerasque ad Indos abiisse, & quæ secururæ essent, imparatas adhuc, cæterum egregiam Hispanorum classem Calpetano sinu se tenere, quæ naves Bata vorum interno ex mari in Oceanum transeuntes ipso in freto exciperet, illuc vela dirigit, ut venti jusserant, modo Mauritaniam, modo Hispaniam propius adnavigans. Nam primas Atlantici Oceani in terras se insinuantis angustias montes duo præalti cohibent, Mauritanæ Abila, Hispaniæ Calpe. Fabulosa antiquitas unum olim fuisse montem (& est sane, si fre-

tum

*Gloriose
Hemsker-
kii in Hi-
spanos ma-
ritima ex-
peditionis
relatio.*

tum excipias, velut perpetua jugi facies) sed diremptum Herculis labore tradidit, ut, quod mole sua submovebat, pelagus admitteret: unde Hercules columnas dici abruptorum collium ultima. Calpe vetus vocabulum mansit, donec victor Arabs sua rebus nomina imposuit. Quo enim tempore Saraceni novitati Mahumeticæ superstitionis arma adjungere, primus regulorum Africam tenentium Moyses, Nuziris filius e gente Maravadinarum, in Hispaniam trajecit, comite Tarica Abdallæ filio, qui crematis navibus, ne se miles desereret, cum se Calpen intra commisisset, Gibaltaricam locum appellavit, quo Mons Taricæ Arabum lingua significatur: quod nunc corruptius Hispani Gibraltaram pronuntiant. Ita montem, ita urbem vocant Carteiam, olim montis radicibus adsitam, qua ille, se theatri in speciem cavans, sinum navibus facit; cujus cornu alterum, quod Atlanticum in mare prominet, arce insidetur. Hoc inter editissimæ rupis brachia tuto maris recessu, propinquo urbis arcisque præsidio, classis Hispana anchoras defixerat. Galeones erant novem, quarum quæ maxima præfectum Iohannem Alvarem Avilam ferebat: bellicæ aliæ naves quatuor; tum Lubecensis una ingens, & quatuor Gallicæ privatorum, sed in usus publicos ad tempus assumptæ: Batavicæ præterea mercatorum tres captæ bello. Machinarum nautarumque vis magna, multum & classarii militis, auctumque voluntaria nobilium manu, qui, simul Gadibus ac Luciferi fano conspectas hostium naves nunciabatur, fidei in Regem virtuti-que ostendendæ crebri confluerant. Septingenti in prætoria erant milites; ab hac altera paulo minus quingentos habebat. Ingressus jam fretum nec procul Calpetano sinu Hemskerkius, vocatis in consilium navium ducibus. Qua de causâ huc ventum sit scitis, inquit, commilitones. Clara patribus nostris parta mari decora, sed domi. Populati sunt insulas, clausere portus, fortuito concurrerunt alii. Primi omnium regiam classem & in ipso Hispaniæ limine oppugnatum ultro venimus, ostensuri gentibus, quam falso hostis in illa superbissima titulorum serie Oceanum sibi ascribat. Non potuit ad gloriam optari locus illustrior. Spectanda Deus Batavorum robora statuit in ipso Europæ Africæque confinio. Hinc hostes ipsos habebimus certissimos virtutis nostræ suis cladibus testes: altero in littore Turcæ Maurique sunt, quibus vix auditi hætenus innotescere, nisi permagno facinore non debemus. Sumite modo eos animos, quos Berga olim, quos Middelburgum, quos

1607. Frisici maris sinus videre. Eadem vos toto orbe fortuna sequitur. Difficile est nobis mari non vincere. Nec quenquam hostilium navium magnitudo terreat. Quin illa ipsa moles, versi agique inhabilis & ad vulnera patens exitio erit. Illud vero vel præcipuum, quod apud nos nautæ pugnant, apud illos milites, quos ego mihi videre videor, ut sunt delicati, sentinæ odore ac jactatione fluctuum prope exanimis in vertiginem dari. Nihil a quoquam posco, nisi cuius ipse daturus sum exemplum. Tu mecum, Lamberte, in prætoriam invehere. Quæ ab hac secunda est vestras, Brassi atque Alterasi, manus sentiant. Cæteros cæteri aggredimini; bini singulas. Leviores navium circumveſtabuntur, quo fugam hostium impediunt. Sed ubi cœperit prælium, mementote vos navibus depugnare, captos omnes cæſosque ui vincitis. Expediamus procerum super re summa ancipites curas. Aut hic dies ingens auspiciū dabit in bella redeuntibus, aut faciet ut pacem Hispanus serio velit. Tum ponere, an retinere arma rectius deliberet victor Batavus. Felices nos interim famæ, seu maritimi triumphī hinc numerari incipient, sive inter pacis causas nos quoque censebimur, & quadraginta prope annorum bellum nobili ad posteros sine claudemus. Hæc ille dicens non verbis magis quam oculis vultuque toto centuriones commoverat, qui large operam pollicentes, ipsi insuper sese priscis ac recentibus Hispanicæ crudelitatis exemplis in ultionem stimulabant. Ita circumlato poculo ac renovata sacramenti fide disceditur. Præfectus Avilas ut recto in se cursu ferri vidit tanto suis minora navigia, captivum quem secum habebat Batavum solvi jubet, & quid illis animi esse crederet interrogat. Ille vero, aut nostros non novi, inquit, aut isti jam tibi in prælium aderunt. Ridebat Hispanus, indignum putans, si vel tota hostium classis una cum prætoria sua compararetur. At cum jam illā propius accederet, coactus, quod verum erat, credere, prætoriam suam, quæ forte jacebat exterior, præcis anchoris, propius urbem reduxit, ut prælii fortuna in aliis navibus prætentaretur. Nec eo tamen minus propositi tenax Hemskerkius præterveſtus cæteras unam illam petit, ac primum voce edicit prædam omnem capientium fore, præmiūque insuper ei qui hostium aplustre detraheret. Tela nisi e contiguo mitti vetuerat, quo major est subitis terror. Itaque prævertit Hispanus; sed levi noxa. Modico intercedente spatio, incipit e prora jaculari Hemskerkius, statimque impactus hosti juxta anchoram figit.

figit. Stabat media nave conspicuus, cum machinarum jactum repetente Hispano globus forte interempto alio, crus ipsi lævum abruptit, sternitque armis gravem. Sentiebat adesse mortem, itaque Deum precatus exeuntem ut animum propitius exciperet, hortatur adstantes, ne segnius rem gerant; querendum in hostis clade amissi ducis solatium. Celata a centurione Verhoevio mors præfecti, nonnisi commisso prælio in classem manavit. Idem operam dedit, ut dextri lateris machinæ disploderentur. Hispanus jam consumto tormentorum usu tuborum missilibus ingruerat, sed Batavorum contra nitentium certiores ictus, quanto densior hostis constiterat. Lambertus, ut jussum erat, insequens, principio puppim Avilæ ferit, inde lateri se & ipse applicat. Acris oritur pugna, fumique nebulæ cuncta involventes die plus medio imaginem exhibebant nocturni certaminis. Reliqua prælii casu, non ex præscripto regebantur. Nam cum Zelandus Alterasius secundam a prætoria sibi destinatam aggredi cunctaretur, tres eam alii invasere, mox & quartus accessit. Quæ ubi assiduo globorum jactu flammam conceperat, jamque ad oppugnantes periculum penetrabat, retrahunt se Batavi ac vela eodem ardore correpta restinguunt. At Hispani pavore attoniti, projecta navis cura, postquam sancta carina tenus adederat incendium, in mare præcipites hostium quoque telis impetiti, mortem morte mutabant. Aliam Galeonem centurio Batavus Henricus Longus calidius oppugnans globo interimitur, sed & illa gliscentibus telis funditus exarsit. Rursum alia ejusdem magnitudinis rupta compage aquas hauriens onere pressa subsedit. Cæteræ Hispanorum, nonnullæ & Batavorum naves, non ausæ inter se manu periculum facere, eminus cernebant, promiscuo ferme in hostes ac socios malo. Carteiani quoque ex oppidō arceque jaculabantur. Sed repentina vis Hispanos perculit egregia navi suomet pulvere disjecta, hostes sive ipsi ignem indiderant. Postquam horrendus fragor sinu omni intonuerat, laceræ navis reliquæ ardentes proximas navium, illæ vicissim alias in idem exitium traxere. Quæ supererant, priusquam ad ipsas quoque pestis penetraret, abscissis funibus, littori incurrunt. Sola pugnae exitum prætoria morabatur, duas in naves fortiter dimicans, donec tertia supervenit. Tum vero abrupto aplustri una animi conciderunt, penitusque ingressis victoribus cædes magis orta quam prælium. Catervæ totæ Hispanorum ut

1607. pariter in fluctus defilierant, spe-enatandi, glandibus hastisque fodiebantur: nec ullam in sinus partem defigi visus poterat, ubi non tristis mortuorum aut morientium facies occurreret. Non multum Hemskerkio supervixerat Avilas, maritimi imperii vetus, quippe Iohanni quondam Austriaco in Nantacteum praelium comes. Inter chartas ejus Philippi mandata reperiebantur atrocia, non in Batavos modo, sed in omnes, qui Batavis commodi re aliqua fuissent. Galli, quorum atrepas naves Hispanus fuga deseruerat, receptum ad victores tutum habuere. Servati & captivi, qui rara felicitate, missum a centurione Hispano militem, qui ipsos trucidaret, globo interceptum, mox alterum eadem mandata exsecuturum simili letho periisse, postremo vincula sua incidente telo dirupta memorabant. Quieta post praelium nocte, mane sequenti apparuit prætoriam Hispanorum, quam Batavi cepisse satis habentes custodire neglexerant, integram fluitare, paucis vectoribus, qui grassante victoris ira in latebras abditi, inde prorepserant, sed his in oppidum elapsis, Calpetani ultro navem, ne præda hostium fieret, incendunt. Biduum ipsum Batava classis praelii in loco mansit, ostentui quam usui habens victoriam. Cernebantur armati per littus discurrere: contra collectis sarcinis fugam struere oppidani. Pavorem cuncta præferebant, similes nuntii Gadibus afferebantur; magna Hemskerkio, si vixisset, audendi materia. Nunc sua cum ipso consilia conciderant. Tituanum, urbs Mauritaniz haud vetus ad montis Atlantis radices mari fretum extra incumbens, Turcæ parer: huc se Batavi recipiunt navium reparandarum, ægrorumque causa, quos habebant sexaginta, centum fere aliis in prælio desideratis. Præfectus urbis Hispano insensæ excepit multa cum gratulatione victores, donisque percoluit. Etiam pedestre auxilium offerebat, si Septam, ejusdem oræ oppidum, sed interius paulo situm possessumque Hispano, adoriri placeret. Verum illi prædæ quam belli cupidiores, in comparant inter se, ut pars maxima Lusitaniz littus legeret, Azores alii, rursus alii Fortunatas peterent insulas, quidam & Antabrum circa promontorium vagarentur. Naves duæ, ex his quæ commeatus tulerant, missæ in Hollandiam, quæ saucios ipsumque Hemskerki corpus unguentis medicatum perferrent. Prælii ad Calpen, quod v r i Calendas Maji commissum est, nondum fama ad Batavos venerat, dubium an citis nuntiis ex Hispania in Brabantiam perlata, cum

Nava

Naia Hagæ tum agens v. Eidus Maji conventum petit, Ordinibusque exponit, nuper se, ipsis postulantibus, cum ejus rei mandata haberet nulla, pollicitum, curaturos Archiduces ut sua pacta rex Hispaniæ rata haberet. Archiduces cum defugere auctoritatem possent, pacis studio, idem pollicendo, fidem ipsius liberasse. Equum nunc ut sicut illi Principes optima fide nihil omitterent, quod ad sarcindam concordiam faceret, ita vicissim Ordines cuncta huic instituto adversantia amoverent, revocarentque classem, quam infestandæ Hispaniæ miserant. Orabat præterea explicari clarioribus verbis, quæ de non ponendis castris, invadendisque regionibus obscurius nuper convenissent. Ac quando intra Calendas Septembres evenire multa possent, quæ Archiducum nomine nuntianda Ordinibus forent, fidei publicæ codicillos poscebat, quæ tutus ultro citroque commearet. Iam negotii quod in manibus erat magnitudo cunctorum animos adverterat. Ac missi, qui concilio adessent, cujusque nationis præcipui adventabant, eoque difficilior ac tardius consultabatur. Imprimis de revocanda classe dubitatum, nonnullis jam rei ad Calpen bene gestæ rumoribus. Erant qui insistendum dicerent fortunæ faventi, nec, nisi inter pugnandum, audiendos de pace sermones. Alii non verbis modo, sed re ipsa ostendendum, non alienos sibi animos a vera pace, quæ, si non coalesceret, patitura tunc quoque maria, concordæque omnes resumturos arma, non veterum modo injuriarum, sed & illusæ pacis ultroicia. Fermeque evenit, ut & qui otium cuperent, Hispanum præstando securiorem, & qui id ipsum nollent, dum metum hosti, & quærendæ pacis causas intendunt, sua ipsi consilia frustrarentur. Inter hæc e Gallia legati adveniunt: princeps erat Petrus Ianinus, pars quondam magna Lotharingici foederis, sed cum duce Meduano in obsequium Regis transgressus, ex eo claris fidei, nec minoribus prudentiæ, experimentis rerum maximarum minister, & consilii auctoritate inter primos habebatur; super rerum tractandarum peritiam legumque cognitionem incoctum cunctis bonis artibus ingenium. Vultus autem sermonisque adeo potens, ut cum maxime abderet sensus apertissimus videretur. Huic aderant Buzanvalius, apud Ordines regius antehac orator, &, qui iussus erat hanc in dignitatem Buzanvalio succedere, Elias Placius Rustiacus. Indignius Rex ferebat, ita paucis consiliis, se inconsulto, jacta ejus rei fundamenta, quam, nisi se arbitro, in-

1607.

Naia interim Hagæ pacem urgentem classem ex Hispania revocari petis:

De quo inter Foederatos dubitatum.

Henrici ad illos Legati:

Ianinus legatorum princeps.

1607.

*Prolatis
Regis sui
nomine
querelis,
ejus tamen
operam
Fœderatis
offerunt.*

*Qui alios
quoque re-
ges ac prin-
cipes in con-
siliis ad-
hibent.*

*Naia Ar-
senium do-
nia sibi con-
sulare co-
natur.*

cipi non debuisse pro sua magnitudine, suisque in Batavos beneficiis judicabat. Legati igitur dato ipsis consilio multa de Regis in hanc rempublicam meritis præfati, statim ad querelas transeunt, primum graviter in illos inveci, qui Regem cupiti in ipsos imperii suspicione perstrinxerant. Deinde quod cum hoste colloquiis hucusque se immerfissent clam Regem, factum id quoque minus grate. Illum tamen quam non morose amicitias exerceat nunc quoque ostendere, missa in hoc legatione, ut aut arma retinentibus auxilio se futurum demonstraret, aut si pax placeat, auctoritate sua æquam in præsens, in posterum stabilem reddat. Lecti e Fœderatorum conventu qui legatis coram ærarii vires pacisque rationes expenderent. Ac ne Galli auctoritas alios Batavis necessarios offenderet, placuit & reges Britanniae ac Daniae, tum Palatinum ac Brandeburgicum principes interpellari, ut res ambiguas suis quoque consiliis adjuvarent. Super Naiae postulatis diu altercato, vicit sententia ut revocaretur ab Hispania classis, simul Philippus Archiducum pacta firmasset; interim nec novæ illuc naves, nec commeatus mitterentur. Vicino autem pelago quod freto Morinorum clauditur jam tunc arma quiescerent, hac tamen lege ut Flandriae portibus exire nonnisi piscatores permitterentur. Acceptis autem Philippi tabulis, vacaret insuper bello quicquid Oceani Galliam Hispaniamque præfluit Gadium tenus, & a Gadibus omne internum mare. Sed & terrestri otio propius consultum. Et Fœderati securitatem suam claris terminis Amasio, Vidro, Isala, Rheno, Vahali & infra Graviam Mosam magnisque ostiis sepsere. Archiducum ex parte amnes obscuriores Demmera & Geta Brabantiae, Leia ac Manda Flandriae limites facti. Ultra jacentia permissa bello, exceptis duntaxat urbibus castellisque: sic tamen ut milites ipsos inter se tam mari quam terra nulli fines tuerentur. Priusquam discederet Naia, quam non frustra in Batavis moras neceret apparuit. Hagæ illi manere nondum concessum, occupatis haud inani suspicione Ordinum animis. Assignato Delphis hospitio, ingressus exitusque observabantur. Cujus ille consilii rationem facto suo comprobavit. Quippe Cornelium Arsenium Ordinum scribam arcanum ad colloquium invitat. Ille, quod res erat futurum præfagiens, principem Mauritium adit, jubeturque, si quid magni muneris offeratur, accipere, detegendis hostium insidiis. Vbi convenire, monachus facunde gratias agere, quod ipso adjutore

pax

pax initia habuisset. Nam cum primum in Batavos Naia venerat, sequestre Craulio qui Arsenium sanguine attingebat, primos apud illum invenerat aditus. Addit inde, haud sibi ignarum, quantum hoc facto Arsenius periculum adiisset, si res non ex voto utriusque evenisset, invido semper ac suspicace plurium imperio. Cupidum hunc Belgicæ concordiae animum diligere ac grate aestimare Archiduces, daturusque olim majora, nunc domum ipsi reddere, quam Bruxellæ habuisset. Marchionem Spinolam eorundem votorum participem, si aut pax, aut novem annis induciæ convenissent, quinquaginta ipsi scutorum millia polliceri. Horum millia quindecim ubi vellet repræsentaturum, aderatque manu ipsius Spinolæ signata cautio. Suo deinde Naia nomine uxori Arsenii donabat lapidem adamantem non vulgaris pretii. Arsenius de domo gratias agens, quam etiam sibi ex-urbis Bruxellæ, quo tempore dedita erat, pactione deberi existimaret, cætera aliquamdiu recusans, ut fidei suæ gravia, tandem & gemmam & syngrapham accipit, remque Principi & Principe auctore procerum paucis renuntiat. Princeps ad tempus rem clam habendam ratus, munerum custodiam abnuebat. Mox de recipiendis quindecim millibus sollicitatus novis Naiæ literis Arsenius, verensque ne anceps arcanum in pejus erumperet, omnem rei ordinem concilio pandit. Visum Patribus chartam simul atque adamantem apud communis ærarii præfectum, Georgium Debiæum, notæ fidei virum servari. Nec tamen plebis odium vitavit Arsenius, quæ sinisterius acceptum rumorem interpretando accendebat, ita ut necessarium crediderit sævienti famæ libello occurrere. Sub hoc tempus pervenit Amstelodamum Hemskerkii corpus, multa gratulatione nec minore luctu exceptum: quia idem ut victoriæ auctor, ita magnum amissus patriæ damnum credebatur. Funus ac monumentum primo omnium publicitus data, cum inscriptione, quæ res ipsi patratas magno verborum honore testaretur. Ad regem Britanniarum, cupientem rei Batavæ statum propius noscere, missi Io-

hannes Berkius magistratum Dordrechtanorum adfessor, & Iacobus Maleræus Zelandiæ in conventu principem obtinens locum, præsentibus ipsi reipublicæ vires oneraque exponant, & quantum ærario deesse Princeps ac Senatus iudicassent ut bellum bona cum spe gereretur. Excepti comiter, promissique Iacobus rem sociorum sibi curæ fore. Satis hic intelligebat Batavorum armis suam quietem ac maxime Hiberniam defendi.

*Hic res
Ordinibus
pandit.*

*Berkium &
Maleræus
Ordinum
ad Iacobum
Legati.*

1607.

*Ejus no-
mine Spen-
serus &
Vivovod-
us ad Or-
dines ve-
niunt.*

*Advenien-
te Verreikio
artes Hispani-
ca appa-
rent.*

*Multi Fœ-
deratorum
se ab Hispano
illud in-
dignantur.*

Sed haud minus videbat quam non idoneus esset belli suavor, qui pecuniam, cujus id bellum maxime egebat, nec contulerat antehac, nec habebat unde conferret. Missi ab eo haud multo post Hagam venere Ricardus Spenferus, memorata Anglicos Annalibus domo, & Rudolfus Winwodus tum Britannia rediens, alioquin perpetuus apud Ordines regis sui legatus. Spinola interim datis ad Ordines literis, firmata regi Hispano Archiducum pacta memorat: commeatum Ludovico Verreikio poscit, Alberti scribere, qui instrumentum ferret, aliaque ad rem facientia exponeret. Sed is ubi venit, apparere Hispanicæ artes. Non enim iusti fœderis in morem intexta pactorum verba auctoritate regia muniebantur, sed chartæ vulgares Gallico sermone, quo & Belgarum principes usi soliti, octavo Maji ipsique Junii Calendis convента præferebant, quæ subscriptione sua Rex & quidem ejusmodi, qua ad subditos uti solebat, hætenus firmabat, ut ratam fore armorum intermissionem promitteret; Albertum atque Isabellam principes dominosque Belgicæ appellans, nullo interim verbo, quo, uti postulatam, libertatem Ordinum & ipse agnosceret. Quin in ipsa priore Alberti pactione omissæ erant voces, quibus libertas affirmabatur. Scriptoris incuriam vocabat Verreikius, ridiculo colore. Objectum id sibi cum Bruxellam significasset, nihil Archiduces, tantum Iohannes Ricardotus interioris consilii princeps respondit, non recte captari verba, cum nullam pactorum partem rejiciens Philippus cuncta probasse censeri deberet. Ac quanquam testari possent Archiduces cuncta sibi, quæ promississent, impleta, quo magis tamen ipsorum benignitas spectaretur, in Hispaniam missuros, emendandis quæ arguebantur: dum ne differrent Ordines classem ab Hispania tollere, ne qui pacem cordi esse profiterentur, dicta factis refellerent. Hic verò nova Fœderatorum certamina, multis indignantibus, palam se illud ab Hispano, qui libertatem velandis insidiis ostentasset tantum, at nunc fraudum manifestus arma ipsis excutere id unum moliretur. Et audiebatur hostis tum in Hispania tum in Flandria classem parare, incertum quo erupturam. Aderant his Gallicæ legati, paci etiam tunc infestiores, qui compertum sibi prædicabant Hispani ingenium, officiosi nunquam, nisi dum malo cogeretur. Sed vix integrum sibi fecerant hac super re consultare, qui jam ante receperant nec commeatus se nec subsidia missuros classi, cui hoc ipso, quovis imperio fortior, redeundi necessitas imponebatur. Igitur hæc ventum est, ut Ordinum

num nomine Oldenbarneveldius responderet, non congruere 1607.

promissis allatas ex Hispania paginas. Itaque Ordines aliter *Allata ex Hispania charta Ordinibus displicens.*

Regi essent intra sesquimestre tempus, si ultra colloquium speraret; simul exemplum tradebat. Et quoniam mora inde accidisset, prorogandum Ordinibus deliberandi spatium post novæ confirmationis tabulas, quantum ab præsentis tempore ad Calendas Septembres interesset. Datum tamen honori Archiducum, quibus invitis peccatum ista in parte viderent, ut classis revocaretur, & ne post sesquimenssem ex eo die capta in prædam cederent. Regis tamen literas servaturos sese, dum meliores afferrentur, in hoc duntaxat, ut de armorum vacatione constaret.

Neque interim, inquit, mirari satis possumus, si ex fide res agitur, quo largitiones istæ pertineant. En adamas, en torques, en Spinolæ manus, (& singula proferebantur.) Nec adeo in donantibus non suspecta esse non possunt, ut etiam qui jussu publico acceperere, immerita apud populum invidia laborent. Ne quid erretis, non hic ut in regnis duo tresve cuncta pro nutu versant, cætera servientium turba est. Vicibus regimus regimurque. Et hoc tantum concilium, hic senatus, si non satis munita adversum donationes vestras videntur, numerum augebimus. Refer ad dominum dona, quæ nec pro pace dare opus est, & summum sit nefas accipere contra libertatem. Deprehensus inopinato Verreikius quod diceret non habuit, nisi si quid tale factum, Archiducum injussu contigisse: nec mirum adeo, si monachi, avarum imprimis hominum genus, alios ex se æstimatorum. Iam præfinitum sesquimensis tempus exierat, & advocata erat ab Hispania classis, cum impetrato commeatu pariter adsunt Naia ac Verreikius, atque aliud ex Hispanica scriptum proferunt. Verba ferme ut concepta Ordinibus fuerant. Hoc intererat, quod quo loco paratum se profitebatur ut cum liberis populis agere, in quod nihil sibi vindicaret, addebat Philippus, id se asserere tum implendæ Archiducum fidei, tum muniendo pacis aut longarum induciarum foederi, de quo ubi convenisset, cætera, quæ ad ejus sanctionem desiderari possent, abunde præstiturum. Agendum autem eo in foedere, tum de aliis partium postulatis, tum de religionis negotio. Quod ni coiisset, tum nihilo per scriptum istud deterius jus suum fore, sed cuncta partibus integra mansura. Curiosiores notabant rem tantam non saltem ad diuturnitatem membrana dignatam, sed papyro commissam, satis indiligenter. Nec subscriptum ut

Oldenbarneveldii in Verreikius exprobratio.

Naia & Verreikius aliud scriptum proferunt.

1607. ad æquales , Philippi nomen , sed regis , qui mos ipsi ad subditos. Prior Naia odium, quod præsentiebat , verbis mollire aggreditur , narrans semet , ut cui optime cognita & Archiducum & Ordinum in pacem voluntas , ivisse in Hispaniam , & quo res partium in loco , quam necessaria Belgis quies , docuisset Regem. Ibi rem in consilium missam , quo firmiora & diuturniora essent quæ agerentur : nec Rex tantum , qui mortalis , sed regnum ipsum , quod immortale , pactis illigaretur. Testari se optima fide , cupidum pacis Regem , ire ad eam recta ac simplici via : ideo mentem suam clare scripto explicasse , abditurum sensus si fallere voluisset. Post hunc Verreikius , multum laudata Archiducum fide , quod non Latine aut Gallice , sed Hispanice concepta essent a Philippo verba excusabat : hoc illum sermone principes Christianos , hoc populos liberos affari ; nec æquum sibi hanc eripi libertatem , qui Ordinibus , qua vellent lingua loquentibus , credidisset. Incipiebant magis magisque inter Foederatos exardescere diversa sentientium studia , suspectante colloquia Principe , Zelandis quoque & nonnullis Hollandiæ urbibus uberiores bello quantum , quam pace sperantibus. Igitur etiam sedatis animis & idem volentibus displicitura tanto infestius excipiebantur. Quippe libertatis confessionem , quo solo pretio occupati audire cœpissent periculosos de pace sermones , deduci in irritum , parumque id visum , ni Romanensium quoque factio , spe hostilis beneficii , a Republica avelleretur. Naia tamen & Verreikius monstrato quid in Hispanico scripto Ordines desiderarent , aperte professi sunt , frustra futuros , si aliud exspectarent : in ipso pacis aut induciarum foedere , si quid obscuri subesset , clarius explicandum. Tantum illis fiduciæ accesserat , perspecto magnam Foederatorum partem belli pertæsam : nec dubium Hispano quin pacisci cum singulis quam cum universis mallet. Ordines, capto Principis, Galliæque & Britanniæ legatorum consilio , tandem in hanc sententiam conveniunt , ut Archiducum legatis edicerent , non respondere pollicitis allatas ex Hispania literas. Postrema quin adeo verba eam videri interpretationem accipere, ut prius concessa per obliquum elideret. Liberos quippe se populos , & in quos nullum imperium Philippus , nullum Archiduces vindicarent , internæ quieti sponte sua consulturos , nec in rebus suis aliena passuros arbitria. Ne ultra in colloquia penetrarent præbitam forte occasionem. Se tamen id daturus speratæ con-

Quod ut Ordines incipiunt, omni spe missum.

Diversa inter Foederatos studia exardescunt.

Allatum scriptum illorum expectationi nonnullum respondet.

cordiæ , ut nationis cujusque concilio de literis ac re tota judicium deferrent , testati prius , nihil se libertati suæ inimicum admittere. Quid visum ipsis esset , post sesquimestre tempus scituros Archiduces , ut , si pacis rationes audiri placeret , decimum tum intra diem legati ipsorum , quales ipsi se missuros promiserant , Hagam adventarent , ubi & suos legatos adfore , hac sane fiducia , neque Regem , neque Archiduces ullam laturos conditionem , quæ ad ordinandas intus Fœderatorum res pertineret. Hagam autem Ordines conventui destinabant , ne regum legatis migrare indecorum foret ; simul quia in multos sparsa potestate rectius cuncta domi consultabantur. Cum dubitarent Naia & Verreikius an hoc accepto responso Regis literas penes Ordines relinquerent , an secum reportarent , Ordinibus præ se ferentibus haud multum se curare utrum fieret , profectus Bruxellam Naia renunciavit , mansurum scriptum penes ipsos dum faterentur data syngrapha id sibi acceptum , eoque dato Archiducum fidem liberatam ; reddituros denique ni fœdus coiisset. Quæ cum Fœderatis repudiarentur , consultis iterum Archiducibus , Naia sine ullo stipulatu mox literas tradidit. Ad singulos populorum conventus deliberatione perlata , dubitarunt haud pauci insidiosum hostem intra ipsum imperii sinum excipere , quid aliud quam explorandis viribus animisque , & si quid usquam pretio aut armis pervium ? Metuebant quoque ne qui inter ipsos pacem cuperent , velut in præceps delati , ad iniquiora conditionum sensim prolaberentur. Igitur ubi in concilium commune legati rediere , primum omnium mutuo se fœdere cuncti obstringunt , velle sese , si ad pacta veniretur , primo capite stabiliri libertatem verbis id ipsum aperte testantibus , quæque adhibitis in consilium regum legatis sufficere crederentur. Neque ullas se condiciones de sacris profanisque rebus admissuros , quæ libertati fraudem facerent. Contra si hostis pertenderet , monstraturos se humano generi , penes illum stare quominus pax coalesceret , collatisque viribus , & invocata faventium principum ope , resumturos arma , quibus eventum prosperum causæ justitiæ sponderet. Mauritius ac Zelandi ultra volebant ipsa verba libertatem sancientia jam tum concipi , mittique ad Albertum , ut , ni placerent , colloquio abfisteret. Durior aliis visa hæc sententia , quibus audiri hostem placuit. Iam novus instabat annus , eoque ineunte , exiturum erat tempus , quo armis supersederi convenerat ; nec prorogari

1607.

Se rem totam ad nationum concilium delatos Legatis signis.

Fœderatis rem nonnullis periculosum videtur hostes legatos Hagam ad colloquium admittere.

Nihil cum hoste fieri volumus , nisi clavis verbus stabili libertate.

Mauritius Zelandique omni colloquio abstinendum suadent , nisi libertatem sancientia verba prius obtinerentur.

1607.

gari diem Archiduces poscebant, expectantes ut ipsi rogarentur. Quare scribunt Ordines se fretos Archiducum pollicitis, hoc animo, quem nuper Naia ac Verreikio prompsissent, colloquium expectare. Septem se aut octo suorum huic rei prapoluturos, si totidem ipsis aut pauciores mittere placeret, & tales quidem quales se missuros jampridem receperant, cum mandato, tum suo Archiducum, tum Philippi regis nomine, conficiendi celeriter negotii. Dispicerent etiam num e re judicarent armorum vacationi mensem unum, aut sesqui superaddere. Sibi quidem id placere, dum ipsis idem videretur. Quod legatos Ordines tales esse volebant, quales futuros Archiduces receperant, id hunc habebat sensum, ut Belgæ mitterentur. Namque id primæ Archiducum literæ, quibus invitati ad pacem Ordines, clare continebant. Nec parum Batavorum intererat pacis rationes secum expendi a consanguineæ gentis primoribus, quibus & minus fallaciæ, & communia secum vota, si non pro libertate, at contra externam dominationem. Tanto acrius Archiduces alio tendebant; atque ipso ab initio rem omnem clam habuerant Belgarum proceres, donec in ipsos pariter vulgumque erumperet. Ac Naia nupèr & Verreikius Hagæ cum essent, jacto sermone percunctati fuerant, num passuri essent Ordines alienigenas legatos, quando non minus Hispani quam Archiducum res ageretur. Verum tunc nihil impetraverant. Hoc vero tempore Batavorum rectores, qui paci studebant, cum aut conjectarent, aut secreto rescivissent futurum, ut ipse belli dux Spinola & senator Hispanus mitterentur, quorum Spinolam privatis quoque de causis in pacem propendere cognoverant, neque usui judicassent factis ad concilium verbis turbare suspicaces animos, dant operam ut ad Naiam & Verreikium scriberentur Ordinum literæ, quibus ipsos rogarent, ut se de numero ac nominibus legatorum certos facerent, quo commeatui idonea curarentur. His literis injecta scheda, non sane quasi alicujus momenti res ageretur, significans, quod ipsi postulassent, unum ne & alterum extra indigenas adhibere legationi liceret, ea in re placuisse Archiducibus morem geri: nec intercedere Ordines quominus Hispanus aliquis, non tamen e præcipuis militiæ præfectis, ad colloquium veniret. In ambiguum verba implicabantur, ut Batavis videretur unus duntaxat peregrinus admitti, Archiduces ita interpretari possent, ne duos quidem prohiberi, ac ne ipsum quidem belli ducem, qui Hispanus non esset. Indigenarum quoque appella-

*Federati
longiorem
armorum
vacatio-
nem Archi-
ducibus of-
ferunt;*

*Solosque
Belgas le-
gatos vo-
lunt.*

*A quo Ar-
chiduces
plano sunt
aversi.*

*Aliquem
extra indi-
genas lega-
tioni adhi-
beri Batavi
permis-
erunt.*

tio produci ad Burgundos poterat, Belgis aditos & principatu indivulso, ne Ricardotus excluderetur, quem consiliis & longo usu aulæ illius primum hoc tanto negotio haud abfore satis apparebat. Rediere e Dania Iacobus Boulesius Amstelodamenlis, Nicolaus Iacobus Simonides Hornanus, Iacobus Magnus Middelburgensis, missi illuc qui Regem salutarent, consiliaque ejus exposcerent. Nec multo post adsunt Daniæ legati Iacobus Vlfeldius, clari generis ac prudentiæ senator, & Ionas Charisius. Venit & a Brandeburgico principe Hieronymus Discua, & mox a Palatino Hippolytus a Collibus, clarum libris editis, obitisque legationibus nomen. At Rudolfus imperator literas misit inscriptas ad Hollandiæ Zelandiæque & sociarum nationum Ordines, queis labores sibi patrique susceptos audiendis ipsorum querelis & quieti procurandæ commemorabat. Iam vero differri rumoribus, paci ipsos cum Philippo rege atque Alberto imminere, sed velle imprimis Rempublicam suam liberam pronuntiari: mirari nihil se tanta de re monitum, cum Belgica omnis imperii Romani feudum esset & portio. Viderent ergo ne quid suo injussu inchoarent, quod feudi legibus prohiberetur. Visum est Ordinibus respondere, nunquam id sibi cogitatum, aut Albertum fratri, aut cognato Philippum sua consilia celasse. Se alioqui non commissuros fuisse, ut ignarum incepti Cæsarem paterentur. Haud immemores se questuum, quos iniquissimo dominatu oppressi ad Imperatorem & conventus Germaniæ pertulissent, priusquam Mathias causam, regimenque susciperet, & postquam idem ille Belgica excefferat. Sed nullas inde venisse suppetias, ne id quidem oblitos. Sane mox Coloniz in urbe coram imperii legatis de pace disceptatum. Sed cum hanc ipsam occasionem belli acrius gerendi hostis arriperet, coactos se morbo aliter insaniabili supremum quærere remedium, ut decreto publico plurimarum nationum principatum Philippo, quem juratis sub legibus acceperat, easdem ob leges multis modis violatas abdicerent. Ex eo de libertate sua jure parta, armis defensa, ne regibus quidem dubitatum. Sanguis & belli mala quam sibi displicerent sæpius se & Imperatori, & his quæ avulsæ a foedere nationes Alberto regerentur, testatos, addito tamen semper, nullum se exitum sperare, nisi præsentem statum retinente Republica. Atque huc tandem Albertum, huc & Philippum devenisse, ut intactam relinquerent libertatem; quod utriusque literis doceri, quarum exempla trans mittebantur. Nunc confidere

Dani aliorumque principum ad Fœderatas legatos. Imperatoris ad illos littera.

Ordinum responsio.

1607. dere sese, futurum, ut Cæsar Germanique omnis pro vetere in ipsos benevolentia faveant tam piis exuendi belli conatibus. De feudo silebatur, quia & refellere odiosum, & fateri inglorium. Nec minus Philippus & Albertus, ad quos paria de suo jure Imperator scriplerat, responso nihil se moliri quo jus cujusquam deterius fieret, juris disputationem silentio transmiserant. Certe Geldriam utcunque Egmondani invitis Imperatoribus diu tenuere, veteres principes in fide ac clientela imperii habuere, qui tutores primum, dein comites, mox duces appellabantur. Trajectinos quoque pontifices, qui & Transilalanam rexerant, quibusque in profanæ ditionis jura Carolus Quintus successit, sacramentum Cæsaribus dixisse in comperto erat. At Frisii cum Translavanis levibus tantum tributis & armorum ope Francos primum, inde Germanos imperatores venerati, de cætero libertatem tenere, quam & concessam sibi a Carolo Magno prædicant, firmatam ab aliis sæpius ac postremum a Sigismundo constat; septingentosque per annos mansisse mixtum ex primoribus & populo regimen, lecto interdum uno, qui potestatis vocabulo vim principis perpetuam, aut præscriptum ad tempus, exerceret. Conatum inde Maximilianum Cæsarem præfectos imponere Saxonum e gente, sed hos ipsos, lacerata quanquam factionibus Republica, integram possessionem adipisci nequuisse, donec festi certamine jus suum in Carolum Quintum Belgico-germanicæ principem transcriberent. Hollandiæ, cui Zelandia adhæsit, Carolus Calvus Francorum rex dedisse principem creditur, sive illi stirps Aquitana, sive indigenæ nobilitatis præcipuus fuit. Sed hujus famæ auctores tabulæ Diderico imperium ac jus concedunt hæreditarium, nulla feudalis nexus mentione: idque in ea tantum, quæ Ecclesiæ Egmondensis fuerant, pravo ejus sæculi more de rebus sacris principes ditandi. Scisso mox in Galliam Germaniamque imperio, circa Rhenum Germani prævalere. Sed diploma exstat Othonis tertii, quod comiti Hollandiæ, quæ beneficiario usu tenuerat, jure mancipii habere concedit. Bella mox Imperatores inter & comites, postulantes negantesque obsequium. Fuere tamen principes qui affectandis Germanicæ studiis vasallos se imperii dixere, sed liberos, & præter reverentiam nihil debentes; quos inter Wilhelmus fuit factus ipse Cæsar. Nec mutavere Boioari, nati quippe Imperatoribus, sed Burgundi, & post hos Austriaci sacramentum abnuere, repentes ex antiquo libertatem, seu

Fride-

Solum Geldriam ac Trajectinum imperii esse feudum probatur.

Fridericus imperator Philippo Burgundo jus omne imperii remiserat. Maximilianus Austriacus Friderici filius, non Princeps, sed pater tutorque principis, & adversum cives vi externa nitens, Hollandiam aliosque Burgundicæ ditionis populos in corpus imperii ascripsit: sed Ordines acriter resistere, ortorumque tunc motuum hoc etiam inter causas fuit. Carolo autem quinto imperium affectanti, cum Gallum vellet ut externum repellere, objectum Germanis ab ipsis, nihil magis Belgas ad Teutiscum imperium quam Gallos pertinere: non conferri tributa, non pareri legibus, non judicia agnosci. Sed ille, ut acriter cupitum honorem consequeretur, promisit facturum se ut certo foedere Belgæ Germanis coalescerent, præstititque mox hæcenus, ut auditis, quæ pro jure Germaniæ aut libertate Belgarum afferri poterant, Geldriam duntaxat & Trajectum feuda esse fateretur: velletque nihilominus in posterum cætera quoque Batavorum Belgarumque unam pariter efficere imperii Germanici partem, non ut judicia legesque acciperet, sed ut conferret ad publicas necessitates quantum duo principes Electores, ac vicissim in tutela esset Germaniæ, jusque haberet suffragii in conventibus, integra de cætero libertate. Hoc ex foedere Batavi Philippi principatu adversum Hispanorum injurias opem Germaniæ invocarunt; & Bredano colloquio ab Arausionensi dictum Hollandiam & Zelandiam ad imperium Germanicum pertinere captandæ ejus gentis gratiæ, pernegantibus id Philippi legatis. Sed coacti, nullis iude auxiliis, sibi met præsidio esse, eo ex tempore aliena & ipsi onera detrectant. Neque novum foedera hunc in modum dirimi, cum Europa fere omnis Byzantinis se imperatoribus, adversum barbaros indefensâ, subduxerit: & civitatum Italiæ libertas contra Imperatores eodem jure nitatur. Sed nostrum non est longius ista prosequi, quos institutæ scriptionis ordo dudum revocat. Igitur postquam pacta armis modum posuerant, non omisere toto anno milites, qua licebat, ultimum bellandi tempus invadere. Paucos Albertus equites Lingam ire jusserat, onustos stipendio. Forte hos in itinere, agro Bentheimensi deprehendit validior Batavus: & cum se Steinfurtum intra oppidum recepissent, quidam insequentium una penetraverant, alios oppidani clausis portis arcebant. Conserebantur intra portas manus inter captandæ & retinendæ pecuniæ avidos. Il qui extra erant, ni portæ tam ipsis quam hostibus paterent, impetum minabantur. Tum ad proximas sociorum

*Alberti
equites stipendio onustos deprehendunt Batavi.*

1607. rum urbes mittunt quisque auxilia rogatum. Levique initio ingens praelium instabat. Sed oppidi cives veriti ne ipsi fierent accessio victoriæ, persuasere utrisque, potius quam incerto eventu in solam auri spem concurreretur, acciperent tria Albertinorum millia Batavi, prædamque dimitterent. Captus ab Hispano Sidnisquius Graviæ præfectus dum iusto securius Mosam devehitur: occisusque Warnerus Duboisius, iuridicus militaris, Tilano in agro, dum curru fertur, & circumfuso hosti dedere se pertinacius negat. Bellantium utrique pañtorum fiducia partem, externi militis dimisere: prudenter Ordines, Archiduces etiam necessario. Nam seditiones imminebant undique erupturæ, ni novos sumtus temporaria quiete redemissent. Ne sic quidem vitaverant malum, multis militum per agros gravi colonorum damno grassantibus: & quibus Dieftæ sedes data, si stipendia differrentur, admissis aliis suum se numerum aucturos minabantur. Mox ex Hispania nonnihil pecuniæ venit: aliquid & Belgarum populi contulere. Hinc Dieftanis stipendium, simulque venia data est, diditque centuriatim varias in urbes. Sic fracta consentientium vi, Archiduces quod ab hoste vacabat tempus impendunt muniendæ per exemplum severius disciplinæ, auctore talium Didaco Ivarra ex Hispania misso, qui ærario militiæque prospiceret. Narrant igitur edicto Dieftanæ seditionis flagitia, in publicum noxas, quorum datam quidem veniam, sed non ideo invitis retinendum militem. Omnes igitur ejus culpæ participes intra diem noctemque unam jubent excedere, nec unquam in posterum pedem inferre aut Archiducum, aut Hispani in terras. Manentibus redeuntibusve proposita capitis poena, & ingens præmium exsequenti. Prudentiores judicabant non ejusdem esse temporis fidem suam prædicare suspicaci Batavo, & tam callida interpretatione promissa militi, utcunque merito, eludere. Fraudari posteritatem non decet raro Hollandicæ opulentiz & adversum naturam obluctantis ingenii exemplo. Nam privati aliquot Bamestram lacum Purmerendæ adsitum septem horarum ambitu demerso in sex pedes fundo, exhaurire machinis, quas venti versarent, & contra externam aquarum vim munire aggeribus annexi sunt, & præstitere. Sane & olim Batavorum insulæ pleraque humili situ nisi improbo labore atque industria emergere non potuerunt. Nec cessavit se vindicare Oceanus oppidis agrisque per illuviem quondam obrutis, & verso fluminum cursu non alibi tantæ aquarum & terræ vices.

Ex

*Albertus
Federati-
que par-
tem exer-
ni militis
dimittunt.*

*Ivarra
consilio
Dieftani
seditionis
contra fi-
dem fines
Archidu-
cum exco-
dere jubentur.*

*Bame-
stram la-
cum priva-
ti aliquot
Batavi sic-
cant.*

Ex India Sibrandus Warvix rediit navibus duabus, quas Cygnea in insula (Mauritianam Batavi vocant) refecerat, nudo desertoque in solo positis cudenda ad ferramenta incudibus. Tredecim aliæ illuc remissæ duce Petro Verboevio, qui comes nuper Hemskerkio & pars magna ad Calpen victoriæ. Trans Amasium princeps Euno post captam Spinolæ Lingam minus vereri Fœderatorum vim credebatur. Nec ita dudum ferocius legatis responderat. Rapuere tempus Emdani, multa pariter accusantes, quod urbano præsidio stipendium aliaque sustentandis oneribus ad ærarii curatores deferri obliquis artibus prohiberet, quod nullo concilii decreto tributa solus indiceret, quod Hispanum militem impune grassari per agros populandum pateretur. Sed atrocissimum crimen, quod profectis in Hispaniam nautis non uniusmodi literas dedisset, sed ut quemque suarum partium, aut pro patria stare cognoverat: unde qui capti essent ac crudeliter habiti (erantque non pauci) eos tacito principis fœdere proditos arguebant. Fœderati proceres, cum & Christophorum & Iohannem Ennonis fratres in Transamasiano solo morari cognovissent, tuendis Emdæ suburbiis militem misere; & ad Ennonem non legatos ultra, sed tubicinem cum literis, quibus octavum intra diem, quæ contra pacta fecerat demere jubebatur, dareque operam liberandis in Hispania captivis: ni faceret, invitos se ad arma & ipsi dolutura cogi testabantur. Ille in Britanniam misit, ambitum Regis gratiam, cui sperabat probari facile posse qualemcumque principis adversus subditos causam. Sed & Ordinibus per legatos se purgabat: præsertim de nautarum malis, quæ nulla sua perfidia accidisse, sed postquam Batavicum præsidium Emda acceperat, cunctos inde venientes in Hispania pro hostibus haberi. Ordines utrosque ad pacem monitos ita in præsens dimisere. Audita & Caroli Sueonum jam regis legatio, concessumque illi ut militem Batavorum per urbes conscriberet. Nam acrius bello instabat Livonas infestans, dum Sigismundus nova domi rebellionem atteritur. Hos præter & resurgentes Pannoniæ motus, quieta aut sine armis Europæ cætera. Venetos Pontifici Gallus conciliaverat, his legibus, ut nova in sacerdotes jura quiescerent: qui ob crimen capti fuerant Pontifici traderentur. Ita Pontifex sacrorum interdictionem sustulit, quique hæc ob diffidia exierant, in urbem rediere. Solos Iesuitas recipere Veneti pernegabant. Fidelem patriæ operam navaverat consilio scriptisque Paulus Servita, in hunc re-

1607.

*Warvix
duabus na-
vibus ex-
India re-
dux.*

*Verboevius
tredecim
alias redu-
xit.*

*Ortus inter
Emdam
ejusque
principem
urbis Or-
dines com-
ponunt.*

*Sueonum
regis ad il-
los legatio.*

*Brevi-
rum alibi
per Euro-
pam inte-
rim gesta-
rum rela-
tio.*

1607. bus jam compositis immissi percussores, inflictis vulneribus, parum ab cæde abfuerant, ipsisque, & qui eos emercati fuerant, Pontificius ager perfugium fuit. Senatus in tutela esse publica Paulum pronunciavit, & si quis facinoris reos tradidisset necassetve, vim pecuniæ promisit, ac quo magis alliceret, jus quos vellent duos alia ob crimina extorres domum revocandi. Fontano Mediolanensium præfidi cum Rhætis de finibus erat controversia, quam ille non coram arbitris, ne bello quidem indicto persequi statuerat, sed vi inopina, conscriptas Venetico motu copias in id retinens. Advertit Rhætos detecta, consciorumque supplicio expiata proditio. Sed aperta in arma spectantes Gallus & Veneti composuere. In Germania urbem Danubiwerdam, Istro adsitam, ob tumultum in sacerdotes & sacra Romanensia proscriptam ab Imperatore, dux Boioarus, proavorum simul jura repetens, armis suam sub ditionem traxerat. Protestantes Germani quod antevertere neglexerant, sero post exitum accusabant, multi inter se conventibus & querelis, ad Imperatorem audendo tardiores. Rex Hispaniæ, dum nulla mari hostium arma, tuto receptis America atque India classibus, indicto præterea Hispaniæ tributo, in hoc erat totus, ut ingenti se ære alieno paulatim exsolveret, privatæ fidei ut olim vim publicam miscens, creditoribus minuebat usuras, sibi prorogabat diem. Galliam nata mascula proles jam altera in spem longæ pacis evexerat. Apud Britannos adversus nobilium avaritiam agrestium orta coitio in tempore repressa est: veniaque in præsens, in futurum legibus quies munita. Ex Hibernia comites duo Tironus & Tironellus, ille rebellionem quondam notissimus, in Galliam primum, mox in Brabantiam profugi, Romanæ religionis studium exilio suo præscribebant, quod in se injurium rex Iacobus existimans libello vulgavit, nimium recepto sæculi more sceleribus causam religionis obtendi. Nam quæ sacrorum cura vere barbaris, quibus conjugia ignota, cædes laudatæ, decus summum rapto vivere? Sed illos, qui dignitatem non sanguine aut meritis, sed ipsius aut Elisabethæ beneficio obtinerent, suam ingratham mentem, suæ perfidiæ conscientiam perhorrescere, quod semel condonata iterum ausi, sollicitata ad dissidium provincia, in Anglorum omnium occidionem conjurassent; nec defuisse solitæ operæ sacerdotes ac Iesuitas, præcipuos nunc talium concitores: sed externæ potentiae imploratis frustra auxiliis, impios conatus nihil ipsis integrum præter fugam reliquisse.

HUGO-

531

HUGONIS GROTII

HISTORIARVM

DE REBVS

BELGICIS

LIBER SEPTIMVS DECIMVS.

S V M M A R I V M.

Federati novum cum Gallo fœdus faciunt. Germanorum ab Ordinibus postulata. Advententibus hostium legatis Mauritius obviam procedit. Delecti qui seorsim cum illis agant. Hispani moras nectunt: ipsi inducias, Batavi pacem volunt. In Federatorum libertatem consentit Philippus. Contra Hispanorum postulata libellis differitur. Federati India decedere nolunt: colloqui exitum festinant. Obscure summa rerum capita Hispani, Ordines aperte proponent. Ricardoti obtestatio. Naia ad Regem consulendum in Hispaniam proficiscitur. Federatorum cum Anglis novum fœdus. Iniqua Hispanicorum postulata. Ius dicenda sententia Brabantii Federati frustra repetunt. Super bonorum restitutionis dissidia. Batavorum petitione Hispanici offenduntur. Ianinus in inducias proclivis. Artes pacem volentium frustra vitare studet Princeps. Philippus ad Gallum & Britannum legatio Federatis suspecta. Hispanicis India abstineri, & Romanensibus sacra publica restitui postulantiibus, Federati colloquium finire volunt. Gallia Britannique legati eos ad inducias hortantur. Libelli contra inducias in vulgus sparguntur. Causa ob quas Federati ad inducias proclives. Magna inter illos contentiones. Mauritius literis ad Hollandia urbes inducias dissuadet. Dissentiens literarum interpretatio. Lipsii de induciis litora. Hispanicorum in Ordines exprobrationi Oldenbarneveldius respondet. Relicta a Ricardoto arcana in vulgus emittunt. Ianini pro induciis in Federatorum concilio oratio. Magnis animis res inter Federatos agitur. Oldenbarneveldius omnes Federatos, exceptis Zelandis, in inducias consentire facit. Ianini in Zelandos infectio. Inico Archiducum nomine in Hispania inducias urgenti pondus addit Lerma dux. Philippus Arausionensis in Bataviam veniens Emanueli Lusitano domum Nassaviam reconciliat. Adolphus Nassavius caditur. Super religionis aliquot capitibus inter Gomarum & Arminium dissidia: Ordinum jussu in colloquio audiuntur. Palatinatus Catechismus & recepta apud Federatos fidei confessio controversis materiam addunt. Matellius re bene gesta ex India in patriam redux. Batavorum societas Indicana hostilibus quoque pecuniis juvatur. Rerum alibi gestarum brevis historia.



Adventum differentibus hostium legatis frigus hujus anni asperissimum, & rara inter exempla memorandum, in causa; seu pars Hispanici factus erat expectari: interim Ordines cum amicis egeret, ut quid ab ipsis pace bellove sperandum esset

1608.
*Legatorum
ab hostibus
ad ventum
asperum
frigus re-
tardat.*

1608.

*Fœderati
cum conven-
se sibi Gallo
novum
fœdus fa-
ciunt.*

*Quominus
simile cum
Anglis fiat,
pannaria
obstaculo nego-
tatio.
Germano-
rum ab Or-
dinibus po-
stulata.*

*Legatorum
hostium
adventus.*

*Mauritius
illis obviam
procedit.*

explorarent. Gallorum insigne in hanc rempublicam studium tunc sane enicuit, haud facile invento, qui factum ipsorum imitata retur. Nam fœdus fecere, daturum Regem operam ut justa pax coiret: ubi coisset, adversum ejus violatores, qui aut publicas Batavis intulissent injurias, aut privatas interpellati dissimulando fecissent suas, auxilio missurum decem peditum millia. Si Rex regnumve Galliæ hostilia paterentur, Ordines aut quinque peditum millia, aut æqualis impendii naves suppeditarent. Si quid ultra alter alteri præstaret, id creditum fieret, finitroque bello rependeretur: neuter nisi volente socio cum hoste pacisceretur. In commerciis Batavi apud Gallos, Galli apud Batavos civibus æquarentur. At Britanni quominus simile fœdus & ipsi facerent, primum veterem movebant controversiam de pannaria negotiatione, quam una apud Anglos societas obtineret: deinde ut ante omnia de veteri Ordinum ære alieno propius secum transigeretur postulabant. Germani, cuncta abunda natio, quibus & ab Hesso legatus accessit, præ se ferebant nihil malle principes suos quam super mutuis auxiliis fœdus firmare, sed nullam se accepisse ejus rei certam potestatem. Interim quæ ipsi Ordinibus commendabant, si pax fieret, hæc ferme erant: domus Nassaviæ indemnitati ut consuleretur: resarciret Hispanus quæ Mendosa Germaniæ nocuisset: ne cui Ordinum subditiōne libertas fieret Romanos sacrorum ritus usurpandi: dimittendo militi ea adhiberetur cautio ne quid inde ad vicinos mali diffunderet: commeatu onera in posterum cessarent. Ineunte demum Februario mense legati hostium Spinola, Mancicidor Hispanus, rei militaris regius scriba, dein Ricardotus, Verreikius, Naia, concretas per aquas traha vecti intrant nudam tum sane, nec quæ solet annuum munimenta præferentem Hollandiam. Quæqua transirent ab urbium rectoribus comiter excepti. Paulum Haga aberant, cum obviam illis Mauritius procedit, simul immensa hominum corona, quos spectaculi illius magnitudo exciverat, visuros rem anno ante nemini creditam, ut belli maximi imperatores duo, qui nuper infestas ductassent acies, inermes amplecterentur se mutuo, proque vi armorum & belli artibus unum haberent humanitatis certamen. Transgresso Mauriti in currum Spinola, collatisque sermonibus, magnum uterque virtutis suæ fructum percepere, verum experti hostis de hoste judicium. At postquam distributa ex dignitate hospitia, & pretiosam supellectilem cunctaque parata ostentui explicare dux Italus cœpit, mirum di-

cu,

ctu, quantus quotidie hominum ultima ex Hollandia concursus, qui ministeria, qui mensam, qui ipsum spectarent. Multos sane exciverat sola pascendi visus libido, sed fuere & qui Romanæ religionis affectum proderent, jactarentque. Nec ille difficilis se dare adeuntibus, quin & plerosque per interpretem prior affari; pulchrum id ratus, sive & aulius adversum proceres plebis studia sperare. Legatis hostium postulantis conventus datur solito celebrior, ubi Principe senatuque coram, salute peracta, quorsum sint missi aperiunt. Delecti qui seorsim cum ipsis agerent, totius Fœderatorum concilii nomine, Wilhelmus Nassavius & Walravus Brederodius: nationes singulæ singulos, Geldria Cornelium Gentium, Hollandia Iohannem Oldenbarneveldium, Zelandia Iacobum Maleræum, Trajectina Nicolaum Berkium, Frisia Gellium Hillamam, Transisalana Iohannem Sloetium, Groningana Abelem Cundertem addidere. Primi dies transiere dum mandata alii aliorum inspiciunt ac refellunt. Rex Philippus codicillis suis Archiduces summos Belgicæ principes appellabat: & de libertate agens Fœderatorum repetebat legem, quam & nuper dixerat, ut ita demum valeret, si pax convenisset, qua & de religione & de rebus controversis aliis statueretur. Archiduces suis in literis narrabant verba, queis Philippus rata ipsorum pacta nuper habuerat, postulatis Ordinum congruere, contra sæpe testatis questisque Ordinibus. Præterea, cum Philippus Archiducibus potestatem faceret pacem faciendi per se, aut per eos, quos isti negotio delegasset, Archiducum mandata jus illud a Philippo acceptum in legatos a se transferri haud exserte satis loquebantur. Quibus objectis Hispanici, cætera comiter excusantes, ne quid in delegationis jure desideraretur propediem se curaturos spondebant. Sed arguebant vicissim, quod novo plane exemplo Ordinum mandata actores a se paci impositos arcanis imperiis alligarent. Responsum est nihil id negotio obstiturum, quando adessent Ordines ipsi, qui ut quodque pacis caput convenisset, auctoritatem suam confestim adjicerent. Vtrique enim convenerant, ne semel in universum omnia, sed per partes ea quæ definienda essent proponerentur: Batavi quidem, ut, a difficillimis factio initio, tentaretur hostium animus, colloquium duntaxat, an pacem cupissent: Hispanici vero ne tendæ moræ, & ut concessa quoties liberet everterent. Pacem vel inducias obtulerat Hispanus, pressio diu arcana quod sero erupit, pacem se

*In senatu
quorsum
sint missi
aperiunt.
Delecti qui
seorsim cum
illis agant.*

*Batavis a
difficillimis
incipere vo-
lentibus
Hispanici
moræ ne-
sum.*

1608.

*Inducias
hi, illi pa-
cem volunt.*

æquis conditionibus ferre non posse, inducias posse. Contra Ordines ab initio professi finem se bello, non intermissionein quærere; manifesto scilicet, exhaustas Hispaniæ vires tempore revalituras, & posse interim vicina regna in pejus mutari, quæque alia contra inducias disputata mox memorabimus. De pace igitur cœptum agi: fuitque de libertatis Bataviæ confessione primum caput; qua super re inchoatis sermonibus, per nos, inquit Ricardotus, vel regnum esse si libet non intercedimus: rogabat tamen illis ut vocibus pactio fieret, quæ regiam dignitatem quam minimum læderent. Fœderati volebant Regem & Archiduces suo posterumque nomine, septem nationum & Lingæ ac Tarantiorum imperio, quæque ipsis possidebantur, in perpetuum abstinere, ita ut nec titulos nec insignia usurparent. Sed hanc, ut ipsi vocabant, contumeliam graviter inculcare Hispanici apud Gallos Britannosque. Indignum id sane, acerbiores sibi istis a populis imponi leges, quam reges regibus præscriberent. Teneri Hispano Navarræ regnum: nec tamen veteribus possessoribus extortum nominis honorem. Britannum Galliæ se regem scribere: neque aut hoc Gallum, aut illud Hispanum injuriam interpretari, cum & Hispanus ipse Hierosolymorum regni præter vocabulum nihil habeat. Ad quæ cum Batavici responderent, regna sua majestate defendi; ac populis liberis nunquam satis sollicitè caveri: nec gravem tantis Austriacæ domus titulis paucarum vocum jacturam. Accipere tandem Hispanici conditionem, si modo & cætera convenirent: suspecta prudentibus ista Hispani facilitas; nec immerito jam tum conjectabatur assensisse in speciem populari gratoque omnibus postulato, quia restarent alia, quæ concessæ intra verba libertatis vim opesque destruerent, aut non æque Fœderatis communia diffidiis eos implicarent. Procedente colloquio, solennia illa fœderibus, de ponenda hostilium memoria, de pignerationibus prohibendis, nullum aut leve certamen habuere. Sed simul ad commercia ventum est, edixere Hispanici, abstinendum Batavis Indiæ, aliisque longinquis navigatibus ut ante bellum insolitis, eamque præcipuam Philippo cupitæ pacis causam; nec indignam libertatem pro qua id pretium daretur: nullo insuper damno, cum illius in locum Hispanica negotiatio tutior propiorque succederet, qua manente olim nunquam ipsi Indiam cogitassent. Addebant nec Gallis Verbiniano, nec Anglijs Londinensi fœdere concessum adire eas oras, quas Castellani Lusitanique

In Fœderatarum Provinciarum libertatem consentiunt Hispanici. Hispanico-rum facilitas suspecta.

Postulant ut Indiæ aliisque navigatibus abstinere Batavi.

sitanique sibi primis repertas longissimo tempore soli urfur-
passent. Sed resellebant hoc Galliæ Britannique legati, di-
cantes quod jure naturæ liceret, prohibitumque foedere non
esset, permissum merito censeret, coque se jure uti. Hic vero
adhærescente colloquio, quibus privatus ex India quæstus, aut
patria cordi, libellis differunt, quam iniqua Hispanorum im-
peria, quanta Batavis contra certandi necessitas, ut queis ste-
tile solum aut paludibus obsitum, in mari opes & gloria, & in
validissimum hostem unicæ vires. Nec alendæ turbæ sufficere
proxima Oceani: viginti egregiis navibus Guineam adiri, Sa-
larias insulas octoginta, cæteram Americæ oram ferme vigin-
ti, Indiam solam quadraginta; nec minus octo nautarum mil-
lia istis itineribus occupari, quibus victum eripi, aut indici
fugam tali foedere; rem in quovis cive indignam, adversus il-
los vero foede ingratam, quorum maxima essent in republi-
cam merita. Privata seu publica utilitas spectaretur, notum
quo brevi excrevissent Indici commercii quæstus, & quid
in posterum sperari debeat, ex quindecim annorum profectu
colligi. Restare Cambaiam & Malabaras, & Ceilonem &
Narlingam, & Coromandelem & Quedam, ignota hætenus,
aut leviter tentata. Iam quid si & Sinæ, & obversum alteri
Oceano Americæ latus adeantur, & Austrino sub vertice la-
tens adhuc orbis inventorem expectet Batavum? Contende-
rentur sane inter se Indicana & Hispaniensis negotiatio, quan-
quam hæc ne amissa quidem hætenus cum per Gallos Britan-
nosque retineretur: nimirum id recuperari quod eripi sem-
per posset, eripi quod recuperati non posset; dissolutam enim
semel societatem nunquam revicturam. Indicanas naves bello
habiles, quarum semper aliquæ domi in subitos usus sine sum-
tu publico publicam esse classem: Hispanicas quid, nisi, cum
libuisset, hostium prædam? Lucrum hic cum hoste dividi, illic
& quæstum uberiolem, simulque arteri Hispaniæ divitias, or-
bis paci nimias. Ut sciatur quid negari Philippo debeat, vi-
dendum quid ille acerrime petat, quam petitiæ pacis causam
fateatur. Pauperis quondam regni dominos Indiæ Americæ-
que debere illud fortunæ fastigium, ex quo nunc reges despi-
ciant. Namque & vicinorum principum causa agi, quibus
inutiles efficeret Batavos mare amissum. Si æquum specta-
retur, huc niti hostem ut injuriam facere, cum velit, possit:
Batavos id unum, ne pati cogantur. Si vis aut fas quærere-
tur, pro se divinas humanasque leges, quæ navigandi mercan-

*Libellis
contra disse-
runt.*

1608.

dique jus , ita ut cœlum solumque , omnibus ex æquo adjicerent. Si ante bellum navigatum non esset ad Indos, at jus fuisse navigandi, nec ullam valere, quamvis longissimam, possessionem adversus juris gentium auctoritatem. Qui mare claudent, qui solis sibi mercatum vindicarent, quid aliud facere quam piratas, quam annonæ flagellatores? Antiquitati visum iusta in eos arma esse, qui suis portibus quenquam excluderent, quanto magis qui alienis arcerent? Pacem sine commercio, non pacem esse, sed perpetuam sublato se tuendi jure hostilitatem. Iam vero Batavorum intemeratam hæcenus fidem non posse insigniori exemplo foedari, quam si prodant & Hispanorum inclementiæ objiciant, Indorum populos regesque foederatos. Si pactis stare velit Hispanus, jam tum rem esse transactam, cum liberos Batavos pronuntiavit, & cum convenit, ut possessa quisque retineret. Nam nec liberis præscribi quicquam debere, & inter possessa esse commercium. At magni æstimare Philippum quod imperio cederet, non eo sane quod haberet; nec id donum, sed veri esse confessionem, sine qua spes nulla concordiæ. Pacem illum dare, pacem accipere, nec tam secundis suis rebus ut vendere eam debeat; ni crederet, denuo experiretur. Periisse quadraginta annorum sanguinem, frustra que sumpta arma pro libertate & contra Alban illam commerciorum fugatricem decimam, si nunc tanta servitus sponte subeatur, & majoris mundi partis exilium imponi sibi ab hoste patiantur, quod a principe nunquam tolerassent. Hæc illi: pauci contra privatum esse negotium, quod publicæ paci obstare non deberet. Sætem non nisi maritimarum nationum causam agi, cum belli mala ad omnes pertineant. Postremo ubi Hispanica negotiatio, brevis ac tuta, nautas pellexisset, casura sua sponte iterum longinqua & morbis obnoxia. Re expensa, Ordinibus foederatis justæ causæ esse videbantur, cur India haud decederent; attamen, ne quid exuendo bello intantum relinquerent, altercato diu, optionem Hispanicis deferrerunt, ut aut solidam ineam pacem cum navigandi libertate, aut ad Galliæ Britannique exemplum, quicquid æstivum ultra circulum jacet armorum permittatur arbitrio, aut pax hic, illic induciæ fiant. Illi nec eam negotiationem permittere volebant, & pacem bello misceri prodigio aiebant simile: de induciis per Indiam ita demum spem esse, si elapso tempore navigatu abstineretur. Verum Ordines, qui ab ea lege abhorrebant, si forte metu hostem ad æquiora verterent, Americanæ socie-

*Fœderati
India docere
nolunt.*

*Delata His-
panicæ optio
rejicitur.*

societatis sopita nuper consilia resuscitant : minas esse tantum intellexit hostis, nec ultra res processit ; dum qui inter Batavos paci student ferociam addere vèrentur dissentientibus. Non dubienoxius erat Foederatis populis iste rerum status , armis duntaxat inhibitis pace juxta belloque incertis : unde plebs multa, cui ex bello victus, nec promptum se ad alia vertere, otio atque inopia afflictabatur: quo magis festinandum sibi Ordines existimabant, colloquii exitum. Monent igitur Hispanicos, ut præcipua, de quibus acturi essent , capita pariter proponerent : idem se facturos. Illi causari rem esse insolitam , ut prioribus nondum transactis nova congererentur. Parent tandem, sed ut summa duntaxat rerum genera obscuris vocibus, non ut distincte atque explicate res ipsas exponerent. Agendum enim agebant de finibus, de bonorum restitutione, de externis commerciis, de monetæ, earumque immunitatum , quæ Anglis aliisque per Belgicam concessæ, paritate, de religione, de vicinis principibus. Interrogati quod de religione mentionem facerent , quando in Philippi literis id ipsum contineretur, hunc ne haberet sensum, ne qui ultra citroque commearent sacrorum obtentu infestarentur, an ut ipsi Batavis jura præscriberent, quibus res divinæ apud ipsos ordinarentur ? Rem dignam dixere , de qua principes suos consulerent, compositisque cæteris eo ubi ventum esset clarius prompturos sententiam. Contra Ordines non pauca & in ambiguum implicata, sed capita octo & viginti tradiderant , verbis apertis complexi quæ firmandæ paci aut demendis belli injuriis adhiberi solent : nec privata commoda omiserant, aut Nassaviæ domus, ut Emanuelis, cui pater Antonius breve tenuerat Lusitaniæ regnum. Instituta de controversis capitibus collatione , statim Indicano certamini alterum accessit de Europæis commerciis, non minimas hoc quoque difficultates ferens, nam adaperto Antverpiam itinere labem negotiationibus suis Hollandi magisque etiam Zelandi metuebant : accessitque delectos Ordinum Ricardotus, cum lachrymis obtestans , ne pertinacius tuendo quæ ipsis placita , tam paratam pacem e manibus amitterent. Nec obscure præ se ferebat nihil de commerciis statui posse, nisi explorata propius regis Hispani voluntate : meminissent igitur Ordines eam inire paciscendi rationem quæ probari posset, nec victo, nec captivo, sed pacis cupido principi. Affecto jam Martio mense haud longe erat finis præstitutus armorum cessationi , convenit igitur , ut Aprilis Majusque adderentur. De India Ordines hanc conditionem

Ordines colloquii exitum festinant.

Hispanici obscura summa rerum capita proponunt :

Ordines sua aperta.

De Europa commerciis difficultas.

Ricardotus obtestatio.

Ordinum de India oblatas condiciones

1608. ditionem tulere, ut liberum esset suis civibus novem per annos a pace facta cuncta illius loca adire, nisi quæ Hispanus dominatu teneret. Hæc vero ne accederent, ni finerent rectores, aut necessitas cogeret. Hostilia inter ipsos ipsorumque socios tantisper abforent. Si quis contra faceret, ne alibi jus esset ulcisci, quam ubi patrata injuria, injuriæ auctores degerent: tum vero ut ante novem annorum exitum certior pæctio tentaretur.

Repudiabant Hispanici.

Super interno commensu diffidia.

Repudiabant hæc Hispanici, planeque volebant circumscribi in præsens Indicanam negotiationem, omitti in posterum. Interni vero commeatus libertatem, suspectam Batavis, munire parabant his legibus: primum ut onera demerentur bello reperta, modicis olim vectigalibus: deinde ne suum ad forum merces trahendi privilegium, quod urbes quædam usurpant, ut in vino Germanico Dordrechtum, in Gallico Middelburgum, adversus alterius nationis, aut imperii cives, valeret. Contra Batavi, intellecto, hæc quo tenderent, placere sibi ostendunt, ne commerciorum duriora externis onera quam civibus imponantur: jura autem urbium eo sint loco, quo ante motus Belgicos fuerint. Sed & æquum arbitrabantur caveri, sibi tutas fore, quæ a se Hispaniam peterent naves. His super controversiis acturus cum Rege in

De his cum Rege acturus in Hispaniam proficiscitur Naia.

Ordines interim cum Anglis fœdus faciunt.

Fœderati ad hostium legatis sua expediri petunt.

Iniqua Hispanicorum postulata.

Ius dicenda in consilio sententia

Hispaniam mittitur Naia, quadraginta intra dies promisso reditu: sed pollicitationem aut falsam, aut temerariam eventus revicit. Non tamen vacuum omnino tempus transit: nam primum Ordines de pecuniis creditis cum Anglo transigunt, fœdusque mox faciunt, valiturum si pax fieret; iisdem pene legibus, quæ cum Gallo convenerat: nisi quod auxilium dimidio minora promittebantur, tum regressis suas ad nationes, qui supra numerum convenerant, præfecti pacis negotio hostium legatos interpellant, sua ut postulata cæteris de capitibus expediant. De finibus orto sermone veriti non sunt contendere Hispanici, ut Brabantia Flandriaque & omni Geldria trans Vahalim Ordines decederent, acciperentque vicissim Lingam, Oldensaliam, Grollam, iniquissima comparatione. Cum eo descendissent, ut oppidorum custodiam breve ad tempus Fœderatis permitterent, sic tamen ut summa potestas jurisque dictio penes Archiduces esset, nimium se liberaliter partiri Belgicam dicebant, relicta apud vicinos ea parte quam firmiorem belli fortuna judicasset. Emanante hujus rei rumore, Brabanti Ordinum ditionis, non contenti obtinere ne hosti dederentur, occasionem datam judicabant.

cabant, qua jus dicendæ in consilio publico sententiæ recu- 1608.
perarent. Nam postquam principes urbes, ultimaque earum
Antverpia Parmensi cesserant, reliqua, ut minora, quam *Brabantii
foederatiū
frustra re-
petunt.*
quæ per se regerentur, septem nationum imperio leges, tri-
buta, magistratus, acceperant, quanquam Bergæ ad Zomam
fidæ semper partibus, Breda vero aliaque bello capta ac rece-
pta postliminio libertatem ex Trajectino foedere repetebant.
Sed non ea erant tempora, quibus augeri deberet censentium
turba & conciliandi labos. Parum adhuc actum cum hostibus
erat, jamque & Majo mensi finis imminebat, cum pacis inter
Batavos studiosi ægre a cæteris impetrant, ut anni labentis re-
siduum armorum otio adderetur: hac tamen lege ne Quinti-
em ultra colloquia prorogarent. Bonorum tum restitutio *Super bono-
rum resti-
tutione no-
va dissidia.*
tractabatur, prioribus nondum confectis nova dissidendi ma-
teria: quam ob rem profectus Bruxellam Verreikius, brevi re-
liens, quæ sit mens Archiducum refert: æquum ut onera bello
rata pace moriantur. De oppidis Brabantiae Flandriaeque gra-
tiam facere, dum agro integro potirentur. Vt privatis sua cui-
que, ita & principibus reddenda bona, quæ majores tenuissent,
diversam quippe possessionum utilitatem ab imperii majesta-
te: nec quia hanc abdicassent Archiduces, iccirco convenisse
ut & illa multarentur. Contradixere Ordines, nec imperium
fisco, nec urbes agro exui posse, sine imperii urbiumque exi-
tio: & ni ad æquiora se verterent, rectius colloquium abru-
pturos. Instabant illi, si de fisco abnuerent, certe cur ea, quæ
privati principum patrimonii fuissent reddere negarent, colo-
rem nullum reperturos. Repudiatum hoc quoque tam calli-
dum discrimen, quando his in locis nunquam æris fiscalis,
principumque patrimonii separatae rationes fuerant. Et quan-
quam cunctabantur illi aperire quid rei privatae nomine com-
prehenderent, apparebat oppida regionesque totas emtas prin-
cipibus, aut peculiari titulo quæritas isto sub involucro tegi.
Cum vero Batavi securitatis magnam partem futuram dicerent,
si Hispanica præsidia Belgicis finibus deducerentur, indignum
dixere Hispanici hoc ab iis posci qui res suas Gallo ac Britanno
milite tutarentur. Haud magis obtemperavere, rogati ut quæ
uris Teutisci loca ipsis infiderentur, Germaniae redderent.
Iterum Bruxellam Verreikius, atque ubi redierat, collati ser-
mones de privilegiorum usu, de bellicarum navium ad litto-
ra accessu, de muniendi jure, de legendis earum urbium ma-
gistratibus, qui privatos dominos pace sortirentur, de cau-
tionibus

*De aliis
quoque mi-
noribus ex-
pensis non
conveniens.*

1608. tionibus pacis, nec nisi denunciato resumendis ob injurias armis. Nec de his satis conveniebat, & ut convenisset, exigua erant præ prioribus adhuc controversis. Præcipue vero offenderat Hispanicos quod Batavi petierant ut foedus non Archiducum modo, sed procerum quoque ac civitatum ipsis parentium sponfionibus firmaretur. Tentati de religione iterum opperendum dicebant Naiam, quem sperato longius per Hispaniam detineri haud festinæ circa magna gentis ingenio. Hoc obtentu exoravere ut præfinitum colloquio tempus citra Calendas Sextiles, ad Eidus usque Septembres produceretur.

Batavorum peritio Hispanicos offendit.

Lanius in inducias prodixit.

Artes pacem voluntium frustra vitare studet Princeps.

Philippi ad Gallum & Britannum legati.

Legatio Batavis suspecta.

Sparsi rumores Ordinum curas onerant.

Interea in Galliam Ianinus ierat, ut Regi quis apud Batavos Reipublicæ status, qui motus animorum, quæ ad bellum vires, quæ spes pacis, exponeret: ipse jam tum inducias animo struens, quia publicis arcanisque colloquiis Foederatorum plurimos a bello averfos, & Hispanum pacis æque impatientem cognoverat. Non parum momenti huc addiderat, quod Ordines, si bellum maneret, ingens auxilium reges socios poposcerant, testati nullum sibi restare tributum genus, & tamen longe impar ærarium istis copiis, quas bello gerendo necessarias Mauritius quondam judicasset. Erant hæ pacem volentium artes, quas sero Princeps belli jam rationes in minus contrahens vitare speraverat. Agebat tum in Gallia Petrus Toletanus, quem Philippus miserat orando Henrico, ita Batavicam pacem moderaretur, ut regiæ dignitati quam minimum decederet. Etiam filio ipsius despondenda in conjugium Philippi filia offerebatur: haud avido ejus affinitatis Henrico, qui pridem sibi ipse in Medicæ potius, quam plena foeminarum Austriaca domo matrimonium quæsiisset. Suspecta tamen & Batavorum quibusdam, & Anglis præcipue ista legatio fuit, & dos dicta nuptiis, jus in Batavos ferebatur. Sed Britannum mitigavit Hispanus pari honore legationis ad eum directæ, quam obiit Ferdinandus Gironus Hispanos inter belli ductores dignatione eminens. At Daniæ legati, qui Hagæ agebant, domum abiire, pertæsi moræ, sed nec dissimulantes nolle se ejus fabulæ spectatores sedere, cujus scena omnis in Gallia strueretur. Onerabat Ordinum curas, quod ex Anglia, Gallia, Germaniæque nuntii congruebant, prædicare Hispani ministros, nunquam id animi Philippo ut imperii sui jura projiceret, sed obtinendo colloquio datam Batavis usuram brevem temporariæ libertatis. Nunc ita ipsi cognita istarum nationum intima, ut pace seu bello prosperos exitus speraret. Nec pacem

cem daturum, nisi India abstinere, & Romanensibus sacra suo more peragendi potestas fieret. Ianinus Hagam regressus, fidum in socios Regis animum, & repudiata Toletani turba-
 menta, nec ultra aperit. Deinde legati hostium, absente adhuc Naia, sed acceptis ex Hispania literis, Regem ajunt bona fide libertatem ipsis permittere, æquum ut ei vicissim de India aliis-
 que nuper postulatis mos geratur. Cupere præterea Regem sua pro pietate ut impune sit Romanensibus ex animi sui sen-
 tentia Deum colere: darent hoc consanguineis: darent suis quisque majoribus, ne probatam ipsis religionem sævius odissent, quam nova & nata dissolvendis imperiis Anabaptistarum placita: darent denique patriæ ne fugarent inde cives, erepto quod mortalibus dulcissimum est. Sentiebant Ordines intendi machinam quæ Reipublicæ stabilimenta subrueret. Idem Germanis Anglisque videbatur. Ianinus non consilium improbat, sed consilii auctores, nec enim debere rem tantam hostile beneficium fieri. Tandem Ordines, & damnosæ rebus suis noræ & iniquarum conditionum haud ultra tolerantes, finire colloquium statuunt. Perscriptoque decreto, quam magnis experimentis formidatum sibi cum Hispano de pace agere, ut plii priores aditi mentem statim suam promississent, hostes contra quibus grassati essent insidiis, quomodo singula eorum postulata concessæ toties libertatis jura vimque destruerent, totam denique rei gestæ seriem ordine commemorant. Decreto hoc sibi tradito Hispanici deliberandi spatium petiere. Interea regum Galliæ & Britanniæ legati, præsentibus magis quam probantibus Germanis, in conventum Foederatorum proleunt, pressaque hætenus efferunt regum mandata, ut pacem quatenus fieri posset, curarent: ea desperata, saltem inducias uaderent utrisque partibus, sed tutas honestasque, & per quas naneretur Batavis indubitata libertas, jus integrum navigandi, nihil imminuta possessio. Tales inducias sapienter rempublicam administrantibus in pacem verti. Scire se, quam justas haberent irascendi adversariis causas: sed omnes animi perturbationes infidas esse consiliis. Cogitarent, quam per se ipsi bello impares, nec regibus arma sumi, nisi ex occasione, aut necessitate. Hic ex bello nihil posse majus quam mutua damna perari: & abesse necessitatem, quamdiu haberi possent induciæ. Si convenissent, eadem tuendo foederi, quæ pace facta auxilia promitti: sin Hispani, quod omnino verendum, ut pacem ita inducias defugerent, futuram tunc quoque amicorum salu-

*Hispanici
India absti-
neri, ac Ro-
manensi-
bus a Fœ-
deratis pu-
blica sacra
restitui po-
stulanti.*

*Fœderati
colloquium
finiendum
esse decer-
nunt.*

*Galliæ &
Britannia
legati illos
ad indu-
cias hor-
tantur.*

1608. salutem regibus cordi. Hæc ubi fama percrebuit, tum vero *Libelli sine* effrænis libido sine auctore scripta in vulgus spargendi totum *auctore contra inducias in vulgus sparguntur.* per annum vagata ardentius erupit. Alii tali ex fœdere solitudinem, seditiones, postremo servitium vaticinari: alii odiose exagitare quæ unquam per Americam Hispani, aut adversum Granatenſes & Arragones, ipsa denique in Belgica crudeliter aut perfide patraſſent. Producere libros qui docerent pacta Romanæ religioni nocentia, aut subditos inter principesque inita ſervari non oportere. Nec omiferant inculcare, quod non urbium rectores, non indigena nobilitas huc miſſa, ſed Itali, Hispani, monachi, fallaciſſima hominum genera, qui ſi quid uſquam infirmum aut malefidum rimarentur, quin & legatos regum & procerum potiſſimos, ut donis a recto averſos, oblique notabant. Non minimum ego iſtius Reipublicæ malam arbitror, tantam in plebe libellis concitanda proterviam, vetitam ſæpe, & tunc novo edicto, nec repreſſam tamen, dum acris indago & graves poenæ repudiantur ut libertati contraria. Ordinibus quanquam in conventu plerisque res inopina obvenerat, & præſumta ſpe pacis ægre ſe ad inducias detrudi patiebantur, ne tamen monita regum ſpernerent, præcipuæ hæ cauſæ erant: quod belli impendia, ita ut poſtremo geſtum fuerat, trecenta florenorum millia in menſes ſingulos tributorum redditus ſuperarent: quod hæc ipſa nondum ſufficere judicarentur, ni tuendis annibus ſexies mille pedites ad veteres copias accederent: quod commune Fœderatorum æris alieni haberet novies millena millia: nationes ipſæ privatim bis tantum: ac proinde bellum nolentibus regibus geri nulla bona cum ſpe poſſet. Nam partes imperii abſcindere atque intima tueri, etſi erant qui ſuaderent, crudele, ac, ſi emanaret, periculolum. Quod vero nonnulli dicerent, ita conſtitutam Rempublicam, ut armis quieſcentibus ipſa quieſcere non poſſet, ea vero aliis impia atque infamis conſeſſio videbatur. Iuſtius metui, ne plebs, cognito juſtas leges repudiari, inſenſa reſtoribus, belli onera detrectaret. Reſpondent igitur paratos audire ſe de induciis, dummodo libertas non ſub conditione, aut in diem, ſed ſimpliciter atque in perpetuum firmetur. At Hiſpanici, ubi eos legati regum acceſſerant, nullam talis conventionis ſpem fecere: ſed aliam conditionem ferunt, ut quæ in præſens armis ſuſpenſis rerum ſit facies, maneat per annos ſeptem, ſic tamen ut Hiſpanus eligat duos intra menſes, Indiæ commercium permittere velit, an de eo

Cauſæ quibus Fœderati ad inducias propendebant.

Illibatam libertatem petentibus Hiſpanici aliam conditionem ferunt.

armis

armis contendere. Non esse autem cur repetatur semel ante- 1608.

hac facta de libertate professio, tardumque id impetratu, quando durior hic Hispanus, nec Archiducum facilitatem imitetur. Hæc si Ordinibus non placerent, saltem expectandis propioribus Philippi mandatis tempus sibi indulgeri Calendarum Octobrium tenus postulabant. Hoc ubi per regum principumque legatos concilio renuntiatum est, persistere in prior decreto proceres: cæterum de tempore dixerunt legatis se idem rogantibus obtemperaturos. Interim & iplis ad suas

Ordines in decreto persistunt.

cuique nationes abeundi spatium fuit, ut in rem novam nova jussa acciperent. Magnis contentionebus res agitata est. nec tantum nudiores ad hostilem injuriam populi a Zelandis, mari suo tutis, discrepabant, sed in ipsa Hollandia aliud aliæ urbes, nec intra urbes idem omnes volebant, ut quemque spes propriæ, aut valida utrinque argumenta impulerant. In hac

Magna inter illos contentiones.

animorum fluctuatione consilium Mauritio datum est, ut palam nec dissimulanter auctorem ageret fortioris sententiæ: fecitque non verbis modo asperioribus, sed & missis Hollandiæ ad civitates literis. Tandem, inquit, artes majoribus tormidatae eruperunt. Speciosæ illæ voces, quibus emtum colloquium, nihil nisi voces fuere, nec pax hosti cupita, sed ut suo

Mauritii de non faciendis induciis ad urbes Hollandiæ ligata.

magis quam nostro tempore bellum gerat, aut bello gravius per discordias ac dona afflicter Rempublicam. Brevi reviviscent illi opes, nuper exhaustæ adeo, ut ære solo in auri argentique pretium pecuniam signaverit. Nobis manebunt onera, perfidiæ metu, disfluet mercatura & quicquid bello alitur: ipsumque militiæ robur, præsertim equestre, alibi gloriam & prædam quæret. Non corporibus modo, sed & animis ventura desidia est, tot olim injuriarum exolescente memoria: cujus jam nunc quam exiguum restat, seniorum in locum succedentibus aliis, qui vetera audiunt tantum, audita segniter credunt. Fac, quod sperari non debet, ut in Republica nemo aliud quam Rempublicam spectet, tamen regum subiti sunt impetus; populi sæpe dum deliberant pereunt. Quare vos memores parentum virtutis, qui toties Imperatoris ac regum de pace legationes, non ut amicorum consilia, sed ut hostis insidias vitavere; memores decretorum, quæ olim facta & nuper sæpius repetita de statuenda extra controversiam libertate, nullam admittite pactionem, nisi quæ hosti & jus omne imperii, & titulum, & insignia abjudicet. Si fraus nulla subest, quid cunctatur claris verbis exprimere, quod serio agitur?

At

1608. At vestra profecto interest, ne aut principes externi vestro de statu dubitent; aut cives ipsi dominum sibi cogitatione destinent. Erunt qui ambigua vobis verba & ad Hispani gustum temperata laudabunt, necessitatemque obtendent: sed honesta ac salubria necessitatis patrocinio non egent; præceps est ista mollities & ad deditionem trahit. Fœdera meis consiliis haberi, si ego non merui, meruerit pater. Neque hic mea, meorumve res agitur, ac si publica privatis posthabere sivisset animus, paruit dudum patetque lucrosus e bello exitus. Vos principes fœderis, exemplum date minoribus & vestra ex auctoritate pendentibus populis. Quæ Senatus nuper Reipublicæ necessaria proposuit, decernite. Quos ad conventum mittetis, mandatis adstringite, nequid in libertatis pactione commutent. Imperate iisdem ut nobiscum de Republica consilia socient, sicut veteres erga præsidēs & meum postremo parentem factitatum est. Hanc ego vestram pro publica salute curam omni beneficio gratius accipiam. Non eadem fuit ubique literarum interpretatio: & quidam primores urbium ad conventus ire soliti, ita accepere quasi traducta esset apud collegas sua in mandatis obeundis fides. Prodiere sub hoc tempus & Iusti Lipsii literæ, alibi nobis memoratæ, queis vir civilium rerum non imperitus, manente adhuc Galliæ ac Britanniæ bello, auctor Hispano fuerat, ut cum Batavo inducias pacisceretur. Principes mora valescere, & ubi odium defuisset, redire obsequium: non alia quondam arte Sextum Pompejum cecidisse validæ classis atque insulæ dominum. Abibat September præfinitus auper Hispanicis manendi terminus, itaque legatos adeunt regum, narrantes accepta sibi Archiducum mandata, quibus septem in annos per Europam inducias faciendi potestas fieret, hac formula, pacisci se cum Ordinibus ut liberis, & in quos nihil sibi arrogarent. Philippo ut idem placeret daturus operam. Negarunt legati se de re, quam ingratam fore præsentirent, ad Ordines verba facturos. Apparebat Hispanicos severitate postremi decreti, quo exire finibus jubebantur, offensos, ut moram precarentur contra suam magnitudinem judicare: mansuros tamen libentius, si Ordines id sponte sua, aut legatis suasoribus, concessissent. Sed legatis consultius visum hostium abitu satiare Ordinum iras, quam invisâ adeo postulatione odium in se quoque accendere. Veniunt igitur in concilium Hispani vale Ordinibus dicturi. Ibi Ricardotus multum laudatis principibus suis, qui

*Dissentiens
literarum
interpretatio.*

*Lipsii de
induciis
prodeunt
literæ.*

*Hispanicorum
Ordinibus
valescentium
in Ordinibus
exprobratio.*

res maximas paci condonassent, Ordinum præfactam duritiem accusabat, a quibus nunc quoque haud satis decore se finibus pelli. Fatidicus, inquit, non sum, sed aut vehementer ego animi fallor, aut jam diem prævideo, cum tam contumaciter repudiata reddi vobis frustra optabitis. Vos spretæ pacis reos peraget qui fundetur in posterum sanguis. Huic Ordinum nomine ita respondit Oldenbarneveldius, ut simpliciter egisse Ordines ostenderet, qui colloquium non admisissent, nisi accepta fide relictum sibi iri libertatem. Quo minus foedus coeat per ipsos stare, qui promissa exsequi aut non possint, aut non velint. Ab illis reposcendum sanguinem, quorum jura armis omnibus cruentiora armorum fecissent necessitatem: quorumque recentia etiam in imbelles nautas ac piscatores sævitias exempla existerent. Adstabat Spinola eo sane vultu, in quo desperatæ pacis dolor deprehenderetur. Abiens Haga Ricardotus, forte an consilio, arcana Archiducum mandata de ratione instituendi colloquii inter chartas quasdam in hospitio reliquit, quæ reperta brevi in vulgus emanarunt. His cuncta, quæ de pace acta narravimus, ita jubebantur, atque inter cætera illud, de libertate afferenda nequid contenderent. Sed Fiscijura, si non redderentur, eorum in vicem annuam pecuniam poscerent. Atque ubi cætera provenissent, tum callide insinua-
rent Batavis, validum esse, si cohæreat, Belgicæ corpus; divulgum facile externo alicui in prædam cessurum. Recte igitur facturos, si Archiduces sibi defensores adsciscerent, aut saltem eam inirent societatem, qua hostis utrique parti fieret, qui alteram læderet. Si ne id quidem posset obtineri, hoc tamen conveniret, ne pars altera alterius hosti ope aut consilio adesset, aut quenquam suorum ei militare pateretur. Sed hæc Hispanici celare Gallos Britannosque jubebantur: eorundem tamen opera uti ad res alias, & Ianini præsertim ad impetrandos Romanensibus suos ritus, & bonorum quondam sacerdotalium partem. Commendabatur & ipsis Transmasiani comitis negotium, & privata quædam alia. Qui scriptum hos a Ricardoto per incuriam relictum credere non poterant, has illi cur relinqueret causas fuisse suspicabantur, ut de libertate nihil nisi serio actum persuaderet, & de auxiliari foedere cogitationem injiceret Batavis, quod verbis promere immaturum fuerat. Qui vulgare, aut suspecta facere voluerunt legatorum, ac Galliar præsertim, consilia, aut acriori regum odio objicere Archiduces. Ricardotus per literas & suam negligentiam accusavit, &

M m

quod

*Oldenbar-
neveldii
Ordinum
nomine re-
sponso.*

*Relicta a
Ricardoto
arcana
mandata
in vulgum
emittuntur.*

1608.

*Regum le-
gati indu-
ciarum sex-
dies concipiunt.*

*Ianini pro
inducibus in
Fœderato-
rum concilio oratio.*

quod sparsum esset in vulgus scriptum, violata in eo hospitii jura conquestus est. Nihilominus Galliae ac Britanniae legati, Germanis, queis ea actio minus placebat, abitum parantibus, cognito per sermones nuper & nunc ex literis Ricardoti, obtineri posse ab Alberto Philippoque in decem annos inducias, sed de libertate non alia verba, quam quæ usurpata essent armis primum inhibitis, foedus eum in modum concipiunt. De India permittitur Philippo, inducias & illic, aut bellum eligere; de finibus atque alia controversa pacatiori in posterum colloquio servantur. Labor in eo erat, ut hæc paciscendi ratio probaretur Ordinibus de munienda in perpetuum libertate sollicitis, quibusdam & hanc arrepturis occasionem, quo foedus everterent. Veniunt igitur in concilium legati, quorum Ianinus, senatoriam in gravitatem compositus, ita fari orsus est. Meretur & dignitas & virtus eorum, quibus nostra de induciis consilia displicent, ut ipsorum argumenta cum nostris comparentur, quo vobis sit, Proceres, promptius dispicere, utra sit salubrior sententia. Verba, ut audio, incusant; qui si hoc agunt, ut sit tuta libertas, & non armorum cupiditati obtentus quaeritur, est ut liberentur laudando forte, sed inani metu. Nam libertas illis rebus annumeratur, quæ nec diem nec conditionem recipiunt, & semel datæ semper valent. Quanquam si recte rem inspicimus, non dari vobis libertatem, sed agnosci cupitis: nam & dare ille non potest, inconcesso principibus imperia transcribere, & datam accipere pudor sit vobis, qui eam jam olim decreto publico obtinetis. Agnoscere autem manifestius non potest, qui & liberos vos appellat, & nihil se in vos sibi arrogare profiteretur. In ipsa pacis actione satis id nobis visum: sed quia erant qui plus impetrari posse confiderent, non intercessimus. Insignia vero nomenque abdicari, probrosum nobis jam tum videbatur, ideoque suspectum in rege non victo. At si ita sentit hostis, quin clarius loquitur, inquirunt. Ille vero æquum negat ad alia se verba cogi, quam quæ vobis ante colloquium placuere. Iam vero cui persuasam vultis vestram libertatem? amicis nimirum regibus. At illi ista verba idonea pronuntiant. Neque vos id credo timetis ut vobis Hispanus in jure manum injiciat, vindiciasque dici adversum vos sibi postulet. Sed exactis induciis, si ita ipsi visum erit, bello utatur judice. Victos nulla defendet cautio: victoriæ, ut nihil cantum sit, ratio facile constabit. Neque illud magnopere metuendum, ut magnam pecuniæ vim hostis accumulet. Mos iste

iste liberis populis, nec aliena petentibus in futurum prospicere, uti præsentibus regium putatur; alia luxus, alia latius imperitandi cupido absumit. Et juvenis Philippus, & gentem regit quiescere indocilem. Vobis promptius, expedito ære alieno, fidem refovere, quando præsidiis tantum manentibus castrorum impendia, pars altera onerum, cessabunt. Potestis jam nunc, & suaferim, tributa in annos induciarum prorogare. Munera hostium & dissidia his, qui timere se dicunt, cavenda facile concesserim. Nec puto leges vobis aut judicia deesse: ut taceam frustra paucos corrumpi, ubi penes multos nec semper eosdem sit regimen. Socordiam quoque hostis ipse excutiet, ejus quippe ingenii, ut diu non suspectus esse nequeat. Alioqui ista si ratio admittitur, æternum bellum suscipiatis necesse est: nam pace multo etiam magis metuenda securitatis vitia: imo nec bello interna pericula aberunt, si qua magna calamitas obsequium rumpet. Nec id temere formidatur, quando publici reditus adeo inferendo impares vix arcendo bello, hoc est, exitii ad moram, sufficiunt. Hoc interest, quod induciarum incommoda cavere vestra in manu est, belli tristes exitus sæpe nec sapientissimus effugit. Imponitur nobis necessitas etiam Lipsii literis respondendi, qui hosti inducias suasit, sed breves: sed sine libertatis mentione: neque tum iis Galliæ viribus, quæ metum hosti, vobis fiduciam adderent. Exemplis si certatur, stant a nobis plura, & non alieni sæculi. Gandavico cedere Hollandia ac Zelandia revixerunt. Helvetii sumpta paribus de causis arma per inducias posuere: libertatem tanto am tempore retinent, peditatu sane & montium jugis defensi: sed non minora sunt vobis munimenta, navales copię & circumfusus Oceanus. Sunt & qui metuunt ne quondam infirmiores in arma redeatis, quia incerta sit principum faventium vita. Sed non cum regibus & causæ societatis interciunt, quin, ut regna, immortales sunt. Hoc ipsum quod vivunt florentque socii, quod Belgicæ princeps arma exosus nperat, excitare vos debet, ne effluere sinatis tam oportuna quieti tempora. Venit a providis, venit ab amicis regibus hoc consilium, & quorum id unum, ut salvi sitis, interest. Plura quæ huc faciunt, sed prudenter tacentur, sibi quisque subiciat, ne contrariæ sententiæ auctores sola dicendi quidvis libertate nos vincant. Hac oratione commotos nonnihil animos postredie iterum aggreditur: præcipua foederis capita regulatim percurrrens, ut iniquum nihil aut infidum latere

1608.

*Inducias &
Vivro-
dus suadet.*

*Magnis
animis res
inter Fœde-
ratos agi-
tur.*

*Oldenbar-
neveldius
invidia
præcipue ob-
noxius mu-
neri suo re-
muncians.*

*Primorum
rogatu ad
illud rever-
sus omnem
Hollan-
diam alias-
que quin-
que natio-
nes unius
facis sen-
tentia.
Soli, insti-
gante Mau-
ritio, Ze-
landi in-
ducias ab-
nuent.*

convinceret. Addebat, primos esse omnium populorum quibus is honos concessus, ut libertatem suam abdicati principis confessione munirent. Non Helvetiis id obtigisse, ne captivo quidem Christierno id imperatum a victoribus Danis. Tum graviter eos increpat, mendacisque & ingratae mentis acculat, qui mitterent Petri Toletani in Galliam adventu aversum a Batavorum commodis regem. Firmiorem ipsius benevolentiam, nec posse hostium precibus, sed sola talia spargentium contumelia mutari. Putavit officii sui Winwodus senatui quoque, cujus ipse pars esset, inducias commendare, regem Britanniae affirmans haud aliud suadere, quam cujus ipse dedisset exemplum. Iusta arma, quae necessaria, his & Deum favere & pios reges: at necessaria non esse, e quibus honestus pateret exitus. Si sua ope consisterent, tamen non repudiandum foedus incolumi religione, libertate, commerciiis. At nunc quod post inducias futurum sit eminus conjectari, belli tanto propiora pericula non videri. Mirum quantis animis per omnes confessus res acta sit: & quotidie novi libelli aderant, fomenta discordiae. Iam nec regibus parcebatur, tanquam qui spes reconditas in Foederatorum malis haberent. Sed praecipua in Oldenbarneveldium invidia, ut talium repertorem; & immensa auctoritate etiam superioris fortunae hominibus gravem, nedum aequales illum sui tanto eminentem faciles aspicerent: & apparuerunt literae, quibus jam tum non obscure ad caedem destinabatur. Ille igitur in Hollandiae conventu testatur non novas sibi potentium offensas, nec ulla se pericula defugisse, quo patriae inserviret, adversum rumores & fortuita fretus conscientiae solatio: sed quando cerneret rem per se non gratam suo insuper odio gravari, orare se, ut expediendis quae e republica viderentur, minus invisa aliorum ministeria deligerent: simul coetu excedebar. Missi e primoribus qui rogarent, ne adjutam hucusque fidelibus consiliis Rempublicam tam difficili tempore desereret. Ergo solita repetens, dum nunc regum beneficia auctoritatemque extollit, nunc belli onera explicat, nutantes erigit, quamvis acriter obloquentes absque iracundia refellit, Amstelodamo longissime renitente, tandem omnem Hollandiam unius fecit sententiae, quam & quinque aliae nationes amplectebantur. Sola Zelandia propriis de causis, & instigante Mauritio, inducias abnuens obstabat aliorum consensui; nec perrogari decretum patiebatur, Trajectini foederis verba urgens, quod arma po-

mi

ni nisi communi omnium voluntate non sineret, & quæ inter nationes controversa præfectorum deferret arbitrio. Indignari alii, ac dicere non jam de induciis quæri, sed an una Zelandia cunctis legem poneret. Calentibus animis interveniunt regum legati, violentissimis argumentorum tracturi, quos ducere nequissent: Priorque Ianinus, prolatis Henrici ad Ordines literis, quæ dicta ipsi factaque rata habebantur, orsus laudare bona concordia, aut diversas citra contumaciam sententias, ad Trajectinum foedus ubi venit, Non nostrum est, inquit, externa scita interpretari: sed tamen communis ratio docet, super deditione eo tempore, non æquo de foedere agitatum. Et si mens est alia, aut abroganda, aut seponenda lex est, salute publica ita postulante, quæ legum omnium sanctionem in se continet. Nam quis alius erat exitus, si quidem non hi sociorum regum justius, quam illi præfectorum arbitria recusant, quod utrique in hac consultatione partes jam fecerint. Restat igitur ut pauciores pluribus cedant: hoc uno stant populorum imperia, aliter casura. Sic apud Helvetios majori parti placita etiam qui contra dixerant exsequuntur. At Achæos olim Ætolosque, validos quanquam, dissidia obtrivere, dum sibi quisque, non in medium, consulunt. Nam nimia libertas ad servitutem via est. Præterea ne quis spe vana sibi imponat, jam nunc vobis iussus edico, non adeo vestrigere regem, ut opem sit laturus consilia sua aspernantibus. Similia Britanni nomine Spenserius loquitur, adjicitque rem publicam, in qua jus plurium sententiarum non valeat, virgini esse similem, quam prisca auctores memorent disceptam contententium inter se rivalium manibus, narratque facunde, quantum intercedendi tribunitia potestas populo Romano noxuerit. Suasere etiam legati, ut certa in posterum tributorum iniretur ratio: tum si quid in republica morbidum ac bello dissimulatum emendaretur; quo magis & ipsi inter se concordēs & hostibus formidolosi forent. Eadem haud spernendi civium monebant, quæis optimum videbatur regimen, summa nationibus earumque legatis, præfectis vero ac senatori, qui non partes singulas, sed universum corpus respicerent, quotidiana ac subita permitti. Sed convellere haud promptum morem probatum viginti annorum rebus haud improlis. Quorumque intererat manere præsentia, facile evicere, ne, dum pendet induciarum deliberatio, negotia negotiis implicarentur. Inter jurgia labens hic annus paulo

In Zelandos Trajectinum Foedus causas invehitur Ianinus.

Idem Spenserius facit.

1608.

*Rumor Hispano dis-
plicere indu-
cias.*

*Super quo
rogati Ar-
chiduces
Inicum in
Hispaniam
abegant,*

*Cui indu-
cias omni
ope urgenti
pondus ad-
dit Lermæ
dux.*

*Philippus
Arausio-
nensis prin-
ceps in Ba-
variam ve-
nit.*

minus exierat, crebrescebatque rumor ne Hispano quidem placituras, quas legati molirentur, inducias. Scripseratque lane ad Ianinum Ricardotus, difficiliorem nunc Philippum, sed culpam regi Britanno assignabat, velut per illum spe injecta silentii de libertate. Et in Fœderatis quosdam jam otii dulcedo in tantum pellexerat, ut pari id quoque posse viderentur. Cordatiores resistere: legati quoque regum ad Archiduces mittunt percunctatum, ecquid fidere deberent his, quæ nuper ipsorum cum ministris agi cœpissent. Relato & iussisse Archiduces & habere a Rege paciscendi potestatem, Ordinibus hoc ipsum indicant, monentque ut finitura nunc armorum cessatio mense uno proferatur, in spem faciendi fœderis: ne tamen alias leges quam nuper a se præscriptas expectent, tantum daturus operam ut septem annis longius induciæ maneant; ac per Indiam pacata sint potius quam armata commercia. Archiduces interea, satis gnaro non defuturos in Hispania, qui armorum avidi aut pro regni gloria certantes, verba illa de Batavorum libertate arguerent, præsertim cum nec Indiæ commercio decederent Batavi, nec in Romanensium gratiam quicquam statui paterentur, misere eo Inicum, Bruxellensem sacerdotem, Hispana & nobili edomo, Alberto & sacris confessionibus, & quod ferme connectitur, consiliis intimum. Iussus hic ostendere, quæ commoda per inducias Flandriæ portibus, quibus per arma aditus clausi: religioni quoque Romanensi augmenta sperari quando odia deservescerent inter avidos novorum & de sacris discordes. Neque metuenda nimium verba illa in ambiguum implicata; quæ non modo regum legati assererent nihil Hispano demere, sed & Batavorum plerique subtiliter cavillando inania monstrassent. Ut hæc contra nitentibus prævalerent, maximum pondus addidit flagrantissima tunc apud Philippum gratia non aulam modo, sed & vim consiliorum in se trahens Lermæ dux, pacis artibus florens, eoque metuens ne alii per parta bello decora altius attollerentur. Hoc primum anno in Batavos venit Philippus Wilhelmus princeps Arausionensis, Mauritii frater natu major, belli tempore alibi acto, nunc communi omnium jure usus. Causas obtendebar, ut per induciarum fœdus suis quoque commodis prospici curaret, sed & quod, Gallica affigitate inclitus, melius speraret transigi posse præsentibus Galliæ legatis, quæ ipsi cum fratribus paterna de hæreditate disceptabantur: lequius interpretantibus aliis, velut contra fraterna consilia pacis adesset lau-

laudator. Hoc conciliante Emanuel Lusitanus, cui sororis ob
matrimonium infensum Mauritium alibi memoravimus, cum
domo Nassavia in gratiam rediit. Militia actum nihil hac
tempestate; nisi quod juxta Ardenburgum cæsi, qui oppida-
norum pecori insidiabantur. Vicissim Germanico agro licen-
tius cursitans eques Batavus pœnas dedit, nam seorsim noctem
agentes aliquos e Bercano præsidio immissi opprimunt: occu-
buitque inter cæteros Adolphus Nassavius magni animi ado-
lescens, sed qui militem indulgentius haberet. Verum breve
victoribus gaudium: nam coortis undique turmis majori cæ-
de cædes pensata est. Habuit hic annus haud spernendi quo-
que mali semina, vix ut arma desierant, exorto publicæ reli-
gionis dissidio, latentibus initiis, sed ut paulatim in majus
erumperet. Lugduni sacras literas docebant viri eruditione
præstantes Gomarus & Arminius, quorum ille æterna Dei le-
ge fixum memorabat, cui hominum salus destinaretur, quis
in exitum tenderet. Inde alios ad pietatem trahi, & tractos
custodiri ne elabantur: relinqui alios communi humanitatis
vitio & suis criminibus involutos. Hic vero contra integrum
judicem, sed eundem optimum patrem, id reorum fecisse dis-
crimen, ut peccandi pertæsis fiduciamque in Christum repo-
nentibus veniam ac vitam daret, contumacibus pœnam; Deo-
que gratum, ut omnes resipiscant, ac meliora edocti retineant:
sed cogi neminem. Acculabantque invicem, Arminius Go-
marum, quod peccandi causas Deo ascriberet, ac fati per-
suasione teneret immobiles animos: Gomarus Arminium,
quod longius ipsis Romanensium scitis hominem arrogantia
impleret, nec pateretur soli Deo acceptam ferri, rem maxi-
mam, bonam mentem. Constat his, queis cura legere vet-
rum libros, antiquos Christianorum tribuisse hominum vo-
luntari vim liberam, tam in acceptanda, quam in retinenda
disciplina; unde sua præmiis ac suppliciis æquitas. Neque ei-
dem tamen omisere cuncta divinam ad bonitatem referre, cu-
jus munere salutare semen ad nos pervenisset, ac cujus singula-
ri auxilio pericula nostra indigerent. Primus omnium Augu-
stinus, ex quo ipsi cum Pelagio & eum secutis certamen (nam
ante aliter & ipse senserat) acer disputandi, ita libertatis vo-
cem relinquere, ut ei decreta quædam Dei præponeret, quæ
vim ipsam destruere viderentur. At per Græciam quidem
Asiamque retenta vetus illa ac simplicior sententia. Per oc-
cidentem magnum Augustini nomen multos traxit in con-

1608.
*Emanuelis
Lusitano
domum
Nassaviam
reconciliat.*

*Adolphus
Nassavius
caditur.*

*Super ali-
quot religio-
nicæpiis
inset Go-
marum &
Arminium
dissidia.*

*Arminius
sententia
antiquis
Christiano-
rum consen-
tanea.*

*Primus
Augustinus
aliter doc-
re cepit.*

1608. sensum, repertis tamen per Galliam & alibi, qui se opponerent. Posterioribus sæculis, cum schola non alio magis quam Augustino doctore uteretur, quis ipsi sensus, quis dexter pugnare visa conciliandi modus, diu inter Francisci & Dominici familiam disputato, doctissimi Iesuitarum, cum exactiori subtilitate nodum solvere laborassent, Romæ accusati ægre damnationem effugere. At Protestantium princeps Lutherus, egressus monasterio quod Augustini ut nomen, ita sensus sequebatur, parte Augustini arrepta, id, quod is reliquerat libertatis nomen, coepit excindere: quod tam grave Erasmo visum, ut cum cætera ipsius aut probaret, aut silentio transmitteret, hic objiciat sese: cujus argumentis motus Philippus Melancthon Lutheri adjutor, quæ prius scripserat immutavit, auctorque fuit Luthero, quod multi volunt, certe, quod constat, Lutheranis, deserendi decreta rigida & conditionem respicientia; sic tamen ut libertatis vocabulum quam rem magis perhorrescerent. At in altera Protestantium parte dux Calvinus, primis Lutheri dictis in hac controversia inhærescens novis ea fulsit præsidiiis, addiditque intactum Augustino, veram ac salutarem fidem rem esse perpetuam & amitti nesciam: cujus proinde qui sibi essent conscii eos æternæ felicitatis jam nunc certos esse, quos interim in crimina, quantumvis gravia, prolabi posse non diffitebatur. Auxit sententiæ rigorem Genevæ Beza, per Germaniam Zanchius, Vrsinus, Piscator, sæpe eo usque proVecti, ut, quod alii anxie vitaverant, apertius nunquam traderent, etiam peccandi necessitatem a prima causa pendere: quæ ampla Lutheranis criminandi materia, & supra illud de Eucharistia nova certaminis seges. Apud Batavos initio motæ religionis super his contendere haud vacuum fuit, facile, quamvis inter diversa sentientes, æquo jure agebatur. At ubi multa juvenus a Genevensibus, Palatinis, Nassaviis doctoribus veniens, instituendis præfecta ecclesiis, numerare se coepit, tempus rati, quæ ipsi didicerant in legem vertere, dissidendi manifestos certabant aut non admittere ad sacra munera, aut admissos excludere: unde crebri ad Ordines questus, Anastasium Velausum in Geldria, in Frisia Gellium Sneckanum, Trajecti Hubertum, apud Batavos Hiltamum, Clementem Martium, Hermannum Herberti & alios eadem palam & tuto docuisse testantium; donec duo, quos dixi, Gomarus inde, hinc Arminius, in ipsa Lugdunensi schola sua quisque firmare, aliena labefactare aggressi sunt. Stillabant

Per Occidentem multos traxit in consensum.

Inter monachorum familias super hac re controuersie.

Lutheri, Melancthonis, Erasmi opiniones.

Calvinus Lutheri sententiam novis præditiis fulci.

Beza alique sententia Calvinii rigorem augent.

Quorum discipuli ecclesiis inter Exder nos præfati i dissidentes non toleant. Unde dissidia & crebri ad Ordines questus.

in

in juventutem magistrorum dissidia, jamque & in partes alii per Hollandiam sacrorum Ministri vocabantur. Occurrere Ordinibus visum, & supremo judicium confessui mandare, ut professores duos audiret. Longum post certamen haud aliud consultius visum quam colloqui acta silentio premi. Sed non eo minus percubuit utraque, & ferme placuit, illa sacrorum ministris, ut receptior, hæc magistratibus, ut popularior sententia. Atque hinc aliud jurgium; cum hi de religione judicium partem esse summi imperii, illi sacra sacris in coetibus disceptanda contenderent. Libelli quoque duo, alter Palatinatus exemplo instituendis ad pietatem pueris per Belgicam usurpatus, alter, quo dominantæ quondam Hispaniæ regi edita erat Reformatorum coetuum professio, controversiis materiam addidit. Namque haud ita pridem foederati Ordines, postulato a se ut septem e nationibus sacrorum ministri inter se conventum agerent, assenserant hac lege, ut libelli isti duo isto coetu examinarentur, ad sacri codicis normam. Hoc qui cum Gomaro erant dissentientium artibus tribuebant, quasi novandi cupidis signum daretur: ipsi laudantes probatum sæculis omnibus morem, ne consensus vincula temere solverentur. Namque aliter discerpi plebis animos, ubi quisque sibi placita doceret: quare & sacris admoventi quinquam, nisi libellos istos signassent, iniquum & anceps judicabant. At ab Arminio stantes, hominum de scriptis aiebant dubitare haud nefas: nunquam tanta de re legitime deliberatum tumultuariis, ut sit, rerum initiis, & exinde occupatis bello reipublicæ moderatoribus. Atque etiam melius actum iri cum Christianitate, si nullis aut brevioribus formulis uteretur. Quin & Goudæ prodiit exiguus liber paucis credenda complectens, nec aliis vocibus, quam quas divina pagina præscriberet. Exorti statim ex altero agmine, qui publice id detestarentur, nec ullum dicerent tam horrendæ opinionis portentum, quod non talibus verbis velaretur. Convenisse primis temporibus simplicitatem cum ignota adhuc mala remediis non indigerent; mox, ut quæque ætas errorem genuerat, ita reperta loquendi genera, quæ devios latebris suis excuterent. Ita quod illi servitium, hi pacem; quod illi libertatem, hi rerum perturbationem vocabant. Et splendidis utrinque nominibus crescebant dissidia, magnis quondam odiis alimentum & nomen datura. Ex Oriente Marelifius rediit, rebus feliciter gestis, & quas non dubium est inter causas fuisse, cur Indiam Hispanus bello permittere noluerit. Exierat

*Colloqui
Ordinum
jussu inter
Gomarium
& Armi-
nium insti-
tuti acta
silentio præ-
mi jubem-
tur.*

*Nova con-
troversia-
rum mate-
ria.*

*Marelifius
re bene ge-
sta in pa-
triam ex
Oriente re-
dux.*

M m 5

patria

1608. patria annis ante tribus, mensibus totidem, provecto jam tum longius vere, quam ut annui Austrorum flatus Æquinoctiali sub cœlo in Africæ littora impellentes vitarentur. Mandata habebat belli multa magnaue. Sed reluctabatur imperiis neuta, non militari se operæ addictum obmurmurans. Dux ipse parandæ laudis avidus, potissimos societate gloriæ, vulgus ipse prædæ illexit, modo pro concione universos, modo, ut se occasio dederat, singulos alloquens, & pro ingenio cuique adhibens hortamenta. Ut ad Indos ventum, captæ naves aliquot Lusitanicæ, aut quæ Lusitanos mercatu juverant. Sed barbarorum quæ fuerant ipsis remissæ, quo latius studia affectarentur. Gangetici sinus cornu sinistro Malaccæ jacet, qua Indiæ continentem Sumatra obumbrat, ingens insula freto dirempta, quod Cincapuram vocant. Iora haud longe absita, cujus reges olim & Malaccæ solum tenuere. Sed postquam Lusitani eum in orbem venere, illecti situ loci struxerant arcem, muro quadrato collem & domibus, quod satis videbatur, spatium amplexi. Paulatim & extra habitari cœptum, ac maxime trans flumen, quod ad dextram jacet; hæc quoque ædificia, qua littori imminet, muro tegebantur. Hinc Ioræ regibus perpetua in Hispanos odia, ideoque Batavis ea prima societas fuit. Hoc tempore Ioræ regnabant fratres quatuor, quorum imperio maximus Iandepatuân, sed ingenio atque industria Sabrana prævalebat, tuendæ augendæque rei intentus, contra quam plerisque Indiæ regibus solitum, queis Venus potusque cordi, & alia in præsens grata quam in posterum profutura. Matelilio ad Malaccæ obsidium plus animi erat, quam virium: namque arcem oppidumque Andreas Furtado tuebatur, bello inclitus, virosumque cum ipso tria ferme millia; sed Indi pars major; quia Lusitani aliquam multum missis Sinam navibus præsidio ierant. In Batava classe, navium undecim, homines erant mille & quadringenti. Quare augendis copiis auxilia petuntur a regibus Ioræ, facto foedere, ut ager ipsis, oppidum Batavis cederet, prædam inter se partirentur. Primum ex navibus, inde ex insulis, quæ modicæ præjacent, jacta tela. Tum dextro littore castra posita: ac propere admodum deserto quod defendi poterat trans amnem suburbio, rescissoque ponte, intra arcem arcique adlita defensio stetit. Ita tutum Batavis alium amni pontem injicere, tergumque oppidi, & instructum tumulo monasterium invadere, ac brevi altero quoque latere ad mare penetratum est.

est. Ergo Matelifius & castella locis oportunis disponit, & 1608.
 propugnaculum, quod Furtado paulo ante arcis addiderat, machinarum incussu disjicit, & cum stagnans humus fodientium opera non admitteret, oppletas terra turriculas ligneas, cæsarumque arborum materiam (ac forte multa in propinquo pomeria erant) propius arcem admovet, translatis rudem in orbem belli Batavici artibus. Mirum dictu, quam nullus eo in obsidio Iorenſium, & quos alii vicinorum regum miserant, ulſus fuerit. Primum, quem promiserant numerum non præſtitere; tum militi obſequium & constantia non minus quam peritia aberant, nec ad eruptiones tantum, sed ad quemvis reſtorum jaſtum ſtationes deferébantur, claroque tum experimento patuit, Luſitanorum iſtis de gentibus prædam magis fuiſſe, quam victoriam. At Batavi, preſſi toto belli onere, per caſus fortuitos, nec minus ipſa laſſitudine & nocturnis imbris carpebantur. Spes non erat, vi poſſe obſeſſos, numero validiores, a minoribus capi: ſupererat ut fames exſpectaretur. Sed quarto jam obſidii menſe pertendere ultra vetuit a Goa claiſſis veniens, cui imperabat Alphonſus Caſtrenſis regius Indiæ prætor. Galeones erant quatuordecim, longæ quatuor, minores navium ſedecim: vehebantque Luſitanos aut alios ex Europa ter mille ſeptingentos: barbarici miniſterii prope tantundem. Mandatum illis, ut poſtea ex captivis literiſque cognitum, loca, quæ Batavi mercatu adire ſoliti, bello invadere, Achemum, Ioram, Pahamum, Pataniam, Bantamum & Ambonam. Prope Achemum ut venerant, regi ejus urbis impenſas claiſſis ut ſolveret, Batavos traderet, arcem ſtrui pateretur imperabant, quaſi jure victoriæ. Sprevit hæc ille armis fretus & munimentis, quibus oram maritimam firmaverat, monſtrante Batavo. Vnum tamen horum irrupere Hiſpani: ſed cum clade repulſi, nec auſi ultra. Simul cognito Malaccæ obſidio, illuc properant, vacuas, ſi poſſent, naves, terraque ſparſum hoſtem oppreſſuri. Prævertit Matelifius per exploratores monitus: & quanquam ipſe militiæ novus, implevit egregii duciſ officium. Impedimenta primum & machinæ navibus impoſitæ: inde Iorenſis miles: mox Batavorum ut quiſque longiſſime aberat, ita ante alios ingredi caſtellum jubebatur, quod in littore ſitum. Pars jam naves intraverant, pars terra morabantur, cum e Malacca vi magna prorumpitur; ſed repreſſo hoſte facilis de cætero inſcenſus fuit. Quamprimum ſe invicem claiſſes cõſpexere, telis eminus certatum, Luſitanis, quod

1608. quod ventus Sumatram versus & ab hoste ferret, pugnam violentibus. Ut postera dies illuxit, ventusque a Sumatra flare coeperat, Matelifius, incubiturum sibi hostem præsentiens, tolli anchoras iussit. Sed una navium, cui nomen Nassaviæ, cum anchoram emoliri non posset, & funem præcidere cunctaretur, ab Hispanicis duabus oppressa incensaque est. Manabat in auctores periculum, ni longarum præsidium adfuisset: quod auxilii genus Batavis deerat: actæ igitur remulco flammam jam adhærescentem vitavere. Tentarant & suis conflagrantibus succurrere Bataviæ naves, quæ Middelburgum & Arausio vocabantur; sed ventus repente languescens cursum destituit, ultroque ipsas aggrediuntur tribus navibus Alvares Carvalius, Henricus Norona & Duartes Guerra, Lusitanorum duces. Quæis inter se implicitis Mauritius, alia Batavorum navis, iniecit flammam, quæ Duartem quidem & Carvalium suis cum navibus, sed una & Middelburgum absumpsit. At Noronam cum Arausione decertantem Matelifius ipse prætoria sua invehitur, telisque fatigat, donec lacera navis in deditionis signum aplustre submitteret. Nec tamen ausus ille transire jam parantes Lusitanos recipere, metuens ne nauta, difficili adhuc prælio, in prædam animos manusque verteret. Igitur navem jam suam existimans, parcique telis imperans, fune devinctam trahebat. Sed rupto sponte vinculo Norona ad socios elapsus, sefellit anxiam nimis atque infelicem prudentiam. Nec tum ultra pugnatum, fesso Hispano, & caventibus Batavis ne æstu rapido infra hostem segreges truderentur. Æquarant victoriam perditæ naves binæ utrinque, Lusitanorum quidem majores; sed in Batavos, ut minores classe, acrius damnum. Hominum impar clades: Batavorum octo desiderati: Lusitanorum complures telis, flammis, mari perierant; nec paucos scapha ignem effugere quærentes iranautarum, contra ducis quoque imperium, trucidarat. Proximi dies per quietem aut globorum jactus transiere, coepitque Batavos nitratum deficere; majusque malum, nautram contumacia prope seditionem venit. Nam quia conventionis lege non tota classis, sed sua cuique navis supposita pignori fuerat, hi, quorum exustæ naves, velut mercede simul amissa, moesti iratique alios jacturæ similis metu prælia abnuere impulerant. Igitur sedandis animis, simul ut ægra corpora ac naves reficerentur, Ioram cum classe Matelifius secedit, atque inibi cum regibus de firmando contra Lusitanorum impetus oppido con-

consilia sociat. Hic mensē moranti alterum latus venit nuntius, divisam hostium classē : partemque præsidiō ivisse imbellibus navigiis : nec ad Malaccam amplius residere quam Galeones septem, longas tres. Nautas igitur modo minis, modo promissis aggrediens, vix tandem permōvet, ne tam benignam juvandæ patriæ occasionem de manibus emitterent. Ut ad Malaccam ventum est, conspectumque hostium classē sub arcis tutela anchoris teneri, quo eam apertum in mare deduceret Matelivius, hoc usus est consilio. Extimam quæ jacebat navium (Nicolaus dicebatur) cum prætoria sua duabusque aliis ipse circumvenit, præcisoque anchorali fune secum in altum trahit. Parcusque nitrati ob ejus penuriam paucos sed certos globorum jacus destināt, non ima petens, quippe cum tranquillū mare mersare navem abnueret, sed foros, & quavis hominum densissima constiterat. Statimque irrumpi navem jubet, ac si quid obvium obtruncari : nec segnis in obsequium nauta, ut prælio incaluerat, domestici certaminis oblitus; fit magna strages. Vacuam jam navem, nisi si qui forte delituerant, cum incendere Matelivius vellet, elapsi nuper Noronæ memōr, centurio quidam custodiam ejus depoposcit, nec præstitit : nam rupto quo attinebatur reste, navis ad suos rediit. Interea tota Lusitanorum classis, quo periclitanti Nicolao subveniret, solutis anchoris in mare descenderat. Expectabant Batavi singulis, interdum & binis, navibus singulas. Hispanicarum una cremata est, alia Sebastianum Saarem vehens se deditit. Cæteræ & laceræ & cruentæ fluitabant, cum victoriæ nox intercessit. Eximia eo die Batavorum & virtus & fortuna fuit, multis hostium interemtis, ex ipsis vix ququam, nisi quos prædæ aviditas contactu navis ardentis una in perniciem tulerat. Mane postero navis una, quæ maxime vulnerata, paucis vectorum reliquis apparuit, hæc quoque dedita est. Reliquæ ad stationem redierant. Cupiens has quoque corrumpere Matelivius, ut præclari operis summam absolveret, metu tardabatur, ne tam propinquo littore fundo semet ipse illideret. Hac in deliberatione cum dies hæssisset aliquos, videt ecce ultro Lusitanorum manibus quod reliquum ipsis erat navium incendi, fruiturque lætus insani pavoris spectaculo. Captivos quos habebat, Alphonso Castrensi remisit, primoribus indicto pretio quod nauta divideret, cæteros hac conditione, ut pauci vicissim Batavi Malaccæ aut alibi detenti redderentur : hostesque tam viles, aut suos tam caros habuit,

ut

1608. ut decem prope ducentis permutaret. Naves hostium captas exussit, ne oneri forent: servatis machinis, quæ bello partæ, viginti quatuor. Atque ut hic egregiæ res, ita e Moluccis contraria nuntiabantur. Nam postquam Tidorini veteri possessori Verhagius permiserat, Lusitani quidam dilapsi in Philippinas, (Castellani imperii ea portio est, quam indigenæ Luloniā vocant) præfectum Petrum Acunam auxilia orant, exorantque. Sed lex addita, ut Castellanis quoque paterent in posterum Moluccæ, quondam inter ipsos certatæ, ut alibi narravimus: unde haud temere creditum, maluisse Castellanos recuperari insulas quam in tempore custodiri. Triginta & septem magnis minoribusque navigiis ad Tidorim ventum, & quo facilius occuparetur juvit rex ipse, res Batavas voce, non animo, secutus. Inde in Ternatam transiere. Capiuntur munimenta & rex fidissimus Batavis, qui, præviso dudum periculo, monuerat sæpe ne sine munimento Tidoris relinqueretur, pœnas nunc alienæ culpæ luens, fugæ se primum, mox Hispano credidit, vitam pactus & cætera sperare iussus. Sed regna ipsius Hispani arbitrio in reges olim æmulos distributa: ipse custoditus & in Philippinas auctus fuit. Matelifius, captam ubi Ternatam audit, simile malum Ambonæ metuens, navem forte nactus hostium haud magnam, armis instruit, mittitque una quos in classe habebat gnaros muniendi artium. Ipse Butonem petit, insulam modicam, quærendo quod classis Lusitanicæ reliquam, ac Malacca, ut narravimus, digressum ibi tum morabatur. Sed conspecto hoste Lusitani pugnam perhorrescentes, naves ipsas inter se, littorique devinxerant, machinis omnibus unum in latum obversis; lecto insuper maris sinu, ubi æstum ventumque hosti opponerent. Ad hoc lignorum struem arenamque telis obtenderant. Matelifius nulla accedendi copia, per naviculas incendiarias flammam conatus est inspargere. Sed immissa ipsi scaphis amoliebantur: partim & venti resistebant. At Batavos, mandatis vetitos bello quam mercatui vacare, longius opperiri anni tempestas non sinebat, statis, qui in Moluccas ferrent, jam ingruentibus ventis. Pars Quedam abeunt, cuius loci rex, parandæ victoris gratiæ, Lusitanos apud se degentes vinxerat. Vicissim ipsi dono dati qui gentis Indorum mixti hostibus in potestatem venerant. Obitisque & regnis aliis compertum ex eventu prælii nutasse barbarorum fidem: adeo ut agitaverint quidam, traditis institoribus Batavis, pacem

cem Hispanicam emergere. Mox alia Lusitanorum navigia, sed ad mercaturam structa, in prædam veniunt. Ambonam hinc properatum, ubi amantissimus Batavi nominis populus arcem magna diligentia ædificabat. Matelivius duo esse præcipua vincula existimans, quæ alienæ gentes inter se coalescerent, matrimonia ac religionem, sacra ad tradenda magistris secum habebat nullos, haud factis imitante quæ est in Batavis societate Hispani prudentiam, qui præcipuum regni instrumentum habet Iesuitas. Cæterum jus connubii Batavis illic præsidium obtinentibus cum indigenis mulieribus esse voluit, quo facilius propagatis familiis coloniarum initium fieret. In Tidorim exscendi breviter prohibebant, neque vero ex usu erat, aut dignitate invadi quæ mox per hominum penuriam nuda hosti exponerentur. Rectius visum Ternatæ, cujus Austrina regione oppidum justis munimentis firmaverat Hispanus, & quadringentis militibus infederat obversum in Septentrionem angulum, qua vicus est Malaia nomine, & juxta pars frugum maxima, castello ac propugnaculis occupare: ut qui inde per Hispani victoriam in montes aut Golum aliasque insulas profugerant, duce Modestari captivi regis filio, patrias repeterent sedes. Processit res feliciter, atque ubi in spem defendendi moles operis excreverat, digrediens Matelivius, custodiæ loci quadraginta quinque homines delegat, additis quatuor navibus, quæ propinquo mari vectarentur. Foedus factum cum Ternatæ rectoribus quale cum Bandanis olim. Additum ob imminens periculum præsentis ut auxilio juvarentur, & ne Batavi pacem aut inducias cum Hispanis facerent, nisi quæ illi comprehenderentur. Maquianis insulæ populis octo, qui sub Ternata olim, nunc Tidoris imperio premebantur, ad rebellionem festinantibus edicit, premerent laudanda, sed immatura, consilia in novæ classis adventum. Ipse cum tribus navibus ac celoce una Sinas petit, expetito diu commercio inhians. Sed a Mandorinis (id præsidium nomen est) diu frustra habitus, Lusitanos Machaunte conspicit sex magnis navibus & minoribus aliis in se invehi. Temerarium videbatur in conspectu gentis ignotæ famam viresque in discrimen adducere, imparibus copiis. Accedebat quod naves, ut solitum longis ac perpetuis itineribus, squallidæ & per inquinamenta prægraves erant. Igitur, spe magna excussus, viam relegens intelligit dejectum in Ternata fortiter Hispanum, cum in nova munimenta impetum fecisset. At Ioræ regem,

e Ma-

1608.

e Malacca progressis hostium copiis, incenso sponte oppido, in avia & saltus profugisse. Ternatensibus missa auxilia: nam forte navis recens e Batavis advenerat. /Ioræ rex per literas culpæ suæ admonitus, quod cum sæpe interPELLARETUR munire urbem haud institisset, adjectum solamen, venturos qui ipsius injurias vindicarent. Ad lavam Paulus Cardenus occurrit, septem cum navibus, unam vado illis in Mosambicæ obudio amiserat, coactus abstinere morbis suorum. Sed captam sibi Caraccam unam, corruptas illic hostium & Bengalæ sub oram alias memorabat. Cum Matelificio a Siamesi rege legati venire & dona ad Principem: ab aliis regibus literæ. Reduxit ipse naves duas, tres aliæ sequebantur; plenæ aromatum omnes. Hoc ipso tempore cum Indicana societas non domesticis modo, sed externis quoque & hostilibus pecuniis juvaretur, accusato apud Archiduces ejus criminis mercatore haud ignobili & in vincula abducto, multis aliis necessitas indicta est fugæ. Florebat cum maxime Gallia rege quondam armorum potente, nunc pacis terrarum arbitro, tertioque jam reginæ partu sexus imperii capaxis. Eo ex regno Montius, ut alibi memoratum, Americæ, quæ in Septentrionem vergunt, Canadæ amni proxima, per colonias infederat: sed nullo inde fructu præter fibrinas pelles, (& harum quoque in partem Batavi venerant) societas sumtus gravata dissiliit. Tamen assumtis aliis, missæ iterum naves, quæ deserta jam loca repeterent, Porturegali, ac Quebeco sedes fixere, cognito Crucis insulam cœlo inalubrem. In Britanniam e Virginia renuntiatum, nihil obstitisse extensui, & humano victui sufficere fruges: sed quæ telluris venas scrutati effoderant, haud operæ pretium reperta: Hiberniam Tironi factio turbaverat, irruptis quæ mari proxima castellis, dum Tironus ipse Romæ apud Pontificem agit, sed nullis subvenientibus auxiliis pulsi facile rebelles, & in sylvarum avia protrusi. Hispania, postquam reclusum ipsi mare, jam pacis commoda præsentiens, non tamen omisit missis ad Indos navibus tredecim, præter merces, militem imponere, gnara, quod quisque præcepisset id, si foedus fieret, in lucro fore. Rex ipse positas nuper creditoribus leges emolliens fidem reparabat. Raro præterea exemplo filio infanti & trimo adhuc, media ipse ætate, sacramentum dici jussit, ut regnorum hæredi. Mauritania, semper iniquies, dum mobiles superstitione animos fatidici, ut libitum, nunc huc nunc illuc trahunt,

*Indicana
societas ho-
stilibus
quoque pe-
cuniis ju-
vatur.
Rerum ali-
bi gesta-
rum brevis
historia.*

hunt, tunc inter Abdalam, patrumque ejus Zidanum, Hame-
tis quondam regis natu minimum, sed ex iusta, ut ferebat,
uxore filium, raptabatur: quorum ille Chesi patris nomine
Fesam tenens, Marocum, nobilissimam quamvis urbem, bre-
vi spatio perdidit, vocato a civibus in regnum Hametis ab-
nepote Mahumete; recepitque. Incerto Africæ jure, & faci-
li inter bellantes receptu, prædonum haud spernenda vis ci-
tra fretum mare infederat. Venerat ejus rei rumor in Bata-
vos quo tempore Hægæ Spinola morabatur. Itaque Ordines,
audito Batavam navem unam piratis accessisse, ne dissimu-
lando malum publicum alere viderentur, paratos se ostende-
rant armata classe poenas exposcere, si tutum ab Hispanis iter
fore Spinola spondisset; sed ille se ejus rei negavit habere
potestatem. Plerique prædantium Britanni: nec indignum
memoratu accidit, ut Zelandicam navem Angli aliquot,
mercatorum ingressi specie, mox nautas incluserint. Vna for-
te Turca vehebatur, eorum ex numero, qui Clusa capta, liber-
tate donati, sed post id tempus vitam in Zelandia egerat; is,
rem ausus minime servilis ingenii, nocte excubantes Anglos
duos, sed vino socordiores, ferro transigit, nautasque exsol-
vit, qui directis in patriam velis, raptos superstites suppli-
cio tradiderunt. In Germania acto Ratisbonæ conventu ni-
hil nisi deliberatum. At Cæsar, cui nuper ad Batavas usque
res curam ostendere vacaverat, suis ipse regnis exuebatur.
Nam Mathias habere malens quam exspectare potentiam,
contemta Rudolphi desidia, haud paucos in Hungaria Austria-
que invenit, qui præsentia gravarentur. Ac procurato gen-
tis utriusque foedere, & vocatis in odium Germanis, qui sub
Cæsaris persona regnarent, collectum exercitum Pragam
ducit, ubi fratris erat regia: sed Boiohemis a Rudolfo stan-
tibus colloquium & mox pax inita, sic ut Hungariæ regnum
qua Christiana est, Austriæque & Moraviæ principatus Ma-
thiæ in præsens cederent: Boiohemum in posterum, si Ru-
dolfus sine virilis sexus prole moreretur. At ubi vix adepta
possessione Mathias mores mutavit, ex comi severus, & Au-
striacis Protestantibus usum religionis negans, animi ab ipso,
arma in ipsum versa: nec minus Boiohemi similibus de causis
imperatorem fatigabant.

HUGONIS GROTII
 HISTORIARVM
 DE REBVS
 BELGICIS
 LIBER OCTAVUS DECIMUS.
 SVMMARIVM.

Zelandi cæterarum provinciarum consensui cedunt. Inducii obstantia minuantur. Novum colloquium Antverpia indicitur. Monstratam sibi formulam Hispanici signare differunt. De multis ejus capitibus acriter disceptato tandem induciarum fœdus pangitur: Ejus leges & publica recitatio.

1609.

*Zelandi
 cæterarum
 provinciarum
 consensui
 cedunt.*



ANno novo, Zelandis per minas ægre adductis ut consensui cederent, quo incensi altercationibus animi melius coalescerent, ac de re protrahenda metus omnis demeretur, promittunt inter se nationes, non pacturas cum hoste, ni libertas verbis, quæ legatis placuerant, concessa re quoque præstaretur: nec quicquam ei adversum admissuras sacra seu profana res foret. Et si hostis contra pertenderet, expectatis diebus octo haud amplius, abruptum iri colloquium, reditumque in arma quantis maxime posset viribus. Literis hætenus hinc regum legati, inde qui ab Hispano Albertoque missi nuper domum redierant, minuere controversa laboraverant. Verum id cum tardius procederet, nec facile inter absentes negotia explicarentur, judicata res colloquii egere; cui lectus locus Antverpia, quia & Batavorum multis invisa hostium apud se mansio, & illi qui priores pacem petitem venerant, nunc velut rogari vicissim pro magnifico ducebant. Festinando colloquio hæc inventa est via, ut simul venisset Antverpiam Spinola, & qui cum ipso Hagæ fuerant, irent eo regum legati, formulam secum ferentes præcipua fœderis capita continentem, in quam Ordines rogatu legatorum, paucis duntaxat mutatis, assenserant. His ubi subscripissent Hispanici, tum demum mitterentur Antverpiam Ordinum legati, transigendis cæteris,
 ipsi

*Antverpia
 novo collo-
 quio legitur
 locus.*

ipsi Ordines Bergis ad Zomam consisterent, ut si quid arduum incidisset e propinquo consulerentur. Monstrata sibi formula Hispanici, ut signarent rogati, quippe non hostium postulata, sed amicorum habentem arbitria, cum imperiosum id nimis dicerent, ac breve saltem deliberandi spatium poscerent, efficere, ut regum legatis id in se suscipientibus armorum vacatio ad Februarii usque exitum produceretur; polliciti sunt responsum se interea daturus. Vt legi capita & excuti cœpere in verbis libertatem asserentibus nihil novatum, sed potentium sublimiumque vocabulo a legatis appellatos Ordines non ferentes Hispanici, illustres scribi pervicere. Voluerant Ordines ea tributa, quæ redimendis militum populationibus situs in medio ager hactenus bello reperta pependerat, per inducias manere: Id rejectum ut hostile & iniquum, nam Batavorum pleraque septa nec hosti vectigalia: ipsi in Brabantiam Flandriamque latius penetraverant. Nitebantur Hispanici & navium onera Scaldi aliisque omnibus belli occasione imposita rescindere: has quoque armorum reliquias dictando, nec sibi modo, sed Gallis quoque & Britannis graves. Sed non obtinuerunt, ut quippiam mutaretur: cognito legatis haud aliud magis perhorruisse Zelandiam. Spes tamen facta, post fœdus, amicis inter se mercatorum colloquiis rem melius transigendam, quippe jactantibus Hispanicis sua esse in manu, ut illa ipsa onera exigentibus damno cederent. De India longissime & acriter disputatum, quam disertè nominari debere Ordines contendebant. Ricardotus ne id fieret regis Philippi interesse dicebat, multis de causis, quæ ad Ordines non pertinerent: alioqui hoc exemplo alias quoque gentes postulaturas navigandi libertatem, quam ne Galli quidem, aut Britanni, ut concessam, sed suo periculo usurparent; itaque ut induciæ sine exceptione fierent, patiebatur: sed commercia coerceri volebat intra ea, quæ Philippo per Italiam Hispaniamque possessa; extra indulgeri posse negans. Sicubi tamen non ipse imperaret, haud obstiturum quo minus illic Batavi negotiarentur; neque id tamen evulgandum publico fœdere: satis fore si arcanis pactationibus sanciantur. Responderunt legati, multa hic esse quæ Ordinibus persuaderi non possent: nam sui quoque imperii ex solo relegare quenquam, hosticum id plane: & si carendum sit pacis fructibus, malle Batavos armis de illius orbis possessione certari. Præterea haud satis tuta,

*Acriter
nirumque
discepta-
tur.*

1609.

quæ conventa privatim non omnium ad notitiam pervenirent. De Hispania autem Italiaque quod diceretur, procul dubio angustum nimis, cum fretum intra Gaditanum jacentes insulas, Fortunatas denique ipsas, & omnem Mauritaniam oram, nemini hæcenus clauferit Hispanus. Illi vicissim, ad longinqua & Philippo possessa ne bello quidem navigatum, quin & pacis colloquio id remisisse Batavos. Non debere plus per inducias peti, quam aut arma dedissent, aut pace speraretur. Bello Indicana permitti non placere Philippo: & dissimilem Galliarum ac Britanniarum causam; inde paucas naves & furtim ire, Batavos justis classibus proficisci. De cætero videbantur id daturi, ut pro Hispania atque Italia Europa omnis nominaretur, & si privata pacta displicerent, ita cupiebant institui publicum fœdus, ne Indiarum vocabulum compareret. Postquam hujus capituli formula sæpius innovata, nec his reperta illis probabantur, consulti que per Verreikium prius, inde per Ricardotum Archiduces, tandem in hæc verba conventum est. Subditi regis Philippi, Archiducum atque Ordinum, manentibus induciis amicitiam colunt, malorum, quæ per bellum data acceptaque, immemores. Commeare ac mercari inter se jus esto, terra, mari, omnibus: quod tamen Hispaniarum rex coercendum judicat Europam intra, & quæ alia loca permissu suo pacatis sibi amicisque gentibus antehac patuere: at extra eos fines possessis sibi regionibus, oppidis, portibusque negotiari non licere, nisi accepta privatim venia. Verum quominus illic quoque aliis cum regibus populisque volentibus mercatum exercent, Philippus ministrique ac subditi ejus ne obstanto, nec molesti eo nomine aut Batavis, aut qui Batavos ad commercia admiserint, sunt. His verbis adjici & ista regum legatis placuit: quando tempore opus est, ut qui prædictos extra fines cum navibus ac copiis versantur, fœdus factum intelligant, induciarum illic ex anno demum incipiunt: si nuntius ante pervenerit, armis utrique abstinento. Post annum, si quid hostiliter factum erit, damnum refarcitor. Huic additamento Hispanici valde reluctabantur, tum quod Indiam, non minus quam si nominaretur, claris indiciis exprimeret, tum quod res quidem illo in orbe raptas si exstarent, reddi cuperent, at cædes & incendia non vindicari: ipsi ad atrociora proniores, cum Batavis præda sit quam sanguis potior. Tandem cessere, sed vultu verbisque velut injuriam acce-

accepiſſent. Legati, his rebus confectis, poſtquam celeribus nuntiis regum quoque ſuorum voluntatem cognoverant, rogatis Ordinibus ut Bergis adeſſent, quæ ſibi laborata exponunt: orantes ut rebus contenti ſupra ſpem omnem egregiis, verba non anxie nimis expenderent; idem regibus placere; &, ne quid ad ſecuritatem deſit, ultro polliceri, ſi Indicana commercia per vim turbaret Hiſpanus, ſumituros ſe ut de violatis induciis ultionem, Ordines aliquantum diſceptato legatos Antverpiam mittunt, eoſdem qui pacis negotio præſuerant, niſi quod Trajectini Nicolai Berkii in locum Cornelium Renefſium ſuffecere. His mandatum ut reſtantia conficerent, & qua poſſent, obſcuriora clariuſ evolvent. Ut annos duodecim induciis darent, Hiſpanici rogari voluere. Fines, ne ſingula perſequentibus longum certamen oriretur, hætenus diſcernere ſatis viſum, ut poſſeſſas quique regiones ac oppida retineret, ager oppida ſequeretur. De commerciis ſuper ea, quæ ante memoravimus, convenit, ne alii apud alios graviora onera paterentur, quam aut cives, aut amicorum, qui minima ſentirent. Ac ne religionis crimen peregrinantes premeret, conceſſa Batavis eadem, quæ Veſaſcus Britannis arcana pactiōe promiſerat. Naves alienas in publicos uſus retinere, aut pignorandi juſ, niſi ex legum præſcripto, decernere veritum. Privatis de rebus multa & paci quam induciis propiora. Captivi gratis ſolverentur. Duorum & quadraginta retro annorum tempus res diverſas ſecutis ad præſcriptionem ne noceret: neu dictæ adverſum indeſenſos ſententiæ. Rerum mobilium, perceptorum fructuum, acceptoque latorum nominum, reſtitutio ne eſſet. Res ſoli ad veteres dominos, atque etiam eos ad cœtus, qui ſub Archiducum imperio ſacris deſtinati, ſtatim redirent, demta tamen alienandi poteſtate. Sed quæ a fiſco vendita, horum in locum redditus per annos induciarum ſolverentur, & pro hiſ, quæ publicis operibus inſumta, pretium. Diſtracta ob æs alienum prædia intra annum redimere liceret: ſic tamen ut impenſarum utilium æqua haberetur ratio. In domibus, quæ intra oppida, juſ idem ne eſſet; ſed penes emtorem manerent. Pro alluvionibus quoque & lacubus, quos privati ſuo ſumtu ſiccaſſent, nihil præſtaretur, niſi ſi quod vectigal inductum agris. Impoſitos quondam prædiis pecuniæ redditus, in annos queis prædia tenuiſſet, fiſcus, non vetus poſſeſſor, agnoſceret. Ex reipublicæ dignitate fuit, Naſſaviis,

Reſtantia quoque conſtituitur.

1609. ut optime de libertate meritæ domui, nominatim prospici, non modo ut sua reciperent, sed ne obnoxii essent æri alieno, quod ab Albanicis usque temporibus pater contraxerat. Testamenti factio esse iussa inter utriusque imperii cives, ne valerent tabulæ, quæ partium odio propinquos exhæredes facerent. Urbibus, quarum ex fœdere jurisdictio privatis redderetur, nihilo sequius hinc Ordines, inde Archiduces magistratus daret: & illud non minus prudenter, ut his quoque prodesse induciæ, qui egressi Belgarum finibus armorum metu externas quæsierant sedes. Pleraque hæc Oldenbarneveldius perscripserat, ut quidque aut inde insidiosum metuerat, aut patriæ profuturum eminens spectabat, ita mira sollicitudine verba temperans. Securitati hæc præsidia circumdata: ne bellicæ naves oras portusque alienos accederent, ni id permissum, aut tempestas cogeret. Nova castella struere interdictum. Promissa communis opera, quo terra marique prædones fugarentur. Privata commissa adversus auctores ipsos, aut ubi degerent, vindicarentur. Sed eo obtentu inducias frangere ne liceret. Fœdus hoc Ordines ratum facerent, item Philippus & Archiduces & suo posterorum nomine; Ordines atque Archiduces ante diem quintum, Philippus tertium intra mensem: promitterent singuli nihil se contra facturos, aut passuros fieri, recta seu per obliquum tentaretur: si quis suorum auderet, jus & poenam præsto. Et hæc quidem palam. In arcano illud Hispanici acriter cupitum Gallis annitentibus obtinere, ut quod agri Brabantici cessurum Ordinibus, ritusque Latinos hæcenus habuisset, illic ne quid in religione mutaretur. At Ordinum legati a regum legatis scriptum accepere testimonium, professos sæpe in colloquio adversarios commerciorum capite Indiam comprehendendi; at quo minus nominaretur, Ordines legatorum precibus dedisse, tantundem fore spondentium: præterea eam fuisse Ordinum mentem, ut cuncta per Indiam Hispanis in se usurpata ipsi in Hispanos statuerent, & si qui illic sunt Batavorum fœderati oppugnarentur, eos defendere ne contra inducias foret: ut finibus Ordinum continerentur Bredana Bergensisque ditio, & quicquid Graviæ cohæret. Vicissim postulantis Gallis legatis, Ordinum legati testari sunt, inter eos, qui bona recuperarent, numerandos principis Spinoii, res quondam Fœderatorum secuti, hæredes: futurumque, si Ligniæ reddere cunctarentur, ut Ordines Wassenarias

narias per Hollandiam Ligniacorum possessiones Spinoiis ad-
dicerent : datum hoc Roniaci gratiæ , præpotentis id tempus
in Gallia , ut qui ærarium regeret : namque ejus filia Spinoiæ
comui innupierat. Nono Aprilis die factum est foedus , quo
illa per Europam notissima & perversa jam alterum in or-
bem arma in spem pacis per inducias ponebantur. Statimque
Archiducum & Ordinum literis probatum , ac publice recita-
tum est Antverpiæ illisque in partibus magno plebis gaudio :
apud Batavos haud æque , dum sponte pacis amans populus ,
sed quadraginta annorum malis prosperisque confusus tarde
ad ingenium redit. At externi , ubi ad eos fama manavit , ex-
torqueri potuisse regi potentissimo libertatis confessionem &
Indiæ partem , utrumque sine exemplo , nec credita hæcenus ,
tanto impensius mirabantur. Hinc vires , hinc consilia æsti-
mabant. Certe eo ex tempore multi reges , principes , natio-
nes , Batavam ad societatem respicere coeperunt.

*Archiducum & Ordinum jussu
foedus publice recita-
tur.*

FINIS HISTORIARVM.



I N D E X

I N A N N A L I V M L I B R O S.

L I B E R I

Anno 1566.

Belgicae veteris situs & limites. 2
 Belgarum origo, lingua: Comites, Duces. 2
 Hereditaria illis concessa ditio. 3

Succesores privilegia iurejurando confirmabant. 3

Reipublice antiquitus administrandae ratio. 3

In Burgundionum ditionem tandem concedunt. 3

Ius tamen populi tuebantur Ordines. 4

Belgicae dominium in Austriacam familiam translaturum. 4

E moribus Hispanorum mutatio reipublicae praevideatur. 4

Belgarum Hispanorumque in moribus convenientia & diversitas. 4

Hispani Belgas sub leges trahere volunt. 5

Quid Carolus V. idem serio meditanti de eo deterruerit. 6

Triplex consilantium classis. 6

Philippi ingenium & mores. 6

Leges Belgicae subruere studet. 6

Iter illi in Hispaniam persuadent Hispani. 7

Arausionensis prosapia, munia, possessiones, indoles, mores, praefecturae. 7

Egmondus comes Flandriae & Atrebatum rector. 7

Maris praefectus Horae comes. 8

Hos amoliri student Hispani. 8

Belgarum procerum inter se similitudo. 8

Inquisitionis origo, administratio, infelix apud Belgas eventus. 8

David Delphicus & Iohannes Bucoldus. 9

Philippus inquisitionem instantius urget. 12

Arausionensi & Egmondo summa negatur praefectura. 12

Albae ducis, & Granvella genus, mores, munia: ex horum sententia Margarita Parmensis Belgicae praeficitur. 13

Philippus contra leges Hispanorum militum praesidium apud Belgas relinquere sta-

ruit: edii ejus in Belgas implacabilis causa: amissa classe in Hispaniam venit. 13

Miles aliquanto post abductus. 13

Vis regiminis penes Granvella: Horum cum illo veteres inimicitiae. 14

Arausionensis Egmondum, pluresque arrexi velleris sodales, in Granvella exsternunt. 14

Adversus illos sibi adjungit Granvella Barlaamontium, Viglium, aliosque. 14

Ad publica factionis erumpitur insignia. 14

Philippi iussu, novi antistites per Belgicam renunciantur: 14. quod omnibus patet invidum: abbates se opponunt: Brabantii se socios dant, & veterum auxilium nonnulli. 15

Belgarum contra Granvella querela. 16

Arausionensis, Egmondus atque Horanus repetitis literis Regi suadent, ut Granvella odiosa potentia dimoveatur. 16

Granvella discedendi mandata accipit. 16

Quo amoto, proceres summam diligentiam rebus advertunt; rationes publicas & ad leges pertinentia in se trahunt: religionem facilius doceri, quam cogi posse, profitentur; a Romanis caeremoniis interim non decedunt. 17

Egmondus in Hispaniam missus simulante mente excipitur. 17

Philippus spem illi facit, posse edicta circa religionem temperari: 17. eodem tempore per uxorem Bajonam missam cum Carolo Galliae rege extirpandis sacrorum novatoribus muram opem firmat. 18

Egmondus ad suos redux spem vanam adfert. 18

Brabantii inquirendi morem patriis adversari legibus contendunt. 18

Vulgus ab eo praecipue abhorret. 18

Ad Regem summa religionis, quae haereticos acculabatur, transmissa. 18

Georgius Cassander & Franciscus Balduinus, qui moderata suaderent ab Arausionense acciti. 18. Irrito eventu. 19

Proceres pacem religionum procurare institunt: a senatu digressi alios aggregant; contra inquisitionem foedus pangunt. 19

Inter

Inter duces societatis præcipuus Ludovicus Nassavius. 19
 Foederatorum ad Margaritam præces. 20
 Gueusiorum nominis origo. 20
 Montiniacus & Marchio Bergarum ad Zomam ad Regem mittuntur. 20
 Transmissa a senatu Belgico moderandarum legum forma Regi displicet: 20. ordinum haberi conventum vetat. 21
 Pontificis Romani imperia abnuentium tria per Belgicam genera: Anabaptistæ, Lutherani, Calvinistæ. 21. Isti atque alii jus novum nimis acerbum judicant. 22
 Sedandis motibus intenta præfecta vulgus sacra novo ritu peragit. 22
 Monasteriorum desertores aggregantur. 22
 His munebantur foederati nobiles. 22
 Per totam Belgicam eodem tempore templa violantur. 22
 Atrebares, Hanovii, Lucemburgeneses fidem in Romanam ecclesiam Regemque conservant. 22
 Margarita temporis, & procerum consiliis obsequitur: 22. Nobilibus promittit gesta fraudi non fore; plebi conciones permittit. 23
 Arausionensis offensam ejus incurrit. 23
 Interceptis ex Hispania literis omnes exitu destinantur: Tenerimundæ in medium consulunt. 23
 Arausionensis regem honorum depositionem rogat. 23

Anno 1567.

Scripto Regi suadet permittere religiones, quæ vicina imperia admisissent. 23
 Hornanus suos se in penates abdit. 24
 Illis semotis, omnia, quæ pepigerat præfecta, rescindit. 24
 Foederati nobiles rem communem produnt. 24
 Turare præfecta duces cogit, hostes futuros, quoscunque rex designasset. 24
 Egnondus alique hoc sacramentum dicunt. 24
 Soli Arausionensis & Hooghstratanus detrectant. 24
 Præsentia Regis barbarum optimum habetur remedium. 25
 Rex moras nectit. 25
 Cæsaris super re Belgicæ consulti responsum Philippo displicet. 25

Literæ Regem cum exercitu venturum significant. 25
 Aptissimum perdomandæ Belgicæ tum Philippo tempus. 25
 Albanus summa cum potestate a Rege mittitur. 26
 Arausionensis ad fratrem abit. 26
 Brederodius armis pellitur. 26
 Plurimi in vicina regna fugiunt. 26
 Quibus egressis pax erat. 26

L I B E R I I.

Anno 1568.

Albanus Belgicam intrat. 28
 Galli eodem tempore in bellum erumpunt. 28
 Albano nemo obstitit: Margaritæ abitis illi ad summam præfecturam gradum facit: Egnondum atque Hornanum victos extra Brabantiam custodiendos ablegat; Belgicæ urbibus præsidia Hispanorum imponit. Arembergium cum equitatu in Galliam mittit: exarmatis urbibus arces imponit. 28
 Puniendis barbarum autoribus duodecim constituit judices. 29
 Plurimi necantur. 29
 Egnondus & Hornanus capite plectuntur. quod atrox Belgis spectaculum. 29
 Arausionensis bona in siccum verruntur: Filiusque in Hispaniam captivus abducitur. 29
 Magna ubique fit vastitas. 29
 Mitiora a Rege sperari non sinunt nuntii ex Hispania. 30
 Arausionensem ad arma impellunt exules. 30
 Ludovicus Nassavius casu prius Arembergio ab Albano fugatur. 30
 Arausionensis justitiam causæ suæ libris evulgar. 30
 Brabantorum cum principe pacta: idem jus aliis Belgarum nationibus quoque usurparum. 31
 Maximiliano Cæsari per Carolum fratrem apud Philippum pro Belgis intercedenti acerbe a Philippo responderetur. 31
 Ad expeditionem Arausionensis suam propinquorumque fidem pignotibus obstringit. 31
 Pauci Arausionensem milite & pecunia juvant. 31
 Sex equitum millia, peditum quatuordecim

N u 5

cum

cim scripta : quæ Albanus non pugnando
debellat. 32
Arausionensis in Galliam discedit. 32

Anno 1569.

Albanus sacroto ense a Pontifice dona-
tur : sibi statnam ponit : multa utilia con-
stituit. 32

Pleraq; relinquuntur Regis arbitrio: tum
ultima Hispanorum commenta parere. 33

Inaudita tributa Belgas pendere Alba-
nus jubet : in obloquentes severe animad-
vertit. 33

Belgarum contumaciores privilegiis ex-
imorur. 33

Oceanus magnam stragem adfert. 33

Anno 1570.

Oppressi Belgæ vindictam & defensionem
copitant ; Bruxella in urbe decimam
solvere detrectant. 34

Anno 1571.

Bellum iterum experturus Arausionensis
auxilium principes protestantes rogat : Da-
nus & Suco negant : nec ausa Anglia re-
gina ; Nassavianos Angliæ fines excedere
jubet. 34

Rex Galliz Arausionensi suppetias ferre
velle simulat. 35

Missæ ad Arausionensem pecuniæ , &
communicata consilia. 35

In Belgas Oceano & per maritimam o-
ram prædabundos speciem imperii retinet
Arausionensis. 35

Anno 1572.

Viginti quatuor navigia Brilam capi-
unt : 35. Bossuvius Roterodamum magna
cum oppidanorum cæde diripit. 36

Quo Hollandi impulsî ad exules juven-
dos. 36

Hos sequuntur Flissingani & alii : quo
non multum lætatur Arausionensis. 36

Prima reipublicæ forma Dordrechtî con-
cepta. 36

Hispani interim terra , mari Belgæ supe-
riores. 36

Medicinalis capta classe vix ipse elabi-
tur. 37

Albanus Montem Harnoviæ obsidens
Hollandis ac Zelandis coalescendi dedit
spatium. 37

Nassavio ex Gallia auxilium mittitur ;

Pariter ex Germania Arausionensis proce-
dit exercitus. 37

Gallos incautiores intercipiunt Hispani. 37

Arausionensis dimisso exercitu in Hollan-
diam abit. 37

Mons deditur. 37

In Machliniam aliasque urbes jure vi-
ctoriz utitur Albanus. 37

A Nassavianis Frisiz & circa Isalam oc-
cupata loca deseruntur. 38

In captas Nardam & Zusaniam Fride-
ricus filius Albani turpiter sævit. 38

Fœderatarum provinciarum descriptio. 38

Communibus Hollandiz , Zelandizque
coceptis Amstelodamum & Middelburgum
valde obsistunt. 40

Bommeliensis insula Hollandiz moni-
mentum. 40

Arausionensis adventu turbata omnia
composita : cum Ordinibus omnia guber-
nat ; sex majoribus urbibus de rebus antea
consulentibus duodecim minores adjicit. 40

Rebus omnibus contra Regis mandata
Regis prætenditur nomen. 41

Romanæ cæremoniæ templis exiguntur
iis addicti non facile ad magna munera
promoventur. 41

Genevensis disciplina publice recipitur :
ita tamen ut omnes de religione leges in-
quisitionis nomine infamarent. 41

Agri , & vectigalia principis , aliasque in
publicos vertuntur usus. 41

Anno 1573.

Tunc inventa tot tributorum nomina. 42

Summa tamen nummaria difficultas. 42

Expugnandarum urbium Fœderatis cum
Hispanis communis imperitia. 42

Albani error. 42

Harlempum se Hispanorum sævitiz per-
mittit. 42

Successum continuationi Hispanorum
discordia obsistit. 42

Quorum impetum prima fregit Alcma-
ria. 42

Nassaviani Gertrudisbergam capiunt , &
ipsam cum classe Bossuvium. 42

Albanus cum filio revocatur. 42

Anno 1574.

Ejus crudelis jactantia. 43

Succedit Requiescens. 43

Alban

Albani statim tollit statnam. 43
 Middelburgum Zelandis accedit. 43
 Ludovicus Nassavius cum Henrico fratre
 & Christophoro Palatino ceditur. 43
 Tumultuantes contra duces suos Hispani
 Antverpiensibus 400000 florenorum extor-
 quent. 43
 Connivente Requesenio. • 43

Anno 1575.

Hac injuria nationum studia Arausio-
 nensi vehementer conciliantur. 44
 Aldegonidius magnæ apud Arausio-
 nensem auctoritatis. 44
 Legati de concordia aucturi utrimque
 Bredam conveniunt: re infecta discedunt. 44
 Requesenius belli interim securos vi op-
 primere conatur. 44
 Copiæ regiæ ab agrestibus in Westfrisia
 cæduntur. 44
 Lugduni obsidio. 44
 Summi in Hispanos odii mirum exem-
 plum. 45
 Mari terris immisso Lugdunensis solvitur
 obsidio. 45
 Baldefius Trajecti oppugnatione depelli-
 tur. 45
 Hispanus sinisterioribus quoque Hollan-
 diæ tentatis locis tandem reprimatur. 45
 Petri Melendis infelix in Fœderatos ma-
 rissima expeditio. 45
 Terrorem maritimum in longum differ-
 re coguntur Hispani. 45
 Requeseniani expugnato Bommedæ
 portu Zyrixæam expugnant. 45

Anno 1576.

Batavis laborantibus frustra principum
 ambuntur amicitia. 46
 Henricus Gallia Rex clam res Batavo-
 rum fovet. 46
 Requesenio extincto, ad Senatum regia-
 rum partium administratio translata rem
 desperatam restituit. 46
 Hopperi Frisii magna apud Hispanos
 auctoritas. 46
 Brabantorum animos clam sibi conciliat
 Arausioensis. 46
 In Requesenium insurgere incipiunt. 46
 Flandri Requesenio tributa negant. 46
 Arausioensem sibi Senatum concilian-
 tem Hispani militis adjuvit seditio. 47
 Bruxella rapinae destinatur. 47

Miles hostis patriæ & principis a Senatu
 palam judicatur. 47
 Alostum irrumpit ac late circumfusa po-
 pulatur. 47
 Quo aliquot primores Brabantii impel-
 luntur ad Senatum in sedibus suis compre-
 hendendum. 47
 Fœdus in Hispanos cum aliis pangunt. 47

Hispanis Hollandia exeuntibus se ducem
 dar Roda: 47. Trajectum ad Mosam di-
 ripit: mox & Antverpiam. 48
 Belgæ ad sui defensionem opera Arausio-
 nensis uti statuunt. 48
 Pacis Gandavi resumuntur colloquia: e-
 jus leges. 48
 Lucemburgi fœderi non accedunt; acce-
 dunt Frisii præfecto suo in vincula conje-
 cto. 48
 Dejectis arcibus exiit servitus. 48
 Fœdus contra Hispanos omnium Ordini-
 num confirmatur juramento. 48 & 49

Anno 1577.

Philippus temporis cedens pacta confir-
 mat: Iohannem Austriacum Belgicæ recto-
 rem mittit. 49
 Hunc servandæ pacis mandata palam
 præferentem ad contraria omnia venisse in-
 terceptæ docent literæ. 49
 Illum ut bello oppriment, frustra Belgis
 suadet Arausioensis. 49
 Invitis Hollandis, illorumque sociis Au-
 striaco summa conceditur præfectura. 49
 Hispani militis Belgica excedentis iactan-
 tia. 50

Iohannes Namurcum occupat: Germa-
 nicas cohortes ad urbium deditionem solli-
 citat. 50
 Ab Ordinibus prævenitur. 50
 Ordines Iohannem violatæ pacis apud
 Regem accusant: ille Arausioensem; qui
 apud omnes libertatis audiebat auctor; ad
 præfecti dignitatem a Brabantis evocatur. 50
 Id Arscotius alique ægre ferentes Ma-
 thiam Austriacum ad regimen invitant. 50
 Arscotius in custodiam datur. 51
 Arausioensis quoque suavis Mathiæ sum-
 mum Belgicæ permittitur regimen, ipsi vi-
 carium. 51

LIBER III.

Iohanni bellum indicitur. 53
 Regina

Regina Angliæ Belgis favere incipit: pecunias & auxilia promittit: nihil patitur sine sua voluntate apud eos decerni: ne temere Romanæ religionis possessio moveatur, monet: Regi per literas pacem suader.

Ordines Philippum sibi mitigare student: valescunt interea inter illos simultates.

Anno 1578.

Belgarum exercitum cædit Iohannes. 54
Victoriæ præmia. 54
Victi spe pacis tentantur. 54
Oblatz conditiones recusantur. 54
Franciscus Valesius & Casimirus Belgis operam offerunt. 54
Margarita Valesia fratrem commendat. 54

Respublica undique confusa. 54
Nassavianis deditur Amstelodamum. 55
Pulsis Romanæ sectæ magistratibus publice potiuntur: idem alibi accidit; quo sociorum animi offenduntur. 55
Iohannes Nassavius Geldriæ rector, Frisiz Rennebergius. 55

Huic regendæ & perdomandæ Transilaniæ electo duci Campi & Daventriæ deduntur. 55
Valesius Ordinum decreto Belgicæ libertatis vindex. 56

Reformatorum postulata ab Ordinibus admittuntur. 56
Inter Romanenses & Reformatos interna diffidia. 57
Gandavenfes concitore Imbisio palam imperium detrectant: Romanas cæremomas cum sacerdotibus urbe exigunt: urbem operibus muniunt. 57

Ordinum & Mathiæ mandata despiciatui habita; neque ulla apud illos Arausionensis gratia. 57
Atrebares & Hænovii novam legem recusantes, contendunt Gandavenfes bello cœercendos: obsistunt Arausionensis & alii. 58

Exercitus Belgarum dux Bossuvius. 58
Gandavi vicecomes magister equitum. 58
Præfectus castrorum Lanovius. 58

Castra irritò conatu adortus Iohannes. 58
De pace interim instituta colloquia: ejus conditiones. 58
Iohannes novis auctus copiis colloquium de pace abruptit. 59

Casimiri cum exercitu in Belgicam adventus. 59

Belgarum inter se diffidia propinquam libertatem avertunt. 59

Montiniacus Atrebarum factionem sequitur. 59

Gandavenfes militem adversus eos conscribunt. 59

Armorum prætextus. 59

Flandri a Casimiro militem accipiunt. 59

Franciscus Binckium oppidum expugnat: ad Belgarum exercitum se venturum negat: militem suum ad Montiniacum dissemi patitur. Belgas ingratitude accusans in Galliam digreditur. 60

Morbi vi subita rapitur Austriacus: nimis ambitionis Philippo suspectus; veneno extinctus quibusdam creditur. 60

Parmentis Iohanni succedit: ejus indoles & artes. 61

Illius suscitationibus diffidia magis exardescunt. 61

Anno 1579.

Arausionensis omnia remedia experitur: At frustra. 61

Parmentis Casimiri equitatu decedendi potestatem facit: Trajectum ad Mosam obsidet. 61

Interim legati ad faciendam pacem conveniunt: cui occulte obsistit Arausionensis. 61

Parmentis Belgas ad occupandam Regni gratiam hortatur. 62

Ei primus reconciliatur Lamoca. 62

Quem sequuntur cum copiis suis Montiniacus, alique. 62

Pacis conditiones. 62

Reconciliati Walones maximum regiarum partium robur. 62

Plures dissidentium Belgarum nationes sub imperium Philippus redigit. 63

Cæteras Trajecti Batavorum actioni credere illigat Arausionensis. 63

Fœderis Trajectini summa. 63

Omnium cum oppidanorum, tum agrestium ætatis armis idoneæ initur numerus. 63

Per alias Belgicæ nationes maxime turbæ. 63

Secta Romanensis Silvanpæcis tenet. 64

Reformati Antverpiam: quod Arausionensi impuratum. 64

Multi hinc ad Hispanos desciscendi occasio.

caſionem rapiunt : inter quos Carolus Eg-
mondii filius : qui Bruſſellæ obſeſſus oppi-
danorum miſericordia incolomis dimitti-
tur. 64

Brugis aliisque in locis magni tumultu-
ta. 64

Ipra & Gandavum foederi accedunt. 64

Arauſionenſis Gandavi captivos dimittit:

Flandriæ præfectura illi conſertur. 64

Dum Coloniz Agrippinz de pace agi-
tur, Parmenſis Trajectum ad Moſam ex-
pugnat: externum militem dimittens Mach-
liniam aliasque urbes ſibi conciliat; a qui-
bus præfectura illi confirmatur. 65

Foederatis oblatæ a Rege pacis leges diſ-
plicent. 65

Cum Arauſionenſi ſeorſum agitur, ſed
frustra. 66

Arſcotius aliique Regi reconciliati Hi-
ſpanis ludibrio habentur. 66

Ingens foederatæ Reipublicæ vitium. 67

Pecuniæ publicæ cum apud Foederatos,
tum apud hoſtes, penuria. 67

Philippus per Albanum Luſitaniam ſubi-
git, quod magna incommoda Batavis ad-
fert. 67

Anno 1580.

Parmenſis interim aliquot oppida reci-
pit. 68

Anno 1581.

Nienova Lanovius hoſtem exigit. 68

Egmondus & Silleſius captivi: ipſe quo-
que Lanovius capitur. 68

Machlinia ab Anglis diripitur. 68

Margarita Parmenſis ad regendos iterum

Belgas adveniens remittitur. 68

Kennebergii inconstantia Bellum in Fri-
ſia exardet. 68

Frifii arces ſolo æquant. 69

Transſalani nutantes reſtituntur. 69

Groninga ad Regem deſciſcit. 69

Enteſius eam obſidere jubetur. 69

Scenkii opera ſolvitur obſidio. 69

Rennebergius a Stenovici obſidione de-
pulſus moritur; ejus ſucceſſor Verdugo. 69

Romanenſibus in Brabantia & Transſa-
lana privata quoque ſacta interdiciuntur. 69

Arauſionenſis Ordinibus novi ſenatus
auctor: ut Philippum repudient, ſuadet,
ac Franciſco Valeſio principatum defe-
rant. 70

Philippo imperium abrogatur, hoſtis vo-
catur. 71

Mathias honorifice dimittitur. 71

Hiſpanus in proſcriptum Arauſionenſem
percuſſorem invitat. 71

Hic libello ſe defendit. 71

Vtriuſque ſcripti ſumma. 71

Arauſionenſis innocentiam publice te-
ſtantur Ordines. 72

Franciſcus ad imperium vocatur: frater
ejus Galliarum rex aſtipulatur, ac ſe ſubſi-
dio futurum promittit. 72

Cameraſum obſidio liberat Franciſcus:
liberatæ urbis princeps ſalutatur. 72

Tornacum Parmenſis deditur. 72

L I B E R I V.

Franciſcus in Anglia fruſtra de matrimo-
nia agit. 73

Anno 1582.

In Belgicam reverſus imperium ſuſcipit.

Leges illi præſcriptæ. 74

Belgarum nobilium indignatio; ejus cau-
ſæ. 74

Summa plebis in Arauſionenſem ſtudia.

Ejus vita latrociniiſ Hispanicis infeſta. 75

Parmenſis interim Aldenardam capit,
Aloſtum Valeſius, Liram Parmenſis miles.

Verdugo, fruſtra tentato Lochemo; Ste-
novicum occupat. 75

Externum militem Philippus Parmenſi
remittit, 75. ejus ſumma. 76

Ordinum validæ quoque copiæ.

Valeſius fraternæ exſpectat ſubſidia: cau-
ſæ quod non mittantur; unde p̄rox Valeſio
conſilium. 76

Anno 1583.

Ejus authores. 77

Varias occupat urbes: ejus miles Brugis
ejicitur: omnium infeliçiſſime tentat Ant-
verpiam. 77

Franciſcus cum ſuis auſugit. 78

Plurimi Belgarum ejus incepto offen-
duntur. 78

Omnibus a Parmenſi Regis offertur cle-
mentia. 78

Arauſionenſis a Valeſio tamen neutiquam
deſciſcendum tenſet. 78

Quod

Quod ne fiat Galliarum quoque regi cordi.	79
Dunkercz cum Valesio agitur.	79
Biron ad reprinendum Parmensem mit- titur.	79
Multa causatus Valesius, Dunkerca in Galliam concedit; Belgarum ad regem ejus fratrem preces.	79
Valesii mors.	79
Dunkerca praesidio nudata in Parmensis venit potestatem; cujus jactura nondum dif- fensiones sanantur.	80
Arausionensis in Zelandiam abit.	80
Parmensis interim multas urbes in dedi- tionem accipit.	80
Hogius audaci mendacio Hollandiam turbans supplicio afficitur.	81
Truxii conjugium belli in Agrippinensi ditione causa: ab hostibus pulsus ad Arau- sionensem profugit.	81
A Taxi Zurfanja capitur.	81
Belgarum vires discordiis percutit.	81
Herenbergenfis Geldriae rector ad Hispa- nos cum filiis transfugit.	81
Illi succedit Nienarius.	82
A Gandavenfibus Imbisius revocatur.	82
Cimacensis Brugarum praefectus.	82
Hi duo Flandriam hosti tradere susci- piunt.	82
Parmensis occasione utitur.	83
Terra Wasia aliaque oppida illi dedun- tur.	83
Brabantii disjectis aggeribus Scaldim dif- fundunt.	83

Anno 1584.

Parmensiani intra Gandavum & Brugas castra locant.	83
Brugas Regis obsequio reddit Cimacen- fis; quas aliae urbes sequuntur.	84
In Imbisium prodicionis reum capitali supplicio animadvertunt Gandavenfes.	84
Parmensis Scaldim obsidet.	84
Antverpienses ad tutandam navigatio- nem duo excitant castella.	85
Arausionensis Delphis occiditur; morien- tis pia vox.	85
Rein privatam relinquit perturbatissi- mam: quadruplex ejus matrimonium.	85
Fumus maximo luctu celebratum.	86
Mauritius filius illi succedit.	86
Ejus a patre relicta haereditas.	86
Hohenlojus apud Hollandos & Zelandos vicariam accipit potestatem.	86

Wilhelmo Nassavio Frisia regenda con- ceditur.	86
Frisiorum discordia, a Nassavio compo- nuntur.	86
Constant Batavorum fortitudo.	87
Scaldis ceptum obsidium urget Par- menfis; Tenerimundam capit, & Vilvor- dam.	87
Gandavenfese ei dedunt.	87
Ricardoti solertia.	88
Arx Gandavi reponitur.	88
Antverpienses sociorum opem implorant. incertum apud illos imperium: vicini ami- liandi tempora praetermittunt.	88
Calamitosus Foederatorum status.	88
Ex Gallia & Anglia missi qui illos con- solarentur.	89
Dubitatum utri regno vellent accresce- re.	89
Gallia praefertur; a qua tamen propter intestinos tumultus non recipiuntur.	89

L I B E R V.

Foederati a Gallia non recepti ad Elifa- berham recurrunt.	91
Validae interim civitates desciscunt.	91
Antverpiensium intempestiva frugalitas.	92
Parmensis ad expugnandam fame Ant- verpiam diligentia; ejus opera.	92
Belgarum in istis eventendis negligen- tia.	92
Placentina arx Parmensi redditur.	92

Anno 1585.

Omnibus incassum ad liberandam Ant- verpiam tentatis post Bruxellam & Mach- liniam in Parmensis venit potestatem.	92
Parmensis a Rege anreo donatur velle- re: arcem restituit.	93
Batavi Antverpiensibus proditae socialis fidei suspecti.	93
Hohenlojus Silvanuducis feliciter ingres- sus, eam continuo deserere cogitur.	93
Noviomagum & Dosiburgum Hispanis deduntur.	93
Exules Brabantii & Flandri Hollandiam sibi sedem eligunt.	93
Delatum interea Belgarum imperium Elisabetha recusat.	93
Auxilia promittit: quinque milia pedi- tum & mille equites.	94
Foederis leges.	94
Britia, Flissinga cum Zeburgo Anglorum pra-	

prædiis in pignus dantur. 94
 Licestrius auxilii Anglicani imperator;
 illius mores & fortuna; obviis populi stu-
 diis & procerum assentatione in Batavia
 excipitur. 94

Anno 1586.

Maxima ejus in Senatu autoritas; im-
 modici illi concessi honores Regine non
 probantur: imperium in Belgas affectat. 95

Ingenia Anglorum plurimum a Belgis
 differunt. 95

Licestrii in Ordines criminationes, 95.
 assentatores eum ad spem dictaturæ horten-
 tur. Concirandæ plebi ærarii patrocini-
 um usurpat: negotiationis libertatem circum-
 scribendo plurimos offendit, ac ingens rei-
 publicæ detrimentum affert. 96

Inventum ab Ordinibus remedium. 97
 Licestrius imprudenter quoque hostiles
 agros excidio damnat: eum permiscere mi-
 litum ordines non patitur Hohenlojus. 97

Parmensis Graviam obsidet; missus Ho-
 henlojus munimenta obsidionis perumpit:
 urbs tamen ab Hemerta præfecto deditur,
 qui capite propterea plectitur. 97

Venloa sequitur. 97

Axclam Mauritius capit. 97

Scenkius Truxio militans Gravewartam
 munit. 98

Nienarius Novesium capit, quod iterum
 cum alijs oppidis innox in potestatem Parm-
 ensis recipit. 98

Berca detractus infelici eventu cum Lice-
 strio pugnat Parmensis. 98

Sidneus nobilis Anglus illo in prælio oc-
 cisus. 98

Velaviæ ac Daventriæ, Ordinibus ne-
 quicquam renitentibus, perfidi præficiun-
 tur a Licestrio Angli. 98

Magnis querelis premitur. 99

Ordines crebris conventibus pleraque ad
 suam curam trahunt; quod eos despiciatui
 habens ægre ferit Licestrius, a republica
 plebem removere studet. 99

Interpretes sacrorum sibi adjungit; per
 quos populi quoque studia sibi conciliat;
 cum Romana Ecclesia sentientes honoribus
 demovet: apud Frisios & Vltrajecti summo
 in honore esse cœpit: in Anglicano milite
 & Sonoio Westfrisiæ præfecto multum
 quoque ponit prædium. 100

Mauritius interim suam dissimulat indo-
 lem. 101

Elisabethæ gratia fretus liberæ in Fœde-
 ratos potestatis sibi spem facit Licestrius:
 ob quam causam domum abit. 101

Profectionis discordantes prætextus. 101

Novi Trajecti magistratus, & privati
 Frisii Elisabethæ iterum imperium frustra
 offerunt. 101

Belgæ de mutilo sibi relicto regimine in
 Angliam conquestum missi diu detinentur.
 101

Anno 1587.

Scotiæ regina morti traditur. 101

Daventria atque oppositum Zutania
 munimentum a perfidis Anglis Hispano
 traduntur: proditorum infelix exitus. 102

Mauritio summum armorum mandatur
 imperium. 102

Milites Ordinum nomini sacramentum
 dicunt. 102

Edictum de evectionibus temperatur. 102

Brabant & Flandri extrema consistan-
 tur penuria: incrementa contra sumunt Ba-
 tavi. 102

Cæso apud Silvanducis Altipenna Ho-
 henlojus Crepicordium occupat. 103

Licestrio nequicquam suppetias ferente,
 Parmensis Clusam expugnat: quod Ord-
 nibus imputatur. 103

Elisabetha in pacem propensa. 103

Ærarii administratio Ordinibus cordi:

103. Ordines Licestrii criminationibus re-
 spondent; hic urbes vi opprimere parat:

Lugduni detecti ejus conjurati capite ple-
 ctuntur: ipse in Angliam abit, ubi impe-
 rium in Belgas ejurare coactus intra annum
 moritur. 104

Scenkis interim Bonnam capit. 104

Ad subjungendam Angliam classis in Hi-
 spania struitur, 104. quod ostentata pace
 Hispanus dissimulat. 105

Propter interceptum a Batavis Dani le-
 gatum 700 illorum naves detinentur. 105

Cum Anglis quoque de pace agit Philip-
 pus: cujus oblatio callide ab Elisabetha
 accipitur; Batavos pacis rationes inveni-
 re simulate jubet; eam isti detrectant.
 105

Pacis desiderium præ sese ferens in Flan-
 driam mittit Elisabetha. 106

Anno 1588.

Hispanica adventans classis fraudes dirli-
 mit. 106
 Propter

I N D E X.

Propter insoluta stipendia militum apud
Foederatos turbæ. 106
Brevis inspectio quo pacto tot cladibus
perculsi Batavi se rursus contra magnitudi-
nem Hispanicam erexere. 107
Belgicæ Hispaniæ & Foederatæ limi-
tes. 107
Foederatarum provinciarum regimen. 108

Idem fere Belgicæ Hispaniæ flum. 111
Foederatorum reditus. 111
Belgicæ Hispaniæ opes longe ante-
eunt. 111
Miles Batavus 18000 pedes cum modi-
co equite. 111

I N H I S T O R I A R V M L I B R O S.

L I B E R I.

Anno 1588.

Classis ab Hispanis in Anglos festinatur :
fallaci spe elati nimia sibi promittunt. 116
Sixtus V. Angliam exponit occupanti.
Anglos ad necandam Elisabetham hortatur. 117

Classis Hispanicæ descriptio. 117
Sancti crucii & Parmensis salubre Hispa-
nis consilium non auditur. 118
Classis præfectus dux Medinifidonijs. 118
Vlyssippono ad ultrovere classis convenit. 118

Parmensis expeditionis dux 30000 homi-
num Flandriæ incubat. 118
Anglorum & Batavorum nimia securi-
tas. 118
Flandriæ portus Batavi classe obident. 119

Elisabetha Tamesis ripas milite complet:
Seimorus minorum navium præfectus, ma-
jorum Howardus & Draco. Regina ru-
moribus decipitur. 119
Hispanorum peccatum : ejus excusatio. 119

Parmensis Dunkercæ inclusus tenetur. 119

Infelicis Hispanicæ expeditionis eventus
causæ. 120
Anglorum classis Hispanos eminens la-
cessit. 120

Hispani pugnam detrectant. 120
Baldefiorum navis a Dracone capitur. 120

Cantabricarum navium prima flagrat. 120

Anglica classis Hispanicam continuis icti-
bus lacerat : pulveris tormentarii inopia
Angli laborant : illorum classes coeunt. 121
Hispani prope Calerum Parmensem ex-
pectant : ex classe mittuntur qui cum illo
consilium capiant. 121

Navibus ignem fundentibus Hispanorum
proturbatur classis. 121
Moncadii navis ab Anglis expugnatur. 121

Magna Regiæ pecuniæ diripitur summa. 121

Classis contra Gravelingam relocatur :
naves aliquot Hispanorum fluctibus abor-
bentur. 122

Lusitanicæ dux a Batavis capiuntur : ra-
ptum insignis Lugdunensi templo suspendi-
tur. 122

Multis acceptis cladibus discessus consi-
lium Hispani capiunt : ingens illorum for-
mido. 122

Anglorum encomium : vix centum illo-
rum desiderati ; Hispanorum fere quinque
millia. 123

Fugientis Hispanicæ classis miserabilis
exitus. 123

Summi in Hispania luctus. 123

Apud Anglos & Batavos gratiarum
actiones Deo decretæ. 124

Bergas ad Zomam Parmensis obidet. 124

Bergarum situs. 124

Ad occupandam Tolam præmissi a comi-
te Solmensi fugantur. 124

Hac spe dejectus Parmensis portum inter-
cludere aggreditur. 125

Eximia obfessorum virtus. Ortas in præ-
dio turbas Mauritius coram componit. 125

Parmensis in spem prodicionis adductus
decipitur. 125

Obsidio solvitur. 126

Bergæ Mauritio ab Ordinibus donatur. 126

Cimacensis Bonnam obidet : in quem
Germaniæ principibus auxilia petenti Scoti
inexpectatum redditur responsum. 126

Bonna deditur. 127

Wachtendonca capitur. 127

Scoti Batavorum naves pignora

quod

quod iniuste fieri illorum docet ad principes legatio. 127

Anno 1589.

Gertrudisbergensis praesidii seditio : ad prodicionem sollicitarum ab ea non abhorret. 127

Ordinibus impunitatem offerentibus non creditur : de vi in rebelles paranda deliberatur. 129

Mauritius copias admovet. 129

Rebelles se defendunt. 129

Villerius occiditur. 129

Winsfeldius prodicionem suadet. 129

Mauritii discedentis ad rebelles literæ cum ludibrio exceptæ. 129

Parmensis propter traditam urbem ingens gaudium. 130

Gertrudisbergæ Hensdam, Septemburgæ, aliæque oppida Parmensis annexere parat. 130

In Hensdam Mansfeldius mittitur : a quo & Bommelia frustra tentatur : Mauritius perruptis hostium castris Hensdæ subvenit. 131

Sidenburgus Helium Mansfeldio præpropere dedit. 131

Mansfeldius insulam Vorenam adortus

Hohenloji adventu ab incepto desistit. 131

Hispanicæ cohortis seditio. 131

Hispanorum in Parmensem odium, invidiae atque criminationes. 131

Hic morbum sibi consciscit. 132

Ab Hispanis venenum illi datum asserunt

Itali. 132

Obrectatorem sui nominis punit. 132

In Hispaniam misso Ricardoto se apud Regem purgat. 132

Mansfeldius ad obsidendam Bercam mittitur. 132

Varembonius ad Bercam quoque missus

Blidobecam capit. 133

Scenkus copias Bercæ infert : hostes stipendium in Frisiam ferendum cade dimittere cogit ; ad capiendum Noviomagum animum appellat. 133

Cum suis ab oppidanis depulsus amni mergitur. 134

Ejus ingenium, ac elogia. 134

Nienarius casu interit. 134

Truxius bellum dimittit. 134

Ad Bercam liberandam mittitur Falconerus, consequitur Varembonius : a Vero cæditur. 134

Victores Bercæ auxilia inferunt. 135

Berca Parmensi deditur. 135

Qui Clivæ quoque urbibus insidiat. 135

Inter praesidia interim utrimque alibi pugnarum. 135

Armari crudeliores occursum. 135

Angli Hispani bellum reposituri Antonium in Lusitaniam reducunt, irritum eventum. 136

Gallia interfecto Henrico tertio in partes venit. 136

Ejus successor Bencarni princeps : ne regno potiat Meduanum Philippus auxiliis firmat. 136

Lamota a Parmensi cum milite Galliam mittitur. 137

Angli Batavique Borbonio auxilia mittunt. 137

Qui cuncta tandem sub imperium accipit. 137

Gallicorum motuum cum Belgicis comparatio. 137

HISTOR. LIBER II.

Anno 1590.

Urbis Bredæ descriptio. 139

Navis cespites vehentis fraude Mauritius Bredam capit. 140

Res gestæ historia. 140

Parmensis Mansfeldium ad Bredam recuperandam mittit : Mercam ponte & castello claudit : Septemburgas diripit : Nordamum frustra oppugnat. 143

A Mauritio, Noviomago imminere viso, Breda abducitur. 144

Vorenam Mauritius munit : castellum exadversum Noviomago molitur. 144

Parmensis belli Gallici mandata a Rege accipit. 144

Exercitum in Galliam ducit. 145

Mansfeldio interim summa rei per Belgicam commissa. 145

Mauritius absente Parmensi varia oppida expugnat. 145

Rumor Germanos in bellum parari propter temeratos fines : Concilium indicunt. 145

Apud Parmensem anxie differentibus ferociter respondetur ; quo audacioribus postularis Foederatos aggrediuntur. 146

Ordinum responsio. 146

Agrippinensium, & Leodiorum ad Ordines

nes legatio.	147
Patrum responsio.	148
Fœderatorum expostulatio.	148
Parmensem ex Gallia reducem multa angunt.	148
Militis Parmensis seditio.	148
Parmensis Ascolitanum cum cohortibus aliquot in Galliam mittit.	149

Anno 1591.

Fœderati occasione intenti animos attollunt.	149
Venerius astu Zurfaniæ obsecus capit castellum.	149
Mauritius cum exercitu accedit.	149
Zurfaniam obsidet.	150
Falcosteinus occiditur.	150
Zurfania Mauritio deditur.	150
Ejus situs.	150
Mauritius ad expugnandam Daventriam cum exercitu descendit.	151
Ejus præfectus Hermannus Herenbergensis.	151
Urbis oppugnatio.	151
Pisiorum rogatu Princeps in Frisiam ducit exercitum.	152
Itineris magna incommoda.	153
Militis licentia.	153
Castra ad Groningam ponuntur.	153
Princeps relicta Groninga circumjectis munitionibus invadit.	153
Fœderati receptum Delphizylum ædificiis & munitionibus ornant.	153
Verdugo Groningæ aditum e Westfalia facit.	154
Parmensem ei subvenire itinerum non patitur vilitas. Cnodsenburgum obsidet.	154
Octavius Mansfeldius occiditur.	154
Junius castellum strenne defendit.	154
Mauritius obsessis suppetias fert.	154
Decem hostiles turmas cædit :	155
Qua clade accepta Parmensis oppugnationem omittit : Noviomagensium in illum indignatio, recrudescente morbo aquas Spadanas petit : seditiosos Diestæ Hispanos malo exemplo pacat.	155
Noviomagensium multi libertatem respiciunt.	155
Mauritius interim Hulstium capit : Terræ Wasæ tributa extorquet. Mondragonius vicinas Hulsto munitiones recuperat.	156
Noviomagi obsidium.	156
Urbis descriptio.	157
Mauritius captæ urbi Magistratus legit :	

summis populi gaudiis in Hollandiam redux excipitur.	158
Nulla successu utrimque urbes captæ.	159
Missa ab imperatore legatio Ordinibus suspecta ob vetera & Tarraconensium exemplum.	159
Hujus narratio.	159
Parmensis Meduanio subventurus iterum in Galliam ducit.	160
Fœderati contra Borbonio suppetias ferunt.	160
Borbonius & Parmensis vulnerari.	160
Hispani militis seditiosa licentia.	161
Groningensium apud Parmensem querelæ.	161
Mauritius Trajecti & in Zelandia factiones componit.	161
Stenovicum obsidet.	162
Oppidi situs & munimenta.	163
Obsessorum numerus & obstinatio.	162
Ludovicus Herenbergensis occumbit.	163
Verdugo subsidium obsessis mittit.	164
Pulveris pyrii descriptio.	164
Mauritius glande vulneratur.	164
Stenovicum illi deditur.	165
Victoris in victos moderatio.	165
Elisabetha militem suum revocat.	165
Covordium obsidere Fœderatis placet.	165
Ejus munitiones atque situs.	165
Orthmarfo Hispani a Principe depelluntur.	167
Famarisius occumbit.	166
Obsidii Historia.	166
Verdugo a Parmensi obsessis auxilia impetrat.	166
Exteriora obsidentium castra impetire depellitur.	167
Covordii deditio.	168
Parmensis novum in Galliam iter ingressus moritur : 168. de morte illius suspensiones.	169
Parmensis mores & elogium.	169

Anno 1593.

Gallorum aliquot castella & Noviodunum Hispani capiunt.	171
Belgarum proceres Philippus honoribus evehit.	171
Nomen præfecturæ Mansfeldio deferretur vis consilii penes Fontanum & Ibarram qui in Hispania suspecti.	173

Fos-

I N D E X.

Fontani Senatum ingressi atrox sententia.	172.
Alis frustra obnitentibus obtinet.	173.
Fœderati pari edicto eam vanam reddunt.	173.
Philippus Nassavius, Belgarum extremis tributis subactis, gravis praeda redit.	174.
Mauritius Gertrudisbergam obsidet.	174.
Ejus situs.	175.
Obsidii historia.	175.
Gertrudisberga, frustra obnitente Mansfeldio, Mauritio deditur.	178.
Proditores supplicio afficit.	178.
Mansfeldii anxietas.	178.
Crepidiorum obsessurus a Mauritio fugatur.	179.
Wilhelmus Nassavius hostem ex Frisia interim pellere annititur.	179.
Bortaniam munit.	180.
Herenbergensis Othmarum aliaque irrumpit.	180.
Bortania frustra tentata Covordium Verdugo obsidet.	180.
Multæ in castris Hispanorum calamitates.	180.
Princeps infelici eventu Brugas insidius adortus morbum contrahit.	181.
Regii militis seditio.	181.
Seditioforum regimen.	181.
Ab Herenbergensi pacantur.	182.
Classis Batava apud Flævum vehementia tempestatu destruitur.	182.

Anno 1594.

Ernestus Austriacus Belgicæ præficitur, magno cum Belgarum gaudio.	182.
Philippus illi filiam in matrimonium destinat.	183.
Borbonius Romana accepta institutione omnia feliciter in regno suo componit.	183.
Fœdus cum Fœderatis servat.	184.
Ab Ordinibus cavetur ne subditi sui pravis irabuantur opinionibus.	184.
Ordinum novi delectus; Ernesti impeditur.	184.
Ernestus Belgis contemptui.	184.
Silvadicus & Trajectum ad Mosam irritis insidiis tentantur.	185.
Delphizilium frustra irrumpere conantur Hispani.	185.
Adventu Principis Covordii obsidium solvit Verdugo.	186.
Princeps Groningam obsidet.	186.
Occurrentium populorum, & situs regio-	

nis descriptio.	186.
Groningensis obsidii relatio.	189.
Groningæ deditio.	191.
Ernestus per legatos apud Ordines de pace agit.	191.
Quam illi repudiant.	192.
Remichonius & Furius a Rege aliisque magnatibus in Principem & aliquot Belgarum proceres empti percussores.	193.
Lopes, ad Elisabetham veneno tollendam a Philippo in Angliam missus, capitis supplicio afficitur.	193.
Castellus Iesuitarum impulsu regem Gallicæ occidere conatur.	194.
Ipsa supplicio affecto, Iesuitæ in exilium mittuntur.	194.
Sectæ Iesuiticæ descriptio.	194.
Fœderatis armis ad pacem se cogere vellet præfert Cæsar.	195.
Ordines a rege Scotiæ ad principis baptismum invitantur.	195.
Illorum in regium infantem liberalitas.	195.
Elisabethæ invisa: quæ debiti ab Ordinibus portionem exigit.	196.
Cumacensis Cameracum obsidet.	196.
Galliarum rex Henovios & Atrebares hortatur proturbare Hispanam militem.	197.
Illum undique armis contra persequendum edicit Philippus.	197.
Bellum in Luxemburgum Gallo conferre placet.	197.
Philippus Nassavius Gallo in auxilium mittitur.	197.
Nova iterum regii militis seditio.	198.
Ingens & longum per Bataviam gelu.	199.
Cum seditiosis Fœderati inducias faciunt.	199.
Princeps illos machinis & equite instruit. Ernesto omnia pollicenti fidem non habent.	200.
Angli Farnambucum diripiunt.	201.
Magna ex eluvione Batavis damna.	201.

LIBER IV.

Anno 1595.

Ernestus concilium Bruxellam advocat.	203.
Arschotii generosa in consilio oratio: multo procerum assensu audita.	204.
Arschotius Regi semper fidus, Hispanis tamen infestus.	205.

Aucti Belgarum in Hispanos odii causa. 205
Taxis calliditas. 205
Ernestus Regem consulendum censet. 205
Bulionius interim omnia vastat. 205.
Herangerius astu Hojam capit. 206. Bojo-
 arus, ea ab Ordinibus frustra reperita, in
 obsequium tendit, oppidum capit, arcem op-
 pugnat; quæ deditur. 207
Henticus Bulionium cum exercitu Bur-
gundiam ingredi iubet. 208
Velasus Burgundiæ succurrit. 208
Ernestus inter hæc moritur. 208
Penes Senatum regimen, cuius præses
Fontanus: 208. hunc Belgæ invite ferunt. 209
Mansfeldius in Pannonias contra Tur-
cam missus morbo abscuritur. 209
Alscotius Venetias exulatum abit. 209
Belgæ amore pacis flagrant. 209
Haureii super ea ad Malerzum literæ:
Malerzi responsio. 209
Procerum Belgarum nomine ad Princi-
pem legati veniunt: illorum ad Principem
verba. 210
Ejus responsum. 210
Legati re infecta dimittuntur: principis
responsum varie excipitur. 211
Hostium mitiores pacem desiderant: qui-
dam inducias volunt. 212. quas & Lipsius
 suadet. 213
Hohenloji, & Solmenis nuptiæ. 213
Turbæ propter Cliviæ & Iuliaci princi-
patum. 213. Brandeburgicus & Neoburgi-
 cus competitorum: qui liberato duce ux-
 orem custodiæ mancipant. 214
Swartsenburgicus contra illos militem
conscribit. 214
Brandeburgicus Fœderatorum amicitiam
ambit. 214
Petita auxilia Ordines differunt. 214
Emdæ quoque turbatur; ejus situs. 214
Friforum orientalium mores & regi-
men. 215
Grethana domus jurisdictionem usu suam
facit: Vldricus Frisiz ab Imperatore crea-
tur comes; Groningæ principatum ten-
et: ab Austriacis trans Amasum rejici-
tur. 215
Emda magna sumit incrementa. 215
Turbatum Emdanarum relatio. 216
Comitis & dissidentium Emdanorum ad
Ordines legatio. 216
Vtrisque pax commendatur. 217

Ordines Emdanis auxilia mittunt: diffi-
dia inter illos & Comitum componunt. 217
Pacis leges. 217
Ordinum ad Comitum & Emdanos mo-
nita. 218
Fœderatorum inter se discordiæ. 218
Philippus Nassavius cum milite ad Fœ-
deratos redit. 219
Fontani circa militem cura. 219
Seditiosos obsequio reddit. 219
Ingentes eo tempore Philippi copiz. 219
Verdugo moritur: ejus elogium. 220
Fontanus Castelletum expugnat; Ha-
num obsidet. 220
Vendito Hispanis oppido præfectus Go-
mero a Fontano in vincula conjicitur. 220
Orvillerius arcem tenens a Gallis auxilia
impetrat: Galli arce potiuntur. 220
Fontani jussu Gomero jugularur. 221
Cameraci munimenta circumspiciens
Lamota occiditur: Ejus elogium. 221
Bulionius urbi auxilia adducit. 221
Villarsius cum multis nobilibus occiditur.
 221
Hispani Durlanii arcem oppugnant: ir-
rupta arce una oppidum vi capiunt. 222
Mauritius Mondragonii adventu a Grol-
le obsidio avertitur. 222
Philippus Nassavius hostium insidiis cir-
cumventus caditur. 222
Mauritii miles frustra dolo nocturno ag-
greditur Mursam. 223
Mondragonii mors: Elogium. 223
Antonius Lusitaniz regno pulsus mori-
tur. 223
Fontanus Cameracum obsidet. 224
Urbis arcisque deditio. 224
Fontanus Cameracenses Philippo ut
principi jurare cogit: frustra antiquum jus
reperente urbis antistite. 225
Heraugerius captam jam Liram militis
sui licentia iterum relinquere cogitur. 226
Burgundicum bellum Hispanicum & Gal-
lum exercet. 226
Henricus Fœderatis amissum Camera-
cum imputat. 227
Horum excusatio: Henrico auxilia mit-
tunt: quo Elisabetham offendunt. 227
Elisabethæ in Gallos invidia: 227. per le-
gatum missa auxilia Fœderatis objectat: sibi
debitorum solutionem in tempeste urget:
hostium conatibus Fœderatis æquior sit.
 228
Hibernicæ rebellio: ex occasione nar-
ratur.

ratio. 228
 Regina acius in bellum fertur. 230
 Draco cum classe in Hispanum missus, moritur. 230
 Navigationum, quibus Foederatorum res maxima incrementa sumere, relatio. 230

L I B E R V.

Anno 1596.

Albertus Auftriacus Ernesto successor mittitur. 240
 Multa imitatu digna statuit : magna argenti infecti pondera in Belgicam advehit : Philippum Arausionensem secum adducit. 241
 Ejus adventu Ibarra & Fontanus in Hispaniam revocantur. 241
 Ordines principi Arausionensi scribunt : ejus responsio. 242
 Mauritius & soror illi dona & pecuniam offerunt. 242
 Ordinum contra Iesuitarum infidias vigilantia. 242
 Albertus Caletum obsidet. 243
 Expugnata urbe in arcem se milites recipiunt. 243
 Henricus de ferenda ope frustra consilium init. 244
 Arcis expugnatio. 244
 Ardea quoque in Alberti venit potestatem. 244
 Fara se contra Henrico dedit. 244
 Mauritaniani hostile solum vastant. 245
 Albertus Hulstium oppugnare statuit. 245
 Ejus situs & munimenta, Alberto obsidium dissuadent. 245. persuadet Barlota. 246
 Exiguæ tum Foederatorum copiae. 246
 Barlota in Hulstium ducit; Batavorum indiligentia transitum habet. 246. Nocturnum cum illis vario Marte pugnat : loca edita aggresque subito occupat. 247
 Albertus & Mauritius accurrunt. 247
 Hic frustra laborat recuperare infessa. 247
 Zelandorum apud socios obtestatio. 247
 Novi Foederatorum per Angliam deletus. 247
 Obsidii Hulstensis Historia. 248
 Ronæus occiditur. 249
 Hulstium Alberto deditur. 253
 Cujus jacturam Foederati graviter ferunt. 253
 Atrox in Solmensem rumor : a Zelandis præfectura demovetur : novam ab Ordini-

bus cohortem accipit. 253
 Albertus magno planctu excipitur. 254
 Mendosa ad imperatorem missi postulant. 254
 Hispani in Clivos & Iuliacum spes faciunt. 254
 Imperatoris legatos de pace acturos Ordines non admittunt. 255
 Elisabetha interim classem in Hispanum mittit, Essexii & Howardi ductu. 255
 Batavi imperante Warmondo viginti-quatuor naves Anglis adjungunt. 256
 Ad Gades classis convenire jubetur. 256
 Urbis situs. 256
 Classis Hispanica ingens apud Gades. 256
 Hanc sine mora impellendam censiensi Essexio resistit Howardus : quo favens occasio amissa. 257
 Classis Hispanica expugnatio. 257
 Qua territus Philippus undique subsidia petit. 257
 Angli & Batavi Gades irrumpunt. 258
 Navium oppidique pactam redemptionem improbat Medinifidonius. 258
 Oppidum diripitur. 258
 Americana classis ab ipsis Hispanis exurit. 258
 Essexio retinendam victoriam monentem iterum resistit Howardus : cui neque Warmondus auditur. 259
 Incensis Gadibus victores vela faciunt. 259
 Warmondo Regina gratias agit. 259
 Opes Hispanicae magnopere afflictæ. 259
 Vectigalia sceneratoribus oppignerata contra fidem Philippus vinculo eripit : fidem rescire necesse habens reddit. 260
 Novum apud Batavos institutum vectigal a civibus non admittitur. 260
 Frisii propter tributa inter se discordes. 261
 Elisabetha cum Gallo de foedere agit. 261
 Promissa Foederatis ab Henrico auxilia non mittuntur. 261
 Multum quoque illis negotii cum Elisabetha æs suum intempestivus repetente. 262
 Foederis inter Henricum & Elisabetham leges : 263. in quas utrinque juratur : quod & Ordines faciunt. 264
 Propria inter Henricum & Ordines pacta. 264
 Foederati cohortium loco Henrico pecuniam

niam mittunt. 265
 Gallorum in Anglos suspicio. 265
 Gallos offendit Anglorum postulatio. 265
 Academix Lugduno-Batavæ descriptio:
 Donellus: Lipsius: Scaliger: Raphelengius:
 Vulcanius: Franciscus Junius: 266. Adria-
 nus Junius: Aldegon dius: Clusius: Ianus
 Dousa Academix Curator. 267
 Federatorum ad Danum legatio. 267
 Auxilia contra Hispanum non impetran-
 tur. 267
 Taxis legatus Hispanicus minus comiter
 a Dano excipitur. 267
 Bironius in Atrebares missus cæsis qua-
 tuordecim turmis Varembonium aliosque
 capit: Atrebaribus & Flandris magnam in-
 fert vastitatem: Cimacensem quoque in
 fugam agit. 268
 Germanorum militum sub Archiduce se-
 ditio. 268
 Wormis Veram proditurus capite plechi-
 tur. 268
 Federati frumentum in Hispaniam ferri
 verant. 269
 Ingens a Philippo classis mari contra An-
 gliam infelici iterum eventu immittitur. 269
 Batavi apud Neoportum duas naves exu-
 runt: negotiationis ergo ad loca dislita na-
 vigant. 269
 Navigationis tertium a Batavis versus
 Septentrionem institutæ mirabilis Historia. 269

L I B E R V I.

Anno 1597.

Mauritius quatuor millia Hispanorum
 peditum, & quinque turmas ad Turnhol-
 tum cædit. 274
 Magna Alberti propterea anxietas. 278
 Portocarrera alio militari Ambianum ca-
 pit. 279
 Albertus misso rei bene gestæ ad Philip-
 pum nuntio, urbem retinendam monet. 279
 Ambianum Henricus obsidet: Atrebarum
 urbem aliaque frustra tentat. 280
 Hispanis quoque spes irrita in Grave-
 wartam & Stenovicum. 280
 Haud feliciori eventu Venloam Mauri-
 tius adoritur. 280
 Hellus occumbit. 280
 Mauritianus eques funditur. 281
 Discordiæ inter Groninganam civitatem
 & agrorum habitatores. 281

Datis ab Ordinibus iudicibus sopiuntur. 281
 Hollandorum cum Zelandis de vestigali
 contentio. 281
 Componitur. 282
 Regis Poloniæ ad Ordines legati feroc
 & ingratus sermo. 283
 Ordinum modesta pariter ac generosa
 responsio. 283
 Mittenda ab imperatore aliisque Germa-
 niæ principibus ad Ordines legatio excusa-
 tur. 283
 Missi a Dano legati quoque de pace apud
 Ordines agunt. 283
 Dano repudiata pacis rationes accurate
 reddunt. 284
 Anna Hovia dissensionis circa Roma-
 nam religionem suspecta viva Bruxellæ sub
 terram desoditur. 285
 Federati incursum in Germanorum agros
 excusant. 286
 Regum Poloniæ & Daniæ Legatis com-
 mercia cum Hispanis negat Elisabetha. 286
 Concedunt Batavi. 286
 Expeditionis Essexii maritimæ infelix
 exitus. 287
 Gravior infelicitis iterum Padiliæ casus. 287
 Præfectura demovetur. 288
 Primæ Mollendorum naves ab India re-
 deunt: Harum de India ejusque populis re-
 lationes. 288
 Batavi piper aliaque a Venetis & Lusita-
 niis antea haberi solita ex India petunt. 289
 Portocarrera Ambianum defendens occi-
 ditur. 289
 Frustra Ambianos obsidio liberatum pro-
 ficiscitur Archidux. Henrico se dedunt. 289
 Albertus Ostendæ exitus obsepit. 289
 Transisalanis præfidiis Hispanos excu-
 re aggrediuntur Federati. 290
 Henricus Fridericus Mauritium comita-
 tur. 290
 Capta Alpa Bercam obsident. 290
 Ludovicus Nassavius globo vulneratur. 291
 Berca deditur. 292
 Agrippinensis pontifex oppidum repõcit
 Ordinum responsio. 292
 Mutilianam Federati solo æquant. 292
 Ad Neoburgicum & Brandenburgicum
 scribunt. 293
 Mursam Mauritius capit. 293
 Hetera-

Herenbergensis partem Frisiz populatur.	293
Batavorum exercitus Rhenum transit:	294
293. Grollam obsidet.	294
Grollæ deditio.	295
Brefurti obsidium & expugnatio.	295
Othmaro, Oldensalia, aliisque oppidis	298
potitur Mauritiis.	298
Lingam obsidet.	299
Linga deditur.	300
Magnis Patrum plcbisque studiis redux	300
Mauritius excipitur.	301
Clandestinas sororis Emiliz nuptias	300
ægre fert.	300
Magna Hispani militis seditio.	300
Philippus in pacem proclivis : a Gallo	301
incipit.	301
Inter Henricum & Philippum de pace	302
agitur.	302
Henricus Elisabethæ demonstrat pacem	302
sibi esse necessariam.	302
Idem misso Buzanvalio apud Ordines fa-	302
cit.	302
Qui & ipsi a Philippo tentantur.	303
Alberto filiam Philippus despondet. Dos	303
illi Burgundia cum Belgica.	303
Fœderatis omnia suspecta.	303
Belgarum Hispaniensium ad Philippi lre-	303
ras responsum.	303

LIBER VII.

Anno 1598.

Ordines commercia cum Hispanis ve-	305
rant. 305. Mauritium & Wilhelmum præ-	306
miis honestant.	306
Balena 70 pedum apud Berkheidam va-	306
dis adhaerens capitur.	307
Wouda frustra tentatur.	307
Discordiz inter Germanos & Anglos	307
origo.	307
Angli Germania, Germani Anglia exire	309
jubentur.	309
Germani Middelburgi confident.	309
Batavi alienis malis fruuntur : navigatus	309
Latinus spargunt.	310
Mucronis infelix audacia.	310
Batavorum suo in Oceano damna.	311
Trajecti propter nova tributa ortæ turbæ	312
sopuntur.	312
Philippus classem Caletum ablegat.	312
Naves Hispanicæ duæ in Batavorum po-	313
testatem veniunt.	313
Archidux militum seditionem Graviæ	

discutit.	313
Ordines legatos in Galliam & Angliam	313
mittunt.	313
Batavorum ad Elisabetham pro belli	314
continuatione oratio.	314
Essexius cum Batavis bellum probat : un-	317
probat Burgeleius.	317
Elisabetha cum temperamento respon-	317
det.	317
Primores Angli in Batavos iniquiores.	318
Cæcilius & Wilkessius in Galliam mit-	318
tuntur.	318
Gabrielis Estræa Henrici pellex pacis illi	318
autor creditur.	318
Legati Batavorum ad Henricum veniunt.	319
Oldenbarneveldius illi pacem dissuadet ;	319
at frustra.	319
Henrici erga Fœderatos liberalitas.	319
Batavorum apud Elisabetham simulatio.	320
Verbini inter Gallum & Hispanum pax	320
coit : ejus leges.	320
Legati utriusque juramentum exigunt.	320
Elisabetha Fœderatos iterum ad pacem	321
hortatur.	321
Scotiz rex Anglicanam hæreditatem sibi	321
palam addici postulat.	321
Burgeleius moribundus Elisabetham ad	322
pacem hortatur.	322
Novum inter Anglos & Batavos fœdus.	322
Causæ legesque pactorum quibus Philip-	323
pus Isabellæ imperium Belgicæ transcrip-	323
psit.	323
Varii discordesque super Belgicæ tran-	324
scriptione sermones.	324
Albertum Isabellæ suo nomine possessio-	325
nem capere jubet.	325
Albertus per literas Fœderatos ad pacem	326
hortatur.	326
Idem facit Philippus Arausionensis, alii-	327
que.	327
Fœderati magis indurescunt.	327
Petri Danni missi in Mauritium percul-	327
foris supplicium.	327
Militis Hispani seditio.	328
Albertus ad Mosam convenire exercitum	329
imperante Mendosa jubet: Ecclesiasticis di-	329
gnitatibus se abdicat.	329
Fanuim Hallense.	329
Albertus in Hispaniam proficiscens An-	

dream Austriacum in Belgica Praefectum
relinquit. 330
Albertus de morte Philippi fit certior :
ejus relatio. 330
Philippi ingenium , & de eo hominum
judicia. 331
Margareta Philippo tertio per Italiam
comitante Alberto uxor ducitur. 332
Nuptiali foedere Clemens Ferrariae Phi-
lippum Margaretae , Albertum Isabellae so-
lemniter connectit. 333
Comitis Edardi novae in Frisia Orienta-
li turbae. 333. successuarent. 334
Frisiorum praefectus Frisii Orientalibus
contra Comitem subsidium mittit. 334
Comitis querelae. 335
Dissidia Aquarumgrani longius protracta
in damnum Reformatorum exeunt. 335
Mendosa in Clivios & Iuliacenses exer-
citus ducit. 337
Maximae tunc Regis copiae. 337
Fridericus Herenbergensis , secundus a
Mendosa exercitus dux. 337
Barlota Batavorum naves Bercam fugat.
337
Nationum , Rhenum proxime Batavos
obsidendum , descriptio. 337
Mendosa Orsaeum & Mulsenum muniri
jubeat : Magnum terrorem Foederatis infert.
341
Princeps obviam it. 341
In gratiam amicae , Herenbergam aliasque
loca demptis munimentis paci tradit. 342
Cum exercitu Geldricam insulam occu-
pat. 342
Copiae Principis multo hostilibus mino-
res. 342
Novo copiarum adventu Hispani accre-
scent ; agros diripiunt ; in se invicem & in
duces arma vertunt : ipsi quoque duces dis-
sident. 343
Sibyllae Cliviae hortatu undique in Hi-
spanum auxilia concitantur. 344
Germaniae in decem pagos divisio. 344
Mauritio gratiae aguntur , quod minimo
finitimorum damno bellum gereret. 345
Foederati Germanos in Hispanos inci-
tant. 345
Magna Hispani militis fames , & crebra
diffugia. 346
Bercam Mendosa obsidet. 346
Bercae pestilentia exoritur. 347
Tres centurias tuendae insulae Princeps
mittit : unde ab hostibus depulsa Bercam

ingrediuntur. 347
Mendosa aliquot Cliviae oppida praefidis
occupat. 348
Hispani impetum in propugnaculum fa-
cientes a defensoribus fortiter repelluntur.
348
Bercae deditio. 349
Comes Falcosteinus contra fidem datam
trucidatur. 349
Vesalientes praebito Mendosae frumento
stipendioque Romanos ritus admittere co-
guntur. 350
Mendosa trans Rhenum ducit : Resae &
Emmerico praefidia imponit : Isaliburgum
civium caede irrumpit. 351
Mauritiani Rheni aggerem incidere ag-
gressi ab Hispanis fugantur. 352
Sevenariam aliasque Mauritius occupat.
352
Mauritius hosti aditum in Westfaliam
obstructurus apud Dosisburgum castra me-
tatur. 353
Mendosa Doticomum expugnat. 353
Hispani fame ac morbis magnopere im-
minuti in Germania hyemandi consilium
capiunt. 353
Sculenburgum abeuntes capiunt. 354
Mauritius Arnhemum belli paratus in
annum sequentem contrahit. 354
Emmericum hostili praefidio liberatum
cum Sevenaria sibi permittitur. 354
Clara per Belgicam funera : Comitis
Culemburgici , 354. Philippi Aldegondii,
Elberti Leonini. 355
Hispani magnis flagitiis Germaniam
exercent. 355

L I B E R V I I I .

Anno 1599.

Mendosa Calcarem & Gogam irrumpit
358
Vesalientes frustra dehortantibus Foede-
ratis jussu Mendosae Romanae sacra resti-
tuunt. 359
Digresso Hispanorum exercitus mores &
libertatem recipiunt. 359
Mendosa coeuntes in se Rheni accolae
distrahere studet. 359
Hispanorum apud illos defensio. 360
Foederati sparsis defensionibus se Ger-
manis purgant. 361
Belli in Hispanos consilia tarde apud
Germanos procedunt. 362
Pala-

Palatinus, Hefius, Brunovix maturandæ expeditionis authores : Hefius & Brunovix de summo belli imperio contendunt.

cam irrumpunt : 369. Resam tendunt irrito eventu. 370

Westfalici pagi præses dux belli renuntiat. 362

Wilhelmus Nassavius Doticomum in potestatem redigit. 370

Mauritianus miles necatos socios cade & rapinis pensat. 363

Resæ obsidium turpiter Germani deserunt. 371

Emmericum iterum Hispanis deditur. 363

Mauritius Andreano castello munimenta opponit. 371

Ludovicus Nassavius Buquoium caput, aliaque haud magni momenti Fœderatis prospere cedunt. 363

Commercia Hispaniæ Blandrizque Fœderatis interdiciuntur. 372

Exercitus regius utraque Rheni ripa descendit. 363

Fœderati contra vetant ne quis ullas merces ad hostes ferat. 372

Gravewartæ expugnationi insulæ Bommelæ Andreæ præfertur irruptio. 364

Paratam animosè classem duce Petro Doussa mari immittunt. 373

Mauritii inquietudo : ejus causæ. 364

Classis Hispanica ad Corunnam prælium detrectat. 373

Cœptis hostilibus obviam iturus iterum cum exercitu Geldrica insula sedet : Gravewartam munit. 364

Fœderatorum classis insulas Fortunatas aggreditur : illarum descriptio. 373

Machinarum ictibus hostium plurimi discerpuntur. 364

Canariæ arcem Batava classis subit. 374

Mauritius monitus ut Bommelæ caveret, tutius judicat manere ubi erat. 364

Exscensum Batavorum frustra impedire conatur insulani. 374

Mosivahaliæ situs. 365

Doussa vulneratur. 374

Urbis insulæque Bommelæ descriptio. 365

Arx deditur. 374

Vahalis Mosæque varii excursus. 365

Pars Batavorum insidiis Barbarorum opprimitur : incenso oppido arcibusque discunt. 375

Barlota & Stanleius in Bommeliensem insulam penetrant. 366

Parte navium domum remissa Doussa cum cæteris Brasiliam petit. 375

Princeps Bommelam ingressus civibus animos restituit. 366

Insulæ Thomæ, rescindendis Doussæ copiis delectæ, descriptio. 375

Egregia eo tempore tuendi urbes contra obfessores inventa ratio. 366

Pavoasâ oppidum ejusque arx Doussæ deduntur. 376

Crepicordium Hispani in potestatem accipiunt. 366

Insulani oppidum incendunt. 376

Batavi contra validos hostium conatus opes viresque intendunt. 367

Pestilenti morbo Batavi corripiuntur. 376

Ducentefima ex censu colligendi difficultas. 367

Doussa moritur. 376

Lanovius frustra intercedente Philippo Fœderatis in Gallia militem conscribit. 367

Abeuntes Batavos loci virus persequitur : hi rediunt properant : plurimis extinctis domum veniunt. 377

Mauritii prudentia. 367

Philippi classis vi ventorum cum damno Tercera depellitur. 377

Ernestus in Tilanum agrum Mendosæ transitum prohibet. 368

Fridericus Spinola sex naves longas Philippo in Belgicam adducit : 378

Mauritius Vorenæ in cassum obnitente Sæpena castello munit. 368

Quæ Clusiam se recipiunt : longe terrorem spargunt : Fœderatorum naves bellicas adortæ perfodiuntur. 378

Castellum Andreanum molitur Hispanus. 369

Albertus sacrato ense a Pontifice auctus cum Isabella in Belgicam redit : 378. omnia confusa invenit. 379

Worchemum Barlota frustra tentat. 369

Belgæ Archiducum moribus & habitu offenduntur. 379

Comite Lippio duce Germani in Hispanum exercitum ducunt : Castellum ad Ber-

In nomen ducum & comitum solenniter accipiuntur. 379

Fœderatorum res arctæ. 379

Effexius, re in Hibernia infelicitèr admistrata, injussus in Angliam rediens custodiæ traditur. 380

Angliæ pace opus esse Elisabetha Fœderatis significat. 380

Pacis ab imperatore missos suos non admittunt. 380

Hollandos capitationem ex censu duplicantes socii tarde sequuntur. 380

Germani principes auxilia offerunt. 381

Sueciæ regi, societatem Ordinum ammententi, offertur amicitia. 381

LIBER IX.

Anno 1600.

Vtriusque Belgicæ status. 382
Ludovicus Nassavius Wachtendonckam irrumpit. 383

Pugna inter Breantzum & Grobbendonkianos : Breantzum a suis derelictus fœde trucidatur. 383

Mauritius Crepicordium expugnat, equites hostium quingentos cædit. 384

Andreanum obsidet. 384

Obsessi acceptis cxxv florenorum milibus arcem dedunt, & in Fœderatorum partes transgrediuntur. 385

Groningæ civitatis rebellis pertinacia jussu Fœderatorum a Wilhelmo in ordinem redigitur. 385

Turbas super tributo inter Frisios ortas idem componit. 386

Bononiæ inter Anglam & Archiducem de pace acturi utriusque legati re infecta discedunt. 386

Legati a Cæsare loca & damna Germanici soli ab Ordinibus reddi petunt : horum responsio. 387

Fœderatorum ad Ordines Alberto parentes litteræ. 387

Expeditionis Flandricæ relatio. 387

Albertus intellectu Principis in Flandriam adventu copias undique contrahit. 390

Isabella seditiosos milites ne se deserant precibus ac promissis obtestatur. 390

Adventus Archiducis Mauritianos terrore percellit. 390

Snækerkæ præsidium ab Hispanis trucidatur. 390

Magnum exercitus Batavorum describitur. 390

Ernestus, ad hosti iter præcludendum

missus, octingentis amissis fugere cogitur. 391

Mauritiani exercitus ordinatio. 391. fol. vere naves Princeps jubet. 392

Hostilis exercitus instructio. 392

Duces Hispani militem ad pugnam hortantur. 393. idem faciunt Fœderati. 394

Principis ad Henricum fratrem & ceteros hortamenta. 394

Proelii initium. 395

Albertus acie excedit. 395

Mauritius victoria potitur. 395

Cæsum numerus. 399

Mendosa captivus : Sapena ex vulnere occidit. 399

Legatorum Ordinum durante prælio sollicitudo. 399

Anlici inter Procures, Principem, ac plebem odia ferunt. 399

Princeps ad Neoporti obsidium reversus abducit exercitum : frustra quoque Isabellæ castellum tentat. 400

Barlota occiditur. 400

Mauritius Ostenda vela facit. 400

Albertus parentium sibi Belgarum conventum agit : ejus ad imperandas pectinas verba. Ordinum responsio. 401

Legati Archiducis Bergis ad Zornam cum Fœderatis de pace agunt. 401

Fœderati pacem, nisi Hispano omni abrogata autoritate, ejectionisque externis militibus, fieri posse negant. 402

Ordines Belgici, desperata cum Fœderatis pace, nova vectigalia reperiunt : Regis literis offenduntur. 402

Dunkerkani in Fœderatorum piscatores læviunt : capti poenas dant. 402

Navis longa Dordrechtæ firmitur. 403

Batavi sub ipsis Antverpiæ moenibus hostium naves rapiunt. 403

Bellum inter Gallum & Angliam : cito in pacem definit. 403

Henricus, repudiata Margarita Valens, Mariam Medicæam ducit conjugem. 404

LIBER X.

Anno 1601.

Cloetius arcem Cracoviam expugnat. 405

Hispani pariter ac Batavi vicinis pecuniam extorquent. 405

In Dunkerkanos Fœderati animadvertunt. 406

Flissingæ frustra insidix struuntur. 406

Mili-

Militis Alberti seditio.	406
Fœderati Flandricam expeditionem iterum agitant.	406
Mauritius Bercam obsidet.	407
Berca deditur : & Murfa.	408
Ostendæ descriptio.	408
Albertus Ostendam obsidet.	410
Verius oppido præficitur.	410
Obsidii hystoria.	410
Fœderati interim Sylvamducis frustra obsident.	412
Essexii miserabilis in Anglia exitus.	414
Hispanus Aquila incassum Hibernis rebellantibus auxilium fert.	415
Oliverii Nortii navigatio.	415

L I B E R X L

Anno 1602.

Obsidii Ostendani continuatio.	417
Verio Dorpius succedit.	419
Mendosæ libertate redimuntur omnes e Fœderatis captivi.	420
Magnus Fœderatis scribitur exercitus.	420
Mauritius in hostem ducit.	421
Mendosa & Spinola ei obviam eunt.	421
Oblatum prædium Hispani detrectant.	421
Mauritius Graviam obsidet.	422
Mendosa infra Graviam & Mauritium castra metatur.	422
Gravia deditur.	423
Hispani militis seditio.	423
Alberti in seditiones edictum spernitur.	424
Mendosa in Hispaniam abit.	424
Batavi octo turmas hostiles circumveniunt.	424
Spinolæ naves ab Anglis Batavisque comburantur.	425
Commercium Batavorum per Indiam crescent.	426
Ad illa impedienda cum classe mittitur Hurtado.	426
Quam Batavi captis duabus navibus fugant.	426
Lusitani Achemi regem in Batavorum necem impellunt.	427
Rex Achemi legatos ad Batavos mittit : legatorum principes in Zelandia moritur.	427
Rex Ternatæ aliique Indi in Fœderatorum partes transeunt.	427

Batavi Lusitanorum Caraccam capiunt.	428
Societatis Indiæ Orientalis apud Fœderatos initium.	429
Bironii perduellionis rei supplicium.	429
Novi in Frisia Orientali motus.	429

L I B E R X I I.

Anno 1603.

Elisabetha moritur.	431
Diversi de Elisabetha hominum sermones.	431
Iacobus Scotiæ rex Angliæ possessionem init.	433
Fœderatorum legati illi gratulantur.	433
Iacobus in pacem proclivis.	434
Tiromo veniam dat. Punitanorum, ac Romanensium preces rejicit.	435
Romanenses irritato conatu regii sanguinis virginem in regnum evehere student.	436
Fœderati Transasianorum lites componunt.	436
Legati imperatoris apud Ordines querelæ.	437
Horum modesta responsio.	437
Hispanus Wachtendoncam capit amittitque.	437
Quinque cohortes Mauritanorum Grobbendoncus fugat.	438
Fridericus Spinola navali prælio a Fœderatis ceditur.	438
Fridericus Herenbergensis Hochstratam in seditiones mittitur : Mauritius ipsis succurrit.	439
Herenbergensis prælium detrectans Herentaliam recedit.	440
Mauritius Sylvamducis iterum tentat.	440
Herenbergensis urbi succurrit.	440
Mauritius bis mille hostes cedit.	441
Archiducis in captivos sævitiam pari modo vindicat.	441
A Mauritio structum munimentum frustra aggreditur Albertus.	442
Seditionis Gravia hospitium tribuitur.	442
Obsidium circa Ostendam interim fertur.	443
Dorpio præfecto Notius succedit.	443
Ambrosio Spinolæ summum jus in castra ad Ostendam traditur : ejus in promovendo obsidio diligentia.	443
Obsessorum virtus.	443

Aper-

Apertum in Hispania Foederatis iterum
commercium vestigialia corrumpunt. 445
Simulata clementia Archiduci haud felici-
ter cedit. 445
Foederati in Orientem & Occidentem
classes mittunt. 445

LIBER XIII.

Anno 1604.

Bassiniacus, iussu Alberti cum Ordinibus
de pace acturus, non admittitur. 446
Imperatoris de pace ad Ordines literarum :
Ordinum responsio. 446
Seditiosorum in Germanos insolentia. 447
Princeps in Flandriam exercitum trans-
vehit : ejus error. 447
Mauritius aliquot castella occupat : Ar-
denburgum munit. 448
Foederati Clusam obsident. 448
Velasco in Mauritiū egressus funditur. 449
Albertus seditiosos sibi reconciliat. 450
Spinola Clusae frustra subvenit. 450
Mauritius Clusae potitur. 451
Marketta interim Ostendam defendit. 451
Ostenda Spinolae deditur. 452
Philippus & Albertus legatos in An-
gliam mittunt. 452
Pax inter Philippum & Angliae regem :
ejus leges. 453
Iacobo Britannos Scalde Antverpiam
subvehi non permittunt Foederati. 454
Iesuitae in Galliam reducuntur. 454
Interaquil filiae res novas in Gallia moli-
tae ab Henrico ignoscitur. 454
Mansfeldius moritur. 455
Ludovicus Nassavius occumbit. 455

LIBER XIV.

Anno 1605.

Varii de pace inter Archiduces & Foede-
ratos sermones. 456
Imperatoris legato pacem urgenti gene-
rose respondent Foederati. 457
Bellum interim utrinque properatur. 458
Spinola auro vellere donatur. 459
Foederati irrito eventu Antverpiae ob-
sidium aggrediuntur. 459
Mauritius Woudam capit. 460
Mauritium in Flandria locantem castra

assequitur Spinola. 460
Foederatorum castra desolantur. 461
Militum ex Hispania mari adventan-
tium partem alteram Foederati capiunt
merguntque. 461
Dobernienses in Batavos iniquiores. 461
Spinolae ad finem celerius bello impo-
nendum consilium. 462
Buquoius ad Caesariswartam castella po-
nit. 463
Henricus Arausionensis in Buquoium
cum Ernesto missus Bercam munit. 463
Spinola Buquoii copias petit. 463. in
Lingam ducit : 464. Oldensalum in pote-
statem accipit : Lingam obsidet. 465. quae
deditur. 466
Mauritius sero in solvendum obsidium
accingitur. 466
Cobbius praefectus festinae deditionis reus
in carcerem compingitur. 466
Spinola novis operibus Lingam munit. 466
Mauritius laborantia loca praefidiis mu-
nit. 467
Archidux Torricurtio & Terralia recto-
ribus, irrito eventu bis Bergas ad Zomam
tentat. 467
Frustra quoque Grobbendoncus Gra-
viam aggreditur. 468
Spinola utraque Rhemi ripa castellum
locat. 468
Auxiliis auctus Buquoium in Wachten-
doncae obsidium mittit. 468
Spinolae castra adorti Mauritanii pavore
proprio impediuntur, quominus ingenti
potiantur victoria. 469
Omarvilla occiditur : cadit & Trivul-
tius. 470
Buquoio Wachtendoncae deditur. 471
Geldram irrito eventu Princeps tentat. 471
Cracoviam Buquoius capit. 471
Herenbergensis Clusae imminens struit
castellum. 471
Grobbendonci turma caeditur. 471
Navium Dunkercanarum praecipua a
Foederatis expugnatur. 471
Wartius dolo regis Candiae in India tru-
cidatur. 472
Philippus vetat nequis externus ad In-
dos naviget. 472
Matelinius cum duodecim navibus In-
diam petit. 472
Reformatorum in urbe Aquarumgrani
per-

persecutio. 472
 Hispanus per legatum Henrico in Gallia
 dolos struit: Henrici in legatum indigna-
 tio. 473
 Anglicanæ conjurationis relatio. 474

L I B E R X V.

Anno 1606.

Spinola a Philippo ægre militibus suis
 stipendia obtinet. 476
 Fœderati contenti fines tueri 477
 Ortum inter Henricum & Bulonium
 bellum sopitur. 477
 Turbæ inter Brunovicenses & illorum
 ducem componuntur. 478
 Iacobus novum a suis sacramentum exi-
 git. 472
 Magnæ inter Pontificem & Venetos tur-
 bx. 479
 Veneti Iesuitas ejiciunt. 479
 Batavi classem in Hispanum mittunt,
 imperante Hautanio: 480
 Qui domum prædæ hanc egenus re-
 dit. 480
 Captum a Terraliæ Brefurtum Henricus
 princeps iterum ad deditionem cogit. 480
 Successu haud feliciori Clusa Terraliæ
 gentatur. 482
 Buquoius cum exercitu in agrum Bata-
 vum transire jubetur. 483
 Ipse Spinola Frisiæ Velaviæque intentus.
 483

Mauritius præcipua urbium contra Spi-
 nolam munit. 483
 Huic se dedit Lochemum. 484
 Iustinianus militem Vahali tradere a
 Dubosio prohibetur. 484
 Mauritius contra imminensem hostem
 ingentia spatia munimentis obducit. 484
 Spinola tentato frustra Swollæ obsidio
 sibi Grollam, Buquoio Noviomagum ex-
 pugnamdam injungit: capta Grolla Bercam
 obsidet. 485

Princeps Henricus auxilia oppido infert.
 486

Subsistunt alique Gallorum nobiles juve-
 nes se sua sponte oppido claudunt. 486

Mauritius Bercæ damno annum extra-
 here statuit. 487

Berca deditur. 487

Venloa frustra Henrico Principi tentata.

488

Spinolani militis seditio: dantur illi a

Iustino Nassavio alimenta; sitque suppetia-
 rum spes. 488

Lochemum Ernestus Nassavius subigit.
 489

Adventu Spinolæ Princeps Grollæ obfi-
 dium omittit. 489

Hautanij infelix maritima expeditio. 490

Reineri Nicolai acre facinus. 490

Paupertas Hispanica Americanis navibus
 sublevarur. 491

Res Fœderatorum per Indiam Orienta-
 lem feliciores. 491

Rerum in India a Batavis gestarum al-
 tius repetita descriptio. 492

Hohenlojus & Iohannes Nassavius ob-
 eunt. 496

Lipsius moritur. 496

Borbonia nubit Philippo Arausionensi.
 496

Rerum interim per Europam gestarum
 relatio. 496

Lusitanorum ad Philippum pro pace cum
 Batavis faciendi preces. 500. eam quoque
 Spinola suadet. 501

Multi Fœderatorum pacem suspectam
 habent. 501

Wittenhorstius jussu Archiducum de pace
 acturus Hagam advenit: illi comes accedit
 Gevardus. 501

Fœderati nullis ab Archiducibus acceptis
 literis rem differunt. 502

L I B E R X V I.

Anno 1607.

Arcem Groningæ impositam Ordines
 diruunt. 504

Hispanus Bommeliensis insulæ muni-
 mentum irrumpit; comitem Brukiū in-
 diis circumventum occidit. 504

Henricus Nassavius Erkeleno impetu ra-
 pto Henricum Herenbergensem capit. 504

Frederici Herenbergensis in Ardenbur-
 gum irrita spes. 504

Angli Batavique naves in Indiam mit-
 tunt. 504

Angli de occupanda Virginia consilia
 agitant. 505

Societatis Indiæ Occidentalis apud Fœ-
 deratos initium, & leges. 506

Libellis pro instituta societate apud Fœ-
 deratos differitur. 506

Alii illam oppugnant. 507

Societati mora injicitur. 508

Initium

Initium colloquiorum de pace apud Fœderatos invenire arduum. 509
 Princeps persuasum Oldenbarneveldii illa admittit. 509
 Legatis Archiducum in conventu Fœderatorum pacem urgentibus respondetur. 509
 Franciscus Naia Wittenhorstio ad promovendam pacem sufficitur. Edoctus a Principe paci obstantes difficultates literas ab Archiducibus Ordinibus avertit. 510
 Earum sententia. 510
 Fœderatorum responsa & postulata: illis plene satisfactum ipsi promittit Naia. 511
 Ordinum super hac re ad singulas nationes literæ: suppliciorum indicunt diem. 511
 Verducius signatas ab illis tabulas Antverpiam ferens aureo donatur torque. 511
 Albertus omnia in Fœderatos hostilia vetat, captos libertate donat. 511
 Verducius cum Naia Hagam redit. 511
 Fœderatorum nonnulli a pace sunt alieni. 512
 Gloriosæ Hemsckerkii in Hispanos maritimæ expeditionis relatio. 512
 Naia interim Hagæ pacem urgens classem ex Hispania revocari petit: de quo inter Fœderatos dubitatur. 517
 Henrici ad illos Legati: quorum princeps Ianinus. 517
 Prolaris Regis sui nomine querelis, ejus tamen operam Fœderatis offerunt. 518
 Qui alios quoque reges ac principes in consilium adhibent. 518
 Naia Arsenium donis sibi conciliare conatur. 518
 Hic rem Ordinibus pandit. 519
 Berkius & Malerzus Ordinum ad Jacobum Legati. 519
 Ejus nomine Spenferus & Winwodus ad Ordines veniunt. 520
 Adveniente Verreikio artes Hispanicæ apparent. 520
 Multi Fœderatorum se ab Hispano illud indignantur. 520
 Allatæ ex Hispania chartæ Ordinibus displicent. 521
 Oldenbarneveldii in Verreikium exprobratio. 521
 Naia & Verreikius aliud scriptum proferrunt. 521
 Quod ut Ordines accipiant, omni ope nituntur. 522
 Diversa inter Fœderatos studia exar-

descunt. 522
 Allatum scriptum illorum expectationi nondum respondet. 523
 Se rem totam ad nationum concilium delaturos Legatis significant. 523
 Fœderatorum nonnullis periculosum videtur hostis legatos Hagæ ad colloquium admittere. 523
 Nihil cum hoste fieri volunt, nisi clavis verbis stabilita libertate. 523
 Mauritius Zelandique omni colloquio abstinendum suadent, nisi libertatem sciencia verba prius obtineantur. 524
 Fœderati longiorem armorum vacationem Archiducibus offerunt. 524
 Solosque Belgas legatos volunt. 524
 A quo Archiduces plane sunt averfi. 524
 Aliquem extra indigenas legationi adhiberi Batavi permittunt. 524
 Dani aliorumque principum ad Fœderatos legati. 525
 Imperatoris ad illos literæ. 525
 Ordinum responsio. 525
 Solam Geldriam ac Trajectum impetii esse feudum probatur. 526
 Alberti equites stipendio onustos deprehendunt Batavi. 527
 Albertus Fœderatique partem externi militis dimittunt. 528
 Ivaræ consilio Dieftani seditiosi contra fidem fines Archiducum excedere jubentur. 528
 Bamestram lacum privati aliquot Batavi siccant. 528
 Warvix duabus navibus ex India rediit. 529
 Verhoeven tredecim alias reducit. 529
 Ortus inter Emdam ejusque principem turbas Ordines componunt. 529
 Sueonum regis ad illos legatio. 529
 Brevis rerum alibi per Europam iterum gestarum relatio. 529

L I B E R X V I I.

Anno 1608.

Legatorum ab hostibus adventum aspectum frigus retardat. 531
 Fœderati cum favente sibi Gallo novum foedus faciunt. 532
 Quominus simile cum Anglis fiat, panaria obstat negotiatio. 532
 Germanorum ab Ordinibus postulata. 532
 Lega-

Legatorum hostium adventus.	532	gus sparguntur.	542
Mauritius illis obviam procedit.	532	Causæ quibus Fœderati ad inducias propendebant.	542
In senatu quorsum sint missi aperitur.	533	Illibatam libertatem petentibus Hispanicis aliam conditionem ferunt.	542
Delecti qui seorsim cum illis agant.	533	Ordines in decreto persistunt.	543
Batavis a difficillimis incipere volentibus Hispanici moras nectunt.	533	Magnæ inter illos contentiones.	543
Inducias hi, illi pacem volunt.	534	Mauritii de non faciendis induciis ad urbes Hollandiæ literæ.	543
In Fœderatarum Provinciarum libertatem consentiunt Hispanici.	534	Dissentiens literarum interpretatio.	544
Hispanicorum facilitas suspecta.	534	Lipsii de induciis prodeunt literæ.	544
Postulant ut Indiæ aliisque navigatibus abstineant Batavi.	534	Hispanicorum Ordinibus valedicentium in Ordines exprobratio.	544
Libelli contra differitur.	535	Oldenbarneveldii Ordinum nomine responsio.	545
Fœderati India decedere nolunt.	536	Relicta a Ricardoto arcana mandata in vulgus emittuntur.	545
Delata Hispanicis optio rejicitur.	536	Regum legati induciarum fœdus concipiunt.	546
Ordines colloquii exitum festinant.	537	Ianini pro induciis in Fœderatorum concilio oratio.	546
Hispanici obscure summa rerum capita proponunt, Ordines sua aperte.	537	Inducias & Winwodus suadet.	548
De Europæ commerciis difficultas.	537	Magnis animis res inter Fœderatos agitur.	548
Ricardoti obtestatio.	537	Oldenbarneveldius, invidiæ præcipue obnoxius, muneri suo renunciat.	548
Ordinum de India oblatas condiciones repudiant Hispanici.	538	Prinorum rogatu ad illud reversus omnem Hollandiam aliasque quinque nationes unius facit sententiæ.	548
Super interno commercii dissidia.	538	Soli, instigante Mauritio, Zelandi inducias abnuunt.	548
De hisce cum Rege acturus in Hispaniam proficiscitur Naia.	538	In Zelandos Trajectinum Fœdus cantes invehitur Ianinus.	549
Ordines interim cum Anglis fœdus faciunt.	538	Idem Spenserus facit.	549
Fœderati ab hostium legatis sua expediri petunt.	538	Rumor Hispano displicere inducias.	550
Iniqua Hispanicorum postulata.	538	Super quo rogati Archiduces Inicum in Hispaniam ablegant.	550
Ius dicendæ in consilio sententiæ Brabantii Fœderati frustra repetunt.	538	Qui inducias omni ope urgenti pondus addit Lermæ dux.	550
Super bonorum restitutione nova dissidia.	539	Philippus Arafusionensis princeps in Bataviam venit.	550
de aliis quoque minoribus capitibus non conveniunt.	539	Emanueli Lusitano domum Nassaviam reconciliat.	551
Batavorum petitio Hispanicos offendit.	540	Adolphus Nassavius caditur.	551
Ianinus in inducias proclivis.	540	Super aliquot religionis capitibus inter Gomarum & Arminium dissidia.	551
Artes pacem volentium frustra vitare studet Princeps.	540	Arminii sententiæ antiquis Christianorum consentanea.	551
Philippi ad Gallum & Britannum legati.	540	Primus Augustinus aliter docere coepit.	551
Legatio Batavis suspecta.	540	Per Occidentem multos traxit in consensum.	552
Sparsi rumores Ordinum curas onerant.	540	Inter monachorum familias super hac re controversiæ.	552
Hispanici India abstinere, ac Romanensibus a Fœderatis publica sacra restitui postulant.	541		
Fœderati colloquium finiendum esse decernunt.	541		
Galliæ & Britannię legati illos ad inducias hortantur.	541		
Libelli sine autore contra inducias in vul-			

Lutheri,

I N D E X.

Lutheri, Melanchthonis, Erasmi opinio-
nes. 552
Calvinus Lutheri sententiam novis præsi-
diis fulcit. 552
Beza aliique sententia Calvinii rigorem
augent. 552
Quorum discipuli Ecclesiis inter Fœde-
ratos præfecti dissidentes non tolerant. 552
Vnde diffidia & crebri ad Ordines que-
stus. 552
Colloquii Ordinum jussu inter Goma-
rum & Arminium instituti acta silentio pre-
mi jubentur. 553
Nova controversiarum materia. 553
Matelius re bene gesta in patriam ex
Oriente redux. 553

Indicana societas hostilibus quoque pe-
cuniis juvatur. 560
Rerum alibi gestarum brevis historia. 560

LIBER XVIII.

Anno 1609.

Zelandi cæterarum provinciarum con-
sensui cedunt. 562
Anxverpra novo colloquio legitur locus. 562
Acriter utrimque disceptatur. 563
Restantia quoque conficiuntur. 565
Archiducum & Ordinum jussu fœdus
publice recitatur. 567

F I N I S.







